





423230.  
E  
39.







# CONCURSUS DEI PRÆVIUS ET EFFICAX

Necessariò cohærens cum libero arbitrio humano  
à necessitate libero , ex Sacra Scriptura ,  
Conciliis, & SS. Patribus depromptus.

## VERA ETIAM CHRISTI GRATIA

Illuminans , vocans , & efficaciter adjuvans Infideles, Excoecatos,  
& Obduratos, juxta mirabilem SS. AUGUSTINI, & THOMÆ  
doctrinam propriis momentis stabilita, atque à Jan-  
senii, & Quesnellii erroribus vindicata.

## DISPUTATIONES THEOLOGICÆ

*Infallibilem Summi Pontificis in rebus Fidei defendendis auctorita-  
tem; nullitatem appellantis ad futurum Generale Concilium;  
vera Thomistarum principia, germana aliorum Theo-  
logorum placita, fideliter, & dilucidè exhibentes.*

OLIM

Separatim editæ, & reflectivè SS. D. N. CLEMENTI XII. feliciter regnanti,  
ac BENEDICTO XIII. Ord. Præd. ejusdem Decellori dicatæ.

NUNC

*In unum opus adunatæ, novo ordine dispositæ, auctæ, perpolitæ: atque  
à Caducei Theologici Martini Ortiz S. Theol. Licentiatæ,  
aliorumque novissimis objectionibus expeditæ.*

AUCTORE

R. P. FR. CAJETANO BENITEZ DE LUGO

Provinciae Hispaniæ S. T. M. Rm̃i P. Fr. THOMÆ RIPOLL Ordinis Præ-  
dicatorum Generalis Magistri Hispaniæ Socio, Sacrae Rituum  
Congregationis Consultore; Sanctæ Romanæ supremæ  
& universalis Inquisitionis Qualificatore.



TOMUS IV.

\*\*

ROMÆ, ex Typographia Rochi Bernabò, MDCCXXVII.

SUPERIORUM PERMISSU,





# INDEX

## DISPUTATIONUM,

### ET DUBIORUM,

Quæ in hoc Quarto Tomo continentur.

#### DISPUTATIO XI.

*De efficacia intrinseca Gratia.* Pag. 1

**DUBIUM I.** *An gratia efficax infallibilis sit ex vi suæ entitatis, vel ex auxilii Divini attemperatione, quæ subest Scientiæ Mediæ?* 5

§. I. *Exponuntur sententiæ, nostræque promovetur assertio.* ibid.

§. II. *Alterum ex natura efficacis gratiæ expenditur fundamentum.* 9

§. III. *Solvuntur argumenta ab auctoritate petita.* 17

§. IV. *Solvuntur argumenta à ratione.* 32

§. V. *Examinatur quædam Ortizii cogitatio, quæ ad concordiam revocare intendit Thomistarum, & Jesuitarum sententiam.* 52

**DUBIUM II.** *An repugnet creatura inconvertibilis à Deo?* 60

§. I. *Relatis sententiis, statuitur conclusio.* ibid.

§. II. *Secunda conclusio. Evidentia illationis à negatione gratiæ ex se efficacis, ad creaturam à Deo inconvertibilem ostenditur.* 77

§. III. *Quædam Caduciferi solutio expenditur.* 82

§. IV. *Solvuntur argumenta.* 88

DI-

# INDEX

## DISPUTATIO XII.

*De concursu Dei ad actum peccati.* 94

DUBIUM I. <i>An Deus concurrat ad formale, &amp; materiale peccati?</i>	97
§. I. <i>Vindicantur Thomistæ ab erroribus hæreticorum, &amp; mens Tridentini exponitur.</i>	ibid.
§. II. <i>Vindicantur Thomistæ ab alia impostura facta, &amp; referuntur sententiæ.</i>	107
§. III. <i>Deus nullatenus concurrat ad formale peccati, nec est causa per accidens malitiæ, &amp; deformitatis.</i>	112
§. IV. <i>Prima ratio conclusionis probativa proponitur.</i>	114
§. V. <i>Secunda ratio probativa conclusionis proponitur.</i>	122
§. VI. <i>Concursus purè permissivus datur in Deo ad formale peccati.</i>	127
§. VII. <i>Solvuntur argumenta.</i>	133
DUBIUM II. <i>An Deus immediatè concurrat ad actum peccati, &amp; suo concursu verè sit causa illius?</i>	149
§. I. <i>Deus immediatè concurrat ad entitatem peccati.</i>	150
§. II. <i>Deus suo concursu verè est causa entitatis peccati.</i>	153
§. III. <i>Sanctitas, &amp; puritas concursus Divini ostenditur.</i>	160
§. IV. <i>Solvuntur argumenta.</i>	163
DUBIUM III. <i>An Deus sic causet entitatem peccati, quod prædeterminet voluntatem ad illam?</i>	170
§. I. <i>Affirmativa sententia defenditur.</i>	ibid.
§. II. <i>Solvuntur argumenta ab auctoritate.</i>	177
§. III. <i>Solvuntur argumenta à ratione.</i>	183

## DISPUTATIO XIII.

*De concordia libertatis cum gratia ab intrinseco efficaci.* 201

<i>Difficultas quæstionis proponitur, &amp; explicatur.</i>	ibid.
DUBIUM I. <i>Quæ, &amp; qualis sit vera sensus compositi, &amp; diffi</i>	

## DISPUTATIONUM.

- visi intelligentia ? qualisque sit potestas antecedens ,  
& consequens liberi arbitrii ?* 205
- §. I. *Rejicitur quorundam falsa sensus compositi , & di-  
visi intelligentia .* ibid.
- §. II. *Vera sensus compositi , & divisi intelligentia .* 210
- §. III. *Quædam Caducæ annotatio refellitur .* 221
- §. IV. *Qualis sit potestas antecedens , & consequens liberi  
arbitrii ?* 228
- DUBIUM II. *Utrum auxilium ab intrinseco efficax compo-  
natur cum libertate creata ?* 239
- §. I. *Pars affirmativa probatur ex eo , quod gratia ab in-  
trinseco efficax est maxima liberi arbitrii perfe-  
ctio .* ibid.
- §. II. *Aliud argumentum , & quidem irrefragabile , posi-  
tur ex S. Augustino .* 245
- §. III. *Aliud efficax ex doctrina D. Thomæ depromitur ar-  
gumentum .* 253
- §. IV. *Idipsum probatur ex modo mirabili , quo Deus volun-  
tatem ad actus liberos movet .* 259
- §. V. *Idem assertum probatur ex conceptu essentiali liberta-  
tis creatæ .* 263
- DUBIUM III. *Utrum gratia physice prædeterminationis sit  
à nostra voluntate resistibilis ? & resistendi pugnet  
cum libertate ?* 271
- §. I. *In quo sensu gratia se ipsâ efficax propugnatur à  
Theologis irresistibilis .* ibid.
- §. II. *Gratia ab intrinseco efficax non est resistibilis à vo-  
luntate creata .* 274
- §. III. *Idipsum Theologorum primi nominis auctoritate pro-  
moveretur .* 284
- §. IV. *Vindicatur doctrina Thomistarum ab hæresi secundæ  
Janßenii propositionis : Interiori gratiæ in statu na-  
turæ lapsæ numquam resistitur .* 292
- §. V. *Prædeterminatio ad consensum non pugnat cum liber-  
tate liberi arbitrii , ex quo irresistibilis sit .* 303
- §. VI. *Solvuntur argumenta .* 309
- DUBIUM IV. *An argumenta contra physicam prædetermi-  
nā-*

# INDEX DISPUTATIONUM.

	<i>nationem sint lumine naturali solubilia ?</i>	330
§. I.	<i>Utrum à voluntate prædeterminata ad actum excludatur contrariis argumentis potestas ad omissionem ?</i>	332
§. II.	<i>An prædeterminatio excludenda sit ex eo , quòd potestas ad omissionem non sit potestas ad non esse prædeterminationis ?</i>	343
§. III.	<i>An removenda sit præmotio physica ex eo , quòd voluntas libera non possit impedire complexum ex prædeterminatione , &amp; actu ?</i>	346
§. IV.	<i>Utrum excludatur libertas , aut præmotio , ex eo quòd voluntas non possit tollere sensum compositum prædeterminationis , &amp; actus ?</i>	354
§. V.	<i>An ad libertatem requiratur , quòd voluntas tollere possit dependentiam actus à prædeterminatione ?</i>	360
§. VI.	<i>Utrum libertas creata requirat potestatem verificandi , &amp; falsificandi præmissas , ex quibus infertur necessarium actus , vel omissionis existentia ?</i>	364
§. VII.	<i>Reliqua solvuntur argumenta .</i>	383
§. UNICUS.	<i>Appendix ad Questionem præcedentem observatione digna .</i>	391





# DISPUTATIO XL

## De efficacia intrinseca gratiæ.



COMMENDABILEM ostendere volens *Propheta* *Regius* divinæ gratiæ efficaciam, hanc maxime prædicat Psal. 70. dicente D. *Augustino*: *In omnibus Scripturis sanctis gratia Dei, quæ liberat nos, commendat se nobis, ut commendatos habeat nos.* Hoc in isto Psalmo canitur, de quo cum vestra cbaritate loqui suscepimus. *Aderit Dominus, ut sic eam corde concipiam, quomodo dignum est: & sic eam promam, quomodo expedit vobis.* Et intra. *Quid ergo commendat iste Psalmus? Quod sequitur ibi Apostolus: Infelix ego homo, quis me liberabit de corpore mortis hujus? Gratia Dei per Jesum Christum Dominum nostrum.* Intueamur ergo Psalmum istum cum *Augustino*, & videamus, an ultra gratiam constitutivam libertatis, ut voluntas salutariter operetur, necessaria sit ulterior efficax gratia? Quod ita certum visum est D. *Augustino*, ut dixerit: *Etenim arbitror hunc habere effectum, & hoc omnibus prope suis syllabis resonare: id est hoc nobis commendare gratiam Dei gratuitam . . . ut etiam si hoc non dicerem, neque hoc prolocutus essem, quilibet mediocris homo attentè audiens verba ejusdem Psalmi, saperet hoc: & forte ipsis verbis, si aliud habebat in corde, mutaretur, & fieret, quod hic sonat.*

2. Hanc efficaciam gratiæ omnibus suis syllabis sonat. V. 1. auxilium Dei adversus inimicos suos implorat, dicens: *In te Domine speravi, non confundar in æternum.* Quid est hoc? inquit *Augustinus* in fine num. 1. *Ut tota spes nostra in Deo sit, nihilque de nobis tanquam de nostris viribus præsumamus, ne nostrum facientes quod ab illo est, & quod accepimus, amittamus.* Spes gratiæ Dei eum invictum, immotumque adversus hostium conatus reddit. *Vana quippe salus hominis, ut dicitur Psal. 59. Nulla spes, teste Apostolo ad Rom. 5. v. 5. nisi in Domino, spes autem non confundit.* Quare iterum exclamat: *Domine non*

Tom. IV.

A

con-

*confundat in aeternum.* Hoc idem est, iudice *Augustino*, num.3. ac si diceret: *Si in me confundor, in te non confundar in aeternum.* Et num.4. *Hæc confessio est humilitatis. Confitetur, quia jacet tanquam ager medico stanti.* At quomodo ita nimis perturbatus, cum, hæc itante sufficiente gratiâ, in manu sua sit, ut non confundatur, ut victor recedat ab *Adam*, & accedat ad *Christum*? Jam fortè gratiæ possibilitatis, quâ sanatus est, obliviscitur? Valebitne plus tentationis vis, quàm gratia? Utrumque absit. Cum ergo auxilium quærit, cur gemit, & de infirmitate conqueritur, cum mediis auxiliis sufficientibus perfectam acceperit sanitatem, & factus jam sit aequalis tentationi? Ergo clamat, ut Deus in iustitia sua liberet, & eripiat eum, ut inclinet aurem suam, & salvet illum: *In iustitia tua libera me, & eripe me. Inclina ad me aurem tuam, & salva me;* nempe, ut saluum illum faciat uberiori, & potentiori gratiâ, quâ ab agritudine interiore, quâ captivus est, & ab illa, quâ pertinet ad primum hominem, liberetur infirmitate.

3. Verus sequens perficit, confirmatque sententiam. *In tua iustitia libera me.* *Augustinus*; *Non in mea; sed in tua: si enim in mea, ero ex illis, de quibus ille ait ad Rom. 10. v.3. Ignorantes Dei iustitiam, & suam iustitiam volentes constituere, iustitia Dei non sunt subiecti. Ergo in tua iustitia, non in mea.* Et intra: *Erit ergo, & sic iustitia mea; non tanquam propria mea, non tanquam à me ipso mihi data, sicut putabant illi, qui per litteram gloriabantur, & gratiam respuebant.* Verum quamvis est iustitia illa Dei, quam rogat *Propheta*, si ipsi, in æquilibrio virium posito, jam omnis Dei iustitia data est? Vel quomodo, ut ager loquitur, *Salva me*, dum nihil est, quod amplius à Deo expectet?

4. Rem confirmat versus 3. *Esto mihi in Deum protectorem, & in locum munitum, ut saluum me facias, quoniam firmamentum meum & refugium meum es tu.* *Augustinus* ibi; *Non ad me iacula inimici perveniant: ego enim me protegere non possum. Et parum est, in protectorem: addidit, & in locum munitum, ut saluum facias me. In locum munitum mihi esto; tu esto locus munitus meus. . . Non ero saluus nisi in te, nisi tu fueris requies mea, sanari non poterit agritudo mea.* Ad quid muniti orat? Aut cur vult ille, quod Deus ei majorem securitatem præstet? An non gratiâ illâ est satis viribus valens, ut adversarium vincat, ac debellet? Si ergo gratiâ sufficienti est ita potens, ut hostem superet; cur timore percussus, ac si esset victus, & superatus adversarios formidat? Cur modò in locum refugii currit, ut salvus fiat, & infirmitatem confitens, medicum rogat? Quis insidians perveniet ad illum? Si vult, evadet iratum; si vult, hæc gratiâ æquilibrii protectus, in cunctis tentationibus victor erit: ergo si cum illa fugit ad Deum; *Quoniam firmamentum meum, & refugium meum es tu*, gratiam aliam requirit, quæ ipsum adhuc infirmatum firmum faciat, & immobilem adversus omnes tentationes *Diaboli* reddat.

5. Hanc iterum rogat vers.4. *Deus meus erue me de manu peccatoris.* *Augustinus* num.6. *Generaliter peccatores, inter quos laborat iste,*  
qui



qui de captivitate jam liberandus est: iste qui jam clamas, Infelix ego homo, quis me liberabit de corpore mortis hujus? Gratia Dei per Jesum Christum Dominum nostrum, intus est hostis, lex illa in membris: sunt & foris hostes: quo clamas? Ad illum, cui clamatum est, ab occultis meis munda me Domine, & ab alienis parce servo tuo. Ergo, salvum me fac, cum dicitur: ab aggritudine tua dicitur interiore: id est, ab iniquitate tua, ab ea, quâ captivus es, ab ea, quâ ad primum hominem pertinet, ut inter primos captivos clames. Et parum ante finem. Sed ego, qui de captivitate volo liberari per gratiam tuam, clamo ad te, libera me de manu peccatoris. Quid est, de manu ejus? De potestate ejus; ne cum sevit, adducat ad consensionem, ne cum insidiatur, persuaseat iniquitatem... Quare ergo dico, libera me de manu legem pratercuntis, & inquit? Quia non est in me, ut patiens sim, sed in te, qui donas patientiam. Inutilis sanè in principiis illis esset oratio, nec minus falsa Augustini responsio. Inutilis, nam si insidiatur inimicus, si sævit, ut ad consensionem inducat, si de captivitate vult liberari per gratiam, in manu ejus est, ut salvus fiat. Falsa similiter responsio; cum in homine sit, ut patiens sit, & non sit Deus, qui patientiam donat, sed potestatem, ut patiens sit; cum Deus det solum possibilitatem, & voluntas sibi det actum, non Deus donet actum supernaturalem.

6. Rursus, tanquam extra aleam quasi periculi positus, divinique, certus auxilii, exclamat v. 7. In te cantatio mea semper, tanquam prodigium factus sum multis: & tu adjutor fortis. Augustinus; Adesto Domine Jesu, qui mihi dicas, noli deficere in via angusta ego prior transii, ego sum ipsa via, ego duco, in me duco, ad me perduco. Ergo quamvis prodigium factus sum multis: tamen non timebo. Quia tu adjutor fortis. At quid in hoc mirum aderat, si contrariis credimus? In quo factus fuit ille tanquam prodigium gratiæ multis, dum Deum solum auxiliatorem habuit, mediâ gratiâ omnibus communi, & versatili ad utrumque libertatis extremum? In quo Deus auxiliator fortis dicitur; dum non prior ad se voluntatem deducit, & perducit; sed ipsa est, quæ gratiam efficacem reddit? Ergo prodigium alterius gratiæ visum est, illius nempe, quâ Deus operatur in nobis bonum, quâ operamur, sed ipso in nobis operante.

7. Cognoscens Propheta, sapientiâ Dei eruditus, infirmitatem naturæ, etiam auxiliis sufficientibus exornatæ, oppugnantium sævitiam, diuturnum conflictum, militantibus Christo aliam necessariam esse, efficacem gratiam docet, orans v. 12. Deus ne elongeris à me: Deus meus in auxilium meum respice. Et v. 13. Confundantur, & deficiant detrahentes animæ meæ, seu committentes animam meam... Augustinus. Quid est committentes animam meam? Committentes quasi in rixam aliquam: Committentem dicuntur, qui rixari provocantur. Si ego ita est, caveamus committentes animam nostram. Quid est committentes animam nostram? Primum, provocantes nos, ut Deo resistamus. Hæc Augustinus. Hebræa vox propriè adversam in lite partem significat. Satbanes mei. At cur Deum ne elongetur, orat, vel quid pati formi-

dat, cum jam spiritualibus sit dotatus auxiliis? Degeneris animi est adjutorem quærere, cum jam sufficiens est virtus certamini, & dum solum ex nutu pendet victoria: ergo dum Deum rogat, viribus confectus, & confusus, ne elongetur ab ipso, aliud requirit auxilium adversus committentes animam ejus. Ita est; ex quo clamat *Augustinus: Redi ergo, redi prævaricator ad cor, non committatur anima tua. Potentior est multum, cui bellum indixisti.* At quomodo potentior inimicus? Si potentior, destruitur æquilibrium: si non potentior, aqualis est viribus suis voluntas, cui bellum indixit. Cur ergo auxilium quærit? Cur redire tenetur ad confessionem infirmitatis suæ, & implorare medici manum, ne elongetur ab ipso? Ergo aliam necessariam ad victoriam gratiam agnoscit *Augustinus*, quæ nulli displicere potest, & ad quam agnoscendam refragantes sibi invitabat: *Redi ergo*, inquit, *agnosce te: Deus est qui tibi displicet: crubescere, tu tibi displice.*

8. Hæc sanè est ratio, cur v. 16. dicit *Propheta, Introibo in potentias Domini: Domine memorabor justitiæ tuæ solius*, ut sententiam hanc figat in cordibus hominum, nec aliam permittat omnino irrepere ulla ex parte intelligentiam. *Augustinus: Introbo in potentiam Domini, non meam, sed Domini. Domine memorabor justitiæ tuæ solius. O solius! Quid addidit, solius, rogo vos? Sufficeret, memorabor justitiæ tuæ. Solius, inquit, prorsus: ibi meam non cogito. Quid enim habes, quod non accepisti? Si autem & accepisti, quid gloriaris, quasi non acceperis? Justitia tua me liberat: mea sola, non sunt, nisi peccata. Non glorior ergo de viribus meis: non in littera remaneam: reprobem litteratum, id est, homines de littera gloriantes, & de suis viribus perversè, tanquam phreneticos præsumentes: reprobem tales, intrem in potentiam Domini, ut quando infirmus sum, tunc potens sim, ut tu in me sis potens, quoniam memorabor justitiæ tuæ solius.* En qualiter *Propheta*, cum tentaretur, etsi auxiliis sufficientibus instructus, intrare in potentiam, non suam, sed Dei, rogat. Non propria æstimatio, sed diffidentia sui, *Christi* militem commendabilem reddit. Gratiam, quæ Deus sit potens in ipso exposcit, quæ salvum ipsum faciat à pusillanimitate spiritus, & tempestate. Cum viriis, & spiritualibus nequitiiis paveret habere congressum. Tanto est de victoria securus, quanto & hæc efficaci gratiæ fuerit ipse, protectus; cum in hoc spirituali conflictu nihil de propriis viribus præsumens, totum adscribat Deo, totum se illi committat, memoratur justitiæ Dei solius, quæ sola liberat, & victoriam subministrat. Quare quicumque aliter sentiat, aut Deo non se ita committat, *Augustini* repellatur judicio. De hac ergo intrinseca efficacia gratiæ sequentibus Dubiis accuratius diliremus; qualis nempe illa sit, quantæque virtutis.

## DUBIUM I.

An gratia efficax Infallibilis sit ex vi suæ entitatis,  
vel ex auxilii Divini attemperatione,  
quæ subest Scientiæ Mediæ?

## §. I.

*Exponuntur sententiæ, nosstraque promovetur assertio.*

9 **Q**UÆSTIO ista attingit gravissimam illam difficultatem, à quo habeat gratia efficax, quod sit potens & efficax? Circa principium ex quo oritur efficacia, Theologi diversas in partes jam pridem abiire, non levi rationum, ac momentorum, hinc inde pondere fulti. Theologi Societatis ex determinatione liberi arbitrii esse fumendam ejus efficaciam constanter propugnant; quia, nempe voluntas in tali tempore, & in talibus circumstantiis se determinat ad velle, si ei gratia à Deo conferatur. Sic Pater *Suarez de grat. p. 2. lib. 5. cap. 25.* ubi inquit: *Quid addat auxilium efficax auxilio prævenienti sufficienti, seu vocatio efficax, generali, ac sufficienti vocationi; & an per congruitatem vocationis hoc sufficienter explicetur?* Cui respondet: *Primum ergo asserimus vocationem efficacem non addere sufficienti novum auxilium præveniens, nec aliquam entitatem, vel proprietatem realem absolutam, quæ ad constituendum auxilium efficax, & distinguendum illud à sufficiente necessaria sit. Quare juxta ipsum ibi: Nullum auxilium excitans de se, ex vi suæ entitatis est efficax ad determinandam voluntatem ad unum, & quocumque auxilio excitante dato, oportebit inquirere per quid fiat efficax: Ex quibus perspicue colligitur, quod gratia illa non est efficax ex se, ut infallibiliter voluntatem determinet; idque magis expressè pronuntiat ibi, dicens: *Non habent hanc infallibilitatem ex vi suæ entitatis, vel alicujus absolute proprietatis suæ.* Quod iterum firmat cap. 53. dicens: *Ostensum est, efficacem gratiam prævenientem positam esse in vocatione congrua; sed hæc congruitas vocationis non constituit in aliqua majori ejus intensiōe, vel claritate, aut distinctione, aut alia simili proprietate absoluta, nec in carentia alicujus impedimenti; sed solum in habitudine ad effectum infallibiliter futurum in divina præscientia, si quæ dari potest sine ulla prævia inæqualitate.* Inimò, non ablatis etiam impedimentis, affirmat, posse consentire, qui majora habet impedimenta, aut est dispositus, & alius non consentire. Sicuti, & è converso; licet quis habeat æqualia positivè auxilia cum minoribus impedimentis, poterit minus operari, quia, ut inquit ille, *per auxilium præveniens non aufertur libertas; & ided ex hoc capite semper potest esse diversitas in consensu, licet in prævenienti auxi-**

*auxilio sit æqualitas*. En quàm apertè fateatur, congruitatem gratiæ non esse ex ipsa gratia. Etenim quòcumque auxiliò datò, quilibet gratia suppleret intensione, & entitate, nusquam ex illa est infallibilis determinatio; ex quò integra semper manet difficultas; & oportebit, ut ait ille, *inquirere, per quid sit efficax?* Notandum Suarezium hic subdubitasse, an consensus posset in divina præscientia (scilicet media) infallibiliter prævideri futurus, absque ulla differentia ex parte entitatis gratiæ sufficientis & efficacis? Ait enim: *Hæc congruitas . . . consistit . . . solum in habitudine ad effectum infallibiliter futurum in divina præscientia: si quæ dari potest (nota) sine ulla prævia inæqualitate*.

10. Pergit alterius præfatus Author Conclus. 2. ad explicandam magis gratiæ efficaciam, quam sequentibus verbis proponit: *Dico secundò: Vocatio efficax est illa, quæ de facto habitura est infallibiliter effectum à vocante intantum; & idèd licet in se sit gratia præveniens à solo Deo facta; nihilominus includit habitudinem ad cooperationem futuram liberi arbitrii cum auxilio gratiæ simultaneo; & consequenter includit quandam congruitatem respectu personæ, cui datur, ut sit illi ita proportionata, & accommodata, sicut oportet, ut in tali Persona, in tali tempore, & occasione infallibiliter effectum habeat, & per hoc habet illa vocatio, quòd congrua, & efficax sit*. Hic non utcumque gratiam congruam subinfert esse talem, quia accommodata utcumque sit voluntati; cum & gratia abintrinseco efficax etiam accommodata sit dispositioni voluntatis; sed quia accommodata est determinationi, & operationi voluntatis, quæ suum habitura est intallibiliter effectum; quippè data est voluntati, quam se ad consensum determinaturam agnovit Deus. Hoc apertius affirmat conclus. 3. *Dico tertio: Infallibilis connexio, quæ in vocatione congrua, seu efficaci cum libero consensu invenitur, non est merè causalitatis, sed præscientiæ; non per absolutam scientiam, sed per conditionatam; quòd Deus de omni voluntate creata, & creabili præscit, quid sit actura in omni tempore, & occasione, si hoc, vel illo modo exci-jetur, & vocetur*. Unde juxta ipsum, nec gratia, quia gratia; nec gratia, quia congrua, infallibiliter voluntatem decernit, cum nec intallibilis illa connexio, quæ datur cum consensu, sit causalitatis, seu ex gratia, sed præscientiæ: quia nempe prævidet Deus, voluntatem se ipsam ad hanc partem esse inclinaturam.

11. Hoc non incidenter, & quasi aliud agens, sed datà operà, atque ex instituto defendit lib. 5. citato cap. 28. dicens: *Aliud est, vocationem, quæ homini de facto datur, esse congruam, vel incongruam; aliud verò est, quod Deus præcognoscendo unam vocationem futuram congruam, aliam verò non talem futuram, elegit unam, vel alteram tribuere*. Nam manifestè constat, posse hoc secundum pendere ex sola voluntate Dei, quamvis primum etiam ex voluntate humana pendeat. Et infra: *Non obstante hac dependentia congruitatis, vel incongruitatis vocationis à nostro libero arbitrio, nihilominus manere in æterna Dei providentia, & sola libera electione, quod decreverit dare huic homini*

in

in tempore vocationem, quàm prævidit ei futuram congruam, vel etiam non talem futuram .

12. Rursus, ut rem magis explicet, hoc inter gratiam efficacem, & gratiam congruam discrimen constituit; quod illa nullo modo pendet ex libera potestate voluntatis; posterior verò infallibilitas absolute pendet ex libero usu voluntatis, cujus prævisio supponitur in mente Dei per scientiam conditionatam . Et inde est infallibilis connexio talis vocationis cum consensu libero voluntatis . Undè ulterius in hoc modo efficacitatis vocationis congruæ, non antecedit, vel tempore, vel naturâ determinatio voluntatis humanæ ad unum in actu primo, sed semper intelligitur de se indifferens, etiam posita illa vocatione, ita ut præcisè spectando talem vocationem, possit voluntas humana pro sua libertate illam fūcere non congruam, seu reddere inefficacem; atque ita prima determinatio est illa, quæ fit in actu secundo, concurrente simul ipsa libera voluntate .

13. Tandem hoc distinctiùs effert cap. seq. 29. ut illius sequentia verba significant: In tertio autem sensu fatemur, vocationem illam non esse per se, & ex vi sue entitatis efficacem; quia licet congruitas illa ad effectum infallibiliter futurum sit valde consentanea naturæ, & inclinationi talis vocationis, pendet nihilominus à futura liberi arbitrii determinatione, tanquàm à termino, quem illa congruitas respicit; & idè vocatione illa non potest habere illam congruitatem ex necessitate absoluta, & simpliciter . Non potest ergo ab intrinseco, & per se illi convenire, nisi ex suppositione talis termini; & quia suppositio illa est simpliciter libera, & contingens; ideo congruitas etiam convenit contingenter illi vocationi secundum se spectatæ: Quod iterum scribit cap. 53. sequentibus verbis: Dicimus vocationem congruam per se spectatam, & secundum suam absolutam entitatem, non habere intrinsecè, ac determinatè actualem efficaciam; sed potius de se esse indifferentem, ut congrua, vel incongrua sit; in præscientia autem esse congruam, & efficacem, quia cooperatio liberi arbitrii illi conjungenda supponitur . En hujus Authoris sententia, ejus propriis verbis exposita, cui consentiunt omnes Scholæ Societatis discipuli?

14. At Thomistæ, qui semper laudabili studio, utriusque Sancti Doctoris Augustini, & Thomæ doctrinam servare conati sunt, & porro servârunt, congruitatem gratiæ ex ipsa gratiæ efficacia sumendam docent; cùm congruitas vocationis sit ejus efficacia, quâ verè agitur, & peragitur, ut homo credat in Christum . Quæ enim magis congrua, & jucunda gratia, quàm illa, quæ aegrotis morbum sanat, quæ segnes, & pigros excitat, quæ excitatos efficaciter adjuvat ad operandum; prout loquitur S. Augustinus Epist. 186. aliàs 160. num. 12. Quid enim debet esse jucundius, vel infirmis gratiâ, quâ sanantur; vel pigris gratiâ, quâ excitantur; vel volentibus gratiâ, quâ juvantur? Id etiam docet Sanctus Doctor Epist. modò 217. ad Vitalem, dum de vocatione efficaci loquens, veram esse Dei gratiam pronuntiat num. 5. his verbis: Prævenit hominis voluntatem bonam, nec eam cujusquàm invenit in

cor-

corde, sed facit. Si ergo ita praeparavit, atque ita operaretur Deus hominibus voluntatem, ut tantummodo legem suam, atque doctrinam, libro ejus adhiberet arbitrio; nec vocatione illa alia, atque secretis sic ejus ageret sensum, ut eidem legi, atque doctrinae accommodaret assensum, proculdubio eam legere, vel intelligere legendo, vel etiam exposcere, ac praedicare sufficeret, nec opus esset orare, ut Deus ad fidem suam infidelium corda converteret, & conversis proficientem perseverantiam ejusdem gratiae suae largitate donaret. Hae Sanctus Doctor: quibus vocationem Dei congruam praevenire hominis voluntatem per modum causae operantis, affirmat. Ex quo consequens est vocationem congruam includere gratiam ab intrinseco efficacem. A quo namque oritur, quod vocatio congrua praeveniens bonam voluntatem, haec operetur? Non à vocatione secundum suam essentiam; cum vocatio congrua, prout talis, relinquat voluntatem in actu primo indifferentem ad utrumque libertatis extremum. Non à determinatione ipsa voluntatis; aliàs gratia Dei non esset praeveniens in eile actu operantis bonam voluntatem, sed solum in eile excitantis. Enim verò, cum determinatio voluntatis sit indistincta ab ipsa bona voluntate, quid aliud esset provenire ex tali determinatione vocationem Dei congruam, elle praevenientem faciendum bonam voluntatem, nisi dicere: per bonam voluntatem gratiam facere in nobis bonam voluntatem, quod absurdum esse, quis non videat? Ergo congruitas vocationis est efficacia gratiae, quae verè agitur, & peragitur, ut homo credat in Christum.

15. Praclarissime rursus Sanctus Doctor id ipsum statuit de gratia Christi cap. 13. ubi loquens de vocatione congrua, asserit, hominem per gratiam facere, quidquid agendum didicit, his verbis: *Sic enim docet Deus eos, qui secundum propositum vocati sunt, simul donans, & quid agant scire, & quod sciunt, agere.* Quod iterum firmat cap. seq. explicans modum, quod Deus docet per Christum. *At per hoc, inquit, quando Deus docet, non per legis litteram, sed per spiritus gratiam, ita docet, ut quod quisque didicerit, non tantum cognoscendo videat, sed etiam volendo appetat, agendoque perficiat: & isto divini docendi modo etiam ipsa voluntas, & ipsi operatio, non sola volendi, & operandi naturalis possibilitas adjuvatur. Si enim solum posse nostrum hac gratia juvaretur, ita diceret Dominus: Omnis qui audit à Patre, & didicit, potest venire ad me. Non autem ita dixit: Sed omnis qui audit, inquit, à Patre, & didicit, venit ad me. Venire posse in natura ponit Pelagius, vel etiam, ut modo dicere coepit, in gratias qualemlibet eam sentiat, quae ipsa, ut dicit, possibilitas adjuvatur: venire autem jam in voluntate, & opere est. Non est autem consequens, ut qui potest venire etiam veniat, nisi id voluerit, atque fecerit. Sed omnis, qui didicit à Patre, non solum potest venire, sed venit: ubi jam & possibilitatis profectus, & voluntatis affectus, & actionis effectus est. Sed adiutorium contradistinctum à gratia possibilitatis est gratia efficax donans nobis liberè velle bonum, & illud liberè operari: ergo vocatio illa congrua est gratia, quae homo habet à Deo bonam voluntatem, & simul*

& simul bonam operationem. Utrumque enim dicit complexum hoc, & gratiam excitantem, quæ se tenet ex parte actûs priuî, ut possimus liberè, & phycicè operari, & gratiam efficaciter applicantem, quæ facit, ut velimus, & agamus; quod agere, & velle non est à gratia excitante sine gratia efficaciter applicante.

16. Huic S. *Augustini* doctrinæ subscribit D. *Thomas* super illud *Apostoli ad Hebræos* 13. vers. 21. *Deus autem pacis, aptet vos in omni bono; ut faciatis ejus voluntatem, faciens in vobis, quod placeat coram se*: quibus verbis docet *Apostolus*, Deum nos facere idoneos, aptos, & congruos ad receptionem voluntariam gratiæ, quæ nos prævenit, quæ nos illuminat, quæ efficit, ut bonum operemur per Dominum nostrum *Jesus Christum*, omnis boni, omnisque perfecti doni Auctorem, & qui in nobis, & velle, & facere secundum voluntatem suam operatur, ut rectè super prædicta verba tradit Sanct. Doctor ibi lect. 3. dicens: *Voluntas humana, cùm sit quadam inclinatio rationis, & principium actuum humanorum, sicut gravitas est principium motuum gravium deorsum: Undè se habet ad actus rationis, sicut inclinatio naturalis ad actus naturales. Res autem naturalis dicitur apta ad id, ad quod habet inclinationem. Sic etiam homo, quando habet voluntatem bene faciendi, dicitur aptus esse ad illud. Deus etiam, quando immittit homini bonam voluntatem, aptat eum, id est, facit ipsum aptum; & idèd dicit: Aptet vos in omni bono, ut faciatis ejus voluntatem, id est, faciat vos velle omne bonum &c. 1. ad Thess. &c. Hæc est voluntas Dei sanctificationis vestra &c. Dupliciter autem aptatur homo ad bene faciendum: uno modo exteriori operando, & sic unus homo aptatur alium persuadendo, vel comminando; alio modo aliquid interiori exhibendo, & sic solus Deus aptatur voluntatem, qui solus potest illam immutare. Proverb. 21. Cor Regis in manu Domini, quocumque voluerit, inclinabit illud. Undè dicitur, faciens in vobis. Ad Philipp. 2. Deus est, qui operatur in vobis velle, & perficere. Quid autem faciet? Quod placitum est coram se, id est, faciet vos velle, quod placet ei. Hæc D. *Thomas*: quibus clarissimè docet, congruitatem, idoneitatem, aptitudinem, ut posita gratiâ infallibiliter sequatur actus, fieri in nobis à Deo per gratiam, quæ est congrua ex se, secumque realiter deferat aptitudinem, & congruitatem, ut existat actus.*

## §. II.

*Alterum ex natura efficaciæ gratiæ expenditur fundamentum.*

17. **P**riori *Augustini* principio proximum est alterum, quò disertè convincitur, efficaciam gratiæ, ac per consequens ejus congruitatem, ex sola vi, & efficacia omnipotentis Dei esse repetendam. Audiendus S. Doctor in lib. de corrept. & gratia cap. 8. n. 17. *Quando rogavit ergo nè fides ejus deficeret; quid aliud rogavit, nisi ut haberet in fide liberrimam, fortissimam, invictissimam, perseverantissimam*

voluntatem? Ecce quemadmodum secundum gratiam Dei, non contra eam, libertas defenditur voluntatis. Voluntas quippe humana non libertate consequitur gratiam, sed gratiâ potiùs libertatem, & ut perseveret delectabilem perpetuitatem, & insuperabilem fortitudinem. Et cap. 12. num. 38. Subventum est igitur infirmitati voluntatis humanae, ut divinâ gratiâ indeclinabiliter, & insuperabiliter ageretur; & ideo, quamvis infirma, non tamen deficeret, neque adversitate aliquâ vinceretur. Ita factum est, ut voluntas hominis invalida, & imbecilla in bono adhuc parvo perseveraret per virtutem Dei: cum voluntas primi hominis fortis, & sana in bono ampliore non perseveraverit, habens virtutem liberi arbitrii; quamvis non de futuro adjutorio Dei, sine quo non posset perseverare, si vellet, non tamen tali, quò in illo Deus operaretur ut vellet. Fortissimo quippè dimisit, atque permisit facere quod vellet: infirmis servavit, ut ipso dumante invictissimè quod bonum est vellent, & hoc deserere invictissimè nolent. Et cap. 14. num. 45. Non est itaque dubitandum, voluntati Dei, qui in Cælo, & in terra omnia quacumque voluit fecit, & qui etiam illa, quæ futura sunt fecit, humanas voluntates non posse resistere, quo minus faciat ipse quod vult: quandoquidem etiam de ipsis hominum voluntatibus, quod vult, cum vult, facit. Nisi fortè (ut ex multis aliqua commemorem) quando Deus voluit Sanli Regnum dare, sic erat in potestate Israëlitarum subdere se memorato viro, si non subdere, quod atque in eorum erat positum voluntato, ut etiam Deo valerent resistere. Qui tamen hoc non fecit, nisi per ipsorum hominum voluntates, sine dubio habens humanorum cordium quo placeret inclinandorum omnipotentissimam potestatem; sic enim scriptum est &c.

18. Audiendus rursus lib. de dono perseverantiæ cap. 6. num. 11. Dicat mihi quisquis audeat, utrùm Deus dare non possit, quod à se posci imperavit? Hoc certè qui sapit, non dico desipit, sed insanit. Imperavit autem Deus, ut ei Sancti ejus dicant orantes, Ne inferas nos in tentationem. Quisquis igitur exauditur hoc poscens, non infertur in contumacie tentationem, quâ possit, vel dignus sit perseverantiam sanctitatis amittere. Et lib. de prædestinatione Sanctorum cap. 8. Multos venire videmus ad Filium, quia multos credere videmus in Christum: sed nbi, & quomodò à Patre audierint hoc, & didicerint, non videmus. Nimirum gratia ista secreta est: gratiam verò esse quis ambigat? Hæc itaque gratia, quæ occultè humanis cordibus divinâ largitate tribuitur à nullo duro corde respuitur. Ideò quippè tribuitur, ut cordis duritia primitus auferatur.

19. Hæc legens quis apertè non videat, quàm magnificè prædicet S. Augustinus gratiam ex se, & non ex circumstantiis congruam? Annè ut D. Petro daret libertinam, fortissimam, invictissimam, perseverantissimamque voluntatem, debuit Deus lustrare priùs, quid voluntas Petri posita in illis circumstantiis pro innata libertate, & innato jure eligere vellet? Minimè, respondet Augustinus: Voluntas humana non libertate consequitur gratiam, sed gratiâ libertatem. Annè etiam ut Deus



Deus infirmis donet, ut ipsi invictissimè velint quod bonum est, & hoc deferere invictissimè nolint, per gratiam, quæ voluntatem moveat ad agendum, & quæ suo nusquam frustreretur effectu, dependet à genio, à dispositione temperamenti, ab amicis temporum circumstantiis? Ablit hoc, cum genium, & circumstantiarum dispositio secundum se nihil activè influant in opus supernaturale, nec se habeant ut conditiones, sine quibus voluntas gratiæ non consentiret; quin potius sub Dei providentia cadunt etiam bonæ circumstantiæ; quas Deus facit futuras in decreto præfiniente, quod est ratio à priori effectus futuri: ergo agnoscenda est gratia efficax, quæ ex se sit congrua, & quæ efficaciter moveat hominem conformiter suæ naturæ, id est, liberè, & faciat omnia sibi servire; ut de ipsis hominum voluntatibus, quod vult, cum vult, faciat: habens humanorum cordium, quò placeat, inclinandorum omnipotentissimam potestatem, quæ non mutuatur efficaciam à scientia, quæ prius lustrat causam creatam, & quid illa, dum adhuc in statu possibilitatis est, sub illis circumstantiis in tempore operatura sit. Quia, juxta Sanctum Doctorem, gratia hæc occultè humanis cordibus divini largitate tribuitur, ut cordis duritia primitus auferatur: ergo necessaria est gratia fortior, quæ duritiam cordis emolliat; quæ vincat intempestivas circumstantias, ut gratiæ consentiat voluntas; quæ solvat vinculum impediens hominem ab operibus bonis, sanet corruptionem, & adjuvet infirmitatem, ut dicit *Propheta Regius* Psal. 115. *Dirupisti vincula mea, tibi sacrificabo Hostiam laudis*. Non ergo efficax est à circumstantiis; nec à consensu prævisio; si namque consensus est ipsius gratiæ effectus, cum ad hoc detur gratia, ut operetur homo, quomodo erit efficax à consensu voluntatis? Si liberum arbitrium est determinabile à gratia, quomodo gratia erit versatilis à libero arbitrio?

20. Tandem loco citato ex cap. 14. S. Doctor nobis Deum, gratiæ suæ beneficio, humanæ naturæ vitiata, & infirmæ reparatorem, & medicum ostendit; quò nempe voluntas indeclinabiliter, & insuperabiliter agatur, nè imbecillis deficiat, & adversitate aliquà vincatur; tantoque ardore diligit, ut carnis voluptatem contraria concupiscentem voluptate spiritus vincat. Adæ data erat gratia sufficiens, teste eodem Sancto Doctore, ibi: *Adamo datum est adjutorium perseverantia, non quo fieret ut perseveraret, sed sine quo per liberum arbitrium perseverare non posset: eique fortissimo dimisit, atque permisit facere quod vellet, ut iterum hic repetit. Sed parum hoc, ut hominem reintegraret post casum: Majoribus donis, inquit S. Doctor, adjuvanda remansit infirmitas, ut infirmi ipsò donante, invictissimè quod bonum est vellet, & hoc deferere invictissimè nollent. Ut quid ita? Omnibus data est, juxta Adversarios, gratia sufficiens, libero arbitrio subdita, & quæ consensu voluntatis redditur efficax: cur ergo majoribus donis, potentiorque gratiâ indiget homo infirmus, & quæ, ut infallibiliter velit, majoris sit efficacis? Præstò est ex *Augustino* responsio cap. 12. antecedenti: *Quia facilis homo per gratiæ donum perseverare poterat in statu innocentia, in quo nulla erat rebellio carnis ad spiritum, quam**

nunc possumus, quando reparatio gratiæ Christi, etsi sit inebriata quantum ad mentem, nondum est consummata quantum ad carnem : ergo non sufficit gratia ex liberi arbitrii assensu pendula, & quæ ex circumstantiis reddatur efficax ; cum naturæ languor, infirmitas, virium attenuatio, roborisque defectus, novis viribus gratiæ curari debeat ; & nec ex circumstantiis, nec ex attemperacione voluntatis medicam vini habeat, ut voluntas infirma ad bonum opus applicetur, determinetur, ac efficaciter moveatur, in quo consistit perfectissima congruitas gratiæ.

21. Secundò, refellitur modus iste dicendi, argumento ex tot miraculosis, & extraordinariis conversionibus petito, quæ gratiam miraculosam exigunt ; cujus efficacia non sit ex congruitate, quæ sit à genio, aliisvè circumstantiis loci, vel temporis, quæ gratiam adjuvent. Quot enim sunt homines in criminum facibus, sine sensu charitatis, & absque boni operis motu, qui tamen ad aspectum cœlestis efficaciam gratiæ mutantur in melius ? An non *Paulus* ille saviſſimus Christianæ Religionis persecutor, & Fidelium rabidus oppressor, ubi Divinâ manu fuit tactus, repente in virum mutatus est alterum ? dicente *Augustino* de Prædest. Sanctorum cap. 2. *Aversus quippè à Fide quam vastabat, eique vehementer adversus, repente est ad illam gratiâ potentiori conversus : convertente illo, cui hoc ipsum facturo per Prophetam Psal. 84. vers. 7. dictum est, TU CONVERTENS VIVIFICABIS NOS : Ut non solum ex nolente fieret volens credere, verùm etiam ex persecutore, persecutionem in ejus fidei, quam perſequebatur, defensione pateretur. Quænam erat in Paulo dispositio, qui averſus à fide mellilium Christi nomen audire non poterat ? Annè erat congruum tempus, dum ille furens, ligans, trahens, percutiens, pergebat lutrepidus, ut viuctos in Hierusalem perduceret, quotquot hujus nominis nosceret insignitos ? Quid volebat *Saulus*, inquit *S. Augustinus* lib. 1. ad *Simplic.* quæst. 2., nisi ut invaderet, & traheret, vinciret, & necaret Christianos ? Quam rabida voluntas ? Quam furiosa ? Quam cæca ? Qui tamen una voce desuper prostratus, occurrente utique tali viſo, quò mens illa, & voluntas, refractâ savitiâ, retorqueretur, & corrigeretur, ad Fidem . . . . .*

Annè ergo prævidit Deus ipsum in his circumstantiis consensurum gratiæ vocanti, cum audivit vocem de Cœlo tonantem, dicentem tibi, *Saule, Saule, quid me perſequeris ? Durum est tibi contra Stimulum calcitrare ?* Quæ ex congruitate, & conspiracione circumſtantiarum fieri potuit, Deo interiùs non efficaciter operante, ut idem *Paulus* informat, ut dicit *S. Augustinus* serm. 279. *ex persecutore prædicator, ex lupo ovis, ex hoste miles : cum circumſtantiâ conversioni operandæ essent plurimum adversæ ?* Quare 1. ad *Corinth.* cap. 15. se abortivum gratiæ nominat ; quia extra ordinem, extra tempus ad *Apoſtolos* eligendos constitutum, extraordinariò modò vocatus, factus est Prædicator Evangelii, quod ignorabat, quod perſequebatur. Ergo, ut dicit *Augustinus*, potentiorè gratiâ in virum mutatus est alterum ; potentiorè quidem ; quæ ex se efficaciam habeat, & propriâ operetur ener-

energiam, non quæ potentior reddatur ex circumstantiis prævisis.

22. Mirabilis etiam fuit conversio *Publicani*. An non ille in Telonio turpis lucri causâ sedens, ubi vocem Domini audivit dicentem sibi: *Sequere me*, factus est repente Salvatoris individuus comes, & annuntiator? Flevit amare *Petrus*, ex quo, teutatus à scemina, *Christum* negaverat; scilicet aspectu ejus, quem negaverat, repente compunctus est. Uno etiam temporis puncto data fuit *Magdalena* à *Christo* eam gratiæ abundantia, ut inde illa cœperit, ubi vix alii desinunt; undè, & primo suæ conversionis instanti, ad summum profecta fuit perfectionis apicem. Quæ ergo in istis erat ex parte voluntatis eorum dispositio? Ubi congruum tempus, & propitiæ illæ circumstantiæ, in quibus prævidit Deus, quòd homines isti per semitas delictorum errantes, gratiâ solùm indifferenti, & versatili adjuti, in sortem transirent Angelorum? Non dubium sanè, quin prompta fuit omnium eorum voluntas; quòd respectu Dei congruum erat tempus illud, propitiæ & circumstantiæ, in quibus vocati fuerunt: at hæc omnia dona sunt, & fuerunt Divinæ Misericordiæ, quæ ineffabili, altâ, & repentinâ mutatione corda hominum convertit, & peccatores, etiam delictorum mole sepultos, evigilat ad lucem, illos ad se trahit, statim, ut lux Divina cœlellis gratiæ efficacis irradiat, & in eorum corda potens illabitur.

23. Tertiò, ex omnipotenti Dei in cordibus hominum operatione rejicitur, & non parum urgetur, modus iste dicendi. Conversio peccatoris est grande omnipotentia Dei miraculum; cujus namque opus est illud, nisi *dextera excelsi*, ut dicit *Propheta Regius Psal. 76.*? Sic *Job. 12.* legitur, *Dominus Exercituum decrevit, & quis poterit infirmare? manus ejus extenta, & quis avertet eam?* Hac manu Deus immutat cor *Principum terræ*. Et *Ezechielis 36.* *Hæc manus operatur in nobis velle, & perficere*: quod, & prædicat *Apostolus ad Philipp. 2.* *Operatur omnia in omnibus secundum consilium voluntatis suæ*; sed si gratiâ dependenter à circumstantiis loci, temporis, vel etiam genii suum sortitur effectum, quid omnipotenti Dei manui, & efficaci gratiæ tribuendum erit? Primò, non esset in manu Dei deteruinare, quòd hæc gratiâ, & non illâ fiat conversio, cum solùm sit voluntatis creaturæ à Deo prævisæ, velle consentire in talibus circumstantiis istis, & non alteri etiam æquali. Secundò, Deus absolutè utens suâ omnipotentia hominem non converteret, sed ut ita dicam, artificiosè solùm, explorans tempus, & circumstantias, quibus creatura volet, ut gratiam conterat: quòd non est Deum ex nolentibus volentes, ex repugnantibus consentientes facere, nec averfas, & adversas hominum ad se convertere voluntates. Ergo alia requiritur gratia, quæ sit operativa conversionis, ut conversio non sit solùm ex prævisione, sed ex omnipotente voluntate Dei, faciente nos facere in eisdem circumstantiis, in quibus per scientiam necessariam prævidit id nos facturos, præbendo nempe vires efficacissimas, prout declarat *Augustinus* de gratia, & libero arbitrio cap. 16. Aliàs, in hoc modo dicendi, possibilitatem dabit Deus, ut possit homo esse justus, non tamen voluntatem, quâ vult; nec actionem, quâ justus est.

est. In omnibus quippe præterquam in præscientia, par est consentiens dissentienti: utrique Deus confert auxilium eadem erga utrumque est voluntas collativa auxilii, & inefficax consensus; si ergo omnia respectu utriusque paria sunt, & æquè indifferencia ad consensum, & dissentium, discriminantur solum in præscientia, seu scientia media consensus, quæ nihil ponit in gratia illa: ergo non ad voluntatem, & Dei ordinationem referendus est consensus salutaris, sed ad Dei præscientiam, quod penitus est falsum. Explorare in antecessum rei eventum opus habet homo, qui nec scientiam, nec potestatem habet plenissimam omnium mediorum. At Deus hoc ipsò, quod cognoscit comprehensivè se esse omnipotentissimum, divinam suam voluntatem esse summè efficacem, scit pro omnibus circumstantiis se habere gratiam, quæ efficaciter, & infallibiliter, aptè, & congruè movebitur homo ad conversionem, & se liberè determinabit ad omne opus bonum, quod ipse voluerit definire hominem facturum: teste *Apostolo ad Rom. 8. Diligentibus Deum omnia cooperantur in bonum, iis qui secundum propositum vocati sunt sancti*. Sapientia ejus attingit omnia à fine usque ad finem fortiter, & disponit omnia suaviter: sic mediâ gratiâ, quæ cuncta propellat impedimenta, quæ obduratum convertat cor, & illud virtute libi intrinsecâ, quodcumque voluerit, convertendi vim habet, ab occultissima, & fortissima omnipotenti virtute, cui cuncta subduntur in esse, & operari; necnon ab efficacia providentiæ Dei, cuncta sic disponentis, ut electis omnia cooperentur in bonum.

24. Quartò exploditur modus iste dicendi. Nam distinctè assignent nobis hujus sententiæ patroni, in quo consistat efficacia hujus auxilii, quo voluntatem motam & excitatam, Deus per scientiam mediam, novit consensuram? An eam habeat à scientia mediâ consensus? An à circumstantiis, in quibus prævidet Deus nos esse consensuros, & gratiæ cooperaturos hanc obtineat? An à concursu simultaneo? An ab istâ gratia indifferenti? Non certè ab istâ; quæ in utroque supponi potest æqualis. Non à concursu simultaneo, quia, ut suprà diximus, quid extrinsecum est respectu agentis, & se tenet ex parte effectûs. Non ex circumstantiis, quæ extrinsecæ quoque sunt. Non à scientiâ mediâ, quæ merè speculativâ est: & ista, in eorum principiis, non est in potestate Dei: ergo nec in potestate Dei esset, quod auxilium sit efficax.

25. Sed attentius circumstantias inspiciamus, an ex illis repeti possit efficacia gratiæ: quod profectò difficillimum videtur, vel quia in utroque esse possunt pares, vel quia sequeretur, quod ex Deo non esset conversio. Primò: Qui constituit hominem in circumstantiis, in quibus prævidetur esse consensurus, nihil ex eo præcisè amplius facit, quam efficiunt circumstantiæ; sed, ipsis fatentibus, circumstantiæ non faciunt, ut faciamus: ergo nec Deus id efficere ex eo, quod hominem constituit in talibus circumstantiis. Secundò: Conferre auxilium cum hac prævisione consensus, in Adversariorum principiis, non est necessarium, ut Petrus consentiat; aliàs Joanni, qui providetur non consensurus cum eodem auxilio, deficeret aliquod principium necessarium ad consensum, nempe

pè prævisio consensûs ; & per consequens inculpabiliter dissentiret : ergo non arguitur Petri consensum esse à Deo , ex quo confertur à Deo auxilium ex directione scientiæ mediæ consensûs . Præterea : Dare auxilium indifferens in circumstantiis , in quibus nos consensuros prævidit , non est operari consensum ; sed solum illius operandi occasiones nobis procurare . Si namque Deus esset causa conversionis sola gratiæ indifferents largitione , in circumstantiis in quibus voluntas per scientiam mediam prævidetur suum præbitura consensum : sic & Deus pariter esset causa , cur gratiæ vocanti , & excitanti dissentiret voluntas ; quia , & itidem ipse fa pè nos constituit in iis circumstantiis , in quibus dissensuros prævidit : certè confert , etsi dissensuros prævideat .

26. Et tandem : quia totum hoc est petitio principii . Rogo enim , quomodo novit Deus , creaturam in his circumstantiis esse consensuram ? An novit hoc in voluntate creata ? Hæc cum sit omnino indifferens , antequam agat , nihil in ea videri potest , quod exigat potius consensum , quàm dissensum . An cognoscit hoc in ipsa determinatione Creaturæ ? Minime : cum creatura per se primò se determinet per suum actum : ergo requiritur , quod Deus prius videat actum Creaturæ futurum , quàm velit ad eum in talibus circumstantiis concurrere ; cum actus ita pendeat à Deo , ut nec esse , nec prævideri possit , prius quàm Deus ad eum concurrat , vel concurrere decreverit . Quid igitur magis repugnans , quàm quod Deus videat se concursurum , antequam velit concurrere ; quod Deus sic videat actum pendentem à suo determinato concursu , priusquàm ipse talem concursum præstiterit ? Enimverò Divinus concursus prius est , quàm actus per eum productus , cum sit ejus causa ; aut certè , si actus est identificatus cum divino concursu , impossibile est , ut videatur actus , & non videat Deus se ad eum determinatè concurrere : ergo non videt in ipsa determinatione Creaturæ ipsam esse in his circumstantiis consensuram . A quo ergo erit efficax Dei concursus ? Ergo cum aliunde genium , & natura bonæ indolis vim , & robur præbere non possint gratiæ ; hoc enim *Semipelagianismum* sapit , dicendum , quod efficacia intrinseca gratiæ ex supremo dominio Dei descendat , potentis , quodcumque voluerit , inclinare hominem : cum cor hominis sit in manu ejus , quasi possessum , & subditum , & non purè præcinitum , seu comprehensum scientiâ Dei exploratas habentis circumstantias , in quibus se inclinabit .

27. Totum hoc illustrari , & confirmari potest duplici celeberrimo *S. Augustini* testimonio . Primum sit ex *Homil.* 23. inter quinquaginta , ubi introducit Deum peccatorem conversum sic alloquentem : *Adulter non fuisti in illa vita tua præterita , plena ignorantia , nondum illuminatus , nondum bonum , malumque discernens , nondum credens in eum , qui te nescientem regebat . Hoc tibi dicit Deus : tunc regebam te mihi , servabam te mihi . Ut autem adulterium committeres , suavor desuit , ut suavor deesset , ego feci . Adfuit suavor , non desuit locus , non desuit tempus : Ut non consentiret ego feci . Agnosce ergo gratiam ejus , cui debes , & quod non admisisti . Mihi debet iste quod factum est , &*  
d. m. jf.

*dimissum vidisti: mihi debes, & tu quod non admisisti. Nullum est enim peccatum, quod fecit homo, quod non posset facere alter homo, si desit rector, à quo factus est homo.* En efficacia gratiæ ex circumstantiis minime dependens. Annè ut adulter non esset, defuit suador, defuit locus, defuit tempus? Minime, inquit S. *Doctor*. Cur ergo obscena desideria, & voluptuosæ carnis perhorruit incendia; atque mulierum illecebrosa phantasmata, quæ ex corruptæ sensualitatis emergunt petulantia, victor repulit? Agnoscenda est gratia Dei, dicit S. *Doctor*, quæ fecit, ut dum aderat suador, nec deerat tempus, & locus, homo non consentiret. Nec enim efficax gratia Dei, tempus, locum, & dispositionem subjecti expectat, ut operetur, ut cecinit S. *Prosper* Carmine de Ingratis:

*Ipsa suum consummat opus, cni tempus agendi  
Semper adest, quæ gesta velit. Non moribus illi  
Fit mora, nec causis anceps suspenditur ullis.*

28. Ultimùm sit ex necessitate orationis argumentum. Est *oratio clarissima gratiæ testificatio*, ut dicit S. *Augustinus* Epist. 177. num. 4. quæ nos facit querere ut inveniamus, petere ut accipiamus, pulsare ut aperiatur nobis. At ubi gratia congrua? Ut enim ait *Caducifer* pag. 378. num. 222. gratia congrua non est alia distincta, quæ superveniat gratiæ indifferenti; sed eadem omnino entitas, dicens, tam ex se, quàm ex circumstantiis congruentiam ejus cum libero arbitrio, & liberi arbitrii cum ipsa in ordine ad cooperandum. Quid ergo quarit homo, ut inveniat, quid petit, ut accipiat, cur pulsât, ut aperiatur ei? Si in talibus circumstantiis dispositio, in qua versatur, attemperata est gratiæ; & gratia ex eisdem circumstantiis congruentiam dicit cum libero arbitrio; persuatoria, & non vera esset oratio, quâ gratiam congruam peteret; cum nullus oret, ut habeat quod jam accepit, Quis namque non videat à Domino inaniter peti, & fallaciter orari, cum orando poscitur, quod in potestate voluntatis est constitutum? Non insuper orare potest, ut gratia ex non congrua, fiat congrua: talis namque reddi non potest, nisi oret, ut transvertatur, & varietur peristasis illa præsens circumstantiarum; sed ut tateat idem *Caducifer* pag. 382. num. 227. oratio non postulat aliam peristatim circumstantiarum, præter eam individuum: ergo nec orat; ut gratia ex non congrua, reddatur congrua. Quod maxime urget, dum homo in ultimo vitæ periodo gravi tentatione vexatur. Tunc enim ei magis necessaria est oratio, & gratia Dei, quæ est invictissimum scutum, quod repellit iniuriæ suggerens desperationem salutis, ut dicit S. *Augustinus* enarrat. in *Psal.* 5. num. 17. & quâ spiritus Dei adjuvat infirmitatem nostram. Non utique rogat ille pro nova submissione occasionum, cum se in ultimo vitæ termino constitutum agnoscat: ergo solum orat, sub quibuslibet circumstantiis ille sit, pro consensu salutari, & ut invictissimâ gratiæ efficaciam perficiatur conversio, & perseverantia secundum Dei propositum.

29. Hoc nos orare docet Ecclesia Dominic. xiii. post Pentecost.: *Omnipotens sempiterne Deus da nobis, Fidei, Spei, & Charitatis augmentum; & ut mereamur assequi quod promittis, fac nos amare quod*

quod præcipit : Sed non oramus Deum dare nobis Fidei , Spei , & Charitatis augmentum , mediâ gratiâ , quæ solum sit efficax ex circumstantiis , & attemperata voluntati ; sed gratiâ , quæ nos faciat amare quod præcipit : ergo cum hæc sit gratia ex se efficax , hanc nobis dari exposcit Ecclesia . Rursus Dominica xv. sic orat Ecclesia : *Mentes nostras , & corpora possideat , quæsumus Domine , doni cælestis operatio : ut non nosser sensus in nobis , sed jugiter ejus præveniat effectus* : sed doni cælestis operatio , quæ mentes nostras , & corpora possideat , est gratia efficax , & quæ non est efficax à consensu Creaturæ ; aliâ nosser sensus in nobis ejus præveniret effectum , non tamen ejus effectus nostrum præveniret sensum : ergo gratiam orat , quæ manus Dei omnipotens inprimis intimis visceribus Creaturæ , quæ cum mentes nostras , & corpora possideat , ex se , & non à consensu Creaturæ redditur efficax . Præterea ; Dominicâ infra Octavam Ascensionis orat Ecclesia : *Omnipotens sempiternæ Deus , fac nos tibi semper & devotam gerere voluntatem , & majestati tuæ devoto corde servire* ; & in Secreta ; *Sacrificia nos Domine immaculata purificent , & mentibus nostris supernæ gratiæ dent vigorem* : Rogo modo : si Deum oramus , ut faciat nos semper ei devotam gerere voluntatem : ergo non gratiâ sufficiente , quæ semper adest , adjutus homo , hanc ei devotam Deus dat voluntatem ? Si supernæ gratiæ vigorem in mentibus nostris à Deo poscimus : ergo non gratiæ supernæ vigor , seu efficacia ex consensu voluntatis , & circumstantiis in nobis est . Tandem orat Ecclesia ter . 4. post 11. Dominicam Quadragesimæ super Populum : *Dens innocentia restitutor , & amator , dirige ad te tuorum corda servorum , ut spiritus tui fervore concepto , & in Fide inveniantur stabiles , & in opere efficaces* : Non hic Deum deprecatur , ut in propitiis circumstantiis constitutus possit homo ad Deum cor suum dirigere , cum jam adit potestas ; sed ut ipse Deus dirigat corda . Efficaciam exposcit in opere , & ut inveniamur in Fide stabiles ; at non efficaciam , quæ talis sit ex circumstantiis , sed spiritûs Dei fervore concepto : quod nihil efficacius , nihil congruentius , tum dispositioni hominum , tum circumstantiis extrinsecis , nihilque magis aptum ad pertinaciam hominis domandam , quàm invictissimus iste Dei fervor . Quare merito exclamât S. Augustinus : *Ut quid ista orando tanto gemitu petimus , si volentis hominis , & currentis ( nempe gratiâ solum sufficienti ) non miserationis est Dei ?*

## §. III.

*Solvuntur Argumenta ab auctoritate petita .*

30. **O**bjiciunt nobis primò patroni sententiæ oppositæ illud *Augustini* ex lib. 1. ad *Simplicianum* quæst. 2. num. 13. *An forte illi , qui hoc modo vocati non consentiunt , possent , alio modo vocati , accommodare fidei voluntatem ; ut & illud verum sit , multi vocati , pauci electi ut quavis multi uno modo vocati sint ; tamen , quia non omnes uno mo-*

do affecti sunt, illi soli sequantur vocationem, qui ei capiendæ reperiantur idonei; illud non minus verum sit, igitur non volentis, neque currentis, sed miserentis est Dei, qui hoc modo vocavit, quomodo aptum erat eis, qui secuti sunt vocationem? Ex quibus sequens ab illis elicitur argumentum. Primò: juxta S. Doctorem, quamvis multi uno modo vocati sint, non tamen omnes uno modo affecti sunt; sed si vocatio illa non esset indifferens, & dependens in esse congrua à dispositione subjecti, non modus vocationis esset diversus, sed uno, eodemque modo, efficaci nempe vocatione, vocarentur omnes: ergo vocatio congrua solum est talis ex dispositione subjecti. Id magis comprobant sequentia verba: Illi soli vocationem sequuntur, qui huic capiendæ sunt idonei; sed si vocatio congrua esset ex se ipsa efficax, sequerentur omnes vocationem illam: cum in omnibus esset infallibiliter connexa cum actu: ergo. Et tandem, quia si verba Augustini rectè perpendantur, idoneitas capiendæ vocationis supponitur ex parte voluntatis ad ipsam: quod exprimitur verba ista, qui ei capiendæ reperiantur idonei; sed si vocatio congrua esset se ipsa efficax, idoneitas non se teneret ex parte subjecti, sed Deus hanc causaret in illo; quia sic vocat, ut per illam mentem, & voluntatem applicet ad fidem: ergo vocatio congrua dici non potest ex se ipsa, sed ex determinatione, & dispositione subjecti; ut verum sit dicere, quod Deus ita vocat, quomodo eis, vocari aptum est, ut sequantur.

31. Confirmatur primò ex his, quæ S. Doctor num. sequenti 11. statuit. Cum ergo, inquit ille, alius sic, alius autem sic moveatur ad fidem, eademque res sæpe alio modo dicta moveat, alio modo dicta non moveat; quis audeat dicere desuisse Deo modum vocandi, quò etiam Esau ad eam fidem mentem applicaret, voluntatemque conjungeret, in qua Jacob justificatus est; ex quibus sequens elicitur argumentum. Hic S. Doctor non recurrit ad Omnipotentem Dei operationem, quæ in omnibus circumstantiis operetur in nobis velle; sed ad Omnipotentiam fortunam mediorum, quibus bonum suaderi potest; sed si gratia esset ab intrinseco efficax, inutilis esset præparatio illa mediorum, & præscientia futuri consensûs sub illis circumstantiis: ergo solum est efficax ex nutu voluntatis in illis circumstantiis, quibus scit ei congruere, ut vocantem non respuat.

32. Confirmatur secundò ex eodem S. Doctore hic num. 6. dicente: Unde quod dictum est, quia elegit nos Deus ante mundi constitutionem, non video quomodo dictum sit nisi præscientiâ: quibus verbis satis aperte declarat Augustinus certitudinem prædestinationis, & infallibilem electionis effectum solum cognoscere Deum in præscientia: sed si id in præscientia cognoscit Deus, infallibilis connexio electionis cum consensu, non est ex gratia, sed præscientia; quâ nempe videt Deus, quod gratia Dei in tali persona, in tali tempore, & occasione infallibiliter habitura est effectum, quæ tamen voluntate humanâ in alia non reddimur congrua, sed inefficax; quare Epist. 102. ad Deo gratias dicit S. Doctor: Tunc voluisse hominibus apparere Christum, quando sciebat, & ubi sciebat esse, qui in eum fuerant credituri: ergo gratia est efficax, quia præ-



prævidet Deus voluntatem se ipsam in tali tempore, & occasione esse ad hanc partem inclinaturam .

33. Ad primum, quod elicitur ex lib. 1. ad *Simplic. quæst.* 2. facilis est solutio, dicendo, statuisse ibi num. 12. S. Doctorem vocationem congruam, non ex dispositione liberi arbitrii, sed efficietice in nobis bonæ voluntatis ex illo *Apostoli* ad *Philipp.* 13. *Deus est, qui operatur in vobis, & velle, & operari pro bona voluntate: Vbi*, inquit S. Doctor, ostendit etiam ipsam bonam voluntatem in nobis operante Deo fieri. Nam si propterea solum dictum est, non volentis, neque currentis, sed miserentis est Dei; quia voluntas hominis sola non sufficit, ut iuste, recteque vivamus, nisi adjuvemur misericordiâ Dei: potest & hoc modo dici, igitur non miserentis est Dei, sed volentis est hominis; quia misericordia Dei sola non sufficit, nisi consensus nostræ voluntatis addatur. At illud manifestum est, frustra nos velle, nisi Deus misereatur: illud autem nescio, quomodo dicatur, frustra Deum miseri, nisi nos velimus. Si enim Deus miseretur, etiam volumus: ad eandem quippe misericordiam pertinet, ut velimus. Deus enim est qui operatur in nobis & velle, & operari pro bona voluntate. Nam si quæramus, utrum Dei donum sit voluntas bona, mirum si negare quisquam audeat. At enim quia non præcedit voluntas bona vocationem, sed vocatione bonam voluntatem, propterea vocanti Deo recte tribuitur, quod bene volumus, nobis verò tribui non potest, quod vocamur. Non igitur ideo dictum putandum est, non volentis, neque currentis, sed miserentis est Dei; quia nisi ejus adiutorio non possumus adipisci quod volumus: sed ided potius, quia nisi ejus vocatione non volumus. Quid clarius, & expressius, ut ostendat bonam voluntatem esse in nobis operante Deo; quod illa voluntas bona vocationem non præcedit, sed potius vocatione bonam voluntatem; nec nobis tribui, quod congruè vocemur, quod verum esset, si congruitas vocationis penderet ex dispositione liberi arbitrii.

34. Pergit jam S. Doctor num. 13. ad explicandam hanc gratia congruitatem, varios vocandi modos agnoscens; at ibi etiam ostendit efficaciam, seu congruitatem vocationis non esse desumendam ex determinatione, seu dispositione liberi arbitrii, dicens: *Sed si vocatione ista est efficiatrix bonæ voluntatis, ut omnis eam vocatus sequatur, quomodo verum erit; multi vocati, pauci verò electi? Quod si verum est, & non consequenter vocationi vocatus obtemperat, atque ut non obtemperet in ejus est positum voluntate; recte etiam dici potest, igitur, non miserentis Dei, sed volentis, atque currentis est hominis: quia misericordia vocantis non sufficit, nisi vocati obedientia consequatur.* Hac S. Doctor. Modos varios, de quibus sermo erat citato num. 13. proponit S. Doctor num. seq. 24. asserens, aliquos esse purè moventes ex parte objecti, ut exprimunt sequentia verba: *Videmus enim alios aliter iisdem rebus demonstratis, vel significatis ad credendum moveri: variaque adducit exempla. Sicut exempli gratia, Simeon in Dominum nostrum Jesum Christum adhuc infantem parvulum credidit Spiritu ei revelante cognoscens. Nathanael ad unam sententiam, quam ab illo audi-*

vit, priusquam te Philippus vocaret, cum esses sub arbore ficu vidi te; respondit, Rabbi, tu es Filius Dei, tu es Rex Israel. Quod tantò post quia confessus est Petrus, meruit audire, quod Beatus sit, & quod ei darentur claves Regni Cælorum. Miraculo factò in Cana Galilææ, quod initium signorum Jesu Joannes Evangelista commemorat, aqua in vinum conversâ, crediderunt in eum Discipuli ejus. Multos loquendo incitavit ad fidem: multi nec suscitatis mortuis crediderunt, de Cruce, atque morte ejus conterriti etiam Discipuli titubabant? Et tamen Latro tunc credidit, cum eum non præstantiorem videret in operibus, sed consortio Crucis æqualem. Unus etiam de numero Discipulorum post ejus Resurrectionem, non tam viventibus membris, quam recentibus cicatricibus credidit: multi ex eorum numero, à quibus crucifixus est, qui videntes eum miracula facientem contemplant, Discipulis etiam eum prædicantibus, & in Nomine ejus talia facientibus crediderunt. Ex quibus omnibus vocandi modis concludit S. Doctor: Cum ergo alius sic, alius autem sic moveatur ad fidem, eademque res sæpè alio modo dicta moveat, alio modo dicta non moveat, aliunde moveat, alium non moveat, quis audeat dicere defuisse Deo modum vocandi, quo etiam Esau ad eam fidem mentem applicaret, voluntatemque conjungeret. Quis enim dicat modum, quo ei persuaderetur, ut crederet, etiam omnipotenti defuisse? Quem modum esse ex se ipso efficacem, & contra quem obdurescere nequit mentis averio, clarissimis Sacræ Scripturæ testimoniis probat num. 15. ibi videndis. Ex quibus omnibus mens *Augustini* desumenda scilicet est, congruitatem vocationis non ex dispositione liberi arbitrii, sed ex efficacia gratiæ esse desumendam.

35. Quibus positis, respondetur ad primum suprà num. 30. nobis objectum, dist. majorem. Quamvis multi, unò modò vocati sunt, quantum ad motiva objectivè allicientia, seu moraliter moventia, atque sufficientem illuminationem internam, seu excitationem; non tamen omnes eòdem modò affecti sunt, concedo majorem. Eòdem modò, quantum ad efficaciam motionis, quâ vocatio perficitur, nego maj. Et sub eadem distinctione min. neganda est consequentia. Memini jam me aliàs vocationem à motione distinxisse; quia vocatio præcedit, motio sequitur. Unde *Augustinus* ibi citatus num. 54. ait; quòd voluntas bona non præcedit vocationem, sed è contrâ vocatio ad audientem, sive intelligentem refertur; motio ad volentem, & operantem. Quamobrè Deo vocanti consensum, aut dissensum apponere possumus; operanti autem operationem subicimus. Vocatio ergo est quædam Dei motio, sed quæ effectum, ad quem à Deo ordinatur, non habet; nisi accedente motione efficaci. ( Nam & inefficax quædam motio est, quæ ad perfectionem vocationis non pertingit. ) Sic ergo cum æqualitate vocationis tum objectivè, tum etiam subjectivè sufficientis, stat diversitas affectionis, non verò cum æqualitate motionis vocationem perficientis. S. *Augustinus* de vocatione primò modò intellecta loquitur, ut legenti patet; prout scilicet diversa habetur in hominibus.

cor-

cordis dispositio, sub iisdem motivis objectivis, & iisdem interioris gratiæ allicientis auxiliis; nempe verbis auditis, miraculis visis, stupendâ mortuorum suscitatione, prædicatione Evangelii, cicatricibus, aliisque signis, & externis credibilitatis motivis; & cum æquali interna inspiratione luminis, & amoris, quæ efficax non sit, sed purè alliciens.

36. Eadem sit responsio ad 2. disting. maj. idoneitate habitâ ex efficaci adjutorio Dei concedo maj. idoneitate, quam aliundè habeat subiectum, neg. maj. Deus enim per gratiam suam causat in nobis idoneitatem ad opera sua; & quod idonei sint homines, donum Dei est; quoniam ille facit dona sua merita nostra, non quia non cooperemur, sed quia dat, ut cooperemur. Hanc solutionem continent verba citata. S. *Augustini* num. 12. Ait enim quia non præcedit voluntas bona vocationem, sed vocatio bonam voluntatem, propterea vocanti Deo rectè tribuitur, quòd benè volumus, nobis verò tribui non potest, quòd vocamur.

37. Et tandem ad tertiam dicimus distinguendo maiorem. Supponitur idoneitas ex dono Dei per gratiam suam conc. ex nobis citrâ Dei gratiam, neg. maj. Et sub eadem minoris distinctione negetur consequentia. Itâ sanè est, quòd asserit S. Doctor, quòd soli sequuntur, sive obediunt vocationi, qui ad ejus obedientiam sunt idonei; at quòd idoneitas, vel aptitudo ad vocationem, ut congruam, recipiendam, non sit ex efficacia gratiæ, minimè elicitur ex verbis S. Doctoris; quin potius oppositum tradit S. Doctor lib. de *prædest. Sanctior* cap. 10. allèrens, se aliquandò dixisse, salutem Religionis digno non defuisse.... Quòd si discutatur, & queratur, unde quisque sit dignus; non defuit, qui dicunt voluntate humana; nos autem dicimus gratiâ, vel prædestinatione Divina. Cui concinit D. *Thomas* 1. 2. q. 114. art. 5., ubi explicans illud *Augustini*: Deus non dat gratiam nisi dignis, asserit, non quia prius digni sunt, sed quia gratia sua dignos facit; ita & nos dicimus, quòd unusquisque est affectus ad sequendam vocationem Dei, ut congruam, at idoneitate, & aptitudine, quæ sit ex ipsa gratiæ efficacia.

38. Ad cujus confirmationem opportunè adducendum est hic illud *Actuum* 17. Ubi legitur, quòd multi audientes *Paulum* prædicantem irridebant, quòd alii crediderunt, alii verò nondum credentes dixerint, audiemus te de hoc iterum: Cum audissent autem *Resurrectionem mortuorum*, quidam quidem irridebant, quidam verò dixerunt, audiemus te de hoc iterum. Sic *Paulus* exivit de medio eorum. Quidam verò viri adhaerentes ei crediderunt: in quibus & *Dionysius Areopagita*, & mulier nomine *Damaris*, & alii cum eis. An credentium, fides à circumstantiis congruis processit, ita ut propter gratiam congruam adhaerent *Paulo*? Minimè: nam cum eadem esset, & prædicatione, & locus, & tempus, adeoque opportunitas, & congruitas, de facto credidissent omnes: ergo alia potens, efficax, & victrix in cordibus eorum agnoscenda est gratia, quæ dedit unis Spiritum fidei, fecitque eos aptos, & idoneos, ut crederent *Paulo*. Id quod habetur clarissimè

ex



ex eodem Actorum libro cap. præcedenti scilicet 16. ; ubi *Lucas* cum retulisset *Lydiam* purpurariam *audivisse*, aure scilicet cordis, Evangelium, ne quis tortè crederet, hoc factum, quòd illa, quæ dicta erant à *Paulo*, fuissent congrua isti, & non alii, protinus adjecit : *Cujus Dominus aperuit cor, ut audiret bis, quæ à Paulo dicebantur* : quò tenore voluit quoque Evangelista intelligi ea, quæ capite subsequente refert de quibusdam Atheniensibus conversis, cæteris in Infidelitate remanentibus.

39. Sed ut promptior sit solutionis datæ intellectus, mens S. Doctoris ex tota textûs, quem tractamus, contextione desumenda est. Tractat *Augustinus* in 1. lib. ad *Simplicianum* quæstiones duas, quas ex Epistola ad *Rom.* solvendas proposuit *Simplicianus* Episcopus, ut & exordio præfati libri convincitur : *Gratissimam planè, atque suavissimam interrogationum tuarum dignationem mihi, Pater Simpliciane, misisti : quibus nisi respondere conarer, non solum contumax, verum etiam ingratus existerem. Et illa quidem, quæ de Paulo Apostolo dissolvenda proposuisti, jam à nobis erant nuncumque discussa, litterisque mandata. Sed tamen eadem ipsa verba Apostolica, tenoremque sententiarum, non contentus inquisitione, atque explicatione præteritâ, nè quid in ea diligenter præterissem cautius adtentiusque rimatus sum. Non enim tu ea percontanda censes, si eorum intellectus facilis, atque expeditus foret. Intentionem ergo, & mentem Apostoli examinat S. Doctor, & statutâ veritate istâ, quòd gratia fidei præcedit bona opera, quia consequenter sunt bona opera, non quæ gratiam pariant, sed quæ pariantur à gratia ; hinc pergit ad quæstionem aliam solvendam : Quomodò nempe justa sit electio *Jacob*, qui nondum natus, nihil boni egerat, & meritis reprobat *Esaü*, qui nondum etiam natus, nihil mali operatus est ? Quâ discretionem, quò æquitatis examine dilectus ille, nullo actionis bonæ merito ; odiosus iste, nullo malæ actionis demerito, nullâque existente differentiâ, quâ eligeretur unus, & reprobaretur alter, ut dicit Apostolus ? An nempe fuerit electio *Jacob* ex præscientia bonorum operum, quia nempe fidem futuram præscius vidit Deus in *Jacob*, quam non vidit in *Esaü* ? An quia congruenter vocatus *Jacob* fuit, quomodò ei aptum erat, ut vocationem sequeretur ; non tamen sic congruenter vocatus fuit *Esaü*, ut vellet obedire ? Fuerit nè ex gratia Dei, quòd vocationi vocatus obtinuerat, an potiùs quia ipse voluit ? Quæstionem hanc difficilem, & admirabilem, & præ omnibus aliis stupendam profundissimè tractat *Augustinus*, utriusque partis momenta in trutina ponderans, ut his maturè expensis, liquidior consideratione quæstionem solveret. At cum multum in utramque partem disputet ; opus est diligenti attentione, ut objecta à respondentis discerni valeant.*

40. Statim à num. 10. partes liberi arbitrii tueretur omnibus illis momentis, quæ obijciuntur nobis ; & quæ non decretoriè, sed per modum dubii, discussionis, & examinis proponit S. Doctor, ut probat modus ille loquendi, num. 10. *Benè quidem ; sed cur hac misericordia subtrahat*

*Est*

*Est autem ab Esau, ut non sic vocaretur, ut & vocato inspiraretur fides, & credens misericors fieret, ut bene operaretur? Num. 3. Sed si vocatio ista est effectus bonæ voluntatis, ut omnis eam vocatus sequatur, quomodo verum erit, multi vocati, pauci verò electi? An fortè illi, qui hoc modo vocati non consentiunt, possent alio modo vocati, accommodare fidei voluntatem? Num. 4. Hic dicit aliquis, cur ergo Esau non sic est vocatus, ut vellet obedire. Planissimum ergo debet esse si diligenter observetur modus ille loquendi, hæc dixisse Augustinum dubitanter, & sine ulla affirmatione, per modum discussionis, & examinis, ut omnibus momentis maturius expensis, faciliusque intellectis, & questionem exponeret, & iudicium institueret. Nihil ergo sententialiter, & diffinitivè in gratiam liberi arbitrii pronuntiavit. Pro isto laboravit solum, rationes afferens, quibus, & ejus dispositione, & circumstantiis, congruitatem gratiæ esse sumendam probaret. At ubi questionem decidit, & solvit, victricem de resistentia voluntatis gratiam Dei commendat, momentaque posita immediatè re jicit dicens: num. 13. *Sed quid hæc quarimus? Sit Augustinus ipse sui interpres lib. 2. Retract. cap. 1. sic loquens: In cujus questionis solutione laboratum est quidem pro libero arbitrio voluntatis humanæ, sed vicit Dei gratia, nec nisi ad illud potuit pervenire, ut liquidissimè veritate dixisse intelligatur Apostolus: Quis enim te discernit? En quomodo laboravit pro libero arbitrio voluntatis humanæ: en & victrix Dei gratia, semper enim eo recidit S. Doctor, quòd motio, cujus nomine gratiam operationis intelligit, est effectrix bonæ voluntatis; sic enim loquitur: Sed si vocatio ista est effectrix bonæ voluntatis: quam in nobis fieri operante Deo probat num. 12. ex illo Apostoli ad Rom. 9. v. 16. Igitur non volentis, neque currentis, sed miserentis est Dei, dicens: Vbi satis ostendit etiam ipsam bonam voluntatem in nobis operante Deo fieri. Hoc nempe invictò argumento: Nam si propterea solum dictum est, non volentis, neque currentis, sed miserentis est Dei; quia voluntas hominis sola non sufficit, ut justè rectèque vivamus, nisi adjuvemur misericordiâ Dei: potest, & hoc modo dici: igitur non miserentis est Dei, sed volentis est hominis; quia misericordia sola non sufficit, nisi consensus nostræ voluntatis addatur. En aptitudo petita ex gratia efficiente bonam voluntatem, quia nusquam caret suo effectu, quia cujus Deus miseretur, non frustra miseretur, ut firmat S. Doctor num. 13. in fine: Falsum est autem si quis dicit, igitur non miserentis Dei, sed volentis, atque currentis est hominis, quia nullius Deus frustra miseretur, cujus autem miseretur, sic eum vocat (vocatione effectrice) quomodo scit ei congruere, ut vocantem non respiciat: nempe dispensans gratiam, quæ concupiscentiam vincat, & suo nusquam careat effectu. Quod & rursus constat ex his, quæ ex eodem num. 13. habet. Ea non jam, inquit, similiter verum est, igitur non miserentis Dei, sed volentis, atque currentis est hominis: quoniam non potest effectus misericordiæ Dei esse in hominis potestate, ut frustra ille misereatur, si homo nolit, quia si vellet etiam ipsorum misereri, posset ita vocare, quomodo illis aptum esset, ut & moveretur,**

tur, & intelligerent, & sequerentur. Quibus clarissimè constat S. Doctorem Divinæ gratiæ adscribere aptitudinem eorum, qui efficaciter vocati sunt.

41. Id ipsum disertè num. 14. exponit, dicens: *Quòd si tanta quoque potest esse obliuio voluntatis, ut contra omnes modos vocationis obdurecat mentis aversio; quaeritur, utrum de Divina pœna sit ipsi duritia; cùm Deus deserit non sic vocando, quomodò ad fidem moveri potest; quis enim dicat modum, quò ei persuaderetur, ut crederet etiam Omnipotenti desuisse? Modum quidè, non indifferenter, & versatilem, sed electricè bonæ voluntatis, ut crederet; quem congruum dicit, quia aptus est ex se superare humanæ voluntatis resistentiam. Non abulmiller idem significat num. 21. dicens: *Præcipitur, ut credamus, ut donò acceptò Spiritus Sancti per dilectionem bonè operari possimus: sed quis potest credere nisi aliquâ vocatione, hoc est aliquâ rerum testificatione tangatur? Quis habet in potestate tali viso attingi mentem suam, quò ejus voluntas moveatur ad fidem? Quis autem animo amplectitur aliquid, quod enim non delectat? Aut quis habet in potestate, ut vel occurrat quòd enim delectari possit, vel delectet, cùm occurrerit? Cum ergo nos ea delectant, quibus proficiamus ad Deum, inspiratur hoc, & præbatur gratiâ Dei; non nutu nostro, & industriâ, aut operum meritis comparatur: quia ut sit nutus voluntatis, ut sit industria studii, ut sint opera charitate ferventia, ille tribuit, ille largitur. En clarissimè quòd nullus, in quibuscumque circumstantiis sit politus, habet in potestate tali viso attingi mentem suam, quò ejus voluntas moveatur ad fidem; nec quòd occurrat, quòd enim delectari possit, vel delectet, cùm occurrerit, ut sint opera charitate ferventia: quod non ellè voluntatis humanæ, nec nutu suo, aut industriâ comparari posse, sed totum ellè ex gratia Dei docet Augustinus, dicens: *Inspiratur, & tribuitur grâtiâ Dei*; hæc nanque inspirat suavitatem, & delectationem, quæ concupiscentiam superat, ac vincit, & per quam reportant omnes gloriosum de tentationibus omnibus triumphum. Est nanque gratia ista, per se bonæ voluntatis operativa, ut hic num. 21. concludit S. Doctor, dicens: *Igitur non volentis, neque currentis, sed miserentis est Dei, quandoquidè, nec velle, nec currere nisi eò movente, atque excitante poterimus*. Quæ cùm ita sint; itaue æquum, ac prudentem Augustinianæ doctrinæ altimatorem movere possunt ea, quæ in unam partem hic scripsit Augustinus, ut tanquam sacram Augustini decisionem contra gratiam vendiderit? Equanè est argumentatio, quæ momentis solùm disputativè propositis innititur, relictis illis, quæ ad definiendam quætionem tanquam certa, immò indubitata posuit Augustinus, & quæ laudat ipse S. Doctor lib. de prædest. SS. cap. 4., & in lib. de Dono perseverantiæ cap. 21., & quæ firmissimis argumentis firmat S. Doctor in Epistolis ad Sixtum, Paulinum, Vitalem: necnon in libris de Gratia, & libero arbitrio de corrept., & grat. de prædest. SS. & Dono perseverantiæ; in quibus omnibus disertissimè, planissimèque causam agit gratiæ; ejusque electricè operandi modum profundè expli-**

plicat, germanamque suam exponit de gratia efficaci sententiam. Vana prorsus, & inutilis est vis argumenti, quod brevi solius textus observatione prostrernitur.

42. Ad secundam Confirmationem responderi potest, quòd S. Doctor dicto num. 6. intendebat explanare textum *Apostoli ad Rom. g. v. 11. 12. 13.* quare post verba nobis objecta ibidem ait. *Hic autem quod ait, non ex operibus, sed ex vocante dictum esse ei, quia major serviet minori: non electione meritorum, quæ post justificationem gratiæ proveniunt, sed liberalitate donorum Dei vult intelligi, ne quis de operibus extollatur. Gratiæ enim Dei salvi facti sumus & hoc non ex nobis, sed Dei donum est; non ex operibus, ne forte quis extollatur.* Unde perspicue videtur S. Doctorem duplicem ponere electionem, unam executivam, seu per modum coronæ, hoc modo antea explicatam: *Non tamen electio præcedit justificationem, sed electionem justificationis; nemo enim eligitur, nisi jam distans ab alio, qui rejicitur; aliam vero intentivam, & pure gratuitam liberalitate donorum Dei, ne quis de operibus extollatur, constitutam, quæ propriè prædestinatio est beneficiorum Dei, ac proinde prædestinatio gratuita.* De hac electione locutus est *Augustinus* in textu nobis objecto: *Unde quod dictum est, quia elegit nos Dei ante mundi constitutionem, non video quomodo dictum sit, nisi præscientia.* Verum quæ præscientiæ? Eritne speculativa, seu exploratrix consensûs liberi circumstantiæ futuri, ex quo intallibilis Dei cognitio exillat? Neutiquam. Quia non constaret, quod ipsemet eodem loco firmiter asserit: *Gratiæ Dei salvi facti sumus, & hoc non ex nobis, sed Dei donum est: non ex operibus, ne forte quis extollatur.* Loquitur igitur de præscientiâ Dei practica, seu donorum collatrice, ideoque gratuita, quæ certitudinem prædestinationis, & intallibilem electionis effectum in Divino decreto, & in gratia seipâ efficaci, non tamen in attensu prævisio, & in operibus agnoscit: quò circa eam, utpote faventem utique, ac non adversantem nostræ doctrinæ, corde, ore, & opere amplectimur, recipimus, & profitemur, ac minimè averfamur.

43. Et præterquamquòd inconcussa *Augustini* mens præfata in solutione satis apparet, nihilominus satius inspicitur de correp. & grat. cap. 12. num. 36. de prædest. SS. cap. 10. num. 19. & cap. 19. num. 38. de dono persever. cap. 17. num. 47. & præcipue de prædest. SS. cap. 17. num. 34. ubi S. Doctor ait: *Nam quid est, quod ait Apostolus; Sicut elegit nos in ipso ante mundi constitutionem? Quod profectò, si propterea dictum est, quia præscivit Deus credituros, non quia facturus fuerat ipse credentes: contra ipsam præscientiam loquitur filius, dicens: Non vos me elegistis, sed ego vos elegi: cum hoc potius præscierit Deus, quod ipsi eum fuerant electuri, ut ab illo mererentur eligi. Electi sunt itaque ante mundi constitutionem eâ prædestinatione, in qua Deus sua futura scilicet præscivit: electi sunt autem de mundo eâ vocatione, quâ Deus id, quod prædestinavit, implevit.* Satis igitur superque constat *Augustinum* præscientiam conditionatam, & speculativam explodere, absolutam verò, & practicam admittere, quin suspicio ulla contrarium suadens existat.

44. Hoc confirmatur magis ex Angelico Magistro . Nam postquam sibi cap.9. ad Rom. lect.2. D. Thomas hæc obiecerat : *Dicit autem hic quædam Glossa quod id , quod supra dictum est , major serviet minori , dictum est secundum præscientiam ; & convenientiam , ac differentiam prædestinationem inter , & reprobationem mirè explicaverat , sic respondet : Et ideo præscientia meritorum non potest esse aliqua ratio prædestinationis , quia merita præscita cadunt sub prædestinatione : sed præscientia peccatorum potest esse aliqua ratio reprobationis ex parte pænæ , quæ præparatur reprobatis : in quantum scilicet Deus proponit se puni-  
turum malos propter peccata , quæ à seipsis habent , non à Deo . Justos autem proponit se premiaturum propter merita , quæ à seipsis non habent* Osee 13. *Perditio tua ex te Israel , tantum in me auxilium tuum .* Ex quibus luce clarius constat , Angelicum Magistrum , S. Augustini discipulum , præscientiam speculativam *Mediam* , seu meritorum à motivo prædestinationis constanter arcere , cum circa futura , ad prædestinationis spheram spectantia , non aliam , nisi practicam , visionis , & gratuitam admittat .

45. Nec reponas Angelicum Magistrum lect.3. ejusdem capitis asserere : *Alio modo potest intelligi , ut aliquis dicatur dignus misericordia ; non propter aliqua merita præcedentia gratiam , sed propter merita subsequencia .* Puta ut dicamus , quod Deus dat alicui gratiam , & proposuit eam ab æterno illi se daturum , quem præcivit eâ fore usurum : ergo Angelici Magistri confessione præscientia speculativa , seu prævisio boni usûs liberi arbitrii , seclusis alijs , ratio , & motivum est prædestinationis , ac proinde in suo robore argumentum persistit . Sed respondetur Doctorem Angelicum id ex aliorum mente dixisse , nam deinde inquit : *Sed videtur , quod nec hoc convenienter dici possit . Manifestum est enim , quod nihil potest poni , ut ratio prædestinationis , quod est prædestinationis effectus , etiamsi accipiatur , prout est in Dei præscientia : quia ratio prædestinationis præintelligitur prædestinationi , effectus autem in ipsa includitur .* Manifestum est autem , quod omne Dei beneficium , quod homini confert ad salutem , est Divina prædestinationis effectus . Divinum autem beneficium non solum extendit se ad infusionem gratiæ , quæ homo iustificatur , sed etiam ad gratiæ usum . Sic igitur ipse usus gratiæ est à Deo . . . sic igitur non potest esse , quod merita consequentia gratiam sunt ratio miserendi , aut prædestinandi , sed sola Dei voluntas , secundum quam misericorditer aliquos liberat . Quibus penitus exclusa manet præscientia conditionata , & his solis verbis argumentum à primo ad ultimum solutum : quæ solutio , utpote expeditior , mihi magis placet .

46. Non momenti alicujus , aut maioris roboris est tertia Confirmatio . Pro quò supponendum , quod in littera S. Augustini præscire , & prædestinare , sive præscientia , & prædestinatio idem omnino significant , ut constat ex lib. de dono perseverant. cap.17. ubi legitur : *Eaque esse ab illo præcognita , ac per hoc prædestinata , & infra : Dei dona , eaque præcognita , id est , ad donandum prædestinata .* Et cap.18. *Hac in-*  
quam



quam Dei dona, si nulla est prædestinatio, quam defendimus, non præsciuntur à Deo; præsciuntur autem: hæc est igitur prædestinatio, quam defendimus. Unde aliquando eadem prædestinatio significatur etiam nomine præscientiæ; sicut ait Apostolus ad Rom. 11. 2. *Non repulsi Deus plebem suam, quam præscivit. Hic quod ait præscivit, non rectè intelligitur nisi prædestinavit; quod circumstantia ipsius locutionis ostendit; & postquam hoc probavit, subdit. Præscivit enim reliquias, quas secundum electionem gratiæ fuerat ipse facturus: hoc est ergo prædestinavit, sine dubio enim præscivit, si prædestinavit; sed prædestinasse, est hoc præscisse, quod fuerat ipse facturus. Quod iterum repetit cap. 19. allerens, eandem esse sententiam SS. Cypriani, Ambrosii, & Gregorii Nazianzeni. Constat ergo ex D. Augustino, præscientiam, de qua ille, & alii SS. Patres agebant, non esse aliam, quam præscientiam absolutam decreto prædestinativo innixam, vel potius ipsam prædestinationem: Quid nos prohibet, inquit S. Doctor citat. cap. 19., quando apud aliquos verbi Dei tractatores legimus præscientiam Dei, & agitur de vocatione electorum, eandem intelligere prædestinationem? At, licet omnis prædestinatio sit præscientia; non tamen omnis præscientia est prædestinatio; quia præscientia ad amplius se extendit, nempe ad peccata, ad quæ non se extendit prædestinatio: Est ergo præscientia latius quiddam, & prædestinare contractius, ad sola bona se extendens. Rursus, licet præscientia innixa decreto, idem ex parte rei significat; significat, ac prædestinatio; differunt tamen ex parte modi significandi; quia prædestinatio explicitè importat efficaciam, quam non importat explicitè præscientia.*

47. Hoc supposito, dicimus ad argumentum, præsentiam, de qua S. Doctor, non esse conditionatam, seu mediam, sed liberam, & antiquam, innixam decreto prædestinativo, vel h. scilicet, vel hominum, qui erant credituri Christo apparente; ut præter modò dicta, probat etiam illud S. Doctoris oraculum de prædest. Sancti. cap. 9. ubi responsum est istam expressè tradit, dicens: *Perinde quod dixi: Tunc voluisse h. minibus apparere Christum, & apud eos prædicari doctrinam suam, quando sciebat, & ubi sciebat esse, qui in eum fuerant credituri; posses etiam sic dici: Tunc voluisse hominibus apparere Christum, & apud eos prædicari doctrinam suam quando sciebat, & ubi sciebat esse, qui electi fuerant in ipso ante mundi constitutionem.* Hæc S. Doctor, explicans obiectum libi à Massilienibus testimonium, quod, ut protestatur ipse paulò ante verba relata, sine præiudicio latentis consilii Dei, aliarumque causarum, de præscientia Dei dicere voluit. Ex quibus apertissimè constat, præscientiam, quæ in negotio prædestinationis intervenit, esse, juxta S. Doctorem præscientiam liberam innixam decreto prædestinativo: quod intrâ, Deo dante, accuratè expendemus.

48. Secundò opponens S. Doctorem pluribus aliis in locis docentem gratiam esse congruam; quia Deus eam in his circumstantiis concedit, in quibus, habito respectu ad præsentem voluntatis affectum, prævidet, quod voluntas eam acceptura sit. Audiendus S. Doctor Epist. 164.,

aliàs 99. cap. 6. dicens: *Ubi alii ad salutem suam crederent, alii ad naturam suam non crederent, ipse utique non in carne, sed in spiritu veniebat. Visis congruis alloquens quos volebat, sicut volebat.* In lib. 1. de Trinitate cap. 2. sic in eundem scopum loquitur. *Missa sunt nobis divinitus visa congrua peregrinationi nostræ, quibus admoneremur non hic esse quod quærimus, sed illuc ad ipsa esse redeundum.* Quam congruitatem gratiæ etiam ostendit S. Doctor lib. 2. ad Simplicianum quæst. 19. dicens: *Ista demonstratio potentiæ Dei, & annuntiatio nominis ejus in universa terra prodest eis, ut timeant, ut vias suas corrigant, quibus vocatio talis congruit.* En quàm aperte significat gratiam esse congruam; quia dispositione voluntatis est attemperata.

49. At quis non videat, minùs opportuna esse hæc S. Doctoris testimonia; in quibus omnibus vocationem congruam in visis, & exterioribus signis reponit, quibus Spiritus Sanctus utitur, ut aliquibus Fidei viam aperiat? Etenim divinx est providentiæ, ita causas omnes ordinare, & disponere, ut ad id conferant, quòd eterno suo decreto sibi Deus ipse proposuit. Multi sunt congruè vocati, & deversimodè Deus illos excitat; quosdam metu, nonnullos flagellis, alios visis miraculis, & exterioribus signis, necnon per cœlestium præmium sapidum gustum, prout idem Spiritus unicuique cognoverit expedire. Sic congruè vocantur, ut convertantur de malo ad bonum, ut gratiæ interiori consentiant, & orent, ut cum effectu trahantur. Porro parum est sic invitari, nisi ulteriùs gratiâ Dei efficaciter adjuventur, atque trahantur. Quot enim sic excitat Deus, qui minimè tracti fuere? Ergo alia potentior requiritur gratia, quâ veritatis suæ lumen ita efficaciter infundit, ut non contradicat vocanti, nec resistat gratiæ; quæ non est volentis, neque currentis, sed solum Dei miserentis, prout egregiè eam delineat *Augustinus* tract. 26. *super Joannem* cap. 6. ab illa verba: *Nolite murmurare ad invicem: nemo potest venire ad me, nisi Pater qui misit me, traxerit eum, dicens: Magna gratiæ commendatio. Nemo venit nisi tractus. Quem trahat, & quem non trahat, quare illum trahat, & illum non trahat, noli velle judicare, si non vis errare. Semel accipe, & intellige: Nondum traheris? Ora ut traharis.* Meminit ergo S. *Augustinus* in adductis testimoniis signorum externorum, ad quorum conspectum plures fuerunt invitati, & plures fidem amplexi sunt. At nulli gratiam, quâ efficaciter trahitur voluntas, ut veniat, congruam vocavit, vel agnovit dependentem à circumstantiis; quæ tantò magis congrua est, quantò est efficacior. Unde falluntur adversarii, dum S. *Augustinum*, ex eo quòd alibi admittat gratias quasdam exteriores, aut etiam internas, quas Deus aptat pro capto hominum, quos convertere vult, & quibus hi aliquando resistunt, inde interunt, omnem gratiam *Augustino* esse talem. Falluntur, inquam, nam S. *Augustinus* præter gratiam efficacem effectricem bonæ voluntatis, admittit gratias sufficientes tam intrinsecas, quàm extrinsecas, sicut & ejus genuini Discipuli. Unde ex assertione sufficientium auxiliorum non sunt removendæ gratiæ efficaces, aut contra; sed ex utraque gratia unum systema fabrican-

candum, prout Thomista post SS. *Augustinum*, & *Thomam* DD. & PP. Ecclesiæ faciunt . Fallitur quoque *Caducifer*, dum ait collectionem illam operum D. *Augustini* de gratiâ ; quam , nullo licet fundamento nixus, putat factam à Thomistâ, mancâ esse, & defectuosam, eoquod iis non sint inserti libri ad *Simplicianum* . Ut enim hic ostensum est, in iisdem ad *Simplicianum* libris constanter idem docet S. *Augustinus* circa necessitatem gratiæ efficacis, quod in aliis operibus docuerat .

50. Obijciunt tertio D. *Augustinum* lib. 12. de Civit. Dei cap. 6. dicentem : *Si enim aliqui duo æqualiter affecti animo, & corpore videant unius corporis pulchritudinem, quâ visa unus eorum ad illicitè perscrutandum moveatur, alter in voluntate pudica stabilis perseveret, quid putamus esse causâ, ut in illo fiat, in illo non fiat voluntas mala? Quæ istam res fecit, in quo facta est? Neque enim pulchritudo illa corporis; nam eam non fecit in ambobus: quandoquidem amborum non dispariliter occurrit aspectibus. An caro intuentis in causa est? Cur non & illius? An verò animus? Cur non utriusque? Ambos enim & animo, & corpore æqualiter affectos fuisse prædiximus. An dicendum est, alterum eorum occultâ maligni spiritus suggestionem tantum, quasi non eidem suggestioni, & qualicumque suasioni propria voluntate consenserit? Hanc igitur consensionem, hanc malam, quâ malè suadenti adhibuit voluntatem, quæ in eo res fecerit, quaerimus. Nam ut hoc quoque impedimentum ab ista quæstione tollatur, si eadem tentatione ambo tenentur, & unus ei cedat, atque consentiat, alter idem, qui fuerat perseveret, quid aliud apparet, nisi unum voluisse, alterum noluisse à castitate deficere? Unde nisi propria voluntate, ubi eadem fuerat in utroque corporis, & animi affectio? Amborum oculis pariter visu est eadem pulchritudo, ambobus pariter insitit occulta tentatio: propriam igitur in uno eorum voluntatem malam, quæ res fecerit scire volentibus, si benè intueantur, nihil occurrit. Si enim dixerimus, quod ipse eam fecerit, quid erat ipse ante voluntatem malam, nisi natura bona, cujus auctor Deus, qui est immutabile bonum? Qui ergo dicit eum, qui consentit tentanti, atque suadenti, cui non consentit alius, ad illicitè utendum pulchro corpore, quod videndum ambobus pariter adsuit, cum ante illam visionem ac tentationem similes ambo animo, & corpore fuerint, ipsum sibi fecisse voluntatem malam, quia utique bonus ante voluntatem malam fuerit; quaerat cur eam fecerit, utrum quia natura est, an quia ex nibilo facta est. En qualiter versat S. Doctor difficultatem illam, cur ex duobus, æqualiter circa pulchritudinem mulieris tentatis, unus tentationi consentit, alter verò minimè? Non difficultatem solvit recurrens ad genus; quia, ut inquit, sunt æqualiter affecti: non ad loci, temporisve circumstantias; quippe simul & eodem tempore tentantur: non ad objectum, seu pulchritudinem mulieris; cum ista sub utriusque aspectibus cadat non ad diversitatem gratiæ, cum aqualis sit in illis: non ad congruitatem gratiæ: ( si namque efficacia repetenda foret à congruitate aliqua, quæstionem solvisset facilè *Augustinus*, allegando congruitatem in uno, quæ defuit alteri: ) sed omnem excludit S. Doctor con-*

grui-

gruitatem; cùm anibos pari tentatione simulatos circa mulierem, pares in aspectu, & animo, pares in objecto, quod eodem modo afficit utriusque sensus, supponat. Nihil aliud ei occurrit, nili unum noluisse cedere tentationi, alterum verò, resistendo gratiæ, voluisse obedire; ergo congruitas gratiæ non ex ejusdem vi, & efficacia, sed ex voluntate creata est.

51. Sed facilis est argumenti solutio, si rectè perpendatur S. Doctorem solum agere de causa miseriæ malorum Angelorum, quam asserit esse malam voluntatem, cujus radicem non è natura, sed ex nihilo deducit his verbis: *Et inveniet voluntatem malam non ex eo esse incipere, quòd natura est, sed ex eo, quod de nihilo natura facta est.* Unde confectariè propriè ipsorum voluntati, velle, aut nolle tentationi cedere S. Doctor tunc adscribit. Verùm cap.9. ejusdem libri idem S. Doctor tractans ex proposito de causa effectrice bonæ voluntatis bonorum Angelorum, postquam pramiserat eam coaternam non esse Deo, sed factam, non utique à seipsis, nili ab illo, qui eos cum bona voluntate, id est, cum amore casto, quo illi adhaerent, creavit, simul in eis & condens naturam, & largiens gratiam, discretionem malorum Angelorum à bonis propriæ voluntati, bonorum tamen à malis gratiæ atleveranter attribuit, ita dicens: *Isti autem, qui cum boni creati essent, tamen mali sunt mala propria voluntate, quam bona natura non fecit, nisi cum à bono sponte defecit, ut mali causa non sit bonum, sed defectus à bono, aut minore acceperunt amoris Divini gratiam, quam illi, qui in eadem, persisterunt, aut si utrique boni aequaliter creati sunt, istis mala voluntate cadentibus illi amplius adjuti, ad eam Beatitudinis plenitudinem, undè se numquam casuros certissimi fierent, pervenerunt:* quod ita perspectum, & patens est ad solutionem argumenti, ut nihil utique nobis hic adjungere libeat, cùm tam clarè, disertè, & solidè se ipsum, S. Doctor explicet, ut nihil melius pro gratia ab intrinseco efficaci, videlicet, discretiva, & effectiva bonæ, ac perseverantis voluntatis amplius excogitari possit.

52. Quartò obijciunt auctoritatem S. Joannis Chrysostomi, qui de Matthæi vocatione sermonem habens, sequentia Homil. 31. profert: *Sed cujus rei gratiā non cum Petro simul, ac Joanne, & aliis discipulis Matthæum vocavit? Certè quemadmodum tunc ad illos accessit, vocavitque, quando obtemperaturos sciebat, sic Matthæum quoque nunc vocavit, quando miraculorum fama perdomitum minime reluctatorem videbat.* Quā de causa etiam Paulum post Resurrectionem piscatus est; nam qui corda scrutatur, & occulta mentium perspicit, is etiam quando unusquisque ad obedientiam paratus erat, non ignoravit. Propter eā non continuò incipiens, quando durior fuit, sed post mille miracula, & insignem, atque perculgatam de se famam, aptiorem jam ad obtemperandum vocavit. En Adversariorum doctrina in tota sua vi proposita. En gratia congrua, & scientia propitiarum circumstantiarum exploratrix.

53. Ad hoc argumentum responderetur, quòd si S. Doctor in loco cita-

citato, & aliis Adversariorum sententiæ favere videatur, eò quod pro libero arbitrio adversus Hæreticos soli grátie operà salutaria tribuentes, aliquandò contendebat, ut apparet lib. i. de compunct. cordis edit. Basilienfis ann. 1530. pag. 214. *Num possumus etiam*, inquit, *ex his Hæreticis occasionem dare, si dicamus, quia Apostoli, & omnes Sancti non ex proposito suo, & labore mirabiles facti sunt, sed ex Dei gratia sola*; atrament multis in locis nostræ sententiæ adhæret, siquidem de constantia Martyrum, & aliorum Dei Servorum Homil. 75. ex cap. Joann. 14. sermonem instituens, ait: *Talis illa gratia, quæ merorem solvit, malas cupiditates consumit, nec finit amplius hominem esse, quem afflat . . . imploremus ergo insuperabile spiritus auxilium &c.* Et Homil. 45. de invidia, & livore: *Maximum namque munimen, & inexpugnabilis murus est Divinus favor*. Ac deniquè specificè ad nostrum propositum Homil. 12. de muliere Cananæa: *Quid enim est aliud telonium, nisi legitima rapacitas, violenta fiducia, justitiæ legem habens patrocinaute rapina? Latro deprebeusus confunditur, iste rapiens fiducialiter agit, sed hic talis, & tantus Publicanus subito Evangelista apparuit. Sed forsitan addiscere cupis quemadmodum, & quâ arte, Transiens, inquit, *Jesus vidit Matthæum sedentem in telonio, & dixit ei, Sequere me. O virtus sermonis! Quasi quiddam intrò ut hamus, & capivim militem fecit, & ex luto aurum operatus est. Venit uncinus, & statim exurgens secutus est eum. In profundo malignitatis erat, & usque ad verticem virtutis conscendit. En Matthæi conversionem, non ex ejus libero assensu explorato, nec ex præscientia idoneitatis ejus, sed ex Divina gratia insuperabiliter operante in ipso causata, quam hami, & uncini metaphorâ, ob ejus efficaciam idem S. Doctor explicat.**

54. Audiendus Eminentissimus Cardinalis Toletus, textum hunc Chrysostomi, quem sibi objicit, exponens in suis ad Evangelium Luca Commentariis cap. 5. hisce eximiis verbis: *Huic doctrinæ adversari videtur*, inquit ille, *quod ipsemet Paulus de sua vocatione ad Galat. 1. scripsit: Cùm autem placuit ei, qui me segregavit ab utero matris meæ, & vocavit per gratiam suam, ut revelaret filium suum in me, & evangelizarem illum in gentibus, continuo non acquievi carni, & sanguini. Non dicit Apostolus, quando novit me obediturum, sed quando illi placuit, qui per gratiam me vocavit. Non expectat Deus semper arbitrium nostrum; quia suâ gratiâ ipsum excitat, ipsique dat velle, & perficere, qui etiam rebelles convertit, & compellit voluntates. Tunc ergo vocavit quando illi placuit: & si ante vocasset, utique respondisset, & obtemperasset: Non ergo ratio, aut tempus vocat. nis hujus, & similitum referri debet in hominis arbitrium, sed in Dei beneplacitum, cui sic visum est, sicque disp. suit. Potest autem intelligi Chrysostomus sic: tunc vocasse Discipulos, quando sciebat illos obtemperaturos, nimirum per gratiam suam. Sciebat enim, quando ipse operaturus erat in eis, ut obtemperarent vocanti; & tunc vocavit. Nisi sic intelligas, doctrinam non probo; non solum doctrinæ Chrysostomi in hac parte non consen-*

tio,

tio, sed contrariam omnino veram existimo; nimirum tunc vocasse Discipulos multos, & præsertim Matthæum, quando plus erant impediti, magisque detinebantur, ut venirent. Sic Petrum, & Andream vocavit, quando retia mittebant in mare; nec expectavit, ut jam essent missa; nec prævenit antequam mitterentur; sed dum mittebant: hoc enim majus adferebat impedimentum. Sic Paulum vocavit, quando in via erat, nec prævenit professionem ejus, priusquam acciperet litteras à Summo Sacerdote, & vocavit, dum opus servebat, minusque ad obsequendum paratus erat. Sic nunc Matthæum vocat, non antequam sederet; sed dum ad ipsum telonium sedebat, & ipsi operi incumberebat. In hoc enim virtus vocantis magis clarescit, & magnitudo gratia revelatur; minusque homo de sua virtute, meritisque potest præsumere. Totus est Augustinus in hac doctrina, quam in hac parte probat. Sic Ennius ille, & nos cum illo allerimus, nec dari gratiam illam congruam, ut ab eis exponitur, nec scientiam favorabilium circumstantiarum exploratricem, ut gratia illa congrua sit. Quod & repetit in Commentar. super Epist. ad Roman. cap. 14. annotat. 4. his verbis: *Augustinus existimat totum esse gratia, quâ Deus facit hominem cooperari, & determinat liberum arbitrium hominis, quia dat ut velle possit, & facit velle. Quo vel uno dicto mentem Emi ita in aperto politam puto, ut nullâ tergiversatione valeat obscurari.*

## §. IV.

*Solvuntur argumenta à ratione.*

55. **A**rgues primò: Si ultra gratiam sufficientem, ut infidelis convertatur ad fidem, requiritur alia, quæ sit ab intrinseco efficax infallibiliter connexa cum conversione, injustè conquereretur Deus, quòd ille, cui non datum est auxilium efficaciter adjuvans, non sit conversus ad fidem; ut enim aqua, & iusta sit increpatio, quâ increpatur non credens respectivè ad credentem, eadem debet esse in omnibus ratio conversionis ad fidem; nè qui increpatur, iustam habeat non credendi excusationem: reprehendi namque debet ille, quòd non crediderit, sicut credidit ille, respectu cuius fit increpatio; hæc enim hunc implicite involvit discursum: *Si ille conversus est ad fidem, cur & tu ad eandem non es conversus?* Sed si Deus dedit uni auxilium efficax connexum cum conversione, quod negavit alteri, non esset in omnibus eadem conversionis ratio, iustaque posset adhiberi excusatio ex carentia auxilii efficaci, quod Deus alteri contulit: ergo ex aquirate reprehensionis inferitur carentia auxilii ab intrinseco efficaci, & quod sit tale ex consensu liberi arbitrii.

56. Nec quis reponat, auxilium efficax non constituere potestatem proximam ad conversionem; quare licet sint dispares in hoc auxilio, sunt tamen æquales in potestate proxima, & obligatione credendi.

Nam

Nam contra est primò : Licet auxilium ab intrinseco efficax non constituat potestatem ad conversionem, negari nequit, quòd maximè juvet ad illam : ergo infidelis illò carens, caret aliquò maxime juvante ad conversionem ; sed cum carentia alicujus maxime juvantis ad conversionem, iusta nequit esse increpatio comparativa unius respectivè ad alterum : ergo iustè non potest Deus conqueri de illo, cui non datum est auxilium intrinsecè efficax.

57. Secundò : Si homini expeditè potenti se convertere per gratiam, advenit applicatio moralis inconjungibilis moraliter cum non conversione, iustè increpari nequit, qui non convertitur ex alterius conversione : ergo si homini expeditè potenti se convertere per gratiam advenit auxilium efficax, vi cuius, qui convertitur, applicatur ad conversionem, applicatione metaphysicè inconjungibili cum non conversione, quòd convertatur iste, argumentum non est, ut iustè increpetur, qui non convertitur ; cum in illo sit potestas à Deo applicata applicatione metaphysicè inconjungibili cum ommissione conversionis ; & illi deficiat talis applicatio.

58. Tertiò : Increpare nequit Deus iustè infidelem, quòd non convertatur, dum ab ipso Deo impeditur huius conversio ; sed Deus denegans auxilium ab intrinseco efficax, impedit, quominus infidelis convertatur ; cum ex Deo sit auxilii denegatio, quæ est inconjungibilis cum conversione : ergo sicut Deus largiens auxilium efficax est causa conversionis, ita denegans hoc auxilium, impedit conversionem ; non ergo iusta potest esse increpatio. Vel aliter : Si Deus daret auxilium efficax ad conversionem, converteretur : ergo ideò non convertitur, quia Deus non dat auxilium efficax : ac per consequens Deus per denegationem auxilii est causa non conversionis : iniusta ergo esset increpatio.

59. Tandem : Si daretur inæqualitas in miraculis, si v. g. unus ex illis videret unum, & alter centum, non esset iusta increpatio comparativa ; nec enim ad increpationem iustam comparativam sufficit posse ad conversionem ; & constat ex illo *Christi Matth. 11. Va tibi Corozaim, va tibi Bethsaida : quia si in Tyro, & Sidone factæ essent virtutes, quæ factæ sunt in vobis, olim in cinere, & cilicio penitentiam egissent*. Aliàs si nullum vidisset miraculum, reprehendi posset comparative ad illum, qui centum miracula vidit, quod est apertè falsum ; sed inæqualitas, quæ oritur ex auxilio ab intrinseco efficaci, est maior, quàm quæ nascitur ex miraculis ; cum auxilium moveat, & determinet physicè ; miracula verò moraliter ; fortiorque sit motio, & determinatio physica, quàm moralis : ergo potiori titulò, datà inæqualitate istà ex parte auxilii efficaci, non stat iusta increpatio comparativa.

60. Ad argumentum respondetur dicendo primò, quòd nimis probat ; probat enim, consensum salutarem non esse donum Dei, specialeque ejus beneficium, quod prædicat Fides. Etiam illud à *Pelagianis* objectum D. *Augustino* legimus de correptione, & gratia cap. 3. Arguebant illi, teste D. *Augustino* num. 6. *Quomodo, inquit, meo vitio*

non habetur, quod non accepi ab illo, à quo nisi detur, non est criminò alius, unde tale, ac tantum munus habeatur? Et infrà: Hoc enim dicunt, qui in suis malignis operibus ab hujus gratiæ prædicatoribus corripì nolunt: Præcipe mihi, quid faciam: & si fecero, age pro me gratias Deo, qui mihi, ut facerem, dedit: si autem non fecero, non ego corripendus sum, sed ille orandus est, ut det, quod non dedit, id est, ipsam, quæ præcepta ejus sunt, fidelem Dei, & proximi charitatem. Ora ergo pro me, ut hanc accipiam, & per hanc ex animo cum bona voluntate, quæ præcipit, faciam. Rectè autem corripere, si eam meâ culpâ non haberem, hoc est, si eam possem mihi dare, vel sumere ipse, nec facerem; vel si, dante illo, ego accipere noluissem. Cum verò & ipsa voluntas à Domino præparetur, cur me corripis, quia vides, me ejus præcepta facere nolle; & non potius ipsum rogas, ut in me operetur & velle?

61. At quid ad hæc *Augustinus* acerbis criminationibus illorum incitatus, cum cerneret, eos ex ejus doctrina perturbandæ Reipublicæ Christianæ causam accipere? Ad hæc respondemus, inquit S. Doctor num. 7. Sed siste Sancte Doctor, lis finita est. Fatentur illi, quod rectè corripere quis, si gratiam suâ culpâ non haberet; si donum illud posset sumere, & non faceret; vel si, Deo dante, illud non acciperet. Hæc cum fateantur, ad quid ulterior responsio? At non hæc ratione contentus S. *Augustinus*, cum illis agere iterum decrevit, rectè agnoscens S. Doctor, quem ad scopum sua verterent desideria; quid his argumentis ambirent; quid intenderent; injultèque perturbari, convellique illorum animos. Quare exclamat S. Doctor: *Patimini me paululum, fratres mei, non adversus vos, quorum rectum est cor cum Deo, sed adversus eos, qui terrena sapiunt, vel adversus ipsas humanas cogitationes, pro cælestis, & divinæ gratiæ veritate certare.* Justam increpationem affirmat, licet correptus careat donò Dei efficaci, animadvertens, velle ipsos quæstionem hanc solvere per velle, & nolle liberi arbitrii. Enimverò dum inquiritur, cur auxilium efficax existit? Omnes Catholici conveniunt, quia Deus vult: in qua responsione non ponitur ratio efficacis, sed ratio existendi auxilium, undecumque sit ejus efficacia; solumque inter eos est diversitas in assignanda ratione, cur auxilium efficax sit. Etiam conveniunt omnes, quod si efficax est auxilium, voluntas illò instructa consentiet: at non plenè ex hoc fit interrogatio satis; quia licet verum sit, & à posteriori cognoscatur, quod gratia est efficax, si voluntas consentiet sub illa; at non per hoc assignatur ratio efficacis, sed solum dignoscitur efficax, quia voluntas consentit sub illa: quare ulterior ratio assignanda est; nam si ejus efficacia dependeret à voluntate creaturæ, atque ex sua ipsa voluntate non consentiens caret efficaci; quæstio ista solveretur per velle, & nolle voluntatis creaturæ; cum tamen resolvendam esse per velle, & nolle voluntatis divinæ cum *Apostolo* intendebat *Augustinus*.

62. Nam cum *Apostolus* ad *Roman.* 9. dixisset: *Cum enim nondum nati fuissent, aut aliquid boni egissent, aut mali, ut secundum electio-*

nem



nem propositum Dei maneret, non ex operibus (futuris, aut prævisis, ut textum exponit *Augustinus* in *Enchirid.* cap. 98. his verbis: *Quæ in re si futura opera vel bona hujus, vel mala illius, quæ Deus utique præsciebat, vellet intelligi, nequaquam diceret, non ex operibus: sed diceret, ex futuris operibus; eoque modo istam solveret quæstionem: immò nullam, quam solvi opus esset, faceret quæstionem*) sed ex vocante dictum est (nempe secundum electionem Dei) quia major servies minori, sicut scriptum: *Jacob dilexi, Esau autem odio habui. Sentiens autem, ait Augustinus* laudato cap. 98., quemadmodum posset hoc, quod dictum est, permoveere eos, qui penetrare intelligendo non possunt hanc altitudinem gratiæ, statim opponit sibi *Apostolus*: *Quid ergo dicemus? Numquid iniquitas apud Deum? Absit: Moysi enim dicit: Miserebor cujus misereor: & misericordiam præstabo, cujus miserebor. Igitur non volentis, neque currentis, sed miserentis est Dei. Dicit enim Scriptura Pharaoni: Quia in hoc ipsum excitavi te, ut ostendam in te virtutem meam, & ut annuntietur nomen meum in universa terra. Ergo cujus vult, miseretur, & quem vult, indurat: quibus firmat Apostolus, Deum abque injustitia unum diligere, non ex illius operibus, ut Jacob; & non diligere alterum, ut Esau; quia quodd unus habeat gratiam Dei, non est volentis, neque currentis, sed Dei miserentis; qui, cujus vult, miseretur, & cujus non vult, non miseretur. Quare altitudinem hujus mysterii excellentissimam agnoscens, exclamavit ad Rom. 11. O altitudo divitiarum scientiæ, & sapientiæ Dei, quàm incomprehensibilia sunt judicia ejus, & investigabiles viæ ejus? Ad quid enim ad volentem, ad judiciorum illius profundissimum secretum, adeoque ad humanæ scientiæ caliginem confugeret Apostolus, si sulciceret concessum auxilium libero arbitrio subjectum? Undè tanta & tam admirabilis virtus gratiæ, quæ humanâ ratione, & intelligentiâ comprehendi non potest, quemadmodum *Pauli* sententiâ celebratum est? Non arcanorum Dei judiciorum altitudo adhibenda, quâ solutione usus est Apostolus; sed facilis esset illa responsio, ac communibus omnium sensibus aptior; hominem non salvari, quia non vult: cùm sufficiens sit ei auxilium, ut velle ex ipso sit, Deo ulteriùs non adjuvante. Sed absit, ut pudeat nos respondere, quod respondisse videmus Apostolum, qui nec in responsione defecit, nec inopiâ reddendæ rationis Contradictoris repressit audaciam. Sed in talibus quæstionibus ad suæ capacitatis considerationem revocat hominem, prosequitur ibi *Augustinus*, verbo quidem brevi, se re ipsâ magna esse redditio rationis. Si enim hæc non capit, quis est qui respondeat Deo? si autem capit, magis non invenit quid respondeat.*

63. Non aliam solutionem invenit *Apostolus*, nec aliam tradit cum illo *Augustinus* lib. de correptione, & gratia cap. 8. dicens: *Quantum itaque nobis judicia sua manifestare dignatur, gratias agamus: quantum verò abscondere, non adversus ejus consilium murmuremus, sed hoc quoque nobis saluberrimum esse credamus. Tu autem quisquis inimicus ejus gratia sic interrogas, ipse quid dicis? Bene, quod te non ne-*

gas esse Christianum, & Catholicum jactas. Si ergo confiteris, donum Dei esse perseverare in bono usque in finem; cur hoc donum ille accipiat, ille non accipiat, puto quod mecum pariter nescis; & ambo hic inscrutabilia Dei judicia penetrare non possumus. Aut si ad liberum arbitrium hominis, quod non secundum Dei gratiam, sed contra eam defendis, pertinere dicis, ut perseveret in bono quisque, vel non perseveret, non Deo donante, si perseveret, sed humanâ voluntate facientes quid moliturus es contra verba dicentis Lucæ 22. vers. 32. Rogavi pro te, Petre, ne deficiat fides tua. An audebis dicere, etiam rogante Christo, ne deficeret fides Petri, defecturam fuisse, si Petrus eam deficere voluisset, hoc est, si eam usque in finem perseverare noluisset? Quasi aliud Petrus nullo modo vellet, quàm pro illo Christum rogasset, ut vellet. Quid manifestius, quid liquidius? Consonat sibi lib. de spiritu, & litt. num. 60. Si ad illam profunditatem scrutandam nos coarctet, cur illi suadeatur, ut persuadeatur, illi autem non ita: duo sola occurrunt, quæ mihi interim respondere placeat: O altitudo divitiarum! Numquid iniquitas apud Deum? Cui ista responsio displicet, quærat doctiores, sed caveat ne inveniat præsumptiores.

64. Hanc gratuitam gratiæ concessionem, quâ Deus misericordiam suam ostendit in eos, quibus eam largitur, & justitiam in eos, quibus eam denegat, semper inculcat Augustinus lib. 1. de peccat. merit. cap. 21. Hæc gratia cur ad illum veniat, ad illum non veniat, occulta esse causa potest, injusta non potest. Numquid enim iniquitas apud Deum? Absit. Sed prius Sanctarum Scripturarum auctoritatibus colla subdenda sunt: ut ad intellectum per Fidem quisque perveniat. Neque enim frustra dictum est, Psal. 35. Judicia tua abyssus multa. Cujus abyssi altitudinem veluti expavescent, exclamat Apostolus, O altitudo divitiarum scientiæ, & sapientiæ Dei. Et lib. de dono persever. hanc doctrinam egregiè explicat cap. 8. his verbis: Recolamus igitur illos operarios in vinea, qui totâ die laboraverunt, & eos, qui horâ unâ: nempe causa diversa est impensæ laboris: & tamen idem judicium in redditione mercedis. Numquid & hic audierunt murmurantes à Patre familias, nisi hoc volo? Ita quippè ejus erga alios fuit largitas, ut erga alios nulla esset iniquitas. Et isti quidem, utrique in bonis sunt: verumtamen quantum ad justitiam spectat, & gratiam, potest & de reo qui liberatur, rectè dici, reo, qui damnatur, tolle quod tuum est, & vade: huic autem volo, quod non debetur, donare. An non licet mihi facere quod volo? ... Hic ille si dicat, cur non & mihi? Merito audiet: O homo, tu quis es, qui respondeas Deo? Quem certè in uno vestrum benignissimum largitorem, in te verò exactorem justissimum, in nullo tamen cernis injustum. Cum enim justus esset, etiam si utrumque puniret, qui liberatur, habet undè gratias agat: qui damnatur, non habet, quod reprehendat. Et lib. ad Simplicianum quæst. 2. num. 17. Illud tantummodò inconcussa Fide teneatur, quod non sit iniquitas apud Deum: qui sive donet, sive exigat debitum, nec ille à quo exigit, rectè potest de iniquitate conqueri, nec ille cui donat, debet de suis meritis gloriari. Et ille enim, nisi quod debetur,

tur, non reddit: & ille non habet, nisi quod accepit. Et num. 22. nihil verius inveniens, his verbis: *Sed excusabunt se, inquit, homines, qui nolunt rectè, & fideliter vivere, dicentes: Quid nos fecimus qui malè vivimus, quandòquidem gratiam undè benè viveremus, non accepimus?* Rursus num. sequenti: *Postremò quonam se isti excusabunt modò? Nempe illo, quem breviter tanquàm ex eorum voce sibi objecit Apostolus, ut dicant, Quid adhuc conqueritur? nam voluntati ejus quis resistit? Hoc est enim dicere, Quid de nobis sit querela, quod Deum offendamus malè vivendo, cùm illius voluntati nemo possit resistere, qui nos obduravit misericordiam non præstando? Si ergo illos non pudet hanc excusatione, non nobis sed Apostolo contradicere, cur non pigeat eis, quod dixit Apostolus, hoc idem, atque identidem dicere, O homo, tu quis es, qui respondeas Deo? Numquid dicit figmentum ei, qui se finxit, Quare sic me fecisti? An non habet potestatem figulus luti, ex eadem massa, utique meritò rectèque damnata, facere aliud vas in honorem, indebitum propter misericordiae gratiam, aliud in contumeliam debitum propter iræ justitiam, & ut nos faciat divitias gloriae suae in vasa misericordiae, sic ostendens quid eis largiatur, cùm id supplicium recipiens vasa iræ, quod pariter omnibus debebatur. Satis sibi interim Christiano ex fide adhuc viventi, & nondum cernenti, quod perfectum est, sed ex parte scienti; nosse vel credere, quod neminem Deus liberet nisi gratuita misericordia per Dominum nostrum Jesum Christum, & neminem damnet, nisi æquissima veritate per eundem Dominum nostrum Jesum Christum. Cur autem illum potius, quàm illum liberet, aut non liberet, scrutetur qui potest judiciorum ejus tam magnum profundum, verumtamen caveat præcipitium. Numquid enim est iniquitas apud Deum? Absit. Sed inscrutabilia sunt judicia ejus, & investigabiles viæ ejus.*

65. In eadem Epistola simili responsione alteri occurrit argumento, ut à Deo removeat vitium acceptionis personarum; eò nempe quia penes ipsum est æquitatis tam secreta ratio: num. 31. dicens: *Verùm isti, qui personarum acceptorem fieri existimant Deum, si in una, eademque causa super alios veniat misericordia ejus, super alios verò maneat ira ejus nempe totas vires argumentationis humanae in parvulis perdunt. . . . Quam, quaeso, allaturi sunt causam, quòd alius sic gubernatur, ut baptizatus hinc exeat, alius infidelium manibus traditus, vel etiam fidelium, priusquam ab eis baptizandus offeratur, expirat? An hoc fato, vel fortuna daturi sunt? . . . Cur ergo in regnum caelorum non accepto regenerationis lavacro parvulus nullus intrabit? Numquidnam ipse sibi Parentes infideles, vel negligentes, de quibus nasceretur, elegit? Quid dicam de inopinatis, & repentibus innumerabilibus mortibus, quibus sæpè etiam religiosorum Christianorum præveniuntur, & Baptismo præripiuntur infantes: cum è contrario sacrilegorum, & inimicorum Christi aliquò modò in Christianorum manus venientes, ex hac vita non sine Sacramento regenerationis emigrent? Quid hic dicturi sunt, qui, ut gratia dari possit, nonnulla præcedere merita*

merita humana contendunt, ne sit personarum acceptor Deus? Quæ tandem hic merita præcesserunt? Si eorundem cogitaveris parvulorum, nulla sunt propria, utriusque est illa massa communis. Si parentum attenderis, bona sunt illa; quorum filii repentinis mortibus sine Christi Baptismate perierunt: mala verò illa, quorum filii per Christianorum aliquam potestatem ad Sacramenta Ecclesiæ pervenerunt. Et cur providentia Dei, quæ nec fato premitur, nec fortuitis casibus impeditur, nec ulla iniquitate corrumpitur, ut renascantur ad hereditatem cælestem, non consulit omnibus parvulis filiorum suorum, & nonnullis etiam consulit parvulis impiorum? Iste infans de fidelibus conjugatis ortus, lætitia parentum susceptus, matris, vel nutricis somnolentiâ suffocatus, fit exfors, & expertus fidei suorum. Ille infans de sacrilego sinu nascitur, crudeli timore matris exponitur, alienorum misericordi pietate tollitur, eorum Christiana sollicitudine baptizatur, fit æterni consors, & particeps regni. Ista cogitent, ista considerent, hic audeant dicere Deum vel acceptorem in sua gratia personarum, vel remuneratorem præcedentium meritorum... Nimia vanitatis, & cecitatis sunt, si etiam his consideratis, nondum dignantur exclamare nobiscum: O altitudo divitiarum, sapientiæ, & scientiæ Dei, quàm inscrutabilia sunt judicia ejus, & investigabiles viæ ejus! Sed nec omittendum est nobis aliud S. Doctoris testimonium ex Serm. 165. cap. 5. profundum crucis agnoscens, quòd gratia alii detur, alii non detur: Quare ergo illi datum est, & illi non est datum? Non me piget dicere, hoc est profundum crucis. De profundo nescio quo judiciorum Dei, quæ perscrutari, contemplarique non possumus, procedit omne quod possumus. De profunditate, inquam, nescio qua judiciorum Dei, quæ inscrutabilia contemplari non possumus, perscrutari non valeamus, procedit omne quod possumus. Quod possum, video: unde possim, non video; nisi quia, & hoc bætensus video, quod novi esse à Deo. Quare autem illum, & non illum: multum est ad me, abyssus est, profundum crucis est, admiratione exclamare possum, disputatione demonstrare, non possum. Quid possum exclamare de ista profunditate Psal. 91. 6. Quàm magnificata sunt opera tua, Domine! Gentes illuminantur, Judæi excæcantur. Quidam parvuli Sacramento Baptismatis abluntur, quidam verò parvuli in morte primi hominis relinquuntur. Quàm magnificata sunt opera tua, Domine! Nimis profunda facta sunt cogitationes tue. Et sequitur: Vir imprudens non cognoscit, & stultus non intelligit hæc. Quid non intelligit stultus, & imprudens? Quia vel profundum est. Nam si stultus non intelligit, & sapiens intelligit, non est nimis profundum. Sed si sapiens intelligit quia profundum est, stultus non intelligit quia vel profundum est.

66. Hæc manifestissimè ostendunt, D. Augustinum, cùm quaestiones istæ in medium veniunt, cur alius sic, alius non sic adjuvatur à Deo, per velle, & nolle voluntatis divinæ eas dirimere; nec aliam invenille rationem extricandæ hujus difficultatis: quare eandem rationem tradit lib. 2. de peccat. & remissione, dicens cap. 5. n. 6. Cur illum adjuvet, illum

NON

non adiuvet, illum tantum, illum autem non tantum; ipsum illo, illum isto modo, penes ipsum est & æquitatis tam secreta ratio, & excellentia potestatis. Et cap. 18. n. 32. *Quare autem illos velit convertere, illos pro averfione punire: quamquam & in beneficio tribuendo nemo iuste reprehendat misericordem, & in vindicta exercenda, nemo iuste reprehendat veracem. . . . Consilium tamen occultioris iustitiæ penes ipsum est.* Quæ responsio, si aliis, qui pro creatæ libertatis viribus pugnant, difficillima, & obscurissima videtur, cum intellectus nostri capacitatem excedat; grata debet esse nobis, qui adversus ipsas humanas cogitationes, cum *Augustino* post *Apostolum* pro cœlestis, & divinæ gratiæ veritate certamus. Enimvero minis gloriôsè sentire de Deo videntur, qui non ampliora de Deo cogitant, quàm quæ ingenio suo possunt diuineti. Quis namque neget, Deum in cordibus nostris posse operari plura, quæ nos mortali iudicio aliequi non valeamus? Et licet modus eadem operandi ignoretur à nobis; potestati tamen Dei negare ea non audeamus. Hoc namque solum in vita æterna plenius cognoscemus, ut docet *Augustinus* in *Enchirid.* cap. 95. *Tunc non latebit, quod nunc latet, cum de duobus parvulis unus esset adsumendus per misericordiam, alius per iudicium relinquendus, in quo is qui assumeretur, agnosceret quid sibi per iudicium deberetur, nisi misericordia subveniret; cur ille potius, quàm iste fuerit assumptus, cum causa una esset ambobus; cur apud quosdam non factæ sunt virtutes, quasi si factæ fuissent, egissent illi homines penitentiam, & factæ sint apud eos qui non fuerant credituri.* Apertissimè namque Dominus dicit *Mattbei* 11. v. 21. *Væ tibi Corozaim, væ tibi Bethsaida; quia si in Tyro, & Sidone factæ fuissent virtutes, quæ factæ sunt in vobis, olim in cilicio, & cinere penitentiam egissent.* Nec utique Deus injustè noluit salvos fieri, cum possent salvi esse, si vellet. Tunc in clarissima sapientiæ luce videbitur, quod nunc piorum fides habet, antequàm manifestâ cognitione videatur, quàm certa, immutabilis, efficacissima sit voluntas Dei: quàm multa possit & non velit, nihil autem velit quod non possit; quàmque sit verum, quod in *Psalmo* 113. canitur: *Deus autem in cælo sursum, in cælo & in terra omnia quæcumque voluit fecit.* Quod utique non est verum, si aliqua voluit, & non fecit, & quod est indignum, idèd non fecit, quoniam nè fieret quod volebat Omnipotens, voluntas hominis impedivit. Sed quid ultra hic quærimus? Quid ad hoc responderi potest, nisi pertinacia pugnantes nervos adversus constantiam perpetuæ veritatis intendat, ut alibi scripsit *Augustinus*?

67. Est etiam secundò maximè ad argumenti solutionem observandum, sufficere infidelibus gratiam possibilitatis, ut eis possibilis sit conversio ad fidem; quin necessària sit gratia efficax, quæ Deus operetur eam in cordibus eorum. Siquidem gratia, quam possibilitatis dicimus, intrinsecam, & veram sufficientiam potestatis constituit, ab actus operatione, atque à gratia donationis ejusdem, distinctam. Quod satis apertè habetur ex Constitutione *Unigenitus*, in qua habemus Deum iustè, prudenterque, ac non in vanum præcipientem, etiam quando non dat

dat id, quod præcipit; cum tamen indubitatum sit, & quod impotentem in vanum præciperetur; & quod habere non possumus id, quod Deus præcipit, nisi ipse det. Itaque ille, cui Deus dedit, & ille, cui non dedit, rectè ad increpationem comparantur; etli ille non faciat, & ille faciat; quia uterque facere potest.

68. Ex his rite intellectis solvenda est difficultas, cujus totum robur nemo non videt inniti humanæ rationis conceptionibus, quibus plerumque volumus ea, quæ Dei sunt, & supra nostrum captum sunt, nostris sensibus accommodare. Cum tamen Deus ea esse quidem revelaverit: quomodo autem, aut cur ita sint, infinitæ suæ sapientiæ reservaverit. Pro modulo autem nostro respondemus ad argumentum, scientes, nos non posse evacuare mysterium. Negantes ergo maj. ad probat. dist. maj. Eadem debet esse ratio specialis beneficentiæ divinæ, neg. maj. Eadem debet esse ratio potestatis in creaturis, omittimus maj. (nam & potest est esse diversa potestatis ratio, secundum majus, aut minus dominium per gratiam Dei acquiritum supra vires rebelles naturæ sensitivæ) & sub eadem distinct. min. negatur consequentia. Datur quippe iusta increpatione non credentis, licet careat auxilio ab intrinseco efficaci ad credendum; est namque in illo independenter à tali auxilio potestas, & obligatio bene operandi; cum carentia auxilii ab intrinseco efficaci non tollat potestatem credendi. Hæc namque potestas coexistit cum auxilio sufficienti constituyente potestatem proximam credendi: & cum hæc auxilia non deficiant infidelibus, quibus prædicatum est Evangelium, quamvis careant auxilio ab intrinseco efficaci dante conversionem; hinc fit, quod iuste increpantur, quia qui potest, tenetur; & si non facit, peccat. Rem explico in negatione D. *Petri*. Possibilis utique fuit S. *Petro* victoria tentationis, quam in domo *Caipha* ad *Christum* negandum patiebatur; & tamen Deus ad victoriam tentationis obtinendam, non dedit illi gratiam efficacem: ergo ut vitio ei verteretur negatio, satis fuit gratia sufficiens, etli defuerit illi gratia efficax: aliàs immeritò damnata fuisset *Antonii Arnaldi* assertio, quod *Petrus* defectu gratiæ efficacis non potuerit *Christum* confiteri.

69. Ad cætera, quæ in medium afferuntur momenta, dicimus; & quidem ad primum, quod licet gratia ab intrinseco efficax juvet ad positionem actus, non tamen constituit potestatem ad actum; & non quilibet disparitas ad actum reddit injustam increpationem, sed debet esse disparitas in principiis, in quibus fundatur obligatio ad bene operandum. Cum ergo uterque si potens ad actum, mediis auxiliis sufficientibus, in quibus fundatur obligatio bene operandi, quod detur inæqualitas, seu disparitas in auxilio adjuvante ad actum, non reddit injustam increpationem. Unum tamen fatendum semper est; scilicet, quod licet speciale beneficium Dei collatum consentienti, præ non consentiente, non tollat justitiam increpationis; tamen ei, cui ejusmodi beneficium negat, iuste negat, & alteri misericorditer concedit: causam autem horum solus Deus scit; nostrum autem est dicere: *Iustus es Domine, & rectum iudicium tuum*, eo quod Deus arcanum illud nostræ cognitioni subdu-

subdlexerit: quare satis nobis sit iudiciorum ipsius altitudinem submisit venerari, quæ ita ignota sunt hominibus, & inscrutabilia, ut iniqua esse non possint.

70. Ad secundum respondetur, concess. antec. negando conseq. Maximum quidem datur discrimen inter applicationem physicam, & applicationem moralem; nam ista se tenet ex parte actûs primi: quare si in uno potestas moraliter esset applicata ad bene operandum, secus in altero, hæc inaequalitas injustam increpationem redderet; cum inspirationes spectent ad gratiam excitantem actûs primi constitutivam. At applicatio physica determinat potentiam, quam supponit in esse potentiae constitutam. Quare diversitas applicationis non arguit inaequalem potestatem; quæ inaequalitas necessaria esset, ut injusta esset increpatio obligatio enim præcepti, & materia reprehensionis fundatur, non supra inaequales determinationes, sed supra æqualem potestatem: *Potenti enim facere, & non facienti, peccatum est illi*, ut supra diximus. Increpatio namque respicit actum primum: & hominis est culpa si non fiat bonum, quod potest facere. Unde S. Prosper, ut probet, quod in die iudicii reprobi increpabuntur in comparatione omnium prædestinatorum, lib. 3. de vita contempti. cap. 12. ait: *An forte aliquos ibi fragilitas corporis excusabit? Sed excusationi eorum reclamabunt omnium Sanctorum exempla, qui fragilitatem carnis in carne vincentes, quod fecerunt, utique fieri posse docuerunt.* Et ibidem subdit: *Quid ergo responsuri sunt, si eis Dominus dicat, si potuistis, quare non resististis desideriis peccatorum?*

71. Ad tertium respondetur, concessa majori, nego min. Impedimenta enim actum primum ligant, & prohibent, ne exeat in secundum. Negatio autem gratiae efficacia actum primum in sua actûs primi ratione expeditum supponit; nec ullum expeditioni illius impedimentum affert; sed tantum importat, non dari à Deo ad actum secundum id, quod iuste non dat; quamvis cur iuste non det, ignoremus. Injusta sanè esset correptio, si Deus præclperet positionem actûs, impediendo potestatem ad salutem: cum actus esset impossibilis. At ex negatione prædeterminationis, non aufert capacitatem obligationis; nam obligatio, ut diximus, supra potestatem fundatur; ipsaque denegatio auxilii efficacia supponitur, dum sit respectiva increpatio; si namque Deus omnibus daret gratiam efficacem, cum gratia efficax effectum, ad quem ordinatur à Deo, infallibiliter semper obtimeat, ab omnibus impleteretur præceptum, ac per consequens non esset locus increpationi. Et quidem in omnium Catholicorum sententia transgredienti præceptum deficit gratia specialis, sine qua nusquam existit adimpletio. Et tamen iuste increpatur, quamvis Deus alteri largiatur gratiam specialem, undecumque illa habeat, quod specialis sit: ergo quamvis deficiat uni gratia efficax ad conversionem ad Fidem, defectus conversionis erit ipsi imputabilis ad culpam.

72. Nec magis urget, quod ibi superadditur. Instatur quippe evidenter in sententia contrariorum. Si Deus donaret Petro decretum ef-

ficax in aliquo instanti, *Petrus* in tali instanti non peccaret: ergo negatio decreti prævisi efficacis in tali instanti, est causa existentia peccati in tali instanti: quæ sanè est mala consequentia. Sicut & apud omnes Theologos ista: Si Deus voluntati habitu vitioso corruptæ, & depravatæ insunderet habitum virtutis, illam reddens bonam & perfectam, deficeret habitus vitii: ergo negatio habitus virtutis est causa existentia, & perseverantia in voluntate habitus vitiosi. Vitiosa ergo similiter est prima consequentia, quia nempe arguitur a conditionali ad causalem. Licet enim verum sit dicere: Deus non concurrit præviè ad conversionem: ergo infidelis non convertitur: falsa tamen est causalis: ideo non convertitur ad Fidem, dum urget præceptum conversionis, quia Deus præviè non concurrit: etenim defectus gratiæ necessaria ad conversionem prima causa est ex nobis: quia non se subtrahit gratia voluntati, sed voluntas subtrahit se rectitudini gratiæ. Si illi renitatur, dissensus est à defectibilitate voluntatis, non à gratia: at ubi illa consentit, & obtemperat, tum velle, tum ipse consensus gratiæ Dei est. Hæc est ergo disciplina Christiana, inquit S. *Augustinus Ennarrat. in Psalmum 93. Nemo facit aliquid bonè, nisi gratia ipsius. Quod facit homo malè, ipsius est hominis: quod facit bonè, de beneficio Dei facit.*

73. Ad quartum eodem modo dicimus, quod inæqualitas miraculorum esset inæqualitas in potestate, inmo & in obligatione credendi; quia dum plura, & fortiora sunt motiva credibilitatis, est major obligatio credendi; at inæqualitas in carentia auxilii ab intrinseco efficacis, non est inæqualitas in potestate, & obligatione credendi, quæ necessaria est ad increpationem. Totumque argumentum instatur in sententia contraria. Etenim negari nequit, quod omnino faciat ad conversionem, quod Deus conferat auxilium congruum prævisum efficax; cuius denegatio est inconiungibilis cum conversione; & tamen in sententia contraria rectè increpatur malè operans, carens vocatione congruâ, comparative ad rectè operantem, cui data est hæc congrua vocatio: ergo stat iusta correptio, licet correptus, Deo sic volente, careat gratiâ prævisâ efficaci, necessariò conducente ad operandum; nam sine illa non, est operatio; & id est necessarium, aliàs scientia non esset infallibilis.

74. Nec reponat quis, nullam esse hanc instantiam in eorum principiis; quia licet malè operans careat vocatione congruâ, quæ gaudet bonè operans, rectè increpatur non conversus de defectu conversionis; cum ex illo sit, quod auxilium non sit efficax; efficacia namque auxilii extrinseca est, & à nostro consensu desumitur. Nam contra est; quia si omnibus incumbit hæc in parte difficultas, maxime augetur illis responsione datâ. Primum, quia quæstioni, cur unus habet auxilium efficax, & non alter, responderetur, si vera est solutio, per velle, & nolle nostri liberi arbitrii; cum hic haberet auxilium efficax, quia consentit, & alter non haberet, quia non consentit: sed hoc est falsum, & apertè contra *Apostolum*, & D. *Augustinum*: quinimmo destruit specialia beneficia gratiæ Dei, quam docet Fides: ergo unicè est ex Deo, quod unus

ha-



habeat auxilium efficax, & non alter; cum quæ tamen inæqualitate iusta est increpatio.

75. Secundò: quia valdè difficilis videtur solutio; illà namque verificatur, quòd non credens iustè corripitur, etsi careat auxilio efficaci, quia culpà suà illud est inefficax; in quo solutio coincidere videtur cum doctrina ab *Augustino* impugnata. Non negabant *Monachi Adrumetini*, quòd iustè corriperentur, si suò vitio non acciperent gratiam ad operandum requisitam: constat ex verbis *Augustini* loco citato de *corrupt. & grat.* cap. 4. *Rectè corriperer, si eam gratiam meâ culpâ non haberem, hoc est, si eam possem mihi dare, vel sumere ipse, nec facerem; vel, si dante illo, accipere noluissem. Cum ergo, & ipsa voluntas à Domino præparetur, cur me corripis, quia vides, me ejus præcepta facere nolle, & non potius ipsum rogas, ut in me operetur & velle?* Et cap. seq. *Charitatem, inquit, non accepimus; quid ita corripimur quasi nos eam nobis dare possimus, & nostro arbitrio?* At *Augustinus*, non ut querelas ex doctrina sua de vocatione secundum propositum ortas è medio tolleret, hanc illorum excusationem ut iustam admisit, quòd vitio suo non haberent, quòd auxilium sit efficax; sed contra obicientium mentem iustam propugnat increpationem, licèt quis careat inacquisibiliter gratiâ ab intrinseco efficaci dante consensum salutare. Nec enim hinc consequitur Deum in quemquam esse injurium, sed in multos misericordem. Nemo damnatur nisi suâ culpâ; nemo servatur nisi Dei beneficio: eo dignatur quos vult, sed ita, ut sit de quo gratias agat, misericorditer attractus; non sit quòd quærat suæ malitiæ derelictus, & dum peccator suâ malitiâ pœnas iustas luit; iustus alacrius gratias agit Deo agnoscens ex ejus excidio, quantum debeat Divinæ beneficiæ.

76. Hoc sanè probat sequens discursus. *Augustinus* non credentem, quem habere supponit donum constitutivum libertatis, iustè corripit affirmat, licèt careat inacquisibiliter dono Dei; sed hoc donum, quod non consentiens nequit acquirere, & exigitur ad consensum, quin destruat iustitiam increpationis, non est donum extrinsece efficax, indistinctum à sufficienti: quia sine sufficienti non est iusta increpatio, & positò auxillio sufficienti, non consentiens culpabiliter careret efficaci: ergo est aliud Dei auxilium distinctum à sufficiente, nempe auxilium ab intrinseco efficax; ac per consequens iusta est juxta S. *Augustinum* increpatio, licèt careat auxilio Dei, quod acquirere niimè potest. Omnium ergo una debet esse argumenti solutio, nempe quòd modulum nostrum superat quæstio ista, quæ solum confessione infirmitatis proprii luminis terminari potest, non valentis scrutari profunda Dei. Quare non pudeat nos exclamare cum *Apostolo ad Rom. 11.* *O altitudo scientiæ, & sapientiæ Dei, quàm incomprehensibilia sunt judicia ejus, & investigabiles viæ ejus! O homo tu quis es, qui respondeas Deo? Numquid dicit figmentum ei, qui se finxit, quid me fecisti sic? Quam Apostoli responsum verissimam, & adæquatam credidit D. Prosper ad objecti. Vincentian. resp. 4. dicens: Deus recessurum non deserit,*

*antequam deferat, & facit plerumque ne deferat, aut etiam, si discesserit, ut redeat. Cur autem illum retineat, illum non retineat, nec possibile est comprehendere, nec licitum investigare: cum scire sufficiat, ab illo esse, quod statuitur, & non ab illo esse, quod ruitur. Quid enim arrogantius, quam hominem, quo nihil est abjectius, cum Deo disceptare, velut ex æquo contendentem? Quis enim ferret, si luteum vas cum figulo suo exposculet, dicatque, cur me fecisti sic? Quocumque iudicio id facit figulus, suo iure facit, nec convenit lutum consilii rationem ab eo exigere. Ergo si prodigiosa esset arrogantia: lutum arguari cum figulo; quanto maioris arrogantia: est, hominem de consiliis Dei disceptare? Si deserit hominem, nulla ei fit injuria; si vocat ad iustitiam, gratuita misericordia est: hoc credamus & citius intelligemus.*

77. Secundò obijcies: Si requiritur gratia ab intrinseco efficax ad operandum, sequeretur, quòd imprudenter reprehenderet *Christus* Dominus *Judeos* præ *Tyriis*, illis verbis *Matth. 11. Va tibi Corozaim, & tibi Bethsaida: quia, si in Tyro, & Sidone facta essent virtutes, quæ factæ sunt in vobis, olim in cilicio & cinere poenitentiam egissent*: Hoc est falsum: ergo & quòd requiratur auxilium efficax. Major probatur: Reprehensio illa est imprudens, quæ esset pro non positione rei impossibilis; sed ita se haberet talis increpatio, si requiritur auxilium efficax: ergo. Minor probatur: quia talis increpatio erat, quia *Judei* non ponebant poenitentiam; sed positio poenitentia: sine gratia ab intrinseco efficaci est impossibilis in nostra sententia: ergo reprehenderetur de non positione alicujus impossibilis.

78. Nec valet dicere, *Christum* Dominum increpassse *Judeos*, non quia non ponebant poenitentiam sine auxilio; hoc enim est impossibile, & chimæra; sed quia, cum illis datum esset posse ad poenitendum, de facto non egerunt poenitentiam. Sed contra, quia omne operari sine gratia efficaci est chimæra, & impossibile; sed *Judei* increpabantur, eò quòd non ponebant actum poenitentia:, non quia habebant posse: ergo increparentur de non positione impossibilis: quare imprudens fuisset increpatio, si ad salutariter operandum requiritur gratia ab intrinseco efficax.

79. Argumentum hoc difficultatem non auct; sed eam solâ terminorum diversitate reprodicit: eritque etiam, ni fallor, iterum solvendum in sententia contraria. Nam ponere poenitentiam in iis circumstantiis, in quibus auxilium non prævidetur congruum, est impossibile, & chimæra; sed *Judei* increpabantur ex eo, quòd non ponebant poenitentiam in iis circumstantiis, in quibus auxilium non prævidebatur congruum: ergo reprehensio esset de non positione impossibilis, ac per consequens injusta, & imprudens. Reproducuntur modò, si libet, quæ circa retortionem istam supra dicta sunt. Respondetur ergo distinguendò minorem ultimæ probationis: sed Deus præcipit positionem actus cum carentia prædeterminationis, nego min. prout est dependens à Creatura, concedo min. & neg. conseq. Objectum quippè illius præcepti non est conversio, & poenitentia sub conditione, quòd adit præ-

ter-

terminatio; nam inde sequeretur, quòd, deficiente istà, cessaret poenitentia obligatio: immò nullus daretur casus, in quo omisso poenitentia esset imputabilis ad culpam; cùm omisso poenitentia solum in re ponibilis sit cum carentia prædeterminationis. Non enim præcipit Deus, ut cum carentia prædeterminationis agant poenitentiam; nam cùm hoc sit impossibile, obligarentur ad aliquid impossibile. Non etiam præcipit Deus, quòd deficiente prædeterminatione, prædeterminationis carentiam auferat quis; cùm hæc solum auferibilis sit à Deo per positionem prædeterminationis. Non rursus objectum hujus obligationis est poenitentia secundum se, & præcisivè à conjunctione cum prædeterminatione, & ejus carentia; nam præcipitur poenitentia, ut in re ponibilis est, & in re non est ponibilis, nisi sub prædeterminatione, vel ejus carentia. Præcipit ergo Deus, ut poenitentiam quis ponat secundum quòd actus iste à Creatura est ponibilis, ut à causa secunda Deo subordinata; nempe secundum sua prædicata essentialia, & cum eo identificata, & cum omnibus circumstantiis, quibus est practicè possibilis. Cùm ergo actus liber debeat non solum à voluntate creata, sed à Deo procedere medià gratià efficaci, quà exercetur Divinum dominium subordinans sibi dominium creatum: quamvis creatura non possit ad actum istum, prout existentia illius à Deo dependet, est tamen absolute potens ad actum illum secundum ejus prædicata essentialia intrinseca, nempe prout existentia ejus dependet à Creatura, & secundum modum, quò practice possibilis est creaturæ; nempe sub actione Dei.

80. Hoc quippe habet actus, quando à duplici causa essentialiter dependet; tunc enim datur prædicatum essentialiale, sub quo ab una causa dependet, & non ab alia. Quis namque neget, hominem posse producere hominem? Et tamen in ejus potestate non est, quòd Deus animam rationalem creet, cum qua existit homo. Etiam actus noster, quæ formaliter est vitalis, petit vitaliter procedere; & tamen Deus est potens producere actum vitalem, quin possit illum vitaliter producere: quia vitalitas non est prædicatum adequatè intrinsecum, sed connotativum modi procedendi ex nobis. Sic & in præsentì discurremus, quòd actus liber debet non solum à Creatura, sed etiam à Deo medià prædeterminatione procedere; & licet non possit ad illum, ut prædeterminatum, est tamen potens ad illum, secundum ejus prædicata essentialia intrinseca exercitè dependentia à prædeterminatione, ac per consequens esse absolute potens ad actum illum, super quo fundatur obligatio operandi; & quamvis in re non possit existere nisi conjunctus cum prædeterminatione; quia tamen à Creatura ponitur, ut à causa secunda, non spectat ad eam ponere prædeterminationem, per quam Deo subordinatur; sed tantum ad ipsam pertinet ponere actionem subordinatam. Instaturque argumentum in salute prædestinati, qui potens est ad salutem, etsi in re non sit, nec esse possit, sine prædestinatione, quæ non est sub dominio ejus. Similiterque in actu peccati, qui in re non est sine permissione Dei, & tamen potens quis est ad peccatum, quin sit potens ad permissionem peccati. Quibus animadversis, reducitur de-

quo

nua tota difficultas ad illud insolubile dubium, scilicet; cur huic det Deus, ut subordinatam ponat actionem; illi verò non det? Unica autem, perpetua, & ineluctabilis est responsio. *Penes ipsum est.*

81. Tertiò arguitur. Si gratia ab intrinseco efficax ellet de mente Sacrae Scripturae, Conciliorum, & PP. maxime SS. *Augustini*, & *Thomae*, deberet esse de mente eorum cum omnibus praedicatis, quibus constituitur à Thomistis; atqui non est de mente eorum cum omnibus praedicatis, quibus constituitur ab ipsis; cum Thomistae sint diversa docentes circa ejus constitutionem; aliis asserentibus, esse resistibilem, impedibilem, & qualitatem; aliis verò id negantibus: ergo si apud ipsos non est certum constitutivum esse de mente Sacrae Scripturae, SS. PP. & *Augustini*, & *Thomae*, nec certum debet esse, constitutum esse de mente eorum.

82. Argumentum hoc mirari satis non possum, ita fuisse excogitatum ad oppugnandam Thomistici sensus veritatem; ac si sufficiens posset esse sophisticum figmentum, quò nedum arguens ingenii sui imbecillitatem prodit, sed & audientes eum sic arguentem in minoris sapientiae suspicionem revocat; dum eorum intelligendi facultatem infra suum sophisma jacere credit; cum sublimiores Theologorum animi, non argutiis, sed solà argumenti veritate occupentur; firmisque rationum, momentis, vel auctoritatibus per incorrupta saecula probatissimis. Et quidem si istà arguendi vi aliquid confici arbitratur, evocabo & ego eum, ut neget, esse de fide Trinitatem personarum, dari relationes divinas, dari veram Dei gratiam, & sexcenta alia, super quorum constitutiones non est concors Theologorum sententia, eadem arguendi formà: *Mysterium Trinitatis, si est de fide, debet esse cum omnibus praedicatis, quibus constitutio Personarum ponitur à Doctōribus Catholicis Scholasticis; atqui non est de fide, esse Personas Divinas constitutas praedicatis, quibus à Theologis Catholicis Scholasticis constituuntur; cum ipsi diversimodè circa constitutionem Personarum opinentur: ergo mysterium Sanctissima Trinitatis non est de fide.* Sicut ergo fallaciam argumenti objiciet; quòd nempe arguitur à confusa, ad determinatam, sicut in consequentia ista: *Si oculus requiritur ad videndum, debet esse vel dexter, vel sinister, cum tantum sint duo oculi, dexter, vel sinister; sed nec oculus dexter, nec sinister requiritur ad videndum: ergo oculus non requiritur ad videndum;* eodem & nos vitiò laborare argumentum propositum dicimus, gratiamque efficacem esse de mente Scripturae, & SS. PP. licet variae sint circa ejus constitutionem Thomistarum sententiae; cum diversitas opinionum non destruat intrinsicam efficaciam gratiae, quam dari omnes unanimi consensu fatentur. Solis multi radii sunt, sed lumen unum. Arboris rami multi, sed robur unum tenaci radice fundatum. De fonte uno rivi plurimi defluunt; at numerositas eorum non impedit, quòd unitas servetur in origine. Sunt duae tibiae quasi diversa sonantes, sed unus Spiritus ambas inflat, ut dixit *Augustinus* tract. 9. In Epist. 1. *Joannis*. Sic in Schola D. *Thomae* gratia ab intrinseco efficax unum lumen est, licet in ea constituenda non

fit

sit omnium consensus, atque amica conspiratio. Vides, candide Lector, huius argumentationis fallaciam, & vanam tam impotenter ingessi argumenti illusionem; sed non est, quod in his sophisticis argutiis immoremur. Hæc pari facilitate ab aliis rejiciuntur, quàm ab aliis opponuntur.

83. Liceat hic monere Lectorem, Thomistas diversimodè se exprimentes, unum, idemque omnes uno ore dicere, quantum ad doctrinæ substantiam; terminisque tantum, ac aliquà accidentali ratione discrepare inter se. Nam qui præmotionem Dei dicunt resistibilem, actum resistentiæ possibili intelligunt divisum à præmotione: quorum propterea improprietas loquendi à nobis rejicitur, non doctrinæ veritas. Neque enim putamus resistere præmotioni eum, qui dissentit divisivè à præmotione: ac proinde nec propriè dicitur *resistentia in sensu diviso*; benè tamen dicitur, *non consensus*, seu *dissensus* Deo vocanti *in sensu diviso à præmotione*. Itaque idem dicimus, sed non eodem modo. Rursus, qui negant qualitatem intrinsecam in voluntate, & inoventem (quàm & qualitatem nos dicimus, non proprietate prædicamentali, sed similitudine, & necessitate explicandi Theologicas res per Philosophicas notiones) illi, inquam, præmotionis rationem ponunt in actione Dei prævia, & actionem creaturæ causante. Itaque, quantum ad Theologicum sensum idem ac nos docent, & solum differunt à nobis ratione Philosophicâ, & ad Theologicam doctrinam accidentali, putantes, potentialitatem virtutis operativæ creatæ posse reduci ad actum, seu compleri per solum motum intrinsecè causatum ab actione Dei. Hæc in exemplum cæterarum omnium discrepantiarum inter nostros dicta sunt, & liceat nullo metu asserere, quod de gravissima *Subtilis Doctoris* Schola notat *Juann. Bernique* in suo Tractat. de *Divina Scientia* edito *Compluti* an. 1705. lib. 3. disp. 2. q. 3. per totam sicut enim ille egregiè ostendit, neminem Scotistarum scientiam mediam adinvisisse, nec è germana Scholæ suæ mente ullum quoad rerum substantiam recessisse; ita & nos dicimus, neminem ex Schola Thomistica majorum suorum deseruisse castra, aut contra illos in re substantiali aliquid docuisse: nam licet in re ista exponenda per diversos videantur progredi calles, ad unitatis tamen centrum innixè pervenire omnes alacri animo student, & studuerunt semper, ut dilucidè exlinis, ac præstantissimis testimoniis probat Magister *Fr. Marcus del Pozo* Ordinis Prædicatorum, vir maximè eruditione, ac sapientiâ instructus, in sua *Anatome Critico-Chronologica Typis edita Matrui* anno 1731. & cum res ista ita robustè, ac valide firmata sit, non est, quod ulterius immoremur.

84. Objicies quartò: Si gratia esset ex sui natura efficax, & non indifferens, non verificarentur verba illa Sap. 4. v. 11. *Raptus est ne malitia mutaret intellectum ejus, aut ne fictio deciperet animum illius*. Hic namque commendat Sapiens misericordiam Dei, properantis justum de medio iniquitatis educere, nè mutetur, & decipiatur, si non antè rapiatur inter homines relictus; sed inutilis, & frustranea esset hæc bonitatis, & mi-

miseriçordiæ Dei providentiâ, si datur gratia ex sua natura efficax, & non indifferens: ergo. Prob. min. Si gratia est ab intrinseco efficax, non est cur iustis de victoria timeatur. Sit enim vita hæc præfens longè pluribus, quàm de faclo est, concupiscençarum spinis obsita: sit inimicorum circumsepta fallaciis, & deceptionum anfractibus dubia: saviat, persecutiones excitet, & insidietur Dæmon, in vanum laborabit; hic quippe efficax, ex sui natura, gratiâ concessâ, servabit illum Deus in iustitiâ, securusque erit Deus de victoria: Ergo si raptus est ne malitiâ mutaret intellectum ejus, gratiâ omnis est indifferens, non est naturâ sua ethicax. Idem confirmat testimoniū, quod suggerit nobis S. *Augustinus* lib. de corrept. & grat. cap. 7. num. 13. dicens: *Nonnulli acceptâ gratiâ in qualibet ætate periculis hujus vitæ mortis celeritate subtrahuntur*; quibus verbis firmat S. Doctor, quod in qualibet ætate, gratiâ, quæ datur, indifferens est; & quod solum conjunctio gratiæ sanctificantis cum morte est illud magnum perseverantiæ donum, quo fit, ut eos in fine vitæ perseverantes in bono Deus inveniat. Quare pergit ibi S. Doctor num. 38. *Inter tot, & tantas tentationes infirmitate sua voluntas ipsa succumberet; quia deficientes infirmitate, nec vellent, aut ita non vellent infirmitate voluntatis, ut possent*. Diceret suppliciter, si auxilium quo est ex sui natura efficax, perseverabit usque in finem, licet tot diversarum tentationum sævientium discurrant agmina, omnesque conatus suos Dæmon exerat.

85. Difficultatem argumenti depellit, verus, & germanus prælaudati sapiençiæ oraculi sensus; quò sapiens celerioris mortis beneficium commendat, ex quo à peccatorum vinculis eripiuntur illi, qui hanc vitam finierunt, in qua peccari potest, cum tot malis repleta sit, ut comparatione ejus, mors imminuta beneficium putetur esse, non pœna. Præclara est S. *Augustini* sententiâ lib. de *Prædest. Sancti*. cap. 14. num. 26. in quo probat, non solum non esse Fidelibus inutilem mortem, verum etiam utilem reperiri: *Quis enim, ait S. Doctor, audeat negare Christianus, justum, si morte præoccupatus fuerit, in refrigerio futurum? Quilibet hoc dixerit, quis homo sana fidei resistendum putabit? Item, si dixerit justum, si à sua iustitiâ recesserit, in qua diu vixit, & in ea fuerit impietate defunctus, in qua, non dico unum annum, sed unum diem vixit, in pœnas iniquis debitas hinc iturum, nihil sibi sua præterita iustitiâ profutura: huic perspicua veritati, quis fidelium contradicat? Porro si queratur à nobis utrum si tunc esset mortuus, quando erat justus, pœnas esset inventurus, an requiem? Numquid requiem respondere dubitabimus? Et num. 28. post relatas ad hujus veritatis confirmationem varias S. *Cypriani* lib. de mortalitate sententias, rem explicat, dicens: *His atque hujusmodi Doctor ille Sententiis in Catholicæ fidei luce clarissima, satis apertèque testatur, usque ad hujus corporis depositionem, peccandi pericula, tentationesque metuendas, deinceps nulla talia quemquam passurum. Quod etsi non testaretur, quando de hacre Christianus qualiscumque dubitaret? Quomodo igitur lapsu homini, & in eodem lapsu vitam istam miserè finient, atque in pœnas euntita-**

si talibus debitas; quomodo, inquam, huic non plurimum summæque prodesset, si ex hoc tentationum loco, priusquam laberetur, morte raperetur?

86. En magnum immaturæ mortis, Dei beneficium; quoniam, peccandi periculis hominem subtrahit, & in non peccandi securitate, constituit. En & verus testimonii Sapientię sensus, quod locutus sit Sapiens, secundum hujus vitæ tentationes, non tamen secundum intallibilem Dei præscientiam, & prædestinationem, nec secundum efficacem Dei gratiam; quâ voluntas, quamvis infirma, & imbecillis, sic per ejus virtutem in bono perseverat, ut non deficiat, nec in sensu composito illius, adversitate aliquâ vincatur; cum Deus præbeat homini liberrimam, fortissimam, & invictissimam voluntatem.

87. Loquitur ergo Sapiens secundum pericula hujus vitæ; quorum cognitionem habet Deus per scientiam naturalem comprehendentem, tum pericula, & tentationes, tum mutabilitatem liberi arbitrii; ne forte quis extollatur, sed insit omnibus saluberrimus timor; ut omnes etiam, qui benè currunt, timeant, dum occultum est, qui per veniant, nullique in hoc loco miseriarum, ubi tentatio est vita humana, superbiam possit generare securitas. Præstat ad indubium hujus veritatis argumentum audire S. Augustinum lib. de Prædest. SS. cap. 14. *Hæc est tota causa cur dictum est, à quocumque sit dictum, Raptus est ne malitia mutaret intellectum ejus. Dictum est enim secundum pericula hujus vitæ, non secundum Dei præscientiam, qui hoc præcivit, quod futurum erat, non quod futurum non erat: idest, quod ei mortem immaturam fuerat largiturus, ut tentationum subtraheretur incerto; non quod peccaturus esset, qui mansurus in tentatione non esset.* Quis hæc legens mente non comprehendat verissimam Sapientis Oraculi intelligentiam? Immaturam mortem ob oculos ponit Sapiens; quia magna est hujus vitæ tribulatio, & licet non neget S. Doctor secundum scientiam aliquam Sapientem illud dixisse, negat tamen secundum Dei præscientiam, & prædestinationem locutum fuisse; quos enim ante mundi constitutionem elegit Deus, & prædestinavit in Christo, hos & futuros Sanctos præcivit, & quidem per ipsam electionem gratiæ suæ, quâ gratificat nos in dilecto filio suo; & quâ posita, ne utiquam malitia corrumpet intellectum electorum; sed ex hac vita perducentur ad illam, ubi sine fine beatissimi servabuntur, & in Domino in æternum gloriabuntur. *Quis namque tam impie desipiat, inquit Augustinus in Enchir. cap. 98., ut dicat Deum malas hominum voluntates, quas voluerit, quando voluerit, ubi voluerit, non posse convertere? Potens est, inquit idem S. Doctor de dono persever. cap. 6. num. 12., à malo in bonum flexere voluntates, & in lapsum pronas convertere, ac dirigere in sibi placitum gressum.* Ex quibus certâ illatione deducitur, atque probatur, non esse testimonium Sapientiæ intelligendum secundum Dei prædestinationem; cum secundum istam, non esset metuendum Deo, ne accedente aetate homo ille libero peccaret arbitrio. Quod totum aperte præ se ferunt sequentia Augustini verba loco citato Prædest. SS. *Qui vita brevitate rapuit ju-*

*justum, ne malitia mutaret intellectum ejus; ipse in quantacumque vita longitudine custodit justum, ne malitia mutet intellectum ejus.* Quodli contendant, verba sapientis dicta esse secundum præscientiam eventus futuri, casu quò juvenis ille diutius viveret: Dicimus præscientiam illam non esse mediam, sed perfectè liberam, & innixam determinationi Divinæ, quâ Deus statuerat justo illi permittere lapsum, & negare gratiam efficacem, quâ tentationem vinceret, si diutius illius vita protraheretur.

88. Aberrat insuper arguens quàm longissimè à mente D. *Augustini*, dum allerit conjunctionem gratiæ sanctificantis cum morte, esse unicum medium, quò Deus potest facere, ne malitia corrumpat intellectum hominis; proptereaquè prius rapiatur. Hoc energiæ, & virtuti gratiæ Dei non parvam injuriam facit, quæ diffusâ in cordibus hominum nedum bonum volentes, ex nolentibus, facit, ut toties clamat *Augustinus*: sed etiam stabilire potest, licet exterius à suavore, & interius à propria concupiscentia, stimulentur ad malum, ne cadant. Quis negare audeat, Deum gratiâ suâ posse totò vitæ tempore hominem confirmare in bono, ne cadat, pereat, & delitescendo in via deficiat? Quòd gratia Prædestinatos, & secundum propositum vocatos ad summam perfectionem, glorificationemque perducit? Quòd Deus totò vitæ tempore dare nobis possit victoriam, quâ peccatum vincitur per Dominum nostrum *Jesus Christum*, quæ victoria donum Dei est, in isto hujus vitæ certamine divinius excitantis, & efficaciter adjuvantis liberum arbitrium: quò concessò Dei donò, non inferatur in tentationem? Nemo sanè Sanctorum est, qui non teneat usque in finem perseverantiam Sanctitatis, ut docet S. *Augustinus de dono perseverantiæ* cap. 5. num. 9. Sed aliquibus etiam confertur stabilitas singularis in gratia, ut de se ipso testatur *Apostolus* ad *Rom.* 8. *Certus sum enim, quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à Charitate Dei, quæ est in Christo Domino nostro.* Scimus etiam, certissimumque debet esse omnibus, *Apostolos*, qui erant quasi fundamentum, & basis totius Ecclesiastici ædificii gratiâ Dei fuisse in bono confirmatos. Hæc mirabilis perseverantia non est effectus gratiæ sufficientis in his vel illis circumstantiis collatæ, sed altioris Dei gratiæ, quæ stabilis voluntatem in bono.

89. Non defuit Sacratissimæ Virgini *Æternæ Sapientiæ Matri*, in qua nihil inquinatum incurrat, ut dicitur Sapientiæ 7. hoc consummata gratiæ Dei donum, ut docet D. *Thomas* q. 24. de verit. art. 9. Definitum insuper est à *Tridentino* sess. 6. can. 23. & speciali privilegio posse hominem in tota vita sua peccata omnia, etiam venialia vitare, & oppositum anathema dicit. Quidni ergo & nos hoc efficaciam privilegium gratiæ Dei adscribamus; cum ex modò dictis invictum ad efficaciam gratiæ comprobendam eliciatur argumentum? Perseverantia quippe incipit à prima gratia, quæ incipit in nobis sine nobis; continuatur per eandem effica-



efficacem gratiam , quæ mortem cum charitate conjungit . Procul ergo sit, quod contra Dei gratiam id dixerit Sapiens, si quis illud, sicut oportet , cogitet .

90. Cur autem facit Deus justum unum evitare periculum tentationis felici morte , quod priusquam labatur , morte rapiatur , & permittatur alter justus tentationibus objici , & labi, in eodemque lapsu vitam istam miserè finire ? Hoc si à me petas : hic adoranda sunt Dei judicia , nè adversus ejus justum , & inscrutabile consilium murmuremus : ut saluberrimè admonet S. *Augustinus* de corrept. & grat. c. 8. n. 19. His verbis : *Respondeant , si possunt , cur illos Deus , cum fideliter , & pie viverent , non tunc de vitæ hujus periculis rapuit , nè malitia mutaret intellectum eorum , & nè fictio deciperet animas eorum . Utrum hoc in potestate non habuit , an eorum mala futura nescivit ? Nempe nihil bonum nisi perversissimè , atque insanissimè dicitur . Cur ergo non fecit ? Respondeant , qui nos irrident , quando in rebus talibus exclamamus , Rom. 11. 33. Quam inscrutabilia sunt judicia ejus , & investigabiles viæ ejus .*

91. Neque enim hoc non donat Deus quibus voluerit : aut verò Scriptura illa mentitur, quæ de morte velut immatura hominis justis ait, *Sapient. 4. 11. Raptus est , nè malitia mutaret intellectum ejus , aut ne fictio deciperet animam ejus .* Cur igitur hoc tam magnum beneficium aliis dat, aliis non dat Deus, apud quem non est iniquitas, nec acceptio personarum, & in cuius potestate est quamdiù quisque in hac vita maneat, quæ tentatio dicta est super terram ? Sicut ergo cogantur sateri donum Dei esse ut finiat homo vitam istam , antequam ex bono mutetur in malum : Cur autem aliis donetur , aliis non donetur , ignorant : ita donum Dei esse in bono perseverantiam secundum Scripturas, de quibus testimonia multa jam posui, fateantur nobiscum, & cur aliis detur, aliis non detur sine murmure adversus Deum dignentur ignorare nobiscum . Quod & repetit de Prædest. SS. cap. 14. num. 26. Sed quare aliis concedatur , ut ex hujus vitæ periculis , dum justi sunt , auferantur : aliis verò justis donec à Justitia cadunt in ejusdem periculis vita productiore teneantur : quis cognovit sensum Domini ? Et tamen hinc intelligi datur , etiam illis justis , qui bonos , piosque mores usque ad senectutis maturitatem , & diem vitæ hujus ultimum servant , non in suis meritis , sed in Domino esse gloriantur : quoniam qui vitæ brevitate rapuit justum , ne malitia mutaret intellectum ejus , ipse in quantacumque vitæ longitudine custodit justum , ne malitia mutet intellectum ejus . Cur autem hic tenuerit casurum justum , quem priusquam caderet hinc posset auferre ? justissima omnino , sed inscrutabilia sunt judicia ejus . Hæc S. Doctor , & cum eo nos confiteri tenemur , judicia Dei, quoniam alta , & justa sunt , à nobis, nec vituperari posse, nec penetrari. Occultum esse voluit, inquit idem S. Doctor de Prædest. SS. cap. 8. num. 16. qui tamen aliquid injustum velle non potest .

## §. V.

*Examinatur quædam Ortizii cogitatio, quâ ad concordiam revocare intendit Thomistarum & Jesuitarum sententiam.*

92 **N**IHL magis, inquit ille, ad utilitatem fidelium, & ad Decus utriusque Scholæ, quàm si ambo in statuendis Dogmatibus de gratia convenire possent; sed appensis in statera allertionibus utriusque Scholæ, quæ de eis collignantur, in idem quoad rem omnes omnino recidille videntur, & de solo nomine contentiones, & jurgia tantum sunt relicta: ergo gratia congruæ systemate benè intellecto, nulla jam inter Thomistarum, & Jesuitarum opiniones dissensio, tollique debet Scholarum nostrarum divortium; dum concordi consilio, conjunctisque viribus pro eodem in re statuendo dogmate decertant. Ad probationem maj. sequentia adducit. Caducifer iste scriptor pag. 136. num. 310. dicens: Secundum est, quodd cum ex dictis quodlibet systema Theologicum sit quædam collectio propositionum explicantium de Deo eas veritates, quas sibi videtur eruere de propositionibus revelatis; atque plerumque circa eundem Deum simplicissimum, & verissimum alterum systema magis inclinet in salvandas aliquas veritates; & alterum in alias, quæ omnes in Deo coherere mirifice, sed in omnibus propter humanam caliginem necdum penitus conciliantur; opportunum est, & frugiferum, quando utrumque systema collisione ingeniorum, & impetratione lucis de excelsis, jam omnes illas veritates sub bis, vel illis vocibus habet bene cribratas; tunc ambo in unum coire, ut quantum frugifera fuerint utrarumque partium opera dilucescat, & Deus ipse remoto jam certaminis pulvere plus hominibus reveletur. Non secus, ac si hominum turma è regione posita suscipiant agrum aliquem excolendum, dum jam sibi propinquant citatius operas jungunt, & omnium manibus statim agro redditur cultura perfecta. Pari omnimodò constantia contendit veritatem minoris hisce verbis pag. 435. num. 308. Quod si uspiam in Scholis actum est; maxime ut reor, in controversia presenti, quam plura sæcula perdomuerunt, illustriora Ecclesia ingenia dolavere, penè infinita volumina discusserunt, jugis Palæstra, disputatioque lavigavit, atque Ecclesia oracula veritatem digito commostravit: unde effectum est, quodd, sic, quæ veluti opposita, & inimicissima depromuntur; ad fundam suorum Authorum hauriri velint; non agrè admodum nesceretur multa eorum prælia non nisi in quadam tenacitate vocum, & nominum confoveri, & vel tenui filo disrupto; eandem telam utraque partes ordiri, vel Dei ope vetusta præoccupationis temperatura cadente, velut ruina maceria, facile posse fieri utraque unum.

93. Hoc nedum confirmat, sed & planè persuadere nititur præfatus Scriptor, suffragium adnectens Patris Danielis Theologi gravissimi S.J. qui

qui in suis Epistolis ad Natalem Alexandrum hæc habet epistolâ 5. *Constat mutationem istam parvi admodum in Theologicis, aut nullius esse momenti. In eo consentiunt hodiè omnes, cognosci à Deo res tam futuras, tam possibiles, & earum etiam propositionum veritatem, quæ obfricta aliquâ conditione sunt: Hoc, inquam, inter omnes Theologos convenit. Jam sive revocetur scientia conditionalium ad scientiam visionis, aut intelligentiæ, aut ad utramque: sive tertium quoddam partitionis membrum dicatur conficere, & propriam, ac peculiarem in Deo scientiam distinguamus, quæ scientia media nominetur; nihil inde in Theologicam rem detrimenti, periculive redundabit. Mera de nomine, vocibusque est quæstio, quam decidere persacile sit pro varia notione, ac definitione, quam utrimque vocibus quisque subijciat, ad ipsius dumtaxat quæstionis, & materiæ intelligentiam; ac pro certo habeo futurum, ut hæc inter te, meque lis, R. Pater, esset minimè diuturna. At enim, quia hæc multiplex divinæ scientiæ partitio usui Theologis est ad explicandam prædestinationem, & concordiam divinorum decretorum, cum humana libertate; alii alio modo istam scientiæ Dei divisionem, ejusmodi rebus explicandis, & conciliandis adhibuerunt: hinc exarsere animi, & lites momenti majoris exorta sunt. Antequàm ulterius progrediamur, quadam hic iterum præstituenda sunt ad evolvendam rem opportuna, quorum de veritate pariter apud omnes Theologos aequè constat. Decretum Dei est divinæ voluntatis actus aliquid fieri decernentis. Tale, verbi gratia, decretum est, quo prædestinatorum salutem æternam vult. Quod multiplex in Deo statuatur decretum, id parè explicandum est modo, quo multiplex in eodem scientia ponitur. Nihil in illo simplex non est. Uno voluntatis actu vult, semperque voluit ea omnia, quæ volietur extra se se, quàm longa deinceps æternitas duravit: isque voluntatis actus ab ejus essentia simplicissima nullo pacto distinctus est. Itaque cum decreta in Deo multa, iidem, ut scientias cogitamus, eam efficit multipliciter diversitas rerum, quas ejusmodi decreta respiciunt: Eodem actu voluntatis Deus, & mundum condere, & servare prædestinatos voluit: sed quia illi duo termini, sive objecta diversa sunt, ac dissimilia; dissimile quoque, ac diversum decretum est, quo Deus conditum orbem, illi decreto, quo servatos prædestinatos, voluit.*

94. Porro, quemadmodum scientiarum illa, decretorumque multitudo nulla in Deo est; sequitur neque in Deo existere ordinem, seriè que positam à Theologis inter scientias diversæ speciei, & inter decreta pro terminorum, sive objectorum varietate dissimilia, ac diversa: aut ordinem ab iisdem assignatum inter scientias, & decreta inter se comparata. Ordo quippè, & series rerum, quæ ordinantur multitudinem innuit; atque adeò, ubi multitudo illa non est; tolli quoque ordinem necesse est. Merum itaque mentis humane inventum est, non temerè tamen, ac sine aliqua utilitate excogitatum, & in Scholas inducendum. Stet igitur hoc, & maneat, ordinem reverà inter Dei cognitionem, ac decreta nullum esse, neque aliud alio re ipsâ priùs existere: Deum ex omni æterni-

*æternitate omnia & cognovisse, & decrevisse: nec ante cognovisse, quàm decerneret, aut decrevisse prius, quàm cognosceret. Nihilominus Theologi, quò faciliorem fiererent viam ad intelligenda quodammodo, & investiganda permulta, quæ difficiles habent explicatus; nec levioris sunt propter hæses inde natas, momenti: ut filo quodum regerentur, dant illos inextricabiles prædestinationis, & reprobationis labyrinthos, quantum fas homini est, rimantur; dum conciliare liberum arbitrium student, cum certa, & immutabili, quæ Deo inest, futurorum cognitione, nec non efficacia ipsius decretorum, & immutabilitate. In his, inquam, extricandis, ut minus laborent Theologi, præsidium sibi aliquid ab hoc ordine, & serie petendum esse judicarunt. Ponunt igitur, ac fingunt certam quandam scientiam priorem esse decretis, seu actibus voluntatis divinæ: aliam quandam posteriorem: Fingunt, inquam, cogitando, & animo designant, cum habeant persuasum, ordinem hunc, non in ipso Deo, sed in mortali mente tantum existeret, ab ipsa repertum, ut jam dixi, ad enodandam multis in locis veritatem. Ad hunc modum posito copernici, terram circa suum centrum; & circa Solem movere perhibentis systemate; aut systemate Tichonis motum Soli circa terram immobilem tribuentis, omnia pariter naturæ phenomena, eclipses, vices tempestatum, explicantur; licet alterum omnino systema falsum esse necesse sit. Ex his liquet, scientiæ mediæ doctrinam, alteramque ipsi oppositam, prout illas tum scientiarum, tum decretorum complexiones, distinctionesque complectuntur, aliud esse nihil posse, quàm mera systemata, quæ fabricantur à Theologis, & ponuntur tanquàm vera, quo lux ad explicandas difficultates gravissimas afferatur. Hactenus ille. In cujus verbis pereleganter explicatum est quidquid pro legitima notione, & æstimatione systematum Theologicorum dici potest, ac debet. Sed observa qualiter ille, in meliorem, ut fucum faceret, apertioremq; luceni, systema de gratia congrua conatus sit ponere, magnoque verborum apparatu in Cœlum evehere.*

95. At profectò joculari nos putat eximius iste Scriptor, ludit lepidè, ac astutè satis agit vulpeculæ partes; dum horrendum hoc paradoxum, fictitiâque hanc utriusque Scholæ in re conjunctionem, à Sapientibus merito derisam, & in æternum deridendam jucundis facetiis illis, in quibus longè Thomistas excedit, persuadere Lectori voluit, ut per ludum, & jocum Thomistarum systema de gratia Dei evertat. Sed quis vel in Scholis leviter versatus, ita hebes est, ut ignoret, tantam esse inter utramque opinionem distantiam, quanta Solem inter & terram? Ubinam obsecro ista, auxesi illâ ornata atque amplificata, consonantia doctrinæ? Ubi illa eadem principiorum, quibus utraque Schola nititur, ita eloquenter exaggerata colligatio, & consensus? Tollenda est igitur hujus eximii Theologi hallucinatio, ludusque verborum.

96. Verum imò verissimum est, Deum sibi vindicare miram, singularemque suæ essentiae simplicitatem, ut nulla sit in eo realis perfectio-  
num multiplicitas, summa ejus simplicitati repugnans; quòd & omnem bonitatis plenitudinem in se veluti vastissimo sinu congregat; cum sit  
pela-

pelagus essendi, omnem omnino perfectionem includens, & implicite importans. At, cum adeò absit à cognitione Dei, prout est in se, humana mediocritas, ut nec Deum, prout est in se, scire ei datum sit, nec scrutari permittum; nihilominus tamen inquirunt Theologi, quodnam ex tot, & tantis, quæ in Deo cumulativissime sunt prædicatis, nostro modo intelligendi distinctis, habeat rationem naturæ, & veluti fontis, & radicis omnes alias perfectiones virtualiter profundentis? Prædicata, nempe, quæ verè, & objectivè reperiuntur in Deo, à nobis distinguuntur distinctione ratiocinata, quæ petit, ut ratio significata per nomen verè, & realiter reperiatur in objecto, cui nomen attribuitur: ad differentiam distinctionis ratiocinantis, quæ fit absque ullo in re fundamento. Quod totum expressè docet D. Thomas in 1. sent. dist. 2. quæst. 1. art. 2. in corpore, & art. 3. etiam dist. 22. quæst. 1. art. 3. ad 4. *Dicendum, quòd differunt nomina attributorum secundum rationem, non tamen quæ sit solum in ratiocinante; sed quæ salvatur in ipsa re secundum veritatem, & proprietatem rei: quod sic patet; omnia enim huiusmodi dicuntur de Deo, & Creaturis, non equivocè, sed secundum unam rationem analogam. Undè cum in creaturis ratio sapientia non sit ratio bonitatis, oportet quòd hoc etiam in Deo verum sit; sed tamen in hoc differt, quòd in Deo sunt idem in re, in creaturis autem differunt re, & non solum ratione.* Sic verissimè reperitur in Deo ratio intellectus, voluntatis, bonitatis, sapientiæ, iustitiæ, & misericordiæ; licet distinctio inter ea non reperiatur, sed fingatur cum fundamento in re. Cum ergo in Deo verè reperiuntur, ratio entis à se, ratio substantiæ immaterialis, intellectio, &c. cum sit cumulus omnium perfectionum quodnam sit ex illis verum, & formale constitutivum, utiliter disputant Theologi, quin inde aliquod in rem Theologicam detrimenti, periculive redundet; cum Deum verum agnoscant, nedum prout in uno systemate declaratur, sed prout in omnibus.

97. Verissimum insuper est dari in Deo rerum omnium scientiam, ut legitur *Esther 14. Deus, qui habes omnium scientiam*; tam futurorum, quàm possibilium. Cognitio rerum, quæ nullo tempore habitura sunt esse, scientia dicitur simplicis intelligentiæ. Cognitio futurorum scientia visionis dicitur: quæ distinctio non accipitur ex parte Divinæ scientiæ, cum indivisibilis sit ejus cognitio; sed ex parte objectorum, quæ per ipsam cognoscuntur. Nullum ergo est inconveniens, quòd respectu diversorum objectorum distincta virtualiter sit scientia. Quòd si quis tertiam distinctam scientiam statuere velit; quæ inutilis sit ad cognitionem talis objecti, minùs conformis Scripturæ Sacræ, minùsque Deo digna, & è diametro opposita SS. *Augustino*, & *Thomæ*, nullus inficiari potest, quòd in ea rejicienda non erit inanis, & ludrica disputatio, sed potiùs ardentissimò studio, summæque contentione dignissima. Cum ergo Thomistæ hanc scientiam, quæ dicitur *media*, inutilem in Deo judicent; quæ minime in Deo requiritur, ut non sit incertus de futuro eventu, antequàm gratiam de facto conferat; nam eo ipso, quòd Deus cognoscit comprehensivè se esse omnipotentissimum, Divi-

nam suam voluntatem esse efficacissimam, seu habere summum dominium in quaslibet voluntates creatas, se posse illas inclinare, salvò etiam liberò earum consensu, in quamcumque partem voluerit, suavitare objecti propoliti, & gratià victrice cujuscumque objecti impediementi, inutilis prorsus est ista *scientia media*; & maximè dum Deus futura conditionata in suo decreto efficaci cognoscit, ut infrà dicemus. Hæc etiam minùs conformis eis videtur, quæ de voluntate Dei tradit Scriptura: *Deus operatur omnia secundùm consilium voluntatis suæ*, ut dicit *Apostolus* ad *Ephes.* 1. quòd vix intelligi potest hæc scientià posità; cum solum operaretur secundùm consilium voluntatis humanæ; nihil statuens, nisi priùs nutibus, affectibus, & ejus inclinationibus exploratis, studens, & attendens quid ei placebit in his circumstantiis; quâ meliori arte eam in aliis tlectere poterit, quasvè circumstantias expectare deberet, ut eam vinceret. Ex quo, & eam Deo minùs dignam sibi persuaderet. Non enim decet supremum Dei dominium, ejusquæ divinam omnipotentiam, explorare per hujusmodi scientiam consensum futurum, genium, temperamentum causerum liberarum, & ad quid se ipsas deterninaturæ sint in talibus circumstantiis, ut iis prævisis, statuat collocare hominem in illa circumstantiarum serie, in qua videt eum benè usurum gratià indifferenti oblata. Hæc sanè sunt maximi, & non levioris momenti, ut ipse judicat.

98. Verisimilium est insuper, quod hic legitur, Decretum prædestinativum ex parte Dei se tenens unicum, & simplicissimum edè, quò unò, & eodem actu Deus simul ad gloriam, & ad merita quosdam prædestinavit; & quòd licèt ex parte volentis sit unicus actus; ex parte tamen volitorum unum priùs altero volitum fuit; qui ordo prioris, & posterioris rerum volitarum in ratione terminandi divinam voluntatem, non est, ut inquit ille, *merum mentis humanæ inventum in Scholis introductum*; sed maximè in Scriptura fundatus. Dicitur enim *Juditb.* 9. *Tu, Domine, fecisti priora; & illa post illa cogitasti; & h.c. factum est, quod ipse voluisti?* Et ad *Ephes.* 1. *Elcgit nos in ipso ante mundi constitutionem*. Quare *Apostolus* ad *Hebræos* 10. de Prædestinatione *Christi* exponit illud *Psalmi*: *In capite libri scriptum est de me*: Ergo hic ordo prioris, & posterioris inter objecta, qui ab omnibus Theologis admittitur, non est merum mentis humanæ inventum, quoad manus terminandi voluntatem Divinam. Hoc ergo supposito ordine prioris, & posterioris inter objecta, systema hoc concordia quod proponitur à Patre *Daniele* *Epist.* 6. pag. mihi 109. tutilitatis, talitatisque patentissimè plenum est. Verba ejus ex idiomate Gallico transcribo: *In oppositis circa hanc materiam opinionibus ad hoc commune systema, in quo, datà operâ, à scientia media, & decretis prædeterminantibus abstraho, ea reduci posse credo.*

99. Supposito in Deo decreto creandi certum hominum numerum, eisque conferendi, quibus ad finem suum pertingant media; quorum aliqua, sive per scientiam mediam, sive ex natura mediorum ipsorum, scis futura efficacia, si ea det; alia; culpâ eorum, qui eis uti non volent, nonnisi

nonnisi merè sufficientia, & absque efficacia futura: Suppositis, inquam, his omnibus, quæ à Jesuitis, eorumque Adversariis Catholicis admittuntur, Theologi distinguunt ulterius tria instantia. In primo Deus format decretum dandi aliquibus gratias, quas scit efficaces futuras; aliis tales, quas prævidet non futuras; largiendi his seriem quamdam gratiarum ita concatenatam, ut terminetur in gratia efficaci finalis perseverantia; aliis seriem gratiarum alio concatenatam modo, in cuius fine, ut ita loquar, gratia illa efficax perseverantia non reperitur.

100. Post primum hoc decretum secundum instans sequitur præscientia Dei, seu scientia visionis, quæ videt effectum decreti formati in favorem ipsorum, quibus efficaces illas gratias conferre statuit; ita ut in secundo hoc instanti notitiam hanc absolutam habeat: tales, & tales obedient gratiis meis, simul quoque cognoscit eos, & illos, qui non utentur mediis, quæ conferre illis statuit ad se salvandum. Tandem instanti tertio Deus, consequenter ad notitiam fidelitatis illius, quædam primi præstiterunt gratiis suis, tertium format decretum dandi eis suum paradysum, qui sub qualitate mercedis, & coronæ iustitiæ, ut vocatur à D. Paulo, & laborem, & pugnam supponit. Ad hoc systema omnium Catholicorum systemata reduci queunt; & Theologi absque difficultate possunt illud admittere, cum nihil aut Thomistarum, aliarumve Scholarum principiis contrarium contineat. Ecce nunc differentiationem aliorum ab aliis in puncto prædestinationis ad gloriam.

101. Qui insinuant prædestinationem ad gloriam independentem à meritis absolutè prævisis, asserunt, decretum illud, quod Deus primo instanti destinat his, & illis gratias efficaces, quæ operabuntur salutem, esse inseparabile ab eo, quod statuit illis gloriam conferre; quia inquirunt, impossibile est dari media efficacia, cognita ut talia, nisi simul habeatur intentio dandi finem, sive effectum quem debent producere: sed Deus in illo instanti primo, vult gratias efficaces dare huic infideli: ergo in eodem instanti vult effectum gratiarum suarum, qui est gloria: ergo in eodem instanti eos ad gloriam prædestinat: atqui in primo illo instanti nondum prævidit merita, v. g. futuram conversionem hujus infidelis, eam non videt nisi instanti sequente: cum prævisio illa innitatur decreto jamjam facto, de danda eidem gratia efficaci, quæ converti debet: ergo, concludunt, prædestinatio ad gloriam præcedit prævisionem absolutam meritorum, sive est ante prævisa merita. Alii ex opposito prætendunt, primum hoc decretum non habens prætermino, & objecto nisi gratias efficaces, appellari non debere decretum prædestinationis ad gloriam: quodque decretum aliud, consequens meritorum prævisionem, ac fidelitatis ejus, cui dabit Deus gratias efficaces, unice mereatur nomen prædestinationis ad gloriam, quia terminus ejus, & effectus est gloria.

102. Quis hæc legat diligenter, & intelligenter, & credat, quod in hoc systemate datæ operæ à scientia media, & decretis prædeterminantibus abstrahit Auctor, ut in præcipuo Doctrinæ capite statuendo, Scholæ, quas secum invicem pugnare affirmat, viâ istâ serio conciliari

possint? Primò torò ostiò à Thomistarum mente, atque sententia aberrat Auctor iste; nec enim Thomistæ agnoscunt gratias ejusdem naturæ, quæ ex assensu, & dissensu liberi arbitrii efficaces, vel inefficaces reddantur; cum ex Deo sit bonus usus gratiæ sufficientis, mediâ gratiâ efficaci, quæ, quibus datur, misericordiâ Dei gratuita datur, ut scripsit Sanctus *Augustinus* Epist. 217. aliâs 107. ad *Vitalem*. Procul insuper discedit ab *Augustino*, & *Thoma*, dum secundum instans statuit præscientiæ, seu scientiæ visionis, quâ Deus absolute videt tales, & tales confensuros esse gratiis sufficientibus, uniuersum tamen hos, & illos; ut Deus in tertio instanti consequenter ad notitiam fidelitatis illius, quam primi præstiterunt gratiis suis, tertium formet decretum dandi eis gloriam per modum coronæ, quæ laborem, & pugnam supponit: quod quidem decretum consequens prævisionem meritorum, unice meretur nomen prædestinationis ad gloriam; non tamen primum illud habens pro termino, & objecto gratias efficaces. Quid magis è fronte adverbum doctrinæ Thomistarum, qui prædestinationem ad gloriam per modum coronæ independentem à meritis, & ex mera Dei liberalitate procedentem auctoritate Sacræ Scripturæ, Traditionis, tot Sanctorum Patrum testimoniis, præsertim *Augustini*, & *Thoma*, & tot rationum momentis suo locò demonstrant? Cum *Apostolus* de Prædestinatione secundum propositum ad *Romanos* cap. 11. dicat: *O altitudo diuinitarum sapientiæ, & scientiæ Dei, quam incomprehensibilia sunt iudicia ejus, & inuestigabiles viæ ejus!* Quæ sanè admiratio, quod ablit, impertinens esset, si prædestinatio ad prævisa hominum merita, & liberam oblata gratiæ acceptationem, vel refutationem referenda esset, & non gratiæ liberalitati Dei, *Qui*, ut inquit *Psalmista* Regius, coronat te in misericordia, & miserationibus.

103. Falso etiam præsupponit Scriptor iste, quòd decretum, quò Deus decrevit dare gratias efficaces, non sit prædestinativum; cum iuxta *Apostolum* ad *Rom.* cap. 8. gratia efficax, & donum perseverantiæ non præcedant, sed subsequantur intentionem dandi gloriam, ait enim: *Diligentibus Deum omnia cooperantur in bonum, his, qui secundum propositum vocati sunt sancti: nam quos præsciuit, & prædestinavit... hos & vocavit, & quos vocavit; hos & justificavit, & quos justificavit, illos, & glorificavit:* quibus verbis totam prædestinationis seriem ita ordinat *Apostolus*: *Diligentibus Deum omnia cooperantur in bonum: non quidem omnibus diligentibus, sed his, tantum qui vocati sunt secundum propositum:* hoc est, qui ex vi propositi, seu decreti Divini eligentis ipsos ad gloriam, ita vocati sunt; nam quos ex vi hujus propositi præsciuit, suos videlicet, hos prædestinavit, & quos sic prædestinavit, hos vocavit, & quos sic item vocavit, illos, & glorificavit. Ne ergo ad voluntatem nostram *Apostolum* trahamus repugnantem; hic erit decretorum statuendus ordo. Primò, est electio ad gloriam, & dilectio, quâ Deus vult prædestinatorum salutem. Secundò, ex ista oritur formalis prædestinatio, quâ nempe præparantur media, nempe efficacia, quæ per se ex vi innata, & prout à Deo descendunt infallibi-

liter



liter voluntatis consensum inferunt, & quibus certissimè liberantur, quicumque liberantur, ut certò, & infallibiliter eliciant in tempore merita, quibus ad beatitudinem pervenitur. Tertiò, sequitur iustificatio, & perseverantia finalis, virtute ejusdem decreti, atque energiam mediorum prævisà. Et tandem glorificatio: ergo solum contra apertum, quem verba *Apostoli* præ se ferunt, sensum dici potest, quòd decretum, quòd præparantur beneficia, quibus electi certissimè liberantur, & transmittuntur in vitam æternam, non sit prædestinativum.

104. Audiendus S. *Augustinus* lib. de Prædestinatione Sanctorum cap. 10. *Inter gratiam, & prædestinationem hoc tantum interest, quòd prædestinatio est gratiæ preparatio, gratia verò jam ipsa donatio.* Et cap. 18. & 19. ponderans verba illa *Apostoli*: *Ut effemus sancti*: sic dicit: *Intueamur ergo verba Apostoli, sicut elegit nos in ipso, ut effemus sancti, & immaculati. Non ergo, quia futuri eramus, sed ut effemus. Nempe certum est, nempe manifestum est, ideò quippe tales eramus futuri; quia elegit ipse prædestinans, ut tales per gratiam ejus effemus.* En electio influens sanctitatem, & merita. Audiendus etiam D. *Thomas* 1. part. q. 23. art. 5. *Impossibile est, quòd totus effectus prædestinationis in communi habeat aliquam causam ex parte nostræ; quia quidquid est in homine, ordinant ipsum in salutem, totam comprehenditur sub effectu prædestinationis, etiam ipsa preparatio ad gratiam, neque enim hoc fit nisi per auxilium Divinum, secundum illud Threnorum ultimo: Convertite nos Domine, & convertemur.* Et expressissimè in cap. 9. Epist. ad Rom. lect. 3. *Manifestum est, quòd omne beneficium, quòd homini confert Deus ad salutem, est Divina prædestinationis effectus: Divinum autem beneficium non solum se extendit ad infusionem gratiæ, quæ homo iustificatur, sed etiam ad gratiæ usum.* Quid ergo magis apertum, quàm quòd gratia, & donum perseverantiæ subsequuntur electionem, & prædestinationem ad gloriam? Qua de re commodior infra erit dillegendi occasio. Cogitet ergo ille novis doctrinæ, & sapientiæ suæ luminibus meliorem viam, quæ in concordiam revocari possunt omnes utriusque Scholæ Discipuli. Alia efficacitatis gratiæ ponat principia, ut Thomistæ eandem cum eis consecutionem eliciant; quis namque, nisi ignorantia caligine obcæcatus, hanc utriusque Scholæ conjunctionem fictitiam non agnoscat, & quòd Auctor systematis de re maxime seria nobiscum joculari voluerit, per ludum, & jocum, Thomistarum systema de gratia, & prædestinatione verborum phaleris obnubilans? Nequit sanè inter utramque Scholam via media fingi. Omnino necesse est, aut unius esse quemquam, aut alterius opinionis. Cogitet ergo; iterum dico, quid melius, si potest. Replebitur gaudio os nostrum, & lingua nostra exultatione, quòd discordiæ confusione remotà, impleatur, quòd dictum est: *Ecce quam bonum, & quam jucundum habitare fratres in unum*: Scientes quantum bonorum causa sit pax Dei, custodiens corda, & sensus Fidelium, ut unum, idemque sapiant in vera doctrina; quam per omnia, & in omnibus amplecti, ac suscipere velle, profiteor: *Non enim*, ut inquit *Apostolus* 2. *Corinth. 13. v. 8. possumus aliquid adversus*

*sus veritatem, sed pro veritate. Quare, ut scripsit S. Augustinus contra Faustum cap. 29. Inter nos omnis contentio finiatur. Imò verò maneat nobis adversus illos potius pro veritate certamen, quam cum illis in falsitate concordia.*

## DUBIUM II.

An repugnet creatura inconvertibilis à Deo?

### §. I.

*Relatis sententiis, statuitur Conclusio.*

1. **E**X repugnantia creaturæ à Deo inconvertibilis fit novum, & efficacissimum argumentum probativum gratiæ ab intrinseco efficacia, quod, ut auditione accepimus, formavit primus contra positiones scientiæ mediæ Illustrissimus Godoy, dum esset Salmantinae Universitatis publicus Professor. Quare sicut argumentum hoc non legitur in Mag. Lemos, Alvarez, & Thomistis aliis, qui tempore controversiarum de auxiliis floruerunt; ita nec positio creaturæ inconvertibilis à Deo, est à primis scientiæ mediæ temporibus. Hoc ut maximum inconveniens certissimè defendunt Thomistæ omnes, sicut & legitimam esse illationem ex negatione gratiæ ab intrinseco efficacia. At non est concors Doctorum Scholæ Societatis sententia. Primæ, & communior inter ipsos opinio concedit, legitimam esse illationem, sed negant, esse absurdum dari creaturam, quæ à Deo converti, & immutari minimè possit. Ita P. Suarez lib. de prædest. cap. 7. à num. 15. licet aliis in locis oppositum sentire videatur. Albertinus in 5. princip. Philosoph. sed præcipuè Corollario 3. num. 16. Herice 1. par. tract. 3. disput. 22. à num. 18. Arriaga disput. 35. sect. 1. num. 4. Amicus disput. 12. de scient. num. 221. Alderete disput. 70. de Incarn. sect. 3. num. 5. Quiros 1. part. disput. 6. de Prædestinat. per tot. allèrens esse inter Auctores Societatis communiorē. Avendaño disput. 19. cap. 2. §. 3. num. 7. Augustinus Herrera quæst. 16. sect. 2. & 3. Hic Auctor præ omnibus placet, nam de suis oppositam sententiam defendentibus ingenuè loquens, sic ait num. 21. *Adversarii in sinuosis infinitis recessibus latitantes, non tam difficultati sincerè occurrunt, quàm infinitatis caliginem, ne reperiantur, assèctant. Caterùm eò, vel maxime Adversariorum sententia redditur magis suspecta, quia nisi inter infinitudinis obscurissimas umbras nec apparenter quidem defendi valet.* Hæc Pater Herrera.

2. Secunda sententia agnoscens absurditatem Creaturæ, quæ à Deo sit inconvertibilis, negat hoc inconveniens legitimā consecutione deduci ex positione concursus indifferentis. Ita Tannerus, Antonius Perez, Cardinalis Sforza, Esparza, Requesens, Puente, Hurtado, & Bernal,

nal, quibus adhærent Sapientes Recentiores citati omnes à P. Ramirez de prædest. disp. 4. cap. 3. n. 85. quibus consentiens P. Ripalda tom. 2. disp. 109. sect. 2. n. 15. ait: *Hæc satis liquidè evincunt, temerè negari, posse Deum pro arbitrio, quando, & quomodo voluerit, obtinere nostra voluntatis consensum.*

3. Tertia sententia affirmat, nec consequentiam esse legitimam, nec consequens illatum, etsi legitima esset, absurdum. Quare judicant, ex indifferentia auxiliorum indifferentium non probari possibilitatem Creaturæ omnibus auxiliis restitutæ, aut consensuræ; verùm aliundè non repugnare talem Creaturam; quia præter illationem ex illa doctrina non convincitur repugnans, ut potest probari ex solutione argumentorum. Sic rem componere quosdam non ignobiles Recentiores testatur P. Ramirez de prædest. disp. 4. cap. 5. n. 85. Et ad hanc tertiam Classem reducit ibi cogitationem aliam, quam obiter proposuit P. Quiros disp. 11. de prædest. sect. 3. dicens: *Posse quidem Creaturam, metaphysicè loquendo, prævideri à Deo diffensuram omnibus auxiliis; at eo ipso fieri à Deo improducibilem propter Divinum dominium, cui competit ob suam infinitam perfectionem, ne valeat absque implicatione existere voluntas creata, nisi sub conditione, quòd prævideatur non restituta omnibus auxiliis, quomodo summæ veracitati ejusdem est debitum quodvis ipsi improducibile, prout opponitur divinis dictis, & promissionibus.*

4. Sed doctrinam istam P. Quiros silentio penitus prætermittere nec possumus, nec debemus. Nihil enim ab auribus, animumque hominum magis alienum, quàm quòd Creatura etiam pro illo statu, quo nihil est, liget manus omnipotentis, ne eam creare possit. Absurdissimè dicitur, & inconveniens credidit Augustinus, quòd Deus ex demeritis conditionatè prævisis moveatur, ne Creaturam sic malè operantem prævisam creet, ut affirmat lib. 1. de anima, & origin. cap. 12. quod ita absurdum judicavit, ut nec caderet in mentem illius juvenis, quem in illis libris impugnat, & qui alioquin plura alia paradoxa præter, & contra opinionem omnium alleruit. Audiat S. Doctor: *Apostolus quippè apertissimè definivit, nondum in carne natos nihil egisse, boni, seu mali, Undè constat, parvulos, ut remissione indigeant peccatorum, non nisi originale traxisse peccatum. Nec illud quartum, eas animas parvulorum sine baptismo moriturorum, à justo Deo in carnem peccatricem relegari, atque damnari, quas præcivit, si ad ætatem pervenissent, in qua libero uterentur arbitrio, malè fuisse viçituras, Hoc namque nec iste ausus est dicere, in tantis angustiis constitutus. Imò etiam contra istam vanitatem jam satis manifestè, ac breviter est locutus, ubi ait, injustum Deum fuisse futurum, si non perfectis propriæ voluntatis operibus, vellet hominem judicare non natum. Hoc enim respondit, cum tractaret quæstionem adversùs eos, qui dicunt, cur Deus hominem faciebat, quem utpotè præcivit futurum non natum? Non natum enim judicaret, si propterea creare noluisse, quia non bonum futurum esse præcisset. Et utique sicut & huic visum est, de perfectis*

*fecit ejus operibus debuisset hominem judicare, non de præcognitis, nec fieri aliquando prævisis. Quid ergo diceret S. P. Augustinus, si modo audiret, Deum propterea creare non posse hominem, quia non bonum futurum esse præcisset? Quod sanè plurimum absurditatis accu- mulat superiori: nam in primo relinquitur integra, & illa omnipoten- tia, & libertas divina: ergo longè absurdius constituitur, quòd ne- cessitet Deum, ut illum non creet. O nimia opinandi libido! Usque eò humanas adducis cogitationes, ut possibilem creaturam concipiant, quam Deus producere nequeat, quia ejus subterfugeret omnipoten- tiam! Quisnam iste erit impotens Deus magis quàm omnipotens: aut quam ista potentior creatura, quæ Deo illi metum incuteret? Non ita Deus noster est, in cujus ditione omnia sunt posita, nec aliter pos- sunt esse. Sed hoc omisso, quia nobis sufficit annotasse, in quo Auctor iste tam longè à veritate desectit, ad id, quod erat institutum, re- vertamur.*

### PRIMA CONCLUSIO.

*Repugnat, quòd detur Creatura à Deo inconvertibilis.*

5. **C**onclusionem istam defendunt omnes Thomistæ. Videatur Sa- pientissimus Bolivar Primarius Salmantinus, & ejusdem cele- berrimæ Universitatis decus, & gloria disp. 3. de impossibilitat. scient. mediæ dub. unic. §. 2. Et tract. 5. de Provid. dub. 3. Et probatur primò ex illo *Matth. cap. 3. Dico enim vobis quoniam potens est Deus de lapi- dibus istis suscitare filios Abræ.* Quod versans D. Thomas, lic ait: *Potest autem dupliciter intelligi ad litteram. Primò, hoc enim est pri- mum fidei fundamentum, credere omnipotentiam Dei. Job. 24. Scio, quia potes, & nulla te latet cogitatio. Vel possumus intelligere per la- pides, gentiles, qui dicuntur lapides propter dno. Primò quia adorant. Secundò propter duritiam. Et concludens subdit: Hoc significatur Eze- chielis 36. Auferam à vobis cor lapideum de carne vestra, & dabo vobis cor carneum, & spiritum meum ponam in medio vestrum: quibus ver- bis constat, potentiam Dei eò usque intendi, ut homines quantumvis protervos possit ad pietatem reducere. Probat id ipsum illud *Jeremia cap. 16. Ecco sicut lutum in manu figuli, sic vos domus Israel in manu mea. Quotextu utitur Apostolus ad Rom. 9., ut potestatem Dei ad salvandum, & reprobandum ostendat: Numquid dicit figmentum ei, qui se finxit, quid me fecisti sic? An non habet potestatem figulus luti ex eadem massa facere aliud quidem vas in honorem, aliud verò in contumeliam? Quam salvandi, & condemnandi potestatem ab Apo- stolo commendatam sic declarat D. Thomas ibi lect. 4. Quasi dicat, hoc est, dictum figmentum, id est, vas fictile, non possit dicere fictori, quid me fecisti sic, quia figulus liberam potestatem habet ex materia luti opus facere quodcumque sibi placuerit. In comparationis energia, quòd sicut lutum non potest impedire voluntatem figuli, ut possit velle vas hono- ris,**

ris, aut contumeliæ, nec iterum figuli potestatem valet superare, quominus ipse de luto sibi ad nutum subjecto, quod voluntas ipsius facere decrevit, faciat: ita nec lutum voluntatis humanæ valet impedire voluntatem Dei, ut non possit velle hominem facere vas honoris, aut contumeliæ, nec voluntatis Divinæ valet potestatem superare, quominus decretum suum executioni mandet. Nec enim alia requiritur notio in figulo, quàm finis, quem intendit, & subjectam habere materiam, ut artificialem formam imprimat luto. Probatur insuper ex illo Proverb. cap. 21. *Sicut divisiones aquarum, ita cor Regis in manu Domini; quocumque voluerit, inclinabit illud.* Quibus verbis clarè nos docet Spiritus Sanctus, eandem esse potestatem Dei ad vertendum cor humanum quocumque sibi placuerit, ac est Dei potestas ad dividendas aquas; sed in Deo est potestas completa ad dividendas aquas independentè ab aliqua notitia contingente, & hæc potestatis efficacia nullo alio eget ad suum complementum, quàm aquarum existentia, ut est per se manifestum: ergo nec efficacia potestatis divinæ ad inclinandum corda alio egere potest, quàm cordium existentia pro nutu suo factibili. Hæc enim in re posita, completa est divina potestas, sicut aqua supposita, completa est potestas, ut à distribuyente, quocumque placuerit, pro libito dirigatur.

6. Agnovit etiam M. P. *Augustinus* inconveniens, quòd habilis sit metaphysicè casus, in quo Deus hominem liberum non possit convertere. Constat ex his, quæ allerit in Enchir. cap. 96. *Deus autem noster in Cælo omnia quaecumque voluit, fecit: quod utique non est verum, si aliqua voluit, & non fecit: & quod est indignius: idè non fecit, quoniam ne fieret quod volebat Omnipotens, voluntas hominis impediret: hoc nisi credamus, periclitatur nostra fidei confessionis initium, quæ nos in Deum Patrem Omnipotentem credere consuemur. Neque enim veraciter ob aliud vocatur Omnipotens, nisi quia quidquid vult, potest; nec voluntate cujuspiam Creaturæ voluntatis omnipotentis impeditur effectus.* Et cap. 97. *Quis tam impie desipiat, ut dicat, Deum malis hominum voluntates, quas voluerit, quando voluerit, ubi voluerit, in bonum non posse convertere? Sed cum facit, per misericordiam facit; cum autem non facit, per iudicium non facit.* Et quæst. 2. ad *Simplicianum* circa medium: *Quis dicat defuisse Deo modum vocandi, quo etiam Esau ad eam fidem mentem applicaret, voluntatemque conjungeret, in qua Jacob iustificatus est?* Et lib. de grat. & liber. arbit. cap. 14. *Rectissime credimus etiam perversas, & fidei contrarias voluntates omnipotentem Deum posse convertere.* Et de corrept. & grat. cap. 14. *Cui volenti saluum facere nullam hominis resistit arbitrium. Sc enim velle, seu nolle in volentis, aut nolentis est potestate, ut divinam voluntatem non impediat, nec superet potentiam.* Etiam de his enim, qui faciunt quæ non vult, facit ipse quod vult. Et intra: *Sine dubio habens humaniorum cordium quo voluerit, inclinandorum omnipotentissimam potestatem.* Quæ sanè eo recidunt, quod prius dixerat cap. 2. *Quamvis non negatur Deus posse, quem velit, etiam nullo homine corripiente corrige-*

re,

re, & ad dolorem salubrem pœnitentiæ occultissimâ, & potentissimâ medicinæ suæ potestate perducere. Et Epist. 217. ad Vitalem num. 24. Quomodo Deus expectat voluntates hominum, ut præveniant eum; quibus det gratiam, cum gratias ei non immerito agamus de iis, quibus non ei credentibus, & ejus doctrinam voluntate impiâ persequentibus; misericordiam prærogavit, eosque ad seipsum omnipotentissimâ facilitate convertit, ac volentes ex nolentibus fecit? Sed maxime notanda ea, quæ sequuntur, verba: Ut quid ei inde gratias agimus, si hoc ipse non fecit? Ut quid tantò magis eum magnificamus, quantò magis nolebant credere quos credidisse gaudemus, si gratiâ divinâ voluntas in melius non mutatur humana? Apostolus Paulus, eram, inquit ad Galat. 1. 22. ignotus facie Ecclesiis Indæ, quæ sunt in Christo; tantum autem audiebant; quia qui aliquando nos persequabatur, nunc evangelizat fidem, quam aliquando vastabat; & is me magnificabant Deum. Ut quid magnificabant Deum, si non Deus ad seipsum cor illius viri suæ gratiæ bonitate converterat; quando ut ipse confitetur, misericordiam consecutus est, ut fidelis esset, eâ fide, quam aliquando vastabat? Ipsum etiam Verbum, quod posuit, quem nisi Deum hoc tam magnum bonum fecisse declarat? Quid est enim, in me magnificabant Deum, nisi in me Deum magnificum prædicabant? Quomodo autem eum magnificum prædicabant, si magnum illud scitum de Pauli conversione ipse non fecerat? Et quo pacto ipse fecerat, si volentem credere ex nolente ipse non fecerat?

7. Supremum hoc Dei dominium apertissimè prohetur Augustinus lib. Confess. cap. 27. Serò te amavi, pulchritudo tam antiqua, & tam nova, serò te amavi. Et ecce intus eras, & ego foris, & ibi te querebam; & in ista formosa, quæ fecisti deformis irruebam. Mecum eras, & tecum non eram. Ea me tenebant longè à te, quæ si in te non essent, non essent. Vocasti, & clamasti, & rupisti surditatem meam. Corruscasti, splenduidisti, & fugasti cæcitatem meam. Fragristi, & duxi spiritum, & anbe-  
lo tibi. Gustavi, & esurio, & sitio. Tetigisti me, & exarsi in pacem tuam. Similiter lib. 11. de Genes. ad litteram; Sed posset voluntatem in bonum convertere; posset planè, quoniam Omnipotens est. Cur ergo non fecit? Quia noluit. Et lib. 14. de Trinit. cap. 25. Quis aut audeat credere, & dicere, ut ne homo caderet, in Dei potestate non fuisse, Et cap. 2. de dono persever. Dicat mihi quisquis audit, an Deus dare non possit, quod à se posci imperavit? Hoc enim qui sapit, non solum desipit, sed insanit. Imperavit autem, ut ei Sancti ejus orantes dicant, ne nos inferas in tentationem; quisquis igitur exauditur, non infertur in contumaciæ tentationem; nam certè Creatura illa non haberet obligationem, nec potestatem Deum orandi, nec aliquis pro illa, ut non induceretur in tantæ contumaciæ tentationem; cùm Deus inde illam extrahere non possit. In quibus omnibus M. P. potestatem convertendi, & inclinandi hominum voluntates ad omnipotentiam Dei, quæ est prædicatum ipsi omnino necessarium, reducit; illud ipsum conversionis opus sic divinæ omnipotentiae, & voluntati adscribens, quod & ab omni alia potestate prorsus excludit lib. de prædest. Sanctor. ubi absurdum existimat alle-  
rere,

rere, quòd, ut promissa Dei compleantur, non in Dei, sed hominum est potestate. Et statim subdit: *Credidit Abraham dari gloriam Deo, quoniam quæ promissit potens esset facere; non ait prædicere, non ait præscire; nam & aliena facta potest prædicere, atque præscire, sed ait, potens est facere; ac per hoc non aliena facta, sed sua.*

8. Hæc & alia D. *Augustini* testimonia, si lincerè legantur, mentem hujus sanctissimi Doctoris pro veritate præsuppositi itare planè demonstrant. Dicitur namque in illis, impià desipientià negari Deo potestatem ad convertendum quodcumque cor hominis, id enim manifestis verbis significat textus ex *Enchiridio* allatus: ergo qui allerit, possibilem esse hominem, cujus Deus voluntatem in bonum convertere non possit, impiè desipit, *Augustino* judice, qui Deo ad convertendum cor humanum attribuit omnipotentissimam voluntatem. Et sanè quomodò potestas est omnipotentissima ad convertendum, à qua subtrahitur conversio hominis possibilis? Habetur ex alio testimonio, voluntatem divinam à potestate arbitrii non posse impediri, quò fiat, ut Deus velle non possit id, quòd de se volibile est: ex quo manifestè convincitur, sententiam nobis oppositam non tam nobis, quàm *Augustino* esse contrariam: nam conversio illius hominis protervi, amabilis est à Deo, quia possibilis est, & bona: sed potestas arbitrii reddit illam impossibilem Deo: ergo facit, quòd voluntas divina velle non possit, quòd volibile est: ergo & velle ita est in volentis hominis potestate, ut divinam impediatur voluntatem; quæ consequentia contradictoriè opponitur asserto *Augustini*. Idem ex alio testimonio conficitur argumentum: *Augustinus*, ut potestatem Dei ad trahendum homines ostendat, exemplum doctrinæ universalis posuit in *Esau*, ut frequenter accidit in disputationibus: undè negans defuisse Deo modum, quo *Esau* traheret ad fidem, asseruit proculdubio, non posse deficere Deo modum, quo ita vocet quemlibet hominem, ut mentem illius ad eam fidem applicet, voluntatemque conjungat, in qua *Jacob* justificatus est.

9. Eundem sensum reddunt omnia alia testimonia, quæ sanè probant, quòd Deus potest semper conversionem velle, & absque eo quòd præsupponatur scientia conditionata de salute, vel conversione hominis. Ellet namque tot sacrorum testimoniorum ridiculus sensus. Quo enim jure commendaret *Augustinus* Dei omnipotentiam in conversione creaturæ? Vel enim hanc virtutem ipsi tribuit, dum voluntas divina supponit voluntatem creaturæ volentem converti; vel ad summam Dei omnipotentiam reducit velle ipsam efficaciter convertere ex suppositione quòd ipsam in statu conditionato prævideat sub nullo auxilio convertendam? Si secundum, argueretur meritis imprudentiæ Deus, volens fieri id, quòd sciret, non esse faciendum. Si primum, absit à Dei omnipotentia, quòd potestas divina ad hominis medio auxilio conversionem, non sibi, sed homini tribuenda sit, in cujus solius libertate est frustrare, vel non frustrare auxilium. Ecquid conducere potest ad excellentiam divinæ omnipotentiae id, quo posito creatura divinam superaret potestatem? Ellet namque à libera determinatione creaturæ dependens,

habere Deum, vel non habere potestatem; cū potestatem habeat, dum auxilium ad conversionem non frustratur, & non frustrari quodlibet auxilium à voluntate creaturæ dependeat: immo aliquid ex se non repugnans, constitueret implicans, & repugnans independentē à voluntate Dei: nam pro priori ad statum conditionatum erat non repugnans libera conversio illius hominis, & supposito illo statu redditur repugnans; at status ille non fit dependentē à voluntate Dei, sed ex solo arbitrio voluntatis creatæ: ergo aliquid ex se non repugnans constituitur repugnans independentē à voluntate Dei. Si ergo *Augustinus* hoc supremum Dei dominium explicat supra voluntatem creatam, quod subijcitur illa omnipotentia Dei, ut pro suo nutu possit ipsam inclinare, & movere ad quod voluerit, quando, & quomodo voluerit, quin ipsa possit resistere voluntati Dei, non ad ejus conversionem præsupponitur scientia conditionata de salute, vel conversione ipsius; cū non minus sit contra omnipotentiam Dei, voluntatem creatam impedire, quod voluntas divina velit aliquid absolute possibile, quā quod non aëquatur possibile illud, quod efficaciter vult. Non ergo ad sui alicui rationem reddidit *Augustinus*, quod potuit, quia illam prævidit consensuram; quod si opus esset potentia conditionatā ultra virtutem omnipotentia, debuisset dicere, ut rationem redderet adæquatam: quod cū non dixerit, putavit line dubio, potestatem ad convertendum corda adæquate per virtutem omnipotentia constitui, absque aliqua noitiā à nostra determinatione pendente.

10. Fulcitur hoc luculentissimo D. *Fulgentii* testimonio lib. de Inearnat. & grat. cap. 29. ubi post alia ad rem nostram ita habet: *Itane ordo rerum credi, putative permittatur, ut Deus, qui Creator est hominis, valeat hominem facere, non mutare, & qui nullius eget adjutorio, ut hominem faciat, operari tamen quod vult in hominis voluntate non possit prius, quā in homine ipsum repererit? Hanc amentiam, & à fidelibus suis arceat, & ab infidelibus auferat Deus.* Quam vocavit *Augustinus* impiam delipientiam, *Fulgentius* amentiam appellat, nempe egere Deum ad immutandum hominem scientiā, quā in homine velle, quo est mutandus, reperiat. Unde contra evidentissimē reclamatur; & ratio, quā utitur, sententiam contrariam falsitatis aperte convincit sub forma sequenti. Deus ad creandum nullius eget adjutorio: ergo valet illum immutare ad bonum. Patet consequentia, si ratio *Fulgentii* non contemnitur: nam ex eo præcisē, quod Deus valet hominem creare, nec ad illum producendum alicujus eget adjutorio, intulit, quod potest illum immutare, utique ad bonum, quia Deus non mutat ad malum. Præterea: *Prinsquam Deus reperiat ipsum velle in homine, potest Deus operari in hominis voluntate, quod vult*: ubi inanité docet S. Doctor, Deum, ut velit, & possit operari in voluntate hominis, non indigere scientiā aliquā explorante consensum voluntatis: quæ planē dicta sunt contra sententiam *Faulti* dicentis: *Nisi præscientia exploraveris, prædestinatio nihil decernit*; quæ & clarissimē sententiam contrariam impugnant.



11. Ex his desumitur & tertium & efficax argumentum ad assertionem istam egregie firmandam, quod præbet D. Thomas in 1. dist. 43. & q. 1. de potent. art. 7. & 3. contra gent. cap. 22. & 45. & in 1. p. q. 25. art. 3. explicans, quomodo divina omnipotentia sit virtus productiva cuiuscunque possibilis: quia nempe esse divinum, super quod ratio divinæ potentia fundatur, esse infinitum, non limitatum ad aliquod genus entis, sed præhabens in se totius esse perfectionem. Unde quidquid potest habere rationem entis continetur sub possibilibus absolutis, respectu quorum Deus dicitur omnipotens. Nihil autem opponitur rationi entis, nisi non ens. Hoc igitur repugnat rationi possibilis absoluti, quod subditur divinæ omnipotentia, quod implicat in se esse, & non esse simul. Hoc enim omnipotentia non subditur, non propter defectum divinæ potentia, sed quia non potest habere rationem factibilis, nec possibilis. Quæcumque igitur contradictionem non implicat, sub illis possibilibus continentur, respectu quorum dicitur Deus omnipotens. Hæc est perfectissima notio divinæ omnipotentia, quam nobis proponit D. Thomas, & ex qua arguitur repugnantia, quod detur creatura aliqua, quæ, servatâ potentia peccandi, non sit à Deo convertibilis. Etenim servatâ potestate peccandi, potest homo se liberè ad Deum convertere: quomodo ergo possibile hoc creaturæ, quod est maxima ipsius perfectio, possibile non erit respectu Dei? Ulterius: determinatio, quæ omnipotentia divina determinari debet à creatura, cum sit unum ex possibilibus, debet esse sub dominio, & potestate Dei, & præcontineri in virtute illa possibilem; cum esse divinum, super quod ratio divinæ potentia fundatur, sit esse infinitum, non limitatum ad aliquod genus entis, sed præhabens in se totius esse perfectionem, ut dicit D. Thomas: ergo vel agnosci debet omnipotentia virtus incompleta, & inadæquata, creaturæ subordinata, & in productione huius conversionis possibilis à creatura dependens; vel dici absolute debet, quod cum sit perfectissima virtus, & creatura sub auxilio indifferenti constituta pro priori ad auxilii determinationem sit proximè, & expeditè potens ad sui conversionem, reddereque efficax illud auxilium indifferens, hæc, quæ creaturæ possibilis est determinatio, & possibilis debet esse Deo. Uno, & clarissimo verbo: Petrus in statu conditionato intelligitur proximè, & expeditè potens ponere sui conversionem sub auxilio A pro priori ad omnem suam determinationem: sed repugnat, quod Deus non sit proximè, & expeditè potens ad omne id, ad quod Petrus constitutus sub tali auxilio est proximè, & expeditè potens: nam implicat intelligere conversionem Petri, sive absolute, sive conditionatè sine influxu immediato Dei, cum in sui esse, & operari ab illo essentialiter dependeat: ergo etiam Deus pro illo signo intelligitur proximè, & expeditè potens influere in eius conversionem: sed pro illo priori non intelligitur Deus influere in conversionem Petri ex huius determinatione, cum illud signum sit præcedens Petri determinationem, ante quod nequit intelligi Petrus determinans Deum ad sui conversionem: ergo si pro illo priori ad sui conversionem est proximè, & expeditè potens se convertere, etiam Deus

pro illo priori intelligitur proximè, & expeditè potens influere in ejus conversionem, ipsaque possibilis debet esse respectu Dei.

12. Et sanè maximè repugnat essentiali huic notioni divinæ omnipotentia; quòd Deus non sit proximè potens convertere creaturam, & quòd ad sui conversionem ab aliquo extrinseco dependeat, nempe à conversione conditionata creaturæ, quæ non liberè, sed contingenter Deo convenit. Hinc enim sequitur primò, quòd virtus illa divina non sit virtus perfecta, sed incompleta, creaturæ subordinata: sicut, ut aliquàlter exemplis utamur, quia ignis non habet in sua potestate applicationem ad passum, virtus ejus incompleta, & imperfecta dicitur, necnon subordinata agenti ipsi ad passum applicanti. Ulterius: Deus redderetur absolutè, & simpliciter potens, vel impotens producere aliquid, quod aliàs absolutè, & simpliciter est possibile, pro libito, & libertate creaturæ: nam creatura illa, quam Deus ad se convertere non possit, impediret pro suo libito scientiam mediam in Deo de sui conversione conditionata, quæ juxta ipsos Deus redditur proximè, & absolutè potens illam ad se convertere. Similiter creatura, quam Deus posset proximè, & expeditè ad se convertere, poneret in Deo scientiam mediam de sui conversione, ratione cujus Deus redderetur proximè, & expeditè potens illam ad se convertere. Ad hæc: Non solum esset æqualis in Deo, & creatura ad conversionem sui potestas, sed potestas creaturæ, quoad id ipsum, erit superexcedens: primum constat, quia sicut creatura potest impediri à Deo, ne convertatur ad ipsum, quatenus Deus potest tollere potestatem se convertendi, vel auferendo, vel non conferendo auxilium, sic etiam creatura potest impedire Deum, ne ipsam ad se convertat, auferendo ab illo, vel non ponendo potentiam per scientiam mediam constitutam: & sicut, semel quòd creatura sit potens se ad Deum convertere, Deus est omninò impotens ejus conversionem impedire, sic etiam, semel quòd Deus constituitur proximè, & expeditè potens ex vi determinationis conditionatæ creaturæ ad sui ipsius conversionem, nequit creatura Deum impedire, quin possit ipsam ad se convertere. Quantum ergo ad hoc æqualis est utriusque potestas. Nec minori efficacia deducitur secundum, quòd potestas creaturæ quoad id ipsum erit superexcedens potestatem Dei: tum, quia, adhuc supposito auxilio prævisò efficaci per scientiam mediam, vi cujus Deus redditur proximè, & expeditè potens convertere creaturam, creatura est proximè, & expeditè potens non se convertere sub tali auxilio, cum possit sub illo sui conversionem impedire; qua ratione allerunt Auctores oppositi, quòd datur locus orationi in creatura, quatenus potest petere aliud auxilium fortius, & robustius. E converso autem creatura sub quovis auxilio prævisò inefficaci, est proximè, & expeditè potens se convertere, facere Deum acquirere scientiam mediam de ipsius conversione, & reddere efficax illud auxilium inefficax: ex quo adderet Deo scientiam mediam de efficacia auxilii, ac per consequens Deum aliàs proximè impotentem ab æterno illam ad se convertere, potest in tempore post sui creationem reddere proximè, & expeditè potentem.

Tum,

Tum, quia creatura nedum non existens, nec futura, sed solum possibilis prævidetur potens facere totum id, quod Deus potest facere, immo & impedire virtutem Dei, ejusque potentiam remotam, ne sit proximè, & expeditè potens facere id, quod ipsa est proximè, & expeditè potens facere; potensque è contrario reddere Deum proximè, & expeditè potentem ad creaturæ conversionem; quod aliàs nullatenus posset Deus facere: ergo potestas creaturæ quantum ad hoc erit superexcedens potestatem Dei. Prætermittendum non est, quod cum apud PP. & Theologos peccatoris conversio sit summi generis miraculum, & apud S. Thomam majus creatione, duo nos Adversariorum sententia docet; aliud, ejusmodi miraculum ellè creaturæ magis, quàm Dei; siquidem illud inconvertibilis creatura in se operari poterit, Deus verò non poterit: aliud, penes creaturam ellè coarctare ad certos terminos Dei virtutem, nè operari possit id, quod virtutem ejus summè commendaret. O verè præpotentem malignæ creaturæ miseriam, quæ infinitam potentiam finibus contineri sibi animo fingit! Quis parienter ferat, aut ferre poterit, aliquod summum ex creatis bonum à miserrima omnium viatrice creatura fieri posse, à Deo non posse, nisi eidem liceat per ipsam miserrimam creaturam, cujus erit reddere Deum omnipotentem, alioqui non talem; cum aliquid, quod fieri potest, facere non possit? Sed & quid, si illa opinandi libertas verum affert: Omnes tales sumus: è peccatis surreximus, è quibus nos Deus erigere non poterat; nos poteramus: illique fuit nostra conversio possibilis, quia nos volumus: undè de magno tanti miraculi honore debitor (horreo dicere) Deus erit; nostrum enim erat, quod ille id patrare posset, aut non posset? Consistentaneè ista sunt doctrinæ Fidei? Magisterio Ecclesiæ? Patrum loquelæ? Et tamen, ni plurimum fallor, in adversæ opinionis principiis sunt necessaria, quin opus sit recurrere ad hypotheseum inconvertibilis creaturæ; nos enim ipsos inconvertibiles facere Deo possumus, si volumus; æquaque, & unica ratio, quâ Deo sit, aut non sit conversio creaturæ possibilis, communis & nobis, & creaturæ illi est, nempe libertas.

13. Negligendum insuper non est aliud argumentum, quò ulterius probatur nostra conclusio, & quò facilius cognoscitur, & aliàs corde imprimatur veritas conclusionis, quod desumitur ex summa, ac suprema Dei libertate in prædestinando. Non salvatur in Deo summa, supremaque libertas, seu potestas ad prædestinandum omne id, quod potest perfectè prædestinari, si, stante in homine passivâ, ac proximâ capacitate ad hoc, quod perfectè prædestinetur, Deo negetur libertas, ac potestas ad illum prædestinandum: sed admissio, ut possibilis, homine, quem Deus per media libera non possit convertere, admittitur in illo homine capacitas proxima ad hoc, quod perfectè prædestinetur; & negatur Deo libertas, ac potestas ad hoc, quod illum prædestinet: ergo admittitur creaturâ Deo inconvertibili, negatur Deo summa, supremaque potestas ad prædestinandum. Tota hujus discursus difficultas ad minorem reducitur, cujus probatio non difficilis est. Enimverò capacitas pro-

proxima, ut creatura illa possit perfectè prædestinari, unum præcisè requirit, nimirum, quòd homo ille possit ad Deum per finalem pœnitentiam converti, quâ conjungatur gratia cum morte: nam qui re ipsâ per finalem pœnitentiam cum morte gratiam conjungit sanctificantem, de facto est prædestinatus, quia terminum assequitur prædestinationis: at negari minime potest, quòd homo ille, non solum metaphysicè, verum moraliter, & practicè potest converti ad Deum per finalem pœnitentiam, quâ conjungatur gratia cum morte. Constat ex doctrina Adversariorum, nam cum solo auxilio sufficiente, quocumque aliò secluso, est proximè potens, & expeditus, ut se convertat ad Deum per finalem pœnitentiam, quæ ita per tale auxilium in manu illius constituitur ut nullo egeat alio: nam quòd auxilium sit inefficax, ex ipso nascitur unicè, & adequatè. Si ergo hæc est infallibilis consequentia: dato, quòd aliquod ens non repugnet ex terminis, seu quòd sit ex se producibile, non esset summa, & suprema Omnipotentia, quæ illud non posset producere, & hoc ideo, quia facere non posset aliquid ex terminis factibile: ergo admittit, quòd homo ille protervus sit proximè convertibilis ad Deum per finalem pœnitentiam, ac subindè proximè prædestinabilis, evidenter sequitur, non fore in Deo summam, & supremam potestatem, & libertatem prædestinandi, quæ illum non posset prædestinare, nec convertere. Vel aliter, & urgentius: Homo ille esset proximè convertibilis ad Deum per finalem pœnitentiam, alioquin non peccaret omitendo pœnitentiam finalem: at non esset proximè convertibilis à Deo: ergo à se ipso esset proximè convertibilis: ergo major est potestas hominis, ut se convertiat, & finaliter pœniteat, quàm Dei, ut hominem illum ad se convertat per finalem pœnitentiam. Immo potest homo se convertere, Deus autem hominem illum non potest convertere: quo ergo modo salvatur summa, supremaque Dei potestas, & libertas in prædestinando?

14. Mirabilis sanè, & non hic omittenda instantia, quâ nos urget P. *Avendaño* disp. 19. cap. 2. §. 3. num. 9. quæ sumitur ex eo, quòd Deus per auxilia essentialiter efficacia, & metaphysicè cum operibus salutaribus connexa hominem reprobare non potest: ac si fortè inconveniens posset esse, quòd Deus ex suppositione sua liberæ voluntatis salvandi hominem, non posset eundem reprobare. Nullum sanè in hoc est inconveniens, sicut nullum est, quòd ego, dum sedeo, non possum stare, utrumque conjungendo; sed collatio auxilii ab intrinseco cum pœnitentia finali connexi est ipsa voluntas salvandi hominem: ergo ex eo, quòd ex suppositione talis auxilii, & per illud, Deus non posset illum reprobare, nullum est inconveniens; quin potius necessaria veritas est Divinam virtutem, & immutabilitatem commendans; neque enim potest nolle, cum semel efficaciter benefacere voluerit, neque beneficia efficacia voluntatis in oppositum flectere. Praterè: reprobatio per tale medium ex terminis est implicatoria: sicut in omnium sententia est implicatorius dissenfus compositus cum auxilio efficaci consensus: & eadem ratione implicatoria est carentia prædestinationis composita cum illius

illius auxilii largitione, alioquin voluntas prædestinandi, qualis est voluntas tale conferens auxilium, componibilis esset cum sui ipsius carentia: at, in opposita sententia, per quodlibet auxilium est possibilis salus æterna; quolibet enim auxilio sufficienti, ac de se indifferenti, omni alio sublato, potest homo converti: ergo instantia inaniter dicitur evidens, nisi forte hæc dicatur bona consequentia: non est inconveniens negare Deo potestatem ad rem ex terminis implicantem: ergo nec erit inconveniens negare Deo potestatem ad rem ex terminis possibilem.

15. Ulterius: in opposita sententia sicut admittitur casus metaphysicè possibilis, in quo Deus hominem non possit per merita prædestinare, ita admittitur casus metaphysicè possibilis, in quo homo propter peccata damnari à Deo non possit: nam potest, inquit, prævideri homo consensurus omnibus auxiliis, quæ Deus illi conferre valet, quo in casu homo ille non potest damnari à Deo propter peccata, ut expressè affirmat P. Herrera de Prædest. q. 16. sect. 2. num. 9. licet hæc sententia Romæ malè audiat, nec ulla ratione tolerari possit, aut toleratam unquam esse, hic à gravissimis & fide dignis Theologis acceperim. Nihilominus veniat in exemplum; dato enim casu, verum est, hominem illum posse propter peccata damnari, quia potest omittere poenitentiam finalem; Deo autem potestas negatur, quâ possit illum damnare propter peccata, quia nullum valet illi permittere. Hæc autem quàm longissimè à Thomistarum sententia distat; in qua, cum gratia ab intrinseco efficax Dei subiaceat dominio immediato, sicut est proximè potens ad prædestinandum hominem per meritatribuendo illi auxilium essentialiter efficax, & cum poenitentia finali connexum; ita est proximè potens ad reprobandum propter impoenitentiam finalem, quia potest homini gratiam efficacem negare, ac permittere impoenitentiam finalem. Hæc enim est, ut suprà ex *Apostolo* diximus, potestas suprema Divini fictoris, ut faciat unum, & idem figmentum, id est, unum, & eundem hominem, vas in honorem, si, voluerit, & si maluerit, in contumeliæ: quod tamen juxta sententiam oppositam facere minimè posset, sicut nec posset facere vas contumeliæ eum, quem omnibus prævidisset auxiliis consensurum.

16. Quartum elicitur argumentum ex variis inconvenientibus, quæ ex opposita sententia sequuntur, ut videantur angustia, ad quas omnipotentia Dei reducitur. Sequitur enim primò, creaturam, servatâ potestate peccandi, potentiorē esse ad indurandum cor suum, quàm sit Deus ad illud convertendum; ac per consequens Deum non habere potestatem convertendi ad se creaturam, quando, & quomodo voluerit. Non loquor de creatura illa dumtaxat, quàm imaginantur inconvertibilem; sed, quod jam suprà insinuavi, de quacumque alia, etiam modò existente, quæ se indurare voluerit. Quælibet enim poterit, juxta adversariæ opinionis principia, in adeò profundam miseriam se præcipit dare, ut usque illuc misericordia Dei cum effectu pervenire non possit. Nam potestas, quàm creatura haberet, esset potestas physica, & electiva, ejusque induratione suppositâ, Deus non haberet in sua  
pote-

potestate auxilium, ut posset cum potentia ad peccandum conjungere consensum. Unde, qui omnipotentiam suam Deus parcendo maximè, & miserando manifestat, adeò ab homine iniquo coartari poterit; ut ita potentis, atque summè miserentis, respectu sui, nomen inane gerat; nec ex terminis erit repugnans, ut omnes creaturæ libertate potientes, impotentem reddant ad hoc summum potentia exercitium Omnipotentem. Quàm opportunè *Job. 14.* veræ confessionis verba omnibus creaturis, quia creaturæ sunt, obtulit! *Vocabis me*, inquit, & ego respondebo tibi, *operi manuum tuarum porriges dexteram*. Igitur creatura, quæ à Deo efficaci voluntate vocari non possit, ut vocata respondeat, justè à scientibus Deum, & omnipotentem confitentibus, ut penitus repugnans, rejici debet.

17. Secundò ex his sequitur, quòd semel posito, quòd sit possibilis casus, in quo Deus non possit ad se convertere aliquam voluntatem creatam, stare etiam sine contradictione poterit, Deum nullam posse voluntatem convertere, sive Angelicam, sive humanam. Eadem namque ratio est, ut dixi, de una voluntate, ac de omnibus; sicut eadem est de uno auxilio, ac de omnibus. Quod sanè est maximum absurdum; & ex quo iterum sequuntur alia nec minus reprobanda: primò, quòd Deus posset finire Creaturam sic obdurari, quin esset potens illam ab induratione revocare, cum omnis gratia talis esset, quam ille negligere, atque respuere posset, sibi derelictus. Et insuper, quòd nulli creaturæ posset inquam aliquid precipere, quin in sui præcepto se exponeret contemptui creaturæ: quod asserere esset *impia insipientia*, ut dixit *Augustinus*, & in quo periclitaretur nostra confessionis initium.

18. Sequitur secundò, possibilem esse casum, in quo nullus hominum, vel Angelorum posset Deum prudenter orare pro observantia mandatorum, vel pro tentationis victoria; & quòd in eodem casu non posset homo sperare Theologica spe à Deo, sive beatitudinem, sive merita ad ejus consecutionem conducentia. Non prudenter Deum orare posset pro observantia mandatorum, vel pro tentationis victoria; quia tunc in casu, nec observantiam mandatorum, nec victoriam tentationis Deus dare posset; quare solum petere posset, quod gratia efficax superaddit ad auxilium sufficiens; sed gratia efficax, in hoc modo dicendi, supra auxilium sufficiens nihil addit præter consensum, quem eligit, & cui adjungitur è propria determinatione, quin illum possit dare Deus: ergo solum peteret consensum obtinendum è sola humana voluntate: quæ sane esset stulta, & imprudens oratio. Non similiter in eodem casu posset sperare Theologica spe à Deo, sive beatitudinem, sive merita, ad ejus consecutionem conducentia. Hac namque innititur Omnipotentia Dei auxilianti, ut docet *Divus Thomas 2. 2. q. 18. art. 4. ad 2. Dicendum*, quòd spes non innititur principaliter gratia jam habita, sed Divina Omnipotentia, & misericordia, per quam etiam qui gratiam non habet, eam consequi potest, ut sic ad vitam eternam perveniat. De omnipotentia autem Dei, & misericordia certus est quicumque fidem habet. Hac *D. Thomas*: quibus manifestè ostendit repugnantiam, quòd stante

Divi.

Divinâ omnipotentia sit Deo impossibile conferre gratiam, illam non habenti, quâ possit ipsum ad se convertere: cum ad omnipotentiam. Divinam, prout fide Theologica metaphysicè infallibili creditur, pertineat, quod possit conferre gratiam non habentibus illam. Et ulterius, quia spem reduceret ultimò, & radicaliter in propriam voluntatem, minimè tamen in Dei bonitatem, cujus proprium est, ut suprà diximus, misereri semper, & parcere. Consideraret namque, positum esse in manu ejus vias suas bonas, aut malas facere ab initio usque ad finem; ab aeterno, & in tempore, tam in statu conditionato, quàm absoluto, quod, quàm absurdum sit, explicat D. *Augustinus* de prædest. Sanctor. cap. 11. rejiciens hunc superbissimum, & intelicissimum sperandi modum, dicens: *Sanè cum Apostolus dicat: Ideo ex fide, ut secundum gratiam firma sit promissio: miror, homines infirmitati suæ se male committere, quàm firmitati promissionis Dei. Sed incerta est mihi, inquis, de me ipso voluntas Dei. Quid ergo? Tuane tibi voluntas de te ipso certa est, nec timès? Qui videtur Fiare, videat, ne cadat. Cum igitur utraque incerta sit, cur non homo firmiori, quàm infirmiori fidem suam, spem, charitatemque committit?* Quibus addit S. Doctor, cap. 12. *An verò timendum est, ne tunc de se homo desperet, quando spes ejus ponenda demonstratur in Deo; non autem desperet, si eam in se ipso superbissimus, & infelicissimus poneret?* Hæc omnia consequitur gravissima alia consideratio; dum hominibus unicuique consolationis præsidium videtur aucterri, & quidem quo nullum firmius, nullum securius. Quod enim majus nobis solatium, quàm non posse nos cecitatibus, cæterisque miseriis adeò discedere à Deo, nec in tantam peccatorum profunditatem posse devenire, ut non possit misericordia Dei ad nos descendere, & nos revocare? Sanctis, & Denique timentibus hæc verissima congruit confessio: *In te Domine spero; quia certissime scio, & salutariter credo, nullam miseriam meam transilire posse terminos potentis misericordiæ tuæ.* Hæc confessio sui sanctitate, & infallibili veritate animos secundum Deum latificat; tantò magis, quantò veriùs agnoscunt hujusmodi securitatem non in se ipsis se ponere, sed in solo Deo: unde nonnisi miserimi, & superbissimi crederent, & dicerent: *Hoc mihi solatium est, nunquam in tantam me posse venire miseriam, ut voluntate mea reduci non possim.* Pone ergo homines juxta adversæ opinionis principia, credentes, se ita abduci, & averti à Deo posse, ut Deus illos non possit revocare: an in ipsis hoc summum solatium reperiri potest? Ipsi deficere argumentum efficaciter probat. Nec contrarios excusabit dicere, casum esse metaphysicum, & solius non repugnantia. Nam hoc est, quod argumentum absurdissimum arguit, scilicet, vinci aliquandò posse miseriis hominum misericordiam Dei, taliterque nos posse deficere, ut non non possit Deus reparare. Quod si minùs durum auctoribus suis, necessitate propriam opinionem substinendi videtur, totum meritò improbat, & rejicit verus Thomistarum sensus.

19. Sed ab omnibus his inconvenientibus se expedire putat Pater Ramirez disp. 4. cap. 5. n. 179. dicendo, *illationes istas esse legitimas, si de*  
*Tom. IV.* K auxi-

*auxiliis plenè indifferenteribus loquamur, falsas verò, si potentia Dei in omni sua latitudine attendatur, & prout comprehendit media libera ad bonum determinata: nam sub his posset quancumque rebellem ad se trahere voluntatem. Quòd autem in illa suppositione, creatura posset propter ignorantiam suam protervia petere à Deo conversionem, non est absurdum, nec impotentia illa proxima Dei ad anuendum est contra Apostolum loquentem de factis, & prout modò res contingunt, secus in omni suppositione. Quapropter deductiones istæ ex nostra sententia dissonant non possunt esse viro Theologo, & qui naturam nostræ libertatis penetret: quâ suppositâ, Deum non posse facere, quod intendunt, non majorem horrorem possunt incutere; quàm quòd Deus suppositâ essentia hominis, & equi, non possit facere hominem equum. Hæc Doctor iste.*

20. Sed quis crederet, Magistrum istum illustris ingenii, & exquisitæ mentis minimè vidisse bonitatem illationis, & argumenti efficaciam, quæ ita pervia est oculis, ut mirum sit in excusationis speciem abduci poruisset, cum responsione non evacuetur, sed integra maneat difficultas? Loquimur enim, & argumentum procedit de creatura constituta in actu primo per auxilium indifferens, cujus conversio est absolute, immò, & expedite possibilis, nedum in statu conditionato, sed etiam in statu absoluto, etiam si auxilium prævideatur inefficax, & ut tale conferatur. Potest enim ipsum, quantumvis prævisum inefficax in statu absoluto, reddere efficax; aliàs constituta potestate per auxilium indifferens, Creatura non posset ad gloriam ut coronari, & habendam per actus meritorios liberos. Et ulterius omisso, instante præcepto, non esset ipsi imputabilis ad culpam, cum non esset in ejus potestate reddere auxilium efficax, ac per consequens nec præceptum adimplere. Si ergo conversio est ipsi sub tali auxilio absolute, & intrinsece possibilis voluntati, quomodò poterit esse impossibilis talis conversio respectu Dei conferentis auxilium indifferens, quantumvis prævisum, inefficax? An possibilitas, cum sit de essentia rerum, potest aliquâ ratione convenire illis respectivè ad causas secundas, quin etiam & potestimè illis conveniat respectivè ad causam primam, à qua omnis perfectio ab ipsis participabilis oritur? Quòd si possibile hoc bonum putant causæ secundæ, & non primæ; nec id absurdum existimant: quid hoc est, nisi asserere, creaturam per auxilium indifferens constitutam cum libertate, sive ab bonum, sive ad malum, nullatenus esse in potestate Dei, nec Deum posse illam reducere de malo in bonum, nec permittere, quòd de bono incidat in malum? Hoc ex solutione clarissimè convincitur; nam constituta per auxilium indifferens, ita posset ipsa inducere cor suum, ut Deus nullatenus posset illud emollire, & ad se convertere: unde & esset independens à Deo quoad sui determinationem, sive ad bonum, sive ad malum. Ad bonum quidem: nam creaturæ sic constitutæ non esset in potestate Dei permittere peccatum; cum quodlibet auxilium quantumvis inefficax posset ex propria determinatione reddere efficax: nec etiam quoad malum, cum non sit in potestate Dei illam ad se convertere, & cor ejus emollire: quod ita est ponere velle,

& not-



& nolle in potestate volentis, & nolentis, ut nedum impediat, verum etiam superet creatura liberè constituta Divinam potestatem: ipsamque subtrahere, prout sic constitutam à providentia Dei, tam positiva, & approbationis, quam permissiva. Quin etiam, supposità libertate creaturæ, conversio, quæ est ipsi possibilis, non redditur aliter, juxta solutionem, Deo impossibilis, quam sit illi impossibile facere hominem equum, supposità essentia hominis, & equi, quod est absolute impossibile. In vanum ergo jactat latitudinem omnipotentia, quam creatura potest reddere impotentiam: & quam, si creatura existit, se reparare à miseria semper posse, fallitur; & non nisi per ignorantiam poterit sui reparationem ab illa petere. Nec satis mirari possum exemplum ab auctore adductum de homine equo. Bonane illi hæc argumentatio? Scilicet: *Hoc impossibile, homo equus, à Deo fieri non potest: ergo salutaris conversio, quæ à me fieri potest, à Deo fieri non potest.* Reprehensibilis est Theologo consequentia ista, qui naturam libertatis penetrat, non secundum doctrinas hominum, sed secundum revelationes Dei; quibus constat, quod homo ad Deum in ordine ad potestatem prædestinandi, & reprobandi, se habet, sicut figmentum se habet ad figulum; quod cor Regis ita est in manu Domini, sicut divisiones aquarum; quod Deus magis habet in potestate voluntates hominum, quam ipsi suas. Totum componit vir Theologus cum natura libertatis, quæ non subterfugit *Augustinum*, dum impiam insipientiam dixit, non posse Deum convertere hominem quando, & quomodo voluerit; quod certe pronunciavit S. Doctor, non ex suppositione, quod necessitet Deus ad non peccandum, sed etiam relinquendo potentiam ad peccandum, salvæque libertate creaturæ, quam penitus destruit solutio, dum libertatem secundam omnino independentem, quoad omne sui exercitium, liberum, à prima constituit: cum de ratione causæ secundæ sub omni conceptu, sub quo talem rationem exprimit, sit dependere à causa prima: ergo dum solutio sub conceptu formali determinationis libera hanc dependentiam à prima non agnoscit, potius ponit chimeram, quam penetrat naturam libertatis.

21. Hoc egregie explicat D. Thomas 3. contra gent. cap. 1. probans, dominium Dei supra res à se productas perfectum esse, quia ad earum productionem non indiget exterioris agentis adminiculo. Et 1. p. q. 23. art. 8. cum sic sibi secundum objecisset argumentum: *Sicut nihil indiget consilio, nisi propter defectum cognitionis, ita nihil indiget auxilio, nisi propter defectum virtutis: sed neutrum horum competit Deo prædestinanti.* Unde dicitur ad Rom. 11. *Quis adjuvit Spiritum Domini, aut quis Consiliarius ejus fuit?* Ergo prædestinatio non juvatur precibus Sanctorum: sic responderet: *Ad secundum dicendum, quod aliquis dicitur adjuvari per alium dupliciter: uno modo in quantum ab eo accipit virtutem, & sic adjuvari infirmi est, unde Deo non competit, & sic intelligitur illud, quis adjuvit Spiritum Domini? Alio modo dicitur Deus adjuvari per aliquem, per quem exequitur suam operationem, sicut Dominus per ministrum. Et hoc modo Deus adjuvatur per nos, in quan-*

tum exequimur suam ordinationem, secundum illud 1. ad Corint. 3. *Dei enim adjutores sumus. Neque hoc est propter defectum Divinae virtutis, sed quia utitur causis mediis, ut ordinis pulchritudo servetur in rebus: & etiam creaturis dignitatem causalitatis communicet.* Deusergo juxta D. Thomam creaturis dignitatem causalitatis communicat, non ab ipsis accipit virtutem, aut constituitur potens effectum producere, pro libito, & nutu ipsarum. Defectus virtutis, & insufficiens ad producendum illud, quod ex terminis est possibile, est penitus Deo repugnans: unde & ex hoc ipso neganda venit Deo necessitas scientiæ mediæ de conversione conditionata, quæ in sententia opposita se habet ex parte actus primi, & constituens Deum proximè, & expeditè potentem creaturam ad se convertere; ne arguatur defectus in Deo ex defectu alicujus, unicè, & pro libito creaturæ existentis. Deus ergo potest per se ipsum, & per potentiam secum omnimodè identificatam, quæ potens est subijcere sibi omnia, movere efficaciter voluntatem, & facere, ut ipsa agat, quamvis utatur causâ liberâ ad productionem actus liberis quæ potentia libera, quæ formaliter influens in operationem, dependet à Deo. Sicut etiam potentia vitalis requisita ad productionem actus vitalis, & existentia actus meritorii requisiti ad præmiũ, plenissimè sunt in manu Dei, quin per istorum existentiam constituatur aliquâ ratione, potens ad productionem actus vitalis, & ad præmiandum: cum supremo, & absolutissimo suo dominio supra quamlibet creaturam exercere possit, etiam remanente libera ad faciendum, quidquid voluerit, quando, & quomodo voluerit.

22. At quia P. Ramirez ibi n. 109. oppositum deducere vult ex illo Eccles. cap. 15. *Deus ab initio constituit hominem, & reliquit illum in manu consilii sui;* in quo textu libertas constituitur absque aliqua limitatione domini electivi, & indifferentiæ; audiat D. Thomam egregiè, & mirificè q. 3. de potent. art. 7. ad 12. explicantem locum Ecclesiastici: *Deus non dicitur hominem dereliquisse in manu consilii sui, quin in voluntate operetur, sed quia voluntati dedit dominium sui actus, ut non esset obligata ad alteram partem contradictionis; quod quidem dominium natura non dedit, cum per suam formam sit (naturali necessitate) determinata ad unum.* Et q. 5. de verit. art. 5. ad 4. *Deus dimisit hominem in manu consilii sui, in quantum constituit eum propriorum actuum provisorem: sed tamen providentia hominis de suis actibus non excludit Divinam providentiam de iisdem. Sicut neque virtutes activæ creaturarum excludunt virtutem activam Divinam.* Et 1. p. q. 22. art. 2. ad 2. *In hoc, quod dicitur, Deum hominem sibi reliquisse, non excluditur homo à Divina providentia: sed ostenditur, quod non præfigitur ei virtus operativa determinata ad unum: sicut rebus naturalibus, quæ agunt tantum quasi ab altero directæ in finem, non autem se ipsa agunt, quasi se dirigentia in suam, ut creaturæ rationales per liberum arbitrium, quo consulantur, & eligunt.* Et 3. contra gent. cap. 90. *Hæc verba ad hoc inducuntur, ut homines esse liberi arbitrii ostendantur, non ut eorum electiones à Divina Providentia subtrahantur, quæ proinde*

caus

*cas & ordinare , & causare potest .* Reliquit ergo Deus hominem in manu consilii sui , id est , cum libertate , & dominio supra suos actus , ut tanquam Dominus possit elicere , vel non elicere hunc , vel alterum , hoc , vel illud eligere ; sed non reliquit eum in manu consilii sui , ut sit primum liberum , & omnino independens , Dei voluntati , providentiæ , & virtuti non subiectum ; multò minus , ut ita possit subterfugere Dei potentiam ; ut nec ipsum ad se reducere possit ejus misericordia . Quæ si reducere hominem potenti virtute ab ultima perditione decreverit , non propterea non relinquet illum in manu consilii sui , quinimò hoc operabitur , ut consilium hominis bonum sit , & volens illud sequatur . An in manu consilii sui non erit , si volens sequatur bonum consilium ? Aut hominis non erit consilium , & adhesio eidem , si Dei fuerit , & Deus utrumque dederit ? Immo omne bonum optimum , & omne donum perfectum desursum est , descendens à Patre luminum : & nostrum est , quia ab illo habemus , à quo solo habere possumus , quod nostrum sit : cum libertate nostrâ impedire nos minimè possumus , ut quod suum est , nobis Deus dare non possit . Quare salubriùs confitendum est , & Dei dona verè omnia bona esse , & dante Deo , neminem ejus misericordiam posse fugere , & liberè non fugere ; & quod in his captu fuerit difficile , sub mysterio latere .

## §. II.

## S E C U N D A C O N C L U S I O .

*Evidentia , illationis à negatione gratiæ ex se efficacis , ad Creaturam à Deo inconvertibilem ostenditur .*

23 **I**N hac quæstione , & controversia non defuisse plures , qui bonitatem memoratæ illationis negarent , paulò ante retulimus , sed quàm infirmiter , sequenti argumento demonstrari puto . Enimverò juxta Adversarios nullum datur Dei auxilium , quod inefficax non sit ; nec ab ipsis assignari potest principium , ex quo proveniat intrinseca repugnantia , ut non sit inefficax . Hæc namque oriri non potest ex voluntate creata , adhuc prout libera ; quæ sicut singulis auxiliis assentire potest , etiam potest dissentire , immò neque consentire , neque dissentire . Non similiter ex ipso auxilio supernaturali , quod , ne destruat libertatem , supponitur intrinsecè inefficax . Non ulterius ex scientia mediæ de efficacia auxilii , cum hæc supponat suum objectum , & consequenter debeat efficaciam auxilii supponere : ergo verum est de singulis dicere , sicut & de omnibus , quod sunt inefficacia , & quod sunt ex se , & ab intrinseco indifferentia . Hoc sanè probat non repugnantiam , metaphysicè loquendo , creaturæ inconvertibilis à Deo , in quo enim metaphysicè repugnet , esse aliquem hominem in iis suppositionibus , qui vel omni auxilio consentiat , vel omni ei dissentiat , vel qui prvideatur sic omni consentire , vel omni dissentire ? Hoc sanè habet inefficacia auxilii , quod nuf-

nusquam inferat infallibiliter consensum voluntatis; cum respectu creaturæ, per auxilium indifferens sub libertate constituta; negatio conversionis sit conjungibilis proximè cum auxilio ad ipsam conversionem: ergo nusquam ex collectione auxiliorum potest resultare metaphysica impossibilitas resistendi auxiliis inefficacibus; cum prædicta collectio solum moraliter moveat, quæ ratione singula auxilia divisivè accepta, non inferunt infallibiliter consensum: ergo negatâ prædeterminatione, nullum est auxilium, cui voluntas non possit resistere, resistentiâ propriè, & formaliter tali, & cum quo non valeat conjungere dissensum.

24. Explico vim argumenti, & suppono, quod tamen si auxilia Dei sint infinita, & infinities infinita, illa tamen Deus collectivè, aut simul voluntati non valet impertiri; alioquin daretur infinitum in actu, quod *Philosophi* negant possibile, & *D. Thomas* 1. p. q. 7. art. 4. ex quo fit, quod livè conferat unum, vel plura auxilia, semper auxilia in re collata sunt aliquid determinatum. Loquamur ergo de Petro, quovis, aut quibuscvis auxiliis præmunito. Hic certè manet adhuc indifferens ad consensum, & dissensum; & ita expeditus ad dissensum, ut consensus non aliter existat, quàm si illi unicum esset collatum auxilium de se indifferens, & frustrabile, alioquin non maneret liber. Jura quippè libertatis, apud ipsos, id exposcunt; ne scilicet voluntas ab alio extra se determinetur, sed ipsi determinatio tanquàm unico determinantem integrè, ac perfectè relinquatur: sed si illi collatum esset aliquod auxilium determinatè, ita cum illo consensum conjungeret, ut conjunctionem illam, seu talis conjunctionis negationem pro suo faceret libito, potens antecedenter, & consequenter illam non facere: ergo Petrus sub quibuslibet auxiliis à Deo in re collatis, aut possibiliter conferendis, ita cum illis consensum conjungeret, ut conjunctionem illam pro suo faceret libito, potens antecedenter, & consequenter conjunctionem illam non facere. Porro ab impossibilitate facti ad negationem potentie bona est consequentia: unde cum ipsi repurent impossibilem conversionem liberam à Deo causatam medio auxilio per se, & ab intrinseco efficaci, negant Deo potentiam ad obtinendam medio tali auxilio conversionem liberam. Atqui repugnat conversio libera in re posita, quæ contingenter non existat, tum respectu Petri, qui illam nonnisi contingenter, & liberè valet ponere; tum respectu Dei ratione scientiæ mediæ, quæ illi nonnisi contingenter adest: ergo inconsequenter ad hæc principia, apud ipsos inconcussa, asseritur in Deo, ut prædicatum necessarium, potestas ad convertendum Petrum: ac proinde non repugnat metaphysicè casus, in quo Petrus non possit à Deo converti.

25. Secundò efficaciter demonstratur bonitas illationis. Si namque repugnat metaphysicè, non prævideri Petrum consensurum alicui ex infinitis auxiliis, quibus eum potest Deus prævenire, est necessarium metaphysicè necessitate, Petrum alicui auxilio prævideri consensurum; aquipollent enim *impossibile non*, & *neceffe*: & cum connexiones metaphysicè necessarias cognoscat Deus per scientiam omninò necessariam; & Petrum alicui ex infinitis auxiliis consensurum esse, per eamdem

dem cognoscere debet . Poterit ergo Deus independenter à scientiæ mediæ decernere conversionem Petri , sciens se habere medium aliquod efficax , quo possit obtinere liberum consensum Petri ; quod utinam illi concederent : sed renuent , ne à stabilitis scientiæ suæ mediæ principiis deficiant , ut numero sequenti apertum & perspicuum fiet . Sed tamen à duobus eos coarctari necesse est . Si enim concedant Deo absolute mediæ infallibili certitudine inferentia conversionem liberam , omnia scientiæ mediæ fundamenta corrumpent . Si verò ejusmodi mediæ non admittant , nihil est , undè haberi possit metaphysica infallibilitas conversionis Petri ; nempe , ut metaphysicæ veritatis infallibilitate , necessarium sit, Petrum converti . Est ergo possibile sub omnibus , & singulis Dei auxiliis , ipsum non converti ; seu quòd Deus illum non possit convertere . Ad hæc : Deus non est potens convertere creaturam , nisi dominium habeat suprâ libertatem creaturæ ; vera enim potentia non transgreditur terminos domini ; & creatura rejicere poterit conatus divinæ virtutis , quoties libertas ejus extra terminos domini Dei consistit , & absolutum suæ libertatis dominium sibi habeat : atqui per indifferentia auxilia , & per potentiam illa conferendi , non habet dominium suprâ libertatem creaturæ ; quippè hæc omnia sunt citra ditionem libertatis , adeò ut libertas jure suo utens possit illa inutilia reddere : ergo ex auxiliis indifferentibus legitimâ consequentia deducitur , Deum non esse potentem convertere creaturam . Conclusio ista necessaria est , sed durissima : quippè , ut suprâ argumentabamur , non de casu possibili , sed de omni præsentis casu erit sustinenda ; nam nullus erit casus , in quo Deus verè potens sit creaturam ad se convertere . Si enim convertatur , non erit operatio potentie miserentis Dei , sed duntaxat potentis creaturæ , cujus voluntas extra ditionem potentie Dei constituta , possibile Deo faciet , & in re ponet , quod Deo secundum rationem virtutis suæ est impossibile : poteritque cum veritate dicere : *Faciat Deus quoadusque potuerit , adhuc postquam fecerit , menm est , conversionem meam conatibus ejus adungere , aut illos reddere irritos* : quod maxime verum , statuto suprâ rejecto virium æquilibrio . Velit namque Deus voluntatem de contraria in contrariam affectionem transire , & de nolente fieri volentem infusâ potentissimâ gratiâ ; æqualem , ne pereat libertas , inveniet concupiscentiæ vim , ut voluntas gratiæ reluctari possit . Vehementissimè , ut ita dicam , contendat Deus ulterius ipsam mutare , novum adjiciens gratiæ robur ; aquè fortis erit voluntas , cum & æqualis semper erit concupiscentiæ vis ; per voluntatem itabit , quòd sit victrix efficacissimæ gratiæ Dei , hoc exigente æquilibrio : ergo voluntas erit suprema domina , in ipsa erit summa conversionis potestas . Non ergo Deus potens erit creaturam ullam convertere . Ulterius , & ascendant ratio ad scientiæ mediæ originem . Cur volunt Auctores , quibuscum agimus , excludere possibilitatem inconvertibilis creaturæ ? Quia , inquit , non est possibile , ut infinitis attentis auxiliis , & casibus libertatis creaturæ , non sit aliquis sub aliquo auxilio casus conversionis , & ut talis prævideatur . Nusquàm homo omnes vires suas diù ita exere-

re

re potest, ut nulla ex parte cesset, aut pigrescat. Nusquam magnis multique difficultatibus obniti diutissime valet, ut nec tantillum defatigetur, & exhaustis viribus à certando cessel. Non ergo illi innumerabilium Dei morionum multitudini, quibus lacescit, resistere poterit. At quis non videat, responsione illà non excludi impossibilitatem physicam, seu metaphysicam conversionis, sed tantum moralem? Rogo, an ille casus, qui praevideatur conversionis, sit casus libertatis? Inficari non poterunt. Est ergo casus praevisionis contingentis Deo non libera, & omnino libera solum creatura: ergo verè, & physicè, sive metaphysicè penes creaturam est, quòd casus ille sit, vel non sit conversionis, & quòd Deus habeat, vel non scientiam de conversione. Ergo possibile est creaturae, ut Deus nullam scientiam mediam habeat de ejus conversione; quippè de omni casu imaginabili idem sit argumentum. Ergo ex sententia de auxiliis indifferentibus, infallibili consequentione habetur possibilitas vera realis, seu metaphysica inconvertibilis à Deo creaturae. Et quidem donec statuatur positivam aliquam rationem ejusmodi possibilitatem excludentem (quippe possibilitas illa negationis est) semper contra ipsos urget argumentum, cui difficillimè aptari potest solutio.

26. Demus tamen illis, non esse possibile, ut attentà collectione omnium auxiliorum, non praevideatur sub aliquo voluntas consensura. Est ergo hæc propositio aeternæ veritatis: *Quavis possibilis creatura sub aliquo auxilio consentiet*, & consequenter hæc veritas à Deo per scientiam necessariam cognoscitur. Pone modò decretum hoc: *Volo Petram efficaciter vocare per auxilium, quod praevidero per scientiam mediam efficax*. Hoc decretum dixi sub initium numeri præcedentis etie necessariò admittendum à contrariis, nisi incidere malint in creaturam, inconvertibilem; & addidi, eo admittò, fundamenta scientiæ mediæ corrumpere, quod nunc ostendere aggredior. Ex vi hujus decreti jam Deus manet consequenter necessitatus ad concipiendum aliud decretum, quò auxilium conferat prævisum efficax: nam efficax intentio finis necessitat ad electionem, & executionem mediorum; & intentio efficax voluntatis immutabilis, qualis est voluntas divina, necessitat infallibiliter, ut concipiatur secundum decretum. Modò sic: Positâ possibilitate hominis, quem Deus non possit aliquo auxilio convertere, debet admitti, ut possibile, aliquod antecedens connexum cum actu, & à voluntate inimpedibile, ac non auferens libertatem: atqui hoc admittò ruunt principia scientiæ mediæ, & in consequenter negatur prædeterminationis: ergo vel neganda hæc non est, vel admittenda casus possibilitas. Minor, cum importet firmum inter Adversarios principium, ex connectione inimpedibili negantes physicam prædeterminationem, probatione non indiget. Unde solum firmari debet assertio majoris, quæ sanè verissima est, juxta dicta: darà quippè impossibilitate ea us, potest Deus concipere duplex decretum, quorum altero efficaciter decernat conversionem Petri; & altero exequutivè conferre auxilium, quod præviderit efficax; si enim Deo deficere nequit auxilium efficax, nec à fortiori

tiori potestas proxima ad illud decernendum, maximè dum concipiendo primum decretum, se ipsum necessitabit ad secundum. Hoc ergo supposito, complexum ex duplici hoc decreto antecedit, & connectitur cum actu, & est à voluntate hominis inimpedibile. Antecedit, quia utrumque decretum conceptum est pro priori ad existentiam, & prævisionem futuri actûs; primum quidem pro priori ad existentiam, & prævisionem actûs absolutam, & conditionatam, cum reguletur per scientiam necessariam: secundum verò antecedit existentiam absolutam; alioquin actus præcederet decretum collativum auxilii, à quo causatur; ac subindè prævideretur existere pro priori ad auxilii existentiam; & non regularetur per scientiam mediam de se compossibilem cum carentia talis decreti. Complexum insuper hoc ita antecedens actum connecteretur cum actu; & ratio est, quia nec complexum, nec aliquod ex illis decretis componibile est cum carentia actûs. Non primum, nam intentio efficax Dei frustrari non potest: non secundum, quia est electio mediæ efficacis ab effectu inseparabilis. Et tandem etiet à voluntate hominis inimpedibile utrumque decretum: quoad primum patet, quia etiet præconceptum à Deo independentè ab omni exercitio libero voluntatis, tum absoluto, tum conditionato. De secundo decreto, quòd vitari non possit, faciliè ostenditur: nam etsi Adversariis demus, posse à voluntate vitari, ne hoc, vel illud auxilium, aut infinitorum quodlibet in particulari decernatur, minimè tamen impedire valet humana voluntas, quin aliquod decernatur. Etenim licet possit frustrare quodlibet ex infinitis auxiliis in singulari sumptum, potens illud reddere inefficax, sub quolibet in particulari dissentiendo; at totam auxiliorum collectionem frustrare, & omnia collectivè reddere inefficacia minime potest; cum ex terminis contradictionem implicet, juxta ipsos, hominem aliquem prævideri dissensurum toti auxiliorum collectioni, ac propterea aliquod auxilium vagè sumptum efficax debet assignari. Secundò: quia cum voluntas non possit impedire primum decretum, nec potest impedire secundum. Hoc sanè efficacissimè probant argumenta omnia, quibus Adversarii demonstrare tentant, nullam relinqui in arbitrio nostro potestatem ad carentiam actûs, posito decreto physice prædeterminante, quæ certè ad hominem non possunt non esse efficacia. Constat insuper apud Thomistas, qui asserunt, non posse cum intalibilitate decreti componi carentiam actûs, quia implicat, stante efficaciâ, & metaphysicâ connexionione antecedentis cum consequenti, poni antecedens, & non exillire consequens. En quomodò evidenter, negato illo casu possibili, tenentur ipsi admittere aliquid antecedens connexum cum actu, & à voluntate inimpedibile non destruens libertatem: ergo vel non est neganda physica prædeterminatio, vel, si negetur, admittendus est casus, quò Deus non possit quando, & quomodò voluerit creaturam convertere, seu creatura ab illo inconvertibilis.

## §. III.

*Quadam Caduciferi solutio expenditur.*

27. **H**oc loco considerata nobis, rejiciendaque est quædam *Caduciferi* cogitatio. Sed prius expendamus obiter, & relegamus ea, quæ ipse supponit. Atterit ille part. 2. punct. 9. pag. 387. num. 232. *Suppono primum, omnem creaturam rationalem, cui auxilia sunt conferenda, esse finitam & limitatam, proindeque non habere capacitatem in se ad suscipienda auxilia, sive cathegorematicè, sive synecathegorematicè infinita: omnis enim potentia ad infinitum verè tale, nonnisi infinita potentia esse potest. Undè inferitur, quòd, licèt sententia negans possibilitatem creaturæ rebellis in sensu composito indifferentiæ auxiliorum ad rei veritatem propinquare videatur, tamen exinde forsitan claudicat, & multò subtilis specimine circumvolvitur; quia, discurret non solum per infinita auxilia, sed per infinitos cumulos auxiliorum; perinde, ac si creatura qualibet eorum, etiam successivè, recipiendorum esset capax: quare sub latibulo infinitudinis faciliè propugnator elabitur, & veritas nusquam apprehenditur. Suppono secundum, banc finitudinem, & limitationem, licèt in re ad plurimas libertates, plurimaque auxilia se extendat, quæ nobis facile non poterunt percipi, aut numerari; tamen, cum propter limitationem sui certo, & determinato numero consent; debebunt, disputationis causa, ad breviorum numerum cingi: non secus, ac fieri solet in intensione graduum recensenda, & usque ad octo gradus determinanda; licèt innumerabiles illa contineat. Quare supponendum hic vobis est, Petrum v. g. habere, dumtaxat in sua potentia libera octo libertates ad conversionem, & non conversionem, consensum, vel dissensum, quæ sint v. g. A. B. C. D. E. F. G. H. Quarum unaquæque, utpotè vera libertas includet duas potestates nimirum ponendi consensum, sive conversionem; & ponendi dissensum, sive non conversionem. Quæ quidem indifferentia resolvenda est pro libito voluntatis.*

28. Quis hic non videat, qualiter principiorum ejus, quam tueri profiteretur, Scholæ non satis se esse peritum ostendit? Rogo enim, ubi salvatur illa volentis Dei ad efficiendam conversionem creatura: omnipotens facultas, quam tot à nobis allata testimonia prædicant? An per auxilium determinatum, determinatè sumptum; aut per numerum illum finitum auxiliorum? Si primum: cum Deo necessariò conveniat suprema illa potestas convertendi creaturam, hanc prorsus, medio tali auxilio, obtinebit: ergo hoc auxilium necessariò erit intrinsecè efficax; quod Auctores Societatis uno ore negant; est enim efficacia in eorum principii extrinsecà auxilio, proveniens à consensu creaturæ. Si dicatur secundum, conversionem fieri per numerum finitum auxiliorum; cum creatura possit prævideri dissensura octo illis libertatibus, hanc

Deus



Deus solum potest convertere, mediâ gratiâ intrinsecè efficaci, cujus efficacia sit independens à consensu creaturæ; quam maximè abhorret Schola Societatis. Rursus, cum possibile sit, quòd omnes illæ octo libertates prævideantur inefficaces, hæc suppositâ prævisione inefficaciæ, impotens esset Deus convertere creaturam per aliquam ex illis libertatibus; esset enim, hæc suppositâ prævisione dissensus sub ultima libertate, conversio Deo absolute impossibilis; potestas quippè proxima Dei convertendi creaturam constituitur, juxta omnes Auctores Societatis, ut supra diximus, per scientiam mediâ efficaciæ alicujus ex auxiliis; cum apud ipsos scientia mediâ se teneat ex parte actûs primi, constituens Deum proximè, & expeditè potentem convertere creaturam; aliâs independentè à tali scientia posset Deus liberè determinare cujusvis creaturæ conversionem: sed dum datur prævisio dissensus, talis scientiæ efficaciæ auxilii deficit: ergo conversio erit absolute impossibilis: nisi fiat mediò auxilio, cui voluntas non possit resistere; quod, licet verissimum sit, ab eis negatur. Quare Auctores hujus Scholæ, negantes possibilitatem creaturæ, quam Deus non possit convertere, constanter affirmant salvari dominium Dei ad conversionem creaturæ per ordinem ad omnia auxilia possibilia vagè, & indeterminatè; quia nempe dominium Dei metaphysicè intert, quòd intra collectionem omnium auxiliorum possibilibus prævideantur infinita efficacia vagè, cum determinatione essentiali, ut non deficiat in omnibus aliquod vagè efficax, quod interat conversionem: quem modum dicendi invictè rejiciunt Thomistæ omnes.

29. Ad cujus evidentiam observandum inaximè, quòd recursus ille ad supremum Dei dominium, ut ex eo interatur, dari in illis infinitis auxiliis unum vagè, quo Deus creaturam possit convertere, est mera petitio principii; cum enim illud auxilium sit indifferens, cui voluntas creata possit resistere, redit inconveniens præsumptum, quòd Deus non esset supremus Dominus conversionis creaturæ. Si enim voluntas huic potest resistere, equi fiet, ut non resistat? Quod ut manifestissimè constet, sit casus, quòd auxilia, quibus Deus movere potest creaturam ad consensum, sint tantum octo, ut supponit *Caducæus*: annè ex supremo dominio Dei argui potest, quòd unum ex illis auxiliis indifferens sit, relatè ad supremum Dei dominium, sit efficax? Ergo, etsi dentur auxilia indifferentia infinitis infinita, non ex supremo Dei dominio concludi valet alicujus etiam vagè efficacia, relatè ad Dei dominium; sed potius defectus omnipotentia; quâ possit rebellem ad se convertere voluntatem: & quò magis multiplicentur auxilia, quibus explicatur virtus omnipotentia; crescit absurdum, quòd Deo, majori conatu, tot infinitis auxiliis procurant conversionem, creatura potest resistere; quòd ista superat potestatem Dei; & quòd à libertate ejus habet Deus, quòd sit potens, vel impotens convertere creaturam.

30. Prosequitur *Caducæus* ibi num. 233. *Hinc verò jam profundius nobis descendendum est, & observandum, quòd unicuique indifferentia libertatis resolvenda correspondet apicum solum libitum, in quo,*

*Et juxta quod voluntas se determinat ad unum extremum ponendum præ alio, quo talis libertas manet exercita, & indifferentia resoluta. Quia, nimirum, si rogatur voluntas in casu libertatis A. cur ponis consensum? Respondebit: Quia cum sim libera modo, & indifferens ad ponendum consensum præ dissensu, & è contrariis libet mihi eligere consensum præ dissensu: quare in ea libertate jam constat quomodo in ordine ad operandum detur vera indifferentia composita ex duplici potentia, & unum tantum libitum in ipsa natura, & potentia libera magis profundum, quod sit determinativum, ac resolutivum hujus indifferentia, ac libertatis: patet ergo, quod in hac libertate A. voluntas non habitura est libitum dissentendi, resolvendique per dissensum suam indifferentiam. Ex qua applicatione statim sequitur; quod, ut potentia, sive voluntas Petri dicatur esse libera ad conversionem, & non conversionem; requiritur, quod, licet voluntas in libertate A. habitura sit libitum consentiendi, & resolvendi per consensum veram indifferentiam elicitive consensus, aut dissensus; & similiter se habeant libertates sequentes, v.g. B.C.D. nihilominus necesse est, ut reliquæ, vel saltem aliqua ex eis, quæ sunt E.F.G.H. sit libertas, in qua tale libitum determinativum, & resolutivum indifferentia ad consentiendum, & dissentiendum sit libitum dissentendi, quo dissensus resolvat talem indifferentiam. Ratio est clara: quia, nisi hoc ita sit, potentia libera, nempe voluntas, licet habeat indifferentiam veram elicitive ad hanc, vel illam operationem, non habebit veram indifferentiam determinativam, seu veram vim se determinandi ad utrumlibet, nisi in ea verè detur aliquis casus libertatis, v.g. ad consensum, & dissensum, in quo ipsa se determinaret ad dissensum præ consensu; nam sic daretur in fundo ipsius voluntatis facultas libitiva consensus, & facultas libitiva dissensus, licet sub numero distinctis libertatibus, & indifferentiis elicitive.*

31. Rem novam hic audio. Quis audit usquam, quod in voluntate verè libera distinguitur indifferentia elicitiva à determinativa? Quod solum verificatur in casu, quod Deus operaretur ex necessitate naturæ, aut quod deficiente judicio indifferenti Deus necessariò moveret creaturam ad operandum; tunc enim virtus elicitiva distinguitur à virtute dominativa; non enim manet, sed è medio tollitur liberum arbitrium. Secundò, quod exercitium libertatis requiratur, ut potentia sit libera, ac si pro priori ad exercitium libertatis, non salvaretur, ac subsisteret ejus constitutum: ergo, ut voluntas, quæ in quatuor primis libertatibus habitura est libitum consentiendi, & resolvendi per consensum suam indifferentiam, dicatur verè libera ad conversionem, & non conversionem, non requiritur, quod aliqua ex ultimis libertatibus sit libertas, in qua tale libitum resolutivum indifferentia ad consensum, & dissensum sit libitum dissentendi, quo dissensus resolvat talem indifferentiam. Patet consequentia; nam, ut ipse fatetur, libitum dissentendi est ipsamet determinatio, & resolutio indifferentia per dissensum; sed determinatio, & resolutio indifferentia libertatis per dissensum est exercitium libertatis; ergo hoc libitum dissentendi non requiritur, ut po-

tentia

tentia sit libera. Vana ergo, & futillis illa est excogitata ratio, quam vocat *claram*.

32. Sed accedamus ad rationem probativam suæ assertionis. Causam suam aggregat sequenti discursu num. 236. *His positis assertio est, quod, etiam de potentia absoluta loquendo, creatura illa, quam Deus nullo auxilio ei conferibili posset convertere, non posset esse creatura verè libera: & sic ex suppositione creaturæ verè liberæ ad consensum, & dissensum, conversionem, vel non conversionem per auxilia indifferentia, ad meritum, & demeritum verè inseritur, nullam esse possibilem creaturam sic liberam, quam Deus non posset convertere. Assumptum probatur sic sub rigorosa lima Scholastica, ut ejus veritas pateat. Creatura, quæ prævideretur dissensura omnibus auxiliis ipsi possibilibus, eo ipso argueretur caritura esse libertate; ergo ex libertate, ex indifferentia auxiliorum sequitur, Deum posse convertere quamlibet creaturam: prob. antecedens: Creatura, quæ prævideretur dissensura omnibus auxiliis sibi possibilibus, esset creatura, quæ, licet pro omnibus hypotbesibus sibi possibilibus habitura esset veram potentiam assentiendi, & dissentendi, seu veram indifferentiam activam ad consensum, & dissensum circa idem objectum prosequendum, aut fugiendum: tamen penitus, & funditus caritura esset vi electivæ, libitivæ, & resolutivæ consensus, præ dissensu. Sed facultas ita gaudens indifferentia ad consensum, & dissensum; ut suaditis, & ab intrinseco sui careat vi determinativa sui ad consensum, præ dissensu, libera esse non potest: ergo &c. Minor est clara ex doctrinis jam supra constabilitis, quia talis facultas dissentendi, & consentiendi, vel determinanda esset pro omni hypotbesi possibili ad dissensum; & tunc esset potius determinatio potentie ad unum, quam libertas, vel futura esset indifferentia perpetua, resolvable numquam. Majorem probo, illa creatura, sive facultas rationalis, quæ pro nulla hypotbesi possibili juxta naturam suam, habitura est vim libitivam, ac sui determinativam consensus, præ dissensu, est creatura, vel facultas rationalis, quæ suaditis, & penitus, absque intrinseco sui caritura est vi libitiva, & resolutiva indifferentiæ, quam habet ad ponendum consensum, vel dissensum, libitiva inquam determinatè consensus, præ dissensu, sic explicabili: Volo resolvere hanc meam indifferentiam eliciendo potius consensum, quam dissensum. Sed creatura, quæ prævideretur omnibus auxiliis sibi possibilibus dissensura, esset creatura, quæ in nulla hypotbesi sibi possibili, (licet haberet vim operativam agendi consensum, vel dissensum circa idem objectum) habere posset vim determinativam sui, & electivam consensus, præ dissensu: ergo &c. Major videtur evidens. Probatur minor: Creatura, quæ prævideretur dissensura omnibus auxiliis sibi possibilibus; prævideretur dissensura omnibus sibi possibilibus sub certo, & limitato numero ad octo, v. g. ut supposuimus, v. g. A. B. C. D. & consequenter penitus caritura vi electivæ consensus, præ dissensu sub tali determinato numero auxiliorum, & hypotbesium. Atqui supposita limitatione creaturæ, nulla alia hypotbesi illi conferibilis est, etiam operante Deo de*

*potentia absoluta; ergo pro nulla omnino hypothefi possibili id posset habere talis creatura. Major, & minor constant ex fuppositionibus præjactis, qua stando fuis terminis apparent effe manifefiffimæ. Propterea ergo in hac unica ratione, qua tota, & unica clavis eft fupradicta affertionis, non video aliquid effe caducum, atque ruinofofum.*

33. Lepidum iftud eft, acutumque *Caducei* commentum. Falfum eft illud, quod ille dicitur, quod Creatura, quæ prævideretur diffenfura omnibus auxiliis, libera non effet. Ubi fufpicio neceffitatis libero arbitrio inferendæ, ex diffenfu auxiliis purè indifferentibus, cum utroque extremo libertatis compofitilibus; & quæ non infallibiliter determinant voluntatem ad unum; cum potius eorum indifferentia determinetur à voluntate? Secundò, voluntatem creatam velle efficaciter exiftere fuum actum liberum, nec eft implicatorium, nec libertati ejus oppofitum, cum voluntas creata fit fui actus domina: ergo illæ à libertate poteft liberè velle omnibus auxiliis refiftere. Tertio, Creaturam prævideri conjunctam cum extremo, cum quo expeditè, & liberè conjungi poteft, nec contradictionem involvit, nec destructionem libertatis; fed creatura eft expeditè potens ad refiftendum auxiliis indifferentibus: ergo prævideri poteft omnibus diffenfura. Quartò, libertas voluntatis non explicatur, nifi in actus fingulos fejunctim; nec actus eft ejus ullus, qui refpondeat collectioni omnium auxiliorum: ergo de medio non tollitur libertas per hoc, quod prævideatur diffenfura omnibus auxiliis: libera enim femper voluntas eft, ac diffenfus dominatrix, nec ulli unquam neceffitati obnoxia. Et tandem diffenfus, quò prævideretur creatura diffenfura omnibus auxiliis, effet diffenfus, quò ita diffentiret, ut in fenfu compofito talis diffenfus posset non diffentire; cum diffentiret, retentà libertate in actu primo; fed actus ille perfectiffimè liber eft, qui talis eft, ut in fenfu compofito diffenfus, poteft creatura non diffentire: ergo creatura, quæ prævideretur diffenfura omnibus auxiliis, effet perfectiffimè libera.

34. Verum, inquit ille, creatura, quæ prævideretur diffenfura omnibus auxiliis, pro omnibus hypothefibus fibi poffibilibus, licet haberet veram potentiam, five indifferentiam activam ad confenfum, & diffenfum; careret tamen vi libitiva, & refolutiva confenfus præ diffenfu. At quis non videat, primò, quod nullo idoneo veritatis argumento munitus alierit Auctor ifte, vim libitivam, & refolutivam confenfus præ diffenfu effe diftinctam à potentia, feu indifferentia activa ad confenfum, vel diffenfum? Quod effe penitus falum oftendimus difp. 1. dub. 1. §. 2. a num. 38. Secundò, vis libitiva, feu refolutiva confenfus præ diffenfu ingreditur, juxta ipfum, in conceptu libertatis, ut concedit num. 239. ergo implicat creaturam habere veram libertatem ad confenfum, & diffenfum, deficiente tali vi libitiva, & refolutiva. Sed, juxta ipfum num. 236., creatura, quæ fic prævideretur diffenfura omnibus auxiliis, habitura effet veram potentiam, & indifferentiam ad confenfum, & diffenfum: ergo effet perfectiffimè libera. Quod magis

urget, si attentius consideretur, qualiter ille dicto num. 236. explicat vim libitivam; nempe; Volo (& quidem liberè) resolvere meam indifferentiam eliciendo potius consensum, quam dissensum; sed voluntas carens hoc velle non ideò libertate careret; cum volitio illa supponeret integrè constitutam libertatem, quæ solùm consistit in virtute determinante existentiam actûs; ergo esset perfectissimè libera.

35. Pergit ille num. 239. *Nunc verò pro coronide recensebimus ea, quæ prædicta assertionis fructus esse possunt, atque illationes, quæ aliqua difficilia non incongruè declarare videantur.* Primò. *Quomodo verificetur, Deum habere in manu sua nostras voluntates, ut quò velit, flectat illas, determinando eas quoad speciem actûs sine læsione libertatis.* Nam positò casu, quòd Petrus habiturus sit solùm illas octo libertates ad consensum, & dissensum, conversionem, & non conversionem, scilicet, A. B. C. D. E. F. G. H., & quòd prævideatur consensurus in quatuor prioribus, & dissensurus in quatuor posterioribus potest Deus tali scientiâ ductus mittere illi congruentiam circumstantiarum, & auxilii, quæ sit libertas A. & non H. vel reliquæ posteriores; & cum Deus prævideat pro tali libertate libitum Petri futurum esse determinatè ad consensum præ dissensum: pollet Deus hoc altiori, & suaviori modo flectendi voluntatem, quò velit, mediò exercitiò liberrimo ejusdem voluntatis creatæ. Sumamus hoc, quòd Caducæus offert nobis. Si, positò casu, quòd Petrus habiturus sit solùm illas octo libertates ad consensum, & dissensum, & quòd prævideatur consensurus quatuor prioribus, & dissensurus quatuor posterioribus, potest Deus, tali scientiâ ductus, mittere illi congruentiam circumstantiarum, & auxilii, quæ sit libertas A. & non H. vel reliquarum; & quòd prævidendo pro tali libertate libitum Petri futurum esse determinatè ad consensum præ dissensum, pollet Deus hoc altiori, & suaviori modò flectendi voluntatem, quò velit, mediò exercitiò liberò ejusdem voluntatis: ergo licet possibile sit, quòd Deus, supposità libertate A., sub qua prævidet Petrum consensurum, mentem ejus tanta boni objecti luce, & evidentia perfundat; voluntatemque ejus tantà suavitatè, & utilitatè, honestatèque ejusdem boni propositi demulceat, ut liberè consentiat, non tamen sub libertate H., & aliis posterioribus libertatibus, sub quibus prævidet Petrum dissensurum. Ubi ergo est invictissima illa, & indeclinabilis gratiæ Dei efficacia, cui subicitur voluntas; quæ certissimè suum consequitur effectum, & quæ Deus prædominatur arbitrio creato, facitque, illud se liberè, & infallibiliter flectere, ac se determinare in omne opus bonum, quòd Deus absolutà voluntatè voluerit, & prædefinierit ab eo fieri? Consultius ergo foret absolutè negare supremum Dei dominium ad convertendam creaturam, faciendè eam de nolente volentem, quàm sic vel illis hypothesebus constituere efficaciam illius supremæ potestatis. Ex quo potius risu excipienda est Caducæi responsio. Quis namque tam ineptus est, qui neget, Deum posse convertere creaturam sub illis quatuor libertatibus, prævisis efficacibus; aut quòd, earum efficaciam prævisà, non possit Deus unam ex illis efficacibus præ-

visis

visis conferre, quæ sit infallibiliter connexa cum consensu; quamvis creatura possit potestate antecedenti dissentiri, & impedire per dissentium illam prævisionem conditionatam efficaciam sub eis quatuor libertatibus? Non ergo sub his terminis exagitur quæstio sed solum, an salvetur Dei dominium, potensque sit Deus convertere creaturam per aliquod ex infinitis auxiliis indifferentibus? Quare inane, falsum, desperatissimumque est hoc *Caducei* perfugium. Reliqua omitto, quæ ibi allerit, quæ sunt minutiora, & ab aliis ejusdem Scholæ, quibus hæc displicere debet opinio, studiosè colligenda.

## §. IV.

*Solvuntur Argumenta.*

36. **U**T resolutio utriusque partis illustrior appareat, & Scholæ congruentior fiat, argumenta proferenda, & solvenda sunt, quæ afferunt Auctores oppositi. Primum est contra absurditatem consequentis sub hac forma. Illa: sâ omnipotentia Dei, salvant Thomistæ, Deum non posse ad bonum convertere Angelum malum; quia nempe ex suppositione electionis, seu volitionis plenè deliberatæ, inflexibilis manet, & immobiliter adhærens objecto, quod semel elegit: ergo illa sâ omnipotentia divinâ, poterunt salvare scientiæ mediæ defensores, Deum non posse convertere hominem ex suppositione, quod prævideatur omnibus auxiliis dissenturus. Secundò: Deum non posse obtinere consensum salutarem per concursum, quo prædeterminet voluntatem ad materiale peccati, non derogat perfectioni divinæ omnipotentia: ergo quòd Deus non possit obtinere consensum per auxilium, quod prævidit frustrandum, non derogat infinitæ Dei potestati. Tertiò: non est contra omnipotentiam Dei, quòd non possit obtinere consensum, mediò auxilio sufficienti, efficaci non superadditò: ergo nec quòd illum obtinere non possit sine prævisione consensûs conditionati futuri. Quartò: Deum indigere potentia liberâ ad obtinendum consensum liberum non destruit libertatem voluntatis, juxta sententiam Thomistarum: ergo Deum egere futuriione conditionatâ ad efficiendum nostrum consensum liberum non minuit libertatem Dei. Quintò: libertas creata non destruitur per hoc, quòd egeat determinatione Dei: ergo nec divina libertas destruitur per hoc, quòd egeat determinatione liberi arbitrii ad existentiam actûs. Sextò, contra id, quod nos dicebamus de necessitate subordinationis, & constitutionis libertatis creatæ sub dominio Dei, per hoc, quòd voluntas prævisa consentire non possit acquirere auxilium efficax, quò sibi misericorditer datò, infallibiliter ponit consensum, sufficienter salvatur subordinatio voluntatis ad Deum: sed juxta principia scientiæ mediæ voluntas non potest sibi acquirere auxilium, cui prævisa est consensura, sed illi quoties datur, misericorditer datur, & illò datò, infallibiliter consentit: ergo sufficienter voluntatis subordinatio salvatur.

37. Con-

37. Confirmatur, & urgetur ampliùs : Non est Deus minùs potens indurare creaturas, quàm illas ad se convertere ; sed Deus de facto est impotens indurare humanitatem *Christi* Domini : ergo & possibilis erit casus, quo possit creaturam non convertere . Praterèa : Nequit esse inconveniens, quòd Deus sit impotens convertere creaturam ex suppositione sibi libera ; sed impotentia ad convertendum creaturam conveniret Deo ex suppositione sibi libera, cum esset consequens suppositionem libertatis illius, & decreti ipsam non impediendi, sed potiùs relinquendi illam in manu consilii sui, quæ hujusmodi suppositiones sunt Deo liberæ : ergo suppositione solum liberâ non posset creaturam convertere .

38. Et tandem efficacius ; quia auxiliorum indifferentium multitudo satis habere potest virum, ut voluntatis frangatur contumacia, & ut ex eisdem evincatur efficacia gratiæ . Si enim allerunt Thomistæ dari necessitatem vagam moralem succumbendi alicui tentationi, relatè ad cumulum actu finitum tentationum, quamvis insit moralis potestas resistendi cuilibet divisim sumptæ : ergo pariter relatè ad cumulum auxiliorum, non finitum, sed infinitum, componi potest necessitas metaphysica vaga consentiendi alicui eorum, cum potestate resistendi cuilibet divisim sumpto ; possunt namque motiones, & pii affectus, sive conjunctioni, sive separatim tam vehementes esse, ut intallibilitatem afferant consentiendi : sicque junctis viribus omnium auxiliorum emergura est gratta victrix, & efficax, cui difficillimè resistere poterit voluntas .

39. Hæc ita summatim proponere licuit ; quippè omnia facilis solutionis sunt, Primum quidem evanescet, ubi Thomistarum sententia nota fuerit ; nemo enim eorum alleruit, Deum utendo suâ absolutâ potentia non posse Angelorum malas voluntates in bonum convertere . Atterunt namque Thomistæ cum *D. Thoma* 1. p. quæst. 64. art. 2. Angelos suâ naturâ esse inflexibiles ab objecto, quod semel elegerunt : quocirca, si potentia Dei, quam ordinariam dicimus, id est rerum ordinem non immutantem, attendatur, converti non possunt à Deo, quia hæc naturæ rerum attemperat, ac dispensat suum concursum . Verùm id à Deo non tollit potestatem proximam, & expeditam, ut illorum voluntates in bonum convertat . Undè hoc, si propriè loquamur, non est, Deum non posse, sed nolle, quod potest . Ideoque inflexibilitas Angeli non deducitur à nobis ex Dei impotentia ( quod magnum esset absurdum ) sed ex Angeli natura, supra quam manet adhuc virtus potentia Dei . Auctores verò Societatis defendentes possibilitatem creaturæ inconvertibilis loquuntur de potentia Dei absoluta ; sic enim constituunt inconvertibilem ex libero arbitrio creaturam, ut penes Deum non maneat superior virtus, quâ ipsam possit ad se, illas à libertate, convertere . Quare antecedens, prout ad rem adducitur, omninò est falsum . Peccat insuper argumentum in deductione consequentiæ ; nam dato, quòd Angeli ex suppositione pravi electionis ad bonum revocari non possint, etiàm attentâ Dei potentia absolutâ ; impotentia tamen Dei ad

illos convertendos esset consequens divinam libertatem, & non antecedens: at impotentia Dei ad convertendum hominem prævium omnibus auxiliis dilensurum, non est consequens, sed omnino libertatem divinam antecedens, ut ipsa præ se fert Adversariorum positio: ergo consequentia, quæ innuitur hujusmodi paritati, nulla est: cum paritas ipsa, nulla sit. Nam etiam datâ, quam non concedimus, absolutâ Angelorum inflexibilitate, Deus tamen potuit Angelis casum non permittere & gratiæ suæ munere illos salvare: quod cum certissimum sit apud omnes Theologos, evidentissimum est apud Thomistas asserentes, potuisse Deum Angelis lapsis tribuere, quæ non debuit, judicia recta, & illorum voluntates ad bonum efficaciter prædeterminare, quo factô, infallibiliter persisterent in amore casto primi instantis, & salvarentur: quod tamen non fecit, sed permisit lapsum, & auctorem prævum plenè deliberatum: ac proinde electio illa, ex qua mansere obstinati, fuit suppositio consequens libertatem Dei, non quidè insipientis malitiæ, sed non impertiens gratiam, quam illis minimè impertiri debebat, licet certissimè posset.

40. Secundum etiam facillimè refellitur: nam concessio antecedenti, negatur consequentia: cujus ratio in promptu est: quia nimirum prædeterminationem illam conjungi cum consensu salutari implicat exterminis, quia infallibiliter connectitur cum peccato pro materiali, & cum decreto permissivo malitiæ, ac proinde est repugnantia ex parte facti Deo liberi: auxilium autem, quod prævidetur frustrandum, conjungibile est cum consensu, quæ conjunctio subtrahitur à potestate Dei ex suppositione, quam ipse nec facit, nec facere potest. Ex his patet ad tertium; quia non superadditò auxiliò prædeterminante, Deus non dabit consensum; non est autem contra omnipotentiam, quòd non obtineat à creatura Deus consensum, quem ipse non dat; immò oppositum (quod ex contraria sententia stare potest) esset contra omnipotentiam. Ad quartum solutio est, Deum non egere potentiâ liberâ ad actum liberum, ut suprà explicatum manet: quia nemo dicitur egere eo, quod in potestate habet, & Deus habet in potestate existentiam potentiæ liberæ, quæ liberè ponit actum, si Deus vult actum liberum existere: futuritio verò, ac prævisio conditionata, requisita apud contrarios, non est in potestate Dei. Undè quantumvis vellet poni actum liberum, illâ deficiente, nequaquam id obtinere posset a voluntate, quòd cum *Augustino* absurdum diximus. Ad quintum dico, voluntatis creatæ libertatem non destrui per hoc, quòd egeat prædeterminatione; Dei tamen destruitur libertas, si opus habeat libertate humanâ à se independente, ut exequatur fines providentiæ suæ: illa non destruitur, quia creatâ, & in suis actibus, actuusque elicientia petit alteri subordinari primò determinanti: hæc verò penitus corrui, si aliquo eget, quod in potestate non habet; & hoc ipso non erit libertas suprema, & infinita, ut ex *D. Thoma* ostendimus. Ad ultimum tandem dicimus, salvari voluntatis creatæ subordinationem ad Deum in hoc, quod est posse ponere actum, non tamen in ipsa actûs positione, in cujus elicien-

tia



tia potius Deum in Adversariorum principiis subordinat sibi, dum ipsum determinat ad concurrendum: ex quo per legitimam consequentiam infertur impossibilitas talis prævisionis, & repugnantia istiusmodi concursus. Præterquamquod, ex eo quod voluntas ponat infallibilitè actum, datò auxilio, Deus non aliò modo potest dici causa consensus, quam improprie, & logicè, non verò causa physica, id est, vera, ut pluries vidimus. Unde neganda est major, quam nunquam probantur Adversarii. Nec minor veriore est, quàm major; sed iuxta sententiam oppositam multis obnoxia deprehenditur implicationibus. Nam in primis verissimum est, auxilium, cui voluntas prævideretur consensura, non posse acquiri à voluntate, neque enim voluntas potest sibi tribuere, quod vocetur, ut ait *Augustinus*: quod tamen sibi tribuere possit, si auxilium, quo vocatur, potest sibi acquirere. Deinde: voluntas per nullum actum potest acquirere id, quod essentialiter præsupponitur ad elicentiam cuiusvis actus liberi, cum solùm possit acquirere existentiam auxilii per aliquem ex suis actibus; existentiam autem illius, quod ad omnem actum præsupponitur existens, ex terminis constat, per actum acquiri non posse. Quomodo ergo auxilium acquirere possit, quod essentialiter præsupponitur ad elicentiam cuiusvis actus liberi? Etenim auxilium est liberæ potestatis constitutivum, & constitutivum libertatis, sicut & ipsa potentia libera essentialiter præsupponitur ad omnem actum liberum. Ecce quantum ad hanc partem, verè, absolute quidè, & generalissimà doctrinà loquuntur; sed tamen statim oppositum illorum sententia involvit: nam etsi Deus tribuat auxilium, ut Adversariis concedimus, non tamen volunt illi, quod tribuat efficaciam auxilii, quod sic ostenditur. Ab eo auxilium habet efficaciam, sive in actu primo, sive in actu secundo, à quo redditur influens, sive in actu primo, sive in actu secundo; per hoc enim auxilium efficax distinguitur ab inefficaci, quod illud reverà influet, si detur, ac datum influat: sed unica ratio, quare auxilium influet, si detur, & datum influat, est libera determinatio voluntatis: ergo voluntas sibi acquirit efficaciam auxilii, ac subinde non debet Deo, quod operetur, influat, & concurrat auxilium. Vel aliter: Ille reverà acquirit auxilium ad actum requisitum, qui acquirit auxilium, ut determinatum ad influendum in actum ipsum; hoc enim modo auxilium obtinet propriè rationem auxilii, & gratiæ auxiliantis ad actionem; sed auxilium sub hac formalitate sibi acquirit voluntas; quia formalitas ista unicè pendet à voluntate: ergo non ex Deo, sed ex propria determinatione existit efficacia auxilii.

41. Ad confirmationem, & urgentiam palmare est responsum, Deum non posse permittere peccatum humanitati *Christi* Domini ex suppositione unionis hypostaticæ: quia ex tali suppositione omnino Deo libera, tenetur, & obligatur Verbum Divinum regere humanitatem, operaturque ut quod omnes operationes ipsius. Quapropter peccatum ex tali suppositione est antecederet impossibile humanitati, & ita impossibile, sicut Verbo Divino: cum quo tamen rectè cohereret, quod propter summum dominium, quod Deus supra humanitatem ha-

bet, sicut potest illam diuinitatem, & facere, quod subsistat per propriam, & connaturalem subsistentiam, sic etiam potest ipsi humanitati dimissæ permittere peccatum. Ex quo manifesta est disparitas respectu aliarum creaturarum, quas Deus non tenetur regere, & cum non sit principium quod suarum operationum, nullâ ratione potest imputari Deo. Nec ista ergo, nec alia suppositio Deo libera potest contra nos argumentum præbere.

42. Nec minus futile est, quod secundo loco dicitur, undè respondetur distinguendo maiorem: ex suppositione sibi libera, & cum conversione creaturæ connexa, conc. maj. inconnexa, neg. maj. & distincta eodem modo minori, negatur consequentia. Dum enim suppositio Deo libera non connectitur necessariò cum aliquo extremo, Deus ex vi talis suppositionis non intelligitur determinatus ad unum potius, quàm ad aliud extremum, sicut nec est impossibilitatis adhuc consequenter ad quodlibet contradictionis extremum. Quare sicut suppositio manet indifferens, sic etiam adhuc ex determinatione talis suppositionis dominium Dei maneret omninò indifferens ad existentiam, vel non existentiam utriuslibet extremi. Sic dicitur, quòd ex suppositione libera productionis rerum Deus manet indifferens, & cum formali, & immediato dominio ad conservandum illas in esse, vel non conservandum. Sed suppositiones factæ omninò inconnexæ sunt, tam cum conversione libera creaturæ, quàm cum ejus carentia; ergo nequit Deus ex vi talium suppositionum intelligi necessitatus ad creaturæ conversionem, vel carentiam conversionis, & minùs determinari poterit ad unum libertatis extremum. Ubi observa, quòd suppositio libertatis creaturæ ad exercitium liberum non est libera Deo, sed necessaria; neque enim aliò modo potest existere actus liber. Undè si ex hac suppositione non potest Deus obtinere actum liberum creaturæ, non oritur impossibilitas ex suppositione Deo libera, sed ex suppositione necessaria, & sine qua actum liberum velle non potest. Indè suppositio necessaria, ut actum liberum velle possit, est, juxta contrarios, suppositio, propter quam eundem actum obtinere non posset, quò quid implicantiùs?

43. Ad ultimum dicitur, quòd, licet moralis necessitas consentiendi alicui tentationi possit resultare ex finito tentationum cumulo, minime tamen necessitas metaphysica consentiendi alicui auxilio indifferenti oriri potest ex infinito auxiliorum cumulo, si omnia sunt ejusdem rationis. Primum verificatur, quia, ut expressè docet D. Thomas 1. 2. quæst. 109. art. 8., & quæst. 24. de verit. art. 12., difficultas superandi tentationem oritur ex corruptione inferioris appetitùs, & sensualitatis; quia nempe vires ejus non sunt totaliter subjectæ rationi, & ex corruptione imaginationis, quæ contra ordinem rationis variè divagatur, difficillimèque potest esse in continua vigilia ad omnes motus sensualitatis reprimendos. Quid ergo mirum, quòd hominis voluntas, postquam aliquandiu pugnaverit, in diuturniore illa dimicatione flaccescat, & concidat? At licet Deus inspiratione frequentissimâ cogitationum, & affectuum indeliberatorum Fidei, Spei, Pœnitentiæ, aliisque ob-

jectis

His possit vim adversantium habituum atterere , nusquam faciet , ut mediis his auxiliis indifferentibus voluntas infallibiliter attentiat ; cùm semper possit voluntas resistere cuilibet auxilio seorsim , & divisivè . Hæc namque potestas resistendi auxiliis indifferentibus fundatur in intrinseca eorum indifferentia , & in libertate voluntatis , ad quam omninò per accidens , & impertinenter se habet qualibet multitudo ejusdem rationis , etsi infinita . Sic in multitudine hominum reperiri nequit unus vagè , qui rationalis non sit ; quia nempe rationalitas pertinet ad ejus constitutum essentiale : ergò cùm indifferentia sit de conceptu essentiali auxilii indifferentis , à numero , & multiplicatione præscindit : ac per consequens nequit assignari auxilium , cui voluntas resistere non possit . Poterit ergò Deus infundere cogitationes , & affectus pios complures ; at nusquam erit gratiæ vis illa inexpugnabilis , infallibilis , movens voluntatem ad consenti : quod sicut arduum , & non facile pervium videri potest , eò invitat nos ad demirandum supremum Dei dominium , cujus supremam , invictam , ac indeclinabilem in cordibus hominum potestatem apertissimè etiam declarat Auctor lib. vocat. gent. cap. 25. his verbis , quibus finem huic Dubio imponimus ; *Numquid illi virtus gratia , quæ sibi , quos voluit , subdit , convertere eos , qui inconvertibiles permansere , non potuit ?* En exprellà liberi arbitrii gratiæ subjectio : en & gratia victrix omnipotenter corda hominum ad conversionem flectens .





## DISPUTATIO XII.

### *De concursu Dei ad actum peccati.*



Eum esse causam, & auctorem peccati dogmatizavit olim primus omnium *Simon Magus*, ut affirmat *Vincentius Lirin.* cap. 34. libri contra Hæreticos. Eum secuti sunt *Marcionita* apud *Irenæum* lib. 4. c. 45. & 47. Et *Luciferiani* apud *D. Thomam* 1. contra gent. cap. 96. Ac postea *Lutherus*, *Calvinus*, & alii Hæretici asserentes, peccata in Deum esse referenda, Deum esse auctorem peccati, & causam, cur homo peccet;

ipsum sicut bona, ita mala operari, libero arbitrio, vel merè passivè se habentè, vel saltè spontè solum, & non liberè agente; & consequenter hominem à Deo necessitari ad peccandum. Hoc blasphemio ore expressè pronunciat *Calvinus* lib. 1. Instit. cap. 18. §. 3. dicens: *Jam satis apertè ostendi, Deum vocari eorum omnium auctorem, quæ isti Gensores volunt, otioso tantùm ejus permisso contingere.* In quibus loquitur de peccatis, quæ Catholicis fiocent fieri Deo permittente, ipse verò Deo volente, & Auctore. Et §. 4. *Homo justò Dei impulsu agit, quod sibi non licet.* Et lib. 3. cap. 23. §. 9. *Excusabiles peccando haberi volunt reprobi, quia evadere nequeunt peccandi necessitatem, præsertim cùm ex Dei ordinatione sibi injiciatur hujusmodi necessitas. Nos verò inde negamus ritè excusari.* Ubi fatetur, Deum impellere, & necessitare reprobos ad peccandum. Sequuntur ipsum non pauci ex suis discipulis. *Hieronymus Sanchez* lib. 6. de natura Dei cap. 2. ubi sic habet: *Reprobationem consequitur denegatio gratiæ, hanc peccata, peccata pænæ peccatorum: ad quæ omnia præordinavit Deus reprobos ab omni aternitate.* Et ibidem: *Fuit hoc primum, quod de reprobis constituit Deus ab aeterno, nempe quorundam hominum ad exitum sempiternum destinatio. Ad hoc autem ordinata fuerant ipsorum peccata.* Et iterum: *Adde, quod tot, & tam efficacia media ad salutem electorum promovendam à Deo*

*à Deo in æterna electione designata, & preparata sunt, ut è manu Dei elabi nequeant electi, quin servantur. Itidem media ad mortem, nempe impiorum peccata à Deo in illorum interitum usque ad finem ordinata sunt. Fieri igitur nequit, quin tam reprobatio, quàm electio firma sit; ita ut nec electi perire, nec reprobi servari possint. Et tandem Calvinus dicto lib. 3. Instit. cap. 24. §. 13. ore nefario, & impuro asserit, quòd Deus miserè decipiat reprobos, ac illudat, simulando, velle se illos juvare, cùm tamen velit illos perdere, sequentibus verbis: Ecce vocem ad eos dirigit, sed ut magis obsurdescant; lumen accendit, sed ut redduntur cæciores; doctrinam profert, sed qua magis obstupefiant; remedium adhibet, sed ne sanentur. Crudelis sanè, detestandaque hominum malitia, quæ non rebus temporalibus satis contenta, in sui perniciem tot malis suum voluntatis replens affectum, Dei potentiam, justitiam, sanctitatem, bonitatemque arguit, quòd eos perire desiderat, dicente Scriptura Jo. 3. Qui facit peccatum, ex Diabolo est. Non igitur Deus auctor mali, ut exclamat Apostolus ad Rom. cap. 9. Numquid iniquitas apud Deum? Absit. Ipse est rectus, & justus absque ulla iniquitate. Quod idem legitur Psal. 5. Non Deus volens iniquitatem tu es. Et Exod. 23. Aversor impium. Et Sap. 14. Odio sunt Deo impius, & impietas ejus. Qui dum malitiam eradicari vult de animis hominum, quomodo illa intelligi potest à Creatore Deo condita, vel quòd Ipse Deus velit esse nobis improbitatis causa? Detestanda iterum dico, & abominanda est opinio, quæ Deum peccati credit Auctorem, quam meritò damnat Concilium Arausicanum secundum Can. 23. definiens: Suam voluntatem homines faciunt, non Dei, quando id agunt, quòd Deo displicet. Et post Can. 25. Aliquos ad malum Divina potestate predestinatos esse, non solum non credimus, sed etiam si sunt, qui tantum malum credere velint, cum omni detestatione illis anathema dicimus. Quod etiam damnat Tridentinum sess. 6. Can. 6. Si quis dixerit, non esse in potestate hominis, vias suas malas facere, sed mala opera, ita ut bona, Deum operari, non permissivè solum, sed etiam propriè, & per se, adeò, ut sit proprium ejus opus non minus proditio Jude, quàm vocatio Pauli, anathema sit.*

2. Et sanè quantum Deo, & sanctitati concursus Divini adversetur, quis sufficienter explicare poterit? Qui blasphematur Deum esse peccati auctorem, pessimus est idolatriæ doctor, ut dicit August. super librum Judicum quaest. 29. *Quisquis enim talem cogitat Deum, qualis non est Deus, alienum utique Deum, & falsum in cogitatione portat. Sanctitatem concursus in deliramento phantasmatis solum adorat. Veram, sanctitatem destruit, & falsam fabricat. Peccatum est pravariatio legis Divinæ, & cœlestium inobedientia præceptorum. Per hoc fit homo alienus à Deo, interemptor sui, Diaboli servus, gratiæ illusor, gloriæque contemptor. Omne peccatum est per recessum ab ordine, qui est in Deum, sicut in finem: quid ergo magis repugnans, quàm Deus peccatum causans, intendens, & approbans recessum ab ipso, destructionem, & recessum à perfectionibus suis sapientiæ, & amoris Divini?*  
cùm

cùm Deus, ut egregiè arguit D. Thomas 1. 2. q. 79. art. 1. *Omnia inclinat, & convertit in se ipsum, sicut in ultimum finem*. Secundò: qui effectivè rem producit, necesse est, quòd effectum in sua virtute contineat, cùm ab illa effectus productus esse suum trahat, & participet: ergo si Deus esset causa peccati, præcontinetur peccatum in ipso: quare præcontinetur ab ente non ens, & à summo bono malum, quod est insignis chimara; cùm idem esset ens, & non ens, malum & bonum. Huius conspicuum, & expressum testimonium nobis præbet S. Fulgentius lib. 1. ad Monimum cap. 6. *Sicut peccatum in eo non est, ita peccatum ex eo non est. Quod autem ex eo non est, opus ejus itaque non est*. Quod & sequentibus disertissimis verbis expressit D. Laurentius Justinianus in fasciculo amoris cap. 18. expendens illud Joan. 15. *Sine me nihil potestis facere*: dum dixit: *Rectè sine verbo fideles facere non possunt, nisi nihil, cum sine ipso non sinit. Omnia per ipsum facta sunt; & sine ipso factum est nihil Joan. 1. Peccatum sine Verbo factum est, quoniam nihil est*. Et tandem id ipsum efficacissimè evincitur. Etenim, cùm Deus sit primum liberum, de cujus ratione est operari propter finem, neutiquam potest aliquid specialiter producere præter finis intentionem, & absque eo quòd ipsum intendat, & velit, ut dicitur Sap. 11. *Diligis omnia, quæ sunt, & nihil odisti eorum, quæ fecisti. Nec enim odiums aliquid constituisi, aut fecisti*. Hoc exigit perfectissimus ille modus, quò Deus concurrit: quod enim specialiter causat, mediante suâ scientiâ producit, non quidem ut absolute consideratâ, sed determinatâ per voluntatem, quæ est scientia approbationis, ut docet D. Thomas 1. p. q. 12. art. 8. Ac proinde si speciali influxu concurreret in peccatum, ipsum diligeret, vellet, & approbaret, quod dictu nefandissimum est. Ex quo comprobatur, & mirabiliter arguit D. Augustinus lib. 1. de Symb. ad Cathec. cap. 1. nullam malam hominis voluntatem ad auctorem Deum esse reterendam, dicens: *Prorsus Omnipotens Pater noster peccare non potest; facit quicquid vult, ipsa est Omnipotentia; facit quicquid bene vult; quicquid iuste vult; quicquid autem male fit; non vult*. Unde cum eodem M. P. Augustino lib. 3. de lib. arbitr. cap. 16. exclamare liceat: *Omnino non invenio, nec inveniri posse, & prorsus non esse confirmo, quomodo tribuantur peccata nostra Creatori nostro Deo*.

3. Hoc ut indubitatum, & fide certum præsens Disputatio supponit. Longè major est difficultas circa concursus Dei ad actum peccati, quod tangit maximam illam, & difficilem controversiam, qua graviter retroacti temporis Theologorum ingenia torlit, & circa quam multa sunt à Theologis graviter disputata, multa commodè dicta, multa ingeniosè, & luculentè exposita: quæ cùm ex se ipsa sit satis implexa, multò est reddita obscurior, tum novis Hæreticorum erroribus, tum Theologorum diversis argumentandi modis. At cùm ex illa impugnantes physicam prædeterminationem validissimum argumentum sibi arbitrentur desumere, nos eam silentio præterire non possumus. Ejus ergo resolutio ad tria capita reduci potest. Primum, an Deus concurret ad  
for-

formale, & materiale peccati? Secundum, an Deus sit causa materialis? Tertium, an physice voluntatem ad materiale prædeterminet? In quibus elucidandis mihi cordi non est inutilissimas omnes argumentationes disputationis hujus finibus comprehendere, quæ fundamenta minimè dici possunt, sed mera ingenii commenta; cum paucis absoluturus sim momentis, quæ ad doctrinam præsentis temporis, & veram SS.PP. intelligentiam maximè spectare inveniuntur.

## DUBIUM I.

An Deus concurrat ad formale, & materiale peccati?

### §. I.

*Vindicanetur Thomistæ ab erroribus Hæreticorum, & mens Tridentini exponitur.*

4. **Q**UAM parùm solidè, immò quàm sinistrè Sectariorum errorem circa peccati causalitatem Thomistis imponant Auctores multi Scholæ Societatis, evidentibus argumentis demonstravit ille eruditissimus, ac toto Orbe celeberrimus M. Frater *Joannes Baptista Gonet* in Apologia Thomistarum post tractatum de Scientia media art. 7. tom. 1. in 1. p. ubi satis P. *Franciscum Annatum* præcipuum in Thomistas hujus criminis Auctorem, falsitatis reum convincit. Quæcirca in animo erat, rem jam à doctissimo, ac disertissimo Viro actam, iterum non agere, eo contentus solum, ut Lectores ad hunc nostræ veritatis vindicem remitterem. Sed cum meditarer ita, ipsos ulterius procedentes invenio, turpitudinem erroris, & Hæreticorum fiandis cum summa temeritate nobis accriminantes. Primus occurrit P. *Ribadeneira* tract. de Prædest. disp. 11. cap. 2. num. 16. scribens: *At cum suis principiis suppositis neget verbis (Calvinus) Deum esse autorem peccati, neque ipsa simili modo videatur, ac PP. Dominicani consequentiam vitare, non satis percipio, jussè damnari Calvinum Dominicanis impunitis.* En & iterum repentinus occurrit P. *Marin*, tract. 11. de peccat. disp. 5. in princip. qui quemdam *Verdunum* nomine (sic loquitur ille) dicentem, refert, *Sententiam Thomistarum impiam, & blasphemam*. Quà cuspide sic Thomistarum doctrinam transfigere conetur, satis notum; dum loco citato sect. 5. num. 6. hanc sententiam ad *Calvinum, Bezam, Melanctonem*, & alios rejicit, quorum plura coacervat testimonia, ut probet ipsos solum docuisse, Deum prædeterminare ad materiale, non verò causare per se formale peccati, ut postea inferat, Thomistas in proprium, blasphemum, & perversum Hæreticorum sensum esse collapsos, reprobanque ipsorum tueri sententiam.

5. Quis à Regulari Viro hoc spurium scomma, putidumque commentum repetitum expectallet? Vel quodd ad auctoritatem recurrat eruditi M. Fr. *Blasis Verda à Sans* Ordinis Prædicatorum (nec enim alium suspicor significare voluisse) qui relectiones duas, alteram contra Scientiam mediant, & alteram pro efficacia divinorum auxiliorum scripsit, & qui nusquam in hac nostra sententia varius fuit, & anceps, ut Lectori ipsum accuratè legenti constabit? Partes, quas ipse credidit, hujus Auctoris, cujus nomen, professio, & doctrina ipsum latuit, amplecti maluit, quam tot Societatis clarissimis luminibus PP. *Valentia*, *Martinon*, & *Becano*, habere fidem, qui sinceriori calamo sectariorum errores referunt, ut ostendit prælaudatus M. *Gonet*, à quibus toto celo distat Thomistarum sententia. Hoc perspicuum est, & manifestum erit, si iterum in memoriam revocemus, *Pelagium*, *Lutherum*, *Calvinum*, & *Melanctonem* unà, eadèmq; convictos, & hallucinatos fuisse argumentatione, hac nimirum: *Gratia est ab intrinseco efficax: ergo destruit libertatem*. Cujus argumenti consequentia visa est illis insalubilis. Hac de causa negavit *Pelagius* necessitatem gratiæ per se efficacis, quod est negare antecedens argumenti, ne teneretur concedere consequentiam, & destructionem libertatis. *Lutherus* verò antecedente concessio, & consequentiâ, dixit liberum arbitrium ad actus bonos se habere, ut inane quoddam. Ita constat ex Concilio *Senonensi*, ubi dicitur: *In errore Manichæi Lutherus incidit, dum nimis anxie & scrupulosè de vitat Pelagium: metuens namque, liberum arbitrium cum Pelagio nimis esse, omne opus bonum, quod est in homine, Deo tribuit, & divinæ gratiæ, nihil prorsus libero arbitrio relinquebat*. Hoc agnovit, & fatetur *Lutherus* in lib. de serv. arbitr. post medium, ubi sic ait: *Gratia prædicatur: ergo liberum arbitrium tollitur*. Neque *Calvinus* negavit, liberum arbitrium se movere, cum à Deo moveretur, sed asseruit, nullam aliam in arbitrio servari libertatem præter illam, quam vocant à coactione, sublatâ tamen omni indifferentiâ, & potestate ad oppositum: quia nimirum tacta voluntas virtute & impulsu efficaci Dei non cogitur, ut amet objectum, necessitatur tamen antecedenter, ita ut nullo modo possit illud non amare. Cumque ex alia parte peccata in hominibus negare non posset, ex hoc in nefandum incidit crimen, ut diceret, peccatum non arbitrio humano, sed Deo illud necessitati esse tribuendum. Hoc non nostro judicio judicandum reliquere. Id expressè affirmat *Philippus Melancton* in Epist. ad Rom. cap. 9. *Nos docemur, ait ille, non solum permittere Deum creaturis ut operentur, sed ipsum omnia proprie agere. Sicut fatemur, proprium Dei opus fuisse Pauli conversionem, ita fatemur Dei propria esse, quæ vocantur intermedia, ut comedere, & bibere: & quæ mala, ut Davidis adulterium: constat enim, Deum omnia facere, non permissive, sed potenter*. Hac ille. Nec minus clarè errorem suum *Calvinus* protulit, ut suprà vidimus; nec erubuit lib. 3. Instit. cap. 23. num. 3. scribere, *Deum esse auctorem criminis, se centies confiteri*. Plura alia apud M. *Gonet* inventies loco citato n. 114. Ex quibus manifestè constat, Heterodoxos illos nulla

adhi-



adhibita larva , nullove fucato colore , sponteque suâ fassos , Deum criminis , & peccati esse auctorem .

6. Ex errore itaque , quo arbitrii libertatem sustulerunt , in alium præcipitati sunt , quo Deum criminis , & peccati auctorem constituerunt ; quod ex Concilio *Tridentino* sess.6. videtur manifestè probari , si rectè considerentur verba Canonis 6., quæ talia sunt: *Si quis dixerit, non esse in potestate hominis vias suas malas facere, sed mala opera, ita ut bona Deum operari, non permittit solum, sed etiam proprie, & per se, adeo ut sit proprium ejus opus, non minus proditio Judæ, quam vocatio Pauli, anathema sit.* En patens Hæreticorum error, in eo, quòd dixerint , Deum opera mala non aliter operari , ac bona , & erroris radicem in eo quòd asseruerint , non esse in potestate hominis vias suas malas facere . Confer modò Canonem cum dictis *Calvini* , & *Lutheri* , qui arbitrii negaverunt libertatem , & peccata in Deum , ut auctorem , retulerunt . Certè omnia consonant , damnatque Concilium tum errorem , tum originem , & radicem erroris , mirâ sanè brevitate , summâ tamen perspicuitate ; & uno ictu perimit Hæreticos ita argumentantes : *Homo non potest vitare opera, quæ facit, sive bona, sive mala: ergò mala, ut bona, sunt à Deo.* Utrumque negat Concilium , antecedens scilicet , & consequens ; & ut damnaret consequens , fulmine prius antecedens percussit .

7. Ex quibus duo manifestè habentur ; & Hæreticos apertè asseruisse , Deum esse auctorem peccati ; & originem , putidumque hujus erroris fontem fuisse errorem alium , quo dixerunt , Deum suâ motione destruere libertatem arbitrii . Utrumque negat , damnat , ac reprobat Schola Thomistica , propugnans , Prædeterminationem physicam non auferre à voluntate proximam , absolutamque diluendi potestatem , quò solò funditus evellit posterioris originem erroris . Deindè negat , Deum eodem modò operari opera mala , ac bona . Nam ad opera bonæ supernaturalia asserit , requiri concursum Dei specialem : ad opera mala requirit concursum Dei generalem , nec nisi ad exigentiam voluntatis dispensatum . Afirmat præterea , Deum suo concursu utrumque in opere bono producere , nimirum substantiam actûs , & illius bonitatem ; in opere autem malo concursui divino tribuunt actûs entitatem , malitiam verò non item , sed voluntati deficienti adscribunt .

8. Extat aliud , & sanè magni ponderis , ac momenti discrimen inter *Calvini* , & *Thomistarum* doctrinam . Nam Thomistæ omnes , ut potestè videbimus , negant concursum , ac prædeterminationem Dei moralem ad actum pravam ; *Calvinus* verò illa astruxit ; nam lib.1. Instit. cap.18. num.5. dixit : *Divinitus efficaciam erroris, & seductionis immiti, ut credant mendacio.* Ex quo vel solo dogmate infallibiliter inferitur , *Calvinum* tacere Deum Auctorem peccati . Patebit illatio ex inferiùs dicendis . Ac præsertim ex eo , quod elegantissimè declarat Magister *Contenson* lib.8. dilert.1. cap.2. specul.3. hisce verbis : *Illud etiam, impræsentiarum observandum est, non esse mirum, si Calvinus, & hæreticorum hujus temporis omnium antesignanus Lutherus in assertionibus,*

nibus, assert. 36. in tam execrandam blasphemiam proruperint; cum enim bonorum operum necessitatem de medio sustulerint, sceleribus impunitatem, effusissimasque habenas permiserint, non mirandum est, si Deum criminum Authorem pronuntiarent, qui voluerunt habere excusationes ad excusandum in peccatis. Detestata est olim Ecclesia Simonem Magum, qui iubebat legis minas non pertimescere, ut refert Theodoret. lib. 1. de heret. sub. cap. 1. Et Irenæus lib. 1. cap. 20. & 30. Detestata est quoque Aetium Principem Anomæorum, qui Anomæi, quasi exiles vocati sunt, quia contendebant, Deum non curare quid quisque agat, dummodo fidem custodiat, ut refert Epiphanius hæres. 76. & August. lib. de hæresi. cap. 54. Sed veteribus hæreticis impudentissimus Lutherus, qui non solum præsatam hæresim ex orco suscitavit, sed etiam scribere non erubuit, non solum non abesse mala opera, sed abesse etiam bona, sola scelera prodesse. Sic serm. de piscatura Petri. Quamto sceleratior es, inquit, tanto citius Deus gratiam infundit; Et sermone in illud, Sic Deus dilexit mundum: Ego tibi dico, inquit, quia angustia est via, oportet te fieri tenuem, si vis peream transire. Verum quomodo tennem fieri velit Christus Discipulum suum, sic explicat Doctor admodum mysticus, his quæ subjungit verbis: Cæterum, qui operibus onerati sunt, sicut conciliis videmus onustos S. Jacobi peregrinos, ii non poterunt penetrare. O stuporem non tam hominis, quam belluæ! Non tam belluæ brutalitatem, quam dæmonis ex adipe prodeuntem, iniquitatem! Sed quis non lugeat tam infernalem Prophetam tot habere sectatores, & gregales? Nonne de illo iustius quàm de Epicuro illud Lactantii lib. 3. cap. 17. usurpare licet: Archipirata quisquam, vel lutronum ductor, si suos ad grassandum cohortaretur, quò alio sermone uti posset, quàm ut eadem diceret, quæ dixit Lutherus? Sed mirum id nemini videri debet, si vitæ desertoris, & apostatæ adeò nefanda respondeat doctrina; nam juxta proverbium: Habent similem labra lacheram, & dignum est patella operculum. Modò rogo P. Marin, in quo doctrina Thomistarum sententiæ Hæreticorum consentiat, ut pari sit exponenda damnationi? An quia Melancton in locis communibus dictis à num. 1336. ipso teste asserit: Fortissimè & tanquam utraq. manu tenendam esse sententiam, quæ negat, Deum esse nullo modo Autorem peccati? An quia Beza explicans suam, & Calvini mentem Aphorism. 8. asserit, quòd ex istis non sequitur ulla istarum blasphemiarum, nempe, vel Deum esse autorem peccati, sive delectari in iniquitate, aut velle iniquitatem, vel Satanam, aut homines male agendo obedire Deo, aut quatenus malè agunt, facere, quod Deus vult. Et Aphorism. 19. Quidquid agit Deus bonum est: cum à summo bono nihil possit mali proficisci. Quonia autem efficit, omnia igitur bona sunt, quatenus à Deo efficiuntur. Et discrimen illud boni, & mali in instrumentis tandem locum, habet. Et item Aphorism. 21. Deus per quæcumque agit instrumenta, semper benè agit? An quia Jacobus Lanrentius Calvinista locis ab ipso citatis asserit, hanc blasphemiam totidem verbis negare Calvinum? Quasi multum interesset Ecclesiæ Dei, Hæreticos istos libi contraria, ac

pu-

pugnantia contradictoria non posuisse: cum tamen de hujusmodi ac similiis farina hominibus scriptum sit Psalm. 26. *Mentita est iniquitas sibi; repugnantia nempe loquentes*, ut aliquem injustis suis doctrinis colorem inducere possint. Unde dixit *Apostolus* 1. ad *Timoth.* cap. 1. vers. 5. *Finis autem praecepti est charitas de corde puro, & conscientia bona, & fide non ficta. A quibus quidam aberrantes, conversi sunt in vaniloquium, volentes esse Legis Doctores, non intelligentes quae loquuntur, nec de quibus affirmant*: quam descriptionem Haereticis convenire per omnia non negabit. Aberrantes enim à fide recta deficiunt à charitate, & in vaniloquium conversi, cum velint alios legem docere; quae affirmarunt, modò negant, modò affirmant, quod negarunt; Spirituque suo vertiginis acti ultrò, citròque agitantur, prout eos aura vanitatis inflexerit: ut scripsit *S. Irenaeus* lib. 5. cap. 10. *Tales sunt autem omnes Haeretici, & qui plus se aliquid prae veritatem invenire putant, sequentes ea quae praedicta sunt, variè, & multi formiter, & imbecille facientes iter, de iisdem non semper easdem sententias habentes, veluti caci à cecis circumducuntur, juxta cadent in sublatentem ignorantia foveam*. Non ergo est magnum piaculum, quòd dicam Haereticos, ab ipso citatos, contraria docuisse. Illi semper veritatem mendacis subvertere conantes, quaedam rectè sentiunt, & Patrum traditionibus convenientia dicunt, tanquam sua propria dogmata asserentes, ut aliis in locis amara venenata, & viperinae linguae dogmata pharmacis lethaliibus plena evomant, ut observat *Epiphanius* in Concilio *Nycaeno* II. Miror sanè, quòd Doctor ille partes Haeticorum aequè tutas, aequè probabiles exhibeat, partes verò Catholicorum inimunitas, & indefensas: quasi in his infirmiores fuissent Theologi Scholae Thomisticae; & quòd non reflecteret ipse in testimonio *Jacobi Laurentii* ab ipso citati, quantum conqueritur ille de Jesuitis, quòd imposuerunt *Calvino*. Deum esse Auctorem peccati. Hoc verè dixerunt Jesuitae: hoc propugnant Thomistae, non tumultuariis, & putridis ipsorum vocibus insistentes, sed in littera Concilii eorum sententiam reprobantis. Nam quid est aliud, Deum propriè agere adulterium *Davidis* ea proprietate, quà vocatio *Pauli* est opus Dei, nisi Deum adulterii illius Auctorem constituere; sicut nos dicimus vocationis *Pauli* Auctorem esse? Undè Concilium *Tridentinum* in Canone citato damnat eum, qui dixerit, proditionem *Judae* ita esse opus Dei proprium, uti vocationem *Pauli*, quia vidit, per hoc Deum Auctorem dici proditionis, sicuti vocationis *Pauli* ab omnibus dicitur Auctor. Concessit ergo, & affirmavit *Melancthon* locis citatis Deum esse Auctorem peccati, negavit in locis communibus. Quid indè? Nisi fucata contradictio, ut mollioribus verbis suum incautis propinaret errorem; quae simulata aequitas duplex est ipsorum iniquitas: cum in idè iniquissimos se homines prodant, ex quo se esse aequos simulant.

9. Est ergo primaria intentio Concilii duo fide certa declarare: primum, Deum solum operari permittivè mala opera; secundum, Deum non ita propriè, & per se operari mala opera, sicut operatur bona. Cui defi-

definitioni consonat *D. Thomas* in 2. dist. 37. q. 2. art. 2. ubi sibi tertio ob-  
 jiciens: *Quod si Deus esset causa actionum malarum in quantum actiones*  
*sunt, eodem modo dicendus est Auctor bonorum, ac Auctor malorum, sic*  
*respondet: Advertitur dicendum, quod Deus dicitur causa bonarum ope-*  
*rationum non solum quantum ad essentiam actus, sed etiam quantum*  
*ad perfectionem, secundum quam bonæ dicuntur; utrumque enim agen-*  
*ti insluit, & ut agat, & ut bene agat. Sed in malis actionibus, quon-*  
*vis sit causa earum quantum ad essentiam, non tamen est causa quan-*  
*tum ad defectum; & ideo dicendus est causa bonorum operum, non ta-*  
*men peccatorum. Hoc aperte significant verba illa Concilii: Deum,*  
*operari permissivè solum mala opera, & non propriè, & per se; in quo*  
*maximè falluntur Auctores oppositi, asserentes, per puram permissionem*  
*non negare Concilium aliquam operationem veram in mala opera.*  
*Quod sane egregiè falsum est: non enim in Tridentino impropiè, sed*  
*ex communi modo loquendi SS. PP. desumi debet sensus hujus termini*  
*permittere, qui excludit omnem veram efficientiam; cum idem sit, ac*  
*non impedire, ut aliquid fiat. Audiatur D. Augustinus in Enchir.*  
*cap. 101. ubi sic loquitur: Propterea namque magna opera Domini, &*  
*exquisita in omnes voluntates ejus, ut miro, & ineffabili modo non fiat*  
*præter ejus voluntatem, quia non fieret, si non sineret, nec atque no-*  
*lens finit, sed volens. Et cap. 95. Non fit aliquid, nisi omnipotens velit,*  
*ut fiat, vel sinendo, vel ipsum faciendo: quibus clarissimè contraponit*  
*sinere ad facere, & quod contra Dei sit voluntatem, fieri, Deo non fa-*  
*ciente, sed sinente, & volente permissionem. Audiatur D. Cyprianus*  
*ad Demetriadem, Deus cum sit Mundi Dominus, & Rector, nec quid-*  
*quam fieri possit, nisi quod aut fecerit, aut fieri ipse permiserit. En ite-*  
*rum ubi permittere fieri est non facere. In eodem sensu loquutus est*  
*Chrysostomus 2. ad Timoth. 4. Homil. 8. Scito, quod Deus omnia provi-*  
*det, quod alia quidem operatur, alia verò permittit. En ubi contrapo-*  
*nit permissionem operationi, ut, quod permittit, non operetur; ergo*  
*Concilium astringens, Deum operari solum permissivè mala opera, negat,*  
*per puram permissionem erga ipsa aliquam esse Dei operationem. Non*  
*enim admittit, quod Deus plusquam permissivè influat in ipsa pecca-*  
*ta; non, quod dum permittit peccatum, sit aliquis effectus omnipoten-*  
*tia: divinæ erga peccatum; non, quod detur verus Dei effectus erga effi-*  
*cientiam malitiae peccati; absit, quod à Concilio hoc definiatur. Enim*  
*verò intelligi nequit, quod Deus plusquam causa permissiva dicatur*  
*causa peccati; quin verum absolute sit, quod Deus sit vera causa pecca-*  
*ti: cum causa absolute sumatur pro influxu physico, quem verè absolute*  
*Deus præstat. Non similiter admitti potest verus effectus omnipoten-*  
*tia: divinæ erga peccatum, quin detur & affectus ex parte voluntatis,*  
*qui Deo penitus repugnat, cum positivè odio habeat efficientiam pec-*  
*cati, & adhuc ex determinatione creaturæ, cum talis efficientia peccati*  
*ex determinatione creaturæ, sit hominem peccare: ergo si ex Concilio*  
*Deus solum permissivè operatur, licet detur influxus omnipotentia: di-*  
*vinæ erga permissionem peccati, quatenus hac est à Deo, ut efficien-*  
te,

te, non tamen in ipsa permissione includitur vera operatio erga peccatum formaliter sumptam, quam concedunt Adversarii, & inferius magis impugnandam reservo.

10. At ut nulli non constantissimum videatur, quod subdole Thomistis imponunt, & supponunt adversari Concilio, audiantur quæ in hujus argumenti probationem nobis objiciunt. Primò occurrit *P. Ribadeneira* num. 16. cujus argumentum, ne quid efficaciæ à nobis omisum queratur, ipsius verbis proponam. *Calvinus, & Scitarii negant, Deum esse Autorem malitiae formalis, & non sequitur evidenter ex ipsorum principiis, talem esse autorem, si semel id non sequitur ex Dominicanorum principiis: ergo injustè damnarentur à Concilio tanquam facientes Deum Autorem peccati.* Antecedens (quod est minor apud illum) quoad primam partem ait, *patere ex dictis Hæreticorum; quoad secundam ex dictis facile probari. Nam primò considera consequentiam hanc contra Dominicanos: Deus voluntatem liberam, libertate ad eligendum opposita, reddit prædeterminatam ad materiale peccati: ergo etiam ad formale, cum quo inevitabiliter connectitur materiale. Si enim prioris consequentiæ evidentiam sufficienter excludunt PP. Dominicani, quatenus ajunt, malitiam esse extra spheram Dei, ideoque posito materiali, resultare malitiam citra divinam prædeterminationem malitiæ ex voluntate creata libere operante; cur non satis posterioris consequentiæ evidentiam excludunt Calvinistæ, quatenus dicunt, formalem malitiam esse extra spheram Dei, ideoque posito materiali, resultare citra divinam ipsius malitiæ prædeterminationem ex voluntate creata spontè agente? Damnetur ergo Calvinus, quia libertatem evertit, quia sufficientem peccabilitatem non adstruit. At cum suis principiis suppositis neget verbis, Deum esse Autorem peccati, reque ipsa similitudo videatur, ac PP. Dominicani, consequentiam vitare, non satis percipio, justè damnari Calvinum Dominicanis imputitis. Hucusque ille Censor egregius.*

11. Hi autores aut nunquam legerunt Thomistas, & Calvinum, aut non intellexerunt. *Calvinus* docet Deum ad flagitia, ad scelera, homines adigere, impellere, necessitare, sicut ad bonum eos impellit, & necessitat juxta eundem *Calvinum*: Thomistæ verò tacentur, & docent, præeunte Magistro suo, Deum quidem ut primam, & universalissimam causam causare illud physicum, sive entitatem illam physicam, quæ in actu peccati reperitur; negant tamen constantissimè, non solum consequentiam, scilicet, quoddam Deo imputeretur peccatum; sed negant simpliciter Deum esse Authorem peccati; quia peccatum significat entitatem cum defectu; cujus defectus, quem formale peccati nominant, nullo modo causa est, nec dici potest Deus. Ut clariùs differentia pateat, en verba quædam *Calvini*: *Non solum permissu, sed etiam impulsu impii maleficia necessarii, & inevitabiliter perpetrant, spontaneo quidem, & proinde damnabili motu, sed sæpè indeliberato, & à quo nunquam abstinere valeant. Suae iræ ministros illa (providentia) habet Satanam, & impios: & Satanae quidem dat apertum fallendi mandatum, at*  
men-

*mendax sit ex imperio Dei. Flabellum ille ira ejus est, ut corda hominum, quocumque voluerit Deus impellat, nec tantum animos ad malas cupiditates sollicitet, sed efficaciter trahat, quæ erroris efficacia à Deo ipsi manat. Sic v. g. Petrus Pharaonis Deus obfirmandum Satana mandavit, ut efficacia erroris penes ipsum sit, ille ministerium dumtaxat praberit, & Satan instrumentum magis Dei in agendo, quàm à se ipso. Antior sit, ac divinitus efficacia erroris, & seductionis immittatur; Undè clarè etiam duritiem Pharaonis, Dei opus fuisse Moyses affirmat, & Deus negligentes ad sua jussa impios Ezechielis verbis castigat: Maledictus qui facit opus Dei negligenter. Ex quibus clarè patet, juxta Calvinum, eodem modo Deum, idest physicè & moraliter causare opera bona, & mala, id est scelera, flagitia, quæ dicunt non solum entitatem physicam, sed malitiam etiam moralem, seu ut loquuntur Theologi, formale peccati. Vis jam scire qualiter Thomistæ de hac materia loquuntur? Vide hic §. III. sequentem; videbis S. Thomam cum S. Augustino, S. Anselmo negantes peccatum esse à Deo, quia sic importat actum physicum cum deformitate. Si verò de sola entitate physica sermo sit, sic concedunt SS. PP. Deum causare entitatem illam. Vide loco citato. Quòd si Thomistæ, non obstante hac enormi differentiâ, involvendi sint pœnis Calvini, ut putavit P. Ribadeneira, quid de illis, qui terminis expresse docent Deum esse causam peccati, non tantum quoad materiale, sed etiam formale peccati? Vis scire, qui talia docent? P. Avendanno disp. 7. p. 1. §. 19. num. 8. *Concursus Dei*, inquit, *indifferens tendit non solum in entitatem actûs pravi, sed etiam in ipsam malitiam... quod salvatur quin propterea Deus sit causa peccati.* P. Herrera quaest. 13. de scientia Dei sect. 8. *Deus determinatus à Creatura concurrat physicè etiam ad formale peccati.* P. Peinado lib. 2. disp. 5. sect. 2. à num. 20. sæpè repetit: *Deus concurrat physicè ad malitiam, & non solum ad entitatem*: ac ne longior sum, recurre hic ad §. III. sequentem num. 27. Videbis P. Marin allèrentem hanc sententiam esse omnium ferè auctorum Societatis. Undè juxta hos Auctores Deus eodem modo concurrat ad actum bonum, sicut ad actum malum, id est, tam ad materiale, quàm ad formale, licet negent formale peccati Deo imputari, quod etiam Calvinus negavit, ut testatur P. Ribadeneira supra adductus: sed procul ista à Thomistis, quos tamen iste nescivit excusare.*

12. Non minora tentat P. Marin tract. 11. de peccatis disp. 5. sect. 5. num. 66. post P. Ramirez tract. de Prædest. disp. 6. cap. 3. sub sequenti forma, & figura objiciens: Deus absolutè, & sinè restrictione causaret per se mala opera, si causaret per se entitatem mali operis; nam à restricto ad non restrictum valet affirmativè: ergo hac consequentia est bona: Deus causat per se malum opus cum hac restrictione, scilicet quoad entitatem: ergo absolutè causat per se malum opus. Secundò: ut hac proposito sit vera, *malum opus causatur per se à Deo*, sufficit, quòd prædicatum *causatur* conveniat subjecto secundum id, pro quo supponit, licet non secundum id, quod dicit de formali: quâ ratione vera est

ra est hac propositio: *Corpus album est substantias* & ista: *Corpus album est dulce*: ergo cum id, pro quo supponit peccatum, sit entitas, & actio, ut hac propositio sit vera, sufficit, quòd Deus causet entitatem peccati. Tertio in hac propositione, & in illatis immediatè: *Opus malum est vitale*, subjectum, *opus malum*, supponit pro entitate actus, non pro malitia: ergo in hac: *Opus malum causatur per se*, subjectum illius supponit pro entitate: ergo si Deus causat entitatem, absolute verum erit, quòd malum opus causatur à Deo. Quarto: Concilium definiens, mala opera non esse à Deo, improprie loqueretur, si per malum opus non intelligeret entitatem, sed solum malitiam: sicut improprie loqueretur qui per album intelligeret solum albedinem, quæ est forma albi. Tum, quia malum opus secundum quòd dicit malitiam, non est opus, & consequenter non est malum opus, sed privatio: sed improprie loqueretur, qui pro opere sic prolato intelligeret, quod non est opus, sed privatio: ergo.

13. Mirum sanè, quòd dum Auctoribus istis incumberebat maximè omnes ingenii nervos intendere ad hunc articulum solidissimè firmandum, ex quo majores Thomistarum conquestus contra eos exoriri debebant, hoc nobis opponant, quo nihil magis immunum, nihil infirmius. Et quidem primo quis non mirabitur P. Ribadeneira latuisse, consequentias, quas putat similes, ita inter se distare, quantum distat sana sententia ab errore, quantum distat verum à falso? Nam profectò si prædeterminatio relinquit in homine libertatem ad eligendum opposita, homo prædeterminatus ad actum, live pro materiali, sive pro formali, potens est reprobare malum, & eligere bonum; ac subinde quòd malum eligat, vitio hoministribuendum est: ex quo malitia primæ consequentiæ apertissime constat: nec ad id fugiendum recurrunt Thomistæ ad hoc solum, quòd malitia actus sit extra sphaeram omnipotentia, sed respondent: Homo prædeterminatus ad materiale, peccat, quia potest, tenetur, & non vitat malum. Sin autem prædeterminatio solam relinquit libertatem à coactione, & evertit indifferenciam, ut vult Calvinus ad bonum, malitia actus non homini ad illum necessitato, sed causæ prædeterminatione sua necessitante jure merito est adscribenda, nec est apprens ratio, cur illi non tribuatur.

14. Hæc profectò clariora sunt, quàm ut probari debeant: & ex illis patet, quàm reprehensibilis tuerit contra Thomistas objectio: prima quippè consequentia perinde se habet, ac si ad formam syllogisticam, hoc modo reduceretur: *Qui potest, tenetur, & non vitat malitiam sui actus, peccat: sed homo prædeterminatus ad actionem, cui est infallibiliter annexa malitia, potest, tenetur, & non vitat malitiam sui actus: ergo homo prædeterminatus ad actionem, cui est infallibiliter annexa malitia, peccat*. Porro hic syllogismus optimus est, tum ex forma, tum ex materia: ex forma quidem, quia caret omni defectu; ex materia autem, quia major est per se nota; minor autem in argumento supponitur ab Adversariis, vel hostem fingunt; sed ille, istam ex antecedenti primò consequentiam inferri, callidè dissimulavit, & latenter voluit,

Tom. IV.

O

luit,

luit, malitiam ex prædeterminatione deduci eo pacto, quò ex secundæ consequentiæ antecedente contra Calvinistas infertur; at operam perdidit.

15. Consequentiam contra *Calvinum* factam optimam esse ex dictis fit evidens. Si namque in homine Calvinisticæ prædeterminatione moto sola manet libertas à coactione, nulla à necessitate antecedente; nec actum valet impedire, nec malitiam: quo ergo jure malitia actus vitio hominis vertetur? Optimè *D. Thomas* argutias, & cavillationes istas præveniens in 2. ad *Annibal.* dist. 37. art. 3. ad 1. ait: *Quòd non est in potestate navis, vel ejus arbitrio, ut à Gubernatore deferatur, & ideo submersio navis tribuitur Gubernatori, sicut causa: sed peccator ex proprio arbitrio se separat à Deo. Undè ei imputatur suum periculum; nec oportet dicere, quòd Deus sit causa peccati.* Quia nimirum homo prædeterminatus ad materiale peccati potestatem habet antecedentem ad vitandum actum, quam non permittit, sed vult *Calvinus* divinà mōtione deltrui.

16. Quæ obijcit *P. Marin*, non minùs vana, & irrita sunt, sicut solidam, certamque auctoritatem habet oppositum in ipsa littera Concilii. Peccat sanè primum peccato ratiocinationis vitiosæ, & ineptæ. Locus arguendi à restricto ad non restrictum affirmativè non valet variatà appellatione, ut variatur in consequentia facta; cùm in antecedenti, *Actio in quantum actio causatur per se à Deo*, ly in quantum appellet suprà *physicum actionis*, seu entitatem, & in consequenti *peccatum causatur à Deo*, appellet suprà *formale peccati*. Ex quo irritum est, quod secundo loco dicitur, quòd, ut propositio sit vera, sufficit, quòd prædicatum, *causatur*, conveniat subjecto secundùm id, pro quo supponit subjectum, *malum opus*. Facit namque tale prædicatum sensum appellativum. Sicut in his propositionibus: *Deus diligit impium, Deus peccatorem amat*, quæ falsissimæ sunt, licèt id, pro quo supponunt, terminet amorem, & dilectionem Dei. Et propter hoc nullum est argumentum, quod tertio loco proponitur, quia in propositione ista: *Opus malum est vitale*, nulla datur appellatio. Ad quartum respondetur, propriissimum fuisse sensum, & modum loquendi Concilii negantis, Deum pliquàm permissivè causare peccatum, significans per malum opus ipsam malitiam peccati, quæ est extra causalitatem Dei. Non enim in propositionibus facientibus sensum appellativum impropriè quis de aliquo concreto loquitur, etiamsi nomine illius intelligatur significatum formale; immò tunc propriissima est locutio, cum significatum formale est propriissima ratio convenientiæ, aut negationis prædicati. Cùm ergo Deum non causare peccatum proveniat, non ex entitate physica actionis, sed ex malitia, propriissimè loquitur Concilium, nec impropriè accipit malum opus, dum negat ipsum à Deo causari: quæ omnia cùm ex dicendis maxime constabunt, hic amplius dederere, nihil est aliud, quàm tempus, & operam ludere. Sed satis mirari non possum Auctorem istum, qui tract. 11. de peccatis disput. 6. num. 40. insequentem abiit discursum: *Esse causam physicam per se, est quod per*

ve-



verum, & physicum influxum producit effectum; sed Deus per verum, & physicum influxum producit malitiam; quia illam producit per actionem veram, & physicam, & verè physicè egredientem ab omnipotentia: ergo est causa per se malitiæ. Alia inirà notabimus num. 29. Interim verò dissimulare non possumus, hominem nos cum Hæreticis confundere conantem, simulque hæc loquentem; quæ an ita Hæretici loqui aucti fuerint, nec ille concessit, ut suprâ num. 6. vidimus; nec excusandum, quòd hæc protulerit non resolutoriè, sed tanquàm ab alio, cui placeant, defendenda. Quod enim ita proposuit, absurdum non putavit; aliàs scandalum cæteris pararet, & eliet offensionem: quod eliet injustum, & in Doctore Catholico maxime reprehensibile.

## §. II.

*Vindicantur Thomistæ ab alta impostura facta,  
& referuntur sententiæ.*

17. **E**Ruditissimos, ac sapientissimos viros Eminentissimum Cajetanum, Nazarium, Mag. Albelda, Mag. Soto, & Mag. Zumel volunt Molinistæ habere socios in patrociniis sententiæ negantis physicam Prædeterminationem ad materiale peccati; sed immeritò talem, ac tantam injuriam Sapientissimis Magistris irrogant, quod perspicuum erit, si loca, ubi rem ex potestio tractant, in medium producamus. Et quidem primò Eminentissimo Cajetano inter Thomistas merito celeberrimo hæc sententiæ tribuitur, cum tamen difficultatem istam nemo declaraverit aptius. Audiatur 1.2. quæst. 72. art. 1. *Ex hoc autem, quòd de ratione talis actus est esse ab agente deficiente, sequitur, quòd pro quanto est ab agente, sit à Deo primo agente: pro quanto à deficiente, non sit à Deo. Sequitur secundo, quòd dicere, deformatem peccati comitari utrum talem absolute, & dicere ipsam comitari talem actum, ut est ab agente deficiente, idem est, quia de ratione talis actus est esse ab agente deficiente. Sequitur tertio, quòd non est idem concurrere ad talem actum secundum id, quòd habet ab agente ut sic, & secundum id, quòd habet ab agente ut deficiente: sicuti non est idem esse agenti, & esse deficiente: neque esse ab agente, & esse à deficiente. Hæc profundissimus Cajetanus, qui & post pauca lubdit: Distinguat sic actus, moralis malus secundum suam speciem dupliciter. Primò absolute, seu simpliciter. Secundo, secundum id, quòd habet perfectionis. Et primo modo sequitur ad eum deformitas, secundo non. Primo modo est ab agente deficiente: secundo ab agente tantum, ac per hoc à Deo. Et in art. 2. ejusdem quæstionis: Deus est causa actus, qui est peccatum tam secundum esse naturæ, quàm moris, non tamen est causa peccati, quia non est causa, quòd actus sit cum defectu, id est, non est causa concomitantia, seu conjunctionis defectus cum actu. Conjunctionis namque ista non undecumque provenit, sed ex deficiente libero arbitrio, nec convenit actui quo-*

*modolibet sumpto, sed ut à deficiente pendet.* Ecce Eminentissimus iste totus est in ostendendo, immunem esse concursum divinum ab contingentia malitiæ: causare verò entitatem actûs, quæ est materiale actûs. Quo ergo jure illum pro se adducant Recentiores, ego non video: sicut & Nazarium 1. part. quæst. 22. art. 4. pag. 655. lex conclusionibus mentem suam exponentem: quarum prima est: *Deus est causa actûs peccati, etiam secundum speciem naturæ.* Secunda: *Deus non est causa peccati.* Et in sexta statuit: *Deum voluntatem determinare ad actum secundum ejus speciem naturalem.* Et Mag. Albelda ex prolelo 1. par. quæst. 19. art. 8. disput. 59. pag. 726. vers. *Quibus suppositis*, dicentem: *Deus concurrit ad actum peccati, in quantum est ens, non solum concursu simultaneo, verum etiam concursu prævio recepto in voluntate.*

18. Mag. Sotum, qui Tridentino eloquentiæ, sapientiæ, & eruditionis miraculum fuit, sententiam suam tenere affirmant lib. 1. de natur. & grat. cap. 18. Verum ex loco isto, falsitatis convincuntur: ibi enim non longè à fine, statuto concursu generali prædeterminante voluntatem ad actionem peccati, ut est entitas, sententiam explicat iisdem exemplis, quibus illam Angelicus Magister declarat. Igitur propè finem cap. 18. lib. 1. sic habet: *Haud equidem dissentit Theologus, entitatis, (ita vocant) quæ est peccatum, Deum esse causam eo efficientiæ genere, quo cuncta, & animantia, & inanimantia ad suas naturales actiones permoveat.* Ex quo constat, sensitè hunc Magistrum sapientissimum, Deum causare entitatem peccati concursu physicè prædeterminante. At statim præveniens imposturam, à qua ipsum vindicamus modò, explicat, quo pacto ex sua sententia minime sequatur, Deum aliquatenus concurrere ad malitiam, ac deformitatem peccati. Undè subjunxit: *Nec tamen inde statim conficitur, causam esse peccati, quâ parte destituitur à lege, & voluntate Dei.* Et paulò post rem ita declarat: *Uti dum claudus ambulat, homo est causa ambulationis, quòd tamen malè, & incommodè gradiatur in detortam tibiã rejecitur: atque dum optimus scribendi Artifex, sive incommodo calamo, sive in mala papyro scribit, ipse quidem est causa Scripturæ, malitia verò characteris refertur vel in calamm, vel in papyrum: ita prorsus dum quis delinquit, Deus quidem cum homine est causa actionis, quatenus res quædam est, quòd autem à lege declinet, soli imputatur libero arbitrio.* Hæc doctissimus iste Thomista, quibus manifestè Deum vocat causam entitatis peccati nullâ adhibita restrictione; peccati verò asserit non esse causam. Ecce sententiam istam, quæ audacter nimis Calvinismi notatur, in Concilio scripiam, ac publicatam, Patribus Concilii dicatam, ac denique probatam Legatis Concilii specialiter adversus Calvinum congregatis; ergo vel istam illis Orthodoxis Patribus apertè inserant, vel a censura injuriosa desistant. Hæc pro tanto Magistro dicta sint satis.

19. Obijciunt nobis Mag. Fr. Franciscum Zumel, virum illon eruditum, qui omni scientiæ gloriæ invalit, omnem tenuit, & quem tanti fecit Clemens VIII. ut ad ejus immortalem gloriæ in suo Brevi

Ap-  
po-

Apostolico die 10. Martii anni Domini 1603. magnis ipsum celebret præconiis dicens: *Hæc omnia manifestius agnovimus, & prospeximus ex hoc tuo commentario, quem ex tuo zelo incensus, & ejusdem Nuicii cobortatione permotus nuper scripsisti, ut quorundam hominum novitates amantium parùm consideratas (ne quid gravius dicamus) opiniones confutares, & veritatem in re gravi asseveres, & roborares. Atterit namque 1. part. quæst. 22. art. 4. Append. Quamvis Deus immediatè concurrat ad entitatem, & substantiam actûs mali, & peccati, & sit verissimum: dicere tamen, esse prærequisitum auxilium efficax Dei prædeterminans, & præmovens efficaciter voluntatem hominis ad actum peccati, & mali moralis, etiam pro materiali, neque est verum, neque sana doctrina consonum: immò verò est falsum . . . hæc assertio statuitur peculiariter contra eos Hæreticos, qui agebant, Deum ab æterno, antequam videret voluntatem hominis determinantem se in actum peccati, ita statuisse: volo, ut Petrus tali die mentiatur, & tali adulteretur, & quòd ex vi hujus efficacis voluntatis Dei Petrus de sancto mentitur, & fornicatur &c. Ita censuerant plures ex Hæreticis Lutheranis. Ita Philippus Melancthon super Epist. ad Rom. impudenter asseverat, Deum esse causam peccatorum, & quòd non minùs proditio Judæ, quàm conversio Pauli fuerit ex voluntate Dei. Hucusque prædictus Auctor. Ex quo sanè vanum triumphum sibi quarunt Adversarii.*

20. Potest namque in peccato præter formalem deformitatem, considerari entitas peccati, seu actio peccati, & libertas, & omnes alie formalitates purè physicae, quæ in peccato sunt, & vulgò vocantur materiale peccati, seu operis mali; & istæ possunt dupliciter sumi, vel formaliter prout ordinantur, subsunt, & connotant formalem malitiam, non per se intentam à creatura, vel purè materialiter, ut entitas, & actio, seclusò tali ordine, & connotatione. Ut certissimum supponunt Thomistæ, Deum non posse absolutè determinare materiale peccati in primo sensu, seu formaliter, ut connotat, & subest formali malitiæ; quia determinaret malum opus, & peccatum, & ex consequenti peccaret, & determinaret malitiam: qui enim determinat substratum alicujus concreti, ut subest formæ, determinat concretum ex substrato, & forma; sed peccatum dicit actionem liberam pro substrato, & malitiam pro formæ: ergo si Deus determinaret actionem, ut subest malitiæ, peccatum determinaret. In hoc sensu loquitur prædictus Magister hanc assertionem statuens peculiariter contra eos Hæreticos, qui agebant, Deum ab æterno aliquos ad malum prædestinasse, qui error damnatus fuit in Concilio Arausicano II. Can. 25. sequentibus verbis: *Aliquos verò ad malum divinâ potestate prædestinatos esse, non solum non credimus, sed etiam si sunt, qui tantum malum credere velint, cum omni detestatione in illos anathema dicimus.* Quorum hæretum renovarunt Lutherus, & Calvinus. Si ergo non cum illa præcisiua, & metaphysica terminorum distinctione loquitur, contradistinguens ipsum materiale materialiter, vel formaliter acceptum, est, quia temporibus illis, etiam

jam

jam essent hujusmodi nova: disputationis inter Catholicos initia, non tamen orta erat contentio, & dissensio, occasionem criminandi arripens ex confusa intelligentia hujus termini *materialis*, quem semper formaliter accipit Auctor ille, & ut contradistinguitur entitati peccati, quam à Deo esse dixerat ibi quaest. 4. art. 2., *quia nempe actiones peccatorum sunt entia realia positiva à Deo creata: ergo sunt à Deo tanquam à causa efficiente*. Rursus: *Hujusmodi entia subtrata sunt bona: ergo sunt à Deo*.

21. Verum non est, quod innoceamus, nec subtiliora rimari necessum est, ut à tali sententia remotissimum fuisse noverimus. Audiatur 1. 2. quaest. 79. art. 1. ubi inquit D. Thomas: *Utrum Deus sit causa peccati? Pro explicatione hujus difficultatis, inquit, primò sentiendum est catholicè, ad omnem entitatem realem peccati, quatenus actio, & entitas realis est, Deum immediatè concurrere tanquam primam causam, & per se illius entitatis, & operationis*. Hæc est contra Durandum, & aliqua ex parte contra recentes Theologos, quos taceo. PP. Molinam, & Suarez intelligit Auctor, quos nūquam ex nomine designavit, nisi dum expressè in quaestionibus variis ipsorum retellebat opiniones. En ubi apertè asserit, Deum immediatè concurrere tanquam primam causam, & per se illius entitatis, & operationis, quæ nequit esse à Deo, ut primo efficiente, quin sit ab ipso, ut primo libero: quia ratio primi efficientis convertitur cum ratione primi liberi: ergo est à Deo, ut primo determinante, quia de ratione primi liberi est esse primum determinans, sicut de ratione liberi est determinare, & secundi liberi secundò determinare: ergo Deus concurrens ad entitatem ipsam determinat. Si ergo negat in prædicto testimonio, Deum efficaciter præmovere voluntatem hominis ad actum peccati, etiam pro materiali, non accipit materiale materialiter sumptum, sed formaliter: sicut illud accipit 1. 2. quaest. 111. art. 3. disput. 4. vocans materiale peccati entitatem malam, dicens: *Implicat prædeterminare entitatem malam, & movere ad illam, quin moveat ad formale peccati*: hinc denuò repetens se agere contra Calvinum, & Lutherum. Et expressiùs mentem suam aperit, dicens: *Nullus Hæreticorum dixit, Deum concurrere ad formale peccati, sed tantum ad materiale, præmovendo, & prædeterminando arbitrium nostrum*: quæ eadem verba etsi legantur in P. Marin dicta sect. 5. num. 64. non tamen est mens, & fides una: nam Doctor ille ex prædeterminatione ad materiale, materialiter sumpto, arguere vult, Deum esse Auctorem peccati: ille verò contra Hæreticos ex materiali formaliter sumpto.

22. Aliud sanè testimonium huic nostro argumento accommodatissimum observare est tom. 1. variarum disputationum in Append. ad disp. 5. sect. 1. pag. 250. edit. Salmanticensis, juxta Lugdunen. verò tom. 3. pag. 209. §. *Ad confirmationem: Nobis certissimum est, Deum non præmovere ad peccatum, sicuti alibi fusiùs ostendimus 1. 2. qu. 111. & 1. part. quaest. 22. art. 4. disp. unica: Non enim militat utroque par ratio de actibus bonis, & de malis, seu peccaminosis*. Primò, quia homo  
non

non subordinatur Deo, ut peccans est, sicut subordinatur Deo, ut est bene agens. Rursus, Deus non est causa peccati, neque prima, neque secunda, neque per se, neque per accidens; homo vero est verè, & propriè causa sui peccati, & in peccando minimè subordinata Deo. Tertiò: Deus neque excitat, neque vocat, aut invitat ad malum actum peccati, sicut excitat, & vocat ad bonum actum conversionis, & pœnitentia. Quartò, quia Deus prohibet peccata, & actiones malas, quæ sint contra legem, & præcepta ejus, & quidem leges prohibentes peccata, ne fiant ab hominibus, prohibent etiam actiones peccaminosas, & pravas moraliter. Quintò, quia Deus non est causa moralis consilians, neque præcipiens ullo pacto actus pravorum, & solum dicitur causa naturalis actionum. Sextò, quia Deus est prima bonitas per essentiam, ac proinde non potest illi subordinari actio mala ut sic, neque homo ut pravè, & malè agens. Cum igitur hæc tam diversa sint, & intercedant inter actus bonos, & malos, non oportet consequenter loqui de actibus malis, & peccaminosis, sicuti de actibus bonis, & consequenter negandum est, Deum prædeterminare, & prædesinire odium Dei, aut volitionem Jurandi, aut similes actiones malas. Hic clarissimè sententiam suam proponit, explicans novâ luce, quod 1. part. quæst. 22. art. 4. asseruit, non dari prædeterminationem ad materiale peccati; quia nempe Deus esset causa peccati, & quia homo non subordinatur Deo, ut peccans est, & quia Deus non excitat, neque vocat, aut invitat ad malum actum peccati, cum non sit causa moralis consilians, aut præcipiens actus pravorum, sed solum causa naturalis actionum. Qui textus minime favet Adversariis, cum verbis illis: Rursus, Deus non est causa peccati, neque prima, neque secunda, neque per se, neque per accidens, neget omnem causalitatem plusquam permissivam, & quod non est causa peccati per accidens, ut affirmant ipsi. Viderint ergo, quo fidenti animo sapientissimum istum Magistrum in oppositam Thomistarum sententiam pronunciant. Verum de his satis. Nam his paucis expostitis, qualis, quantaque sit citandi incuria, facillè intelligitur.

23. His ergo despectis levibus judiciis, duplex in præsentī occurrit sententia. Prima affirmat, Deum concurrere ad formale peccati; quia tamen non concurrat ex sua determinatione, sed ex determinatione creaturæ, & contra suam inclinationem, ideò solum permissivè, & per accidens est causa peccati, quam communem Auctorem Societatis asserit P. Marin loco citato disp. 6. sect. 1. num. 5. Et P. Ramirez de Prædest. disp. 6. cap. 4. & 5. Sententia negans, Deum ullo modo concurrere ad aualitiam, seu detormitatem peccati, eam aliquatenus producendo, aut attingendo concursu positivo, est communis Thomistarum, & frequentissima apud alios Theologos, inconcusque apud antiquiores, non agnoscens in Deo aliam aualitæ causalitatem, nisi purè permissivam, sumptâ permissione pro voluntaria, ac libera, iustaque negatione concursus requisitū ad vitandum peccatum. His suppositis, sit

## §. III.

*Deus nullatenus concurrat ad formale peccati, nec est causa per accidens malitiæ, & deformitatis.*

24. **F**Irmissimum, & irrefragabile hujus veritatis præbet testimonium D. Thomas, supponendo ex Adversariis, quod videbimus infra, Deum vel causare, vel concurrere ad malitiam peccati eodem in sensu, eademque proprietate, quâ vel causat, vel concurrat ad entitatem illius. Etenim apud D. Thomam est evidentissimum, Deum longè aliter se habere in suo concursu ad malitiam, ac in illo se habere ad illius entitatem; quod clarè percipiet, qui vel leviter attenderit ordinem, & altissimam methodum, quam observat, ubicumque materiam subjectam nostræ disputationi pertractat: semper enim tali procedit articulorum ordine, ut in priori inquirat, *Utrum peccatum sit à Deo?* In posteriori verò, *Utrum actus peccati sit à Deo?* Ita in 2. dist. 37. quæst. 79. Ita in disputatione de Malo quæst. 3. Ita in prima secunda quæst. 79. Deinde in his locis ita resolutionem tradit, ut in 1. artic. asserat, *peccatum non esse à Deo, & Deum non esse causam peccati*, in secundo verò asserit, *à Deo esse actum peccati*: immò planè, & evidenter resolvit in secundis articulis illarum quæstionum, Deum esse causam, & Auctorem actionis, ut Dubio sequenti videbimus: ergo mentem D. Thomæ, qui ut veri Discipuli profitentur sequi in hac controversia, debent nobiscum asserere, Deum longè aliter concurrere ad entitatem peccaminosi actus, quàm ad malitiam peccati. Si enim concursus Dei pari modo, eademque habitudine se haberet ad malitiam, & ad peccati entitatem; eo in sensu, in quo entitas peccati dicitur esse à Deo, malitia quoque esse à Deo deberet dici; nec enim alio modo, vel per aliud medium entitas peccati est à Deo, quàm per influxum sui concursus: sed D. Thomas in primis articulis citatis illarum trium quæstionum absolute negat, peccatum esse à Deo, & articulis secundis constantissimè asserit, esse à Deo entitatem peccati, cujus entitatis Deum aliquando vocat Auctorem, semper verò causam; quod & sæpius dixit in 3. lib. contra Gentes: ergo juxta mentem D. Thomæ longè aliter se habet ad entitatem peccati, ac ad illius malitiam: modoque loquendi aptissimo, ac profundissimo, ut absit omnis æquivocatio, ut in actu inveniret defectum, ad defectum principii recurrit, ita quòd utrumque explicet, & naturam principii, cujus vitio defectum vertit actionis; & actum: in eo distinguens id, quod in illo entitatis, & perfectionis est, ab eo, quod in illo est deformitatis, & defectus: primum tribuit Deo, & voluntati ut efficienti, prout bene Eñus Cajetanus loco cit. exposuit; secundum verò tribuit voluntati, ut deficienti, minimè concursui divino, qui defectu aliquo infici non potest.

25. Hoc maximam auctoritatem accipit ex illo Joann. 1. *Et sine illo factum est nihil*: quibus verbis juxta D. Augustinum, Origenem, D. Thomam, & alios plures, ut asserit ibi D. Thomas lect. 2. litt. B. in fine,

sine, significatur puritas causalitatis divina, quia sic est causa bonorum, quod non est causa peccati. Ex quibus fit argumentum. Quod fit Deo positivè concurrente, non fit sine Deo: sed peccatum per vos fit Deo positivè concurrente: ergo peccatum non fit sine Deo: sed hæc propositio: *Peccatum non fit sine Deo*, est contradictoria illius: *Sine ipso factum est nihil*, juxta intelligentiam Sanctorum Patrum: ergo concursus positivus Dei ad formale peccati defenditur apertè contra Sacram Scripturam, ut intellectam ab *Augustino*, *Origene*, *D. Thoma*, & aliis: sufficit enim, quòd non fiat sine Deo positivè concurrente, ut non dicatur absolute fieri sine Deo, sicut in loco citato absolute dicitur.

26. Hoc ipsum apertissimè deducitur ex variis Sancti Patrum testimoniis, in quibus efficientia Dei diverso modo comparatur ad entitatem peccati, ac ad malitiam. Constat ex *D. Augustino* lib. 1. de libero arbitrio cap. 2. his verbis: *Credimus autem, ex uno Deo omnia esse quæ sunt, & tamen non esse peccatorum Antioem Deum*. Et lib. 1. retract. cap. 26. allerit: *Videndum est, ne malè intelligatur, quod dixi, mali Auctor non est, quia omnium, quæ sunt, Auctor est; quia in quantum sunt, in tantum bona sunt*. Ubi positivè affirmat, quòd malum, quatenus est bonum, bonitate scilicet physicà, sic habet Deum Auctorem, licet Deus non sit Auctor mali. Et lib. questionum 83. quæst. 21. *Quisquis omnium, quæ sunt, Auctor est, & ad cujus bonitatem id tantum pertinet, ut sit omne quod est, non esse ad eum pertinere nullò modo potest. Omne autem quod deficit, ab eo quod est esse deficit. . . quocirca mali Auctor non est, qui omnium quæ sunt, Auctor est; quia in quantum sunt, in tantum bona sunt*. Sic eruditè dixit *D. Anselmus* lib. de Casu Diaboli cap. 20. *Voluntas mala quatenus voluntas, motus, & actus est, est ex Deo: quatenus iustitia caret, non Dei est, sed volentis*. Et lib. de concordia præscientiæ, & prædestinationis cap. 7. sententiam istam docet, & explicat distinctione eadem, quâ utitur *D. Thomas*: *Omnis qualitas, inquit, vel omnis actio, & quidquid aliquam habet essentiam à Deo est, à quo omnis iustitia, & nulla iniustitia. Facit igitur Deus omnia, quæ iustà, vel iniustà voluntate sunt, id est bona opera, & mala: in bonis quidem facit, & quod sunt, & quod bona sunt; in malis verò facit quod sunt, non quod mala sunt*. Quo sanè nihil expressius desiderari potest, & quod ad evidentiam rem nostram efficacissimè probat. Si enim formale peccati esset à Deo in eo sensu, & proprietate locutionis, quâ est à Deo actio peccati, iniustitia esset à Deo ea in proprietate locutionis, & in eo sensu, in quo à Deo est iustitia, quod asserere nullus audebit. Id verò sequi probatur ex verbis *Anselmi*, dum clarissimè probat, actionem peccati esse à Deo, quia ab illo est omnis iustitia: ergo si formale peccati est à Deo eo prorsus modo, quo actio peccati, à Deo erit iniustitia eo prorsus modo, quo à Deo est iustitia. Vel alter: non est à Deo iniustitia; sed malitia, & formale peccati est ipsa iniustitia: ergo formale peccati non est à Deo eo in sensu, & proprietate, quo ab illo est materiale, aliquin esset à Deo iniustitia eo in sensu, quo ab illo est iustitia.

Tom. IV.

P

27. Hæc

27. Hæc cum ita sint, non possunt Adversarii negare communem Sanctorum, & Theologorum locutionem; quæ absolute, & absque ullo addito restringente, aut diminuente, Deum proferunt causam actionis, quæ est peccatum, & entitatis, quæ peccati malitia inficitur: sed, ut illi affirmant, evidens est, Deum ad formale peccati ita suo se habere concursu, & eoque in sensu, ac locutionis proprietate, quo in sensu, & proprietate se habet, juxta Sanctos, ac Theologos ad actionem peccati, & entitatem, quæ malitia inficitur, quod ne à nobis ipsis impositum dicant, audiant P. Marin dicta sect. 5. num. 39. *Juxta serè omnes nostros Auctores modernos Deus eodem modo est causa malitiæ, ac entitatis, & actus peccati* ( & existimant hi Auctores hanc esse mentem D. Thomæ ) *sed juxta D. Thomam, Deus est causa per se purè physica entitatis, & actus peccati: ergo Deus est causa per se purè physica malitiæ*. Et num. 40. *Deo tribuendus est ille influxus, qui magis conformis est SS. PP. & D. Thomæ. Sed SS. PP. & D. Thomæ magis conformis est influxus causæ physicae per se: quia absolute, & sine restrictione dicunt, Deum causare quidquid physicum est in peccato, quæ verba juxta nos significant modum causandi: ergo sine restrictione influit physicè in peccatum, & est causa physica peccati: & consequenter est causa purè physica per se: quæ alienatio semper addenda ad vitandum malum sonum, quod & repetit n. 42. Ac verò Deus verè physicè influit, & per verum, & physicum influxum influit in peccatum, & prævidet futurum peccatum, & à Patribus dicitur causare quidquid positivum est in peccato, & hoc extendit ejus dominium: cur ergo non erit causa physica peccati? Non moralis, quia plus requiritur, ut aliquid sit causa moralis, quàm physica, & idèò forsan ars non dicitur causa moralis mali artefacti. Si ergo minorem istam volunt esse evidentem, vel saltem esse probabilem: ergo saltem probabiles erunt hæc propositiones absolute prolata: Deus est causa malitiæ; Deus est causa peccati.*

## §. IV.

*Prima ratio Conclusionis probativa proponitur.*

28. **N**unc rationibus disserendum est. Et prima desumitur ex dictis; nam concursus ille eodem modo denominat Deum concurrentem ad formale, quo illum denominat concurrentem ad entitatem, seu ad materiale peccati juxta Adversarios; sed absolute denominat Deum concurrentem ad entitatem, seu materiale peccati: ergo absolute denominat Deum concurrentem ad formale peccati: sed concursus turpis, & inhonestus, qualis est concursus ad formale peccati, qui est ipsum peccati formale, non potest non tribuere denominationem turpiter, & inhonestè concurrentis: ergo concursus ad formale peccati Deum denominat inhonestè concurrentem, quod pugnat cum summa, & infinita Dei sanctitate, Deumque talem constituit, qualem nec Pagani agnoscere vellent.

29. Re-



29. Respondebis primò ex Patre *Herrera* de Prædestin. quæst. 8. num. 39. distinguendo majorem sub his terminis: *Deus nihil potest agere per se ex propria determinatione, nisi bonè, & laudabiliter, concedo: per accidens, & ex aliena determinatione nego antecedens.* In his enim operationibus *Deus non est necessariò laudabilis.* Nec ab ipso dissentit *P. Ramirez* de Prædestinat. disp. 6. cap. 4. num. 110. *Nec quia actio creaturæ indivisibiliter sit actio potentia, quò ut causa universalis, & prima concurrat ad peccatum, Deus dici potest cooperator ad malum: quia ad cooperationem ultra concursum effectivum, requiritur concurrere ad effectum, vel ex propria determinatione, vel propria inclinatione.* Ulteriùs progreditur *P. Marin* sect. 3. num. 30. ubi allerit: *Deum nihil odisse eorum, quæ facit ex propria determinatione, & hoc significat illud verbum: quod Deus fecit, Deus operatus est, sumptum sine restrictione, aut sine termino, ratione cujus cognoscatur alius sensus, ut diximus disputatione de materiali sect. 6. quod est propriè facere: secus quæ facit ex determinatione creaturæ: & similiter omnia, quæ facit ex propria determinatione, facit propter finem: non verò, quæ facit ex aliena determinatione, quia est causa per accidens illorum: postquam verò facta sunt, ea ordinat ad finem.* Item illa actio est tendentia Omnipotentia agentis, & tendit in finem determinatum à creatura, sed ex aliena determinatione creaturæ. Et ibi: Item determinatur Omnipotentia ad peccatum, quasi violenter, & quasi invita, ut supra diximus ex SS. PP. Itaque in illo casu agit physicè Omnipotentia propter bonum commutabile ex determinatione creaturæ. Quod idem est, ac creaturam agere propter bonum commutabile, & Deum permisisse determinari à creatura. Hæc miratur *Palancus*; sed sunt primum principia nostræ Scholæ. Et similiter: Omnipotentia respicit in actu secundo tale bonum tanquam finem ultimum ex determinatione creaturæ; & eodem modo tendit in finem in bonestum: & quodammodo eadem ratione respicit finem commutabilem, non tanquam Deum Omnipotentia, sed tanquam Deum creaturæ, juxta illud: Quorum Deus venter est. Hæc absurdissima vocat *Palancus* num. 94. sed nostra Schola judicat vera. Et num. 32. Quid actio peccati est connaturalis Omnipotentia, prout opponitur violento simpliciter tali: non tamen est connaturalis Omnipotentia, quatenus Omnipotentia habeat inclinationem in illam: quia est secundum quid violentia Omnipotentia, ut constat ex SS. PP. & nostris rationibus. Et iterum ibi: At verò intendimus, posse aliquid egredi ab aliqua potentia contra inclinationem potentia: ut dum arripitur manus filii ad percutiendum Patrem, percussio habet esse per egressionem à filio, sed contra inclinationem filii: similiter Omnipotentia concurrat quasi violenta. Et num. 33. Idè esse causam per accidens, quia concurrat quasi violenta: quia hoc ipso concurrat contra propriam inclinationem, & unice ex aliena determinatione. Hæc Auctor ille.

30. At nusquam sanè crederem, ullum vel modicè doctum, vel in doctrina SS. PP. aliquid verum, hoc asserere posse: quanto magis esse principia Scholæ Jesuiticæ, quam pietas magna, sapientia insignis,

& Sacrarum Litterarum peritia commendat. Quis enim, iterum dico, quis judicet, esse principia hujus Scholæ, quod Deus aut non odio habeat peccatum, quia illud facit ex determinatione creaturæ; aut quod ex ejus determinatione faciat, quod odio habet? An nempe credibile est, vel quis libi cogitatione fingere potest, quod actio Omnipotentia tendat in finem peccati, & physicè agat propter bonum commutabile ex determinatione creaturæ? Quod respiciat Omnipotentia in actu secundo tale bonum tanquam finem ultimum ex determinatione creaturæ, & tendat in finem inhonestum ex ejusdem determinatione? Quod actio, quæ Deus causat actionem, & malitiam peccati sit violenta Omnipotentia, & quod Omnipotentia concurrat quasi violenta, quasi Deus violenter, & non liberè operari posset ex determinatione creaturæ? Quod Deus respiciat finem commutabilem, etsi non tanquam Deum Omnipotentia, bene tamen tanquam Deum creaturæ? Quis non hoc absurdum putet? Aut quomodo extra censuræ aleam in tuto posita hujusmodi assertio? Unde contra illam sic argumentor. Primò: etiam si concursus ille existat ex determinatione voluntatis creatæ, tamen in quantum inhonestus, & turpis, est concursus Dei: non enim inter concursum illum, prout à Deo, & prout à voluntate, est aliqua in eorum principiis formalis, aut virtualis distinctio, alioquin de illa minima entitate à parte rei contraria, aut contradictoria prædicata verificarentur: quod nempe concursus ille, prout à Deo, non esset turpis, nec esset inhonestus, immò esset bonus, & honestus; & prout à voluntate esset turpis, & inhonestus; cum tamen honestas petatur non ex principio effectivo, sed ex objecto, & circumstantiis; sive quod ad propositum est idem, ex conformitate ad regulas: sed concursus turpis, & inhonestus, ut inhonestus, & turpis non potest non tribuere denominationem turpiter, & inhonestè concurrentis: ergo si concursus ille prout à Deo turpis est, & inhonestus, Deum nominat inhonestè, & pravè concurrentem. Cur enim à concursu in actum bonum denominatur concurrens sanctus, & laudabilis, & à concursu turpi non denominabitur concurrens turpis, & inhonestus? Uterque actus existit in eorum principiis ex determinatione voluntatis creatæ, & nullo modo ex determinatione Dei: nec minis est præter voluntatem Dei existentia actus boni, & concursus ad illum requisiti, quam concursus, & existentia actus mali. Tria assignant ipsi ad existentiam actus boni, nimirum scientiam eventus, collationem auxilii indifferentis, ac voluntatem inefficacem actus boni; cum verò concursus est ad actum pravam, assignant scientiam eventus, collationem auxilii, & nolitionem inefficacem actus pravi. Unde dispositio Dei, ut concurrat ad actum bonum, tantum, dissert à dispositione ejusdem, ut concurrat ad actum pravam, quia ad illum præsupponitur voluntas inefficax actus, & concursus; ad istum verò nolitio etiam inefficax actus mali, & concursus: quod sanè non sufficit, ut existentia actus boni non sit præter voluntatem Dei; cum actus bonus non possit dici existere ex vi illius intentionis, & voluntatis, quæ ipsius non est causa, & quæ est conjungibilis cum ejus carentia.

Sicut

Sicut & nolitio inefficax existentiae peccati per accidens se habet ad existentiam peccati, quia nolitio illa, quantum est ex se, conjungibilis est cum existentia, & carentia peccati: ergo si primo illo concursu, etsi non existente ex determinatione Dei, Deus denominatur laudabiliter concurrens, & concursu illo turpi denominabitur inhonestè concurrens, quod ex ipsismet terminis horridum sonat. Enimverò, sicut est sancta voluntas Dei, ita est sancta ejus Omnipotentia: sed quia est sancta voluntas, nequit affectivè attingere inhonestum, & turpe: ergo quia est sancta ejus Omnipotentia, nequit esse causa turpis, & inhonesti. Aequè enim chimæricum est, Omnipotentiam Dei concurrere concursu turpi, & non amato à Deo, ac ponere voluntatem Divinam tendentem in objectum turpe, & inhonestum; sicuti & intellectum divinum intelligentem intellectione turpi, & non amata à Deo. Ergo si Omnipotentia est formaliter sancta, implicat concurrere concursu turpi: quomodo enim ipsa erit formaliter sancta, dum aliquod sui exercitium est formaliter turpe?

31. Secundò, quia falsum est, quòd, ut aliquid sit causa simpliciter, & per se, requiratur, quòd præstet suum concursum juxta inclinationem naturalem, vel elicitam; cum possit esse causa simpliciter, & per se, etiam si contra utramque inclinationem concursum præstet, dummodo producat operationem, quam in virtute activè continet. Undè licèt projiciens lapidem sursum sit causa simpliciter, & per se talis motus, non verò sit causa hujusmodi ipse lapis; tamen hoc est, quia lapis nullum præstat concursum, sed se habet merè passivè. At è contra Deus in effectibus miraculosis plerumque operatur contra inclinationem naturalem rerum, & tamen causæ secundæ, quibus utitur, multoties sunt causæ effectus miraculosi. Nec similiter requiritur, quòd sit juxta inclinationem causæ; assensus enim erroneus elicitus ab intellectu verè est opus intellectus, & tamen non est juxta ejus inclinationem, sed contra illam, quia intellectus naturaliter inclinatur in assensum verum. Hoc in suis principiis tenentur Adversarii confiteri. Deus offerens voluntati concursum indifferenter ad actum honestum, & ad actum turpem, non præstat concursum juxta inclinationem naturalem, aut elicitam voluntatis: ergo sicut determinatus à nostra voluntate ad actum turpem non est causa simpliciter, & per se illius; neque etiam determinatus ad actum honestum erit causa simpliciter, & per se illius. Vel urgentius: Concursus ille indifferens, quantum est ex se, in ipsorum principiis, æqualiter præstat voluntati à Deo ad actum turpem, & ad actum honestum: ergo vel prout determinatus à voluntate ad actum turpem efficitur juxta inclinationem elicitam voluntatis, & sic jam erit causa peccati simpliciter, & per se: vel prout determinatus à voluntate ad actum honestum non efficitur juxta inclinationem elicitam voluntatis, & sic non erit causa simpliciter, & per se talis actus.

32. Tertiò, quia si nos falsi sumus in doctrina ista, & in eadem falsos fuisse *Augustinum*, & *Thomam* confiteri tenentur. Nihil enim certius in doctrina utriusque S. Doctoris, quàm Deum non operari nisi

medio imperio suae voluntatis, & juxta illius inclinationem. Constat ex D. *Augustino* lib. 83. qq. q. 32. dicente: *Illo Auctore dicitur, quod illo volente dicitur, & in Enchir. cap. 100. Deus ergo omnipotens; sive per misericordiam cuius vult misereatur, sive quem velit obduret, neque iniquè quicquam facit, nec quicquam facit nisi volens*: ergo si positive influit ratione suae omnipotentiae in actionem peccati, volens & juxta propriam inclinationem illam facit. Cujus ratio evidentissima assignatur à D. *Thoma* 1. p. q. 25. art. 5. ad 1. dicente: *In nobis, in quibus est aliud potentia, & essentia à voluntate, & intellectus; & iterum intellectus aliud à sapientia, & voluntas aliud à iustitia, potest esse aliquid in potentia, quod non potest esse in voluntate iusta, vel in intellectu sapiente. Sed in Deo est idem potentia, voluntas, & essentia, & intellectus, & sapientia, & iustitia. Unde nihil potest esse in potentia divina, quod non possit esse in voluntate iusta ipsius, & in intellectu sapientiae ejus. Tum, quia voluntas non determinatur ex necessitate ad hanc, vel illa, nisi forte ex suppositione. . . . Quod autem attribuitur potentia divinae secundum quod exequitur imperium voluntatis iustae, hoc dicitur Deum posse facere de potentia ordinata. Secundum hoc ergo dicendum est, quod Deus potest alia facere de potentia absoluta, quam quae praescribit, & praordinavit, se futurum, non tamen potest esse, quod aliqua faciat, quae non praescriberit, & praordinaverit, se futurum, quia ipsum facere subjacet praescientiae, & praordinationi, non autem ipsum posse, quod est naturale. Idem enim Deus aliquid facit, quia vult. Si ergo juxta Anglicum Praeceptorem Deus ideo aliquid facit, quia vult; si ipsum facere subjacet praescientiae, & praordinationi, quia divina potentia aequalis est suae sapientiae, & potentia se extendit ad omne illud, in quo potest salvari ratio entis: ergo si actio peccati est verum ens pracontentum in omnipotentia, si pracontinetur in ipsa voluntate; & sapientia Dei ipsam formaliter ordinante, & volente, & pracontineri debet intra inclinationem innatam Dei, cum hac inclinatione non distinguatur ab essentia, & virtute activa Dei. Quomodo ergo effectus iste non erit ex propria intentione, & determinatione Dei? Maxime dum scientia, quae Deus est causa rerum, sit solum scientia approbationis, quae non se extendit ad ea, quae Deus cognoscit per scientiam reprobationis, juxta eundem S. Doctorem 1. p. quaest. 13. art. 16. *Scientia, quod Deus cognoscit peccata, non est practica ex parte rei operabilis, sed tantum secundum quid, in quantum illa permittit, vel impedit*. Quae permissio, licet sit volita à Deo, non tamen peccatum permissum. Secundò: ideo probat D. *Thomas*, quod nihil potest esse in potentia divina, quod non sit in voluntate iusta ipsius, & in intellectu sapientiae ejus, quia voluntas non determinatur ex necessitate ad hanc, vel illa: ergo Deus applicat suam omnipotentiam, ut hic, & nunc efficiat actionem peccati per aliquid divinum liberum, nempe per actum voluntatis divinae: ergo prius est, Deum velle hic, & nunc, omnipotentiam efficere, quam quod omnipotentia efficiat: non ergo omnipotentia Dei malitiam efficiet, si Deus prius non vult malitiam efficere.*

Ter-

Tertiò, malitia, & formale peccati, licet ex determinatione creaturæ existens, nequit esse rectè ordinata, vel ad finem bonum ordinari: ergo nec ex determinatione ejusdem potest ab omnipotentia Dei effici: qui enim rectè illam ex determinatione aliena efficeret, ex eadem determinatione illam rectè ordinaret. Vel aliter: Deus efficiens formale peccati ex determinatione creaturæ, vel operatur propter finem, vel non? Secundum est expressè contra D. *Thomam*, cum ipsum tacere Dei subiaceat præordinationi divinæ. Si primum: vel operatur propter finem honestum, vel propter malum finem? Si hoc secundo modo, peccat, & malè agit; nisi fortè credatur, posse aliquem benè agere operando propter malum finem. Si propter finem honestum: ergo peccatum non efficitur: non enim peccatum est, quod propter bonum finem operatur. Ergo vel dicendum est, Deum nuntimè peccatum efficere; vel quòd in influxu positivo, & executivo peccati sapienter, & justè operans, propter malum finem operatur, vel quòd ipsam aversionem, & deordinationem à Deo, ut proprium effectum, ordinat ad bonum finem, quæ omnia chimerica, & impossibilia sunt.

33. Tandem id maximè evincitur ex inconvenientibus, quæ ex hujusmodi positione sequuntur. Primum sit: quia si Deus propriè, physicè, & immediatè influat in malitiam peccati contra propriam inclinationem ex determinatione creaturæ: ergo & eodem jure potest dici, quòd ex vi ejusdem determinationis Deus adjuvat ad peccandum: quid enim aliud est adjuvare ad opus, nisi cum alio physicè influere in opus? Quod est expressè contra D. *Augustinum* lib. 2. de peccator. meritis cap. 5. dicentem: *Ad peccandum namque non adjuvamus à Deo*. Et cap. 19. *Extolli quidem in superbiam propria voluntatis est hominum, non operis Dei: nec enim ad hoc eos compellit, aut adjuvat eos*. Quod iterum firmat Enarrat. in Psalm. 25. dicens: *Audire vocem laudis, est intelligere intus, quia quidquid in te mali est de peccatis, tuum est; quidquid boni in justificationibus, Dei est*. Et in Psalm. 100. *Non debemus superbire: totum bonum quod habemus, ab Artifice nostro habemus: quod in vobis nos fecimus, inde damnamur; quod in nobis ille fecit, inde coronamur*. Et tract. de Cantico novo cap. 8. ait: *Quid valeat liberum arbitrium non adjutum, in ipso Adam demonstratum est: ad malum sufficit sibi, ad bonum non, nisi adjuvetur à Deo*. Sermon. 156. cap. 11. n. 12. *Nam ad malè agendum habet sine adjutorio Dei liberum voluntatem*. Sermon. 20. n. 1. *Ad peccandum anima sibi sufficit*. Quod & sequentibus verbis expressit S. *Prosper* ad object. calumniant. Gallorum: *In bonis voluntas est intelligenda de gratia; in malis autem voluntas intelligenda sine gratia*. Et sent. 14. *Ad peccandum homo abundat propriâ facultate: ad agendum autem bonum non sibi sufficit, nisi ab illo iustificetur; qui justus solus est*. Si ergo negatur ab *Augustino*, & SS. PP. adjutorium non solum moraliter, sed etiam physicè, ex consequenti negari debet efficientia tam physica, quàm moralis: cum nec adjutorium, nec efficientia ex determinatione creaturæ reddatur Deo decens, & honesta. Falsissimum quippè esse nemo quidem non mentis inops denegabit,

bit, quòd in linea physica effectiva æquè sit opus Dei proditio *Jude*, ac conversio *Pauli*, quidquid sit de linea affectiva: diverſitas enim in effectu ex Dei conſilio, & præcepto ad lineam affectivam, & moralem ſpectat, non ad lineam effectivam phyſicam: hæc enim ſolùm attendit phyſicum influxum in hac linea; ſed in omnes formalitates proditionis *Jude* influeret phyſicè Deus ex determinatione creaturæ, ſicut influit phyſicè in omnes formalitates converſionis *Pauli*, etiam ex determinatione creaturæ: ergo in linea phyſica, & effectiva æquè opus eſt Dei proditio *Jude*, ac *Pauli* converſio; æquè Deus phyſicè adjuvat ad malitiam illius proditionis, ac adjuvat ad hujus ineffabilis converſionis bonitatem: quod an verum ſit, videant, & judicent eruditi.

34. Sequitur ſecundò, quòd cùm ſolutio affirmet, creaturam eſſe cauſam per ſe actionis peccati, Deum verò cauſam purè per acciſdens, jam aliquis effectus verè idæatus à Deo, & à creaturis ſimul productus, eſt effectus per ſe voluntatis creatæ, & per acciſdens reſpectu Dei. Negari enim nequit in ſententia D. *Thomas*, quòd entitatis peccati datur vera idæa, ut expreſſè docet in 1. diſt. 36. quaſt. 2. art. 3. ad 1. his verbis: *Malum in quantum malum eſt nihil, cum ſit privatio quadam, & ideo rei male in Deo quidè idæa eſt, non in quantum mala eſt, ſed in quantum res eſt.* Et in 2. diſt. 37. quaſt. 1. art. 2. ad 4. *In actu peccati dari aliquam ſimilitudinem cum eſſe Dei, & aliquam bonitatem exemplatam à ſummo bono, quamvis non ſit ibi ſimilitudo ſummi boni, quæ eſt per gratiam.* Cùm ergo idæa ſit ſimilitudo, vel ratio rei in Deo exiſtens, ſecundùm quòd eſt productiva ipſius rei, negari non poteſt dari in Deo idæam actionis peccati, in quantum entitas eſt. Dabitur ergo aliquid verè idæatum à Deo, reſpectu cujus ſit cauſa purè per acciſdens, & quod ſit effectus per ſe creaturæ: quod eſt inconveniens maximum, & impoſſibile docet D. *Thomas* quaſt. 3. de potent. art. 2. *Inconveniens eſt autem dicere, quòd aliquid ſit per acciſdens per comparationem ad cauſam primam, & ſit per ſe per comparationem ad cauſas ſecundas; quia quod eſt per ſe, eſt prius eo, quod eſt per acciſdens: prius autem eſt comparatio alicujus ad cauſam primam, quàm ad cauſas ſecundas, ut patet in lib. de cauſis. Undè impoſſibile eſt, quòd ſit per acciſdens reſpectu cauſæ primæ, & per ſe reſpectu cauſæ ſecundæ. Poſteſt autem accidere è converſo. Undè neceſſe eſt dicere, quòd tota rerum diſtinctio ſit prædeſinita à Deo, & ponere in eo ſingularum proprias rationes, & idæas.* Quibus clariffimè docet, quàm impoſſibile ſit, & repugnet Dignitati, & Excellentiæ cauſæ primæ, quòd actio peccati ſecundùm id, quod dicit entitatis, & actualitatis, ſit per ſe reſpectu creaturæ, & per acciſdens reſpectu Dei.

35. Tandem, & quod intolerabilius eſt, ſequitur, quòd in Deo ſeparabilis ſit ratio primi principii à ratione ultimi finis; ratio ſummæ actualitatis à bonitate; ſicut & à ratione primi principii, & ultimi finis ſanctitas; cùm concedatur ſolutio, omnipotentiam phyſicè agere propter bonum commutabile. Quid enim hoc aliud eſt, quàm inordinate agere? Et quòd à Deo ſit inordinata creaturæ dilectio? Dum per *Apoſtolum* im-

Imperat, ut omnia honestè, & secundùm ordinem fiant. Quæ enim maior impossibilitas, quàm quòd Deus, qui omnia fecit in sapientia, & omnia propter se ipsum operatur, actionem peccati physice agat, respiciens in actu secundo tanquam finem ultimum, & Deum creaturæ commutabile bonum? Quòd in suo concursu suum non exerceat libertatem, sed violenter, coactè, & contrà propriam inclinationem, entitatem agat, quæ conformis est ipsius voluntati, sicut & quòd physice malitiam agat, quæ nec præcontinetur in ejus omnipotentia, nec est ordinabilis ad ipsum tanquam ad ultimum finem? Quare hoc concedere est Deum in operando negare se ipsum, ut testatur D. Thomas q. 3. de potent. art. 5. ad 12. dicens: *Quòd si Deus aliquid faceret contra suam bonitatem, aut aliquid, in quo sua bonitas non exprimeretur, sequeretur, quod negaret se ipsum.*

36. Secundò: actus peccati secundùm illud, quod dicit entitatis, & actualitatis, sic à Deo fit, quòd medià tendentià allèctivà in bonum, voluntas convertitur in Deum, tanquam in ultimum finem. Ita D. Thomas quaest. 16. de Daemonibus art. 3. ad 1. dicens: *Sicut & quilibet peccatur quantum ad hoc, quod appetit aliquid commutabile bonum, convertitur in Deum, cujus participatione omnia sunt bona: in quantum verò inordinate appetit illud, avertitur à Deo, id est ab ordine iustitiæ illius.* Hic enim actus, quæ formaliter est tendentia vitalis affectiva in bonum, tendit ad Deum, ut finem ultimum illius, etsi non expresse, saltem virtualiter, & implicite, ut iterum docet D. Thomas quaest. 22. de verit. art. 2. dicens: *Sicut Deus propter hoc, quòd est primum efficiens, agit in omni agente; ita propter hoc, quod est ultimus finis, appetitur in omni fine.* est enim omnis bonitas physica extra Deum quædam similitudo, & participatio divinæ bonitatis ex se ordinata ad ipsam tanquam ad ultimum finem, à quo accipit vim movendi voluntatem, cum secundum appetibile non moveat, nisi in vi primi appetibilis: si ergo actio creaturæ, quæ formaliter est entitas, & bonitas physica, tendit in Deum, tanquam finem ultimum, quomodò eandem physice agere potest omnipotentia, etsi ex determinatione creaturæ, violenter, & coactè propter bonum commutabile, tanquam propter ultimum finem, & Deum creaturæ? Nihil certius, quàm quòd ordo finium est, secundum ordinem agentium: ergo si summa Dei bonitas, juxta D. Thomam, est ultimus finis per se simpliciter talis respectu talis actionis, quæ formaliter est tendentia vitalis; & omnipotentia debet necessariò esse causa per se, & simpliciter talis; nisi velint, quòd in Deo non connectatur essentialiter ratio primi principii, & ratio ultimi finis; quòd magis extendat causa finalis in Deo, quàm ejus omnipotentia; quòd id, quòd à creatura rationali ordinatur ad Deum tanquam ad ultimum finem, ab ipso Deo ordinetur ad bonum commutabile tanquam ad ultimum finem: quod totum absurdum, & ineptum credimus, ut perniciosum dogma.

## §. V.

*Secunda ratio probativa Conclusionis proponitur.*

37. **A**D secundam rationem gradum facimus, quæ desumitur ex sanctitate causalitatis Divinæ. Etenim communi Philosophorum, & Theologorum consensu firmatur, quod à Deo nequit effici, nisi quod præcontinetur in eo, modò illò, quò effectus continetur in sua causa efficiente. Ex quo evidens argumentum fit, quod formalis malitia peccati non est à Deo, ut efficiente, sive ex propria, sive ex aliena determinatione. Quis enim asserere audeat, quod in ipsa iustitia per essentiam præcontinetur iniustitia, & quod à sanctitate ipsa egrediatur physice iniquitas? *Numquid iniquitas apud Deum? Absit*, inquit *Apo-  
stolus ad Rom. 9.* cum sanctitas, & iustitia per essentiam excludant iniustitiam, & peccati iniquitatem. Si enim, ut ait *Avicenna* à Philosophis laudatus, *equinitas tantum est equinitas*; id est equinitas non admittit extranea, aut contraria, sed purè explicat, & continet constitutiva, & propria, quantò magis iustitia, & sanctitas explicabunt repugnantiam iniustitiæ, & iniquitatis?

38. Hoc luculentissimâ ratione confirmat *D. Thomas* locò citatò ex 1. par. quæst. 25. art. 5. ad 1. explicans, quod Sapientia Divina est iustitia, misericordia, potentia, voluntas, intellectus, &c. Quod & docuit eadem 1. par. quæst. 13. ferè in omnibus articulis, & præsertim 3. & 5. Ex quâ doctrina inferunt Theologi 1. par. quæst. 27. art. 4. in omni opere Dei miseri, ac simul concurrere iustitiam, misericordiam, sapientiam, & reliqua attributa: quia nimirum omnia illa attributa sunt unum per essentiam; quamobrem unum exire nequit in suam operationem, quin reliqua sibi cooperentur. Cum enim Deus non possit non operari propter semetipsum quidquid operatur, non potest in aliquo opere præscindere à fine alicujus virtutis in ipso repertæ, quin ad illum suam ordinet operationem: ergo nec ex parte subjecti. De *Christo* enim communiter asserunt Theologi in quolibet opere omnes suas exercuisse virtutes: nam etsi opus illud ad aliquam præcisè compararetur, ut ad principium elicitivum omnes tamen aliæ concurrerant, aut imperativè, aut regulativè, ne perfectio aliqua possibilis operi deficeret; quantò magis Deo erit hæc attribuenda perfectio?

39. Verùm, ut hæc omnia magis in considerationem veniant, audiendus *D. Thomas* in 2. ad *Annibal.* dist. 3. art. 3. explicans, quomodo potest in actu voluntatis creata esse defectus, quin defectus ille attrituatur, vel sit à Deo, quod sequentibus verbis declarat: *Omnia quæ sunt à Deo causata procedunt ab eo, sicut ab artifice artificiatum. Unde in Psalm. 103. dicitur: Omnia in sapientia fecisti. Defectus autem, qui est in artificiatum contra artem, non potest esse ab arte, sed incidit ex defectu instrumenti, vel materiæ. Peccatum autem, in quantum huiusmodi, Divinæ arti contrariatur, eo quod est aversio à bono incommutabili,*



bili, quod est omnium artificiatorum à Deo finis, & per consequens principium illius primæ artis. Nam principia artificiatorum sunt finis, ut patet in 2. Physicor. Relinquitur ergo, quod peccatum non possit esse à Deo, sed ex defectu alicujus creaturæ, per quam Deus operatur, sicut per instrumentum. Hæc ibi; quod evidentius est, quàm quidquid ad elucidationem textus afferri potest. Constat enim primò soliditas præcedentis discursus. Si enim malitia peccati est formaliter injustitia, & à Deo formalis aversio, quomodo potest præcontineri in Omnipotentia Dei, dum in ejus voluntate, iustitia, & sanctitate non præcontinetur? Quod continetur in Deo est ipse Deus, juxta illud *Augustini*: *Creatura in Deo est ipsa creatrix essentia*: sed chimæra est, quod id, quod in aliquo statu ipse est Deus, in alio statu positum sit ipsa aversio formalis à Deo: ergo & impossibile erit in Deo contineri, ut in principio effectivo, id, quod ex se est recessus à Deo. Ulterius: quod continetur in Deo, ut in principio effectivo, si extra Deum ponatur, est participatio Dei: sed est intelligibile, hominibus averti à Deo per id ipsum, quod à Deo participat, & est Dei participatio; & quod in sui conceptu est naturalis tendentia ad Deum, ut in finem, ex quo participatur: ergo & intelligibile est, malitiam peccati præcontineri in Deo.

40. Urgentiùs ex ultimo testimonio arguitur. Nam etsi Artifex creatus deficere possit à consecutione finis sui artificiati, Deus tamen ab eo obtinere deficere nequit. Ille enim non est sua ars, sed talis est ex accidenti, nec est ipsa benè operandi regula; unde potest præter, & contra artem, & regulam operari; ipsa tamen operandi ars & regula, à regula deficere non potest, nec ab arte, aliàs deficeret à se ipsa; sed actio Dei, si ad formale peccati terminaretur, à consecutione finis deficeret: ergo actio Dei ad formale peccati non terminatur. Præterea: Artifex, qui omnia, & semper operatur juxta artem, & regulam, non potest suorum artefactorum finem non assequi: sed Deus omnia operatur, & semper juxta artem, & regulam: ergo infallibiliter assequitur suorum finem artefactorum: sed peccatum pro formali finem Dei non assequitur, quia est aversio ab illo: ergo Deus non operatur peccatum pro formali. Tandem, ut plura alia omittam; etsi contingat, potentiam executivam, quæ non est ipsa benè operandi regula in fine operationis allequendo deficere, vel ex propria, vel ex alterius determinatione, implicat tamen, deficere ex propria, aut ex aliena determinatione potentiam executivam, quæ per essentiam est ipsa benè operandi regula: sed potentia executiva Dei est per essentiam ipsa benè operandi regula: ergo deficere non potest, quominus recta sit ejus operatio. Ex quibus fit evidens, quod cum formale peccati sit recessus ab actualitate, & perfectione infinita Dei, nequit oriri, & præcontineri in Omnipotentia, quæ est purissima actualitas, bonitas, perfectio, sapientia, & sanctitas Dei: vel assignent nobis modum, quò formaliter, aut eminenter præcontinueatur? Cum sit penitus repugnans talis præcontinencia, quæ potius esset depressio, & defectus Omnipotentia,

quàm perfectio : nequit enim non esse defectivum principium illud, cui correspondet malum, quod est privatio universalis boni.

41. Dices, quòd licet formale peccati non præcontineatur formaliter, vel eminenter, præcontinetur tamen virtualiter in ejus summa, & perfectissima actualitate: verissimum namque est dicere: *Deum esse virtualiter physice peccatum; esse etiam virtualiter æquivalenter peccatum, quoad aliqua munera: continere activè permixtè peccatum, quia illud causat: & quoad aliqua æquivalere bonitati peccati; scilicet quoad munus entis, & existentis: sicut est virtualiter claudicatio, siuitas, error quoad aliqua munera*. Sic P. Marin tract. 11. de peccatis disp. 4. sect. 5. num. 83. loquens de formali peccati malitia, non de naturali entitate actionis. Propter quod sanè statuerat n. 72. ejusdem sectionis, *malitiam formalem peccati, ipsum odium Dei esse moraliter transcendentaliter bonum, quia habet suam essentiam completam, & integram cum omnibus proprietatibus*.

42. Miror sanè doctrinam istam, quam solùm pro suo arbitratu excogitavit Auctor iste, cujus nec in Scriptura, nec in Patribus, nec in vera Philosophia fundamentum invenio. Quomodò enim verificari potest, quòd Deus sit virtualiter effectivè peccatum; quòd sit æquivalenter ipsum, cum nomen, quod deformitatem simul cum actu significat, non possit dici, quòd sit simpliciter à Deo? Participatio virtualis solùm datur, quando in uno reperitur virtus alterius; ita lignum calidum participat virtualiter ignem, quia calor est virtus ignis, & semen est virtualiter animal: vel quando id, quod in altero est solùm virtualiter, convenit alteri etiam formaliter, quomodo sublunaria participant calorem à Sole, & omnis effectus suam causam, quia in ipsa virtualiter præcontinetur: sed malum sub ea ratione, quàm malum est, nec est virtus Omnipotentia, nec convenit ipsi, cum formaliter acceptum dicat carentiam omnis bonitatis, & perfectionis secundùm id, quod explicat; ergo Deus nequit esse physice peccatum, nec virtualiter æquivalenter, cum sit verus, & proprius recessus à Deo, qui averisè inspectus est veluti regula, si vel sic dici potest, omnis malitia. Id ostenditur argumento desumpto ex D. Thoma 1. p. q. 75. art. 5. ad 1. dicente ex D. Dionysio, quòd *Deus est infinitus virtualiter in se omnia præbans, unde participatur à rebus, non sicut pars, sed secundùm diffusionem processionis*; sed implicat contradictionem, actualitatem intrinsecam alicujus virtutis explicari, diffundi, & communicari per id, quod est ei oppositum: ergo cum Deo opponatur peccatum formaliter sumptum, nequit virtualiter præcontineri in ipsa Dei Omnipotentia modo illo, quo verificari possit, esse æquivalenter, aut virtualiter peccatum. Quis enim asserat, Solem esse causam tenebrarum? Quod sit virtualiter, aut æquivalenter privatio lucis? Vel quòd vita sit causa mortis, aut virtualiter, vel æquivalenter ipsa mors, non solùm quoad omnia munera, sed quoad aliquod proprium ipsius formaliter acceptum? Non ergo Deus potest dici esse virtualiter peccatum, aut quòd peccatum virtualiter præcontineatur in ipso: cum continentia virtualis fundetur in ejus actualitate, quæ actualitas,

litas, & perfectio Omnipotentiae diffundi nequit in eo, quod per prius in actualitate summa Divinae essentiae non praëxistat.

43. Nec obstat in excusationem dicere, quòd Deus solùm quoad aliquod munus aequivaleret bonitati peccati, scilicet quoad *munus entis, & existentis*, non tamen quoad formale malitiae: nam contra est primò, quia ex solutione inferitur, Deum solùm positivè causare entitatem physicam peccati, prout entitas est, non tamen malitiam, quae est ipsa Thomistarum sententia. Secundò, quia si in potentia Dei, quae per essentiam est ipsa voluntas iusta, contineri potest entitas, quin malitia in voluntate, & iustitia praëxistat, quidni poterit procedere, aut causari à Deo entitas peccati, ut entitas est, quin causetur malitia, non obstante utriusque identitate? Tertiò, quia falsa erit hæc propositio, quam propugnat Auctor iste tract. 11. disp. 7. num. 39. *Deus eodem modo est causa malitiae, ac entitatis, & actus peccati*, sicut & ista, *Deus est causa per se purè physica malitiae*: nequit enim Deus eodem modo esse causa malitiae, ac entitatis, quin eodem modo praëxistat in actualitate Omnipotentiae malitia, ac praëxistat entitas: sed malitia juxta solutionem non praëxistat in ipsa adhuc virtualiter, ne Deus sit virtualiter peccatum, quoad tale munus: ergo nequit eodem modo causari à Deo: ergo falsum est, Deum esse causam per se malitiae: & quamvis superaddat, id intelligendum *physicè*, hoc nihil aliud est, quàm dicere, Deum non peccare, nec moralem malitiam ei imputari, quod Calvinus, cæterique Hæretici fatentur, ut Auctor benè noverat dicta disp. 5. num. 64. & 65. citans Calvinum dicentem: *Deum mali auctorem non debere appellari*. In quo notam, & reprehensionem non effugit Auctor iste, eandem incurrens censuram, quàm parùm sincerè ibi Thomistis imponit.

44. Fallitur & in alio, ni fallor ego, dum asserit, odium Dei habere integritatem in linea odii Dei, ideoque esse moraliter transcendentaliter bonum, quia habet suam essentiam completam, & integram cum omnibus suis proprietatibus. Falsissimum enim est dicere, odium Dei habere aliquam essentiam, formaliter consideratum, cum privato, ut talis, careat omni actualitate, & essentia, sitque defectus totaliter consistens in non esse, ut docet D. Thomas in 2. dist. 30. q. 1. art. 2. Unde nec habet constitutivum propriè tale, sicut nec essentiam, aut aliquam quidditatem, ut resolvit S. Doctor 3. contra Gent. cap. 7. probans, nullam dari essentiam, sive naturam malam; contra quam assertionem hoc sibi objicit argumentum: *Si malum est genus, & differentia in moralibus, cum essentia nihil aliud sit, quàm compositum ex genere, & differentia, dabitur essentia mali*. Cui argumento respondet, hoc minimè sequi: *Quia malum in moralibus, sub ratione, sub qua constituit essentiam, non est malum, sed bonum; sub ratione autem, sub qua est malum, non est essentia, sed privatio essentiae, & speciei*. Et in 2. dist. 37. q. 1. art. 1. *Nomine substantiae potest intelligi, vel primum predicamentum, in quo sensu certum est, peccatum substantiam non esse: vel potest intelligi nomine substantiae quidquid dicitur positivè in quocumque gene-*

nere, & cujus essentia explicari potest. Et immediatè subdit: *In actu peccati est duo considerare, scilicet actum, qui essentia quædam est, & sic est substantia: vel ipsam privationem ordinis, per quam malum est; & quia privationes essentiam non habent, ex ista parte peccatum substantia non est.* Et 3.2. q. 10. art. 5. ad 1. *Formalis ratio alicujus peccati potest accipi dupliciter: uno modo secundum intentionem peccantis, & secundum hoc id, ad quod convertitur peccans, est formaliter objectum peccati, & ex hoc diversificatur ejus species. Alio modo secundum rationem mali, & sic illud bonum, à quo receditur, est formale objectum peccati. Sed ex hac parte non habet speciem.* Non ergo est vera species intra genus moris, nec spectat ad constitutionem odii Dei, sive in esse naturali, sive in esse moris: non in esse physico, cum secundum suum esse essentialis, & positivum dicat bonitatem, & perfectionem de genere physico, proindeque à Deo causabilem: non in esse moris, cum species essentialis actus desumatur penes attingentiam ejus, quod primariò, & directè attingitur ab illo, non autem secundum id, quod est per accidens, uti se habet malitia peccati juxta D. Thomam 1.2. q. 72. art. 1. *Inordinatio actus per accidens se habet ad intentionem peccantis; nullus enim intendens in malum operatur... Manifestum est autem quod anum quodque consequitur speciem, secundum illud quod est per se, non autem secundum id quod est per accidens. Quod & repetit 1. p. q. 43. art. 1. ad 2. Sic igitur malum, quod est differentia constitutiva in moralibus est quoddam bonum adjunctum privationi alterius boni, sicut finis intemperantia est, non quidem carere bono rationis, sed delectari absque ordine rationis, unde malum in quantum malum non est differentia constitutiva, sed ratione boni adjuncti.* Et in 2. Sententiar. dist. 34. q. 1. art. 2. ad 3. *Dicendum, quoddam malum per se, vel abstractè sumptum, non est differentia specifica, sed malum per accidens, vel concretè acceptum; omnia enim moralia ex fine speciem consequuntur: quibus certò elucescit, quoddam malum abstractivè sumptum essentiam non habet in genere moris, nec ipsam esse integram, & completam, ac proinde nec moraliter transcendentaliter esse bonam. Non secus, ac si quis diceret, essentiam, ac proprietates habere tenebras. Nam in utrisque essentiæ, & proprietates logicè dicuntur; physica non sunt: & bonum moraliter solum dicitur, quod regulis morum correspondet, cum consistat in tendentia ad objectum, ut stat sub regulis morum: & quod ita non est, neque essentiam, neque proprietates boni moraliter habet. Non abs re hic aliiuntur, quod scripsit doctissimus Petavius tom. 1. Theolog. Dogm. lib. 10. cap. 19. Nam & Hæretici isti omnes, cum in eadem libera hominis actione, quod res est, & positiva, ut vocant, ac realis causæ, tam primaria, quàm secundaria agentis affectio, ab eo non discernant, quod privativum est, & vitiosum, hoc est ab regula deficiens & distortum: utriusque propriè, ac directè auctorem faciunt Deum. At Catholici ex adverso in peccato distinguunt duo; alterum quod est res, & ens, aut natura: alterum, quod non est res, nec natura, sed contra naturam, ut ait Augustinus lib. contra Epistol. fund. cap. 33., ac nihil, meraque privatio. Sic enim Patres ad unum*

nam omnes, Græci, Latiniq̃, nullo prorsus excepto, peccatum per se, & ut loqui amant, formaliter, non nisi defectum à bonitate, vel privationem boni, ac nihil esse sentiunt: ut diserte inter alios scribit Augustinus lib. 1. cont. Jul. cap. 8. Et ideo, ut eleganter Honorius Augustodunensis ait lib. de Præd. tom. 9. Bibl. PP. col. 1147. Malum, vel peccatum nihil est per substantiam: sicut injustitia. Injustitia autem nihil est aliud, quàm ubi non est iustitia. Sicut silentium, ubi non est vox: sicut tenebræ, ubi non est lux. Ita peccatum ex se, & ut peccatum est, nec à Deo, nec ab ulla efficiente alia causa propriè, & directè putant effici, quia nullus peccatum, id est malum, per se volens, & in hoc intentus agit. Nemo ergo querat, inquit Augustinus lib. 12. de Civit. cap. 7., efficientem causam malæ voluntatis. Non enim est efficiens, sed deficiens, quia nec illa effectio est, sed defectio &c. Causas porro deflectionum illarum, cum efficientes non sint, sed deficientes, velle invenire, tale est ac si quisquam velit videre tenebras, vel audire silentium. Quare à Deo nec esse peccatum, sive actionem illam quò mala est, & vitiosa; nec effici, sed præcisci tantum, ac permitti nno ore Catholici omnes asserunt, ac longè absunt ab eo, ut opera Dei distinguenda putent in duas contrarias species, quarum altera res sit, & bona: altera deficiens, & mala. Hæc ille: quibus clarissimè contradistinguit entitatem, quæ est in peccato, à formali malitia; Deumque auctorem & effectorem entitatis statuit, non tamen concurrere ad formale peccati. Difficillimam esse sententiam de concursu Dei ad entitatem peccati, non inficior; at si eò, quò à nobis propugnatur, sensu difficilis est; ad hanc concursum ad formale peccati addere, nedum plus difficultatis habet, sed puritati divini concursus omninò contrarium allerere non timemus.

## §. VI.

*Concursus purè permissivus datur in Deo ad formale peccati.*

45. **C**oncursus causæ liberæ superioris cum causa libera inferiori duplex est, alius permissivus, alius positivus. Tunc causa libera superior permissivè dicebatur concurrere, ut erat universalis Theologorum opinio, cum suum concursum ad bonum negabat inferiori, malum verò non impediēbat, ut faceret; qui permissivus concursus dupliciter ad causam superiorem comparari potest: aut enim causa superior talis est, cui ex munere, & propriâ obligatione incumbat malum vitare causæ inferioris: aut talis est, quæ tali lege non obligetur? Quas inter causas ea est tristissima apud omnes differentia, quòd peccatum inferioris non tribuitur superiori, si illud ab inferiori excludere non tenetur: cum verò malum arcere tenetur, superiori adscribitur, quæ potest, tenetur, & non vitat. Cum ergo Deus Optimus Maximus nullâ lege, aut obligatione teneatur ex munere causæ primæ ad vitandum malum crea-

creatura rationalis; quinimò iustè, & sapienter permittit, ne plurima deficient bona, quæ Deus pro sua libertate, & potentia malorum occasione producit, permissivè concurrens ad mala, nec causa, nec Auctor dicitur malorum. A temporibus scientiæ mediæ alius modus concurrendi permissivè assignatur ab Auctoribus suis, sibi persuadentibus, Deum ita nobis applicare suam omnipotentiam ad concurrendum nobiscum, ut quavis ipse nolit actum pravam existere, sed maximè velit actus moraliter boni existentiam; illà tamen suæ potentiae factà applicatione, contra propriam voluntatem ad malum, ut physicè, realiter, & positivè influat, à voluntate creata determinatur: ac si ipsa determinatio ad bonum, posset determinari ad malum, & inclinatio essentialis in unum extremum posset declinari seu determinari ipsamet in contrarium, vel posset lumen in caliginem & tenebras converti.

46. Concursus etiam positivus, quantum arbitror, à Theologis antiquis dicebatur ille, quo Deus ex propria, efficacique determinatione omnipotentiam suam, ut concurrat ad hunc actum pro suo dominio, & libertate applicat. Rursus concursus iste positivus duplex est, alter specialis, alter generalis: ille est, quem Deus tribuit ad primum actum, & hic terminari non potest ad entitatem peccati, eo quod nulla indispositio supponitur in agente creato, nec ex parte voluntatis, quæ tunc primò exit in actum, nec ex parte intellectus, qui nonnisi ex defectu voluntatis potest in practicis deficere. Alius est generalis, ille nimirum, qui tribuitur agenti plenè constituto in actu, homini scilicet, postquam jam ad primum actum liberum est reductus. Qui etiam dupliciter contingere potest, vel enim supponit aliquam ex parte intellectus inconsiderationem, quæ pro aliquo priori non intelligitur peccaminosa, vel nullam supponit? Si illam non supponit, concursus ille erit ad actum bonum: sin autem, concursus erit ad actum peccati, ut docent Thomistæ 1. p. q. 63. art. 5.

47. Hoc genere positivi concursus Recentiores scientiæ mediæ Sectatores non contenti, alium nobis assignant, quo Deus ad actus concurrat liberos voluntatis creata, non quidem determinando concursum, aut actum, sed ex determinatione voluntatis creata, quod concursus genus positivum dicunt, quia licet non existat ex determinatione Dei, tamen non extrahitur ab omnipotentia. In presenti non inquirimus qualitatem hujus concursus, quem satis explicatum, & impugnatum relinquimus; sed an talis concursus, quæ formaliter permissivus est, causet physicè, & realiter operetur entitatem, & malitiam peccati, vel an solum consistat in denegatione gratiæ? In hoc enim sapissimè Auctores contrarios legenti gravissima deceptionis occasio esse potest, dum attulerunt, Deum esse causam permissivam peccati: cujus significationem attendere, & expendere congruum duximus, ut tollatur omnis confusio, & utriusque Scholæ maximum discrimen elucescat. Thomistæ nomine permissionis peccati passivè sumptæ nihil aliud intelligunt, quam denegationem gratiæ efficacis ad actum adimpletivum, conferente Deo titulo Auctoris naturæ physicam prædeterminationem ad actum peccati,

ut

ut entitas est. At difficillimè ab Adversariis explicatur, in quo consistat hæc permissio peccati passivè sumpta.

48. Pro cuius intelligentia maximè notandum, quòd passiva permissio est effectus Dei negativus, eo sensu quo negationes logicæ denominatione vocantur effectus. Nam carentia gratiæ efficacis est à voluntate divina volente non conferre gratiam efficacem, cum possit; est etiam effectus Dei, in quantum importat aliquid positivum; nam prædeterminatio physica ad entitatem peccati est executio omnipotentia ex imperio voluntatis divinæ. Non enim peccatum existeret, nisi Deus illud permetteret esse; nec permittit, nisi volendo: ut testatur *Augustinus* in *Enchir.* cap. 101. dicens: *Propterea namque magna opera Domini, & exquisita in omnes voluntates ejus, ut miro, & ineffabili modo non fiat præter ejus voluntatem, quod etiam contra ejus sit voluntatem, quod non fieret, si non sineret: nec utique nolens finit, sed volens;* cui consonat *D. Thomas* in 1. dist. 47. art. 4. *Undè dicitur, quòd Deus non vult mala fieri; sed vult permittere, mala fieri.* Aliud namque est permissio peccati, ac peccatum permissum. Illa activè sumpta est exercitium proprium voluntatis divinæ potentis pro suo dominio velle contere gratiam, & velle eam non contere. Undè juxta *D. Thomam* ibi permissio peccati correspondet voluntati consequenti Dei; licet peccatum permissum ad nullam voluntatem pertineat. Si ergo volendo Deus permittit, à fortiori non influet in entitatem peccati, nisi volendo: & ideo *Augustinus* lib. 83. qq. q. 23. asserit: *Hoc est aliquid fieri Deo agente, atque Deo volente.*

49. Quò præsupposito, difficillimè explicatur ab ipsis permissio passiva peccati, quæ ex voluntate Dei sit, & ex qua infallibiliter inferatur logicè peccatum. Inutilis est primò recursus ad inefficaciam auxilii, cum non sit inefficax ex se, & ut descendit à Deo, sed quatenus voluntas creata non est adimpletura præceptum, quod verum est sine interventu voluntatis divinæ in eorum principiis: non enim aliter explicari potest talis auxilii inefficacia. Si enim inefficax asseritur, quia Deus inefficaciam prævidit per scientiam mediam? Primò: hæc independenter à voluntate divina, juxta ipsos, existit in Deo. Secundò: scientia media non potest ingredi formalem constitutionem permissionis, maximè dum ipsa consequitur ad peccatum de facto existens, utpotè acquisita per ipsum à voluntate creata: ergo supponit permissionem peccati adequatè constitutam. Si autem auxilium dicas inefficax, quia voluntas creata deficiendo reddit illud inefficax; hoc ex Deo non est, sed à voluntate creata. Uno verbo: inefficacia auxilii ab illo ponitur, in cuius est potestate; sed solum juxta ipsos est in potestate creaturæ, quòd sit, vel non sit inefficax: ergo inefficacia à creatura debet esse. Quomodo ergo permissio peccati, quæ à Deo volita est, & ex ejus descendit voluntate, poterit consistere in carentia efficaciar, aut in efficacia auxilii?

50. Eiusdem inefficaciæ erit asserere, ad permissionem peccati ultra auxilium sufficiens requiri carentiam aliorum auxiliorum, efficacium, quæ à Deo est: nam negatio aliorum auxiliorum, etiam efficacium, non

infert infallibiliter peccatum, etiam conjuncta cum auxilio sufficienti, nisi ratione inefficaciae auxilii, quæ à Deo non est, nec ex ejus descendit voluntate: immò nec ipsa negatio auxiliorum efficacium, ut efficacium. Nam sicut ab illo est negatio auxilii quoad entitatem, à quo est tale auxilium quoad substantiam, ita ab illo est negatio auxiliorum, ut efficacium, à quo potest efficacia auxilii præstari: sed hæc efficacia auxiliorum non potest à Deo descendere; cum antecederet ad voluntatem divinam, sed præcisiuè ab illa sint efficacia in statu, quem vocant conditionatum, & in statu absoluto reddantur efficacia à voluntate creata: ergo ab illa, & non à voluntate divina esset negatio auxiliorum, ut efficacium. Non enim ad divinam providentiam spectat, quòd sit, vel non sit inefficax, cum non magis se extendat, quàm divina Omnipotentia, sub qua licet præcontineatur entitas auxilii, non tamen efficacia: cum ex vi comprehensionis suæ omnipotentia non cognoscat efficaciam auxilii, cognoscendo ex vi illius quidquid in ipsa præcontinetur. Debet ergo asseri, efficaciam ex alterius dispositione convenire, in cujus potestate sit, quòd auxilium sit, & denominetur efficax, vel inefficax: quo stante permissio peccati ex Deo non erit.

51. Si tandem dicant, quòd decretum collativum auxilii sufficientis supponens scientiam mediam peccati connectitur cum peccato, eò quòd connectitur cum scientia media, quam supponit, & infert infallibiliter auxilium, atque adeò connectitur cum existentia utriusque, & consequenter cum peccato, quòd infallibiliter infertur ex coexistentia auxilii, & scientiæ mediæ: contra est: nam decretum hoc non potest constituere permissionem passivam peccati, cum non sit effectus Dei: ergo nec salvatur permissio peccati connexa infallibiliter cum peccato. Deinde: hoc decretum collativum auxilii sufficientis connexum cum peccato non potest ab ipsis concedi requisitum ad existentiam peccati, cum sit in eorum principiis repugnans: ergo ex connexione hujus decreti cum peccato non deducitur permissio requisita ad existentiam peccati cum ipso connexa. Nec coexistentia auxilii cum scientia media peccati infert infallibiliter peccatum eà ratione, quæ est effectus Dei; nam hæc coexistentia nihil aliud est, quàm existentia utriusque: solum autem existentia auxilii est effectus Dei, quod auxilium conjungibile est cum carentia peccati; non tamen est effectus Dei existentia scientiæ mediæ. Ita sæpè laudatus Sapientissimus ille Primarius Salmantinus M. *Bolivar* tract. 6. de Prædest. dub. 3. §. 1.

52. Verum quoniam omnes modos dicendi persequi non est operis instituti, & quia nullus est, in quo non major adhuc probabilitas desideretur, & quia longum esset, & ad controversiam, quam institimus, minimè necellarium; id, quod nostris temporibus communiiori Theologorum hujus Scholæ consensione probatur, est, malitiam peccati esse à Deo, ut influente positivè, & causante illam ratione suæ omnipotentia, etsi non operetur ex propria determinatione, & cum inclinatione ad peccatum. Sed hunc modum dicendi apertè rejicit *D. Augustinus*, non minus impossibile judicans peccati pro formali efficientem causam quæ-



querere, quàm velle tenebras videre, & silentium audire. Sic cap. 7. lib. 12. de Civit. Dei luculenter dixit: *Nemo ergo querat efficientem causam male voluntatis, non enim est efficiens, sed deficiens, quia nec effectio est, sed defectio. Descendere namque ab eo, quod summè est ad id, quod minus est, hoc est incipere habere voluntatem malam. Causas porro defectuum istarum, cum efficientes non sint, ut dixi, sed deficientes, velle invenire, tale est ac si quisquam velit videre tenebras, vel audire silentium, quod tamen utrumque nobis notum est; neque illud nisi per oculos: neque hoc nisi per aures; non sanè in specie, sed in speciei privatione. Et cap. præcedenti: Mala voluntatis causa efficiens si queratur nihil invenitur.*

53. Confirmat hoc, vel maximè testimonium *D. Thomæ* q. 1. de malo art. 3. ad 14. ubi docet: *Quod voluntas, quæ est quoddam bonum, dicitur causa mali per accidens præcisè, quia malitia privativa conjungitur bonitati actus peccaminosi, non quia ejus causalitas transeat ad malitiam privativam.* Et ponit exemplum: *Sicut operatio adificantis non pertingit ad hoc, quod habitanti in domo benè, vel malè accidat. Quod & reperit q. 3. de potentia art. 6. ad 6. Hujus rei vel indè abundè magnum argumentum est ratio, quam assignat 1. p. q. 49. art. 2. Malum, quod est in defectu actionis, semper causatur ex defectu agentis.* Quod luculenter explicat 1. 2. q. 75. in corp. & ad 3. dicendo: *Quia voluntas sine directione regulæ operatur, quia movetur ab aliquo fine, vel motivo, cui adjungitur negatio finis debiti, ideo defectus, vel privativa malitia in peccato dicitur provenire ex negatione finis debiti, quæ est conjuncta bono apparenti, vel moventi voluntatem ad peccandum.* Et tandem in 2. dist. 44. q. 1. art. 1. *Undè cum potentia voluntatis humana sit per se ordinata ad bonum, defectus à bono in actu ejus oportet, quod causetur ex aliquo defectu in ipsa: quibus satis ostenditur mens Angelici Præceptoris, quod causalitas Dei non transeat ad malitiam privativam, quia semper causatur ex defectu agentis. Sed licet in omnipotentiam Dei reducat actualitas, & perfectio creaturæ, nequit reduci concursus secundum id, quod dicit imperfectionis, & defectus: ergo falsum est, peccatum non existere nisi Deo efficiente secundum id, quod dicit defectus, & privationis finis debiti, vel ut loquitur *D. Thomas*, quod causalitas Dei transeat ad malitiam privativam.*

54. Videant ergò Auctores oppositi ex his, quæ §. antecedenti superiori calamo scripsimus, quàm parum concordent hæc duo, quod Deus permissivè concurrat, & quod omnipotentia influat in malitiam peccati. Permittere ex terminis solùm dicitur quod malum est, quod displicet: quare Theologi antiqui permissionem, quam agnoscebant respectu malitiae, negant actui secundum quod entitas est; & operationem, quam agnoscunt in ordine ad actum, negant respectu malitiae. Ita *Doct. subtilis* lib. 1. sententiar. dist. 41. & 47. dicens: *Ita Deus scit, hunc peccatum, non solùm quod scit se permissurum, sed etiam quia scit, se cooperaturum huic ad substantiam actus non circumstantialitè, & per consequens iste committet: vel non cooperaturum ei ad actum necessa-*

rium, & per consequens iste omittet. Et Joannes de Bassolis in 2. dist. 37. Dico, inquit, quod positivum ipsum subtractum non permittit, scilicet Deus, immò operatur, & adimplet, sed malum ipsum, ut sic, permittit. Quomodo ergo dici potest permissio respectu actualitatis, & perfectionis convenientis actui peccati secundum quod entitas est, quæ auctoritatem Dei efficacem terminat, & quæ est, ut dicimus, effectus voluntatis consequentis? An forsitan permissivè se habet Deus respectu illius influxus, qui si deficeret, deficeret perfectio, & activitas omnipotentia? Numquid potentia, & qualibet virtus permissivè se habet ad terminum præcontentum sub ratione formæ i specificativa ipsius? Intellectus nè ad hoc verum in particulari, potentia visiva ad talem colorem? Ergò nec omnipotentia permissivè se habet ad id, quod est verum ens reale præcontentum sub ratione formali ipsius. Hujus permissivi concursus verum, reale, & physicum influxum dicentis, textum vel unum ex Sacris Litteris, PP. & Conciliis non assignabunt; cum contra tot sint SS. PP. testimonia omnem concursum positivum excludentia erga malitiam peccati. Sic S. Basilii in Homil. cujus titulus est: *Quòd Deus Auctor malorum non est: Extinguit ergo Deus malum, non est ex Deo malum, quoniam & Medicus morbum tollit, non morbum corpori infligit.* Et iterum: *Non enim turpe ab honesto, neque vitium à virtute; quoniam brevis sanè apparet, Deum mortem nequaquam secisse.* Et D. Gregorius Nissenus Orat. 3. *Deus nullo modo mali causa est; quippe natura hujus, vitium ejus est, qui eligit.* Et D. Prosper ad Gall. cap. 1. *Deum omnino non esse causam cujuscumque peccati.* Et cap. 15. *Infidelitas non est, nisi ex sola hominis voluntate.* Quæ universalis negativa locutio omnem positivum influxum removet. Sed hoc tam in SS. PP. quàm in Theologis tam tritum est, & in medio positum, ut tempus ulterius non esse nobis in his conterendum, arbitrer.

55. At Thomistæ nomine permissionis peccati non intelligunt ali-quod ens à Deo productum in homine, nec præcisè permissio dicit non impedire, sed est formaliter idem quòd providendo, ac volendo per-missionem peccati non impedire peccatum denegando gratiam effica-cem. Sic expressè D. Thomas cap. 9. ad Rom. lect. 4. *Actus, quem Deus exercet erga reprobos, non est, quòd disponat eos ad malum, sed hoc solum Deus circa eos agit, quòd eos permittit agere, quæ concupiscunt.* Ubi apertè dicit, Deum agere hoc ipso quòd permittit, quia permissio divinam includit voluntatem, quâ Deus vult positivè permittere pec-catum, ut expressè affirmat D. Thomas 1. p. q. 19. art. 9. ad 3. *Deus vult permittere mala fieri; cujus rationem assignat q. 23. art. 2. dicens: Cum igitur Deus sit universalis Provisor totius entis, ad ipsius providentiam pertinet, ut permittat quosdam defectus esse in aliquibus particularibus rebus, ne impediatur bonum univèrsi perfectum.* Et q. 23. art. 3. *Ad provi-dentiam per:inet permittere aliquem defectum in rebus, quæ providen-tiæ subdantur, ut supra dictum est.* Undè cum per divinam providen-tiam homines in vitam æternam ordinentur, pertinet etiam ad divinam providentiam, ut permittat, aliquos ab isto fine deficere. Quem per-mittit.

mittendi modum consistere in pura negatione gratiæ: testatur 1. 2. q. 79. art. 3. *Causa subtractionis gratiæ non solum est ille, qui ponit obstatulum gratiæ; sed etiam Deus, qui suo iudicio gratiam non apponit.* Quod magis explicuit art. 1. in corp. probans, Deum non esse causam nec indirecte peccati: *Contingit enim, inquit, quod Deus aliquibus non præbeat auxilium ad evitandum peccatum, quod si præberet, non peccarent: sed hoc totum facit secundum ordinem suæ sapientiæ, & iustitiæ, cum ipse sit sapientiæ, & iustitiæ.* Unde non imputatur ei, quod alius peccet, sicut causa peccati: sicut Gubernator non dicitur causa submersionis Navis ex hoc, quod non gubernat Navem, nisi quando subtrahit gubernationem, potens, & debens gubernare. Et q. 3. de malo art. 1. ad 1. *Deus tantum dicitur operari malum, aut inclinare hominum voluntates in malum, quatenus non prohibet, aut impedit homines peccare.* Et 3. contra gent. cap. ultimo: *Illos, quibus ab æterno disposuit se gratiam non daturum, dicitur reprobasse.* Quæ omnia clarissime confirmant, quod permissio peccati activè sumpta, est voluntas Dei non conferendi gratiam ad vitiationem peccati, & passivè sumpta ipsa denegatio gratiæ, quin Deus positivè influat medio vero, & reali concursu in malitiam peccati. Hoc enim est consequens, ut quibus Penitentiam non dederit, resipiscientiam abstulerit; & quos non levavit, alliserit: cum aliud sit infontem in crimen egisse, quod alienum est à Deo; aliud criminoso vitam non dedisse, quod de peccatoris est merito.

## §. VII.

*Solvuntur argumenta.*

56 **O**BJICES primò: Quidquid sit de modo operandi permissivè per concursum positivum, est sufficiens fundamentum in Littera Concilii *Tridentini*, ut concursus permissivus verè sit, & dicatur operativus: ibi enim sess. 6. Can. 4. damnatur *qui dixerit, mala opera, ut bona, Deum operari non permissivè solum, sed etiam propriè, & per se*: ergo loquendo de malis operibus, Deum non possumus alio modo dicere causam permissivam, nisi concursus permissivus sit verè operativus. Sed facilis est solutio, distinguendo consequens, loquendo de operibus malis, ut mala sunt, nego: ut opera sunt, conc. Aliud est loqui de opere malo, aliud de opere ut sic, licet in re malum sit. Opus malum Deus non causat, alias causaret malitiam: opus verò, quod malum est, Deus causat, ut opus, non ut malum. Quarè subsistit optimè discrimen statutum: utrumque enim opus Deus causat, sed non æqualiter; in opere enim bono operatur opus, & bonitatem; in malo causat opus, sed non malitiam. Docet Spiritus Sanctus, non eodem modo operari Deum opera nostra mala, ac opera nostra bona, sed illa solum permissivè, ista propriè, & per se: idem & nos asserimus accipientes verba Concilii in proprio sensu. Ibi enim, ut suprà diximus, agit contra

Ha-

Hæreticos asserentes, non esse in potestate hominis vias suas malas facere, & supponentes id, quod negare non poterant, vias scilicet aliquorum hominum malas esse: ex quo inferebant, Deum aqualiter operari opera bona, & mala, & utraque esse eodem modo propria Dei. Hunc errorem *Concilium* proscribit: at prius radicem evellit tum Can. 4. definiens hominis libertatem, quia potest desistere, si velit; tum Can. 6. statuens, esse in potestate hominis vias suas malas facere: ac subinde mala opera non ita Deo tribuenda esse, ac bona: illa quippè, id est mala, Deo tribuuntur quoad entitatem; quoad malitiam non item: ista, verò, id est bona, quoad entitatem, & bonitatem. Enimverò juxta consuetum loquendi modum qui dicit: Petrus non facit parietem nigrum, non negat, Petrum facere parietem, sed quòd illi negredinem, superponat. Ita *Concilium* minime negat, Deum utraque opera operari, sed affirmat; negat tamen, parem esse modum utraque operandi. Est namque valde notandum, quòd cum Deus operetur per intellectum, & voluntatem, verbum *operor* dictum de Deo appellat conceptum formalem, quia significat actum animæ interiorē, ut dicitur in Summulis cap. de Appellat. undè ista est mala consequentia: *Deus non operatur opera nostra mala: ergo non operatur opera nostra*: alioquin falsò dixisset *Propheta*: *Domine, omnia opera nostra operatus es nobis*: non, ergo ly *opus nostrum* aliquid importat contrarium causalitati divinæ, sicut *opus nostrum malum* malitiam importat: ex quo patet, quòd considerando *omnia opera nostra*, prout his vocibus significantur, non prout istis *opera nostra mala*, operatio divina simpliciter, & absque ulla restrictione super illa omnia fertur, & restrictio solum est adhibenda, cum, dicitur, opera nostra mala operari, ne Deus putetur ad malitiam positivè concurrere; sicut ex *D. Anselmo* lib. de concord. præscientiæ, & prædestinationis cap. 7. diximus: *Facit igitur Deus omnia, quæ iusta, vel injusta voluntate fiunt, id est bona opera, & mala: in bonis quidem facit, quod sunt, & quod bona sunt, in malis verò facit, quod sunt, sed non quod mala sunt, & præmiserat, quòd omnis actio est à Deo*. Hic nulla adjuncta particula restrictiva asserit, quòd Deus facit in bonis operibus, & quòd sunt, & quòd bona sunt, id est, facit bona opera, & pro materiali, & pro formali: in malis verò facit absolute quòd sunt, sed non quòd mala sunt, id est, facit opus malum pro materiali, non pro formali: ergo bene loquimur, dum cum *Anselmo* loquimur. Immo & cum Scriptura, quæ aliquando ait Deum facere, quod simpliciter permittit, vel non facit. *Genes. 24. 27. Exod. 1. 18. Dent. 20. 16. Job. 2. 3. & 9. 25. Primo Reg. 27. 11.*

57. Secundò principaliter pro eadem parte argumentatur. Non stat, entitatem peccati esse, & produci à Deo, & quòd malitia non sit, & non producatur à Deo. Hoc sibi Adversarii demonstrare videntur sic arguentes: primò, non stat unam, & eandem rem esse, & non esse à Deo, produci, & non produci à Deo: hæc enim contradictoria sunt, quæ simul vera esse non possunt; sed entitas, & malitia peccati sunt una, & eadem res: ergo non stat, entitatem peccati esse, & produci à Deo, & non

& non esse, & non produci à Deo malitiam. Confirmatur hoc vel maxime. Primò, quia Petreitas, & humanitas Petri sunt idem, non stat, humanitatem Petri esse & produci à Deo, & quòd Petreitas non sit, & non producatur à Deo: ergo. Confirmatur secundò: Non stat, entitatem peccati causari à creatura, quin causetur malitia, propter utriusque identitatem: ergo propter eandem rationem non poterit produci entitas à Deo, quin malitia à Deo producatur: neque enim minus inter se opponuntur produci, & non produci, quàm produci à Deo, & non, produci ab ipso: sed identitas realis entitatis peccati cum malitia, pugnat cum eo, quòd entitas producatur non producta malitià, & aliàs ex realiter identificata possit unum non existerè: ergo pariter repugnabit, entitatem esse productam à Deo, & non malitiam. Quid enim producit à Deo, nisi quod est res producta? Sed entitas peccati est res producta, & malitia peccati est entitas peccati: ergo malitia peccati producit à Deo.

58. Si dicas, ad vitandam contradictionem sufficere, quòd entitas virtualiter distinguatur à malitià, nam id sufficit in divinis, ut producatur filiatio, quin producatur essentia cum illa formaliter identificata; contra insurgunt primò, quia talis distinctio inter entitatem, & malitiam constituta est, & solum se tenet ex parte intellectus, in objecto autem non invenitur. Secundò: quidquid sit de præcisione facta per intellectum, concursus physicus, & realis non est præcisivus. Tertio, displice exemplum magis ac ipsa solutio; nam Mysterium Trinitatis fide credimus divina, & ita esse in Deo ratione non comprehendimus; ut quid ergo abjectissimam, vilissimamque omnium entitatem illi comparabimus?

59. Hoc argumentum procedit sive peccatum consistat in privatio, sive in positivo. Si enim primum alleritur, urget nos argumenti difficultas eodem modo respectu fundamenti, quod positivum debet esse: cum privatio, & negatio fundari nequeant in aliquo privativo, ne una privatio sit alterius fundamentum: nam fundamentum malitiæ à Deo non causatur, cum tamen causetur entitas realiter identificata cum ipso. Admissio ergo, quòd malitia consistat in positivo, pro solutione, Sophismatis positi; nam reverà nobis, non tam argumentum, quàm sophisma est, quod multis verbis exaggerant Adversarii; illud suppono ex Logica Collegii S. Thomæ Complutensis q. 3. de universal. art. 4. quòd cum extrema ratione distinguuntur, ex his, quæ pertinent ad rationem, in qua distinguuntur, quod prædicatur de uno, potest negari de altero. Unde tunc de extremis solà ratione distinctis verificari possunt prædicata contradictoria, quando alterum ex illis prædicatis convenit uni extremo secundum illam rationem, in qua distinguitur ab alio. Sic de essentia, & Paternitate, quæ in divinis solà ratione distinguuntur, verificatur distingui, & non distingui à filiatiōe, quia distingui à filiatiōe convenit Paternitati sub conceptu relationis, per quem ratione distinguitur ab essentia. Sed ne videamur exemplum omnino ab incomprehensibili Mysterio petere, simile nobis præbet anima rationalis, cuius intellectiva ratio à sensitiva ita distinguitur, ut utraque eadem entitas

titas sit; & tamen discursus producitur ab illa ut intellectiva, non ut sensitiva. Hancque doctrinam, quæ à laudatis Complutensibus optimè traditur, omnium Thomistarum esse, quamquam aliqui vocibus differant, nemo nescit. Hoc ergo supposito, sicut & quòd produci, & causari à Deo convenit entitati secundum illam rationem, quâ distinguitur à malitia; convenit namque entitati secundum quòd spectat ad genus physicum, quâ ratione præcontinetur in omnipotentia, & est ens participatum, & ad Deum ordinabile, ut ad finem; quòd minimè convenit malitiæ; cum causabilis non sit, quia formaliter ut talis nec in Deo continetur, nec à Deo participatur, nec est in Deum ordinabilis, ut ad finem. Undè ipsa spectat ad genus moris, licet entitas, cum qua realiter identificatur, spectet ad genus physicum. Cum ergo ex his, quæ ad diversa genera pertinent, licet aliis sint realiter identificata, possit unum causari ab uno principio, & non aliud, inde fit, quòd entitas causatur, & producitur à Deo, non tamen malitia.

60. Quo supposito, facilis est argumenti solutio. Ad primum respondetur distinguendo majorem: secundum unam, & eandem rationem, concedo maj. secundum diversas rationes, sub quibus spectant ad diversa genera, nego maj. & dist. min. est una, & eadem res formaliter, & ad idem genus spectans, nego min. formaliter diversa, & ad diversa genera spectans, concedo min. & neg. consequentiam. Licet enim in genere physico omnia à Deo efficiantur, causeturque entitas peccati, non ex hoc deducitur, malitiam spectantem ad genus moris à Deo effici. Potest enim aliquid esse causatum à Deo in genere physico, quin sit ab ipso causatum in genere moris. Et quæ in hoc ab Adversariis proponitur difficultas, ipsos æqualiter urget; cum argumentum in eorum principiis manifestè intretur. Primò: quia entitas peccati continetur in Deo, ut in principio effectivo, malitia verò, ut in principio defectivo in Deo non continetur, nè contineatur iniquitas in sanctitate per essentiam; cum tamen sit una realis entitas. Secundò in ipsa voluntate creata, quæ non obstante identitate entitatis cum malitia, intendit directè entitatem, & non intendit directè malitiam; quia nemo intendens malum, operatur; & non minus opponuntur directè intendere, & directè non intendere, quam causare, & non causare. Tertiò in eadem voluntate, quæ realiter identificatur cum potentia peccandi, seu cum defectibilitate radicali, & tamen Deus est causa voluntatis, quin sit causa potentie peccandi, seu defectibilitatis radicalis, quæ non convenit voluntati ex Deo, sed quia ex nihilo facta est. Vel quartò in ipsa entitate peccati, quæ est à voluntate, ut efficiente, cum malitia sit ab illa, ut defectibili, licet entitas realiter identificetur cum malitia. Quintò in habitu vitioso in positivo consistentem, cujus licet entitas positiva identificetur cum habituali malitia, Deus causat entitatem positivam, quin causet habitualem malitiam. Et tandem in actu offensivo Dei, & in actibus meritoriis Christi Domini, qui juxta omnes sunt in genere physico finiti, & in genere moris infiniti, vel superioris ordinis, respectu quorum fit idem argumentum; Non minùs opponuntur finitum, & infinitum, quam

quàm causatum, & non causatum: ergo potest aliquid esse causatum à Deo in genere physico, quin sit causatum ab illo in genere moris.

61. Videant ergo Adversarii, quòd præfens difficultas non est privativè doctrinæ Thomistarum: ipsos urget, immò, & quemlibet Catholicum, asserente Scripturâ Sacrà, *Omnia per ipsum facta sunt*; & alibi: *Nihil odisti eorum, quæ fecisti*; & *Deus odio habet iniquitatem*. Si enim omnia per Verbum facta sunt, & malitia aliquid est, sequitur, malitiam à Deo esse factam; atque odio habere, & non habere aliquid, quod fecit: quæ Sacri Eloquii contradictio solvi nequit, nisi dicatur, in genere physico omnia à Deo effici, & à Deo amari; iniquitatem verò, quæ ad genus moris spectat, à Deo non causari; nec amari, sed odio haberi.

62. Ad id, quo primò confirmatur argumentum, nego causalem, ut insufficientem: non enim sola identitas est ratio, quare humanitas Petri non possit à Deo produci, quin ab ipso producat Petreitas, sed quia produci à Deo non convenit humanitati per id, quo distinguitur à Petreitate, sed potius per id, quo à Petreitate, non distinguitur. Utrique enim aequaliter, & per idem convenit ratio producibilis à Deo, quia nimirum ratio entis participabilis, & ordinabilis in Deum utrique aequaliter, & per idem convenit. Et ex hoc rursus ad secundum concessio antecedenti, negatur consequentia: nam quæ sunt idem, separari non possunt, nec unum potest existere sine alio: existentia namque entitati non convenit secundum illam rationem, quâ distinguitur à malitia, sed per illam, quâ cum malitia convenit: quocirca in existendo non possunt separari. At terminare causalitatem divinam convenit entitati per id, quo distinguitur à malitia: quare licet entitas, & malitia non opponantur in ordine ad produci, opponuntur tamen in ordine ad produci à Deo, ceu à principio verè efficiente. Et ratio fundamentalis est, quia influxus creatus, non solum est utriusque generis physici, & moralis; sed etiam moralis efficienter, & deficienter. Unde cum deordinatus est, non solum attingit entitatem, quæ spectat ad genus physicum, sed etiam malitiam, quæ spectat ad genus moris: causalitas verò divina in huiusmodi purè spectat ad genus physicum, cum de genere moris nihil ibi, nisi deficienter sit: unde non attingit malitiam.

63. Non majoris difficultatis est, quod contra responsionem factam primo loco dicitur; quia illa distinctio non se tenet præcisè ex parte intellectus, sed in objecto ipso fundatur, importaturque signatè in illis vocibus, *entitas peccati*, *malitia peccati*: non quia voces significant distinctionem, sed quia hæc consequitur, & exercetur in objectis, ex eo quòd una signat unum, & non aliud: primum enim complexum signatè dicit aliquid à Deo participatum, & ex se ordinabile in ipsum: secundum verò importat signatè aliquid, & imparticipabile, & inordinabile. Unde absolute, & sine restrictione dicimus: *Entitas peccati est à Deo, malitia non est à Deo*. Ad secundum responderetur, quòd virtus productiva ex eo, quòd attingat unum, & non aliud, dum spectant ad

diversa genera, nequit præcisiva vocari; sicut voluntas præcisiva non est, licet attingat bonum, & non verum; nec intellectus idcò præcisivus dicitur, quia attingit verum, & non bonum, licet verum sit realiter bonum, cum verum, & bonum ad diversum genus pertineant. Virtus ergo illa præcisiva erit, quæ inter prædicata realiter identificata ejusdem generis attingit unum, non attracto altero: sicut intellectus in illis, quæ sunt de genere objecti, aut veri.

64. Ad tertium dicitur, quod exemplum maximè est ad rem: nos enim evidentem rationem assignamus, ut de re identicè una possint verificari prædicata contradictoria. Quòd si eadem ratio nilitat in divinis, non mirum si exemplum ex divinis petamus, per quod Sacrosanctæ Trinitatis mysterium non deicitur, sed redditur intelligibilius, quando ex iis, quæ ratio naturalis dicit, assurgimus ad illam eminentiam nostro imperfecto modo concipiendam. Aptum ergo est illud exemplum, si, ut à Thomistis adducitur, à Contrariis intelligatur. Pro quo adverte, in mysterio Sanctissimæ Trinitatis duo præcipue inveniri. Primum est, quod essentia Filii producti ita sit à se, ut nec à Patre, nec ab alio producat. Unde Pater divinus Filium ita producit, ut non producat essentiam. Secundum est, quod essentia Patris, & Filii sit omnino eadem a'que virtuali distinctione; ex quo sequitur, quod natura, & essentia non multiplicentur realiter, etsi supposita realiter multiplicentur. Porro in hoc secundo mysterio illud ita est singulare, & supra naturæ captum elevatum, ut vix leve inveniat veligium illius, de quo 1. part. quæst. 93. per totam. In primo autem mysterio illud non ita singulare est. Immo etiam in creatis generationibus Pater filium, producit, sed non filii naturam; hæc enim non est producibilis, nisi ab agente universali, & cujus actionis terminus à quo est non natura, quod agens non potest esse ejusdem naturæ individuum sub illa constitutum, ut est quilibet Pater. Unde, ut satisfaciamus argumento, quod fit ex illo principio naturali, *Quæ sunt eadem uni tertio, sunt eadem inter se*; illud principium explicamus de iis, quæ re, & ratione sunt eadem uni tertio, ut didicimus ex Divo *Thoma* 1. part. quæst. 28. art. 3. ad 1. ubi & apponitur exemplum in actione, & passione, quæ sunt idem motui, non tamen inter se, & alia ab aliis alteruntur exempla; quæ sanè si ad rem non sunt, nec illi mysterio similia, vanè à Theologis, Theologorumque Principe ad solutionem argumenti inducuntur. Aptum ergo, & propriissimum est illud exemplum, quia ratio illius, ut adducitur à Thomistis æqualiter militat in nostro casu; quoniam nimirum producti à Deo convenit entitati actus pravi ratione illius, quo virtualiter differt à malitia; sicut produci convenit filiationi per id, quo virtualiter ab essentia differt. Ex quo fit, quod Deus censeat entitatem secundum id, quo à malitia differt; restat tamen disparitas in eo, quod nec à Patre, nec ab alio essentia divina producit; malitia verò peccati causatur à voluntate; per quod infinite differt productio peccati à productione Filii; nam de Filio verificatur, quod est res producta, & improducta, de peccato nimirum.

65. At



65. At quia hoc argumentum primo loco obviū faciunt Adversarii, quo veluti Achille Duce moventur, ut solutio perspicuē, diligenter, atque enodatē explicata maneat, operæ pretium est audire D. Thomam sibi illud proponentem in 2. dist. 37. quæst. 2. art. 2. *Rei non assignatur causa efficiens, secundum quod est in intellectu, sed secundum quod est in re: sed quidam actus sunt, in quibus non potest separari illud, quod est de natura actus, à deformitate, nisi secundum intellectum, quia bene fieri non possunt: ergo non causatur, nisi secundum quod sunt sub illa deformitate: sed ut sunt sub deformitate non sunt à Deo: ergo nullo modo à Deo sunt.* Ad quod argumentum respondet: *Sicut actio, quæ peccati deformitatem habet, dicitur bona in quantum est actio, bonitate naturæ, non propter hoc, quod aliquando inveniatur separata à deformitate, sed quia bonitas illa naturæ deformitati substat: ita etiam Deus dicitur esse causa illius actionis, in quantum est actio, & non in quantum est deformis: hoc modo, quod actionem non faciat à deformitate separata, sed quia in actione deformitati conjuncta, hoc quod est actionis facit, & quod deformitatis non facit. Et si enim in aliquo effectu plura inseparabiliter conjuncta sunt, non oportet, ut quidquid est causa ejus quantum ad unum, sit causa ejus quantum ad alterum.* Hæc D. Thomas. At pro clariori intelligentia illius causalis, Actio, quæ peccati deformitatem habet, dicitur bona: quia bonitas illa naturæ deformitati substat, advertendum, quod verissimum est: sed reddit causam materialiē, non formalem: nec enim ratio formalis, quare actio illa sit bona bonitate naturæ, est malitia, cui substat, sed quia subiectum malitiæ debet esse bonum; malum enim non subiectatur in malo, sed in bono, ut docet S. Thomas 1. part. quæst. 48. art. 3. Et quæst. 49. art. 3. in princip. corp. dicens: *Ostensum est enim, quod omne ens, in quantum est ens, bonum est, & quod malum non est, nisi in bono, ut in subiecto.*

66. Discimus ex hoc discursu, quod licet entitas peccati non cause-  
tur, ut præcisè apparet in conceptu præscindente; quia causa illius adæ-  
quata illam ponit in re, & cum malitia: ratio tamen quæ, & sub qua à  
Deo causatur, est illa, quæ præcisè apparet in conceptu præscindente  
entitatem à malitia. Dum ergo asserit, Deum causare sub ratione entis  
quidquid est in actione peccaminosa, ly *sub ratione entis* denotat mo-  
dum se tenentem ex parte Dei, qui est purissimum ens, ac proinde non-  
nisi sub ratione entis potest agere. Denotat etiam rationem, sub qua  
terminus subijcitur causalitati divinæ; nam terminus quo similis esse de-  
bet principio quo agendi: ultimò denotat rationem, quæ terminat cau-  
salitatem divinam, & quæ per illam producitur. Ex quo sequitur, esse  
extra spheram suæ causalitatis malitiam peccati.

67. Concedimus ergo, quod entitas, & malitia peccati in re, phy-  
sicè, & subjectivè unum sunt, terminativè autem, & comparative ad  
causalitatem divinam duo sunt, & tantum distincta, quantum requiri-  
tur, ut terminet entitatis Dei causalitatem, malitia verò non item. Non  
distinctionem istam fingimus, sed illam à Divo Thoma accipimus 1. 2.  
quæst. 72. art. 1. in corpore: *Sicut dictum est, ad rationem peccati duo*

*concurrunt, scilicet actus voluntarius, & inordinatio ejus, quæ est per recessum à lege Dei. Horum autem duorum unum per se comparatur ad peccantem, qui intendit talem actum exercere in tali materia: illud autem, scilicet inordinatio actus, per accidens se habet ad intentionem peccantis. Et dicta distinct. 37. quaest. unic. art. 2. in corpore, sic dicit: In peccato est etiam duo considerare, scilicet ipsam actionem, & deformitatem: ipsa igitur peccati actio est natura aliqua; sicut & alia accidentia naturæ quædam sunt. . . . . Secundo verò modo naturæ non sunt.*

68. Non desunt plura exempla, quibus res sufficienter declarari potest. Primum sit in concursu Dei, qui juxta Adversarios identificatur cum actu, & malitia actus: immò reliqui Theologi adfluenter, concursum prævium distingui ab actu sive bono, sive malo, frequentius allerunt, concursum simultaneum non distingui ab ipso. Et tamen nullus est ausus dicere, concursum Dei honestum non esse, ac laudabilem. Vel aliter, & urgentius: Deus odio habet voluntatis creatæ influxum in malitiam; sed influxus voluntatis creatæ in malitiam est idem realiter, juxta Adversarios, cum influxu omnipotentia Dei in malitiam, quem Deus nequit odio habere: ergo rectè componitur, quòd odium Dei terminetur ad unam formalitatem influxus in malitiam, quin terminetur ad entitatem talis influxus. Habemus etiam in mysterio Incarnationis exemplum. Primum: Deus per actionem physicam univit humanitatem personæ Verbi, non naturæ; unio enim facta est in persona, non in natura: & tamen persona, & natura sunt unum tantà, ac majori identitate, quàm entitas, & malitia. Similiter relatio sub conceptu *in*, seu formæ hypostaticæ terminavit humanitatem, non sub conceptu *ad*, seu relationis: & tamen conceptus isti non realiter, immò nec virtualiter æquatè distinguuntur. Ulterius in actu libero Dei, cujus terminatio, secundum expressum terminationis, defectibilis est, quin sit defectibilis entitas terminationis: ergo non dicunt Thomistæ aliquid novum, cum dicunt, causalitatem divinam terminari ad entitatem peccati cum præcisione à malitia.

69. Sed his tamen objicitur: Primum, quia nec divinus intellectus, nec humanus potest entitatem præscindere à malitia: ergo cum causalitas divina non sit magis præcisiva, multò minùs poterit talem facere præcisionem. Secundò, entitas illa actus non producitur eò modò, quòd apparet in conceptu, sed ut est in re: sed in re est ipsa malitia: ergo producit malitia. Tertiò: quia vel ratio *sub qua* divinæ omnipotentia est universalissima ratio entis positivi, vel non; sed alia inferior? Si hoc secundum: ergo quòd volitio prava sit ens positivum, non infert omnipotentiam debere in eam influere. Si primum, ergo debet influere in ipsam moralitatem malitiæ. Consequentia est clara: nam quòd universalis ratio entis sit ratio *sub qua* ad concursum omnipotentia: nihil est aliud, quàm quòd quidquid participaverit rationem entis positivi, debeat terminare ipsius influxum: sed moralitas ipsa malitiæ, ut supponit argumentum, in positivo consistit: ergo debet terminare, *ut quod*, influxum omnipotentia:.

70. Sed

70. Sed hæc argumenta captiosa sunt, & vana, atque facillimè retorquentur, allumptis pro medio exemplis, quæ pro nobis attulimus. Ad primum responderetur concessio antecedenti, negando consequentiam. Quòd enim intellectus divinus, aut creatus non possit cognoscere entitatem peccati, quin simul cognoscat malitiam, inde provenit, quòd intellectus infinitus, ac infinitè rerum comprehensivus, non potest non cognoscere simul objecta, quæ sub eadem cognoscibilitate proponuntur. Potest tamen decernere concursum ad entitatem, quæ est ipsius participatio, quin illum decernat ad malitiam, quam Deus in se non continet. Huius rationem assignavit D. Thomas 1. part. quæst. 25. art. 5. ad 1. per hæc verba: *Ipsum facere subiacet præscientia, & præordinationi, non tamen ipsum posse, quod est naturale*, & consequenter nec ipsum nosse. Deus ergo comprehendens peccatum, videt id, quod habet entitatis, & actionis; videt etiam quod habet deformitatis, & malitiæ: illud agnoscit suum, quia primo ab ente est participandum: unde illius existentiam ponendam per suum concursum decernit; malitiam autem esse, contra se ipsum noscit, & illius existentiam pro suo iudicio permittit. Intellectus etiam creatus plura non potest præscindere, quæ distinguuntur, quantum ad actiones, ut patet in omnibus terminis realibus connexionum.

71. Ad secundum constat defectus Syllogismi, quia fit transitus de genere in genus, & instatur multipliciter in voluntate, & intellectu. Verum est bonum; sed verum specificat intellectum: ergo bonum. Vel aliter: Terminatio actus liberi Dei est detectibilis, sed terminatio est entitas: ergo detectibilis est entitas. Quare responderetur, quòd entitas peccati non ponitur in re, ut apparet in conceptu, quia prout in conceptu est præcisa à malitia, saltem quoad explicitum, in re verò talis præcisio non datur, sed consequitur modum intelligendi; at nihilominus causalitas divina ad id præcisè terminatur, quod apparet in objecto sub illa præcissione; malitiam autem producit voluntas creata, quæ deficienter cooperatur concursui, & causalitati divinæ. Hoc patet in exemplis positis, sicut in unione humanitatis ad personam, & in claudicatione.

72. Ad tertium constat ex superius dictis, quòd subiacet causalitati divinæ universalissima ratio entis positivi: ceterum subiacet sub explicito conceptu entis, quia sub illo est bonum in Deo contentum, à Deo participabile, & in ipsum ordinabile, ut in finem, non verò sub alia formalitate, & expressione, quia sub illa non est bonum, non est in Deo contentum, non est à Deo participabile, & est ipsa deordinatio à Deo. Unde moralitas illa positiva, ut ens, causalitati divinæ subiacet, non ut deformitas: sicut filiatio, & non natura est terminus unionis, & productionis, quamvis filiatio, & natura sit una, & eadem formalitas. Plura alia possemus in exemplum adducere; sed satis sit inquirere ab Adversariis, quò jure scientia nostra, exempli gratiâ, sub ratione talis, sit participatio scientiæ Dei, & non sub ratione qualitatibus?

73. Objicies tertio. Etsi Deus positivè concurrat ad malitiam peccati,

cati, non sequitur esse causam peccati: non enim influxus est ex determinatione Dei, sed purè ex determinatione creaturæ concursum determinantis contra inclinationem elicitam, & innatam divinæ omnipotentia: quod aptissimè deducitur ex illo *Isaia 43. Servire me fecisti in peccatis tuis*. Et apertè confirmat D. *Anselmus* de Casu Diaboli cap. 28. loquens de voluntate prava Angeli: *Non solum*, inquit, *habet aliquis à Deo, quod Deus spontè dat, sed etiam quod spontè rapit ipse, Deo permittente: & sicut dicitur Deus facere, quod permittit fieri, ita dicitur dare, quod permittit rapi*. Quoniam igitur permittente Deo, Angelus malè usus est potestate à Deo sibi datà, à Deo habuit (per rapinam utique) quod est ipsum velle. En concursus positivus, quo Deus malam voluntatem Angeli produxit: & quæ tantum permissivè fuit à Deo, eò quod ipso invito. & coacto per rapinam illam habuit. Hoc ipsum affirmat *Tertullianus* in Exhortatione ad Castitatem, dicens: *Quod à Deo permitti dicitur, quasi de invita venit voluntate*. Et *Divus Bernardus* serm. 5. in Natali Domini: *Nam quod judicat, & condemnat nos, eum quodammodo cogimus*. Ex quibus deducitur, Deum quasi invitum, & coactum concurrere permissivè ad peccatum. Non enim est aliqua repugnantia, quòd positivè influat contra propriam inclinationem; ac si quis arriperet manum filii ad percutiendum Patrem, talis percussio verè positivè egrederetur à filio, & tamen esse contra inclinationem ipsius: quo simili rem illustrat *P. Marin* loco cit. Eandem doctrinam expresse docent *P. Avendaño* disput. 7. cap. 1. §. 19. num. 5. Et *P. Herrera* de scientia Dei q. 13. sect. 8. num. 123.

74. Secundò: quia licèt Deus concurrat immediatè ad actum peccati physicè sumptum concursu sufficienti, & quoad entitatem tali; non tamen concursu efficaci, & quoad denominationem tali in illis circumstantiis, in quibus actus peccati non potest fieri, nisi cum malitia morali; ergo licèt physicè concurrat, non tamen est causa peccati. Antecedens est *P. Rivadeneyra* de Predestin. disput. 11. cap. 5. num. 60., qui doctrinam explicat num. sequenti exemplo omnipotentia: *Sicut enim*, inquit, *in sententia constituyente divinam omnipotentiam penitèns absolutam à possibilitate creaturarum, denominatur Deus potens, quatenus est ex se, producere creaturas, quæ repugnant, denominandus potens absolute, si daretur non repugnantia ex parte ipsarum: sic Deus ad entitatem physicam actus, qui pravè exercetur, denominatur concurrens immediatè, quatenus est ex se, denominandus simpliciter, & sine aliquo diminuyente concurrens, si tali actui deficeret, ut potest, ratio peccati*. Juxta quam doctrinam concursus divinus voluntati oblati, quantum est ex se, sufficiens est, & ad actum honestum, & ad turpem; influeretque Deus physicè in entitatem physicam actus turpis, si à nostra voluntate sine turpitudine exerceretur; quando autem in his circumstantiis cum turpitudine, & malitia morali exercetur, Deus non influit actu physicè in illum, etiam quantum ad entitatem physicam, nec est actualis causa illius, nisi tantum permissiva.

75. Tertiò, quia Deus offerens voluntati concursum indifferenter, non

non concurrat ad actum pravum absolutè, sed solum sub conditione, quòd talis concursus à nostra voluntate determinetur. Ita P. *Avendaño* disp. 6. cap. 1. §. 7. num. 3. Sed dum hoc modo concurrat, non potest dici causa malitiæ, cum absolutè Deus non concurrat; nec affectivè, cum potius concursum offerat voluntati desiderans, ipsam elicere actum honestum, potius quàm turpem, & ad illum vehementer impellens, sive ab hoc magnoperè avertens, ut voluit alii apud P. *Rivadeneira* de Prædest. disp. 9. n. 23. Ergo quamvis Deus physicè concurrat ad entitatem, & malitiam actus pravi, nequit dici causa malitiæ, sed solum causa permissiva.

76. Respondendo ad argumentum, sanè rogare vellem Theologiam istam recentem, ut fileat circa modum, quò ponit in Deo concursum subjectum, & subordinatum determinationi creaturæ, & quòd verè positivè influat contra propriam inclinationem, docente Scripturâ *Maichab. 4. cap. 9. Iustum est, subditum esse Deo, & mortalem non paria Deo sentire.* Et *Psal. 36. Subditus esto Domino, & ora eum.* Et *Threnor. 3. Quis est iste, qui dixit, ut fieret Domino non iubente?* Ergo solum chimericè intelligibilis erit verus positivus concursus Dei, quò contra propriam voluntatem, materialiter, per accidens, ac præter intentionem, invitus, & quasi coactus concurrat. Quid magis Deo indecorum, ac indignum, quàm se in eo constituere statu, quò creatura, possit omnipotentia uti contra suam propriam voluntatem? Sanè meritissimo jure irrideretur is, qui in eo statu se propriâ libertate privatum vellet constitutum; quantò magis est Deo repugnans concursus non subjacens divinæ præordinationi, sed creaturæ determinationi? Cum provi-  
dentia, teste D. *Thoma* 1. part. quæst. 22. art. 1. *Sit ipsa summa ratio in supremo omnium Principe constituta.* Poteritne Deus concurrere ad actum peccati, ut inanime quoddam, & eo prorsus modo, quo *Lutherus* aiebat, nos concurrere ad nostros actus? Nam rogo, concurrere, ut inanime quoddam, ut de nostro arbitrio assererebat *Lutherus*, quid est aliud, quàm concurrere materialiter, per accidens, ac præter intentionem, ex dominio alterius, ac nullo modo se movendo, & determinando? Sed Deus, etsi causa libera sit, ac possit se agere, & se movere, dominium suum in concurrente ad actum peccati exercere non potest, hoc fatentibus Adversariis, dum asserunt, quòd redderetur Deus Auctor peccati, si ad illius entitatem ex proprio dominio concurreret: ergo concurrat solum, ut inanime quoddam.

77. Confirmatur hoc. Ut principium penitus inconcussum sibi persuadent Adversarii, taliter esse Deo subjectam voluntatem creatam, si illam per decretum efficax, & physicam prædeterminationem movet ad operandum, ut ab ea auferat omnino dominium actus, & arbitrium reddat omnino servum, non deliberans, quod est in errorem declinare *Lutheri*, qui ita subjectum Deo putavit arbitrium, ut nullam in eo relinqueret potestatem ad oppositum, Dei motione semel impressâ voluntatis; & per hoc vocabat servum arbitrium: at Adversarii ita constituunt libertatem divinam in ordine ad entitatem actus mali, ut illâ stante, nulla

nulla sit in Deo potestas impediendi actum malum; immò, quod mirabilius est, semel collatâ potestate ad actum pravam, nec proprium concursum valet suspendere, aut impedire: quin voluntas humana omnipotentiam determinet contrâ voluntatem divinam; atque ideò consequenter alierunt, in Deo nullam manere potestatem ad impediendum suum concursum: ergo eandem admittunt in Deo subjectionem ad arbitrium creatum, quam *Lutherus* posuit ad Deum in arbitrio creato. Hanc tantam, & talem posuit *Lutherus* ad Deum in arbitrio creato subjectionem, quia credidit, arbitrium creatum non se determinare, sed purè determinari, cum quo nullam ad oppositum potestatem componit: hoc idem admittunt ipsi in Deo semel collatâ nobis potestate ad actum malum: ergo in vi ejusdem consequentiæ idem in Deo tenentur alierere.

78. Erit ergo inter utramque subjectionem ea dumtaxat differentia, quòd subjectio requisita, ut decernat, & prædeterminet, conditio erit naturalis in voluntate creata; in Deo verò erit voluntaria, scilicet ex donatione, vel dignatione. Immo sequitur, quòd natura ipsa creatura rationalis petat, Deum sibi esse subiectum, quò quid indignius poterit excogitari? Ipsa namque ex suis essentialibus prædicatis petit, sibi dari intellectum, quò discernat bonum a malo, & voluntatem, quâ sibi convenientiam prosequatur, & nociva fugiat; undè suapte natura exigit dari arbitrium, quod non est aliud, quàm facultas voluntatis, & rationis, quâ possit pro libito honestum, & inhonestum, seu delectabile bonum amplecti, ut significavit *Ecclesiast.* cap. 15. *Deus ab initio constituit hominem, & reliquit illum in manu consilii sui:* Sed potest ad peccandum supponit necessariò, juxta *Adversarios*, Deum creaturæ esse subiectum: ergo ex sola conditione, naturæque ipsa rationalis creaturæ, Deus illi debet esse subiectus.

79. Non sic Deum quali invitum, & coactum, & quasi servum concurrere docet textus *Isaia*, ut credidit *P. Marin* loco citatò disp. 6. sect. 1. n. 6. Verior, & præclarior est *SS. PP.* & Interpretum interpretatio, videnda apud *Cornelium Isaia* cap. 43. *Non ego te mihi in vicinis servire feci: sed tu me tibi servire fecisti; hoc est, peccatis tuis tu me gravasti, molestiâ affecisti, & quasi servus tuus essem, aut mancipium, onerasti.* Et catecheli 70. vertunt, *In peccatis tuis ante me stetiisti (sic enim legit editio Romana, Trineus, & Procopius, licet alii dicunt aliter, ut mox dicam) tanquam effrons, & impudens, non tam vilissimas, quàm peccata oculis meis ingerens, ostentans, & quasi offrens; ideoque irritans, & quasi irridens, immò pugnans contra me.* Hic sensus est genuinus. Et in sensu morali ex *Laëtantio* lib. 4. cap. 16. *Leocastrius. Tuis peccatis servire, id est servi carnem induere, servi pœnas, scilicet crucem, suscipere me Christum fecisti.* *D. Hieronymus. Quasi, ait, labor sit Dei, & lassitudo defendere peccatores. Perindè ac si Deus clemens, & parcens pugnet contrâ se, suamque justitiam, flagitantem, ut justa vindicta peccata, & peccatores plectat.* Videant ergo illi, quantum proprio Spiritui fidentes, indiscussæque *SS. PP.* auctori-

tate

tate decipiuntur, dum inferunt, Deum quasi invitum, & coactum concurrere ad entitatem peccati.

80. Nec faveat *Anselmus*, cujus sententiæ, vel inde magnum argumentum est, quod supra ex S. Doctore diximus, si verba textus citati fideliter referantur. Sic enim habet: *Quoniam igitur, permittente Deo, Angelus malus per rapinam usus est potestate à Deo spontè datâ; à Deo habuit uti, quod non est aliud, quàm ipsum velle*: quibus certissimè contraponit, quod fecit Angelus malus utens per rapinam, potestate sibi à Deo spontè datâ ad ipsum *uti*, quod habuit à Deo, & quod non est aliud, quàm ipsum velle. Per rapinam ergo, vel aliis terminis, injustè usa est voluntas potestate sibi traditâ ad bene volendum. Cujus nomine necessariò intelligitur non omnipotentia Dei, sed propria Angeli voluntas; vel potentia illa, cujus exercitium est ipsum velle, & solum est velle voluntatis, sicut intelligere intellectûs. Non ergo est omnipotentia Dei, quâ malè usus fuit, sive quâ per rapinam usus est injustè Angelus, ut intendit argumentum: de qua nec minimum verbum, legitur in D. *Anselmo*, qui expressè cap. 18. ad interrogationem Discipuli: *Si potestas ipso volendi, & ipsum velle fuit aliquod bonum, fuit à Deo?* Respondet: *Utrumque fuit aliquid; & potestas quidè non nisi bonum aliquid, & spontaneum donum Dei: velle autem secundùm essentiam bonum*: quibus solum loquitur de voluntate, non de omnipotentia. Quare sensus prædicti testimonii talis est, quòd, Deo permittente, Angelus injustè usus fuit potestate à Deo sibi datâ, quæ potestas à Deo est positivè influente, malus usus ab ipso permittente.

81. Non magis suffragatur *Tertullianus*, qui verbis citatis solum, intendit, peccatum à Deo permittum; quod exprimunt prima verba, quòd à Deo permitti dicitur, est contra Dei voluntatem, ut superius explicatum manet: quare dicit *quasi de invita venit voluntate*, non quòd Deus quasi invitus, & coactus positivè influat, sed ut exprimat, qualiter displiceat Deo malitia peccati; quasi diceret intelligentia nostra causâ: simili modò, ac apud homines se habet, quòd de invita provenit voluntate. Deindè ut ostendat humanò more, quò amore Deus homines prosequatur, ut qui mala, quæ super nos ipsi ducimus, nolitis sicut & invitus dicitur in testimoniis citatis *Bernardi*, & *Cbrystostomi*, quæ solum benignitatem, & misericordiam Dei exprimunt, quâ neminem perire vult; ipsiusque clementiam, quâ pronior est ad ignoscendum, quàm ad puniendum, dicente Propheta: *Quoniam ira in indignatione ejus, & vita in voluntate ejus*. Et per *Ezech. 18. Numquid voluntatis meæ est mors impij, & non magis, ut convertatur, & vivat?* Quærit enim peccatores propter ipsos, suâ illum promovente bonitate. Quæ quantum in ipsa est, ut dixi, *vult omnes homines salvos fieri, & ad agnitionem veritatis venire*. Non ergo illam subjectionem creaturæ docet *Tertullianus*. Nec Deum operari positivè contra propriam inclinationem, probat exemplum arripientis manum filii ad percutiendum Patrem. Quis non credat, quòd sicut membra exteriora filii illum percussiois motum patiuntur, ita similiter Deus, renuente propriâ

voluntate, cogi possit ad concurrendum, & quòd sit in Deo major inclinatio ad obediendum creaturæ, quàm ad propriam perfectionem? Hicque novum argumentum insurgit; Deus est causa mortis, quò quis gladio aliquem transfigit, quin dicatur esse causa homicidii; & tamen concursus ille connectitur essentialiter cum homicidio: ergo potest à Deo causari unum connexum cum alio, quin & illud causetur.

82. Ad secundum respondetur negando antecedens, sicut & hujus probationem; non enim sustineri potest doctrina argumenti in principiis à Theologis communiter receptis. Omnes enim distinguunt inter actum malum, quia prohibitum, & inter actum prohibitum, quia malum. De isto ad differentiam illius, asserunt esse intrinsicè, & essentialiter malum; ideoque prohiberi per legem, quidquid sit, an malitia, conveniat ipsi per contrarietatem ad legem æternam, aut per dissonantiam ad naturam rationalem? Cum supponant omnes, ex suis intrinsicis esse dissonum, & legi æternæ, & naturæ rationali: undè juxta principia communia, ita impossibile est, actum prohibitum, quia malum, absque malitia exerceri, sicut est impossibile, deficere legem æternam, & naturam rationalem, quibus talis actus ex suis intrinsicis adversatur. Si ergo odium Dei v. g. liberè exerceri nequit absque malitia morali, à qua nec per ignorantiam invincibilem; nec per excusabilem inadvertentiam depurari potest; cum neutra locum habeat in tali actu: quomodo poterit Deus concurrere, influereque physicè in entitatem physicam actus turpis sub illa conditione, nempe si à nostra voluntate sine turpitudine exerceretur?

83. Secundò retorquetur contra argumentum ipsum argumentum. Concursus divinus juxta doctrinam objectionis, licet non influat actu, & quoad efficaciam in actum turpem, quando cum malitia exercetur, influit tamen quoad sufficientiam: ergo quantum est ex parte concursus divini, datur virtus sufficiens ad influendum in talem actum, quamvis actu non influat, nec ut turpiter exercitus sit à Deo; sed si Deus, quantum est ex se, est potens quoad sufficientiam in actum turpem cum turpitudine exercitum, quoad sufficientiam est potens peccare: ergo verum absolute erit dicere, quòd Deus est potens peccare. Discursus irreprehensibilis est; necnon certissima minor: si enim Deus influeret physicè quoad efficaciam in talem actum cum deformitate à nostra voluntate exercitum, Deus de facto peccaret; ergo si, quantum est ex se, est potens influere in actum turpem cum malitia exercitum, Deus, quantum est ex se, erit potens peccare quoad sufficientiam, quod nullus Theologorum dixit, nec dicere audebit. Vel aliter: Hoc ipso, quòd concursus Dei, quantum est ex se, sit potens quoad sufficientiam influere in actum turpem turpiter exercitum, talis actus sic exercitus esset physicè causabilis à Deo: implicat enim contradictionem, quòd causa, quantum est ex se, habeat virtutem sufficientem ad causandum aliquid, quin & illud sit passivè causabile per talem causam: sicut enim denominatio causati passivè sumitur ab actione causante actu; ita passiva denominatio causabilis sumitur à causa potente causare: undè sicut repugnat,  
dari



dari actionem actû causantem aliquid, quin illud sit passivè causatum; ita repugnat, dari causam potentem causare, quin illud sit passivè causabile à tali causa: ergo vel Deus mediò illò concursu influit physicè, quoad efficaciam in actum pravam pravè exercitum, vel nec etiam influit in illum quoad sufficientiam. Undè ad exemplum ex divina omnipotentia desumptum, quò fulcitur argumentum, satis impugnat à nostris sententia illa; & tam veracitèr, quàm communiter dicitur, quòd omnipotentia essentialiter connectitur cum creaturis possibilibus, & quòd non respicit possibile sub conditione possibilitatis, sed dumtaxat possibile absolutè. Videantur Auctores ibi. Quòd si velit *P. Rivadeneyra* dicere, quòd quando actus malitiæ formali sordet, non præcontinetur in Deo, sed præcontinetur, si exerceretur sine libertate, & malitia formali: sicut modò non datur in Deo præcontinentia Hircocervi, sed daretur, si non esset impossibilis; contrà stat, quòd modus iste dicendi duplicem sententiam valdè difficilem amplectitur: alteram, quòd omnipotentia non connectitur cum possibilibus, ad hunc sensum, quòd illinc oriatur possibilitas: alteram, quòd non est necessariù concursus Dei simultaneus ad omnia, quæ ponuntur in rebus. Et ita ejus sententiam intelligit Magister *Aliaga* tom. 2. agens de causa peccati. Ex quo rejicienda venit prædicta assertio. Rursùs notandum, quòd sententia ista unum falsissimum supponit, quòd detur possibile conditionatum. Nam possibile conditionatum esset illud, cujus conditio esset ipsa possibilitas, v.g. chimæra ex suppositione quòd esset possibilis: chimæra autem sub conditione quòd esset possibilis, non esset possibilis conditionatè, sed absolutè; cum ipsa possibilitas poneretur pro conditione. Undè possibile conditionatum, sub conditione; nempe quòd esset possibilis chimæra; esset quidè possibilis absolutè, cum supponatur esse possibilem; & esset absolutè impossibilis, cum supponatur esse chimæram: sicut homo sub conditione quòd esset equus, esset quidè equus absolutè, quia supponitur quòd sit equus; & non esset equus absolutè, cum absolutè esset homo. Sic & chimæra sub conditione possibilitatis, & gauderet possibilitate; cum supponatur esse possibilem, & non gauderet illà; cum adhuc sub tali conditione possibilitatis, esset chimæra.

84. Non feliciùs dicitur tertium: ex quo novum contra ipsos insurgit argumentum. Etenim si Deus medio concursu indifferenti solum concurrat ad actum pravam sub conditione, quòd determinetur per nostram voluntatem, hoc sanè non tollit, quominùs sit vera causa physica actûs pravi, quantum ad entitatem, nec minuit connexionem, vel identitatem repertam inter malitiam, & entitatem actûs: sed ad æquata ratio, ut attribuat malitia Deo concurrenti prædeterminando voluntatem, est, quia esset causa actûs pravi, quoad entitatem, quæ, cum malitia connectitur, vel identificatur: ergo poterit Deus prædeterminare entitatem peccati, quin sit causa malitiæ. Secundò: nam purificatà conditione determinationis concursûs divini per nostram voluntatem, jam Deus concurrat physicè ad actum pravam: veritas enim conditionalis, purificatà conditione, transit in absolutam: ergo si Deo prædeterminanti

nanti attribuitur malitia, quia concurrir absolutè, etiam eadem de causa debet illi tribui concurrenti concursu indifferenti. Tertiò: velle aliquid conditionatè est velle illud absolutè, purificatà conditione; sed Deus, purificatà quacumque conditione, non potest absolutè velle malitiam; quia hæc sub omni conditione non est honestè amabilis: ergò nec potest applicari omnipotentia, ut voluntas creata cum ipsa efficiat malitiam, si hæc applicatio exigit volitionem conditionatam malitiæ. Quartò: velle malitiam conditionatè, sub conditione determinationis voluntatis creatæ ad operandum, est velle, vel ponere in Deo volitionem liberam objecti ex terminis necessariis; quòd enim malitia existat, si existit determinatio voluntatis creatæ ad malitiam, quæ realiter est ipsa malitia, est ex terminis necessariis: ergò fatua esset hujusmodi volitio, & talis, qualis esset illa, quæ quis vellet, existere hominem, si existeret. Quintò: Deus vult conditionatè suum concursum, & non vult conditionatè nostram determinationem; & tamen determinatio nostra est realiter Dei concursus: ergò stat, ex duobus realiter identificatis Deum velle unum, modò quò non vult alterum: cur ergò non poterit determinare, & efficere entitatem, quin efficiat, aut determinet malitiam?

§5. Verùm falsum esse constat ex superius dictis, quòd asseritur in argumento, scilicet: Deum non concurrere affectivè ad illum actum, secundùm illam rationem, secundùm quam terminat causalitatem divinam; ac si Deus id efficere nollet, vel posset aliquid extra se necessariò, & non liberè efficere. Nec minùs inintelligibile est, quòd sic concurrat ad peccatum offerendo voluntati concursum, desiderans elicentiam actus honesti: nam hoc desiderium, ut voluntas nostra eliciat actum honestum, vel est actus distinctus à decreto præparativo concursus indifferents, vel est omninò idem cum illo? Si primum: ergo merè per accidens se habet in ordine ad divinum concursum in nostros actus liberos; cum ex actibus voluntatis divinæ solum conducat formaliter, & per se decretum præparativum concursus divini: ergo quòd Deus habeat illud desiderium parùm refert, ut Deo attribuat, vel non attribuat malitia actus pravi, si semel iste physicè causetur à Deo. Si dicatur secundum: desiderium est omninò indistinctum à decreto præparativo concursus indifferents: ergò cum decretum præparativum concursus indifferents omninò æqualiter respiciat utrumque actum, sicut ipse concursus præparatus, juxta oppositam sententiam, qui nequit non esse conformis decreto præparativo ipsius, æqualiter desiderium respicit actum honestum, ac turpem, nec magis impellit ad illum, quàm ad istum: quare ex hoc Deus non excusaretur à culpa. Demus enim, quòd mulier sollicita à viro, totò animò reluctetur, eumque lacrymis, verbis, & precibus vehementer ad castitatem impellat, ut ipsum à peccato dimoveat; nihilominus, etsi reluctans, gemens, & plorans, si sollicitationi succumbat, an excusabitur à peccato? Num propterea dici potest, solum effectivè, & non affectivè concurrere ad actum turpem? Ergo non excusabitur ipse Deus offerens voluntati concursum indiffe-

ren-

rentem, quamvis actum honestum desideret, si tandem voluntati determinanti succumbat, & cum illa ad actum turpem concurrat. Ex quibus constat argumenti solutio. Hactenus, quantum fieri potuit, à nobis ea dicta sunt, quæ Lectori satis erunt, ut intelligat repugnantiam concursus Dei ad formale peccati. Nam si quæ eorum majori vi, & argumentis indigent, Dubiis sequentibus confirmabuntur.

## DUBIUM II.

An Deus immediatè concurrat ad actum peccati, & suo concursu verè sit causa illius?

1. **Q**UONIAM primam hujus disputationis partem, hoc est, Deum nunquid ad formale peccati physicè, & positivè concurrere, ostendimus; jam ad partem Disputationis secundam pergitur, in qua illud querebatur, an causalitas Dei ita immediatè concurrat ad entitatem peccati, ut sit vera illius causa? ut visis circa causalitatem entitatis peccati Angelicis D. Thomæ principiis, ad Dubii principalis decisionem mens instructa facilius, & subtilius prosequatur. Ne verò quempiam fatiat hujus termini *concurfus immediatus* significatio, accuratè observandum, non melius concursum Dei immediatum in actum liberum voluntatis creatæ dignosci, quàm ex oppositione ad mediatum; quò nempe Deus non immediatè per suam actionem actum voluntatis attingit. Hic ut certum debet supponi, Deum, saltem mediatè ad entitatem peccati concurrere. Quis enim vel Catholicus, vel rationis compos, si Manichæos excipias, neget, aut in dubium vertat, quòd facultas, aut potentia ponendi actum peccati, nempe voluntas, à Deo sit? Quis, & quòd voluntate immediatè operante Deus mediatè non operetur? Hoc omnibus certum, & persuasum esse debet. Non ergo de concursu mediato, sed de immediato Dei concursu nobis est instituenda disputatio, quem necessarium prædicat Scriptura *Isaia* cap. 26. *Omnia enim opera nostra operatus es in nobis.* Et *Joann.* 15. *Sine me nihil potestis facere.* Et ad *Philipp.* cap. 2. *Deus est, qui operatur in nobis velle, & perficere.* Et 2. ad *Corinth.* 3. ubi, cum loqueretur *Apostolus* de concursu nostro ad opera salutaria, asserit, nos esse cooperatores Dei. Et 1. ad *Corinth.* 13. *Plus omnibus laboravi, non ego, sed gratia Dei mecum.* Et tandem ex actibus Apostolorum, cap. 13. *In ipso vivimus, & movemur, & sumus;* quibus verbis eandem nos habere à Deo dependentiam agnoscit *Apostolus* in hoc, quòd est moveri, atque in hoc, quòd est esse, & vivere: sed in hoc immediatè pendemus à Deo; alioquin non posset nos annihilare immediatè: ergò & in hoc, quòd est moveri actibus nostris immediatè penlemus à Deo.

2. At cum concursus physicus immediatus alius sit prævius, alius comitans, & simultaneus, hinc magna in astruendo modum, quò Deus inuemediatè concurrat, oritur controversia; an nempe causas secundas phy-

physicè applicet, & ad operandum pramoveat, vel, an solum cum illis concurrat ad earum operationes ipsis creaturis primò determinantibus? Thomistæ propugnant, dari prævium illum physicum concursum ex dominio naturali, seu jure primæ causæ, ac inde ex determinatione divina. Auctores verò contrarii, etsi id fateantur de concursu necessario requisito, ut causæ necessariæ operentur, negant in causis liberis; nam ex earum determinatione dicunt existere illum concursum. Nos tamen in præsentī Dubio solum inquirimus hujus concursus immediati existentiam, & necessitatem: postea gradatim de cæteris, quæ ad integram rei discussionem facient, disputaturi. Circa propositam ergo difficultatem D. Thomas in 2. dist. 37. quæst. 2. art. 2. duas refert antiquorum sententias: alteram assentientium, omnes actus, in quantum actus sunt, esse à Deo, minimè tamen, in quantum deformitatem habent; alteram aliorum assentientium, actum peccati nullò modo, nec etiam in quantum actus est, à Deo esse. De hac secunda opinione statim subdit D. Thomas: *quam ad præsens nulli, vel pauci tenent; quia propinquissima est errori duplici.* Sed licet auctoritas D. Thomæ tantum habeat ad faciendam fidem virium, nihilominus post hanc D. Thomæ censuram, non defuere, qui in hac quæstione, & controversia partem istam amplecterentur. Ita Ludovicus Dola ex Ordine Capuccinorum, qui in opusculo *Disputatio quadripartita* contendit, concursum causæ primæ cum secunda solum esse mediatum, & remotum; in quo sequitur Durandum in 2. dist. 37. quæst. 1. Eandem sententiam, dictam Angelici Præceptoris erroris notam nihil facientes, non destitutam auctoritate P. Vasquez judicat; & absolutè probabilem censent PP. Hurtado, Quiros, Puente: quibus satis favet P. Rivadeneyra disp. 11. de Prædest. cap. 5. omnes videndi apud P. Marin tract. 11. disp. 6. sect. 1. num. 2. At Thomistæ, quibus plus est unus D. Thomas, quam omnes præcitati simul Auctores, quod ab Angelico Magistro acceperunt, id ipsum, eo duce, & quò Magistro jure ac verè gloriantur, retinent, & propugnant; quòd sedulà, diligentique investigatione breviter exponam, quantum videlicet satis erit, ut argumento huic respondeatur.

## §. I.

*Deus immediatè concurrit ad entitatem peccati.*

3. **U**T certum debet supponi id, quod attentius in hoc loco advertendum est, quòd omne ens, in quantum est, à Deo est. Hoc probat apertè D. Anselmus dicens: *Audacia enim est dicere, aliquod esse ens, quod non sit ab ente primo.* Id ipsum clarissimè explicat D. Thomas 1. 2. q. 18. art. 1. Dicendum, quòd de bono, & malo in actionibus oportet loqui sicut de bono & malo in rebus, eò quòd unaquæque res talem actionem producit qualis est ipsa. In rebus autem unumquodque tantum habet de bono, quantum habet de esse; bonum enim & ens convertuntur ..... Quantum igitur habet de esse, tantum habet de bonitate: in

in quantum verò aliquid ei deficit de plenitudine essendi, in tantum deficit à bonitate & dicitur malum. Sicut homo cæcus habet de bonitate quoddam vitium, & malum est ei quoddam carere visu. Si verò nihil haberet de entitate, neque bonum, neque malum dici posset. Sed quia de ratione boni est ipsa plenitudo essendi, siquidem aliquid defuerit de debita essendi plenitudine, non dicitur simpliciter bonum, sed secundum quid, in quantum est ens. Poterit tamen dici simpliciter ens, & secundum quid non ens, ut in primo dictum est. Sic igitur dicendum est, quod omnis actio, in quantum habet de esse, in tantum habet de bonitate: in quantum verò deficit ei aliquid de plenitudine essendi, quæ debetur actioni humane, in tantum deficit à bonitate, & dicitur mala. Hæc S. Doctor, quibus nedum eximiam de eo sententiam suam exprimit, verum & oppositam incunctanter hæreticam pronunciat in 2. ad Annibald. dist. 38. q. unica art. 2. dicens: *Hæreticum est dicere, aliquod ens, in quantum ens, non esse à Deo; nec solum fidei contrarium est, sed etiam rationi. Omne enim, quod est, aut est necessarium, aut possibile. Quod autem est necessarium, aut est per se necessarium, aut est aliunde necessarium. Quidquid autem est necessarium aliunde, constat, quod causam sui esse habet ab eo, à quo ejus necessitas pendet. Quod autem est possibile, necesse est, ut causam habeat, quia quantum est in se potest esse, aut non esse. Unde si esse ei applicetur, hoc est per aliquam causam extrinsecam: & sic relinquitur, quod omne ens oportet reduci, sicut in causam, in id, quod per se necesse est esse, quod est solus Deus, qui est suum esse. Unde relinquitur, quod omne ens sit à Deo.* Ex hoc certissimo fidei principio sequens demonstrativus formatur discursus: omne ens, in quantum ens, est à Deo: sed actus peccati, in quantum est actus, est ens: ergo actus peccati, ut actus, est à Deo: sed non ex eo præcisè, quod principia contulerit agendi: ergo ex immediato concursu. Minorem subsumptam probat D. Thomas in 2. dist. 37. q. 2. art. 2. ubi postquam asseruit, opinionem negativam esse duplici errori propinquisimam, ut id ostenderet, subjecit statim: *Primo, quia ex ea videtur sequi, quod sint plura prima principia. Hoc enim est de ratione primi principii; ut agere possit sine auxilio prioris agentis, & influentia ejus. Unde si voluntas humana actionem aliquam posset producere, cujus Angelus Deus non esset, voluntas humana rationem primi principii haberet. Et ut solutionem hujus argumenti tunc temporis frequenter impugnet, eam retulit, & sequentibus consutavit verbis: Quamvis solvere hoc nitantur dicentes, quod voluntas, etsi per se possit actionem producere sine influentia prioris agentis; non tamen habet à se esse, sed ab alio, quod etiam exigeretur ad rationem primi principii. Sed hoc videtur inconvenientius; ut quod à se esse non habet, à se agere possit; cum etiam per se durare non possit, quod à se non est. Omnis etiam virtus ab essentia procedit, & operatio à virtute. Unde cujus essentia ab alio est, oportet, quod virtus, & operatio ab alio sit. Et præterea, quamvis per hanc responsum vitaretur, quod non esset primum simpliciter, non tamen posset vitari, quin esset primum agens, si ejus actio in aliquid prius agens*

non reduceretur, sicut in causam. Quibus D. Thomas minorem probat, & solutionem, quæ unica est in hac causa, demonstrativè rejicit.

4. Tota ergo difficultas ad primam minorem facili discursus reduci-  
tur, an actus peccati, in quantum est actus, sit ens? Nihil expressius in  
D. Thoma dicta dist. 37. q. 2. art. 2. in corpore: *Actus, in quantum  
actus, à Deo est, & ut sic non habet aliquid, quod deformitatem habeat.*  
Ibid.: *Quantum ad substantiam actus manet aliquis ordo in peccato ad  
agentem, & ad finem: sed quantum ad deformitatem sic est ibi inordi-  
natio sola, & hoc modo non est natura aliqua.* Ubi sine dubio loquitur  
de ordine intrinseco, & per se; nam deformitas etiam ordinatur à Deo  
extrinsece, & per accideus. Et ad quintum: *Actio, quæ peccati defor-  
mitatem habet, dicitur bona, in quantum est actio, bonitate naturæ, non  
propter hoc, quod aliquando invenitur separata à deformitate, sed quia  
bonitas illa naturæ deformitati substat.* Et 1. 2. q. 79. art. 2. *Dicendum  
quod actus peccati, & est actus, & est ens, & ex utroque habet, quod  
sit à Deo.* Cujus ratio est manifesta, nam id, quod redditur homo phy-  
sicè volens, quod transit de potentia physica in actum physicum, ac tan-  
dem id, quod physicè operans constituitur, & quod potentias executivas  
exteriores applicat ad suas operationes, verè est ens, eo modo loquen-  
do de ente, quod entia dicuntur ea, quæ ponuntur in prædicamento qual-  
itatis, vel actionis: sed per volitionem peccaminosam, seu per actum  
peccati redditur homo physicè volens, de potentia physica transfertur  
ad actum physicum, ac tandem constituitur physicè operans, & poten-  
tias executivas, seu membra exteriora ad suas applicat operationes:  
ergo volitio peccaminosa, seu actus peccati verè, ac propriè est ens, eo  
modo loquendo de ente, quod dicuntur entia ea, quæ ponuntur in præ-  
dicamento qualitatis, vel actionis; aut sicut dicuntur entia reliqui actus  
intellectus, & voluntatis; quibus homo bona appetit, & suas potentias  
applicat ad operationes. Viderint ergo eruditi Theologi, quo jure,  
aut quo rationum pondere affirmari possit, oppositam sententiam non  
esse destitutam auctoritate, & quod absolutè probabilis sit? Judicante  
D. Thoma maximo veritatis vindice, propinquissimam esse duplici er-  
rori; cui & consonat B. Albertus Magnus in 2. dist. 37. his verbis: *Hæc  
opinio, quæ obtinuerat plures antiquorum, serè cessit ab aula, & à mul-  
tis modernorum reputatur hæretica.* Videant & quantum distet à men-  
te D. Thomæ P. Marin loco citato num. 3. qui desperata modernorum  
causæ volens se exhibere Patronum, allerit: *Non fundatur necessitas hu-  
jus immediati concursus in eo, quod Scriptura, & Patres dicant. Deum  
esse Auctorem, & causam rerum omnium: quia hæc ratio solum probat,  
concursum respectu rei bonæ; cum tamen ex ipsa ratione entis inferat  
D. Thomas, Deum esse causam actus pravi, in quantum est ens; & 1. p.  
q. 5. art. 3. ex ratione entis inferat bonitatem, dicens: Omne ens, in  
quantum ens, est bonum: ergo in ipsa ratione entis fundatur concursus  
necessitas. Cujus entis naturam, de qua disseritur, si attentè perpendis-  
set, sanè intellexisset, rationem istam non suadere, sed vincere; si non  
protervum, & repugnantem, saltem docilem, qui sapere ad sobrieta-  
tem vellet.*

5. Habetur etiam manifestè hujus assertionis secunda probatio ex D. *Thoma* 1. 2. q. 79. art. 2. dicente : *Omnis actio causatur ab aliquo existente in actu ; quia nihil agit , nisi secundum quod est actu ; omne autem ens actu reducitur in primum actum , scilicet Deum , sicut in causam , qui est per suam essentiam actus . Unde relinquitur , quod Deus sit causa omnis actionis , inquantum est actio . Sed peccatum ( addit D. *Thomas* ) nominat ens , & actionem cum quodam defectu . Defectus autem ille est ex causa creata , scilicet ex libero arbitrio , in quantum deficit ab Ordine primi agentis , scilicet Dei . Unde defectus iste non reducitur in Deum , sicut in causam , sed in liberum arbitrium : sicut defectus claudicationis reducitur in tibiam curvam , sicut in causam , non autem in virtutem motivam , à qua tamen causatur quicquid est motionis in claudicatione : Et secundum hoc Deus est causa actus peccati , non est tamen causa peccati , quia non est causa hujus , quod actus sit cum defectu . Ita D. *Thomas* expresse Deum nominans , & probans esse causam actus peccati . At cum hoc sit principalis controversia , diligentius nobis , & illustrandum , & exponendum secundà conclusionem .*

## §. II.

*Deus suo concursu verè est causa entitatis peccati .*

6. **C**oncurfus Dei ad materiale peccati pluribus à Sacra Pagina testimoniis valet ostendi , quorum aliqua Dubio sequenti num. 4. interprete D. *Augustino* dabimus . Modò verò , quia tæcunda res est , unum , vel alterum dumtaxat tradere satis sit ; nam consideranti Sacras Scripturas similia passim occurrunt . Igitur *Job* 1. 21. legitur : *Dominus dedit , Dominus abstulit* , cum tamen ablatio fuerit peccati Damonis , Sabaorum , & Chaldaeorum , ut ibidem habetur . Agnoscenda ergo ibi est Creaturarum malitia , sed simul actio Dei sanctè causantis . Unde cap. 2. v. 3. legitur , Dominum ita Dæmonem corripuisse : *Tu autem commovisti me adversus eum , ut affigerem eum frustra* . Ipse ergo Dominus attlixit , quia fecit ; Satan autem peccavit , quia male fecit . Similiter 2. *Reg.* 16. legimus : *Dominus enim praecepit , ei ( Semei ) ut malediceret David* . Ubi praecepit propriè , & activè accipi notavit *Cornelius* ibi : Ut enim optimè exponit S. *Bernardus* serm. 34. *Serviebat lingua maledica , & ille ( David ) intendebat , quid in occulto ageret Deus* . Peccavit ergo *Semei* , quem & poenas luere *David* praecepit 3. *Reg.* 2. 8. Egit ergo Deus optimà ordinatione id ipsum , quod *Semei* deordinatione pessimà . Quia verò SS. PP. Scripturae interpretes optimi sunt , intentum probemus ex ipsis . Et primò ex D. *Anselmo* lib. de concord. praescientiae , & praedestinationis cap. 7. asserente : *Facit igitur Deus omnia , quae justa , vel injusta voluntate sunt , id est , bona opera , & mala : in bonis quidem facit , quod sunt , & quod bona sunt ; in malis verò facit , quod sunt , non quod mala sunt* . Et praemiserat , quòd omnis actio est à Deo : id est , facit opus bonum tam pro materiali , quàm pro for-

mali, in malis autem operibus solum materiale, non formale causat. Consonat Magnus Parens *Augustinus* lib. 5. contra *Julianum* cap. 3. versans S. Doctor illud ad *Rom.* cap. 1. *Tradidit illos Deus in reprobum sensum, ut faciant, quæ non conveniunt. Tradidit illos Deus in desideria cordis eorum, in immunditiam &c.* Quæ verba intelligenda esse assererat *Julianus* de concursu permissivo peccati pro materiali. Quare insurgit contra ipsum: *Quid est autem, quod dicis, cum desideriis suis tradi dicuntur, relictis per divinam patientiam intelligendi sunt, non per potentiam in peccata compulsi; quasi non simul posuerit hæc duo idem Apostolus, & potentiam, & patientiam, ubi ait: Sic autem volens Deus ostendere iram, & demonstrare potentiam suam, attulit in multa patientia vasa iræ, quæ perfecta sunt in perditionem.* Quæ verba Magni *Augustini* clarissimè præ se ferunt veram Dei causalitatem in entitatem peccati, non in malitiam, ad quam solum permissivè se habet. At de testimonio isto iterum Dubio sequenti redibit sermo.

7. Hoc constantissimè defendit B. *Albertus Magnus* loco citato art. 7. dicens: *Cum actus malus sit simpliciter actus egrediens à potentia perfecta secundum naturam, non egreditur ab ea, nisi secundum, quod movetur à causa prima, alioquin sequeretur, esse duo prima principia;* sed juxta omnes, etiam Adversarios, causa movens principium ad agendum est directè causa actûs: ergo juxta B. *Albertum* Deus directè est causa actûs mali quoad entitatem: debet enim verbum *movetur* accipi pro motione physica, non morali, quæ hic locum non habet. Hoc apertissimè ostendit D. *Thomas* tum locis superius citatis, tum 1. par. q. 99. art. 2. ad 2. *Quidquid est entitatis, & actionis in actione mala reducit in Deum, sicut in causam: Sed quod est ibi defectus non causatur à Deo, sed ex causa secunda deficiente:* ad eundemque modum loquitur 1. 2. q. 79. art. 2. Ubi expressè quaerit: *Utrum actus peccati sit à Deo?* In argumento *sed contra* concludit: *Ergo voluntas Dei est causa actûs peccati.* Et in corp. art. id ipsum repetit, ac docet, necnon & in solutione ad secundum. Item q. 3. de malo art. 2. plena sunt omnia hujus Sancti Doctoris clarissimis testimoniis. Sed ne ultra quàm necessarium est, testimonia referam, sistam in celebri ipsius loco, qui habetur in 2. dist. 37. q. 2. art. 2. in corpore, ubi consimili voce loquitur, vocans Deum auctorem entitatis, & actionis, quæ est peccatum, ne admittantur duo prima principia, si actus peccati non sit à Deo, sequentibus verbis: *Si voluntas humana actionem aliquam posset producere; cujus auctor Deus non esset, voluntas humana rationem primi principii haberet:* ergo actionis, quæ mala est, Deus est auctor juxta D. *Thomam*; quod sanè nullâ responsione eludi potest; cum nulli amplius exceptioni relinquatur locus.

8. *At cum nulli dubium sit, ut dixit S. Augustinus* lib. 3. contra Academicos, *gemino pondere nos impelli ad discendum, auctoritatis, atque rationis;* nec major auctoritas, nec efficacior ratio haberi potest, ut huic adhareamus sententiæ, à qua nulla argumenta me movere possunt, ut discedam, quam video placuisse S. Doctori; qui pro re constan-



stanti, & perspicua habet, Deum esse causam entitatis peccati, non tamen malitiæ. Quis ergo erit ita arrogans, ut se doctiorem, aut in vitando periculo inordinatæ locutionis cautiorem credat? Non Theologis licet, sine gravi causa, nova placita cudere. In rebus ita obscuris ratione Patrum contenti esse debemus, nec meliores requirere. Opinio propria, etsi falsa, videri potest intellectus; at concurs SS. PP. intellectus, opinio rejicienda videri minimè potest. *Tria sunt*, inquit *Augustinus* lib. *de utilitate credendi* cap. 1. *velut finitima sibi in animis hominum, distinctione dignissima: intelligere, credere, opinari. Quasi per se ipsa considerentur, primum semper sine vitio est, secundum aliquando cum vitio, tertium nunquam sine vitio. . . quod intelligimus, debemus rationis; quod credimus, auctoritati; quod opinamur, errori.* Ergo quod credimus auctoritati SS. PP. nunquam cum vitio. His amplius ne requiramus. *His fruimini, his circudamini, ut his freti, circudati, delectati, armati, contra cuncta inimicorum jacula persistere valeatis*, ut dixit *Julius I.* Epist. 1. ad Orientales. Nihilominus ne validis rationibus apud nos desituta sententia ista à quopiam credatur, ad rationum pondera animum convertamus ex eorumdem PP. dictis.

9. Nulla validior, aut efficacior ratio assignari potest, quàm quæ proponitur à *D. Thoma* loco citato ex sententia dist. 37. art. 2. quæ sic formari potest. Illius entitatis, & actionis assignari debet aliqua prima causa, ad quam sistat resolutio, & à qua primò incipiat motus, seu causalitas productiva illius; sed hoc ipso quod Deus non sit causa entitatis, & actionis, sed sola voluntas, negatur, Deum esse hanc primam causam, & adtribuitur voluntas, ut causa, à qua primò incipit motus, seu causalitas productiva illius: ergo aliud distinctum à Deo, agnoscitur debet primum principium talis actionis: sed hoc consequens est error in fide, quia confitemur unum verum omnium visibilibus, & invisibilibus principium: ergo Deus est causa entitatis, & actionis, in qua est malitia peccati. Patet min. primi discursus; nam qui negat, Deum esse causam illius entitatis, & actionis, à fortiori negat, Deum esse primam causam, quia particula *prima* addita ad *ly causa* non est conditio diminuens, sed causam elevans ad supremum significatum. Unde sicut optime valet: *Non est ens: ergo non est primum*, ita eadem infallibili consequentione deducitur: *Deus non est causa entitatis peccati: Ergo non est illius prima causa.* Hoc sanè argumentum certum, & clarissimum est; idoneum ex se, ut certitudinem, atque evidentiam pariat: *Deus non est causa entitatis peccati: Ergo non est illius prima causa.*

10. Sed res ista, quæ manifeste nobis argumento demonstrata est, à pluribus refellitur. Huic argumento respondendum putavit *P. Marin* tract. 11. de peccatis disp. 6. sect. 2. num. 15. *Imprimis, sequela absurda, si ex aliquibus principiis cum aliqua apparentia intelligi potest, est ex principiis Thomistarum; quia ipsi concedunt, Deum esse primam causam efficientem, quia est principium omnis boni; & Creaturam esse primam causam deficientem, quia est causa per se mali ut mali, & malum ut malum non est à Deo. Si ergo hæc differunt à Manichæis, quid mirum,*

quoddam differant, quæ nos dicimus, nimirum, Deum esse causam primam entitatis peccati, quia Deus causat Creaturam, & libertatem, & influit in peccatum? Ad probationem distinguo maj. Deus non est autor entitatis peccati, stricte sumpti, & sine restrictione auctoris Conc. maj. cum restrictione, & in sensu intento à D. Thoma nego maj. & nego min. Itaque D. Thomas intendit, Deum esse auctorem omnis actionis, auctore sumpto pro primo influente, & pro illo principio, à quo reliqua principia accipiunt virtutem, & quo reliqua principia indigent, ut patet ex ejus ratione; Et in hoc sensu Deus est autor; quia Creatura indiget Deo, ab eo accipiens existentiam, auxilia, & libertatem. Non tamen est autor sine restrictione, quia juxta Augustinum lib. 83. qq. q. 3. Illo auctore cum dicimus, illo volente dicimus. Et D. Thomas in 2. dist. 37. q. 2. art. 1. ubi dicit, hereticum esse dicere, omne ens in quantum ens non esse ex Deo, & Deum non esse primam causam omnis entis. At Deus quamvis physice influat in omne ens, & fortè sit causa purè physica per se omnis entis, non est stricte autor, quia actus peccati non fit Deo volente, sumpto volitione aliter quàm pro permissione.

11. Sic ad verbum respondet prius P. Ramirez de Prædest. Disp. 6. cap. 5. num. 169. factà namque eadem instantiâ contra Thomistas respondet distinguendo maj. Si voluntas humana actionem aliquam producere posset, cujus Deus autor non esset, sumpto auctore in sensu D. Thomæ, voluntas humana rationem primi principii haberet, Conc. maj. sumpto auctore in sensu arguentis, nego maj. Et deinde min. Ad cujus implicitam probationem distinguo propositionem. Id, quod est per se, prius est, quàm id, quod est per accidens in ratione attributionis effectus concedo: in ratione principii, nego. Quod explicat numero sequenti; Itaque intentum D. Thomæ est, quod si voluntas humana actionem aliquam producere posset, cujus Deus autor non esset, id est sine indigentia influentis immediati Dei, ut primi agentis, voluntas humana rationem primi principii haberet, quia non dependeret immediatè in operando: Unde inferretur, neque in essendo dependere, quod est formalissimè habere rationem primi principii independentis, & incidere in errorem Manichæorum concedentium duo prima principia æque æterna, & independentia in essendo, & in operando; quorum unum esset bonorum, alterum malorum; & illud substantia per se bona; hoc verò substantia per se mala. At minime venit in mentem D. Thomæ, prout judico, quod si voluntas humana actionem aliquam producere posset, cujus Deus autor non esset, id est, quæ Deo, ut causa per se volenti, & determinanti non tribueretur, voluntas humana rationem primi principii haberet, quod clarè colligitur ex explicatione, quam tradit, primi principii, dicendo, hoc est de ratione primi principii, ut agere possit sine auxilio, & influentia prioris agentis: Ubi non meminit causalitatis per se; sed tantum influentia ab altero primo agente independentis; ergo quia non indicavit, esse de ratione primi principii causalitatem per se in omne, quod producit, sed tantum influentiam independentem ab altero, quod comparatur, ut primum agens. Et num. 171.: Quod quando D. Thomas protulit, quod

quodd si voluntas humana actionem aliquam produceret, cujus Deus author non esset, voluntas humana rationem primi principii haberet: terminum author usurpavit improprie, & latè, prout contraponitur non influenti, aut influenti cum dependentia ab altero priori agente: non verò proprie, & strictè prout contraponitur non causanti per se, aut non operanti cum inclinatione ad effectum: quo etiam sensu accepit alium terminum, sine auxilio, confundendo auxilium cum influentia necessaria, quamvis permissiva, quæ impropria acceptio est vocis auxilium, per quam significatur coadjunctio, & cooperatio ad effectum alterius causæ, quæ cum influxu merè permissivo in vigore sermonis non conveniunt. Quod magis explicat num. seq. 172. Quodd sicut Deus, ut permittens malitiam se habet, tanquam causa prima comparative ad secundam, quæ malitiam per se causat, & cui malitia tribuitur: sic Deus influens permissivè, & per accidens in entitatem actus, se habet, ut primum principium comparative ad voluntatem, cui entitas actus per se tribuitur. Et ratio est, quia conceptus primi principii non fiat efficaciori influxu respectu cujusvis effectus, sed in eo, quodd insinat per virtutem ab alio non acceptam: quæque ex se possit reduci ad actum sine dependentia ab alio, à quo possit impediri, & quodd nil sit, quod ejus influxum immediatum non exigit, taliter, ut ipso nolente concurrere, omnis actio cujusvis alterius agentis impediatur: Cumque siue Deus concurrat permissivè, siue per se, ipsi non deficient hæc prædicata, semper per consequens concurrat, ut primum principium, & Creatura, in qua sunt prædicata opposita, ut secundum, quamvis prioritatem aliam habeat quoad efficacitatem influxus, & attributionem effectus, quæ cum conceptu secundi agentis non opponitur. Ulterius num. 173. Voluntas non potest concurrere, ut prima causa per se, ubi non est secunda: concurrat igitur, ut unica causa per se. Quod iterum inferius repetit, dicens. Respondeo: Voluntatem concurrere ut unicam autorem actionis præcæ, sumpto autore pro causa per se, secus sumpto autore pro non indigente influxu alterius ad operandum, per cujus subtractionem possit impediri ab operando, sub qua distinctione est, aut non est unicus author præcæ actionis. Nec quamvis in acceptione dicta sit unicus author, inferre licet, esse autorem independentem: quia ad id erat necessarium, quodd in esse, & in operari alterius voluntati non esset subiecta: pro cujus præparationis modo duntaxat potest operari: quodd contingit in voluntate creata, etsi sit unica causa per se illius. Hæc ille.

172. Sed pace illorum dixerim, aut dissimulant, aut mentem D. Thomæ, & nostram, quam impugnare satagunt sententiam, non percipiunt. Dabo iterum verba D. Thomæ, quorum solâ lectione conficta responsio aptè confutatur. Dicit enim: Sed hoc videtur inconveniens, ut quodd à se esse non habet, à se agere possit, cum etiam per se durare non possit, quodd à se non est. Omnis etiam virtus ab essentia procedit, & operatio à virtute. Vnde cujus essentia ab alio est, oportet, quodd virtus, & operatio sit ab alio. Et præterea, quamvis per hanc responsonem, evitaretur, quodd non esset primum simpliciter, non tamen posset evita-

ri, qui esset primum agens, si ejus actio in aliquid prius agens non reduceretur, sicut in causam. Pro quo suppono, Manichæos tanquam primum ipsorum dogma duo statuisse principia, quæ & principio carerent, & nunquam delinerent, invicemque contraria forent, quorum unum lucem, ac bonum appellabant; alterum tenebras, ac malum, ut idem sint, ac Deus, & Diabolus, quos quidem ambos Deos nonnumquam nominarunt, Deum bonum, ac Deum malum. Ab his duobus principiis statuebant, exorta esse omnia, ab altero bona, ab altero mala; ab uno animam, ab alio corpus. Inquem prolapsi sunt errorem; cum non possent imaginari, Deum bonum autorem esse malorum, quæ sunt in Mundo, accusabantque Christianos, quod non adhiberent fidem *Jesu Christo* dicenti *Matthæi 7. Non potest arbor bona malos fructus facere, neque arbor mala bonos fructus facere.* Sic *Epiphanius* hæc. l. 61. Hoc perversum, & ridiculum Manichæorum dogma legitimâ inferri consecutione, si Deus non est author, & causa entitatis peccati, probat *D. Thomas* efficacissimè concludens; *voluntatem humanam esse primum principium talis actionis*; quod evidenter apparet restringendo terminos ad lineam agendi. Illud agens est primum simpliciter, à quo primò incipit motus causalitatis, & in quo ita sistit resolutio, ut ad nullum aliud reducat; sed talis adstruitur voluntas respectu illius entitatis, ac propriæ actionis: ergo quidquid sit in linea entis, erit simpliciter prima in linea agentis, & causæ. Ex quo rursus per consequentiam mediatam infertur, fore voluntatem in omni linea causam primam: tum, quia communiter dicunt Philosophi, operari sequitur ad esse, & commensuratur cum illo; quia unumquodque operatur in quantum est in actu: tum, quia id, quod primum est, & independens in linea perfectionis simpliciter simplicis, in nulla linea potest esse secundum, & dependens; sed linea operandi, linea est perfectionis simpliciter simplicis; cum sit melior ipsa, quàm non ipsa in quolibet: Ergo quod est in hac linea primum, & independens, in nulla est dependens, & secundum.

13. Quâ, obsecro, ratione, quâ veritate asseritur, nomen causæ, & authoris non accipi à *D. Thoma* propriè pro causâ per se, ex propria electione, intentione, & proposito operante? Quis credat, *D. Thomam* asserere, primam causam non esse causam per se in linea operandi dicente perfectionem simpliciter simplicem? Cui persuadebunt, quod Creatura est unica causa per se actionis, secundum quod ista actualitatem, & perfectionem physicam dicit? Quod voluntas concurrat ut unus author actionis pravi, sumpto autore pro causâ per se, quæ videtur ipsa Manichæorum ex *Epiphanius* hærelis? Quod sit in rerum natura aliqua perfectio non reducibilis in Deum tanquam in causam per se, talem? Ad quid ergo, vero, perspicuo, usitatoque tam à Philosophis, quàm à Theologis sensu relicto, ad novas interpretationes ire, quæ contradictionem includunt, & tot inconvenientibus viam parant? Quid enim magis prodigiosum, aut quid fabulis magis simile, quàm imaginari primam causam causantem, & non causalitatem propriam, & per se tali? Quod illa infinita Dei, & actualissima virtus, à qua omnis causa in sua  
effi.

efficacia dependet, careat modo illo perfectissimo causalitatis propriæ, & per se talis? Equis non videt, interpretatione eâ vigente, eodem jure posse concludi, non esse indubitatæ veritatis illud *Joann. 1. Omnia per ipsum facta sunt*; quod dixit *Augustinus* lib. de Trinit. cap. 9. *Voluntas Dei est prima, & summa causa omnium corporalium specierum*; Et lib. 1. de liber. arbitr. cap. 2. *Credimus autem, ex uno Deo omnia esse, quæ sunt, & tamen non esse peccatorum auctorem Deum*. Falsus *Dionysius Thomas* loco citato ad *Annib.* doctrinam illam rejiciens ut hæreticam, his verbis: *Respondeo dicendum, quod hæreticum est dicere, ali-quod ens, in quantum ens, non esse à Deo, nec solum fidei contrarium est, sed etiam rationi*. Hæresim dixit, actionem peccati, quæ verum ens est, non esse à Deo; fortè quia opponitur nostræ confessionis Syn-bolo, quò credimus Deum Omnipotentem factorem visibilium, & in-visibilium. Non ergò ex his testimoniis deduci posset causalitas propriè talis, quia solum expriment causalitatem, & nullus meminit causalita-tis per se. Hoc sanè maximè veritati contrarium; hoc ridiculum, li-cèt ex solutione *P. Marin* legitimè illatum, cum ea ratio, quæ excep-tionem hanc in citato *D. Thomæ* testimonio suadet, alias admittendas persuadeat.

14. Secundò id ipsum efficacissimè corroborari potest. Primò: Si vo-luntas humana, ut fatetur, actionem aliquam producere posset, cujus Deus author non esse, id est sine indigentia influxûs immediati Dei, ut primi agentis, voluntas humana rationem primi principii haberet: ergo ideo non habet rationem primi principii, quia Deus immediatè influit: Sed Deus, juxta ipsos, eodem modo concurrir ad entitatem, ac ad mali-tiam: ergo si ex modo concurrenti dicitur Deus à SS. PP. & à *D. Thomæ* absolute causa actûs peccati, & poterit absolute dici Deus author, & cau-sa malitiæ peccati. Cur enim negaretur unum Deo, dum attribuitur aliud, dum se habet æquo modo Deus respectu utriusque? Cur ergo asserit *S. August.* esse peccati ex Deo esse, ut auctore, licèt peccatum non sit ex Deo? Secundò: Necessitas concursus unicè determinabilis à voluntate creata, & existentis unicè pro illius placito, non removel à voluntate ra-tionem primi principii: nullus quippè dixit, per hoc, quòd actûs peccati à Deo poni non possit in re sine concursu nostræ voluntatis, amoveri à Deo rationem primi principii, si existentia nostri concursûs ita constituatur in manu Dei, qualiter à Thomistis media prædeterminatione constituitur; sed eo-tem prorsus modo existentiam concursûs divini constituunt Ad-versarii in manu nostræ voluntatis: ergo. Tertiò: Doncurfus, per quem vo-luntas non subijcitur Deo in exercitio operandi, non aufert à voluntate rationem primi principii: sed talis est concursus permissivus, ut ponitur à ipsis: non enim voluntas subijcitur Deo per concursum, in quem ipsa sola exercet dominium, & qui contra Dei inclinationem, & voluntatem existit: ergo taliter effectus ille existit à voluntate, quòd respectu ipsius verè habet rationem primi principii. Si ergo hanc rationem primi prin-cipii removel *D. Thomæ* à voluntate, quam de fide ponit in Deo respec-tu entitatis peccati, & agnosci hæc entitas debet effectus per se talis re-spe-

specu divinx causalitatis: maxime cum hac sola simplicissima textus *D. Thomæ* expressio longè optima sit; & interposita illa explicatione, tam Phylosophis, quàm Theologis oratio omnino incongrua evadat, sensus expers, & ipsius Angelicæ detrahens doctrinæ. Nec dissimulare debemus ineptissimum illum conatum rejiciendi sensum *S. Thomæ*, & nostrum ad Manichæos; quod dicamus, primam in deficiendo causam nostram esse voluntatem. An putant illi deficere importare aliquam naturam? Scio, *P. Marin* essentiam in malitia invenire ut suprà num. 43. vidimus; sed quid nobis cum cogitatis ejus? At quidem ille malitiæ essentiam in Deo finxit, ut ab illo procederet vel invito, durâ necessitate confictus fugiendi Manichæismum, quod nisi à Deo causabilem malitiam poneret, non videtur fugere posse. At *D. Thomam*, & *S. Augustinum* sequendo, Scyllam, & Charybdim vitari animadvertet. Legat *Augustinum* de Civit. Dei à cap. 6., & videbit, causam mali nullam esse: unde nec à Deo causabilis malitia est, neque nos sumus causæ; logicè tamen causa valè dicimur, quia in bono deficiamus à fine boni. De hoc adhuc statim.

## §. III.

*Sanctitas, & puritas concursus divini ostenditur.*

15 **Q**Uoniam potissima, & unica totius controversiæ difficultas in eo consistit, ut puritas, & sanctitas divini concursus ostendatur, idcirco visum est, hanc attentè explicare, ut Adversariorum argumentatio invalida, & inanis cognoscatur. Nihil indoctus est, qui defectum actionis non discernit ab ipsa actione; sicut & nimis iuspiam dixit *Augustinus* illum, qui defectum naturæ, non discernit ab Authore naturæ. Actio habet veram rationem entis, & à Deo producit verum & realem influxum: defectus actionis est merum nihilum & privatio rectitudinis, ad quam nullus requiritur concursus Dei. Audiendus *Augustinus* Op. imperf. lib. 4. n. 125. *Videndum est etiam, quomodo dictum sit, Diligis omnia quæ sunt: quoniam sunt etiam iniqui; & alibi scriptum est, odisti omnes qui operantur iniquitatem. Diligis ergo & ipsos, inquantum homines sunt; & damnas eos, quia iniqui sunt, & facit esse quia homines sunt: quia nihil, inquit, odisti eorum quæ fecisti. Amat ergo Deus homines usque adeo, ut etiam, cum iniqui sunt, amet ut homines sunt, quamvis oderit, quod iniqui sint. Ac per hoc iniqui quos Deus odit, & sunt homines, quoniam Deus suum amat opificium; & miseri sunt, quia Deus amat suum iudicium.* Hæc *Augustinus*... *D. Thomas*, ut rem ita difficilem declararet, sic q. 3. de malo art. 2. in corp. profundissimè discurret. Sed tamen attendendum est, ait *S. Doctor*, quod motus primi moventis non recipitur uniformiter in omnibus mobilibus, sed in unoquoque secundum proprium modum. Alio enim modo causatur à motu Cæli motus corporum inanimatorum,

torum, quæ non movent se ipsa : & alio motus animalium, quæ movent se ipsa . Rursusque alio modo consequitur ex motu Cæli pullulatio plantæ, cujus virtus generativa est debilis, & producit germen inutile: alio modo pullulatio plantæ, in qua virtus generativa non deficit, sed perfectum germen producit: cum enim aliquid est in debita dispositione ad recipiendum motionem primi moventis, consequitur actio perfecta, secundum intentionem primi moventis; sed si non sit in debita dispositione, & aptitudine ad recipiendum motionem primi moventis, sequitur actio imperfecta . Et tunc id, quod est ibi actionis, reducitur in primum movens, sicut in causam: quod autem est ibi de defectu, non reducitur in primum movens, sicut in causam, quia talis defectus consequitur in actione ex hoc, quod agens deficit ab ordine primi moventis, ut dictum est . Sicut quidquid est de motu in claudicatione, est ex virtute motiva, animalis: sed quidquid ibi est de defectu, non est à virtute motiva, sed à tibia . Sic dicendum, quod cum Deus sit primum principium motionis omnium, quædam sic moventur ab ipso, quod etiam ipsa se ipsa movent; sicut quæ habent liberum arbitrium, quæ si fuerint in debita dispositione, & ordine debito ad recipiendum motionem, qua moventur à Deo, sequuntur bonæ actiones, quæ totaliter reducuntur in Deum, sicut in causam . Si autem deficient à debito ordine, sequitur actio inordinata, quæ est actio peccati . Et sic id, quod est ibi de actione, reducitur in Deum, sicut in causam, quod autem est ibi de inordinatione, vel deformitate, non habet Deum causam, sed solum liberum arbitrium . Et propter hoc dicitur, quod actio peccati est à Deo, sed peccatum non est à Deo . Hucusque *D. Thomas*, qui clarissime rationem evidentem assignat; cur actio peccati, quæ actio est, à Deo sit, licet, ut defectus & deordinatio, à Deo non sit . Quemadmodum nemo imputat fabro homicidium, gladio ab ipso bonâ intentione facto, perpetratum; neque Angelo motori orbium cœlestium mala, quæ per eorum influxum oriuntur; neque vitium malæ ambulationis claudi in animam moventem rejicimus; neque vitium Scripturæ malè exaratae ab optimo scriba in ipsum, sed papyrum malam, aut in calamus malè temperatam; ita prorsus neque peccata nostra Deo imputari debent, sed nobis, qui ab ipsius lege deflectimus, & claudicamus .

16. Ex eodem *D. Thomæ* testimonio colliguntur & plurima maxime notanda pro concursu Dei ad materiale peccati . Inferitur primum, primum actum, quem voluntas creata elicit, live sit primus absolute, & simpliciter, sive primus in aliquo negotio, nempe, quotiescumque, novam feriem operationis ingreditur, & incipit aliquam operationem novam diversi ab ea, per quam se prius exercebat; quæque nullum vitium deordinatae à se prius voluntatis sequatur, non posse esse malitiæ infectum . Ratio est: quia nulla supponitur in voluntate indispositio, propter quam exigit concursum ad materiale peccati . Nec enim potest esse defectus ex parte apprehensionis, quæ cum sit prima vel absolute, vel circa objectum talis negotii, debet à Deo immitti: nec etiam est indispositio ex parte voluntatis, quæ tunc, nullo pravo illius objecti amore supponitur inquinata . Et ex alia parte primaria illius inclina-

rio est ab bonum honestum, quia conforme naturæ rationali, non ad malum, quod est contrarium naturæ, nec ad bonum purè phycicum, seu delectabile. Undè si voluntatem in illo statu existentem Deus moveret ad materiale peccati, Deus esset causa peccati, quia illam moveret contra propriam inclinationem. De quo 1. p. q. 63. art. 4. & 1. 2. q. 9. & q. 10.

17. Colligitur secundò, & maximè ad rem nostram, Deum non movere voluntatem ad materiale peccati, nisi in ea invenerit aliquam dispositionem, ratione cuius petat concursum ad materiale peccati, quæ dispositio vel se tenet ex parte iudicii proponentis convenientiam physicam objecti, quâ voluntatem attrahit, vel ex aliqua prava affectione præcedente, & inclinante in illam convenientiam, vel ex parte appetitûs sensitivi nullâ resistentiâ insulantis contra rationem. Si tamen aliqua ex his dispositionibus in arbitrio sit, ut causa primæ adimpleat munus, sanctissimè, & iustissimè concursus præbet ad materiale peccati: cuius aptissimum habemus exemplum in humanis. Sacerdos publicè ministrans Sacrosanctam Eucharistiam, iustè, & sanctè illam dat peccatori occulto; quem ille scit, & censet indignum; nec ob id illius Sacrilegæ Communionis, cui cooperatur physicè, ullatenus est causa, sed permissor. Etenim licet actio illa recipientis separari non possit à malitia, Sacerdos tamen physicè cooperans sumptioni, peccato minimè cooperatur, munus adimplens suum. Ita similiter Deus gerens munus causæ primæ, cui ex officio incumbit concurrere juxta dispositionem, & existentiam voluntatis, etsi concurrat ad materiale, concursus à malitia immunis evadit. Sapientiâ namque suâ directus decrevit, detectibilibus providere juxta propriam ipsorum naturam, quæ petit aliquando deficere in propriis operationibus, nec possunt semper benè, & uniformiter absque defectu operari, quòd est certissimum.

18. Inferes tertio, concursus divinum præcisè respicere, ut terminum à se causandum, entitatem materiale peccati, quæ bona est, & à malitiâ omninò præscindit. Deus enim solum concurrat cum voluntate ad id, in quod ipsa inclinat, non ad id, quod ex consequenti, & præter intentionem adiungit: cuius ratio est, quia Deus solum concurrat ad id, in cuius efficiëntia voluntas creata subordinatur Deo, non ad id, quod efficit Deo non subordinata; deficit enim, quia finem extra Deum constituit, quò divinæ actionis sanctitas abduci non potest. Undè solum inclinat ad tendentias procedentes ab inclinationibus, quas causis indidit secundis: & tendentia in id, ad quod voluntas per se non inclinat, & quod per se non amat, non procedit ab inclinatione, quam Deus dat voluntati, immò potius est illi contraria. Secundò, quia concursus purè effectivus, & nullo modo defectivus, qualis est divinus, non est ad id, in quo voluntas se habet defectivè: nam ut ait *S. Augustinus* lib. 83. quaestionum: *Deo Auctore non fit homo deterior: sed tendens voluntas ad id, quod per se non amat, & in quod per se non inclinat, defectivè se habet: ergo. Tertio, quia concursus Dei tantum est ad id, quod cadit sub sphaera voluntatis, & activitatis divinæ, & non ad id, quod*



quod est extra utriusque potentiae ambitum; sed bonum intra ambitum utriusque potentiae continetur, minimè tamen malitia: ergo hanc non respicit concursus divinus, ut terminum à se causandum. Constat ergo, Deum liberè, & honestè concurrere cum voluntate creata. Verùm pro sanctitate divini concursus causam dicat *Augustinus* lib. de gratia, & libero arbitrio cap. 21. *His, & aliis testimoniis divinorum eloquiorum, quæ omnia commemorare nimis longum est, satis, quantum existimo, manifestatur, operari Deum in cordibus hominum ad inclinandas* (quæ diversitate, norunt hi, qui *Augustini* doctrinam sapiùs aliàs traditam norunt) *eorum voluntates, sive ad bona pro sua misericordia, sive ad mala pro meritis eorum, iudicio utique suo, aliquando aperto, aliquando occulto, semper autem iusto.* Ex quibus innotescit nobis, quòd Deus laudabilis est in iis, quæ suo iusto operatur iudicio, sicut laudabilis est homo in iis, quæ & iusto operatur iudicio; sed cùm Deus operatur in cordibus hominum ad inclinandas eorum voluntates ad mala (utique permittens malitiam) iusto operatur iudicio: ergo in iis etiam, quæ Deus operatur permissivè est laudabilis. Vel aliter: Qui operatur regulatus iusto iudicio, honestè, & laudabiliter operatur; sed Deus permissivè operans, operatur regulatus iusto iudicio, teste D. *Augustino*: ergo honestè, & laudabiliter operatur, cùm operatur permissivè, eoque in sensu permissionis, quem intendunt Adversarii. Praterèa: Deus operatur omnia secundum consilium voluntatis suæ, ut *Apostolus* prædicat: ergo in omnibus operatur laudabiliter. Cur enim à distributione illa excipiemus ea, quæ operatur permissivè? Hæc satis, quæ, etsi omnibus manifesta, nos inferiùs luculentiori calamo expendemus.

## §. IV.

*Solvuntur Argumenta.*

19. QUÀM grandis consolatio opinioni Thomistarum, nullis se argumentis pulsari, quibus non fuerit impetita D. *Thomæ* sententiæ! QUÀM deploranda, & parùm grata eorum fors, qui non alia in hanc sententiam tela vibrant, quàm quæ in se ipsum objicit D. *Thomas*! Ita sanè est; nihil in medium afferunt Adversarii, contra quod priùs non scripserit D. *Thomas*. Nihil dicunt, quod ab ipso sibi non fuerit objectum. Constat hoc legentibus argumenta, quæ sibi objicit in 2. dist. 37. quæst. 2. art. 2. Contra se ita primum objicit: *Omne quod est à Deo, bonum est, & omne bonum alicui bonum est: quædam autem peccata sunt, quorum actus nulli boni sunt, quia facienti nocent, & ei, in quem sunt: ergo tales actus nullo modo à Deo sunt.* Hoc est primum argumentum, & intinè tangens difficultatem; ac si argumentaretur ita: Deus non potest esse causa actus intrinsecè malì, qui nullo modo potest esse bonus: sed plures actus peccatorum ita sunt intrinsecè niali, ut nullo modo possint esse boni: ergo illorum Deus causa non est. Probat mi-

norem: Actus, qui aliquo modo possunt esse boni, debent non nocere agenti, vel aliis non officere: sed plures sunt actus peccatorum, qui agenti, & aliis, in quos fiunt, non possunt non nocere; ut patet in fornicatione, quæ nocet agenti, & proli: ergo.

20. Huic argumento ita occurrit D. Thomas: *Ad primum ergo dicendum, quod cum dicitur actus peccati nulli bonus esse, hoc convenit sibi, secundum quod sub deformitate consideratur; & hoc modo non reducit in Deum, sicut in causam. Nullus tamen actus est, qui secundum se consideratus, secundum hoc, quod bonus est, alicui etiam bonus non sit, sicut actus fornicationis, in quantum est delectabilis, est bonum concupiscibile. Quæ solutio ad formam redacta, concessa majori, negat min. ad probationem dist. maj. secundum illam rationem, quæ deformitatem important, neg. maj. quæ boni sunt, conc. maj. & dist. min. eodem modo, neg. consequentiam. Ad probationem minoris dicitur, fornicationem adæquatè sumptam, prout includit deformitatem, seu malitiam utrique nocere, agenti scilicet, ac proli; nocet agenti, quia operatur contra debitum illius actus; nocet quoque proli, quæ non educabitur debite: at si consideretur, ut actus physicus, & præcisè à lege prohibente, utrique prodest: agenti, quia ut sic est bonum quoddam delectabile: prodest quoque forui, qui ex illo actu consequitur esse, quod proli bonum est. Immo D. Thomas in eodem articulo, argumento secundo, *Sed contra*, ex eo quod Deus actum istum causat quoad substantiam, probat, omnis actus mali Deum causare entitatem. Sic enim arguit S. Doctor: *Quidquid non est causa operationis, per quam aliqua substantia in esse producit, non est causa illius substantiæ; sed per aliquam actionem peccati substantiæ quædam in esse producuntur, sicut per adulteria, & fornicationes homines generantur: si ergo harum actionum Deus causa non est, in quantum actiones sunt, tunc nec hominum, qui per has actiones generantur, est causa, quod est absurdum.**

21. Secundum argumentum tale est: *Quidquid est causa actionis, in qua deformitas fundatur, secundum quam actio mala dicitur, est movens, & cooperans ad malum: nihil enim operatur ad malum, nisi secundum quod talem actionem producit: sed Deus nullo modo ad malum cooperari debet dici: ergo illius actionis, in qua malum consistit, inseparabiliter causa dicendus non est.* Hoc est validissimum argumentum, quod obijciunt Adversarii; tum quia procedit de actibus intrinsecè malis, & qui nunquam possunt ab agente libero bene fieri: tum, quia asserunt, nullum alium aptiorem esse modum ad causandam actus malitiam, quam movere voluntatem ad entitatem inseparabilem à malitia, & illi ad hoc cooperari. Non enim voluntas creata alio modo malitiæ est causa: ergo si hoc modo Deus concurret, causat malitiam.

22. Sed respondet D. Thomas: *Ad secundum dicendum, quod illud dicitur ad malum cooperari, quod inclinat ad actionem, secundum quod actio deformitati substat, unde mala est. Hoc autem Deo non convenit: & ideo non oportet, ut ad malum cooperari dicatur, quamvis actionis illius causa sit, in qua malum consistit, secundum quod insit agenti*  
esse,

*esse, posse, & agere, & quidquid perfectionis in agente est.* En quomodo concursus, & divina causalitas purissimè attingit entitatem actûs, intactâ malitiâ, quia scilicet Deus movet voluntatem ad actum, ut bonum, non ut substat deformitati, non ut contrarium legi. Sicut motus manûs reducitur in Deum, tanquam in causam efficientem, & ut primum motorem. Tamen usus illius motûs, ut quod cadat talis motus in non debitam materiam, sed super interfectionem innocentis, hoc non habet causam efficientem, sed deficientem. Quod percipies haud difficiliter, si dicta §. antecedenti iterum diligenter observes:

23. Tertiò arguit D. Thomas: *Bonarum actionum Deus non est Auctor, nisi secundum quod Deus potentie agendi efficaciam confert, quia determinatio operis ex libero arbitrio est, ut supra habitum est. Si igitur Deus ipsarum actionum malarum, in quantum actiones sunt à potentia egredientes, causa est, eodem modo dicendus est Auctor malarum actionum, sicut est Auctor bonarum.* Cui argumento faciliè occurrit D. Thomas, quamvis ab Adversariis maxime observanda sit ejus solutio.

24. *Ad tertium dicendum, quod Deus dicitur causa bonarum operationum, non solum quantum ad essentiam actûs, sed etiam quantum ad perfectionem, secundum quam bonæ dicuntur; utrumque enim agentis influunt, & ut bene agat: si in malis actionibus, quamvis sit causa earum quantum ad essentiam, non tamen est causa quantum ad defectum, & ideo absolute dicendus est causa bonorum operum, non autem peccatorum.* Hic primò notandum venit, quod in utroque actu, bono scilicet, & malo distinguit S. Thomas substantiam actûs à bonitate, & malitia: deindè, quod actus bonus terminat causalitatem divinam, quoad utrumque; malus verò quoad unum, nempe quoad substantiam, non quoad malitiam. Tertiò, quod Deus dicitur absolute causa actionis prave, ut actio, ita ut dictio diminuens non cadat supra *ly causa*, sed supra formalitates termini causati. Et quartò habetur explicatio Canonis *Tridentini* definientis, Deum non esse eodem modo causam operis boni, ac mali.

25. Quartum argumentum ita procedit. *Quod convenit alicui secundum genus, & differentiam suam constitutivam, convenit sibi per suam essentiam, quia essentia rei bis significatur: sed quidam actus sunt, qui ex genere suo mali sunt, ut supra habitum est, & quidam, qui ex differentia, per quam in speciem contrahuntur: ergo per essentiam suam mali sunt, & ita, nec in quantum sunt, à Deo sunt.* Argumentum hoc inter difficillima, quæ Thomistis obijciuntur, computari debet, quod sub aliis terminis ad formam reduci potest. Nequit Deus esse causa actûs essentialiter mali, quin sit causa malitiæ: sed quidam actus sunt essentialiter mali: ergo illorum Deus causa esse non potest, quin sit causa malitiæ: sed malitiæ Deus non est causa: ergo nec illorum actuum. Consequentia prima constat ex forma. Min. certissima est, quia actus ex proprio genere, & ex propria differentia mali, sunt essentialiter mali; essentia enim rei non distinguitur à genere, & differentia,

ex

ex quibus constat quidditativa definitio: & plures actus mali sunt ex genere, & differentia propria, ut constat in odio Dei. Maj. verò facili negotio ostenditur; nam essentia actus essentialiter mali est ipsa malitia: ergo perinde est causare actum essentialiter malum, ac causare malitiam: ergo nequit Deus esse causa actus essentialiter mali, quin sit causa malitiæ.

26. At respondet D. Thomas: *Ipsa privatio, quæ aliquid malum dicitur, non potest esse differentia, neque genus, sed unusquisque actus specificatur, & in genere ponitur per aliquid positivè dictum; sed positionem utramque, per quam scilicet ponitur actus in genere, vel in specie, potest consequi privatio aliqua: & idè quidam actus dicuntur mali ex genere, vel ex eo, quod in speciem trahit.* Profundissima est S. Doctoris solutio, ad quam semper recurrit, idem sibi proponens argumentum, ut salvet, actum non constitui per privationem, in qua consistit malitia: ut videre est in 2. ad *Annib.* dist. 37. qu. 1. art. 2. ad 2. & qu. 3. de malo art. 2. ad 2. & 1. 2. quæst. 79. art. 2. ad 3. ubi sic dicit: *Actus, & habitus non recipiunt speciem ex ipsa privatione, in qua consistit ratio mali, sed ex aliquo objecto, cui conjungitur talis privatio: & sic ipse defectus, qui dicitur non esse à Deo, pertinet ad speciem actus consequenter, & non quasi differentia specifica.* Omisâ pro nunc controversiâ de constitutivo peccati, pro intelligentia solutionis S. Doctoris notandum maximè, actum essentialiter malum, v. g. *Volo peccare, volo vindictam*, dupliciter considerari ab Angelo Præceptore: primò, ut est tendentia physica ad peccatum, vel homicidium, quò adimplendus est appetitus vindictæ: secundo, ut talis tendentia hic & nunc importat averſionem à lege Dei: primo modo, etſi attingentia sit objecti prohibiti, non consideratur, ut tangens, & violans prohibitionem, sed occisionem hominis secundum se, in quo nondum concipitur moralis malitia objectiva, quæ prohibitionis violationem non antevertit, sed tendentia irascibili consona in vindictam impellenti. Secundo verò modo, si consideretur actus, jam malitiâ intelligitur infectus. Sub prima consideratione actus inadæquatè bonus est, bonitate delectabili in genere physico. Sub secunda malus est, quia contrarius legi, & rationi, & ut sic privationem importat fundamentaliter, vel juxta aliam sententiam defectum positivum consequentem speciem physicam, constitutam per tendentiam, priori modo consideratam. Quam doctrinam accipe à D. Thomas in 2. ad *Annib.* dist. 37. quæst. unica art. 2. ad 2. his verbis: *Duplex est bonitas, scilicet bonitas naturæ, & bonitas moris. Primâ bonitate, naturæ omnis bona est secundum genus naturæ suæ. Actus autem peccati dicitur esse malus ex genere, malitiâ moris; & secundum hoc determinatur ad genus moris; quod quidem accipitur secundum ordinem actus ad debitam materiam; sicut malum ex genere dicitur ledere innocentem. Quod ipsum docet quæst. 3. de malo art. 2. Ad secundum dicendum, quod deformitas peccati non consequitur speciem actus, secundum quod est in genere naturæ, sic autem à Deo causatur; sed consequitur speciem actus, secundum quod est moralis, prout causatur ex libero arbitrio.* Ecce

Eccè physicè, & metaphysicè bonum illuminet actum, qui dicitur essentialiter malus; quia nimirum, ut suprà diximus ex D. *Thoma*, nullus est actus ita malus moraliter, qui bonus non sit in alia consideratione, & sub ista causatur à Deo, cuius concursui purè concomitanter associatur malitia ex diverso principio.

27. Quibus firmatur, & mihi ineluctabiliter, argumenti solutio, distinguendo maj. Si actus etiam physicè sumptus sit malus essentialiter, conc. maj. Si tantum sumptus moraliter sit malus, neg. maj. & dissim. Quidam actus sunt essentialiter mali in genere moris, conc. min. In genere physico, neg. min. Quia actus illi quantumvis mali moraliter, physicè boni sunt, & alicui inclinationi convenientes: concursus igitur divinus, & purissima Dei causalitas in actu, qui vocatur essentialiter malus, invenit suum terminum, scilicet entitatem actus à malitia omninò præficientem: nam essi in re entitas illa sit inseparabilis à malitia, aliam tamen est ratio malitiæ, alia ratio entitatis. Hic plura possent adduci; sed quia Dubio sequenti habent sedem propriam, ibi ea tractabimus, cum nobis in præfenti sufficiat ostendisse, quid docuerit D. *Thomas*, & in quo uno ore, unoque animi consensu conspirant Thomistæ omnes.

28. His omnibus, & duo alia argumenta, quæ *Pelagiani*, & *Semipelagiani* contra doctrinam Sancti Doctoris *Augustini* objiciebant, subicere hic mihi visum. Primum sit ex lib. 3. contra *Julianum* cap. 9. Objiciebant illi, quòd si Pueri peccato originali infecti nascerentur, Deus esset Auctor peccati: *Deus namque bonus, aiebant illi, per quem facta sunt omnia, ipse corporis hujus membra formavit; qui autem corpora fecerat, divisit, & sexum; divisit in specie, quod in operatione conjungeret: fecitque causam conjunctionum, dissimilitudo membrorum.* Ergo vel tot rerum bonarum corporum, sexuum, conjunctionum mali fructus esse non possunt; vel sunt quædam mala, quorum Auctor est; nempe peccati cum generatione necessariò connexi. En primum, & *Pelagianorum* argumentum; ad quod respondet *Augustinus*; quòd in puero nato considerata sunt, & natura, & peccatum: *Quod ille, in quantum homo est, bonus est; quòd autem in illo malum est, à quo sanandus est per Salvatorem, & liberandus per Redemptorem, & abluendus per lavacrum, & erudendus per exorcismum, & absolvendus per sanguinem, qui in remissionem suscipit peccatorum; non est fructus corporum, sexuum, conjunctionum, sed originalis, veterisque peccati.* Sicut enim de prole adulterorum, si ego dicerem, tot malorum, id est, lascivie, turpitudinis, criminis bonus fructus esse non potuit. Rectè mihi responderes, hominem qui de Adulteris natus est, non esse fructum lascivie, turpitudinis, criminis, quorum malorum auctor est Diabolus; sed corporum, sexuum, conjunctionum, quorum bonorum auctor est Deus. Sic ego tibi rectissime dico, malum cum quo nascitur bonum, non esse fructum corporum, sexuum, conjunctionum, quorum bonorum auctor est Deus; sed primæ prævaricationis, cujus auctor est Diabolus. Prosequitur num. seq. S. Doctor: *Absit autem, ut quemadmodum calumniaris,*  
dica-

dicamus homines ad hoc à Deo fieri, ut à Diabolo legitimo jure teneantur. Quamvis enim, & hoc divina sit magis, quàm diabolica potestas, ut immundo Principi generatio immunda subdatur, nisi regeneratione mundaetur: tamen non ad hoc Deus facit homines, ut sanctorum quodam modo Diabolus habeat; sed eà bonitate, quâ naturis omnibus præstat, ut sint, quâ etiam ipsum facit subsistere Diabolum. Quam bonitatem si rebus subtraheret, continuò nihil esset. Sicut non ideo creat pecora in armentis, & gregibus impiorum, ut Demonibus immulentur, quamvis hoc eos noverit esse facturos. Sic etiam ibi generationem peccato cervit obnoxiam; secundum pulcherrimum quem disposuit ordinem sæculorum, suam non abstinet ab ejus conditione bonitatem. En quàm apertissimè confitetur, & libentissimè allerit S. Doctor, quòd quavis ex aeterna scientia præcognitum habeat Deus peccatum hominem; hoc minime impedit, secundum pulcherrimum quem disposuit ordinem sæculorum, ut summi tribuat concursus; quia sicut est Auctor hominis, & generationis, quin sit Auctor originalis peccati: ita est causa in quolibet peccato, quidquid emittatis, motus, & bonitatis est in illo, quin sit Auctor peccati.

29. Secundum argumentum, quod *Semipelagianorum* est, legitur in objectionibus Vincentianis 10. 11. & 12. *Sequi ex prædestinatione ad materiale peccati; quòd adulteria, & corruptelæ virginum sacrarum idè contingunt, quia illas Deus ad hoc prædestinavit ut caderent.* Rursus, *Quòd quando incessant Patres filias, & Matres filios, vel quando Servi Dominos occidunt, idè fiat, quia Deus ita prædestinavit, ut fieret.* Praterèa: *Quòd quando omnes illi fideles, & sancti, qui ad aeternam mortem prædestinati sunt, quando ad vomitum suum relabuntur, vitio quidem suo hoc facere videntur: sed ipsius vitii causa est divina prædestinatio, quæ illis latenter subtrahit bonas voluntates.* Hæc illi, ut probent quantum Fidelibus displicere debet prædeterminatione ad materiale peccati.

30. At præstò est D. *Prosper* de integro objectioni pro *Augustino* satisfaciens. Sic ille respons. 10. *Detestanda, & abominanda opinio, quæ Deum cujusquam malæ voluntatis, aut malæ actionis credit Auctorem: cujus prædestinatio numquam extra bonitatem, numquam extra iustitiam est: Vniuersæ enim viæ Domini misericordia, & veritas. Adulteria igitur maritatarum, & corruptelæ virginum non instituisse, novit sancta divinitas, sed damnare, non instituisse, sed punire. Quæ mala homines cum admittunt, suis concupiscentiis, & cupiditatibus serviunt, quas ab illa prima voluntaria prævaricationis labe traxerunt: cum autem declinant à malo, & faciunt bonum, à Domino gressus hominis diriguntur, & viam ejus voles. . . . Non ergo casus ruentium, nec malignitatem iniquorum, neque cupiditates peccantium prædestinatio Dei aut excitavit, aut suavit, aut impulit: sed planè prædestinavit judicium suum, quò unicuique retributurus est prout gessit, sive bonum, sive malum. Quòd judicium futurum omnino non efficit, si homines Dei voluntate peccarent.*

31. Firmat id ipsum respons. 11. his verbis: *Si Dia bolo objiceretur, quod talium facinorum ipse Auctor, ipse esset incensor; puto, quodd ali-quâ ratione exonerare se hâc posset invidia, & talium scelerum patra-tores de ipsorum voluntate convinceret; quia etsi delectatus est furore peccantium, probaret tamen se non intulisse vim criminum. Quâ ergo insipientiâ, quâve dementiâ diffinitur, ad Dei referendum esse consilium, quod nec Diabolo in totum adscribi potest, qui in peccantium flagitiis illecebrarum adjutor, non voluntatum credendus est esse generator? Nihil ergo talium negotiorum Deus prædestinavit, ut fieret: nec illam animam nequiter, turpiterque viciuram, ad hoc ut taliter viveret, præparavit; sed talem futuram non ignoravit, & de tali justè se judica-turum esse præsciuit.*

32. Idem consequenter statuit respons. 13. *Nefas est Deo adscribere causas talium ruinarum; qui etsi ex æterna scientia præcognitum ha-bet, quid uniuscujusque meritis retributurus sit; nemini tamen per hoc quod falli non potest, aut necessitatem, aut voluntatem intulit delin-quendi. Si ergo à justitia, & pietate quis deficit, suo in præcept fertur arbitrio, suâ concupiscentiâ trahitur, suâ persuasionem decipitur. Nihil ibi Pater, nihil Filius, nihil agit Spiritus Sanctus: nec tali negotio quidquam divina voluntatis intervenit; cujus opere multos scimus, nè laberentur, retentos; nullos autem, ut laberentur, impulsos. Disertè hoc idem exequitur respons. 14. Si ergo in sanctitate vivitur, si in vir-tute proficitur, si in bonis studiis permanetur; manifestum munus Dei est, sine quo nullius boni operis fructus adquiritur: si autem ab iis rece-ditur, & ad vitia, ad peccata transiter; nihil ibi Deus mala temptationis immittit, & recessurum non deserit antequàm de'lerat; & facit plerum-que, ne deserat, aut etiam, si discesserit, ut redeat. En germana, expedi-taque argumenti solutio tradita ab Augustino, & Prospero: quam si uti germanam acceperint Adversarii; miram cum doctrina, in toto hoc Dubio tradita, consonantiam experientur; constantemque, ac nunquam sibi dissimilem Doctrinæ Augustinianæ faciem comprobabunt. Quare de secundo hujus disputationis argumento satis: qui enim hoc non videt, mentem avertit, nè verum omnibus patens intueatur.*



## DUBIUM III.

An Deus sic causet entitatem peccati, quòd prædeterminet voluntatem ad illam?

## §. I.

*Affirmativa sententia defenditur.*

1. **Q**UAMVIS hæc potissima difficultas abundè probata supponi deberet, statuta causalitate Dei erga actum peccati: quia tamen P. Ramirez, minùs aequo sensum quæstionis prævertens, ex causalitate non deduci prædeterminationem ad entitatem affirmat, idèò rem hanc examinandam suscipimus. Et licèt nolim longum habere discursum, nihilominùs de argumento isto quædam dicam, maxime ut argumenta præcipua, penitus perpendantur. Allèrit ergo P. Ramirez de Prædest. disp. 6. cap. 5. num. 163. *Sit ita pronunc, & accipiantur adducta verba, ut sonant; quid inde pro prædeterminatione materialis peccati, qua ut consensu Patribus suaderi intenditur? Ubi nec leve signum voluntatis antecedentis, quâ Deus determinet quidquid entis, & positivum in peccato est: quare licèt cogere vi illorum ad satendum, Deum esse causam per se actûs peccati, ut actûs est; negarem prædeterminationem, & dicerem, Deum se habere circa materiale peccati, sicuti in mea sententia se habet quoad opus honestum, quod causat per se, non interveniente ullâ prædeterminatione quoad materiale, & formale illius, præcisè quia concurrat præparando omnipotentiam ex seria intentione boni operis; quo redderetur inutilis labor Adversariorum in coacervandis auctoritatibus.* Hæc Auctor ille: consentiens sanè P. Herrera, loco citato num. tot. allèrenti: *Mirum est, quàm sæpè hanc equivocationem patiuntur Adversarii.* Respondeo ergo, Deum immediatè producere omnem actualitatem, & omnem gradum quemlibet existentie; ad hocque non requiri, Deum illum prædeterminare, sed sufficere concurrere determinatam à creatura: quibus verbis eundem dicendi modum subjicit, & approbat.

2. At oppositum, quod contra Auctores illos pro virili propugnamus, sanè liquidum est, ex tot præiactis fundamentis, quæ etiam superius sint dicta, tanquam in auxilium oportet hic adducere, quod solidè, & expedite conficit Magister *Contenson* lib. 8. distict. 1. cap. 2. spec. 3. dicens: *Supponendum est secundò, rationes omnes, quibus probari solet, Deum cum omnibus causis ad agendum concurrere, vel etiam ea ad agendum prædeterminare, si quid probent, concludere etiam, Deum totam actûs peccati, quâ ens, & actûs est, entitatem efficere.* Rationes enim generales divini concursûs petuntur ex subordinatione cause se-



*cunda à prima; ex dependentia entis per participationem ab ente per essentiam, quæ aequè, ut patet, militat pro entitate actus peccati. Rationes autem prædeterminationis in summa sunt hæc. Tum etiam, quia illam exigat ratio prima causa, quæ est in Deo: si autem concursus divinus determinetur à causa secunda, Deus non erit prima causa illius determinationis actualis, nec proinde omnis entis. Tum, quia sine præmotione non potest tolli intrinseca causæ secunda indifferentia, saltem quoad individuum, nisi enim aliquid intrinsecum determinans ad actionem adveniat, causa semper in indifferentia permanebit. Tum, quia intelligibilis omnino est duarum causarum, duorumque concurrentium indifferentium conjunctio, sine aliquo prævio recepto in causa secunda; nam conjunctio ad agendum præcedit naturæ actionem, cum causæ conjungantur ut agant: Ergo per aliquid reale conjungantur, quod sit prius naturæ actione; & hoc nomine præmotionis intelligimus. Quæ omnia, aliaque eam admittendam esse convincunt, nisi pedissequam naturæ; non dominam motionem Dei consingamus, asseramusque servire creaturæ Creatorem, Deum homini. Patet autem, has rationes per aequè de materiali peccati convincere; cum respectu illius Deus sit prima causa, respectu illius causa secunda sit indifferens, saltem quoad individuum; & denique ad illud efficiendum debeant Deus, voluntasque humana conjungi.*

3. Quibus jure merito suppositis, attentum hic Lectorem volo, ut quam procul ab *Augustino*, quam procul à *D. Thoma*, abeant Auctores isti,prehendatur. Et quidem primum sit testimonium *D. Augustini* lib. 5. contra *Julianum* cap. 3. quod fulius in præsentī demonstrandum promissimus Dub. 2. §. 2. num. 8. Hic versans *Augustinus* illud *Apostoli* ad *Rom.* 1. Tradidit illos Deus in reprobum sensum ut faciant, quæ non conveniunt: tradidit illos Deus in desideria cordis eorum, in immunditiam: tradidit illos Deus in passionem ignominie; intendit demonstrare contra *Julianum* Pelagianum ex verbis *Pauli*, Deum determinare homines ad actus peccatorum. Cumque *Julianus* responderet in prædictis verbis tantum contineri pernitionem divinam, ita ut ly tradidit ellet idem, ac permisit, & sensus fieret, permisit Deus illos cadere in reprobum sensum, quæ *Apostoli* intelligentia congruebat maxime *Juliano*, qui efficacem Dei motionem ad actum peccati negabat, confirmabatque ex verbis aliis *Pauli*: Insinuavit in multa patientia vasa iræ; hanc reprobus *Augustinus* explicationem, sic contra *Julianum* argumentatur. Quid autem est, quod dicis, cum desideriis suis tradi dicuntur? Relicti per divinam patientiam intelligendi sunt, non per potentiam in peccata compulsi: Quasi non simul posuerit hæc duo idem *Apostolus*, & patientiam, & potentiam, ubi ait: Si autem volens Deus ostendere iram, & demonstrare potentiam suam, adtulit in multa patientia vasa iræ, quæ perfecta sunt in perditionem. Ex quibus argumentum conficitur. Deus non solum se habet permisivè, cum nos peccata committimus, sed motivè, & impulsivè: (secundum exigentiam causæ secundæ, prout decet naturaliter primam causam; quo sensu sem-

per & *Augustinus*, & nos cum illo loquimur, qui reprehendens explicationem *Juliani* de traditione purè permiffiva, & non de determinatione, fumpta pro motione efficaci impellente ad actum peccati, utrumque vult accipere ex verbis *Pauli*, fcilicet, & permiffionem, seu derelictionem, & pofitivam traditionem: ) fed hac motio, & impulfio non eft moralis, nec ad malitiam: ergo eft phyfica, & efficac ad entitatem: verbum enim *compello*, quo fe explicat *Augustinus*, efficacem motionem importat ad aliquid repertum in peccato, demonftrantem Dei potentiam, ad quam refert *Augustinus* concursus efficaciam: & hoc non eft malitia, quia ut ait ipfe S. Doctor fuprà relatus: *Deo auctore nemo fit deterior*: ergo ad entitatem peccati. Videantur, quæ dicta funt Difp. 7. Dub. 1. §. 3. ex D. *Augustino* de grat. & lib. arbitrio cap. 20. & 21. quibus præftantiffimè tradit, qualiter operatur Deus in cordibus hominum ad inclinandas eorum voluntates, quocumque voluerit, five ad bonam pro fua mifericordia, five ad mala pro meritis eorum, iudiciò utique fuò, aliquando apertò, aliquando occultò, femper tamen iuftò.

4. Auctoritas ifta, quæ in principiis Thomiftarum planum, & facilem habet intellectum, minime placet Adverfariis, ut à nobis intelligitur: quare ut aliorum folutiones omittam, refpondet P. *Herrera* de Prædest. quaft. 7. fect. 6. à num. 95. *Julianum sub nomine patientiæ deferentis, & relinquentis non intelligere diminutionem Gratiæ. Etenim negabat Julianus, neceffariam effe Gratiam ad evitanda peccata: Ergo per diminutionem Gratiæ induratos non tradidit homines defideriis fuis. Intellexit ergo Julianus sub nomine defectionis tolerantiam divinam non adhibentem remedium exterius feverioris alicujus pænæ, quo peccatores vel refpicerent, vel à gravioribus peccatis frænarentur, vel morte præoccuparentur, ne scelera cummlarent. At verò Augustinus licet hanc defectionem concederet, contendebat tamen, ultra hanc defectionem purè tolerantem in exccacatione, & obduratione peccatorum conjungi cum illa plurimos, atque mirabiles effectus divinæ Omnipotentia: Juxta hanc intelligentiam dicendum eft, Augustinum negare illam propofitionem Juliani cum defideriis fuis traditi dicuntur, relicti per divinam patientiam intelligendi funt, non per potentiam: non quia affirmat, nullum hominem per potentiam divinam in peccata compelli, fed quia negat, peccatores folum obdurari, quatenus impuniti relinquantur: cum alii etiam effectus divinæ Omnipotentia: interveniant, videlicet fubtrahitio gratiæ efficacis, cum prævifione ejus inefficaciæ. Sic ille. Quam ut fundet explicationem, fubjungit. Nec poterat *Augustinus*, quin fibi contradiceret, afferere, Deum ad peccata compellere, eum id ipfum aliis in locis apertè neget, præfertim cum ex profeffo difputet de Judæorum exccacatione, & obduratione traft. 53. in Joam. colum. 3. ubi hæc habet: *Fecerunt peccatum Judæi, quod eos non compellit facere, cui peccatum non placet. Præterea S. Proſper ad capita Gallorum fic refpondet fent. 11. Qui dicit, quod per potentiam Deus homines ad peccata compellit, meritò reprehenditur. Neque enim Deus, qui juftitia, & bonitatis auctor eft, quemquam ad peccatum cogere, & ab**

innocentia in facinora precipitare credendus est. Non ergo Augustinus ex eo negat illum Juliani propositionem, quod censeat, Deum ad peccatum compellere, sed quia sentit, aliter derelinqui peccatorem, quam per puram tolerantiam, aut peccatorum non punitionem. Deinde invenitur contra M. Gonet, dicens: Ex quo inferes, Gonetum satis callide, & parum fideliter hanc propositionem Augustino adscribere loquendo de excacatis, & obduratis: non solum relictis per divinam patientiam intelligendi sunt, sed etiam per peccata compulsi. Hanc propositionem Augustinus non docuit, sed tantum negavit propositionem Juliani asserentis, solum obdurari peccatores, quia per patientiam relinquuntur, non quia per potentiam compelluntur. Ex eo autem, quod hac sit falsa, non est verum, quod non solum per patientiam relinquuntur, sed per potentiam compelluntur: sed solum inferitur, veram esse hanc propositionem, non solum obdurantur peccatores, quia per patientiam relinquuntur, non quia per potentiam compelluntur; sicuti ex eo, quod falsa sit hac propositio, solum Judas peccavit, non autem Christus, male inferitur hac, non solum Judas peccavit, sed etiam Christus: solum enim inferitur propositio negans totam aliam propositionem indivisibiliter sumptam, non solum Judas peccavit, non autem Christus. Hac dixit m, ait ille, pro detegenda calliditate Gonetii.

5. Verum quid, aut cur P. Herrera, minus intra religiosa moderationis terminos se continens, M. Gonet improbat? Hanc D. Augustini locutionem, quæ suis principiis minus conformis est, tanquam ex Magistro Gonet prolata invidiosè indicat: cum tamen Augustinus utramque propositionem protulerit, sententiam Juliani reprehendens. Allecebat quippe Julianus, verba Apostoli sic esse intelligenda, ut redderent hunc sensum: Relicti sunt per divinam patientiam, sed non sunt per potentiam in peccata compulsi. Utrumque Augustinus verum esse probat ex eo, quod Apostolus non solum posuit patientiam, quæ significatur derelictio, sive permissio, sed posuit etiam potentiam, quæ compulso significatur. Quod ut constet evidentius, verba subjicio, quæ Augustinus immediate profert, ut monstrat falsitatem illius negativæ, Non sunt per potentiam compulsi, sic enim Augustinus prosequitur. Quid bonum tamen dicis esse, quod scriptum est: Et Prophetam si erraverit, & locutus fuerit, ego Dominus seduxi Prophetam illum, & extendam manum meam super eum, & exterminabo eum de medio Populi mei Israel, patientia est, an potentia? Et duabus lineis interjectis: An & hic dicturus est, quod ait: Ego Dominus seduxi Prophetam illum intelligendum esse, deserti, ut pro ejus meritis seductus erraret? Et columna sequenti circa finem ait: Quis verò ita desipiat, ut cum audierit quod in Psalmo canitur, ne tradas me Domine à desiderio meo peccatori, hoc dicat, oras se hominem, ne Deus sit pateriens erga ipsum, si Deus non tradit, ut mala fiant, nisi patientem bonitatem præbendo, cum sunt? Et postquam explicuerat, eodem in sensu intelligendum esse illud Orationis Dominicæ: Et ne nos inferas in tentationem, quasi ex firmissimis principiis intentum concludens, ait: Tradit ergo Deus in passiones ignominie, ut fiant,

*fiant, quæ non conveniunt, sed ipse convenienter tradit.* Est namque totus in præfenti capite, ut probet, Deum non se habere permissivè solum erga peccata, sed esse aliquid in peccato, quod ipse efficit, nempe physicum ejus esse. Unde in verbo *tradit* positivum, & causativum, non purè permissivum influxum importari contendit.

6. Hæc à nobis dicta sunt, ut constet, M. *Gonet* non fraudulenter, minùsque fideliter adduxisse *Augustinum*, & ut magis constet esse expressam D. *Augustini* sententiam. Nam S. *Doctor* id contendit demonstrare contra *Julianum*, quod ipse *Julianus* negabat; non id, in quo ab *Augustino* *Julianus* non dissentiebat. Fatebatur *Julianus*, in verbis *Pauli* contineri permissionem Dei erga peccata; quod verum esse *Augustinus* minime negat. At contendebat *Julianus*, nullum in verbis *Apostoli* significari positivum influxum, & de hoc *Augustinus* reprehendit *Julianum*, oppositum probans tot Sacræ Paginæ testimoniis, quibus utitur ad confirmationem doctrinæ.

7. Nec obstat auctoritas inducta à P. *Herrera* ex tract. 53. in *Joann.* Utrumque enim verum est, & *Augustinus* minime sibi contradicit; nam cum ait, *Deum non compellere homines ad peccata*, loquitur de peccatis pro formali, ad quæ Deus voluntatem hominis minime compellit. Cum verò allerit, *Deum per potentiam compellere homines ad peccata*, de peccatis pro materiali sermonem facit. Constat autem, has non esse contradictorias: *Deus compellit homines ad peccata pro materiali; Deus non compellit homines ad peccata pro formali*; Nec enim sunt ejusdem de eodem secundum idem. Quo etiam in sensu locutus est S. *Prosper Augustini* discipulus. Videtur tamen mihi D. *Prosper* vitare rigorosam significationem illius verbi *compello*, quæ vim quamdam importare videtur inimicam libertati, quamquam & Ecclesia non adeo rigidè verbum illud quandoque accipiat, ut ejusmodi vim libertati inimicam significare velit; orat enim Deum, ut nostras etiam rebelles compellat à se voluntates. Sed, fateor, dum in malum refertur, magis curandum est, ut vigor significationis verbi illius removeatur, quam certè *Augustinus* nunquam vult. Unde lib. de gratia, & lib. arbit. cap. 20. loquens de *Semei* maledicente *Davidi*, ait: *Deus voluntatem Semei vitio malum in hoc peccatum maledicendi Davidi inclinavit*; quasi diceret: quod erat actus, à determinatione Dei erat; quod autem vitii, à mala *Semei* voluntate. Nec D. *Augustinus* alia de causa illo compellendi utitur verbo, nisi quia *Julianus* illud usurpavit. Nostra autem explicatio traditur à fidelissimo *Augustini* interprete D. *Thoma* 1. 2. q. 79. art. 1. ad 1. Ubi similia *Augustini* exponens verba, dicit: *Quod autem Augustinus dicit in lib. de Grat., & liber. arbit. cap. 21. Inde sumpta est Glossa, quod Deus inclinât voluntates hominum in bonum, & malum, sic intelligendum est, quod in bonum quidem directè inclinât voluntatem, in malum autem, in quantum non prohibet.* Cum ergo in actum peccati bona sit entitas, ad illam directè inclinât, non ad deformitatem, quam permittit. Hoc totum videre est in prælaudato capite, & ex quibus inferet quilibet, quàm injusta, ne plus dicam, sit hæc M. *Gonet* tacta accusatio.

8. Si ab *Augustino* exordium sumpsimus, ad *D. Thomam* accedimus, ut isto etiam præsidio sententia opposita spoliata maneat. Audiendus est in 1. dist. 36. q. 2. art. 3. *Similitudo, vel ratio rei in Deo existens secundum quoddam est productiva ipsius rei, est prædeterminativa*. Et q. 3. de verit. art. 2. *Hanc rationem ponendi ideas innuit Dionysius in 5. cap. de divinis nominib. dicens: Exemplaria dicimus in Deo existentium rationes substantificas, quas Theologia prædefinitiones vocat, & divinas, & bonas voluntates existentium prædeterminativas, & effectivas*; sed ex his, quæ jam observata volui dub. 1. §. 4. num. 32. in Deo datur idea entitatis, & actualitatis peccati, cujus est causa: ergo sic ipsam causat quoddam voluntatem prædeterminet ad actualitatem peccati.

9. Secundò habet ille modus dicendi adversum *D. Thomam* negantem, quod actio peccati sit à Deo, quatenus præcisè confert virtutem sufficientem, & penitus indifferentem, ac unice à voluntate determinabilem, quem expressè rejicit tertio contra *Gent.* cap. 71. Ubi apertè docet, omne agens producere actionem suam virtute divina, id est virtute Dei moventis potentiam ad agendum, ut explicuerat *S. Doctor* cap. antecedenti immediato num. 3. dicens: *Operari virtute divina est operari virtute motionis divina, sicut Artifex applicat instrumentum ad proprium effectum*. Ubi clarè docet, voluntatem nostram ad operandum eo modo applicari à Deo, quo instrumentum ab Artifice, qui certè illud applicat, physicè prædeterminando. Unde sicut contingit sapius, quod Artifex rectè, ac secundum artem suam instrumentum prædeterminando movet, & tamen operatio propter defectum instrumenti est defectuosa, ita stat, cum rectitudine præmotionis divina, operationes nostras esse defectuosas propter nostrarum voluntatum pravam dispositionem. Quod eleganter explicuit *D. Thomas* dicto cap. 70. sequentibus verbis: *Nam cum ostensum sit, omne agens actionem suam producere, inquantum agit virtute divina, & ex hoc Deum esse omnium, & effectuum, & etiam actionum causam, itemque ostensum sit, quoddam malum, & defectum in his, quæ providentia divina reguntur, accidat ex conditione secundarum causarum, in quibus potest esse defectus, manifestum est, quoddam actiones male, secundum quoddam deficientes, non sunt à Deo, sed à causis proximis deficientibus: quantum autem ad id, quod de actione, & de entitate habent, oportet, quoddam sint à Deo: sicut claudicatio est à virtute motiva, quantum ad id, quod habet de motu, quantum verò ad id, quod habet de defectu, est à curvitate cruris*. Hæc *Divus Thomas*, quibus nihil aptius ad rem præsentem.

10. Evincit hoc magis causalitatis divinae conditio: cum ratio primi principii in Deo coincidat cum ratione primi determinantis; non enim Deus aliquid ad extra necessariò operatur, sed liberè juxta placitum divinae voluntatis: ergo inintelligibile est, quoddam aliquis effectus sit à Deo tanquam à causa, & quoddam non sit ab ipso ut prædeterminante; alias ad actus nostros concurreret, voluntate nostrâ dominium super Deum exercente, & voluntas divina vellet omnipotentiam suam determinari à Creatura ad malum formalitèr tale; necnon existeret in rerum natura

verè,

vera, ac physica entitas, ipso non volente, ut totâ illâ disputatione, probatum relinquimus. Sed satis hoc de medio isto concurrendi, cum superius de impossibilitate hujusmodi subordinationis Dei ad nos, multa disputaverim. Quid plura? Id, quod ex supradictis omnibus patet, & aequè promptum debet esse omnibus, hic diligentius observare juvat, cum Magistro *Contentson*, minimè credendum esse difficultatem istam esse Thomistis singularem, cum communis sit assertoribus scientiæ mediæ nodus iste, quod sequentibus demonstrat: *Tum quia per concursum simultaneum quidquid in scelere entitatis est, efficit Deus. Tum quia Deus prudens, & volens concursum suum præbet, unde non potest dici ad peccata invitatus trahi. Tum quia non minus divinam bonitatem dedecere videtur, cum cernit causam secundam in malum tendere, lapsum ejus sequi, & veluti in societatem coire flagitii. Tum quia Deus per scientiam mediam videt iniuitas possibiles circumstantias, in quibus peccator bene operaturus esset, si in eis positus fuisset, & hoc non obstante in illis collocavit eum Deus, temporis, loci, personarumque conditionibus, in quibus eum certissimè lapsurum præcivit: Nonne igitur Deus censetur causa peccati, quod utique poterat impedire? Quâ specie veritatis dicunt adversarii Deum præter intentionem ad peccatum concurrere, qui advertenter in illis posuit peccatorem circumstantiis in quibus futurum lapsum prævidit; in illis non posuit, in quibus cum omni sanctorum vixisset? Certè Index, qui puellam duceret in lupanar, in quo eam à lenonibus consuprandam sciret, eamque deinde capite plecteret, vix apud cordatos præter intentionem egisse crederetur; nec qui aliquem in turrem dirigeret, inde præcipitem agendum sciret, vel in sylvam manuduceret, in qua spoliandum, jugulandumque prævoceret, non solum permissiva, sed etiam tam tristem eventuum positiva causa jure, meritoque haberetur. Ergo velint nolint, ad inscrutabilia Dei judicia confugiant assertores scientiæ mediæ necessum est. Tum demum, quia in eorum sententia, non solum Deus erit causa physica actus peccati, sed etiam causa moralis ejusdem: sicut enim circumstantiæ moraliter ad peccatum movent, ita qui sciens, & prudens aliquem in illo circumstantiarum ordine ponit, in quo prævidet sequentura peccata, profecto peccatorum causa censetur, utpote qui petram scandali apponit, & offensionis. Nec dicere valent, ita se gerere Deum ut jura libertatis integra servet: nam cum Deus in alia circumstantiarum serie peccatorem collocare potuisset, ubi pie, & justèque vixisset, non minus Deus jura libertatis servasset si eum inibi constituisset. Sed his omniis, ad argumenta gradum faciamus.*

## §. II.

## Solvuntur argumenta ab auctoritate .

11. **O** Bijcies primò ex P. *Marin* de peccat. disp. 5. sect. 5. n. 71. post P. *Ramirez* de prædest. disp. 6. cap. 3. num. 71. illud *Joann.* cap. 2. *Concupiscentia carnis, concupiscentia oculorum, & superbia vitæ non ex Patre, sed ex mundo est:* at superbia vitæ, concupiscentia carnis, & oculorum non solum sunt formale, sed materiale actionis prævæ: ergo si absolutè, & sine restrictione ex mundo sunt, & non ex Patre, Deus nec secundum formale, nec secundum materiale eas actiones prædefinit, & per se causat. Ad hæc: Dicitur *Jacobi* cap. 1. *Deus neminem tentat:* Et cap. 3. *Non est ista sapientia desursum descendens.* Absolutè non tentare alium est ad nihil mali inducere alterum; sed materiale mali est aliquid mali, quod ex materiali, & formali resultat: ergo Deum esse malorum intentatorem, ut inquit idem *Apostolus*, absolutè, & sine distinctione proferens: *Deus enim intentator* (id est non-tentator) *malorum est*, non permittit per suam præviam determinationem inducere ad materiale peccati. Ultimò: quomodò non erit desursum sapientia illa, quæ verè stultitia est, si totum esse physicum ipsius desursum est? Ergo ex Scriptura videtur constare, non minus opponi divinæ perfectioni causalitas per se materialis, quod est in actione prava, quam formalis malitia: ipsius.

12. Secundò ex Patribus: D. *Augustinus* lib. de Spirit. & litter. cap. 31. inquit: *Nusquam legimus in Scripturis: non est voluntas nisi à Deo, & rectè non scriptum est: quia verum non est: alioquin peccatorum etiam (quod absit) author est Deus: si non est voluntas nisi ab illo.* Idem de articulis sibi falsò impositis art. 10. *Abominanda opinio est, quæ Deum cujusque malæ voluntatis, aut actionis malæ credit Authorem: adulteria enim Matronarum, & corruptelas Virginum non instruere novit Sancta divinitas, sed damnare nec disponere, sed punire.* Et post pauca: *Non ergo casus ruentium, nec maligni aтем iniquorum, nec cupiditates peccantium prædestinatio Dei, aut excitavit, aut suavit.* Hic non omittendum, quod subsumit P. *Herrera* loco citato num. 20. *At, ut rectè notat Alderete explicans hunc locum, cupiditates illæ, adulteria, Virginum corruptela, malæ voluntates, & malæ actiones sunt materiale peccati, neque aliter materiale peccati explicatur:* Ergo juxta *Augustinum* abominanda est opinio, quæ credit Deum authorem materialis peccati: Ita Doctor iste, quo nihil potuit excogitare subtilius, aut pro suo inferre modestius ingenio.

13. Insuper probat ex lib. 5. de Civit. Dei cap. 5. *Sicut omnium Creaturarum author est Deus, ita omnium potestatum dator, non voluntatum: male quippe voluntates ab illo non sunt, quoniam contraturam sunt, quæ ab illo est.* Et ex lib. 2. de liber. arbit. cap. ultimo: *Ad Deum non pertinere motum illum averſionis, quem satemur esse*

Tom. IV.

Z

pec-

peccatum. Sic etiam ex sequenti lib. 3. cap. 1. *Quid opus est querere, unde iste motus existat, quò voluntas avertitur ab incommutabili bono ad commutabile bonum; cum cum nonnisi animi, & voluntarium, & ob hoc culpabilem esse fateamur.* Tandem ex lib. de peccator. merit. & remis. cap. 18. *Nefas esse concedere, Deum esse autorem voluntatis malæ: & infra: Malam voluntatem non habemus ex Deo.*

14. Tertiò ex D. Chrysostomo 2. ad Timoth. 4. Homil. 8. *Scito, quòd Deus omnia providet, quòd aliquidem operatur, aliu verò permittit, quòd nihil mali vult fieri, quòd non ex sola ipsius voluntate fiunt omnia; sed ex nostra quoque: mala omnia ex nostra tantummodò fiunt, bona omnia ex voluntate nostra, & ipsius adiutorio.* Ex D. Prospero ad 13. object. Vincentianam de hominum casu: *In tali negotio neque quidquam divinæ voluntatis intervenit, cujus opere scimus, multos, ne laberentur, detentos, nullos autem, ut laberentur, impulsos.* Ex D. Fulgentio lib. 1. ad Monimum cap. 19. *Mala voluntas non pertinet ad Creatorem; & rationem præbet: quia malam voluntatem non dat homini Deus.* Et ex D. Thoma 1. 2. quæst. 79. art. 3. *Ubi inquirent, an Deus sit causa excæcationis, & indurationis?* Respondet: *Dicendum, quòd excæcatio, & induratio duo important, quorum unum est motus animi humani in hærentis malo, & averti à divino lumine, & quantum ad hoc Deus non est causa excæcationis, & obdurationis, sicuti non est causa peccati.* Quibus attentè recognitis, ait P. Ramirez n. 88. *has omnes propositiones ex Patrum mente in unum collige: malam voluntatem non esse à Deo, ne à Deo sit malitia, ita ut causare malam voluntatem, sit antedictus legitimus inferendi causalitatem per se malitiæ. Abominandum esse opinionem, quæ Deum cujusque malæ voluntatis, aut prave actionis credit Autorem. Deum non instruere adulteria, nec reliquas pravas actiones. Malas voluntates non esse à Deo, quoniam contra naturam sunt. Motum aversionis ad Deum non pertinere. Nefas esse concedere Deum Autorem malæ voluntatis. Mala omnia ex nostra tantummodò voluntate fieri. In hominis lapsu neque quidquam divinæ voluntatis intervenire, quò ad lapsum impellatur. Malam voluntatem non pertinere ad Creatorem, quia eam non dat homini Deus. Deum non causare actum malum secundum se, sed purè non impedire. Comparà deinde, prosequitur, cum propositionibus, quæ ex prædeterminatione ad materiale actionis legitimè inferuntur, id est: *Malam voluntatem esse à Deo, quamvis à Deo non sit malitia. Neque ex causalitate per se actionis malæ valere consequentiam ad causalitatem per se malitiæ. Non esse abominandam opinionem, quæ Deum cujusque malæ voluntatis, aut prave actionis credit Autorem; quin potiùs maximè consulere divino dominio ita credere, dum reduplicatio actionis, ut malæ, vitetur. Deum construere, determinare, & liberè ponere adulteria, perjuriam, &c. quoad omne physicum illorum, secundum quod bona sunt. Malas voluntates esse à Deo, quamvis sint contra naturam, quia non sunt ab ipso, ut contra naturam. Motum aversionis esse à Deo, secundum totam entitatem motus aversionis. Fas esse, & Catholicum satis, concedere**



dere Deum Authorem malæ voluntatis specificativè. Mala omnia non fieri ex nostra solùm voluntate; sed duntaxat formale malorum, sed malitiam; à qua tanquam à forma mala sunt. In omni lapsu aliquid divinæ voluntatis intervenire, quâ ad lapsum physicè, & materialiter sumptum impellitur, impulsu quidem prævia determinationis, & connexionis, quamvis non suasio, aut præceptivo. Malam voluntatem pertinere ad Creatorem, secundùm physicum illius, quâ ratione ab illo homini datur: causareque Deum actum, & motum animi inbærentis malo, secundùm se, & prout non reduplicat, aut fundat malitiam, quam purè non impedit; actum, & motum verò animi malo inbærentis, non tantùm non impedire; sed prædeterminare. Concludit præfatus Author, & post comparationem ingenuè factam. Vide, an possit esse una mens prædeterminantium, & Patrum, quando per oppositas propositiones se explicant, taliter, ut Patres negent, prædeterminantes asserunt: Patres specificativum renuant, sicut & reduplicativum; prædeterminantes reduplicationem fugiant, specificativum amplectantur: Patres dicant consequentiam esse bonam, prædeterminantes malam: Patres loquantur absolutè, prædeterminantes restrictè: quæ cum mentis, & iudicii consensu quis componet? Gonet quidem, qui pro solita ingenii sui facilitate vias aliis inaccessas, inoffenso gressu percurrit, dicens, Patres esse intelligendos de causalitate divina in actus pravorum reduplicativè ut tales; vel de Deo, ut Provifore particulari, non de Deo, ut causa prima. Verùm pro eo referendo tantùm opus est, ut dixit Pater Herrera, recursu ad testimonia Patrum, quæ admittere non possunt istud effugium tam difficile, quàm componere inter se amicabili societate propositiones contrarias, aut contradicorias, cum non levi detrimento auctoritatis, cujus pondus per similes interpretationes, aut parum, aut nihil semper urgeret.

15. Nescio sanè, an hoc elucubratum argumentum, vel copiosissimam orationem invidiosius potius, quàm veriùs, obijciendam putaverit, ut verum testimoniorum SS. PP., ac Thomisticæ doctrinæ sensum solitis technis implicaret; ac si verbis, & non veritate doctrinæ integritas comprobari possit. Sic dum paci attentiores crebrius eos patimur, eò liberius in nos insurgunt. Sed absit, ut in argumentum vestigia, ad non laudabilem arrogantiam declinantium, ipsis obfistentes abeamus. Solæ testimoniorum observatio Sapientibus demonstrabit, contrarium adeò esse verum, ut quodnam sit inter veritatem, & falsitatem discrimen, facile ipsis appareat. Sufficiet & omnibus ad cognoscendum, Thomistas ultra modum ab ipsis vexari, nè & doctrinâ, & validissimis argumentis, quibus maximè urgentur, penitus opprimantur. Paucis ergo respondebo, nè prolixum sermonem tantæ prolixitati reddamus.

16. Ad primum ex Epist. Joan. respondetur, quòd cum hanc nobis auctoritatem obijciunt, convincuntur manifestè, non vidisse D. Thomam 1. 2. quæst. 77. art. 5. ubi inquit: *Utrum convenienter ponantur causæ peccatorum concupiscentia carnis, concupiscentia oculorum, & superbia vitæ?* Nam profectò non hoc nobis obijcerent: ibi enim S. Thomas

dicit in corp. art. *Concupiscentia carnis est inordinatus appetitus eorum, quibus natura sustentatur, vel conservatur in specie, quod pertinet ad venera*: & in eodem sensu explicat cum S. *Augustino* concupiscentiam oculorum, & superbiam vita; sed appetitus inordinatus non significat tantum materiale peccati, sed etiam formale, sive materiale, ut stat sub formali: ergo cum *Joannes* negat, illa esse ex Patre, negat peccata esse ex Patre, non entitates peccatorum. Et cautè hic adversario nostro erat loquendum, nè intelligatur damnare actum concupiscentiæ, in quo solum est damnabilis deordinatio. Ipse enim actus carnalis appetitus in generationem bonus est, & hac ratione à Deo naturæ Authore est. Undè damnatur eorum hæresis, qui apud S. *Hieronymum* dicebant, *quoniam Diabolus fecit nuptias*. Est ergo ille motus idem à Deo Authore, & à concupiscentia carnis: ab illo habet, quod sit: ad hac, quod inordinatus sit: illud materiale, hoc peccati formale est. Eodem defectu laborat argumentum, quod sit ex cap. 3. *Jacobi*: nam ut docet S. *Thomas* 2.2. quæst. 38. art. 1. in corp. Zelus, & contentio, quæ reprehendit *Apostolus*, sumuntur pro impugnatione veritatis, quæ est peccatum mortale, vel pro impugnatione falsitatis cum modo indebito, quæ aliquando est peccatum mortale, si in modo sit nimis excessus, frequenter verò est peccatum veniale; & hac non esse ex Deo, certissimum est. Quare D. *Thomas* in eadem 2.2. quæst. 45. art. 1. in fine cap. explicans, quare sapientia illa talibus insigniatur nominibus, ita dicit: *Quicumque enim avertitur a fine debito, necesse est, quod aliquem finem indubitum sibi præstituat, quia omne agens agit propter finem. Undè si præstituat sibi finem in bonis exterioribus terrenis, vocatur sapientia terrena: si autem in bonis corporalibus vocatur sapientia animalis. Si autem in aliqua excellentia, vocatur sapientia Diabolica propter imitationem superbiæ Diaboli.*

17. Ad testimonia SS. PP. respondetur, quod si textus *Augustini* de Spirit. & litter. cap. 31. legatur integer, nulla est dubitandi ratio contra Thomistas; nam *Augustinus* designans, quam voluntatem à causalitate subtraheret divina, inmediate subdit: *Quoniam mala voluntas jam sola peccatum est*: docet ergo, malam voluntatem non esse à Deo, quod sanè verissimum est, & omninò conforme doctrinæ ejus, & nostræ, quam ex lib. de Civit. Dei à cap. 6. non semel retulimus, de origine malæ voluntatis. Ad id, quod dicitur ex art. 10. dicimus, quod est futile argumentum, quod patebit manifestè, si textum *Augustini* adducamus integrum. Et quidem articulus *Augustino* impositus, ipsò referente, his clauditur verbis: *Adulteria, & corruptelæ Virginum Sacrarum idèò contingunt, quia illas Deus ad hoc prædestinavit, ut caderent*. Hic maxime notandum primò, quod adulteria, & corruptelæ Virginum Sacrarum, non materiale sine deformitate, sed deformitatem ipsam formaliter, & directè significant, ut nemo poterit inficiari: ac proinde cum verbum *prædestino*, propterea quod significat actum animæ interiorē, appellet conceptum formalem: talis erat impostura, ac si *Augustinus* doceret, Deum ad hoc Matronas, & Virgines Sacras præ-

prædestinasse; ut illæ committerent peccata. Secundò, eandem habuisse ex articulo isto occasionem *Augustini* amulos, ut talem ipsi imponerent errorem, quem modò imponunt Thomistis, nempe Deum esse Authorem peccati; cum enim, ut suprà vidimus, doceat, nos Deum ad materiale peccati movere; inde illi, sicut isti, putarunt inferri, Deum juxta doctrinam *Augustini* esse Authorem peccati. At respondet *Augustinus*, & nos cum ipso dicimus. *Detestanda, & abominanda opinio est, quæ Deum cujusque malæ voluntatis, aut malæ actionis credit Authorem, cujus prædestinatio nunquam extra bonitatem, nunquam extra justitiam est. Universæ enim viæ Domini misericordia, & veritas. Aulteria enim Matronarum, & corruptelas Virginum non insinuere novit Sancta Divinitas, sed damnare: nec disponere, sed punire. Quæ mala homines cum admittunt, suis concupiscentiis, & cupiditatibus serviunt, quas ab illa prima voluntaria prævaricationis labe traxerunt. Cum autem declinant à malo, & faciunt bonum, à Domino gressus hominis diriguntur, ut vias ejus velit. Propter quod dicit Apostolus, oramus autem ad Dominum, ut nihil mali faciatis, non ut nos probati appareamus, sed ut vos, quod bonum est, faciatis. Non ergo casus ruentium, nec malignitatem iniquorum, neque cupiditates peccantium prædestinatio Dei, aut excitavit, aut suavit, aut impulit, sed planè prædestinavit judicium suum, quod unicuique retribuaturus est, prout gessit, sive bonum, sive malum, quod judicium futurum non esset, si homines Dei voluntate peccarent. Erit autem judicium manifestissimè: & omnis homo, quem discretio divinæ sententiæ in sinistra constituit parte, damnabitur, quòd non Dei, sed suam exequutus est voluntatem. Hæc, & nihil ampliùs ad hunc articulum *Augustinus*: & hæc ad verbum respondent Thomistæ. Sed quid mirum? Si una est omnium sententia, & eadem debet esse responsio.*

18. In aliis S. *Augustini* testimoniis superflua quæri video; sed ad ipsa superflua non denego responsum: omnia enim ipsò modò loquendi SS. PP. perfectissimè evacuantur. Fatentur namque Thomistæ, malas voluntates à Deo non esse; ad Deum non pertinere motum illum averisionis, qui peccatum est, & quò voluntas avertitur ab incommutabili bono ad commutabile bonum. Affirmant, nefas esse concedere, Deum esse Authorem voluntatis malæ, malanique voluntatem nos habere ex Deo. Hoc sine dubio docent, & totis viribus cum suo Angelico Magistro defendunt. Nam licet peccatum, mala voluntas, & motus averlivus supponant pro entitate, & actione peccati, significant tamen de formali ejus malitiam; & cum verba facio, causo, produco, operor faciant sensum appellativum, absolutè verum est dicere, Deum nec operari, nec producere, nec causare peccatum, malam voluntatem, aut motum averlivum; cum nomen significans actum cum deformitate non possit de Deo affirmari, ut expressè docet D. Thomas in 2. dilt. 37. quæst. 2. art. 2. *Nomen significans actum cum deformitate, sive in generali, sive in speciali, non potest dici, quòd à Deo sit simpliciter. Unde non potest dici, quòd peccatum sit à Deo, aut homicidium, & aliquid injus-*

*jusmodi, nisi cum hac additione, in quantum est actus, in quantum est ens.* Ex quibus responsum manet ad testimonia *Cbrysoptomi, S. Prosperi, D. Fulgentii*. Nam, cum concretum supponat pro actu, qui substat deformitati, & deformitas actum efficiens se habeat, ut significatum formale, nequit verbum appellans supra significatum formale termini, in quem fertur, absolute dici de Deo, sed cum aliqua reduplicatione. His, quæ tam perspicua, atque manifesta sunt, docetur expressâ Thomistica doctrinæ innocentia, & Adversariorum calumniosa criminatio. Rogo enim, in quo Patrum, & Thomistarum non est una mens? Quanam est consequentia illa, quam Patres bonam dicunt, & quam irreprehensibilem non credunt Thomistæ? Ubi est sensus specificativus, sicut & reduplicativus, quem Patres renuunt? Quam reduplicationem fugiunt Thomistæ, sensum annectentes specificativum, quem SS. PP. renuunt? Quis apud Philosophos, & Theologos sensum hunc reduplicativum indicatus est unquam? Falsum est dicere, *Deus diligit impium, diligit peccatorem, diligit Dæmonem* in sensu absoluto; at in sensu reduplicativo quis unquam negavit, Deum diligere impium, peccatorem, Dæmonem, in quantum sunt entia? Quid tandem in tot citatis SS. PP. testimoniis vident Auctores isti, nisi sensum reduplicativum? Aut quid aliud efficitur, quam reduplicatio, dum dicit *D. Thomas* citato testimonio, *Non potest dici, quod peccatum sit à Deo, aut homicidium, & aliquid hujusmodi, nisi cum hac additione, in quantum est actus, in quantum est ens*? Hicque silentio præterire minime possum, id, quod tanquam res facti proponit *P. Ramires*, allere Thomistæ, Deum causare actiones malas *specificativè*. Hoc ab illorum intelligentia longè disjunctum est; nam ut benè notat nostrum Collegium Complutense *Dialect. lib. 2. cap. 20. num. 102.* circa modos, quibus potest sumi *in quantum, prout, specificativè, vel reduplicativè*; quando sumitur *specificativè*, licet non denotet convenientiam prædicati ad subjectum, denotat tamen, quod sit ratio, vel conditio, ut conveniat; quod est falsum de malicia in ordine ad terminandam causalitatem Dei. Quare appellatio importata in *ly causa*, efficit, quod idem sit dicere, *Causat actiones malas specificativè*, ac si diceretur, *ut malas specificativè*. In rigore ergo hanc negant Thomistæ, & tantum concedunt *malas materialiter*, & pro subtrato. Iisdem vestigiis insistens quidam Societatis Professor die 20. Januarii anni 1735. Salmantica nomine sui Regii Collegii sequentem propugnavit assertionem: *Talem prædeterminationem physicam, juxta D. Thomam, esse contrariam libertati: & quâ parte actiones pravas spectat, esse etiam contra ejusdem Angelici Doctoris mentem*. Non est, quod immoremur circa primam assertionis partem, quâ apertissime contrariatur Litteris Apostolicis, & Summorum Pontificum Decretis. Castiganda venit secunda, quâ satis ostendit ignorare eum, quid, de quo loquatur, & in quo posita sit vis questionis. Tam falsum est, *D. Thomæ* Scholam id sentire, quam verum est, *Calvinum* id docuisse: quod damnat *Tridentinum* sess. 6. can. 6. Aliud quippè est Deum causare actionem, quæ est in peccato, quatenus actio est; aliud causare actionem

nem pravam . Primum docent Thomistæ cum D. *Thomas* : cum verissimè sit Deus causa illius exercitii , ad quod physicè prædeterminat , ut est actio , quatenus ens est , quæ est in peccato . At secundum est Calviniani dogmatis verissima expressio , quò Deum constituit Auctorem peccati . Quid namque est peccatum , nisi actio prava , seu , quod idem est , actus humanus malus ? Ut peccati definitionem , tradens docet D. *Thomas* 1.2. quæst. 71. art. 6. , ubi per ly *actus malus* exprimitur subtractum , quod inficitur malitiâ , quæ significatur per ly *malus* : idemque accidit in complexo posito in assertionem , *actiones pravæ* . Nimis ergo absonum , quinimò directè pugnat cum doctrina Thomistarum hoc assertum : quo *Calvini* blasphemiani cum Scholæ Thomisticæ dogmate , sub eo verborum furo , & specie , involvere , ac confundere conatus est . Pellatur ergo , deiciatur , stirpitusque abrogetur huiusmodi Thomistis facta calumnia , sicut & quod hic imprudenter , & falsò contra M. *Gonet* dicitur , quòd *pro solita ingenii sui facilitate vias aliis inaccessas inoffenso gressu percurrit* : etenim cum nihil ex his , quæ nobis opponunt , verum esse ab ipsis demonstrari possit , ipsi potiùs attentissimè videant , ne viam SS. PP. inaccessam celeriter contentione animositate percurrant . Nos autem ejus sententiæ sumus . Absit enim , ut rectâ semitâ relictâ , aliam , quam à recto veritatis scopo abducentem judicamus , viam ingrediamur .

## §. III.

*Solvuntur Argumenta a ratione .*

19. **S** Ed jam ad lectissima Adversariorum argumenta pro possessione virium nostrarum solvenda properemus . Obijciunt primò : Si Deus voluntatem creatam ad entitatem materiale peccati efficaciter prædeterminaret , vitari non pollèt , quin Deus esset causa peccati . Hoc probant primò , quia homini non aliâ ratione attribuitur , ut causæ , malitia peccati , nisi quia suo concursu attingit materiale peccati : & ex opposito voluntas creata reddita inipeccabilis , v. g. ex vi visionis beatæ , non valet attingere malitiam , quia nec entitatem materiale peccati attingere potest : ergo Deus erit causa peccati , si ad illam efficaciter prædeterminat .

20. Secundò : Deus nequit præcipere materiale peccati , quin præcipiat malitiam : ergo nec potest prædeterminare ad materiale peccati , quin suâ prædeterminatione malitiam causet . Paret consequentia : nam idè antecedens est verum , quia materiale peccati , & illius malitia sunt connexa : ergo & propter eandem rationem consequens debet esse verum .

21. Tertiò : Determinare principium ad aliquod extremum , est illud constituere in statu determinationis ad ipsum , extrahendo principium ab statu indifferentiæ ad tale extremum , & ad oppositum ; sed nostra

stra voluntas ex suppositione materialis, vel entitatis peccati, non est indifferens, sed determinata ad malitiam, cum jam sit inconjunctibilis cum carentia malitiæ: ergo Deus constituens voluntatem in hac suppositione, nempe sub materiali, entitateque peccati, determinat ad formale: ergo non solum permittit illud, sed causat. Quod confirmari potest: Necessitas ad actum, qui non potest fieri sine modo, est necessitas ad talem modum: unde necessitas claudi ad ambulandum est necessitas ad claudicandum; & nequit contineri intra sphaeram omnipotentie hoc, quod est, hominem claudum ambulare, quin contineatur ipsum claudicare: ergo necessitas ad actum, qui non potest fieri sine malitia, est necessitas, vel determinatio ad malitiam.

22. Respondetur ad primum dist. antec. Ideo attribuitur homini malitia peccati, quia suo concursu attingit materiale peccati, ut fundat peccati malitiam, conc. antec. quia absolute illud attingit, neg. antec. & consequentiam: quia Deus non prædeterminat ad materiale peccati, ut fundat malitiam, sed quæ formaliter est ens. Cujus ratio est, quia creatura ponit actum, cum tamen ratione legis teneatur ab actione illa abstinere. Pro cujus intelligentia observa maxime, quod dupliciter voluntas in operando potest deficere: ex defectu scilicet actualis subjectionis ad regulam rationis præcedente pro signo priori ad peccatum; & ex consequenti defectu rectitudinis debitæ actui formaliter; & cum defectus iste sit ipsa malitia, isto constituitur formaliter actus moraliter pravus. Prior autem ille defectus est inclinatio causæ secundæ deordinatæ à debito fine: ideoque causa prima, quæ hoc titulo secundis debet præbere concursum, juxta exigentias ipsarum, illum præbet summâ sanctitate, & naturali ordinis rerum necessitate: adeo ut non nisi operando miraculose, & contra rerum exigentias, possit negare concursum actioni prævium. Unde malitia est solius creaturæ; bonitas autem physici actus principaliter est Dei. Hæc doctrina est D. Thomas 1. par. quæst. 49. art. 1. ad 3. *Unde nunquam sequitur malum in effectu, nisi præexistat aliquod aliud malum in agente, vel materia, sicut dictum est: sed in rebus voluntariis defectus actionis à voluntate actu deficiente procedit, in quantum non subicit se actu suæ regulæ. Qui tamen defectus non est culpa, sed eum sequitur culpa ex hoc, quod cum tali defectu operatur.* Et 1. 2. quæst. 75. art. 1. *Voluntas carens directione regulæ rationis, & legis divinæ causat inordinationem actus; provenit enim defectus ordinis in actu ex defectu directionis in voluntate: quod & repetit ibi ad 3. & art. 2. & quæst. 1. de malo art. 3. in corp.* Sic ergo primus ille defectus actualis subjectionis est causa, & radix, ut se habeat deficienter, & sit causa malitiæ. Cum ergo Deo repugnet defectus actualis subjectionis ad regulam rationis, quippe ipse idem prima regula est, hinc fit, quod volens entitatem peccati, non vult malitiam, nec quod creatura modo defectivè operetur. Hæc est solutio D. Thomæ 1. 2. quæst. 79. art. 1. ubi cum sibi idem proposuisset argumentum: *Homo non dicitur esse causa peccati, nisi quia est causa actus peccati; nullus enim intendens in malum operatur: sed Deus non est causa peccati:*

ergo

*ergo non est causa actus peccati*; ad id respondet, *Dicendum quod in hominem, sicut in causum, reducitur non solum actus, sed etiam ipse defectus, quia scilicet non subditur ei, cui debet subdi, & ideo est causa peccati. Sed Deus sic est causa actus, quod nullo modo est causa defectus comitantis actum, & ideo non est causa peccati.* En formalissima ratio, quare voluntas causans actum, causet & deformitatem, quia, nempe causat illum cum defectu actualis subjectionis ad regulam rationis, qui defectus formalem malitiam præcedit.

23. Ex quibus constat solutio ad id, quod ibi dicitur de Beatis, vel negando causalem; vel illam admittendo negando consequentiam. Causalis non est vera absolute loquendo; sed ideo voluntas impeccabilis non potest attingere entitatem peccati, quia illam deordinare non potest à fine, cui adhæret immobiliter, cum ad istum non ordinetur bonitas pure physica, sed solum honesta, cum finis honestissimus sit. Unde etiam Deus, qui solus potest positive ordinare in finem entitatem peccati, non ordinat illam, ut pure physicam, sed ut honestam, aliter in finem honestum non ordinaret. Est autem honesta Deo propter fines Providentiæ, quos solus potest intendere universalis Provisor. Quare dum manet adhesio ad finem illum deordinatæ inclinationis humanæ, entitas illa non est amabilis. Quod si impeccabilitas non oriatur ex visione, sed præcisè ex unionem hypostatica, seclusis donis accidentalibus, eidem fini adhæret immobiliter negative, stante cognitione finis, ac legis; nec potest averti etiam per actum physicum materialiter contrarium, quia, indecens esset, Deum hominem ferri ad pure sensibilia, nisi homo ille fatuus esset, vel omni usu rationis privatus. Cujus ratio est, quia, respectu voluntatis, creatæ, nec est titulus, quo purgetur ejus concursus ab attigenda malitiæ, nec ponit talem entitatem, nisi cum defectu illo præcedente subjectionis ad regulam rationis; qui defectus, ut diximus, Deo repugnat, sicut & titulo causæ primæ tenetur ad exigentias causarum attendere, ut illas suo concursu præmoveat.

24. Ad secundam probationem concessa antecedent. negatur consequentia propter maximum discrimen inter concursum pure physicum, & morale, sive sit præceptum, vel consilium, vel suasio, quæ in suo influxu à malitia præscindere non valent. Hæc enim tria respiciunt actum, ut hic, & nunc à voluntate ponendum in his circumstantiis; nam præceptum sic tendit, sicut & suasio, *pone modo actum*; consilium ait, *bonum est actum modo ponere hic, & nunc*: quare non respiciunt actum quoad entitatem pure physicam, sed practice, & ut voluntate exercite ponendum; ridiculus enim esset consilians, qui diceret: pone actum furti quoad entitatem, præcisam ab omni circumstantia, & à nocumento proximi. Consilium ergo, sive præceptum entitatis peccati causabit illam, prout spectat ad genus moris; nequit enim causare quod spectat ad genus physicum, quin causet quod pertinet ad genus moris. At prædeterminatio influit in actum, ut spectat ad genus physicum; quare potest attingere entitatem, quin causet ipsam malitiam; cum solum attingat ter-

minum inclinationis, & objectum per se amabile à voluntate, quod saltem bonum physicum esse debet.

25. Vel aliter responderi potest, quòd si Deus præciperet entitatem peccati, præciperet etiam malitiam, edètque causa per se illius. Inimò, ut amplius dicamus, non præciperet malitiam, sed præcepto tolleretur: sicut præcipiendo *Abramæ* mortem filii, substituit malitiam Parricidii; ut dixit *August. Epist. 80. aliàs 65. Neque enim malum fuit Abramæ nutrire & educare filium, quoad posset, quantum in ipso esset, usque ad finem vitæ suæ: sed repente jussus occidere, mutavit utique non prius malam sententiam, sed quæ mala esset, si post jussum mutata non esset: quòd non est hujus loci disputare. Aliqua namque sunt ita intrinsecam malitiam habentia, ut non possint sub dispensatione Dei cadere, nec ab illis malitia tolli; etsi fingeretur, quòd Deus ea præciperet, essent, & non essent mala. Etenim cum præceptum sit prima regula moralitatis, ejusque finis intrinsecus, & proprius sit reddere homines virtuosos, ipsosque ad Beatitudinem perducere, entitas illa, physice bona, semel præcepta, non esset moraliter mala, sed potius honestate morali gauderet. Quare tunc casus deficeret formale malitiæ ad defectum materialis ab ipsa denominabilis; cum hæc entitas, hoc ipso, quòd Dei præceptum terminaret, redderetur moraliter honesta; non quia hæc moralis honestas conveniret ipsi secundum id, quòd habet in genere physico, sed euet moraliter honesta honestate absolutâ, efficiente prædictam entitatem: & cum malitia, & bonitas sint differentia formaliter opposita actûs quâ formaliter ab honestate morali denominabilis, non est denominabilis à malitia peccati. Uno verbo, præceptum aufert ab actu, quòd sit materiale peccati. At velle Dei, cum terminetur ad omne bonum, quòd sit tale, tam in genere physico, quam in genere moris, indifferenter ad utrumque se habet, solumque ex parte termini debet correspondere bonitas; non quæ præcisè sit moraliter talis, sed sufficit, quòd sit bonitas physica, quæ ab actu non tollit, quòd sit substratum malitiæ: quare bene valet: *Hic actus est à Deo præceptus: ergo non est substratum formaliter tale malitiæ; non tamen è contra: Hic actus causatur physice à Deo: ergo non est substratum malitiæ.* Initaturque efficaciter argumentum: Si Deus præciperet, aut indifferenter consiliaret malum, & bonum, malitia, aut nulla esset, ut solutio nostra probat, aut si itenus contrarium argumento, tribuetur Deus, & tamen juxta Adversarios, Deo danti, & offerenti voluntati concursum indifferenter ad bonum, & malum, ipsumque positivè volenti, non tribuitur malitia peccati: ergo diversimodè discursu debet de præcepto, ac de concursu Dei.*

26. Sed contra instabis. Primò, quia ille, qui efficaciter decernit existentiam alicujus objecti, debet attendere, an malitia inevitabiliter sequatur ex illo objecto prædefinito, nè turpiter prædefiniat. Secundò: Deus præcipere potest, ut Creatura faciat, quòd ipse voluntate efficaci vult fieri; sed hæc voluntate vult fieri materiale peccati: ergo & poterit præcipere materiale peccati.

27. Ad primum respondetur, dist. maj. Si sit particularis provisor, conc.



conc. maj. si generalis provisor, subdistinguo: Si malitia se habeat de formali ad prædefiniendum, conc. maj. Si tantum concomitantè, aut logicè connexivè ad causalitatem materialis, prout à causa defectiva, nego maj. Hæc enim est differentia, quòd vel ille, qui efficaciter decernit tale objectum, est particularis provisor, vel est provisor generalis, ac totius naturæ defectibilis. Si est provisor particularis, malitiam objecti prædefiniti vitare tenetur, nec est ratio aliqua ipsius decretum à malitia excusans. Si verò sit generalis provisor, ad hoc minime tenetur, cum malitia non de formali se habeat ad prædefiniendum; cum solum orietur ex defectu Creaturæ. Cujus ratio est, quia illa obligatio abstinendi à materiali entitate peccati, per accidens, & purè concomitanter se habet respectu Dei, qui, ut munus exequatur causæ primæ, & provisoris universalis cum inclinatione tunc prædominante, debet concurrere, & ob suavitatem, quâ bono providet universali, permittere debet, quòd Creatura ex se defectibilis aliquando deficiat. Creaturæ quidem, cui providere incumbit de bono proprio, cura debet esse, ne cadat; auctori verò generali, cui totius Universi incumbit providentia, obligatio illa non adest. Immo hinc agnoscimus magnam Dei misericordiam, qui ab inclinationibus nostris, juxta quas ut prima causa deberet præconcurrere, specialissimo suæ gratiæ beneficio, ac magno potentiae suæ miraculo nos multoties revocat. Lex ergo, quâ tenetur Creatura vitare malitiam, Creatorem non ligat, sed purè concomitanter ad illum comparatur. Sicut lex, quæ peccatorem occultum arcet à petenda, & accipienda Eucharistia, purè materialiter se habet ad Sacerdotem publicè ministrantem. Deus itaque ex munere provisoris generalis providet bono communi principalius, quàm bono alicujus particulari; expedit autem bono communi, ut defectibilia aliquando deficiant, quandoque quidem non solvendo actum debitum, quandoque verò per actum contrarium. Undè & ad Deum pertinet, ut concurrat ad entitates defectuosas, entitates causando, & defectus permittendo.

28. Ad secundum respondetur negando maj. nam potest quis licitè, prudenter, & honestè efficere, quod nec honestè, nec prudenter, & licitè consiliare potest. Quod consiliatur, necesse est, ut licitè executioni mandari possit; & rectè componitur, quòd licitè non possit exequi, quod alius efficaciter velle potest. Sacerdos licitè potest Missam celebrare, non tamen hoc laico consiliare potest, quia ipsi maximum peccatum esset. Ita in casu præfenti, Deus potest efficaciter velle, existerentiam peccati, quia est prima causa totius bonitatis physica; at hanc præcipere nequit Creaturæ, quia cum sit simul efficiens, & deficiens, simul caufaret malitiam. Ergo indecens esset Deo præcipere alteri, quòd ille licitè causare nequit.

29. Ad tertiam majoris probationem dicimus, quòd sicut indifferentia potentiae ad sua extrema, seu exercitia duobus contingere modis potest, & totidem contingit determinatio ad unum exercitium, seu extremum: indifferentia quippè alia est suspensionis, & potentialitatis, alia verò potestatis, & dominii, quæ rursus subdividitur, ut toties diximus,

in indifferentiam potestatis supremæ, ac supremi dominii, ac indifferentiam potestatis secundæ, & subordinatæ, seu dominii secundi, & subordinati. Determinatio quoque alia est, quæ tollit suspensionem, ac potentialitatem, & hac non minuit, immò perficit libertatem. Unde Deus est maximè liber, quia omni caret potentialitate, quæ debeat removeri, ut agat: alia verò determinatio destruit potestatem, & dominium actûs, qualis est determinatio bruti ad agendum, & qualis est illa *Calvini* prædeterminatio. Cùm ergo supponi debeat in præsentī, per phycam, prædeterminationem non destrui libertatem (nam & frequenter Jesuitæ allerunt, quòd hoc supposito adhuc per prædeterminationem ad materiale peccati Deus diceretur author peccati; ut sic punctum hujus difficultatis strictioribus terminis discutiant) facilis est solutio: nam determinatio illa, ad quam infallibiliter, & quali activè sequitur malitia actûs, nimirum ipsa entitas, prout à voluntate hominis, liberè est posita à voluntate ipsius in occasione, in qua propter instantiam præcepti à tali actûs entitate abstinere deberet, & Deum orare, à qua tamen obligatione abstinendi ab hujusmodi actu Deus est liber; immò debet concursum dispensare juxta exigentiam voluntatis secundò liberæ, jure causæ primæ: & non tenetur ex promissione illum negare, ut Auctor gratiæ; quia solum promisit petentibus: *Quidquid orantes petitis, credite quia accipietis, & fiet vobis. Marc. 11. 24.* Quare dicit maj. Est illud constituere in latu determinationis oppositæ dominio, & potestati super utrumque extremum, neg. maj. in statu determinationis oppositæ suspensioni, & potentialitati, subdistinguo: juxta exigentiam rei determinandæ, conc. contra, aut præter exigentiam (in casu de quo agimus) neg. maj. & dilt. min. ex suppositione entitatis sibi libera, & juxta ejusdem exigentiam est determinata ad malitiam, conc. ex suppositione sibi non libera, nec exacta, neg. & dilt. consequens: si constitueret præter, aut contra inclinationem, seu exigentiam creatæ voluntatis, concedo: constituens verò juxta liberam ejus esse exigentiam, nego. Quin potius, ut dictum est, Deus ex suppositione concessæ indifferentiæ ab bonum, & non bonum, malum, & non malum, debet juxta liberam exigentiam Creaturæ operari, & eum concursum præbere, qui causæ primæ est; nisi aut exoratus illum neget, ut auctor gratiæ, aut non exoratus ex superexcedente misericordia. Et miror, hoc argumento usus eos, qui producentem formale peccati sine injuria Deum imaginantur; quia, ajunt, determinatur à Creatura. Quantò minus, quantòque decentius est, Deum operari materiale sine formali juxta exigentiam Creaturæ, quam operari etiam formale determinatum ab illa?

30. Sed objicies: Ut determinatio ad malitiam orta ex entitate actûs ortum habet unice à voluntate, & non à prædeterminatione, deberet entitas actûs poni liberè à voluntate; sed à voluntate prædeterminata, non potest liberè poni entitas actûs: ergo determinatio ad malitiam orta ex entitate actûs non à voluntate unice, sed à prædeterminatione ortum habet. Prob. min. Ut determinatio illa liberè poneretur à voluntate, prædeterminata, deberet in voluntate supponi potestas ad extremum con-

contrarium : hæc non datur in voluntate prædeterminata , quod probo : quia , ut sit in voluntate potestas ad aliud extremum , requiritur , quòd Deus sit paratus ad concurrendum cum voluntate ad illud , vel saltem , quòd non sit determinatus , ut concurret ad unum determinatè ; sed hæc præparatio Dei repugnat , cum voluntas est prædeterminata ; nam per decretum , quo prædeterminationem contulit , se determinavit , ut concurreret ad hoc extremum præ aliis : ergo .

31. Confirmatur primò : Ut transgressio legis sit à voluntate , & non à Deo , requiritur , quòd Deus non præsupponatur determinatus ad actum , qui est inevitabiliter legis transgressio : alioquin non esset paratus , ut concurret cum voluntate ad impletionem legis , & consequenter voluntas , quæ sine concursu Dei nihil potest facere , libera non esset ad impletionem legis : hæc autem præparatio Dei non stat , cum voluntas est prædeterminata ad entitatem peccati : ergo .

32. Præterea : Ut determinatio ad malitiam non sit à Deo ex suppositione illius entitatis , requiritur , quòd illa entitas prout à Deo , sit conjungibilis cum carentia malitiæ ; sed illa entitas prout à Deo non est conjungibilis cum carentia malitiæ : ergo .

33. Sed facilis est omnium solutio : ad primum nego utriusque Syllogismi minorem , & ad probationem dist. maj. præparatione antecedenti , conc. consequenti , nego . Unde patet ad reliqua ; quia Deus antecederet , ut causa prima , paratus est ad concurrendum juxta exigentias secundarum . Unde si creata voluntas , aut non inclinet in actum , malum , aut etsi inclinet , oret , ut *Paulus* : *Quis me liberabit de corpore mortis hujus* ? Deus ad actum peccati non prædeterminabit , aut quia à causa secunda non exigitur concursus ; aut quia juvare contra luordnatas inclinationes , cum oraverimus , promisit . Ex suppositione autem existentis præmotionis , tollitur consequenter indifferentia præparationis Divinæ , quæ antecederet manet eadem semper . Sed quis somniavit , lædi libertatem ex consequentibus suppositionibus ? Ex quibus manifesta est primæ confirmationis solutio . Ad secundam neg. maj. Sed sufficit , quòd prout à Deo non sit inconjungibilis cum malitiæ carentia , estò non sit cum illa positivè conjungibilis . Nam ex Deo non habet positivam inconjungibilitatem cum malitiæ carentia ; sed nec conjungibilitatem positivam cum illa : pervenit enim , prout à Deo , cum malitia conjungi ; ceterum ex alio capite , scilicet , prout à voluntate , petit cum malitia conjungi .

34. Ad illud , quod in confirmationem tertiæ probationis principalis argumenti supra num. 21. adducebatur , id ipsum quod hucusque reposuimus , denuò dicimus . Omisso enim antecedenti , & consequenti , quid contra nos , si doctrinæ datæ ratio habeatur , non invenio . Ubinam enim illa necessitas ad actum , qui non potest fieri sine malitia ? Non in Deo ; quia necessitatem non imposuit , qui juxta Creaturæ exigentiam , jure primæ causæ illam præmovit . Non in Creatura , quia liberè hæc se inclinando in malum , & non orando ad bonum , exegit concursum . Manet ergo necessitas ex suppositione : quia nempe supposito , quòd Deus

juxta

juxta exigentiam Creaturae illam determinavit, nequit simul, vel in-  
fensu composito non determinare. Hocne est contra libertatem? Immo  
ejusmodi sunt apud omnes omnia libertatis exercitia. Exemplum clau-  
dicantis nihil juvat contrarios, quin potius nocet: quia sicut defectus  
claudicantis omnem necessitatem importat, non ex causa prima, sed ex  
vitio secundae, ita defectus in actionibus liberis. Claudicantis verò de-  
fectus necessitatem importat aliunde, & non ex concursu, scilicet, quia  
irrectitudo tibiae non provenit à libertate creata, sicut irrectitudo exi-  
gentiae in actu malum; sed à necessario principio. Dicere, quòd de-  
fectus tibiae cadit positivè (ut innuitur) intra Sphaeram Omnipotentiae,  
error philosophicus est. Nam irrectitudo non pertinet ad esse, sed ad  
non esse. Idem dicimus de defectu morali. Antecedens omnibus; quia  
confundit necessitates Logicam, & Metaphysicam; quarum hæc ad cau-  
sarum ordinem, illa ad illationem pertinet, ex qua ad Metaphysi-  
cam necessitatem non est consequentia: alioquin intentio Prædellina-  
tionis Christi Redemptoris, & intentio poenitentiae nostræ eîdem causæ  
peccatorum.

35. Secundò obijcies, quòd Deus prædeterminans ad entitatem peccati, non vult, hanc existerè sine malitia : tùm, quia non determinat, ipsam existerè modo chinamico, & impossibili : tùm, quia modus possibilis efficiendi actum peccati est efficere deficiendo ; cum efficere, peccatum non deficiendo, chinamari sit, quia determinat entitatem in circumstantiis, in quibus scit, non posse à malitia separari ; sed entitatem existerè cum malitia est entitatem existerè, & existerè malitiam, quia unum existerè cum alio est unum existerè, & aliud : ergo Deus prædeterminans ad entitatem peccati, prædeterminat ad malitiam.

36. Ad quod respondetur, quod licet Deus prædeterminans ad entitatem peccati, determinet, entitatem existere cum malitia perniilla, cum oppositum sit chimæra, ut rectè dicitur in argumento; 'at non determinat, entitatem existere cum malitia determinata ab ipso, sed perniilla ab ipso, & determinata à Creatura: at determinare unum existere cum alio perniillo, non est determinare unum, & aliud, sed determinare unum, & permittere aliud. Instantia est in concursu Dei: dum Deus determinat conferre auxilium prævium inefficax, non determinat tale auxilium existere sine peccato, sed existere cum peccato, non determinat, sed perniillo à Deo. Et similiter, dum determinat voluntatem, ut efficiat entitatem, solum determinat ipsam, ut illam efficiat modo possibili effectivo, non defectivo. Et dum determinat *Christum* Redemptorem, vel penitentiam, non determinat, sed permittit peccatum essentialitè requisitum: sicut & voluntas creata, quæ intendit directè, existere actum peccati, non intendit directè, existere malitiam essentialitè requisitam, ut existat actus; alia enim inter requisita ad existentiam actus ut determinata requiruntur, alia ut solum à determinante perniilla: quare cum malitia sit purè perniilla, Deus determinans entitatem, non determinat, sed purè malitiam permittit.

37. Tertiò objicies ex P. Marin disp. 5. sect. 3. num. 55. Non potest Deus

Deus efficaciter velle, quod prohibet, cum objectum prohibitum non possit licite poni; sed Deus prohibet materiale peccati, quod licite non potest poni à Creatura sub conditione prohibitionis; cum sit inseparabile à malitia, & periculum vehemens, quod nequit à malitia dividi: ergo nec entitas peccati est amabilis à Deo, nec prædeterminabilis, & consequenter sicut rectæ rationi dissonat hic actus: *Volo malitiam*, ita nec est intra spheram objecti amabilis periculum, & dissonat rationi rectæ hic actus: *Volo periculum inseparabile à malitia*.

38. Hoc majorem vim accipit ex eo quod Deus nequit prædeterminare faciendum, quod factum punit. Unde S. Fulgentius lib. 1. ad Monimum relatus à D. Thoma q. 3. de malo art. 1. ait: *Deus non est auctor illius, cujus est auctor*, & quia aliàs puniret adimpletionem voluntatis suæ: sed punit actionem physicam odii Dei liberè politam à voluntate: cum prohibeat actionem illam physicam sic existentem, præcipiens homini, ne ponat actionem physicam odii Dei contaminatam malitiâ formali: sed hominem illam, ut sic, non ponere, vel est, eam non ponere in circumstantiis libertatis, vel tam in iis circumstantiis ponere separatam à malitiâ, quod implicat: ergo Deus prohibet actionem physicam odii Dei liberè exercitam à voluntate.

39. Præterea: Deus vult hanc veritatem, *Si homo elicit odium, ponet cum malitiâ formali*: quia vult, quod homo sit plene liber ad odium, & illius carentiam, & simul, quod habeat notitiam repræsentantem malitiam odii, quæ sunt fundamenta hujus veritatis, *Si homo elicit odium, ponet odium cum malitiâ*: sed Deus prædeterminans ad actum, vult hanc veritatem, quod extet odium: ergo & vult quod malitiâ ponatur à voluntate. Patet consequentia, quia qui vult veritatem præmissarum, ex quibus evidentè infertur aliqua conclusio, vult veritatem conclusionis illatæ: sed ex his duabus præmissis: *Si voluntas ponit odium, ponit malitiâ; sed voluntas ponit odium*, evidentè infertur hæc conclusio: *Voluntas ponit malitiâ*: quia arguitur à veritate conditionalis, & positione conditionis ad positionem conditionatæ: ergo si Deus positivè amat veritatem præmissarum, & debet amor terminari ad malitiam peccati.

40. Hoc argumentum, ubi dictorum à nobis ratio habeatur, difficultate caret. Observandum est, quod si Deus prædefineret actum peccati, citra omnem creaturæ voluntatis exigentiam, amaret peccati malitiam, & esset specialis auctor ejus; sicut de primis actionibus dixi. Cum verò prædefinitio actûs supponat, ut materiale, deordinatam inclinationem voluntatis exigentis hunc concursum, nullâ ratione fieri potest, ut malitiam amet; licet necessarium sit, ut amet concursum; aliter se primam omnium entium causam non amaret. Deinde observandum, quod perperam ab arguente appellatur *periculum* actus physicus peccati, periculum enim præcedit actum, non solam malitiam. Quare abi-genda est hæc denominatio, nè omnia confundamus. Ad argumentum ergo respondeo, Deum quidem velle non posse efficaciter, & absolute quod prohibet; quod esset velle, ut specialis Auctor: posse tamen velle

ex

ex suppositione exigentiæ creatæ, quod est velle generaliter, & ut Actor est naturæ; quo jure fieri non prohibet. Prohibitio, legislatoris est: prædefinitio absoluta, benefactoris: prædefinitio tandem ex suppositione exigentiæ, primæ causæ est. Deus, quia infinitus, hæc omnia simul munera obit, cujus est, & causare, & providere, & privilegiis donare. Creaturæ autem est vitare id, quod ex suppositione proprii vitii potest Deus velle. Neque hoc est caput difficile; cum gubernator Reipublicæ nequeat velle hominis mortem absolute; quam ex suppositione delicti velle tenetur. Deo igitur necessarius est, attentio causarum ordine, iste actus: *Volo actum inseparabilem à malitia Creaturæ*; sicut Gubernatori iste: *Volo capitis damnationem consequentem culpam*.

41. Ad secundum respondetur, Deum non punire actionem physicam odii eâ ratione, quâ prædeterminata est, sed eâ ratione, quâ ponitur à Creatura, quæ non ponit illam, ut est præcisè bona physice, sub qua ratione prædeterminatur à Deo, sed ponit liberè illam actionem physicam contra legem prohibentem, ut modò diximus de fundamento malitiæ. Non ergo Deus prohibet, nec punit, quod determinat. Nam in eo, quod determinat, id amat, quod jure causæ primæ efficere solus debet, & potest; in eo verò, quod punit, id odio habet, quod vitio suo Creatura deordinate exegit, & prout exegit, fecit: sicut in physicis, Deus non amat claudicationem, sed gressum claudi: unde si claudicatio esset de genere moris, esset in claudi gressu, quod Deus amaret, & quod odio haberet, & puniret. Sic bonitas physica determinatur, sed non prohibetur à Deo: aliàs omnes actus physice boni prohiberentur à Deo. Malitia ergo moralis est, quæ formaliter prohibetur; cum præceptum prohibens actum, non tollat bonitatem physicam actus, nec ipsum extrahat à determinatione physica Dei: unde solum bonitas physica adjungitur malitiæ moralis: quare voluntatem non adimplere præceptum, dicit efficere, & deficere: efficere ex Deo, deficere ex se ipsa: & Deus non prohibet, nec punit, quod efficiat, sed quod efficiat deficiendo. Hoc est, quod punit, & prohibet, at non quod determinat. Et mirum sanè, D. Thomam loco citato, & in sententiariis dist. 37. adduxisse auctoritatem S. Fulgentii, ut probaret, Deum non esse causam peccati, & illam penitus omisisse in sequentibus articulis, ubi expressè docet, & probat, Deum esse causam entitatis peccati; hac sanè ratione, quia credidit, sophysina fore argumentum ex illa formatum.

42. Ad tertium, quod sophysina, & non argumentum est (committitur enim fallacia accidentis) concedenda est major; omnem enim veritatem diligit Deus. Sed quis adeò cæcus est, ut non videat; aliud esse, Deum velle veritatem propositionis, & aliud velle existere enuntiata per veram propositionem? Distinguenda insuper est minor: Vult, quod existat odium absolute à se prædeterminatum, nego: prædeterminatum ex suppositione humanæ exigentiæ, conc. min., & neg. consequentiam. Quæ ut esset recta, debebat poni odium ex absoluta prædeterminatione Dei. Considera hunc syllogismum, & omnis abibit æquivocatio. *Si voluntas secundum ejus exigentiā à me præmota ponat*

nat odium, ponet cum malitia formali, sibi, & non mihi imputabili; sed secundum ejus exigentiam à me promota, ponit odium: ergo illud ponit cum malitia formali sibi, & non mihi imputabili. Qui syllogismus recte concludit: non autem ille argumenti, in quo accipitur subjectum deformitatis pro deformitate aliunde proveniente.

43. Sed instabis primò: Actiones prohibita: quia malæ, quale est odium Dei, malæ sunt independentèr ab omni lege prohibente; quare malæ essent, etsi prohibita: non essent: ergo Deus illas prædeterminare nequit. Patet consequentia; nam ideo Deum præmovere diximus, quia Deus ex nulla lege tenetur abstinere à prædeterminatione talis entitatis, & actionis: undè entitas illa est purè effectus respectu Dei, & nullo modo defectus: ergo si independentèr à lege actio illa est mala, & defectuosa, etiam si nulla sit lex respectu Dei, Deus illam non poterit prædeterminare. Secundò: Nequit esse aliquid in aliquo objecto à Deo prædeterminabile, quod non sit amabile ab ipso: sed cum objectum est prohibitum, quia moraliter malum, nihil est in ipso, quod sit amabile à Deo; cum nihil sit, quod non sit à Deo prohibitum: tendit enim prohibitio non solum ad malitiam, sed ad ipsum actum: esset enim ridicula hujusmodi tendentia; *Non fit ablatio rei alienæ sine malitia*: sicut inutile esset præceptum, quo præciperetur elicentia actus supernaturalis intrinsecè boni sub conditione positionis rectitudinis. Sicut ergo hoc præceptum tendit ad bonitatem actus, & ad entitatem inseparabilem ab ipsa; ita & præceptum prohibens actum intrinsecè malum privariò, & directè tendit ad entitatem, & malitiam talis actus: ergo si entitas talis actus est prohibita, nec est amabilis, nec à Deo prædeterminabilis.

44. Ad primum constat solutio ex dictis; illudque solum ex superioribus est repetendum, quod ex D. *Thoma* diximus, quod in actione intrinsecè mala, datur entitas intrinsecè bona bonitate physica, quæ sufficit, ut terminet causalitatem divinam. Hoc enim habent actiones prohibita:, quia malæ, quod etsi malæ sint independentèr à lege actuali, at non sunt malæ formalitèr, sed fundamentalitèr; non sunt malæ formalitèr, quia ubi non est lex, nec prævaricatio, teste *Apostolo*, quod de malitia, & prævaricatione formali ad minus debet intelligi. Sunt tamen fundamentalitèr malæ, quia ex intrinsecis prædicatis exigunt prohiberi, ac proinde radicalem, seu fundamentalem malitiam non habent secluso omni respectu, saltem fundamentali, ad legem. Quapropter comparative ad voluntatem creatam non possunt malitiam ex omni capite exuere, saltem fundamentalem, seu illam, quam radicalem appellamus, quia à voluntate creata absque omni respectu ad legem elici non possunt, ac proinde nec taliter quod penitus censeantur exclusæ à linea moris, regulisque moralitatis. Voluntas autem divina est ab omni lege positiva libera; immo ipsi repugnat talis lex; est enim lex ipsa: & cum ex alia parte actiones illæ bonæ sint bonitate physica, & naturali, sunt conformes Divinæ naturali legi, & respectu Dei se habent, ut purè effectus, & nullo modo ut defectus; quare determinari possunt.

45. In secundi solutione animadvertendum discrimen, quod reperit

tur in præceptis particularibus negativis prohibentibus actum, & in præceptis negativis universalibus peccatum prohibentibus: quod in præceptis particularibus negativis prohibentibus actum, vel qui sit de se, & ab intrinseco indifferens, vel qui sit intrinsecè malus, malitia non est primariò, & directè prohibita: nam objectum primariò, & directè prohibitum debet præsupponi ad ipsam prohibitionem, & malitia non præsupponitur ad legem prohibentem, sed consequitur: licet ex malitia consecuta reddantur actus objectivè mali moraliter. Quod cum certissimum sit in rebus malis, quia prohibitis, etiam currit in rebus prohibitis quia malis, teste D. Thoma 1.2. q.71. art.6. ad 4. dicente: *Ad quartum dicendum, quod cum dicitur, quod non omne peccatum ideo est malum, quia est prohibitum, intelligitur de prohibitione facta per jus positivum. Si autem referatur ad jus naturale, quod continetur primò quidem in lege aeterna, secundariò verò in naturali judicatorio rationis humane, tunc omne peccatum est malum, quia prohibitum: ex hoc enim ipso, quod est inordinatum, juri naturali repugnat.* Quibus docet, quod cum omnis actus sit malus moraliter, malitia actu tali, quia prohibetur à lege aeterna, ut participata à nobis medio dictamine rationis naturalis, talis malitia proinde se habet pro posteriori ad prohibitionem Legis aeternæ; & cum sit posterior ad prohibitionem, nequit proponi, ut efficiens actus pro priori ad illam. At loquendo de præceptis negativis universalissimis, quibus prohibetur homini, injustè, & pravè operari, objectum primariò, & directè prohibitum est peccatum, ut hoc nomine significatur: nam licet malitia sit terminus formalis quo prohibitionis, terminus tamen qui completus, & per se inspectus est totum concretum consistans ex entitate, & malitia, quo nobis expressè, & signatè intimatur non peccare, malum esse fugiendum. Ex quibus respondetur ad argumentum, disting. min. Nequit esse aliquid amabile, quod est prohibitum, eâ ratione quâ est prohibitum per legem universalem, conc. min. per legem particularem, subdistinguo: secundum id, quod prohibetur per illam tam signatè, quam exercitè, conc. min. signatè præcisè, neg. min. & consequent. Sicut enim in peccato adunantur illa duo, bonitas physica, & malitia moralis, ita & in Deo amor, & odium, causalitas per se, & permissio; efficientia, & prohibitio per ordinem ad diversa in peccato reperta.

46. Dices: Voluntati creatæ quod prohibetur directè, est actio, & non ut fundans malitiam: nam quod fundat sequitur ex eo, quod sit prohibita, & prohibetur id, quod præexistit prohibitioni: ergo prohibetur actio physicè sumpta. Præterea: Ad minus negari non potest, posse actionem physicè sumptam prohiberi: ergo saltem tunc nequit Deus ad illam prædeterminare. Respondetur, quod licet non prohibetur actio, ut fundat malitiam, tamen ex eo ipso, quod prohibetur, est actio, quatenus fundat: quia id prohibetur, quod debet non fieri; quod autem debet non fieri, est actio ab agente, qui tenetur illam omittere, & hæc est actio, ut fundat malitiam. Ad id, quod superadditur, conceditur antecedens; sed quia prohibetur, inficitur malitiâ in exercitio actus physici.



eus. Et instatur argumentum in principiis Adversariorum, in quibus concursus Dei est actio ipsa peccati, quæ existit, non ex determinatione Dei, sed ex determinatione creaturæ; & Deus prohibens actionem, prohibet etiam existentiam sui concursus, atque concursum suum identificatum cum malitia: vel ergo Deus prohibens suum concursum, prohibet aliquid bonum, vel aliquid malum? Si hoc secundum; concursus Dei erit malus, & inhonestus etiam pro priori ad prohibitionem, cum tamen ante, & post prohibitionem bonus sit: si primum; redit contra ipsos argumentum, & quod ipsi dixerint, nobis sufficit.

47. Obijcies quartò: Si Deus prædeterminaret materiale peccati, non intenderet seriò observantiam suorum præceptorum, quam seriò præcipit; sed hoc est apertè falsum: ergo & quòd prædeterminet ad materiale peccati. Probatur maj. Qui liberè ponit impedimentum infallibiliter excludens consecutionem finis, non seriò illum intendit. Sic non intenderet seriò vitam æternam, qui poneret impedimentum infallibiliter excludens ipsam; aut si quis diceret, volo peccare, etiam si sciam, vitam æternam per peccatum impediri: sed prædeterminatio ad materiale peccati est impedimentum infallibiliter excludens observantiam, cum actus amoris sit impossibilis cum prædeterminatione ad actum odii Dei: ergo non intenderet Deus seriò observantiam præceptorum prædeterminans ad materiale peccati. Quod rursus explicatur: De ratione procurandi seriò consecutionem finis est, ut pensatis omnibus, promoveatur finis consecutio; sed inspectis omnibus, quæ Deus libere præstat, nempe conferre homini libertatem ad ponendum, & non ponendum actum, prohibere positionem odii, & prædeterminare ad materiale odii, longe sunt efficaciora, quæ remouent amorem, quàm quæ illum promovent; ergo Deus prædeterminans ad materiale peccati, non intendit seriò positionem amoris.

48. Respondetur distinguendo min. si sit causa particularis, concessa. si sit causa universalis, neg. min. quia ad provisorum universalem pertinet, quòd aliqua non assequantur finem, ad quem illa sincerè, ac seriò ordinavit, ne sequantur majora inconvenientia, & ut ea, quæ à fine possunt juxta suam naturam deficere, aliquando deficiant. Unde etsi omnes ordinaverit Deus ad benè operandum, ut tamen splendeat pulchritudo scientiæ, & suavitas divinæ Providentiæ circa naturam esse detestabilem, oportuit velle permissionem malorum, ut aliqua non attingerent finem rectæ operationis. Et claritatis gratiâ priuim Syllogismi distinguatur major. Non intenderet seriò, idest efficaciter observantiam suorum præceptorum, concessa maj. non intenderet seriò voluntate antecedenti, & inefficaci, neg. maj. & concessa min. juxta distinctionem, negatur consequentia; nam illa voluntas antecedens, & inefficax seria est.

49. Et argumentum multipliciter instatur. Primò: quia Deus volens, & eligens circumstantias, in quibus homo peccabit, illum, juxta Adversarios, moraliter determinat ad peccatum, cum quo non stat procuratio seria evitationis peccati. Et si dicas: Deus ponit illas circumstantias, non obligatus ad non ponendum illas, etsi videat, futurum.

B b 2

elle

esse peccatum ; unde permissivè se habet ad illud , & seriò procurat evitacionem peccati ; contra : ergo Deus ponens , sine obligatione non ponendi, entitatem, quæ impedit observacionem præcepti ( non prout est à Deo , sed quatenus est à creatura ) seriò intendit observacionem , præcepti , & vitacionem peccati . Probo consequentiam : Nam Deus ponens hominem, sine obligatione non ponendi, in circumstantiis, in quibus homo peccabit , ideò non determinat ad peccatum , & seriò procurat vitacionem peccati, quia ponit sine obligatione non ponendi circumstantias , & insuper quia ex circumstantiis non sequitur per se peccatum , sed ex malitia voluntatis : sed Deus non est obligatus ad non ponendum entitatem peccati ; immò, ut naturalis Auctor debet prædeterminationem non negare : & ex illa , prout à Deo , non sequitur per se peccatum : ergo non determinat ad peccatum , & procurat seriò vitacionem peccati.

50. Instatur secundò in sententia Adversariorum : Qui supposità unà parte complexi , illi conjungit alteram ejusdem complexi partem , censetur apud Contrarios ponere totum complexum : sed Deus supposità præscientià de peccato futuro sub aliqua conditione , ponit talem conditionem : ergo censetur ponere complexum ex præscientià , & ex illa . At complexum hoc malitiam infert infallibiliter : ergo Deus determinat ad malitiam peccati ; & tamen seriò intendit illam vitare : ergo ex eo , quòd Deus determinet ad entitatem peccati , ex qua determinatione , per accidens sequitur peccatum , non sequitur , quòd non intendat seriò vitacionem peccati . Si dicas : Qui supposità unà parte complexi , ponit aliam physicè , vel moraliter , censetur ponere complexum : Deus autem nec physicè , nec moraliter ponit alteram partem complexi : non physicè , quia non ponit illam per actionem , quæ de se est determinatio , ut totum complexum existat collectivè : non etiam moraliter , quia non tenetur Deus se avertere per præscientiam illius veritatis à positione illius conditionis , ac proinde in ordine ad imputationem peccati non se gerit , ac si positivè determinaret ad malitiam ponendo physicè illud complexum . Contra tamen obstat : Illud complexum eo modo , quo existit hic & nunc , infert infallibiliter peccatum : sed supposità præscientià , illud complexum existit sive physicè , sive moraliter ex vi positionis conditionis : ergo Deus illam conditionem ponens determinat ad peccatum . Contra secundò : Quidquid sit de positione complexi , tamen negari non potest , quòd , qui , posità unà parte complexi inauferibili , ponit aliam , facit, juxta Contrariorum principia , quòd existat complexum : ergo Deus ponens conditionem , supposità præscientià , facit, quòd existat complexum : at illud determinat ad peccatum : ergo . Contra tertio : nam saltem facit conjunctionem unius partis cum alia ; sed hæc conjunctio infert peccatum : ergo . Quartò : Positis duabus partibus complexi , latur in re determinatio absoluta ad peccatum , quia datur aliquid inconjunctibile cum carentia peccati ; & hoc ex sola voluntate Dei : ergo potest esse à Deo determinatio , ex qua inferatur infallibiliter malitia peccati . Quintò : Ideò Deus faciens aliquid , ex quo sequitur infallibiliter peccatum , non determinat moraliter ad illud , quia non tenetur vitare

vitare illud: ergo Deus ponens entitatem, ex qua infallibiliter sequitur malitia, non determinabit ad peccatum, nec ei malitia imputabitur, quia non tenetur vitare malitiam peccati.

51. Dices tamen: Deus in nostra sententia decernit entitatem peccati non præscindens, sed sciens, quòd determinatio infert malitiam odii, sive odium: sed in sententia contraria pro signo, quòd Deus decernit auxilium sufficiens ex intentione vitæ odii, præcindit à scientia de odio sub eo auxilio, si detur: undè in hac sententia potest Deus serio intendere vitæ odium, non verò in nostra.

52. Contra tamen primum: nam qui potest scire, & explorare, utrum auxilium conjungendum sit cum odio, & non explorat, perinde se habet ad imputabilitatem, ac si explorasset: sed pro signo, in quo Deus decernit auxilium sufficiens, explorare potuit, utrum auxilium conjungendum esset cum odio: ergo perinde se habet ad imputabilitatem, ac si explorasset. Patet min. quia Deus, cui nota erat auxilii natura, sciebat pro signo decreti, auxilium fore conjungendum cum odio, aut cum odii carentia, & quòd determinatio ad alteram partem ipsi occultari non poterat, si expectaret voluntatis determinationem: ergo potuit suspendere decretum usque ad signum sequens, in quo eventum agnosceret, ac subinde explorare potuit, utrum auxilium conjungendum esset cum odio. Contra secundò: Non solum est contra seriæ intentionem vitandi peccatum, disponere res, ut peccatum non vitetur, sed etiam non disponere res, ut vitetur, cum possit sic illas disponere, ut vitetur: sed decretum dandi auxilium ex intentione vitandi peccatum ante præscientiam de eo, quòd auxilium sit conjungendum cum odio, si detur, infert, Deum non disponere, cum possit, res ita, ut vitetur; sicut decretum dandi auxilium ex prædicta intentione post scientiam de conjunctione auxilii cum odio infert, Deum disponere res ita, ut non vitetur: ergo sicut hoc non obest seriæ intentioni vitandi peccatum, ita nec illud debet obviare.

53. Ad confirmationem, seu explicationem argumenti disting. maj. de ratione procurandi serio finem respectu agentis particularis, conc. maj. respectu agentis universalis, neg. maj. Et instatur in reprobis, quibus Deus serio vult gloriam; & tamen, consideratis omnibus, media, quæ illam remouent, sunt efficaciora mediis, quæ illam promovent: nam illam promovent auxilia sufficientia; illam verò remouet decretum negandi statum, vel circumstantias, in quibus auxilia hæc præsciuntur conjungenda cum salutari consensu excludente peccatum.

54. Obicies quintò ex P. *Marin* loco citato n. 5. Malitia formalis, si in privativo consistit, consistit in eo, quòd actus non contrahatur per differentiam amoris; sed si Deus prædeterminaret ad materiale odii, Deo tribueretur, quòd actus non contraheretur per differentiam amoris: ergo Deo tribueretur malitia. Prob. min. Cui tribuitur, quòd actus contrahatur per differentiam essentialiter incomponibilem cum differentia amoris, tribuitur, quòd actus non contrahatur per differentiam amoris: sed si Deus prædeterminaret ad materiale odii, Deo tribueretur,

III,

tur, quòd actus contraheretur per differentiam incomponibilem essentialiter cum differentia amoris: ergo. Min. videtur vera, quia Deo tribuitur, quòd actus contrahatur per differentiam odii secundum positivum, quod dicit hac differentia; sed differentia odii secundum positivum, quod dicit, est essentialiter componibilis cum differentia amoris: quia amor, & odium ejusdem objecti, non solum moraliter, sed etiam physice opponuntur; & præcipue opponuntur, quia nempe nequit idem actus, adhuc physicus, esse amor, & odium ejusdem objecti: ergo.

55. Respondetur distinguendo maj. Cui tribuitur, quòd actus contrahatur per differentiam essentialiter incomponibilem cum differentia amoris, eà ratione, quã talis differentia pugnat essentialiter, & est impedimentum amoris, conc. maj. quã non est incomponibilis cum differentia amoris, neg. maj. & distincta eodem modo min. nego consequentiam. Verum quippe est, quòd in omnibus essentialiter oppositis, cui debetur, quòd actus contrahatur per differentiam, quã formaliter est incomponibilis cum alia, tribuitur, quòd actus non contrahatur per illam: sic videre est in animali, quod cum contrahatur per rationale, tribuitur ei, quòd non contrahatur per irrationale: & cui debetur, quòd actus sit formaliter dissensus, tribuitur, quòd non contrahatur per differentiam assensus. At Deus prædeterminans ad materiale peccati causat talem differentiam, quatenus entitas, & actualitas est; quã ratione non est proximè, & immediate incomponibilis cum differentia amoris: hæc enim entitas, prout à Deo, nec habet, quòd conjungatur cum malitia, nec habet, quòd conjungatur cum carentia malitiæ: non cum malitia, quia hæc provenit à deordinata voluntate; non cum carentia malitiæ, propter connexionem logicam inter illum conceptum entitatis, & malitiæ; quia nimirum entitas illa non componitur cum entitate necessaria ad carentiam malitiæ. Solum ergo differentia illa specifica odii est proximè incomponibilis cum rectitudine charitatis, quã deformitatem dicit, vel dum intelligitur esse defectivè à voluntate, quia efficitur cum defectu attentionis, & subjectionis ad regulam rationis, & legis divinæ. Quòd ergo Deus sit causa hujus, quod est rationem communem actus humani contrahi per differentiam specificam odii, quatenus entitas, & actualitas est, non est causa differentia odii eà ratione, quã est incomponibilis cum differentia amoris. Sed ut hujus satis involutæ solutionis notitia aperiatur, illud imprimis ad ejus explanationem accipe; quòd differentia specifica odii Dei dupliciter considerari potest; vel prout egreditur à voluntate, ut potentia activa præcisè; vel prout est ab ipsa, ut physice activa, & simul moraliter defectiva, seu ut operante sine attentione, & subjectione ad regulam rationis, & legis divinæ, sub qua solum consideratione, ad differentiam specificam odii Dei, consequitur privativa malitiæ in odio Dei; & cujus Deus non est causa, etsi sit causa hujus, quod est rationem communem actus humani contrahi per differentiam specificam odii, quatenus entitas, & actualitas est. Rem luculenter explicat, & probat eruditissimus Mag. P. *Juanes de Alia-*

*Aliqua Primarius Universitatis Salmanticensis publicus Theologus Professor tract. de causa peccati dub. 3. §. 16. dicens: Nam in sententia Thomistarum, quam arguens supponit, ut veram, si non adesset lex præcipiens apponere rectitudinem charitatis, quoties homo se exerceret in tali materia, non daretur in odio malitia aliqua moralis; cum in tali sententia, privatio rectitudinis constitutiva peccati, sit privatio moralis ortum duicens ex lege: & tamen in dicta hypothesis ad hoc recte posset concipi contractio actus humani in materia charitatis, nec per differentiam specificam dilectionis, nec odii; quin ad huiusmodi contractionem consequeretur in odio aliqua malitia moralis. Igitur differentia specifica odii admittit duplicem considerationem supra relata, & dependet à voluntate, & quatenus agens physicum est, & quatenus agens defectivum morale est; sub qua consideratione producit materiale odii, & contrahit per illum rationem communem actus in materia charitatis, ponitque ex consequenti privationem rectitudinis. Quibus acceptis, facile intelligitur solutionis doctrina; nam ut laudatus Magister notat supra, malitia privativa odii non confillic in eo, quòd ratio generica actus humani reperita in odio Dei non contrahatur per differentiam specificam actus charitatis, sed in eo, quòd deficiat ei rectitudo charitatis, quâ contrahatur per differentiam specificam odii. Nam etli differentia specifica actus charitatis includit rectitudinem ipsius, superaddit tamen aliquid constitutivè de genere physico; cum actus charitatis secundum suum esse, differentiale dicat perfectionem, & actualitatem ad genus physicum directè, & primario spectantem.*

56. Sexto arguitur ex P. Vincentio Ramirez: Repugnat Deum, velle, & prædeterminare materiale peccati, quin velit malum moraliter, & inseparabiliter tale; sed repugnat Deum velle malum moraliter inseparabiliter tale: ergo & quòd velit, & prædeterminet materiale, peccati. Probatur min. Velle malum moraliter inseparabiliter tale, est velle malè moraliter; sed Deus prædeterminans ad materiale peccati, nequit velle malè moraliter: ergo ipsi repugnat velle malum moraliter inseparabiliter tale. Probatur maj. Velle malè moraliter, est velle id, quod cognoscitur non posse existere, quin dissonet rationi: sed velle, malum moraliter inseparabiliter tale, est velle, quod non potest existere, quin dissonet, & repugnet rationi, & legi: ergo. Secundò: Deum velle materiale peccati, est velle illud, prout possibile, & prout excludens suum contradictorium: sed Deum velle materiale peccati, est velle materiale peccati, prout connexum cum malitia morali: ergo Deus in tali casu prædeterminationis ad materiale peccati, vellet illud, prout connexum cum malitia; sed prout connexum cum malitia est impotens metaphysicè non conjungi cum malitia morali: ergo Deus illud vellet, prout impotens non conjungi cum malitia morali: sed impotentia ad non conjunctionem cum malitia morali, est necessitas, & determinatio ad conjunctionem cum illa: ergo Deus non prædeterminaret ad materiale peccati specificativè, sed quâ reduplicativè est connexum cum malitia morali.

57. Ad primum respondetur, disting. maj. Velle malè moraliter, est velle id, quod cognoscitur, non posse existerè absque dissonantia ad legem, & rationem, ponendum ab ipso volente, conc. maj. ponendum ab alio, subdist. ponendum ab alio ex absoluta determinatione sic volentis, conc. ex suppositione, nego maj. & distinctà eodem modo min. negatur consequentia. Ut enim toties diximus hic distingui debet, quod est à voluntate tanquàm à deficiente. Materiale, quod cognoscitur, non posse existerè absque dissonantia ad legem, & rationem, ponendum à voluntate, involvit defectum voluntatis, quem Deus non vult, & ad quem non prædeterminat, sed solum ad actionem peccati, secundum id, quod dicit actualitatis, & non defectus, & imperfectionis. Hinc fit, quod cum entitas physica peccati non connectatur inseparabiliter cum malitia, nisi quatenus egreditur à voluntate cum defectu subjectionis ad regulam rationis, cum subito conceptu non terminet causalitatem Dei, Deus volens actionem, quæ connectitur cum malitia, non vult malè moraliter; cum volens entitatem, defectum non velit, nec sit causa ipsius. Eilet quidem causa, si primò, & absolutè, seu nullà exigente naturà, ita vellet actum à creatura poni; cum verò ponit juxta creaturæ exigentiam id, quod ab illa sine dissonantia poni non potest, non vult malè moraliter, sed vult sanctissimè causæ primæ munus explere. Ad secundum respondetur, distinguendo maj. Deus volens materiale peccati vult illud, prout ponibile à voluntate creaturæ, quatenus potentia activa est, conced. maj. quatenus potentia peccans, & deficiens, neg. maj. Et similiter ad aliam probationem, quod Deus vult entitatem, prout excludentem suum contradictorium, distingui debet: est contradictorium entitatis, quæ formaliter est à Deo volita, & contradictorium malitiæ moralis, negatur: & illi est contradictorium distinctum à contradictorio malitiæ, conceditur. Entitas, quæ formaliter volita à Deo, respicit pro contradictorio carentiam actualitatis, & perfectionis repecta in actu peccaminoso. Contradictorium malitiæ est ipsa carentia malitiæ, vel reëlitudo, quæ excluditur ex vi conceptus expliciti deformitatis, qui non componitur cum sui ipsius carentia. Quare Deus volens existentiam entitatis, vult ipsam, prout excludentem suum contradictorium: at non conjunctionem cum malitia moralis; nec ex vi talis volitionis datur in Deo necessitas, & determinatio ad conjunctionem entitatis cum malitia. Debet enim maximè distingui id, quod dicit in recto connexio, ab eo, quod dicit de connotato: quoad rectum solum dicit actualitatem, & entitatem physicam actionis, quoad obliquum includit malitiam. Et Deus rectè potest velle, quod importatur in recto, quin velit, quod importatur in obliquo. Et hæc de præfenti disputatione, in cujus gravissima explicanda difficultate si plus jussu immorati sumus, levioris culpæ exultimavimus, tam multa fusè dixisse, quam ipsam inexplicatam relinquere.



# DISPUTATIO XIII.

*De Concordia libertatis cum gratia  
ab intrinseco efficaci.*

Difficultas quæstionis proponitur, & explicatur.

1.



ERDUXIT nos ordo doctrinæ ad maximam illam difficultatem veneratione dignissimam, quam non solum maximam, sed insuperabilem pronuntiavit *Augustinus* lib. 1. de gratia *Christi* cap. 47. dicens: *Ita quæstio, ubi de arbitrii libertate, & Dei gratia disputatur, ita est ad discernendum difficilis, ut quando defenditur liberum arbitrium, negari Dei gratia videatur; quando asseritur Dei gratia, liberum arbitrium putetur auferri.* Quæ quidem verba, cum in sensu assertivo malitiosè intelligeret *Julianus* Hæreticus, sic Sanctus Doctor eum alloquitur lib. 4. contra *Julianum* cap. 8. *Asseri, me, dixisse, negari liberum arbitrium, si gratia commendetur, & iterum negari gratiam, si liberum commendetur arbitrium. Calumniaris. Non hoc à me dictum est; sed propter ipsius quæstionis difficultatem, videri hoc potest dictum esse, & putari.* Ergo ardua, & difficillima quæstio, quæ perturbavit semper, & perturbare potest non intelligentes gratiæ vim, & efficaciam. Insuperabilem illam sapius dixit *Augustinus*, maxime *Epist.* 214. *Fr. Valentino.* Melius autem facitis (quod multum rogo) si ipsum, à quo dicunt, se fuisse turbatos, ad me mittere non gravemini. Aut enim non intelligit librum meum, aut fortè ipse non intelligitur, quando difficillimam quæstionem, & paucis intelligibilem, solvere, atque enodare conatur. Ipsa enim est quæstio de gratia Dei, quæ fecit, ut homines non intelligentes, putarent *Apostolum Paulum* dicere: *Faciamus mala, ut veniant bona.* Undè *Apostolus Petrus* in secunda *Epistola* sua: *Quapropter, inquit, carissimi hac expectantei sa-*

Tom. IV.

Cc

tagite

tagite inviolati, & immaculati apud eum reperiri in pace, & Domini nostri patientiam salutem existimate. Sicut & dilectissimus frater noster Paulus secundum eam, quæ data est ei sapientiam, scripsit vobis, ut & in omnibus Epistolis, loquens in eis, in quibus sunt quadam diffidilia intellecta, quæ indocti, & instabiles homines pervertunt; sicut & ceteras Scripturas ad proprium suum interitum. Cavete ergo, quod tantus Apostolus tam terribiliter dicit, & ubi sentitis vos non intelligere, interim credite divinis eloquiis; quia & liberum est hominis arbitrium, & gratia Dei, sine cujus adiutorio liberum arbitrium, nec converti potest ad Deum, nec proficere in Deo.

2. Rursus illam eûe ad expediendum difficilem scribit Epist. 215. eidem Valentino: De qua difficillima questione, hoc est de voluntate, & gratia non opus habui in hac Epistola diutius disputare: quoniam & aliam jam eis dederam, tanquam citius rediturus, & scripsi ad vos etiam librum, quem, si adjuvante Domino, diligenter legeritis, & vivaciter intellexeritis, nullas existimo inter vos de hac re dissensiones ulterius jam futuras. Et eidem Valentino dirigens librum de gratia, & lib. arbitrio cap. 1. Quidquid est autem, quod pervenire nondum potest vestræ mentis intentio: pacem inter vos, & charitatem servantes, à Domino, ut intelligatis, orate: & donec vos ipse perducatur ad ea, quæ nondum intelligitis, ibi ambulate, quo pervenire potueritis.

3. Hoc sane arduum, & non facile pervium. Quare S. P. Augustinus ad ineundam gratiæ, & libertatis concordiam, duplicem errorem refellit, & eorum, qui, ut ipse loquitur de gratia, & libero arbitrio, *Homines liberum arbitrium sic prædicant, & defendunt, ut Dei gratiam negare audeant, & conentur auferre*; & illorum, qui, telte eodem Sancto Doctore lib. 2. de peccat. merit. & remis. cap. 18. n. 28. *Sic gratiam Dei defendunt, ut negent hominis liberum arbitrium, aut quando gratia defenditur, negari existimant liberum arbitrium*. Neque ergo neganda est gratia, neque liberum arbitrium sic defendendum, ut à gratia separetur, tanquam sine illa, vel cogitare aliquid, vel agere, secundum Deum, ullâ ratione possimus, quod omnino non possumus, ut scripsit S. Doct. epist. 114. & 216. & 217. aliâs 107. Ita obscura semper visa est præfens Disputatio.

4. At si temporibus illis difficillima, ac paucis intelligibilis visa est quæstio ista; & adhuc in nostris hoc sublime mysterium ita à mortalium cogitationibus est elevatum, ut quod humana mens aliquid curiosius investigare nititur, eò tantæ ipsius majestatis deterrita magnitudine turpius hallucinetur. Sit namque in animo hujus concordie qualibet hucusque excogitata opinio: semper iisdem tenebris hæc quæstio involuta manet. Si Thomistarum partes suscipias, voluntatem liberè velle, & Deum efficaciter voluntatem determinare, ut liberè velit, hoc rationi humana: penitus obtrusum, & occultum rest: ex duobus piis, cur huic donetur perseverantia usque in finem, illi non donetur, inscrutabilia sunt judicia Dei, quæ nulla hominum solertia, nulla vis ingenii, nulla mentis acies consequi potest; utrumque tamen Fides componit, licet



rationi humanæ incredibilis , & admirabilis sit ista communio , inexpl-  
cabilis utriusque conjunctio .

5. Si ad Jesuitarum sententiam accedas , vel propugnes æquilibrium  
virium , vel potentia , sive gratiam *congruam* in his circumstantiis ,  
& non in aliis , quò magis mentis aciem intendis , eò minùs ferre poteris  
hujus systematis doctrinam . Quid namque difficilius , quàm quòd è  
duobus aequè vocatis , unus veniat , non item alter ; immò & ille non-  
nunquàm audaciùs reluctetur , qui uberiori gratiâ donatur , nisi volun-  
tatis arbitrium sequatur gratia ? An iterùm possibile est rationi humanæ  
comprehendere , quomodò Deus , cujus ineffabilis misericordia semper  
ad ostium pulsât , ut suarum peccatoreum participem faciat deliciarum ,  
qui ipsum fugientem , & pravariantem videt , eumque patienter expec-  
tat , ut poenitentiam agat ; in quo iudicium superexaltat , atque excedit  
misericordia , & ejus ita proprium est misereri semper , & parcere , ut  
non sit voluntatis ejus mors impij , sed ut magis convertatur , & vivat ;  
Annè , inquam , credibile est , quòd uni largiatur gratiam proportiona-  
tam , & *congruam* his circumstantiis , quâ infallibiliter salvabitur , & al-  
teram minùs congruam largiatur aliis , quâ , etsi propriæ voluntatis de-  
fectu , infallibiliter damnabuntur , potens dare gratiam aliani , quâ intal-  
libiliter in illis circumstantiis essent salvandi ? Hæc tamen , quæ rationi  
humanæ videtur crudelis , & durissima gratiæ *congruæ* denegatio , socia-  
bilis ab ipsis propugnatur cum illa Dei misericordia . Quare in omnibus  
his agnoscendum est Dei iudicium occultissimum quidem , sed sine ulla  
dubitatione iustissimum , ut sapientissimè dixit *Augustinus* Oper. im-  
perf. contra *Julianum* lib. 1. cap. 48. *Quasi non de illo gravius conque-  
rantur Multi , & indèti similes tui , qui dicunt , ut quid creat , quos  
impios , & damnandos esse præscribit ? Ut quid eos posiret , donec ad  
impietatem damnabilem perveniant , facit vivere , quos antequam tales  
fierent , ex hac vita posset auferre ; si animas amat , si commendat cha-  
ritatem suam in nobis , si filio suo non pepercit , sed pro nobis omnibus  
tradidit eum ? Quibus si dicatur , O homo , tu quis es , qui respondeas  
Deo ? Inscrutabilia sunt judicia ejus : irascuntur potiùs , quàm mise-  
scunt . . . . . In eis ergo , quos liberat , amplectamur misericordiam :  
in eis autem , quos non liberat , agnoscamus iudicium , occultissimum  
quidem , sed sine ulla dubitatione iustissimum .*

6. Par , una , & eadem est difficultas in aliorum doctrina . In omni  
modo loquendi , semper abditus est , atque occultus , & ex omni parte  
densâ caligine circumseptus , atque in obscuro delitescens modus ille , quò  
Deus operatur in nobis . Quis enim in hac mortalitate nostra , infirmita-  
teque natura assequi poterit , Deum producere creaturas certò , & in-  
fallibiliter prævidens abufuras omnibus gratiis , ex quo aeternâ crucia-  
buntur poenâ sensûs , & ipsis interminabilis erit divinæ visionis caren-  
tia , quæ dolores supereminet universos ? Hoc fanè non percipit humana  
ratio , quomodò Deus hunc producat , certò , & infallibiliter prævidens  
illius plangendam conditionem , detestandam cœcitatem , infelicitatem  
fugiendam . Tamen res ita est ; nec in omni quidem aeternitate pro digni-  
tate poterit explicari .

Cc 2

7. Cau-

7. Cautè ergo, & elimatè, quantum possumus, loquendum. Dicam, non de meo quidquam, nec à me, cum non sit meæ tenuitatis, & imbecillitatis, debitum de re tanta interponere iudicium. Non tantum ipse mihi sumo, atque arrogo, ut tam gravem controversiam esse credam disceptationis, & cognitionis meæ; nam ut observat *Augustinus* Epist. 155. aliàs 52. *Quædam acutissima, & excellentissima ingenia tantò in majoribus erroribus errant, quantò præfidentius, tanquàm suis viribus cucurrerunt.* Sed quod nobis Deus clarà, & jucundissimà *Augustini, & Thomæ* luce, de hoc indeficientissimo sapientiæ, & potestatis suæ thesauro patefecit, proferemus. In hoc scientiæ speculo contemplari visum est, præsentis Disputationis resolutione, quidquid ad gratiæ Dei reflectitur Sacramentum, ut hujus concordiæ existentia majori quàm licet auctoritate statuatur, Sanctorum Doctorum *Augustini, & Thomæ* sequendo vestigia.

8. At licèt faveant *Augustinus, & Thomas*, nec ipsis adjuvantibus, & opitulantibus, omnes quaestionis hujus latebrosissimos sinus perscrutari, & discutere, ut dignum est, quisquam poterit. Audiamus iterùm *S. Augustinum* tract. 53. in *Joann.* cap. 19. num. 7. loquentem: *Non ergo me, fratres, ad hanc penetrandam altitudinem, ad hanc abyssum discutieudam, ad inscrutabilia perscrutanda, expectatio vestra charitatis impingat. Agnosco modulum meum, sentire mihi videor, etiam modulum vestram. Altius est hoc incrementis meis, & fortius viribus meis; puto, quia & vestris. Simul ergo audiamus admonentem Scripturam, atque dicentem Eccl. 3. 22. Altiora te ne quaesieris, & fortiora te ne scrutatus fueris. Non quia ista negata sunt nobis, cum Deus magister dicat Matth. 10. 26. Nihil est occultum, quod non revelabitur. Sed si in quod pervenimus, in eo ambulemus, sicut dicit *Apostolus* *Philipp. 3. 15. & 16.* non solum, quod uestimus, & scire debemus, sed etiam si quod aliter sapimus, id quoque nobis Deus revelabit. Pervenimus autem in viam fidei, hanc perseverantissimè teneamus. Ipsa perducet ad cubiculum Regis, in quo sunt omnes thesauri sapientiæ, & scientiæ absconditi. *Coloss. cap. 2. vers. 3.* Non enim ipse Dominus *Iesus Christus* suis illis magnis, & præcipuè electis Discipulis inuidebat, quando dicebat *Joann. 16. vers. 12.* Multa habeo vobis dicere, sed non potestis illa portare modò. Ambulandum est, proficiendum est, crescendum est, ut sint corda nostra capacia earum rerum, quas capere modò non possumus. Quod si nos ultimas dies proficientes invenerit, ibi discemus, quod hic non potuimus. Hæc *Augustinus*, & nos cum illo dicimus: Mytheria hæc spiritalia sunt, cœlestia sunt, & divina. Accipite quod possumus, & ubi vestra expectationi non sufficeret hominem; vel sperate in patria, intructi per Verbum hæc cœlestia cogitare, ut perscrutari valeatis, quæ hic non possumus. Interim Disputationem istam aggredior, tum rationes conducentes ad hanc veritatem adducendo, tum argumenta, seu fuerint sophismata, Adversariorum solvendo; ut, hujus concordiæ existentia, majori, quàm licet, auctoritate statuatur, & ne infirmis sint argu-*

argumenta opposita occasio scandali, aut recessus à doctrina illa mirabili ; cuius lumine mens erudita , difficilia penetrat , obscura pervadit , ardua transcendit , & intricata clarissimè evolvit .

## DUBIUM I.

Quæ & qualis sit vera sensus compositi, & divisi intelligentiæ qualisque sit potestas antecedens , & consequens liberi arbitrii ?

### §. I.

*Rejicitur quorundam falsa sensus compositi, & divisi intelligentia .*

9. **H**ic primò examinandum duximus, in quo consistat, percelebris illa distinctio sensus compositi, & divisi; cùm voluntatis libertas agnosci minimè possit, ignoto dominio actûs. Tractat ita pertucide distinctionem istam Mag. *Lemos* tom. 1. tract. 4. ut nihil novi posteris reliquerit dicendum . Hujus distinctionis probat necessitatem ex Sacra Scriptura, Conciliis, & Patribus, quæ sine hac distinctione congruam nequeunt habere intelligentiam . Nam *Genes. 24. Laban, & Batbuel* dicunt: *A Domino egressus est sermo, non possumus extra placitum ejus quidquam aliud loqui tecum* . Et lib. *Numer. cap. 22. ait Balaam: Numquid loqui potero aliud, nisi quod Deus posuerit in ore meo?* Cùm autem omnes isti libere loquerentur, ut constat, potestas, quam sibi negant ad loquendum, est potestas consequens ; sive in sensu composito. Rursus *Joann. 12. de Judæis* dicitur: *Non poterant credere, quia iterum dixit Isaias: excæcavit oculos eorum*, quo in loco non negatur Judæis potestas antecedens, seu in sensu diviso ad credendum, alioquin peccatum non commisissent infidelitatis, quod est falsum; sed negatur potestas consequens, sive in sensu composito; quia videlicet potestatem non habebant Judæi ad conjungendam fidem cum excoracatione, quam de illis *Isaias* pronuntiaverat . Simile est illud: *Pater, si possibile est, transeat à me calix iste* . Et iterum: *Si non potest calix iste transire, nisi bibam illum, fiat voluntas tua*; ubi verbum *potest* accipitur in sensu composito; nec enim Pater decernens passionem *Christi*, à se potestatem abiecit absolutam illam amovendi à *Christo*, sed tamen potestate illà retentâ, erat amotio impossibilis in sensu composito decreti. Idem sensus compositus colligitur ex illo *Psal. 75. Tu terribilis es, & quis resistet tibi?* Et ex illo *Isaia 47. Non resistet mihi homo*. Et ex illo *Rom. 9. Voluntati ejus quis resistit?* Et ex illo *Isaia 46. Consilium meum stabit, & voluntas mea fiet*. Et ex illo *Isaia 13. Dominus exercituum decrevit, & quis poterit infirmare?* Quæ omnes locutiones sensum

sum compositum videntur apertissimè denotare, quia videlicet non stant, nec stare possunt ista duo, quòd Deus absolutà suà voluntate velit aliquid fieri, & quòd illud non fiat.

10. Ex Sacro Concilio *Tridentino* eàdem constat claritate istius distinctionis necessitas. Nam Sess. 6. de justificat. Can. 22. ita definit: *Si quis dixerit, justificatum, vel sine speciali auxilio Dei in accepta iustitia perseverare posse, vel cum eo non posse; anathema sit.* Non est dubium, quòd verbum *posse* accipiat in sensu composito; nam certè loquendo de potestate in sensu diviso, perseverare potest justificatus, cui tale deficit auxilium. Nam iustus, qui non perseverat, liberè omittit perseverantiam, nec enī peccaret non perseverando, si liberè perseverantiam non omitteret: & tamen illud speciale auxilium, cuius Canon meminit, non habuit; quia cum illo speciali auxilio, in quo consistit munus perseverantiæ, perseverantiæ carentiam conjungere non valeret: quippe qui illud habet, ut docet *S. Augustinus*, infallibiliter perseverat: ergo in sensu composito carentiæ illius auxilii specialis, habuit per gratiam, quā iustus erat, & per auxilia communia potestatem antecedentem ad perseverandum, sive in sensu diviso, non consequentem, sive in sensu composito, quia scilicet perseverantia cum illius auxilii carentia compossibilis non est.

11. Constat tertio necessitas hujus distinctionis ex Sanctis Patribus. Nam *D. Augustinus* in *Joann.* tract. 26. explicans illa verba *Christi*: *Erunt omnes discipuli Dei*; ait: *Quarè hoc dixit, o Judæi? Pater vos non docuit, quomodò me potestis agnoscere?* Et *serm.* 17. de *Nativ.* dicit de *Isaac*: *Apprehendi meruit, vinciri meruit; non tamen aliquid Munda contulisset, si potuisset occidi*: ac tandem lib. 3. contra *Cresconium Grammaticum* ait cap. 33. *In his Cypriani verbis non intelligimus lucem non capere divisionem, nisi Sanctis in Regno Dei prædestinatis, qui dividi ab Ecclesia nullo modo possunt*: quibus in locis non negatur potestas antecedens, sive in sensu diviso: sic enim poterant *Judæi Christi* agnoscere, *Isaac* occidi, *Prædestinati* damnari: sed negatur potestas consequens, sive in sensu composito. Hæc necessitas communī aliorum Sanctorum Patrum consensu firmatur, *Athanasii, Hieronymi, Chrysostomi, Gregorii, Prosperi, Fulgentii, Bernardi, Anselmi, Leonis I., & Cælestini I.* quorum verba non adducimus, quia minime necessaria.

12. Constat ultimò ex *D. Thoma* Opusc. 39. cap. 5. ubi explicans, quomodò fallaciæ compositionis, & divisionis cavendæ sunt, ita dicit: *Formatur sic paralogismus: Quemcumque possibile est esse album, possibile est, quòd ipse sit albus: sed nigrum possibile est esse album: ergo possibile est, quòd niger sit albus. Non valet, quia illud dictum, nigrum esse album, potest supponere ei, quòd dicitur possibile, vel ratione subiecti, & tunc possibilitas attribuitur subiecto dicti, & est modalis de re, & tunc est divisa, & vera. Est enim sensus, quòd ille, qui est niger, potentiam habet, quòd sit albus. Vel potest idem supponere in ratione totius dicti, & sic est modalis de dicto, & est composita, & falsa, & est sensus,*

*sensus, quòd hoc dictum, album esse nigrum, est possibile. Undè est fallacia compositionis. Et potest etiam formari sic paralogismus: Quòdcumque esse nigrum est impossibile, ipsum non potest esse nigrum: sed album esse nigrum, est impossibile: igitur album non potest esse nigrum. Non valet, quia minor est duplex, sicut suprà dictum est; & in sensu composito est vera, & in diviso est falsa. Undè est fallacia divisionis. Hac tanta D. Thoma diligentia in detegendis his fallaciis satis ostendit, quàm necessarià sit illius distinctionis cognitio, quæ cum reverà perfectam, totius disputationis intelligentiam comprehendat, duplici conclusione ipsam explanare conabor.*

13. Recipiunt omnes Scholastici, etiam Jesuitæ, distinctionem istam, sed non omnibus communis est intelligentia. Tria sibi Doctores Societatis, ut certissima statuunt fundamenta, quæ refert, & impugnât loco citato piissimus, & sapientissimus Mag. Lemos. Sensus compositus, ajunt, importat compositionem alicujus actûs, vel alicujus formæ cum subiecto; ita sanè, ut quoties ex parte subiecti ponitur vel forma, vel actus in propositione, sit sensus compositus. Undè aliqui allerunt, hanc esse compositam: *Homo albus potest esse niger*, quia ex parte subiecti ponitur albedo, quam significat vox *albus*; & similiter ista est composita, apud ipsos: *Liberum arbitrium à Deo motum, & excitatum potest dissentire*; undè allerunt, per illam importari compossibilitatem dissensûs cum motione, & excitatione arbitrii à Deo facta. Illam verò appellant divisam, in qua ex parte subiecti non importatur forma aliqua, sed remotio illius. Undè illa propositio: *Liberum arbitrium à Deo motum, & excitatum potest dissentire*, ut sit divisa, ita debet accipi: *Liberum arbitrium à Deo motum, & excitatum, ablatâ ab ipso motione, & excitatione Dei, potest dissentire, non tamen illâ retentâ*. Et ita existimabant olim, à nostris sensum compositum, & divisum intelligi, & acceptari.

14. Ut ergo Recentiores hâc utantur distinctione, asserunt, illam habere locum in propositionibus, quæ ex parte subiecti important aliquid consequens exercitium aliquod nostræ libertatis: v. g. ista est vera in sensu diviso, *Petrus amans potest odisse*; est tamen falsa in sensu composito; in sensu diviso est vera, quia denotatur in illa, quòd Petrus, dum est sub exercitio libero amandi, retinet potentiam ad odium ponendum, sed amore abjecto, quem voluntas prohibito abijcere potest; est tamen falsa in sensu composito, quia in illa denotatur potestas ad conjungendum odium cum amore, quæ potestas non datur in arbitrio Petri. Hac intelligentia vera est, quantum ad id, quod affirmat: sed nolunt eam extendi ad suppositionem aliquam connexam, & antecedentem usum, & exercitium libertatis, ut rectè animadvertit Magister Ledesma disput. unicâ de auxiliis art. 12. *Auctores bi in aliis materiis Theologicis hanc distinctionem admittentes, rejiciunt eam in presenti Disputatione, quia eorum argumenta, admissâ hâc distinctione, ut admitti debet, evidenter solvantur à Thomistis*. Quapropter sibi persuasum, libertatem non destrui per necessitatem, quæ inducitur ex usu, & exer-

& exercitio libertatis; destrui tamen asserunt, si necessitas orta sit ex suppositione antecedenti. Et hoc est secundum illorum fundamentum.

15. Unde tertio sibi persuadent, idem omnino esse, liberum arbitrium posse dissentire, positâ motione, & excitatione Divinâ, ac posse cum tali motione, & excitatione conjungere dissentium. Quocirca indubitanter asserunt, quod omnis suppositio antecedens usum libertatis, quæ necessariâ illatione consensum infert, libertatem admittit. Ex quo rursus inferunt, infallibilitatem scientiæ prævidentis aliquod futurum liberum, efficaciam voluntatis Divinæ, prædestinationis, gratiæ, sive auxilii interentem consensus liberos, esse suppositionem ortam, & consequentiam nostræ libertatis usum, & exercitium. Ideo quippè, asserunt, *Deus videt, consensum esse futurum, quia consensus futurus est*, non tamen è contra. Ac tandem, ideò auxilium hoc consensum infert liberum, quia Petrus vult cum illo auxilio consentire, non quia auxilium determinat Petrum ad consensum.

16. At cum *nulla falsa doctrina*, teste D. *Augustino* lib. 2. quaest. Evangel. cap. 4. *ita sit falsa, ut non aliqua vera intermiscet*, hoc inrelata evenit explicatione. Nam in primis compositionem aliquam importari in illis propositionibus, *Homo albus potest esse niger: Liberum arbitrium à Deo motum potest dissentire*, nullus valet negare, nam in prima albedo componitur cum homine, in secunda motio cum libero arbitrio. At iste non est sensus compositus, de quo Dialectici, de quo Philosophi, & de quo Theologi tractant. Quod patet, tum quia sensus compositus, & divisus, de quo prædicti tantâ diligentia disputant, ille est, quem reddunt propositiones modales, quæque aliquo ex illis quatuor conficiuntur modis, *possibile, contingent, impossibile, necesse*, quibus non enunciatur possibilitas, contingentia, impossibilitas, aut necessitas subjecti ad formam, quâ signanter ponitur subjectum propositionis affectum; sed disquiritur possibilitas, contingentia, impossibilitas, aut necessitas, quâ subjectum tali affectum formam respicit, vel prædicatum propositionis, vel actum, quem importat verbum ejusdem propositionis. Unde in illa enunciatione, *Homo albus potest esse niger*, non enunciatur, sed supponitur habitudo albedinis ad hominem: explicatur verò, & dicitur habitudo hominis albi, quia supponitur albus, ad nigredinem, quam significat prædicatum: similiter in illa, *Liberum arbitrium à Deo motum potest dissentire*, supponitur ex parte subjecti motio divina efficiens liberum arbitrium, & cum illo composita; enunciatur verò liberi arbitri moti à Deo habitudo ad dissentium, significata per verbum *potest*.

17. Rursus, intelligentia sensus divisi, quem fingunt, falsissima est; & magis falsum, quod eam aliquando Thomistæ docuerint; sed verissimum est eo in sensu, traditam fuisse à *Calvino*, homine nimirum, non modò hæretico, sed & scholastici acuminis omnino inficso. Primum constat, quia illa propositio, *Homo albus potest esse niger*, quæ ex forma sua divisa est, juxta regulam Dialecticorum, eo quod mediat verbum inter subjectum, & prædicatum, non facit hunc sensum, *Homo ablatus albedi-*

nc

ne potest esse niger, sed istum, *Homo, dum est sub albedine, habet potentiam, ut sit niger*, ubi cum albedine actu habita, componitur potentia hominis ad habendam nigredinem; quæ ab aliquibus dicitur *simultas potentia*, et si potentia non sit in homine ad conjungendam nigredinem cum albedine, quæ in ipso supponitur, & hæc ab iisdem dicitur *potentia simultatis*. Unde illa propositio in sensu composito modali dialectico, philosophico, & theologico est falsa, quia dicit, albedinem posse in homine componi cum nigredine pro eodem instanti. Vera tamen est in sensu diviso, quia affirmat, in homine albo potentiam dari ad nigredinem absolute habendam. Quod *Thomistæ* illo in sensu distinctionem illam nunquam explicaverint, videri potest eruditissimus *Gonet* tom. 2. in 1. par. disp. 6. de concord. cum prædestinat. art. 4. in quo tamen sensu illam propugnant Hæretici allerentes, tantum sublatâ motione Divinâ posse arbitrium dissentire. Sic *Lutherus* lib. de servo arbitrio: *Donec durat spiritus, & gratia Dei in homine*: cui accinit *Vincentius Lenis* epit. ad *Petavium* Jansenianæ doctrinæ studio ardens, excusâ prædeterminatione, non retentâ: qui sensus, & intelligentia distinctionis *Calvinistica* etiam est, & à *Thomistis* semper ut hæretica impugnata, & reprobata.

18. Quod verò pro secundo statuunt fundamento, diximus esse verum, quoad primam partem; nec enim arbitrium suum destruit potestatem ad dissentium per hoc, quod se determinet ad consensum. Quoad secundam verò falsum esse, statim patebit ex dicendis contra tertium. Et ratio est, quia Deus operans fortiter, & suaviter eo modo liberum moveri arbitrium, quò ipsum moveri petit: at liberum arbitrium petit sibi non auferri potestatem ad dissentium per motionem divinam: ergo motio divina talis est, quæ arbitrium determinet ad consensum fortiter, illas à omni ex parte potestate ad dissentium. Unde ad tertium deveniens fundamentum, esse omnino falsum constat ex omnibus hucusque dictis. Etenim ut possit voluntas componere dissentium cum omnibus, quæ ex parte Dei concurrunt ad consensum, requiritur, quòd omnia illa dominio voluntatis sint subjecta, & à voluntate in malum vertibilia. Nam quid est aliud principium actionis esse ad actionem applicabile à voluntate pro libito, & pro placito ad agendum, aut concurrendum determinabile, quàm principium tale esse subjectum voluntati? Nec enim alio ex capite probamus voluntatem, & appetitum, intellectum, cæterasque potentias nobis esse subjectas, nisi quia illas pro libito applicamus; & ad operationes suas determinamus. Quod cum ita sit, nimis evidenter apparet absurdum: etenim si voluntas potest vertere in malum omnia, quibus Deus concurret ad consensum: ergo nostrum est, & non Dei, quòd bene volumus, quòd loquimur, quòd sanctè cogitamus; quod dicere piaculum est: hæc enim erat *Pelagii* mens, consequentiam istam ex simili, immò ex eodem antecedenti inferentis; & quam non negavit, legitimam esse *S. Augustinus*, ut constabit legenti accuratè totum librum de *gratia Christi*; quin potius, ut negaret consequens, quod videbat legitime inferri, negavit antecedens.

Tom. IV.

Dd

Re-

Refert illud *Pelagii* assertum D. *Augustinus* lib. citato cap. 4. & cum illud totò illò libro impugnet, nunquam invenitur, negatìe consequentiam; quæ ipsius *Pelagii* ratione probari potest.

19. Conjungere cum actu bono principia de se conjungibilia cum actu malo, illi dumtaxat debet, ac potest tribui, qui ita conjungit unum cum alio, ut in omni sensu composito, & diviso expeditus sit ad non faciendam prædictam conjunctionem; sed solum expeditus est ad non faciendam prædictam conjunctionem, qui se ad istam unice determinat, & non determinari valet ab alio: ergo illi soli potest, ac debet conjunctio illa, & actus bonus ex ea secutus tribui, qui se ad conjunctionem unice determinat, nec ab alio valet determinari, ut illam faciat: Hòc unò verbò dixit *Pelagius*: *Illius est illa conjunctio, & actus, qui omnia potest vertere in malum*: sed homo juxta doctrinam argumenti ita conjungit, ut in omni sensu diviso, & composito expeditus sit ad non faciendam prædictam conjunctionem, potens omnia principia cum actu malo conjungere, ad quod se unice determinat, nec ab alio ad talem conjunctionem valet determinari; quin potius pro suo dominio potest illa omnia vertere in malum: ergo solius hominis, & non Dei esset illa conjunctio, quod ab orthodoxa Ecclesiæ doctrina mirum in modum distat.

## §. II.

### *Vera sensus compositi, & divisi intelligentia.*

20. **P**Ræceptis dialecticæ, & modo arguendi studeamus modò, ut expressius, distinctius, & enucleatius doctrinam istam consingemus. Et primò supponendum est propositionem modalem, de qua sermo nobis est in præsentì, illam esse, quæ afficitur aliquò ex his quatuor modis: *Possibile, contingens, impossibile, necesse*. Modi autem illi possunt tripliciter in propositionibus collocari; potest enim modus toti propositioni postponi, ut si dicas: *Prædestinatum damnari est impossibile*; vel potest præponi toti dicto, ut si dicas: *Impossibile est prædestinatum damnari*; vel tandem potest modus inter partes dicti locari, ut si dicas: *Prædestinatum impossibile est damnari: Liberum arbitrium à Deo motum, & excitatum potest dissentire*. Prima ex illis propositionibus dicitur apud Dialecticos composita, quando scilicet modus toti postponitur dicto, quia ex modo concipiendi significatur impossibilitas conjungendi prædicatum cum subjecto, ut in prima formata propositione; vel talis conjunctionis necessitas, ut in ista, *Prædestinatum salvum est necesse*. Tertiã propositionem, quando scilicet modus inter partes dicti collocatur, dicunt Dialectici, esse divisam, & in illa importari simulatè potentia ad actus, vel formas divise habendas. De secunda propositione, quando scilicet modus præponitur dicto, regulam fixam non constituunt. Quæ regulæ antiquitate ipsam maximam habent auctoritatem; & cum in Sacris Canonibus hujuscemodi inveniantur



tur propositiones, ideo diligenter attendendæ: mentes enim definiendum divinâ arte gubernantur, ut à communi modo loquendi non recedant. Cœterum propter innumera, & implicatissima Sophismata, quæ solent multiplicari à Sophystis in modalibus, tutius propositiones illas distinguimus, quàm absolutè concedimus, vel negamus, ut obscuritas vitetur, & respondentis sensus clariùs dignoscatur.

21. Porro, ut in exercitio disputationis facilis sit respondentibus huiusmodi sensus compositi, & divisi applicatio; nota, quòd dicitur propositio *officians* illa, quam de *ineffe* vocamus, sive categoricam, quæ remanet sublatò modò: v.g. huius modalis, *Album esse nigrum est possibile*, propositio officians est ista, *Album est nigrum*: & huius, *Liberum arbitrium à Deo motum, & excitatum potest dissentire*; propositio officians est hæc, *Liberum arbitrium à Deo motum, & excitatum dissentit*. Si propositio modalis fuerit composita, est immediatè reducibilis ad suam officiantem: quòd si ad illam non fuerit immediatè reducibilis, est divisa. Cujus ratio est, quia à modali composita ad suam officiantem est bona consequentia, nec in illa potest dari antecedens verum, & consequens falsum. A modali verò divisa ad suam officiantem non est bona, sed mala consequentia, ac proindè dabitur in illa antecedens verum, & consequens falsum. Exemplo res sint, quia benè valet immediatè, & absque alia interveniente reductione, *Prædestinatus damnari est impossibile*: ergo hæc est impossibilis, *Prædestinatus damnatur*, inferimus evidenter eile compositam. Et quia non valet immediatè: *Liberum arbitrium à Deo efficaciter motum, & excitatum, potest dissentire*: ergo hæc est possibilis, *liberum arbitrium à Deo efficaciter motum, & excitatum dissentit*, inferimus quoque evidenter juxta eandem regulam, non esse compositam, sed divisam illam propositionem Concilii, quæ procedit de motione efficaci.

22. Ex officiante quoque diligenter inspecta faciliè assequimur veritatem, vel falsitatem modalis, non quidem divisæ, sed compositæ, quia hæc sola reducibilis est immediatè ad suam officiantem. Nam si officians vera est, modalis quoque composita est vera: v.g. quia ista est vera possibiliter, *Homo est albus*, hæc modalis est vera, *Hominem esse, album est possibile*; & quia ista est tam possibiliter, quàm absolutè falsa, *Stans sedet*, ista modalis est falsa, *Stantem sedere est possibile*: valet quippe à negatione consequentis, sive à falsitate ad negationem, & falsitatem antecedentis, eò quòd in bona consequentia consequens non potest esse falsum, & antecedens verum. Et quavis ab affirmatione, aut veritate consequentis, argui non possit ad veritatem antecedentis, quia in bona consequentia potest esse consequens verum, & antecedens falsum, valet tamen in modalibus à veritate officiantis ad suam modalem compositam propter materiæ necessitatem.

23. Pro quo iterum adverte, quòd modalis non importat solam convenientiam prædicati ad subjectum, sed importat explicitè modum convenientiæ, quòd scilicet conveniat subjecto prædicatum, vel possibiliter, vel necessariò, vel contingenter, vel impossibiliter. Ex quo or-

tum habuit Philosophorum firma, & certa sententia, quod scilicet omnis modalis, sive composita fuerit, sive divisa, est necessaria, aut impossibilis; quia non enunciat convenientiam in actu secundo, sed potentiam, vel repugnantiam conveniendi, quæ non accidit, sed necessàriò adest subjecto: quare valet à veritate officiantis ad veritatem modalis compositæ, etli videamur arguere ab affirmatione consequentis ad affirmationem antecedentis, quæ in materia contingente non est bona consequentia. Primum autem, quod de modali diximus, constat ex differentia omnibus conspicua inter propositionem, quam vocant de inelle, & propositionem modalem. Nam profectò qui sic enunciat: *Petrum esse album esse possibile*, aliud dicit ab eo, qui enunciat ita, *Petrus est albus*: nam hæc posterior enunciatio, ut sit vera, requirit, & quod existat Petrus, & quod albedinem actu habeat; illa verò prior non requirit, quod existat Petrus, etli permittat, nec exigit actualem albedinis inhærentiam, quia non enunciat convenientiam, sed convenientiæ possibilitatem: hæc autem possibilitas non est prædicatum contingens, sed necessarium; capacitas enim ad albedinem non accidit Petro, sed illi ab intrinseco convenit, eò quod est ab intrinseco corpus mixtum. Ex quo patet hujus Philosophici principii firmitas, & infallibilitas: quoties enim in propositione enunciat prædicatum ab intrinseco subjecto conveniens, proprius est necessaria: est verò impossibilis, quoties de subjecto dicitur prædicatum illi ab intrinseco repugnans. Cum ergo in modalibus enuncietur modus convenientiæ quantum ad possibilitatem, vel repugnantiam, nulla est contingens, sed necessaria, vel impossibilis.

24. Ulterius diligenter observa, quod possibilitas ad aliquam formam, actum, vel prædicatum significata per modum, non destruitur per adventum formæ, actus, vel prædicati oppositi actui qui sit exercitium talis possibilitatis; v. g. in hac propositione: *Petrus esse album esse possibile*, significatur potentia Petri, ut albedinem habeat: hæc potentia non destruitur per hoc, quod Petro nigredo adveniat, & niger fiat, sed unì cum nigredine, actu, & formaliter habità, atque actu inhærente, conservatur, & componitur in Petro potentia, ut albedinem habeat: non enim prædicata necessaria subjecti destrui possunt ab accidenti prædicato subjectum non corrumpente; sicut enim priora in suo esse non pendunt à posterioribus, ita nec necessaria per contingentia destruantur. Cum ergo Petro pro priori ad albedinem, & nigredinem conveniat potentia ad albedinem, & necessàriò conveniat, nigredo superveniens potentiam ad albedinem à Petro non removet. Unde hæc propositio: *Petrus niger potest esse albus*, in sensu diviso, quem ipsa ex forma sua præ se fert, non solum est vera, sed necessaria.

25. Consistit ergo distinctio modalis compositæ, à modali divisa in eo, quod modalis composita enunciat, possibilem esse conjunctionem prædicati cum iis omnibus, quæ ponuntur ex parte subjecti: v. g. in hac propositione: *Petrus prædestinatus damnari esse possibile*, quæ falsa est, dicitur possibile conjunctio damnationis cum prædestinatione, quæ in dicto se tenet ex parte subjecti, quæ conjunctio impossibilis est, atque adeo propo-

sitio

sitio est impossibilis. At in modali divisa res aliter se habet: nam etsi importetur compositio aliqualis ex parte subjecti cum uno extremo, & potestate ad alterum contrarium, quæ compositio non dicit possibilitatem illius extremi, sed actualem convenientiam, non tamen importatur possibilitas coniungendi utrumque extremum. Sit exemplum, ut rem ponamus ob oculos, in hac propositione, *Liberum arbitrium à Deo motum, & excitatum potest dissentire*, sumpta in sensu diviso, supponitur ex parte subjecti duplex compositio, altera arbitrii liberi cum motione, & excitatione Dei actualiter assicente liberum arbitrium; altera totius subjecti, id est liberi arbitrii moti à Deo, & excitati cum potestate dissentiendi; sed nullo modo importatur potestas coniungendi dissentium cum motione, & excitatione divina, nec id requirit veritas illius propositionis prolata absolute, quæ in sensu diviso est à Concilio definita, ut ex ipsa propositionis forma constat, in qua modus ponitur inter partes dicti; quæ Dialecticorum regula Concilium Spiritu Sancto directum, minime latuit. Ut ergo utriusque modalis sensum legitimum aperiamus, modalis composita illa est, in qua denotatur potestas coniungendi prædicatum cum subjecto, & cum omnibus subjecti affectionibus, sive determinationibus, quæ proinde, si coniungibiles sunt, propositio evadit falsa, ut constabit ex sua officiante. Modalis verò divisa importat actualem conjunctionem modi, scilicet possibilitatis, contingentia, impossibilitatis, aut necessitatis cum omnibus, quæ subjectum propositionis determinant: potestatem verò coniungendi prædicatum cum subjecto sic affecto non significat: unde illa ipsissima propositio, quæ in sensu composito est falsa, & impossibilis, in sensu diviso est vera, ac necessaria. Ex quo tandem fit, argumentum esse nullum à divisa ad compositam, sicut non valet: *Album potest esse nigrum; sive album possibile est esse nigrum: ergo album esse nigrum est possibile*, quia, ut ajunt Dialectici, arguere à divisa ad compositam perinde est, ac arguere à disjunctiva ad partem. A composita verò ad divisam valet argumentum, quia perinde est, atque arguere à parte disjunctivæ ad totum. Unde bene valet: *Album esse nigrum est impossibile; ergo album potest esse nigrum*. Verum huiusmodi sophysmata deprehendere, ut caveantur, docuit abundè S. Thomas Opusc. citato de fallaciis.

26. Hac est ergo vera, & legitima sensus divisi, & compositi intelligentia, pro qua tota florentissimorum seculorum pugnat antiquitas. Constat primum ex *Philosopho* lib. 1. de Cælo text. 119. circa finem lect. 26. apud D. Thomam, ubi juxta primam ex translationibus, quibus utitur S. Thomas, ait *Aristoteles: Sedendi itaque quippiam, Standique simul potentiam habet, quia quando habet illam, & alteram habet, at non simul stat, atque sedet, sed in alio tempore*. Juxta aliam verò translationem sic dicit: *Hoc quidem igitur sedere, & stare simul habet virtutem, quia quando habet illam, & alteram habet, sed non ut simul sedeat, & stet, sed alio tempore*. Quæ verba explicans D. Thomas ait: *Et quia dictum est, quod simul stare, & sedere est impossibile, concludit, quod licet aliquid simul habeat virtutem ad oppositum, puta ad se-*

*federe, & stare tali ratione, quia quandoque una potentia reducit: ut ad actum, quandoque altera; nil tamen hanc habet potentiam, ut simul habeat opposita, puta, ut simul sedeat, & stet, sed oportet, hoc in alio, & alio tempore esse.*

27. Concinit Hugo à S. Victore quaest. 218. in Epist. ad Rom. ubi sic obijcit: *Si Deus præcivit aliquid futurum, illud non potest non evenire.... Respondet: Hæc & similia possunt per conjunctionem, & disjunctionem exponi. Sensus conjunctionis hic est; si Deus prævidit, necesse est evenire, idest non potest simul esse utrumque, ut Deus prævideat, & non eveniat, & sic est verum. Disjunctionis sensus hic est, hoc futurum non potest aliter evenire, quàm eò modò, quò evenit, & quàm sit prævisum, & hoc est falsum.* Idem suo calculo confirmat Magister sententiarum, qui distinctionem istam hoc semper modò intellexit, uti constat in 1. dist. 38. §. *Ad hoc autem*; quibus addimus Doctorem Subtilem Scotum in 4. dist. 49. quaest. 6. §. *Respondeo*; Boetium de Consolat. Prosa 5. Venerabilem Bedam in axiomatibus phylosophicis litt. O. dicentem: *Omnia futura de necessitate eveniunt (1. periberm.) verum est in sensu composito; non autem in sensu diviso: vel verum est ex hypotefi, non autem simpliciter*; qui sensum compositum, & divisum eò, quò nos pacto acceperunt. Sed audiendus D. Thomas, ut omnibus constet, quòd nihil aliud Thomistæ dicimus, quàm quod ex nostro Magistro Angelico transcripsimus; & ut luce meridiana fiat clarior, quàm parum rectè, ac sapienter dixerit Pater Raye in conclusionibus propugnatis Lovanii die 11. & 12. Julii 1713. polit. 11. *Neque etiam sensum divinum Thomisticum admittimus: nam etsi divisus ille sensus, qui hic non à S. Thoma quidè, sed à Thomistis recentioribus usurpatur, verbis diffideat a Calvinistico; re tamen videtur nobis cum eodem congruere.* Quapropter qui gratiam physicè prædeterminantem putat sensus illius beneficio posse conciliari cum libertate, edoce nos, an non ejusdem sensus beneficio possis conciliare cum libertate, vel istam gratiam, quæ nostras voluntates fatali quâdam, & plus quàm adamantinâ necessitate constringeret. Retentâ in corde veritate, hoc sanè propugnavit, & loquutus est ille, quod ut nullus credat, audiat D. Thomam 1. par. quaest. 23. art. 6. ubi cum sibi tertium hoc proposuisset argumentum: *Quidquid Deus potuit, potest; sed potuit non prædestinare, quem prædestinavit: ergo nunc potest non prædestinare: ergo prædestinationem non est certa, respondet: Dicendum, quòd cum prædestinatio includat divinam voluntatem, sicuti supradictum est, quòd Deum velle aliquid creatum, est necessarium ex suppositione propter immutabilitatem divine voluntatis, non tamen absolutè, ita dicendum est hic de prædestinatione, unde non oportet dicere, quòd Deus possit non prædestinare, quem prædestinavit, in sensu composito accipiendo, licet absolutè considerando, Deus possit prædestinare, vel non prædestinare: sed ex hoc non tollitur prædestinationis certitudo.* Et quaest. 1. de potent. art. 5. in corp. *Sed quia ipse non potest facere, quòd contradictoria sint simul vera, ex suppositione potest dici, quòd Deus non potest alia facere, quàm*

quàm quæ fecit, supposito enim, quòd ipse non velit alia facere, vel quòd præscriberet se non alia faciendum, non potest alia facere, ut intelligatur compositè, non divisim. Et ibi ad primum, ait: *Hæc locutio, Deus non potest facere, nisi quod præscit, se faciendum, est duplex: quia exceptio potest referri ad potentiam, quæ importatur per ly potest, vel ad actum, qui importatur per ly facere: si primo modo, tunc locutio est falsa; pluram enim potest facere, quàm præsciat, se faciendum: & in hoc sensu ratio procedebat. Si autem secundò modo, sic locutio est vera, & est sensus, quòd non potest esse, quòd aliquid fiat à Deo, & non sit à Deo præscitum. Sed hic sensus non est ad propositum. Et quæst. 6. de verit. art. 4. ubi sic proponit 8. argumentum. Sicut factio rerum est ex voluntate divina, ita, & hominum prædestinatio: sed Deus potest facere plura, quàm fecit: subest enim ei, cum voluerit, posse, ut dicitur Sapient. 12. ergo similiter non tu prædestinas, quin possit plures prædestinare. Cui argumento occurrit D. Thomas, dicens, Quòd quamvis de quolibet absolute concedi possit, quod Deus potest eum prædestinare: tamen supposito, quòd prædestinaverit, non potest non prædestinare, vel è converso, quia non potest esse mutabilis. Et ideo dicitur communiter, quòd hæc, Deus potest non prædestinatum prædestinare, vel prædestinatum non prædestinare, in sensu composito est falsa. Quod iterum repetit S. Doctor art. 8. ad 8. his verbis: *Hæc propositio, Deus potest non prædestinatum prædestinare, vel prædestinatum non prædestinare, in sensu composito est falsa, in diviso, vera. Et ideo omnes locutiones illæ, quæ sensum compositum implicant, sunt falsæ simpliciter. Ecce in sensu composito prædestinationis, quæ immobiliter afficit mentem divinam, stat, atque conservatur illa absoluta potestas non prædestinandi illum, quem Deus supponitur prædestinare, etsi nulla stet potestas ad coniungendam carentiam prædestinationis Petri cum ipsa Petri prædestinatione: immò nec ad prædestinationem ipsam retractandam propter immutabilitatem decreti. Et quæst. 23. art. 5. simile argumentum sibi obiciens, quòd nobis à Contrariis obijcitur, sic inquit: *Ad tertium dicendum, quòd quamvis non esse effectus divine voluntatis non possit simul stare cum divina voluntate: tamen potentia deficiendi effectum simul fiat cum divina voluntate: non enim sunt ista impossibilia, Deus vult istum salvari, & iste potest damniari, sed ista sunt impossibilia, Deus vult istum salvari, & iste damnatur. Et in 1. ad Annib. dist. 47. quæst. unic. art. 4. inquit: Quamvis contrarium ejus, quod est volitum à Deo, non possit stare cum voluntate divina: possibilitas tamen ad contrarium potest stare cum ea propter contingentiam causæ mediæ. Et hoc sufficit, ut effectus sit contingens, & non necessarius: quo nihil clarius excogitari potest. Quare iure meritisimo dixit Pater Henriquez lib. de fine hominis cap. 6. Falsò quidam negant D. Thomam ausum fuisse expressè versare eam difficultatem, quomodo Deo prædeterminante, & præmovere voluntatem nostram, necesse sit in sensu composito hominem moveri, & tamen voluntas nostra ita libere moveatur, ut in sensu diviso & simpliciter possit non moveri.***

28. Hæc est ergo doctrina prioribus sæculis accepta, præsentibus jucunda, Thomistis omnibus commendata, & commendabilis, quam & nobis majores nostri, & illis SS. PP. tradidit: etsi aliqui & imbuti sint, & aliorum animos imbuant illâ falsâ, & spurâ Thomistis suppositâ intelligentiâ, ut videre est, dum nostris temporibus anno 1725. *Duaci* in Collegio Societatis propugnata fuit sequens Thesis: *Prædeterminatio physica ex mente suorum auctorum antecedit causalitate, & naturâ actionem creaturæ, & cum actu, ad quem datur, tam insallibilem ab intrinseco habet connexionem, ut talis actus illa stante non possit omitti, sequente assertore P. Suarez lib. 3. de concursu. Dei cap. 9. num. 4. qui sic illos pro suo libito loquentes inducit: At fortasie dicent, potentiam physicè prædeterminatam ad consentiendum, ideo posse dissentire, quia potest carere excitatione determinante ipsum, & tunc non consentiet. Ita enim in re ipsa respondent, quia ajunt: cum Concilium docet, posse dissentire, intelligendum esse in sensu diviso. Et in tom. de auxiliis lib. 5. cap. 18. num. 19. impugnare volens sensum hujus distinctionis, ait: Potentia in sensu diviso non est potentia propriè activa, sed magis passiva, quatenus potest auferre illam prædeterminatam, & relinquere voluntatem in sua naturali potestate. Et tom. 2. de gratiâ lib. 5. c. 38. n. 2. Calvinus non negaret potestatem dissentendi in sensu diviso, etiam si motionem necessitatem poneret: frustra ergo ad faciendum vim definitioni imponitur Calvinus, quod negaverit potestatem dissentendi in sensu diviso, cum hæc nihil aliud sit, quàm potestas habendi contrarium actum, si motio auferatur, Lessius in opuscul. de grat. efficaci cap. 3. n. 19. Sensus compositus, ait, nihil aliud est, quàm si decretum divinum, & motio divina componatur cum voluntate, id est, si voluntati adsit: & sensus divisus, si absit, & tollatur. At quid mirum, si motione illâ sublatâ, voluntas possit non velle. Eodem modo P. Vasquez 1. p. q. 14. art. 13. disp. 68. cap. 3. affirmat, quod sensus illius distinctionis est, quod voluntas, dum actu subest divinæ Prædeterminationi efficaci ad amorem, non potest non elicere amorem, seu non potest elicere odium, bene verò si Deus talem prædeterminationem auferat à voluntate. Idem asserunt communiter alii Propugnatores scientiæ metaphisicæ. At ultra transgreditur P. Meyer Diss. 1. pag. 81. scribens: *Distinctio sensus compositi & divisi, quam usurpant gratiæ physicè prædeterminantis assertores, non veram & realem statuit dissentendi potentiam, sed fictitiam & chimericam. Liqueat ergo quancumque isti libero arbitrio facultatem concedunt, non secus Calvinum concedere, quancumque negant, non secus negare. Nullo verò & reali separantur discrimine.* En hujus Scriptoris intolerabilis, impunitaque scribendi licentia; quibus omnibus accommodare possumus, quod Doctissimi PP. *Salmanticenses* de gratia tom. 2. disp. 7. dub. 4. §. 10. contra P. Suarez insigni notâ dignum observant. *Quare, inquit illi, à perdocto hoc Autore posset inquiri, utrum legerit Thomistas, quos citat, vel non: & cum hoc ultimum præsumi non debeat, rursum inquirimus, an in illis repererit intelligentiam illam sensus compositi, & divisi, quam ipse, & qui eum imitantur comminiscuntur.**

an verò illam, quam Alvarez docuit? Primum nullatenus dici potest; nam ipsa pagina, & verba oppositum clamant, & mentem Scriptorum pulam explicant, quin contraria intelligentia queat ipsis, nisi injustissime, attribui. Sed contra omnes P. Franciscum Annatum adduco, qui non juratus Thomista, sed concursus indifferenteris acerrimus defensor in lib. de libertate incoacta Romæ edito cap. 2. §. 4. dum Bajanos, & Jansenistas insecratur, sic pro vera illius distinctionis intelligentia declarat. Iude proceffit error Jansenii, quòd putaverit, se eodem modo philosophare posse, quo Thomista, cum tamen diversissima sint eorum principia. Nam Thomista cum victrice concupiscentia v. g. ponunt sufficientem gratiam ad resistendum, nec putant, quidquam requiri in alterutro casu, quod habeat rationem principii, & virtutis activæ: & ideo dicere possunt, simultatem esse potentia ad utramlibet oppositorum immediatè, & proximè. Neque unquam sensum compositum, & divisum sic explicaverunt, ut dicerent, voluntatem posse unum in sensu composito, & in sensu diviso, hoc est successivè, atque ex hypothesis, quòd fiat mutatio in prærequisitis ad agendum. Nuuquam Thomista ita sensum compositum, & divisum explicaverunt. Hæc ille. Et §. 1. sic Jansenistas impugnat. Quem invenient Janseniani inter Thomistas, qui concedit, ita necessariam consensum, quem voluntas præbet motioni gratiæ, quandiu illa in hæret, quomodo necessarius est amor beatificus quandiu durat visio? Quem invenient, qui dixerit, voluntatem divinam gratiæ prædeterminatam carere proximâ ad dissentiendum potentia? Quem dabunt, qui distinctionem sensus compositi, & divisi interpretentur, ut sensus sit, voluntatem à Deo motam posse dissentire, quando illa motio abierit, & advenerit alia? Huculque P. Annatus.

29. Non dissimili voce loquuntur P. Deschamps de Hæresi Pelagiana disp. 6. cap. 9. Martinus in Anti Jansenio pag. 708. Sembrochius in notis in primam Pauli Irenæi disquisitionem. Martinez de Ripalda adversus Articulos Baii lib. 2. disp. 15. sect. 15. Thomista, inquit Theologus iste, constantissimè tuentur, libertatem non posse cum necessitate antecedenti componi, & vindicare indifferentiam potestatis ad utrumque, demptaque potestate ad utrumque indifferenti adimi libertatem. Bajani verò libertatem cum necessitate antecedenti conjungunt ... à quibus Thomista procul recedunt. P. Ferrier in Relatione quadam typis editâ anno 1663. At si tot certos concursus indifferenteris amicos, fideles veritatis testes agnoscere no'nt, ipsis P. Suarez opponimus, qui se convictum, non silentio, sed verbis, de vera Thomistarum intelligentia demonstrat lib. 3. de attributis divinis cap. 9. de actionibus, sic loquens: Undè in illo puncto certam existimo D. Thomæ sententiam in 1. dist. 25. art. 4. asserentis, fieri non posse, ut factum sit in seipsum in sensu composito, ita enim ibi loquitur, & 2. contra gent. cap. 15. Idem Bonaventura in 1. dist. 42. q. 2. Et Thomista omnes, estque aperta sententia Hieronymi Epist. 23. ad Eustochium. Augustinus 26. contra Faustum cap. 5. Anselmus in Prolog. cap. 6. Et lib. de concor. præsc. & prædest. cap. 4. immò & Aristoteles idem tradit ex Agatbone 6. Ethicor. cap. 2.

Tom. IV.

Ee

Ratio

*Ratio verò est, quia præteritum dicitur, quòd in aliqua differentia temporis habuit esse, impossibile autem est, ut quod semel ponitur habens esse in aliqua differentia temporis, in illa eadem non habeat, vel non habuerit esse: quia esset, & non esset pro eodem tempore, quod repugnat in se, & consequenter ipsi etiam potentia Dei, quia ad ejus potentiam spectat, ut quod vult esse, pro aliquo tempore sit. Unde si pro eodem tempore non esset, esset extra potentiam Dei. Sicut ergo Deus non potest facere, ut res sit, & non sit simul, quia hoc esset se ipsum negare, & sibi repugnare: ita nec potest facere, ut præteritum non fuerit. Hæc P. Suarez, quibus concinnam sensus divini, & compositi tradit explicationem, quam testatur ipse se accepisse à D. Thoma, eoque eammet, quam tradiderunt Thomistæ ante ipsum, immò & communem PP. quos citat. At quo sensu vir ille eximie pietatis, & vitæ innocentia clarus, locis superius citatis contradicat Thomistis, ipsi considerent. Hoc solum scire velim, an certum habeant, ipsisque exploratum omnino sit convenire Thomistæ cum Hæreticis, ita sensum compositum, & divinum exponentibus, vel non? Si primum, repugnat ipsi tot doctissimis ejusdem Societatis viris oppositum allèrentibus, quibus apertè mendacium exprobrant. Si hoc non ita esse credunt, graviter Justitia, & charitas Scholaris D. Thomæ debita violatur, maxime à Lectoribus Collegii S. J. Duacensis in suis dictatis sequentia propugnantibus. Primò, nullus Hæreticus fuit adeo amens, ut non admitteret, posse fieri actum, aut non actum in sensu diviso, seu sublata motione Dei. Quid enim facilius Lutherò, Calvino, & Jansenistis, quàm convenire cum Thomistis? ... Secundò, Tridentinum damnat prædeterminationem implicite, & indirectè. Tertiò, petes, an Thomistæ benè se expediant ab hac primæ propositione Jansenii damnata. Quartò: gratia quas Thomistæ vocant sufficientes, non sunt verè tales, cum effectus obtineri nequeat, nisi superveniat prædeterminatio: sunt igitur sufficientes nomine. Quintò: prædeterminatio est directè eversiva libertatis. Non immeror in his Thesisibus: solùm ex adverso oppono Theoremata, ac Problemata propugnata in Collegio Romano S. J. anno 1589. ex Sacra Theologia deprompta, in quorum Theorematum fasciculo sequentia leguntur: ex quibus faciliè perspicier studiosus quisque, quàm nulla sit cum istis, Thehum Duacensium consensio.*

30. Hic ergo legitur num. 81. *Voluntas Dei, quæ necessariò futura sunt, & liberè vult, & necessariò esse vult. Quæ verò liberè futura sunt, & liberè vult, & liberè esse vult. Unde imponit necessitatem tantùm quibus vult. Et 88. Ex eo quòd Deus ab æterno prævidit, & voluit omnia, non sequitur, & necessariò ita esse necessitate absolutâ, sed tantùm necessitate conditionatâ. Et 89. Effectus contingentes, & liberi, si ad divinam scientiam comparentur, sunt necessarii secundùm quid necessitate consequentiæ, non consequentis: quare non sunt contingentia respectu proximarum causarum. Et 90. Humana actiones liberæ, quatenus liberæ sunt, formaliter referuntur, non solùm ad immediatam causam, scilicèt ad facultatem liberi arbitrii creati, sed etiam*

ad



ad primam causam liberam. Et 91. Omnis effectus bonus contingens, & liber principaliter refertur ad divinam voluntatem tanquam causam primam, & efficientem suæ libertatis. Et 92. Etiam si voluntas Dei necessaria sit in se, tamen prima radix contingentia rerum est Dei voluntas. Et 125. Si dare sumatur pro proponere, vel invitare, Deus omnibus hominibus usu rationis præditis, nemine prorsus excepto, dat auxilium sufficiens ad eorum salutem. Et 127. Si dare accipitur pro eo, cuius correlativum est accipere, ita ut sine hoc stare non possit, Deus non dedit omnibus hominibus etiam venientibus ad usum rationis auxilium, supernaturale gratia præparantis, vel ad credendum, vel ad penitentiam agendam. Et 128. Cum tamen Deus dicatur paratus dare omnibus hominibus, quando sunt in hac vita, auxilium, quo fiant potentes converti, & convertantur, si velint. Et 129. Deus ab æterno statuit voluntate absolutâ, seu consequente non dare omnibus supernaturalia auxilia, videlicet eis, qui ea recepturi non sunt. Et 130. Causa primaria, & radicalis, cur aliquis convertatur, est divinum beneplacitum movens illum efficaciter, & suaviter. Causa autem proxima, cur aliquis non convertatur, est sua ipsius pertinacia. Et 131. Stante efficaci gratiæ auxilio in aliquo, is potest dissentire, si velit, non in sensu composito, sed diviso, libertate antecedenti, non consequenti. Et 162. Tantum abest, ut divina prædestinatio tollat in prædestinatis arbitrii libertatem, ut potius ipsam perficiat per gratiam, naturæ non destrucitivam, sed perfectivam. Hoc ab ipsis verissimè dictum, hæc certissima Thomistarum doctrina: sed ab illis temporibus, tanta est inter ipsos in sentiendo, atque loquendo dissonantia, At nobis sufficiat explanatissimam sensûs compositi, & divisi intelligentiam monstrasse.

31. Quis ergo erit jam tam hebes, tam rudis, tam obtusus, qui hanc sensûs compositi, & divisi explicationem non capiat? Quodd liberum, arbitrium motum efficaciter à Deo simul habet potestatem ad utrumque libertatis extremum, quamvis non ad utrumque simul habendum: sicut in materia prima simul est potestas ad omnes formas habendas, sed non ad omnes formas simul habendas, & in homine simul est potestas, seu potentia ad sedendum, & ambulandum; sed non ad utrumque simul habendum: & homo, dum actu sedet, simul habet potentiam ad currendum, non ad currendum in sensu composito sessionis, quia hoc est impossibile, nam duo actus oppositi non possunt esse simul, sed ad currendum absolute, & præcisive à sessione. Etiam ipsa voluntas, ut subest decretò efficaci prædeterminanti ad amorem, est potens in sensu diviso, seu potentia antecedenti, seu similitate potentia non elicere amorem, nec tamen in sensu composito, nec potentia consequenti, nec potentia similitatis, quia non est potens elicere amorem conjunctum cum prædeterminatione. Primum ad libertatem sufficit, ut constet in *Christo* Domino: omnes enim communiter fateantur, *Christum* Dominum, supposito præcepto moriendi, non habuisse potestatem consequentem, nec in sensu composito ad non moriendum, aliàs posset conjungere negationem mortis cum præcepto moriendi, possetque proinde peccare: & ni-

hominis oblatusest, quia ipse voluit, & liberrimè mortuus est, quia habuit potestatem antecedentem, & in sensu diviso ad non morientium. Hæc ergo potestas ad opposita sufficit, & illa non requiritur ad plenam, & perfectam libertatem salvandam. Quare distinctiones plures, quibus frequenter Auctores utuntur, sunt æquivalentes: nam qui hanc propositionem, *Petrus prædeterminatus ad consensum, potest dissentire*, sic distinguit: potest antecedenter, concedo, potest consequenter, nego; perinde se habet, ac si diceret, potest in sensu diviso, concedo; potest in sensu composito, nego; nam potentia antecedens est potentia ad dissentium in sensu diviso: potentia verò consequens est potentia in sensu composito. Similiter cum illa propositio: *Prædeterminatus ad consensum est necessitatus ad illam*, sic distinguitur, est necessitatus antecedenter, nego; est necessitatus consequenter, concedo, perinde distinguitur, ac si diceretur; est necessitatus absolute, & simpliciter, sive necessitate absoluta, & simpliciter tali, nego: est necessitatus secundum, quid, ex suppositione, aut necessitate conditionali, concedo. Aliis quoque terminis solet hæc propositio hoc modo distingui: est necessitatus necessitate consequentis, nego; necessitate consequentiæ, concedo, qui termini in re præfenti synonymi sunt, & per omnia æquivalent terminis prioris distinctionis.

32. At hic obiter cavenda, simulque notanda maxima æquivocatio, quod dum dicimus, dari in voluntate prædeterminata ad consensum potestatem ad dissentium in sensu diviso, loquimur de sensu positive diviso à prædeterminatione; cum sit potestas ad dissentium compositum cum prædeterminationis ad consensum carentia. Est namque talis libertas vera potestas conjungendi terminum cum omni eo, cum quo connectitur; & necessariò existentia dissentius connectitur cum carentia prædeterminationis ad consensum. Tum; quia hæc vera potestas respicit dissentium reverà possibilem; & non solum ut est merè possibilis, sed prout est à parte rei ponibilis; sed dissentius in re ponibilis pugnat cum prædeterminatione consensûs: ergo potestas est ad dissentium ut positive divisum à prædeterminatione consensûs. Quare dum aliqui ex nostris affirmant, quod voluntas physicè prædeterminata habet potestatem ad ponendam liberè libertate contradictionis carentiam consensûs præcisi- vè à physica prædeterminatione, non applicat ly *præcisi- vè* ad consensûs carentiam, sed ad voluntatem, ut sit sensus: voluntas physicè prædeterminata ad consensum liberum, habet præcisi- vè à physica prædeterminatione posse componere carentiam actûs physicè prædeterminati quod certissimum est; accidit namque voluntati jam constitutæ in actu primo libero respectu actûs, & omissionis ipsius prædeterminati ad actum: quare cum physica prædeterminatione voluntas remanet potens ad actum, & ad actûs carentiam, nec ab ipsa accipit potestatem. Ex quo patet, nullum esse inter Thomistas dissidium; cum nullus ex eis dubitet, esse repugnantem carentiam actûs physicè prædeterminati non- coexistentem carentiæ physicæ prædeterminationis ad prædictum actum, solumque hanc potestatem voluntatis ad carentiam liberam consensûs

ab

ab aliquibus explicatam fuisse per potestatem ad carentiam consensûs præcisam à physica prædeterminatione ad consensum, ut constaret, voluntatem non constitui in actu primo liberam ad consensum, & ad consensûs carentiam per physicam prædeterminationem ad consensum, vel per talis prædeterminationis carentiam, ideò ly *præcisivè* à prædeterminatione applicabant, non tam ad carentiam consensûs, quàm ad ipsam voluntatem potentem se exercere per talem carentiam.

## §. III.

*Quædam Caducei annotatio refellitur.*

33 **S**ed audiamus *Caducei* molimina, qui, ut communem Thomistarum intelligentiam sensûs compositi, & divisi faciat scismaticam, allumit hæc à me immediatè dicta, congeritur sequentia p. 2. punct. 6. num. 116. *Atque, ut pateat, etiam graves Thomistæ usus fuisse sensu diviso, & composito attinente ad hunc articulum, nempe loquendo de sensu diviso ab aliquo impedimento, sive faciendo à Deo, sive præcisivo, sive composito. Audiat clarus Mag. P. Doct. Joannes de Campoverde tom. 3. de Incarn. disp. 18. cap. 3. num. 35. loquendo de Thomistis circa præceptum Christi Domini, ubi ait primò. [ Qui asserunt, hanc potestatem non sufficere ad veram libertatem, sed requiri potestatem ponendi extremum in sensu diviso positivo à necessitate ad oppositum; sed satis esse talem sensum divisum posse fieri à Deo, sic respondent, modò asserentes, Christum, urgente præcepto, posse in sensu diviso præcepti faciendo à Deo omittere mortem. ] Deindè ait secundo num. 28. [ Verùm, quia hæc explicatio sensus divisi, præcisivi, quæ aliquando maximè arrisit Thomistis, quasi evidens diffcultatur à nostris contra prædeterminationem objectarum solutio, jam usque adeo displicet ipsis, ut perdoctus Dominicanus Magister in publicis disputationibus dixerit, se indubitanter à prædeterminatione defecturum, si alia via libertas Catholica defendi cum prædeterminatione non posset ( ut ex sapientissimo Magistro, & Antecessore P. Peynado refert Doct. Rios tract. de Judic. indiffer. disp. 2. dub. 1. §. 4. num. 36. & quem se agnovisse fatetur Illustrissimus Castell in Novissim. edit. disp. 3. q. 6. num. 1686. ibi: Et nos ut testes oculati, non invitè testamur ) ab ulteriore illius impugnatione abstinemus. ] Sed ut constet, etiam id ipsum non dissiteri R. Benitez; observanda est apud ipsum num. 62. ejus cautio mox sequentura, quæ sic se habet: Atque hic obiter cavenda, simulque notanda maxima æquivocatio &c. usque ad finem numeri. Quibus addit: *Haftenus R. Benitez, qui clarè loquitur de sensu composito, & diviso, respectu prædeterminationis.**

34. Non sanè hæc diffiteor. Quod scripsi, verum est, & probavi; plurimisque aliis argumentis, & auctoritatibus nobilissimorum Thomistarum probare possum. Legat doctissimum *Eusebium Rios* locò ab ipso

ipso citatō, qui num. 33. explicat, qualiter potestas libera salvatur per potestatem ad omissionem præcisivè divisam à prædeterminatione secundum aliquos, verumque sensum eorum exponit. *Licet tamen omnes Thomistæ in hoc conveniant, & simul in eo, quod libertas contradictionis ad obediendum non est libertas ad obediendum & inobediendum, sed ad obediendum, & ad purè negativè non obediendum; at dissentiant inter se, dum aliqui explicans potestatem voluntatis, ut liberè libertate contradictionis ad obediendum & non obediendum, per potestatem ad conjungendum actum cum præcepto & ad ponendum carentiam actus præcepti præcisivè à præcepto: Alii, verò prædictam potestatem exponunt per potestatem ad conjungendum actum præceptum cum præcepto, & ad ponendum omissionem actus præcepti in sensu positivè diviso à præcepto divisione facienda non à voluntate, cui impositum est præceptum, sed à superiore præcipiente, qui potest auferre præceptum: simili doctrina, ac ab ipsis declaratur potestas libera, quam habet ad carentiam consensus voluntas physice prædeterminata ad consensum, quæ adduc ut prædeterminata ad consensum potest ponere carentiam consensus, ut divisam à prædeterminatione ad consensum divisione facienda à Deo physice prædeterminante. Quæ quidem diversitas licet sit de re secundum aliquos, nobis tantum de voce videtur: quia quando primi Thomistæ dicunt, quod voluntas, vel præcepto subiecta, vel physice prædeterminata habet potestatem ad ponendam liberè libertate contradictionis carentiam consensus vel præcepti, vel physice prædeterminati præcisivè à præcepto, & à physica prædeterminatione, non applicant hanc præcisivè ad consensum carentiam, sed ad voluntatem, ut sit sensus: Voluntas physice prædeterminata ad consensum liberum, aut præcepto de consensu subiecta habet præcisivè, seu independenter à præcepto vel à physica prædeterminatione, posse ponere carentiam actus præcepti, aut physice prædeterminati quod est certissimum, cum voluntati jura consensu: utæ in actu primo libero respectu actus, & omissionis ipsius adveniant præceptum de actu, & physica prædeterminatio ad actum ( & idem est dicendum de carentia voluntatis præcepti, vel physica prædeterminationis, à qua actuali carentia non dependet voluntas, ut possit ponere omissionem actus præcepti, vel physice prædeterminati, & sic voluntas præscindit ab illa, ut ipsa constituat potens liberè libertate contradictionis omittere actum præceptum, aut physice prædeterminatum ) & ex hoc oritur, ut etsi cum physica prædeterminatione, vel cum præcepto retineat voluntas hanc suam potestatem ad actum, & ad actus carentiam, nec à physica prædeterminatione, nec à præcepto dependeat, in hoc quod est, talem potestatem habere. Et cum hoc etiam sentiant Thomistæ explicantes posse liberum voluntatis ad omissionem consensus præcepti vel physice prædeterminati per posse ad talem omissionem in sensu positivè diviso à præcepto, & à physica prædeterminatione: nullum est dissidium de re inter Thomistæ deservientes carentiam actus præcisam à præcepto, vel à physica prædeterminatione (juxta sensum datum) & inter Thomistas exponentes illam, ut positivè divisam.*

35. Rem hanc egregiè exponit Illustrissimus *Montalban* tom. 2. tract. de Decretis Divinæ volunt. dub. unic. §. ult. num. 88., ubi postquam num. anteced. excitavit dubium, an voluntas sit potens ad omissionem in sensu diviso præcisivo, hoc est, quoad prædicata essentialia, intrinseca omissionis, sub quibus præscindit à prædeterminatione, & ab ejus carentia? An in sensu diviso positivo, hoc est sub positiva carentia prædeterminationis ad actum? de quo fuit diversus modus loquendi apud Thomistas; nam antiquioribus placuit primus modus dicendi, qui tamen in maximè displicet recentioribus, ut videre est apud Doct. *Castell* lib. 2. q. 6. sect. 6. Quid Illūmus Præsul sentiat, sequentibus verbis exprimit: *At meum judicium circa istas solutiones semper fuit eas in substantia convenire, & tantum in modo loquendi differre, & quod licet primus modus formalior sit, posterior autem est explicatior, & expeditior. Ita breviter ostenduntur: & quidem eas in modo loquendi differre satis ex ipsis terminis constat. Quod autem non differant in sensu, suadetur, sensum utriusque explicando. Nam Authores primi modi dicendi, dum dicunt voluntatem posse ad amorem, & ad ejus carentiam secundum se, & præcisivè à prædefinitione, & ab ejus carentia, id attendunt, quod de amore, & de ejus omissione continetur sub virtute activa voluntatis, & ab ea secundum propriam virtutem, tamquam terminus formalis sue potestatis causatur; sed id attendendo verissimè, & formalissimè dicunt voluntatem esse potentem ad amorem, & ad ejus omissionem secundum sua prædicata intrinseca, & præcisivè à prædefinitione, & ab ejus carentia: ergo. Major est evidens, & constabit Authores illos legenti. Minor autem probatur. Nam licet amor non possit poni sine prædeterminatione ad ipsum, nec ejus omisso sine positiva prædeterminationis carentia; tamen apud omnes Thomistas, nec prædefinitio, nec ejus carentia continetur in potestate voluntatis, sed unicè in Dei potestate, mediis quibus subordinat sibi voluntatem, tam in amore, quam in ejus omissione: ergo quod sub potestate voluntatis continetur, & est formalis terminus activitatis illius, est tantum amor secundum sua prædicata essentialia, & præcisivè ab ejus prædeterminatione, vel ab ejus carentia. Quod amplius explicatur, & loquendi proprietas magis ostenditur. Amor prædeterminatus, & ejus omisso positivè divisa à prædeterminatione, quavis pro substrato supponant pro ipso amoris actu, & pro ejus omissione intrinseca, de formali tamen significant, vel prædeterminationem, vel positivam carentiam ejus: & si ita est; quavis creatura ponat, & causet entitatem intrinsecam amoris, dum Deus ad illum prædeterminat; & ejus omissionem, dum prædeterminationem ad actum suspendit; non verificatur in proprietate sermonis, quod causat, & producit actum positivè prædeterminatum, & omissionem positivè imprædeterminatam: ergo sententia, quæ sic loquitur, magis propriè loquitur, quam opposita. Major est evidens, & probatur minor. Nam licet album supponat pro subjecto, quia de formali significat albedinem; non albedinem non causaret, aut subjecto uniret, non diceretur in proprietate sermonis causans album, etsi subjectum ejus produ-*

duceret: unde non dicitur *causare album*, qui *causat parietem* ab alio deulbatum: & quamvis peccatum supponat pro actu, qui physice, & propriè causatur à Deo; tamen, quia Divina causalitas nullatenus se extendit ad formalem malitiam, quam de formali significat, non dicitur Deus *causare peccatum*, & sic de pluribus. Et horum ratio est: quia verba ista *causare*, & *producere*, sunt appellativa supra significatum formale termini, supra quem cadunt, ut docent communiter Dialectici cap. de Appellat. Verùm ergo est, quòd si in rigore sermonis, & proprietate significationis loquamur, & juxta regulas Dialecticæ, quæ modum proprium significandi præscribunt; non est absolute dicendum, quòd homo *causet actum positivè prædefinitum*, sed nec *omissionem positivè imprædefinitam*, si non ponit, nec *prædefinitionem*, nec *ejus carentiam*. En germana Thomistarum sensus compositi, & divisi præcislivè sumpti, intelligentia.

36. At quid argumenti, quòd hanc datam sensus compositi, & divisi explicationem Dominicanus quidam plenè non fuerit allequutus, & eam disputando aliquando rejecerit? An sensus Thomistarum ab aliquo particulari venandus est? Sui perfectò est oblitus scriptor iste; qui loquens p. 2. punct. 6. num. 104. de syllemate P. Rivadeneyra, sequentia profert: *Neque adhibita suffragantur exempla: siquidem ea, quæ congerit Gravesonius pag. 185., non sunt ad rem, eo quòd non sint de potentia completa, & immediata, quæ in sufficientia gratiæ concedi debet: neque quæ affert R. Benitez disp. 6. dub. 1. num. 6. Tam quia (loquendū de via Regia Jesuitarum, quæ in judicium potiùs trahenda est, quando agitur de dogmate retinendo, potiùs quàm unus, vel alter apex subtilior inter domesticos; cuiusmodi est illud decretum præscindens P. Rivadeneyra, quòd minus sibi consonum Societas Jesu, & retractandum duxit P. Doct. Ramirez) falsum est, creaturam sub auxilio non posse indirectè, sive prædefinitionem, sive scientiam mediàm distinctam ab ea, quæ actu datur, acquirere. Sit ergo aliquis Thomista, qui non ita bene intellexerit sensum compositum, & divisum præcislivè sumptum; in id in præjudicium totius Scholæ debet trahi? Cur non etiam via Regia Thomistarum in judicium potiùs trahenda est, quando agitur de dogmate, retinendo, potiùs quàm unus, vel alter subtilior apex inter domesticos? Non ergo opus erat tam frivola annotatione; nec est quòd ego hujusmodi nanctis perdam tum meum, tum lectoris otium.*

37. Sed hic rursus accipe Lector, invitus referam, quæ scripsit *Caducifer* par. 2. punct. 6. num. 113., nihil enim moleitum, quàm talibus argumentis respondere, quibus plenè ab Auctoribus nostris satisfactum est, & ad quæ abundè diximus disp. 1. dub. 1. §. 2. *Hic idem Auctor*, de me loquitur, §. *Sequenti ejusdem disputationis totum se dat ad explicationem sensus compositi, & divisi. De quo licet puncto præcedenti tam radicitus rem explicaverim, ut, illa explanatione bene retenta, ea, quæ hic jaciuntur faciliè ad illum lapidem confringantur; nihilominus parca hic observare oportebit. Primum hunc, & alios Auctores Thomistas hic, & propterea etiam in sua dialectica, multos esse in propositionibus*

bus modalibus distinguendis: si modus antecedit: si mediet: si subsequatur, à quibus duco abstinendum esse, non solum, quia verè sunt pura sophismatum latibula, ut ipse novit, inquitens num. 51. Caterum propter innumera, & implicatissima sophismata, quæ soleat multiplicari à sophistis in modalibus, tutius illas propositiones distinguimus: sed aliorum longe ratione supra jam explicata, scilicet, quod tota hæc structura propositionum modalium secundum affirmationem, & negationem, antecedentiam, & consequentiam modi, vel dicti, quæ reuspe à D. Thomæ, & pluribus opportunè usurpatur, aut est, aut esse præcipuè videtur pro explicando illo sensu composito, & diviso, qui tractari solet ad defendendam potentiam liberam: non verò, ut saveat Thomistis, ad libertatem proximam, & expeditam, & instructam omnibus requisitis respectu alicujus extremi determinati. Nam loquendo de hac, debet dari ex conceptu communi libertatis proximæ, & expeditæ, potentia ad tale extremum in sensu composito omnium prærequisitorum: in illa autem quaestione stabilienda potentia libera, ubi insurpantur illi termini, simultas potestatis, non potestas simultatis: omnes Theologi Catholici ad unum debent convenire, quid in potentia libera datur simul utraque potentia ad assensum, & dissensum: sed nunquam esse potest ad similitudinem, & sensum compositum assensus, & dissensus. In præsentibus quæstionibus de vera potentia proximæ, & expeditæ ad dissensum in sensu composito omnium prærequisitorum res è contra se habet: nam potentia sic expeditæ libera, sicut respectivè ad quodlibet extremum inter se, debet esse potestas in sensu diviso: sic, loquendo de tali potestate proximæ ad quodlibet extremum relatè ad omnia prærequisita se tenentia ex parte potentia debet esse potestas ad quodlibet in sensu composito talium prærequisitorum. Unde quoties id intenduntibus Jesuitis in hac controversia respondent Thomistæ, dari veram potentiam ad utrumque extremum in sensu diviso respectu extremorum inter se: nullatenus verò in sensu composito: detegitur quàm frigida, æquivoca, & nulla sit talis responsio: siquidem, licet ipsi asserant talem similitudinem potestatis: si non concedunt verum sensum compositum, & conjungibilitatem cujuslibet extremi cum libertate proximæ, & expeditæ, & omnibus requisitis se tenentibus ex parte potentia (quæ ægrè per quasvis explicationes propositionum modalium salvari poterunt, dum adest prædeterminatio) non salvant veram, & proximam libertatem cum suo illo sensu diviso, & composito tam male intruso in hunc articulum expediendum: & solum salvant existentiam potentia liberæ radicaliter veritabilis ad utrumvis, pro qua illa similitudo potentia, & impotentia simultatis legitime inducitur.

38. Et primò, quid apertius contra SS. PP., D. Thomam, aliosque primi nominis Theologos, quàm allerere usos fuisse distinctione sensus compositi, & divisi, ut solum salvant existentiam potentia liberæ radicaliter, non tamen proximè, & expeditè talis? Non insepexit ille clarissimum tot testimoniorum tenorem, quem si legisset, puerisset, opinor, hæc protulisse. Secundò, quid Caducifero confidentius, qui frigidam, æquivocam, & nullam taxat Thomistarum responsonem, dum allerunt

Tom. IV.

F f

da-

dari veram potentiam ad utrumque extremum in sensu diviso prædeterminationis, nullatenus verò ad existentiam utriusque extremi in sensu composito prædeterminationis? Istud evincat primò *Caducifer*, ut postea pergat argumentari, argumenta enim requirimus. Et sanè, licet verissimum sit, quòd ad libertatem immediatam actus requiritur potentia ad conjungendum carentiam illius cum omnibus requisitis ex parte actus primi ad illum; falsissimum tamen est, requiri potentiam ad conjungendum carentiam cum omnibus, quæ defacto conjunguntur cum actu, licet illum antecedant. Constat id apertissimè in prædestinato, qui verè est liber, ut perseveret, licet non possit conjungere carentiam perseverantia cum decreto intentivo gloriæ. Constat insuper in *Christo* Domino, qui fuit perfectissimè liber ad mortem; & tamen conjunctio carentiæ mortis non fuit conjungibilis cum præcepto. Id etiam videre est in principiis Scholæ Jesuitarum. Primò, complexum scientiæ mediæ de efficacia auxilii, & decreto collativo illius infert infallibiliter actum, quem antecedit; estque per illius omissionem inimpedibile; nam scientia mediæ præcedit decretum illud, cum sit regulativa ejus, ut plures ex ipsis affirmant. Est insuper requisita ex parte Dei, ut providè, & ex speciali benevolentia det actum supernaturalem; etenim cum actus supernaturalis essentialiter exigat sic à Deo procedere, scientiam mediani essentialiter præsupponit, quæ ita præcedit actum, ut per eum nec possit acquiri, nec per ejus omissionem impediri, ut expressè affirmant PP. *Molina*, *Suarez*, *Granados*, citati à P. *Ruiz*: & tamen cum tali complexo salvatur perfecta libertas, quin possit voluntas cum tali decreto conjungere omissionem actus; aliàs scientia mediæ pollet falsificationi: ergo.

39. Secundò, ut possibile plures ex AA. Societatis propugnant, Deum posse formare hoc decretum: *Decerno nullum conferre auxilium, nisi quod prævidero efficax*; Deus quippè scientiâ necessariâ cognoscit liberum sibi esse conferre, vel non conferre auxilium; ac per consequens & liberum esse ei decernere nullum conferre auxilium, aut conferre solum efficax; cujus decreti possibilitatem tenentur omnes concedere, cum de facto hoc decretum efficax contulerit *Christo* Domino, & Beatissimæ *Virgini Mariæ*. Quò supposito, sit casus, quòd pro alio signo decernat conferre auxilium efficax. Modò sic: Complexum utriusque decreti infert infallibiliter actum, cum utraque pars illius præcedat omne exercitium liberum voluntatis: primum decretum, cum sit regulatum scientiâ necessariâ; etiam secundum, cum ex vi illius conferatur auxilium constitutivum libertatis: & tamen cum tali complexo salvatur ab AA. illis perfecta libertas, quin omisso actus sit conjungibilis cum tali complexo utriusque decreti: ergo. Tertiò, id perspicue videre est in sententia plurium Auctorum Societatis, quos sequitur P. *Avendaño* tom. 2. disp. 11. cap. 2., asserentium nedùm esse possibile prædefinitiones efficaces nostrorum actuum; verùm etiam esse necessarias, ut Deus tamquam specialis benefactor discernat consentientem à non consentiente; & tamen cum his prædefinitionibus, saltem in statu absoluto in-

te.



ferentibus infallibiliter actum, salvatur vera libertas, quin oppositum actus sit conjungibile cum eis: ergo licet oppositum actus prædeterminati non sit conjungibile cum prædeterminatione actus, salvatur vera libertas. Et ratio est, quia, cum indifferentia creata sit reducenda ad actum ex dispositione Divina, non destruit libertatem actus, quod ex parte Dei, qui illam potest reducere ad actum liberum determinatum, detur aliquid inferens ejus determinationem ad actum, cum quo opposita determinatio non possit conjungi, & quod auferri non possit per voluntatem creatam. Quod solum probat Deum facere, ut indifferentia creata ad actum liberum reducat.

40. Verum hic *Caduciferum* appello, si menūnerit illius, quod aliquando scripsit; quantum enim ego capio, exercitium liberum voluntatis prorsus è medio tollit, dum sic arguit: *Licet ipsi (Thomistæ) afferant talem simultatem potestatis, si non concedunt verum sensum compositum, & conjungibilitatem cujuslibet extremi cum libertate proxima, & expedita, & omnibus requisitis se tenentibus ex parte potentia. . . non salvant veram, & proximam libertatem cum suo illo sensu diviso & composito &c.* Tum ego sic subsumo: Atqui idem *Caducifer* non admittit verum sensum compositum, & conjungibilitatem cujuslibet extremi cum libertate proxima, & expedita, & omnibus prærequisitis, se tenentibus ex parte potentia; scilicet cum scientia media, & decreto eidem innixo: ergo tollit è medio omne exercitium liberum voluntatis. Minor probatur ex ipso *Caducifero* pag. 296. num. 81. dicente: *Quando potentia libera subiecti adjungitur prædestinatio, tunc non datur potestas ad moriendum in peccato mortali in sensu composito talis prædestinationis, quæ ex parte potentia se habet instar impedimenti.* Si prædestinatio sit instar impedimenti ex parte potentia: ergo prædestinatus non habet expeditam potentiam ad utrumque extremum, scilicet ad moriendum, vel non moriendum in peccato mortali: ergo si juxta ipsum ad exercitium libertatis talis expedita potentia requiritur, sequitur, quod hic & nunc prædestinatus non sit liber. Hic recurrit ad hoc quod potuerit homo aliter se exercere, dum Deus per scientiam medium indagabat, quid homo in ultimis vitæ circumstantiis esset factururus, adeoque potuisset aliam scientiam mediam acquirere, & decretum aliud. Sed hoc effugium diserte refellitur. Primò, quia quod in statu absoluto non potest facere voluntas, absolute, nec potest facere conditionatè in statu conditionato: actus enim idem est, & potentia eadem in statu absoluto & conditionato: tum, quia inde sequitur, quod, quicquid sit de statu conditionato, de facto homo in statu absoluto non sit liber; cum in statu absoluto non possit conjungere omissionem mortis in peccato mortali cum prædestinatione: sicque in ipsius caput recidit saxum, quod tanto conatu in Thomistas volebat; salvari solum in homine, mediâ distinctione sensus compositi, & divisi, existentiam potentia liberæ radicaliter vertibilis ad utrumque; non verò veram, & proximam hic & nunc libertatem. Addere possum & hoc: aut scientia media est regula, & mensura decreti sublequentis, aut non est? Si scientia media dicatur re-

gula, & mensura decreti, jam videt horribilem consequentiam inde deductam, quam tantoperè & P. Molina ipse, ac etiam Caducifer pag. 96., à suis conatus est amovere. Et rursus: jam creatura ellet potens determinare Deum ad illius decreti omissionem, ac per consequens, & ellet potens impedire Deum, nè tale decretum concipiat: ergo cum omisso illius decreti non possit Deo non esse libera, & decretum, si ellet, liberum etiam Deo esset; posset utique creatura determinare Deum ad exercitium liberum, aut eum à libero exercitio impedire, quod aperte falsissimum est. Si verò scientia media non sit regula, & mensura subsequentis decreti: ergo falsum est, quòd homo aliter se exercendo in statu conditionato potuerit acquirere aliud decretum: sicque funditus destruitur libertatis exercitium in systemate Caduciferi. Reliqua omitto, ut ad alia pergam.

## §. IV.

*Qualis sit potestas antecedens, & consequens liberi arbitrii?*

41. **U**T nullus terminus maneat incognitus, & maxime potestas voluntatis, quam, dum ipsam consideramus in signo actus primi, dicimus habere potestatem antecedentem ad utrumlibet extremum, non tamen consequentem, quia ista non spectat ad actum primum, sed illum & ejus indifferentiam supponit; estque potestas determinati actus, libertati non officiens, sed illam per actum liberum perficiens; tum causaliter in vi Divinæ motionis, tum formaliter per actum ipsum voluntatis. Hinc frequentissime occurrit equivocatio in usu istarum vocum *potestas antecedens*, *potestas consequens*, quæ propter suam obscuritatem explicatione egent; cum ex ipsis conficiantur propositiones sophismatibus, & fallaciis ita irretitæ, & illaqueatæ, ut penè inintelligibiles videantur: quare brevem illarum notionem dare in præsentem conamur.

42. Significatio istarum vocum eo quaerenda est modo, quo i. p. q. 10. art. 6. investigatur significatio illarum, *voluntas antecedens*, *voluntas consequens*: nam etsi non sit in omnibus paritas, tenet tamen ad intentum, quia ad istarum modum illis utuntur Theologi. Respicit voluntas antecedens, quæ est voluntas beneplaciti, objectum secundum se consideratum, id est nudum ab accidentibus extrinsecis, quæ hic, & nunc illud circumstant: v. g. Vult Deus salutem omnium hominum præscindendo à circumstantiis extraneis, quia salus hominum ita considerata bona est, & voluntatem Divinam decet eam sic consideratam amare. Voluntas hæc dicitur antecedens, non quia ex parte voluntatis Divinæ sit prius, aut posterius, sed quia objectum secundum se inspectum, hoc est, secundum propria, & sibi intrinseca, est quodammodo prius se ipso accepto, aut vestito, ut ita dicam extraneis, quæ sibi accidunt. Unde in cognitione nostra prior est consideratio hominis secundum se, id est secundum sibi propria, & intrinseca, quam considera-

tio

rio hominis albi, aut nigri. Rursus, voluntas Divina vult, damnari *judam* proditorem, quia illum non respicit præcisè ut hominem, cujus salutem, ut sic, amat, sed ut infectum prodicionis scelere, cujus salus ordini repugnat justitiæ; & hæc voluntas dicitur consequens, quia *judam* respicit illâ extrinsecâ circumstantiâ vestitum, quæ est posterior illius hominis consideratio. Inter has autem voluntates hoc iterum intercedit discrimen, quod prima est inefficax, & cum existentia sui objecti inconnexa, eò quod in objecto non attingit omnia, cum quibus in re poni debet illius existentia; secunda autem voluntas dicitur efficax, & cum existentia sui objecti connexa, eò quod illud amat cum omnibus illis, cum quibus juxta dispositionem Dei poni debet sub existentia.

43. Nec tamen voluntates istæ, quod maximè est advertendum, in eo differunt, quod voluntas consequens respicit objectum, & illius existentiam, voluntas verò antecedens non respicit existentiam objecti: & similiter potestas consequens respiciat existentiam actûs, potestas verò antecedens non item: hæc enim est falsa vocum intelligentia; nam & voluntas antecedens, & antecedens potestas existentiam respiciunt, hæc nimirum existentiam actûs, illa objecti: sed differunt, quia voluntas, & potestas consequens ab accidentibus non præcindunt, cum quibus juxta circumstantias hic, & nunc occurrentes, quæ tam actui, quam objecto plerumque sunt extrinsecæ, debent sub existentia poni. Voluntas, & potestas antecedens non ita: sed licet respiciant objectum, & actum in ordine ad existentiam, ab illis præcindunt accidentibus, à quibus illorum non pendet existentia. Ratio autem, quare voluntas antecedens non præcindat ab existentia objecti, duplex est: prima, quia Deus non amat merè possibilia: secunda, quia voluntas antecedens, quæ Deus amat salutem omnium hominum non est necessaria, sed libera, ac proinde terminari debet ad objectum contingens. De potestate verò, ac potentia antecedente voluntatis ad actum, quod non præcindat ab existentia actûs, ratio est perspicua: nam etsi existentia accidat actui, quippe qui potuit non existerè, non tamen accidit actui, ut determinatè & exercitè causabili, sed qua ratione inspicitur à potentia illa, si vera est potentia, quia actus non alio modo est causabilis, nisi per hoc, quod à potentia ponatur sub existentia.

44. Pari ergo modo, proportionè tamen servatâ, dicendum est, ac sentiendum de potestate antecedente voluntatis ad actum, & consequente; quas potestates duplìciter in voluntate distinguimus, quia voluntatem in duplici statu consideramus; nempe in actu primo proximè expedito ad operandum; & illam hic expeditam consideramus, quasi secundum se pro priori ad omnem determinationem, propriam scilicet, & illam, quæ ipsi provenit ex motione efficaci Dei. Secundò in signo determinationis propriæ, ex motione illa provenientis. Si voluntas accipiat in primo signo, dicimus esse in voluntate potestatem antecedentem ad aliquod exercitium vagè; cum, ut suprà diximus, morio Dei efficax non sit huiusmodi potestatis completæ, expeditæ, integræ, & absolutæ constitutivæ. At verò considerando voluntatem in ligno deter-

minationis suæ à motione Dei incipientis; non amittit illam antecedentis potestatis indifferentiam; sed addit ad illam determinationem propriam hujus posterioris signi. Quæ determinatio est propterea *consequens* illam *antecedentem* potestatem, non successione, sed naturæ & origine, & ideo utraque est simul. In illa ergo, utroque in statu considerata, hæc duplex rectè distinguitur potestas: at nos voluntati prædeterminatæ ad consensum salutarem concedimus potestatem consequentem ad consensum, id est, vires illas additas potestati, juxta dicta Dub. antecedenti, quibus insuperabiliter, & indeclinabiliter juxta S. *Augustinum* conjungitur cum consensu; quas vires ex se voluntas in actu primo constituta non habet, neque illis opus habet, non enim sunt ad posse, sed ad agere; sed eas ab illo accipit, qui juxta eundem *Augustinum*, ne deficiat inter tantas sæculi tentationes, illi præbet vires efficacissimas. Rursus voluntati sic prædeterminatæ negamus potestatem consequentem ad dissensum duplici titulo: primò, quia determinata est ad consensum; quæ prædeterminatio impedit prædeterminationem dissensus: Secundo, quia caret prædeterminatione dissensus, sine qua illum non potest habere, etiam si voluntatem ad consensum non prædeterminasset, quod clarum est, si omisio pura non admittatur possibilis. Sed tamen ratio formalis, quare non datur tunc potestas consequens ad dissensum, non est prædeterminatio, nec negatio prædeterminationis ad consensum; sed ipse actus consensus, quia in sensu composito sui excludit potentiam ad sui non esse, sive ad componendum cum suo esse suum non esse. Tandem voluntati prædeterminatæ ad consensum concedimus potestatem antecedentem ad dissensum, quàm prædeterminatio nec abstulit, nec auferre potuit; nec magis illam auferre potest ipse consensus.

45. At cum res obscura, implexa, & implicatissima sit, iterum diligenter notandum, quòd potestates istæ *antecedens*, & *consequens*, quas in voluntate distinguimus, non differunt ex parte subjecti, est enim facultas una, & eadem identificata cum voluntate in actu primo completo constituta: sed differunt ex parte objecti, seu termini per se inspecti. Potestas consequens secuta ex prædeterminatione respicit consensum ut hic, & nunc ponendum cum omnibus sive intrinsecis, sive extrinsecis circumstantiis. Potestas consequens denegata ad dissensum respicit dissensum, non quidem secundum se, quia ut sic non est impossibilis, sed attentis circumstantiis, quæ accidunt voluntati, nimirum prædeterminatione consensus, & carentiâ prædeterminationis dissensus, quæ accidentia sunt respectu voluntatis in actu primo considerata; & sine quibus voluntas in illo statu subsistit. Potestas antecedens concessa voluntati ad consensum efficaciter motæ, ac prædeterminatæ, dissensum respicit, ut à se sub existentia ponibilem, at non in circumstantiis istis, quibus voluntas hic, & nunc invenitur affecta. Quia tamen potestas constitutiva libertatis, cum essentialis sit voluntati, non constituitur per respectum, ut à se exercendum his, vel illis circumstantiis affecta; sed per respectum ad actum, ut absolute ponendum cum subordinatione ad Deum

Deum; quòd hic, & nunc per accidens, & ab accidentibus impediatur, sufficit quidem, ut actus infallibiliter non existat; at nullatenus officiet potestati, quæ à quolibet istorum determinatè accepto præscindit, & nunquam fuit ad ponendum actum, sive diñsensum, ut conjunctum cum prædeterminatione consensùs, sive à prædeterminatione diñsensùs positivè divisum. Exemplum adest in sententia Contrariorum, qui voluntati actû amanti Deum, negare non possunt potestatem consequentem ad amorem, & impotentiam consequentem ad odium unâ cum potestate antecedente ad odium. Et si ab eis requiras, quomodo potestas antecedens voluntatis actû amantis respiciat odium, quod est consequenter impossibile? Responso in promptu est, quia hæc impotentia consequens nihil minuit de potestate absoluta ad odium: tum quia existentia amoris est per accidens respectu voluntatis liberæ, quæ salvâ suâ libertate potest odio, & amore disjunctim carere: tum quia potestas ad odium est ad illud absolutè inspectum, non ad illud conjungendum cum amore, cum hæc potestas sit penitus implicatoria.

46. Negat pag. 333. num. 5. *Caducifer*, posse dici à gratia efficaci dari potentiam consequentem hisce verbis: *Appellare potentiam consequentem illam, quæ est à gratia efficaci, & se debet habere cum prioritate ad actum, omnis recta Philosophia, & Theologia prorsus ignorat.* Audacter quidem, & confidenter, velut è tripode definit; sed definiendo ostendit se à vera Philosophia, & Theologia hospitem, & peregrinum. Legat ergo *S. Thomam* 1.2.q.111. art.3. inveniet ibi: *Et sicut unus effectus est posterior uno effectui, & prior altero; ita gratia potest dici præveniens, & subsequens secundum eundem effectum, respectu diversorum...* Et ideo gratia, secundum quod causat in nobis primum effectum, vocatur præveniens respectu secundi effectus; & prout causat in nobis secundum, vocatur subsequens respectu primi effectus: quare ergo gratia causans in nobis operationem, eamque præveniens, non poterit dici subsequens, vel consequens respectu gratiæ constituentis potentiam in actu primo? Legat & *S. Augustinum* lib. de nat., & grat. cap.31. inveniet: *Misericordia ejus prævenit nos: prævenit autem, ut sanemur, quia & subsequitur, ut jam sanati vegetemur. Prævenit ut piè vivamus, subsequitur, ut cum illo semper vivamus; quia sine illo nihil possumus facere.* Ubi gratia, quâ vegetamur, est prior haud dubiè augmento; dicitur tamen subsequens, quia est posterior gratiâ, quâ sanamur: ita gratia efficax est prior opere, optimè tamen dicitur spectare ad potentiam consequentem; quia supponit potentiam in actu primo constitutam. Hos veræ Philosophiæ, ac Theologiæ Principes legere debebat, priusquam tam magistraliter sententiam ferret.

47. His positis dicendum primò: Potestas antecedens ad diñsensum manens in voluntate cum prædeterminatione ad consensum, est potestas ad ponendum diñsensum cum subordinatione ad Deum; & est potestas dupliciter subordinata, scilicet negativè, & positivè: quia ut ponat diñsensum, requiritur, & quòd Deus auferat prædeterminationem consensùs, & quòd tribuat prædeterminationem diñsensùs. Primum funda-

damentum est, quia existentia dissensus duo ex parte potentiae requirit, & quòd potentia sit expedita à prædeterminatione consensus, & quòd sit determinata ad dissentium juxta qualitatem dissensus: pro materiali, si dissensus malus sit, & tam pro materiali, quàm pro formalis, si bonus sit. Nam sicut est immediata repugnantia in eo, quòd dissensus coexistat consensui, eò quòd immediate, & formaliter dissensus contrariè, & virtualiter contradiCTORIè opponitur consensui, ita mediata, & indirectè opponitur dissensus prædeterminationi consensus: quod enim directè, & formaliter opponitur effectui, indirectè, ac mediata opponitur causae intallibiliter cum effectu connexa. Ulterius: virtus operativa causae creatae indiget promotione divina, quae effectivè reducat ad actum, & quia est virtus potentialis, quae cum seipsam reducere non possit, indiget reduci à virtute per se in actu, quae non potest esse alia, quàm divina, ut luculenter ostendit D. Thomas 2. contra Gent. cap. 15. num. 5. ubi sic discurre: *Omne, quod est possibile esse, & non esse, habet aliquam causam, quia in se consideratum ad utrumlibet se habet: & sic oportet esse aliquod aliud, quod ipsum ad unum determinet. Unde cum in infinitum procedi non possit, oportet, quòd sit aliquod necessarium, quod sit causa omnium possibilium esse, & non esse. Necessarium autem quoddam est habens causam suae necessitatis; in quo etiam in infinitum procedi non potest; & sic est devenire ad aliquid, quod est per se necesse esse. Hoc autem esse non potest, nisi unum, ut in 1. lib. cap. 13. ostensum est, & hoc est Deus; oportet igitur, omne aliud ab ipso reduci in ipsum, sicut in causam essendi: atqui contingens est, & possibile, quòd potestas antecedens ad dissentium, manens in voluntate prædeterminata ad consensum expediatur, & conjungatur cum dissensu: ergo utrumque debet habere à Deo, ac subinde in utraque Deo subordinari.*

48. Secundum fundamentum, quo & solvitur potissimum argumentum Contrariorum, desumitur ex eo, quòd potestas antecedens ad dissentium, manens in voluntate reducta ad actum consentiendi, verè est domina talis actus, quamvis sit Deo subordinata. Non enim ad verum dominium exigitur, quòd Dominus possit se expedire ab omni impediumento retardante exercitium, & omnia illa per se acquirere, quae ex parte actus secundi ad exercitium domini sunt necessaria. Constat ex ipsa domini creati definitione: in illa enim duplex statuta subiectio potestatis creatae ad Deum præcontinetur. Etenim dominium est, juxta suam unanimiter receptam definitionem, *Facultas utendi re in usus à lege permixtos*, quae domini notio illam duplicem subiectionem importat. Nam ad actuale usum rei duo requiruntur, scilicet carentia legis prohibentis, quae carentia nullatenus existit in potestate hujus, vel illius particularis domini; & voluntas permissiva Legislatoris, quae unice pendet, & pro libito Principis existit. Ergo non est ita certum, firmum, & inconcussum illud Contrariorum principium, quòd ad verum dominium requiritur, quòd excludat illam duplicem subordinationem, quam dominium creatum in nostris principiis constitutivè includit. Quare nihil apud Theologos, & Juristas firmitus, & constantius,

tius, quàm quòd homines plurium rerum habent dominium verum, ac proinde propriè tale, qui tamen prohibentur plures inire contractus, plures donationes facere, ita sanè, ut contractus celebrati, & donationes factæ ex ipsismet rebus, quarum homo habet dominium verum, ac propriè tale, irritæ sint, ac nullæ, quia nempe obstat lex prohibens, & deficit Principis voluntas. Quòd si ab ipsis inquiras: ubi ergo illarum rerum dominium? Dominium, quod ab alio impediri potest, dominium non est. Respondebunt profectò negaudo assumptum: vel distinguens: Non est dominium supremum, quale habet Deus Legislator Supremus, aut Princeps, qui nulli superiori in suis dispositionibus subordinatur, concedo: non est dominium subordinatum, quale decet subditos Dei, aut Reipublicæ, nego: ergo evidens est, non pugnare subordinationem cum omni vero dominio, & dominium subordinatum esse verum dominium, ut ipsa creati dominii definitio protestatur, & clamat.

49. At dices forsàn: Et si contractus illi, locationes, venditiones, donationesque irritentur, ad plures alios rerum usus remanet dominii facultas expedita: ergo non est paritas. Sed negatur consequentia. Primò, quia illa facultas, quæ in rerum Domini manet, est etiam subordinata vel Deo, vel Principi permittenti; cum possint illam impedire; & voluntas illa permissiva Principis non est in manu, & potestate Domini inferioris; quod etiam accidit in homine respectu Dei in ordine ad peccata, & reliquos actus liberos. Secundò, quia etiam homini proximè potenti, & expedito ad operandum remanet liber usus suæ voluntatis ad alium actum, sive ad aliud suæ libertatis exercitium. Si namque est possibilis pura omissio libera, implicat contradictionem, hominem esse in actu primo proximè expedito suæ libertatis, & carere omni exercitio libero, ut est constans in hac sententia, alioquin duæ contradictoriæ essent simul falsæ, quia homo esset sub negatione duplicis exercitii contradictorii. Si verò pura omissio libera sit impossibilis, & voluntas in actu primo sit completè constituta, non potest connaturaliter omni exercitio libero carere, ut Auctores hujus sententiæ frequenter allerunt; quia dicunt, quòd causæ proximè expeditæ ad operandum concursus est debitus, & connaturaliter datur, & quòd possit à Deo de sua potentia absoluta concursus ille denegari, tantum convincit dominium voluntatis non esse supremum, sed Domino Dominantium subordinatum, quod non inconveniens credimus, sed ut veritatem, sanamque doctrinam tuemur.

50. Non ergo est ista contemnenda paritas; & sicut dominium nostrum verè est subordinatum quoad res exteriores, ita & subordinatum dicimus quoad actus interiores, & electiones voluntatis. Hoc explicat D. Thomas 3. contra Gentes cap. 89. num. 1. ubi relatà Origenis opinionem, quòd scilicet Deus per hoc causet nostræ voluntatis motus, quòd illi tribuit virtutem, relinquendo ipsi determinationem actûs; ex illa, ait, inferri doctrinam, quam exhibet solutio. Verba D. Th. hæc sunt: *Quidam verò non intelligentes, qualiter motum voluntatis Deus in nobis causare possit absque præjudicio libertatis voluntatis, conati sunt*

bas auctoritates malè exponere, ut scilicet dicerent, quòd Deus causas in nobis velle, & perficere, in quantum dat nobis virtutem volendi, non autem sic, quòd faciat nos velle hoc, vel illud: sicut Origenes exponit in 3. Periarcon, liberum arbitrium defendens contra auctoritates prædictas: & ex hoc processisse videtur opinio quorundam, qui dicebant, quòd providentia non est de his, quæ subsunt libero arbitrio, scilicet de electionibus: sed providentia refertur ad exteriores eventus. Non enim, qui eligit aliquod consequi, vel perficere, puta, edificare, vel ditari, semper poterit ad hoc pervenire: & sic eventus actionum nostrarum non subjacent libero arbitrio, sed providentiâ disponuntur. Quibus quidem auctoritatibus Sacra Scriptura resistitur evidenter. Dicitur enim, Isaia 26. Omnia opera operatus es in nobis Domine. Undè non solum virtutem volendi à Deo habemus, sed operationem. Sic D. Thomas, quibus evidenter ostendit, eandem esse subjectionem voluntatis ad Deum in ordine ad actus interiores, ac in ordine ad actus exteriores: & in voluntate subjecta eodem modo salvari dominium, subiectum scilicet, ac subordinatum, quod clarissimè dixit Apostolus ad Rom. allicrens: *Velle, non esse volentis, neque currentis currere*, appposito exemplo in actu exteriori, quale est currere, & in actu interiori, quale est velle.

§1. Hujus rei tertium fundamentum defunnitur ex eo, quòd potestas, quæ manet in voluntate composita cum consensu, undecumque proveniat illi hæc compositio, in nulla sententia est reducibilis ad dissensum, nisi per hoc, quòd ab ea auferatur concursus Dei ad consensum, & illi detur concursus ad dissensum. Hoc in nostra sententia probari non debet, sed ut certum præsupponi. At clariùs est in sententia Contrariorum, in qua concursus Dei ad consensum est ipse consensus, cum quo non potest componi dissensus. Et cum dissensus existere non possit sine concursu, fit consequens, requiri ad existentiam dissensus, & quòd à voluntate auferatur concursus ad consensum, & quòd illi detur concursus ad dissensum. Hoc certissimum est, præsertim apud illos, qui admittunt contra Durandum necessitatem concursus Divini immediati ad omnes operationes causarum secundarum: ergo vel per hoc, quòd Deus pro suo dominio auferat à voluntate concursum ad consensum, ac pro suo dominio det concursum ad dissensum, vel per hoc, quòd voluntas ipsa concursum ad consensum pro suo dominio abiciat, ac pro dominio suo concursum faciat existere requisitum ad dissensum. Hoc consequens sub illa distinctione evidenter intuetur, eò quia tam carentia concursus ad consensum, quam positio concursus ad dissensum debent existere ex alicujus dominio, & dispositione immediata; cum non existant à casu respectu omnium agentium, & provisorum, creati scilicet, & increati: ac subintelligit vel ex immediato dominio Dei, vel ex immediato dominio creature.

§2. Quo supposito, si dicatur primum habemus planè id, quod intendimus: nam carentia concursus ad consensum existet tunc ex dominio immediato Dei, & voluntas ad illam se habebit purè passivè, & verè subjecta: similiter concursus ad dissensum existet ex immediato Dei,



Dei dominio, & ad illum voluntas se habebit purè passivè, ac per illum Deo subicitur immediatè. Si autem secundum dederint, Deus erit duplici titulo creatæ subjectus voluntati. Nam tunc, quòd Deus non concurrat, ex dominio immediato provenit voluntatis creatæ: ergo Deus in non concurrendo voluntati creatæ erit subjectus: & sicuti in sententia Thomistarum, quia voluntas ad consensum concurrere non potest, nisi Deo pro suo immediato dominio concurrente, omnes Thomistæ consequenter allerunt, voluntatem creatam in concurrendo esse dominio Dei immediatè subjectam; & hæc est immediata, & vera causalis: *Ideo voluntas concurrat, quia Deus vult illam concurrere*, quæ explicatur tum dominium Dei supra voluntatem, tum subjectio immediata voluntatis ad Deum in concurrendo; ita in Contrariorum sententia causalis hæc vera ellet: *Ideo Deus concurrat, quia voluntas creatæ vult Deum concurrere*, in qua & subjectio Dei ad voluntatem, & dominium voluntatis supra Deum explicatur. Atque eodem modo formari debet causalis in ordine ad non existentiam concursus requisiti ad existentiam dissensus. Si namque concursus iste non existit ex dominio immediato creatæ voluntatis, ista est vera: *Ideo non concurrat Deus, quia voluntas creatæ non vult Deum concurrere*, in qua evidenter dicitur tum subjectio Dei ad voluntatem creatam, tum dominium voluntatis in Deum; sicuti in Thomistarum sententia, quia concursus, & actus existunt ex immediato dominio Dei, hæc est vera: *Ideo Deus & voluntas concurrant, quia Deus vult & suum, & voluntatis concursum*; in quo explicatur dominium Dei in suum, & voluntatis creatæ concursum.

53. Dicendum est secundò: Potestas voluntatis in actu primo proximè expedito constitutæ pro priori ad omnem determinationem, est potestas Deo immediatè subordinata, & irreducibilis ad actum, nili medio concursu determinante, ac proinde est potestas antecedens, & quæ non fit consequens nisi Deo præmòvente. Conclusio hæc, quæ totam sententiam continet, atque explicat Thomistarum, convincitur tum ex dictis conclusionibus antecedenti, tum ex omnibus, quæ in toto hoc tractatu diximus. Per illam Thomista Pelagio opponuntur directè, qui negavit, arbitrium liberum indigere ope, auxilioque divino, ut constat ex verbis Pelagii apud S. Hieronymum: *Dedit mihi arbitrium, quid rursus te ingeris de mea libertate?* Et apud Augustinum de gratia Christi cap. 4. ubi fatetur Pelagius: *Potestatem bene agendi habere nos ex Deo; quod verò bene volumus, vel loquimur, vel cogitamus, nostrum est, qui omnia vertere possumus in malum*. Opponuntur insuper per hanc sententiam Thomistæ P. Molina sententiæ, contra quam ex iisdem locis possunt argumenta deduci.

54. At nihilominus iterum repetenda sunt verba Concilii Tridentini sess. 6. de iustificat. cap. 5. docentis: *Neque tamen sine gratia Dei movere se ad iustitiam coram illo liberâ suâ voluntate possit*. Ex quibus manifestissime conficitur conclusionis probatio. Homo præditus liberâ voluntate, ut se moveat ad iustitiam coram Deo, est homo constitutus in actu primo proximè expedito ad se movendum ad iustitiam coram.

G g 2

Deo.

Deo. Hoc est evidens apud omnes, praesertim apud Contrarios, qui libertatem non agnoscunt, deficiente quovis requisito ad operandum; quare allerunt, quod, quia praedeterminatio requiritur à Thomistis, ut necessaria, illà deficiente, deficit libertas, & non adest actus prius proxime expeditus: sed homo ex sua libera voluntate non potest sine gratia Dei se ad iustitiam coram Deo movere, ut habetur ex verbis Concilii expressè docentis, hominem liberà suà voluntate se movere non posse ad iustitiam sine gratia Dei: ergo ultra id, quo homo integrè in actu primo constituitur, ulterioris gratiae auxilio indiget; aliàs sine gratia post libertatem habitam posset se ad iustitiam movere: ergo potestas, quam habet constitutus sic in actu primo, subordinata est Deo, ita ut conjungi non possit cum consensu, nisi in virtute illius gratiae superadditae. Pater haec consequentia; quia potestas, quae, ut conjungatur cum suo actu, eget gratia Dei, Deo in illa conjunctione faciendae subordinatur: sed potestas illa, ut conjungatur cum suo actu, videlicet cum motu ad iustitiam, eget gratia Dei: ergo Deo in hac faciendae conjunctione subordinatur.

55. Vim, & efficaciam hujus argumenti explico. Nihil apud Contrarios firmius, aut planius, quàm loqui Concilium illo in capite de gratia efficaci: unde quoniam ibi dicit, posse hominem abjicere inspirationem, allerunt, omnem efficaciam gratiae ex consensu nostro desumi; quod licet nos falsum putemus, tamen certissimum est, ibi Concilio sermonem esse de gratia efficaci, quam docet contra *Pelagium, Lutherum*, & *Calvinum* bene cohaerere cum libertate: nec est illi sermo de gratia sufficiente, ut ab efficaci distincta, quia de illa, an libertati officeret, non erat cum *Haeticis* controversia. Et maxime, quia Can. 4. loquens in omnium sententia de gratia efficaci, sumptus, & constructus fuit ex doctrina capitis 5. Modò argumentum instauro: Homo in actu primo suae libertatis per auxilia sufficientia constitutus non potest exercere, & in actu secundo sine gratia efficaci movere se coram Deo ad iustitiam: ergo potestas illa proxime expedita non est tanta, quae in suo motu, & ut cum illo conjungatur, gratiae Dei non subijciatur ulteriori.

56. Nec dicas, ultra gratiam sufficientem definire Concilium, esse necessarium concursum gratiae simultaneum. Nam sequitur ex solutione definiri à Concilio, ut homo se moveat ad iustitiam, requiri motum hominis ad iustitiam; cum in ipsorum principiis, ut diximus, concursus simultaneus sit motus hominis ad iustitiam. Præterea apud ipsos eadem ipsissima potestate, quā homo habet pro libito actum, seu motum ad iustitiam, habet in manu concursum simultaneum: ergo Concilium doceret, quod ut homo se moveat ad iustitiam, eget concursu, quem Deus, supposita libertate, non potest impedire, quominus exillat. Ad hæc: Doctrina Concilii eò tendit, & infallibiliter allequitur, nimirum, & efficaciam gratiae non obstat libertati, & nostram libertatem pendere à gratia efficaci, ut se moveat ad iustitiam: sed in habendo concursu simultaneo homo non pendet à Deo, supposita libertate; nam concursus iste existit in ipsorum doctrina pro dominio, & placito voluntatis, & non

& non pro dominio immediato Dei : ergo non agit de tali concursu .

57. Novum hujus rei argumentum sumitur ex Canone 22. ejusdem Sessionis , ubi sic definit Concilium : *Si quis dixerit , justificatum , vel sine speciali auxilio Dei in accepta justitia perseverare posse , vel cum eo non posses anathema sit .* Fit , inquam , novum , vel idem argumentum , inquirendo , de quo auxilio attulerat Concilium , esse requisitum ad posse perseverare ? Et rursus , quale sit hoc posse , quod præstat illud speciale auxilium ? An scilicet sit posse per modum actus primi proximi , & expediti , quo constituitur potestas proxima ad perseverandum , quam potestatem nos dicimus antecedentem ? An verò sit posse consequens , sive connexum cum ipsa perseverantia actuali ? Constat autem ex cap. 13. ejusdem Sessionis loqui Concilium de perseverantia finali , de qua scriptum est *Matth. 10. & 24. Qui perseveraverit usque in finem , hic salvus erit .*

58. Porro de auxilio isto duo nobis ad præsens necessaria docet S. *Augustinus* lib. de dono perseverantiæ . Primum est , auxilium istud , in quo donum perseverantiæ consistit , seu à quo est ipsa nobis perseverantia , non esse in nostra potestate , ut illud pro libito habeamus , quia illud petimus , ut probat ibi cap. 2. his verbis : *Cur autem perseverantia ista petitur à Deo , si non datur à Deo ? An & ista irrisoria petitio est , cum id ab eo petitur , quod scitur , ipsum non dare , sed ipso non donante esse in hominis potestate ?* Deinde attulerit , tantam esse hujus auxilii efficaciam , ut non solum illud non possimus respuere , verum nec in sensu composito illius possimus amittere dona ex se amissibilia , quia arbitrio nostro subjecta : ita ibi cap. 6. dicens : *Quomodo enim potest amitti , per quod fit , ut non amittatur etiam , quod posset amitti ?*

59. De justificato autem certissimum est habere omnia ex parte actus primi requisita ad perseverandum . Constat primò , quia justificatus in justitia accepta jubetur perseverare : obligatio autem perseverandi supponit potestatem proximè , absolutè , & integrè ad perseverandum expeditam . Secundò : quia ut docet *Tridentinum* cap. 11. *Deus sua gratia semel justificatos non deserit , nisi ab eis prius deseratur :* at desereret protectio justificatum , si ei denegaret auxilia verè sufficientia , quibus constituitur potestas proxima expedita ad perseverandum in gratia , quâ justificatus est : ergo . Tertiò : quia non est minor providentia communis ordinis gratiæ , quâ Deus justificatum gubernat , quàm providentia communis naturalis ; nam ut dicit *Tridentinum* cap. 16. *Ille ipse Christus Jesus , tanquam caput in membra , & tanquam vitis in palmites , in ipsos justificatos jugiter virtutem infundit ;* sed Auctor naturæ suâ communi providentiâ administrat omnia principia necessaria , & virtutes requiritas ad opera debita naturæ , nisi fortè propter corruptionem alicujus principii , quæ corruptio in justificato non datur , quia ut dicit *Apostolus* : *Nil damnationis est in his , qui sunt in Christo Jesu ,* uti sunt omnes justificati : ergo & in ipsis est vera potestas proxima , & integra ad perseverandum .

60. Quibus omnibus præcedens argumentum efficacissimè urgetur .

Po-

Potestas proximè expedita per modum actûs primi proximè completi ad perseverandum, egens auxilio, quo infallibiliter connectatur cum actuali perseverantia, est potestas verè proxima, & tamen Deo subordinata in perseverando: sed potestas iustificati mediis auxiliis sufficientibus est proximè expedita per modum actûs primi proximè completi ad perseverandum, & indiget auxilio, quo à Deo connectatur cum actuali perseverantia: ergo potestas hominis iustificati ad perseverandum hæc duo habet, & quòd sit potestas expedita proximè, & absolute ad suum actum; & tamen quòd in illius elicientia sit Deo subordinata. Cum ergo eadem sit ratio de quacumque alia potestate constitutiva libertatis, extra dubium debet esse, omnem potestatem constitutivam libertatis, ultra auxilia sufficientia egere auxilio divino, ut reducatur ad suum actum, ac proinde esse immediatè Deo subjectam.

61. Hoc amplius confirmari potest ex ipso Concilio *Tridentino* cap. 11. de munere perseverantiæ allèrente: *Quod quidem aliunde haberi non potest, nisi ab eo, qui potens est, cum, qui stat, statueret, ut perseveraret, & cum, qui cadit, restitueret.* Ex quibus argumentum insituit. Qui indiget auxilio Dei, ut possit perseverare, & sine quo perseverare non potest, quantumvis habeat potestatem expeditam expedito actûs primi, potestatem habet Deo subordinatam in ipso perseverandi exercitio: sed omnis iustus habens potestatem expeditam ad perseverandum expedito actûs primi mediis auxiliis sufficientibus, indiget auxilio Dei ad perseverandum: tum quia auxilium donans perseverantiam, ut Concilium docet verbis relatis, est in solius Dei potestate, ac proinde non est in potestate alicujus hominis quantumvis potentis: tum, quia auxilium illud donans perseverantiam petunt Sancti, & illud habent mediâ oratione, quæ est maximum indigentie argumentum: ergo quantumvis potentiam habeat expedito actûs primi proximè, complete, & integrè expeditam ad perseverandum; ipsa potestas est Deo subjecta in ipso exercitio perseverandi. At ne præsens controversia per diversas acceptiones huius termini *non potest*, perturbetur, & confundatur; & nè vertatur vox ista crimini, cum distinctione est loquendum. Aliquando enim potentiam antecedentem, aliquando consequentem exprimit, ut suprà notavimus Disp. 8. Dub. 1. §. 3. n. 17. maxime ex illo Sap. 8. 21. *Et cum scirem, quia nemo potest esse continens, nisi Deus det: & hoc ipsum erat sapientiæ scire, cujus esset donum;* quem textum intelligit D. Augustinus Confess. lib. 10. de continentia actuali cap. 29. *Et tota spes mea non nisi in magna valde misericordia tua. Da quod jubes, & jube quod vis. Imperas nobis continentiam.* Et suprà lib. 6. cap. 12. *Et propriarum virium credebam esse continentiam, quarum mihi non eram conscius, cum tam humilis essem, ut nescirem, sicut scriptum est Sap. 8. 21. nemi nem posse esse continentem, nisi tu dederis. Utique dares, si gemitu interno pulsarem aures tuas, & fide solidâ in te jactarem curam meam;* quibus sanè constat, verba illa, *nemo potest esse continens*, intelligenda esse de potestate consequenti; unde melius erit uti semper distinctione potestatis antecedentis, & consequen-

quentis, ut omnis eliminetur confusio . Longiorem me fuisse video in terminis istis , *potestas antecedens , & consequens , sensus divisus , & compositus*, librandis, & explicandis sed inde non parum lucis emer- surum spero , ad concordiam liberi arbitrii , & gratiæ ab intrinseco effi- cacia penitus cognoscendam .

## DUBIUM II.

Utrum auxilium ab intrinseco efficax componatur cum libertate creata ?

### §. I.

*Parti affirmativa probatur ex eo , quod gratia ab intrinseco efficax est maxima liberi arbitrii perfectio .*

1. **C**UM ardua , & difficillima sit liberi arbitrii concordia cum effi- cacia divinæ gratiæ , ut ingenuè , ac candidè fatetur *Augusti- nus* nedùm locis suprâ citatis , sed lib. de grat. *Christi* cap. 47. num. 52. dicens : *Ista quæstio, ubi de arbitrio voluntatis , & Dei gratia disputatur , ita est ad discernendum difficilis , ut quando defenditur liberum arbitrium , negari Dei gratia videatur ; quando autem asseritur Dei gratia , liberum arbitrium putetur anferri*, ut melius comprobetur ipsa , & quàm liberrimè divino Spiritu moveatur voluntas , non solum , non laedi divinâ motione libertatem , sed potiùs maximè perfici , demon- strandum nobis est . Et sanè per divinæ voluntatis in nostros actus libe- ros efficaciam , quam tot gravissimis fundamentis superiùs probatam dedimus , libertatem nostram confirmari potiùs , ac stabiliri , quàm des- trui , fuit semper constans *Augustini* sententia . Audiendus lib. de Spir. & litt. cap. 30. *Liberum ergo arbitrium evacuamus per gratiam ? Abs- fit : sed magis liberum arbitrium statuimus . Sicut enim lex per fidem , sic liberum arbitrium per gratiam non evacuatur , sed stabilitur .* Ra- tionem dedit inferiùs : *quia nempe gratia sanat voluntatem , quâ iusti- tia liberè diligitur .* Et cap. seq. objectionem præoccupans , ne cavillus ullus esset locus , ait : *Cùm potestas datur , non necessitas atque imponi- tur .* Et lib. 4. ad *Bonifacium* cap. 3. *Non potest captiva voluntas , nisi Dei gratiâ respirare in salubrem libertatem , quod probat ex illo Joân. cap. 8. Si vos filius liberaverit , verè liberi estis .* Ex quo etiam *Joannis* testimonio , lib. 1. oper. ultim. contra *Julianum* deducit , veram , pertec- tamque libertatem ex divinâ gratiâ oriri , neque laudabiliter esse libe- rum , nisi quod tuerit Divinâ gratiâ liberatum . Rursùs idem in *Hypo- gnostic.* contra *Pelagianos* lib. 3. cap. 10. *In omni itaque opere sancto , prior est voluntas Dei , posterior liberi arbitrii , id est , operatur Deus , cooperatur homo ; quod contradicere , ut dicere consuevisti , quia ego prior*

*volui, Deus voluit; jam meritis facis, ut gratia ex operibus jam non sit gratia sed merces; quibus ita invictissimam, & blandissimam vim, atque efficaciam gratia in liberam voluntatem expinxit, ut expressius non poterit delineari ejus perfectio.*

2. Sed longè copiosior est D. *Augustinus* in hujus efficacissimi elucidatione auxilii, ut probet, nullam humanæ voluntati sub motione gratiæ efficacis imponi necessitatem, sed illasam, & integram semper remanere. Ita resolvit Epist. 106. *Verùm etiam ad non peccandum, rectèque vivendum. . . . Ut nisi adjuvet, nihil pietatis, atque justitiæ, sive in opere, sive in ipsa voluntate habere possimus.* Et Epist. 108. *Quomodo dicuntur negare liberam voluntatis arbitrium, qui consentunt, hominem, quisquis suo corde credit in Deum, non nisi suâ liberâ credere voluntate; cùm potius ipsi oppugnent liberum arbitrium, qui oppugnant gratiam Dei, quâ verè ad bona eligenda, & agenda fit liberum.* Et Epist. 170. *Et omnipotentissimâ facilitate convertit.* Sed aliquantò disertius lib. 3. de gestis *Pelagii* probans contra ipsum, à Deo regi hominis liberum arbitrium, his verbis: *Nam proculdubio plene est agi, quàm regi; qui enim regitur, aliquid agit, & à Deo regitur, ut rectè agat. Qui autem agit, vix ipse agere intelligitur; & tamen tantum præstas voluntatibus nostris gratia Salvatoris, ut non dubitet Apostolus dicere: Quotquot Spiritu Dei aguntur, filii Dei sunt; neque enim aliquid in nobis libera voluntas melius agere potest, quàm ut illi se agendam commendet, qui malè agere non potest. Et hoc cùm fecerit, ab illo, ut faceret, adjutum non dubitet, cui dicitur in Psal. Deus meus misericordia ejus prævenit me.* Idem exprimit, & atleverantissimè declarat lib. de corrupt. & grat. respondens *Adrumetinis* Monachis objicientibus ipsi illud, quod lib. de grat. & liber. arbitr. dixerat cap. 15. *Deum dare quod jubet.* Et cap. 14. *Contrarias voluntates omnipotentem Deum posse convertere.* Et cap. 16. *Quod Deus facit, ut faciamus, præbendo vires efficacissimas voluntati.* Et cap. 21. *Ut quid nobis predicatur, atque præcipitur, ut declinemus à malo, & faciamus bonum, si hoc nos non agimus, sed id velle, & operari Deus operetur in nobis.* Ipsi hic reponentibus S. *Augustinus* respondet: *Sed contrâ potius intelligant, si filii Dei sunt, Spiritu Dei se agi, ut quod agendum est, agant, non ut ipsi nihil agant.* Et cap. 14. *Sic enim velle, vel velle in volentis, aut volentis est potestate, ut Divinam voluntatem non impediat, nec superet potestatem.* Et iterum ibi: *Numquid ille posset adversari voluntati Dei, & non potius ejus facere voluntatem, qui in ejus corde operatus est per Spiritum suum, quò indutus est, ut hoc vellet facere, & dicere? Et explicans ibi magis electione David in Regem, quomodo operatur Deus in cordibus hominum, ait: Et quomodo adduxit, ut eum Regem constituerent? Intus egit, corda tenuit, corda movit, eosque voluntatibus eorum, quas ipse in illis operatus est, traxit. Si ergo, cùm voluerit Reges in terra constituere, magis habet in potestate voluntates hominum, quàm ipsi suas, quis alius facit, ut salubris sit correctio; & fiat in corrupti corde correctio, ut cælesti constituatur in Regno? Id ipsum luculen-*

lenter denuò exponit lib. de grat. & liber. arbit. cap. 5. dicens: *Ut autem de Cælo vocaretur (Paulus) & tam magnâ, & efficacissimâ vocatione converteretur, gratia Dei erat sola.* Et cap. 16. *Certum est, nos servare mandata, si volumus; sed preparatur voluntas à Domino: ab illo petendum est, ut tantum velimus, quantum sufficit, ut volendo faciamus: Certum est, nos velle, cum volumus, sed ille facit, ut velimus bonum. . . . Certum est, nos facere, cum facimus; sed ille facit, ut faciamus, præbendo vires efficacissimas voluntati, qui dixit. Ezech. 36. faciam, ut in justificationibus meis ambuletis, & iudicia mea observetis, & faciatis. Cum dicit: faciam, ut faciatis, quid alii dicit, nisi auferam à vobis cor lapideum, undè non faciebatis, & dabo vobis cor carneum, undè faciatis.* Hoc ipsum inculcat de gratia Christi cap. 14. dicens: *Legant, & intelligant, intueantur, atque fateantur, non lege, atque doctrinâ insouante forinsecus, sed internâ, atque occultâ, mirabili, atque ineffabili potestate operari Deum in cordibus hominum, non solum veras revelationes, sed etiam bonas voluntates.* Et de prædest. Sanctor. cap. 20. *Agit quippè Deus, quod vult in cordibus hominum, vel adjuvando, vel iudicando, ut etiam per eos impleatur, quod manus ejus, & consilium prædestinavit fieri; dixerat namque superius cap. 8. Hæc itaque gratia, quæ occultè humanis cordibus Divinâ largitate tribuitur, à nullo corde duro resistitur.* Et tandem lib. 1. ad Bonifacium: *Oramus non solum pro nolentibus, verùm etiam pro repugnantibus, & oppugnantibus. Quid ergo petimus, nisi, ut fiant ex nolentibus volentes, ex repugnantibus consentientes, ex oppugnantibus amantes? A quo, nisi ab illo, de quo scriptum est: Preparatur voluntas à Domino? Et cap. 20. Qui cor Regis antequam mulieris sermonem poscentis audisset, occultissima, & efficacissima potestate convertit.* Ita explanatum, ac certum est in littera S. Augustini, nullam humanâ voluntati sub motione gratiæ imponi necessitatem, sed libertatem confirmari potius, ac stabiliri, quàm destrui. Agit namque Deus potenti, secretâ, & efficacissimâ gratiâ, quâ in nobis operari efficitur, quæ tamen nostræ libertati, nihil officit; quoniam non aguntur homines, ut servi, sed potius liberè agunt, ut Domini inveniuntur, ut se moveant; in quo stat liberi arbitrii maxima perfectio.

3. Quis enim neget, esse summam perfectionem potentiæ activæ agere, solvique ipsius indifferentiam suspensivam, seu potentialem? Quæ ultima cujuscumque agentis, & potentiæ perfectio nequit solius potentiæ, aut agentis creati viribus comparari, sed obtineri solum potest virtute causæ superioris, teste D. Thoma 3. contrâ Gent. cap. 66. *Ultimum in bonitate, & perfectione inter ea, in quæ potest agens secundum, est illud, quod potest ex virtute primi agentis.* Quæ eadem ratio est, quam habet sæpius D. Augustinus, impossibile iudicans, quòd agens quodlibet ab alio habeat, ut melius sit, quàm ab eo, à quo habet, ut sit. Si ergo ipsa voluntas non minùs, quàm universa natura, comparatur ad Deum; & quælibet natura, vel forma, vel potentia perficitur per hoc, quòd est actu; & comparatur ad esse in actu, sicut potentia ad

Tom. IV.

Hh

actum

actum ipsum; nec quantumvis natura aliqua sive corporea, sive spiritualis ponatur perfecta, potest in suum actum procedere, nisi moveatur à Deo, ut probat D. Thomas 1.2. quaest. 109. art. 1. evidenti collectione deducitur, voluntatem perfici Divinâ motione; dum hac ipsam efficacissimè movet: cum non sit excipienda libertas ab illa universalissima regula, quod omnis creatura à Deo accipit omnem suam perfectionem. Quod sanè profiteamur, dum ad Deum exclamamus, *Adjutor meus esto Domine*: quod explicans *Augustinus* serm. 13. de verbis *Apostoli*: *Ipsam enim*, inquit, *nomen adjutoris praescribit tibi, quia & tu aliquid agis. Agnosce quid possas, agnosce quid confitearis, quando dicis, adjutor meus esto, ne derelinquat me. Adjutorem utique invocas Deum, nemo adjuvatur, si ab illo nihil agatur*. Talis est arbitrii potestas, tanta est gratiae efficacis necessitas.

4. Hinc est, quod D. *Augustinus* lib. 12. de Civit. Dei cap. 9. dixit: *Bonam voluntatem, quâ meliores essent Angeli, nisi operante adjutorio Creata: ris, habere non possunt*. Et postea: *Voluntatem quamlibet bonam inopem fuisse in suo desiderio remansuram, nisi ille, qui bonam naturam ex nihilo sui capacem fecerat, ex se ipso faceret implendo, meliorem; prius faciens excitando, avidiorem*. Nec minus præclare S. *Celestinus* Epist. ad Episcopos Galliae cap. 8. dicens: *Ut boni aliquid agant, paternis inspirationibus suorum ipse tangit corda fidelium. Quotquot enim Spiritu Dei aguntur, hi filii Dei sunt: ut nec nostrum deesse sentiamus arbitrium, & in bonis quibusque voluntatis humanae, singulis motibus magis illius valere non dubitemus auxilium: ubi Pontifex non eadē dubitandum asserit, quod auxilium Dei magis, quia nempe gratia in productione boni operis, major dicitur esse, quàm valor voluntatis; quoniam gratia non tantum operatur velle, quod facit voluntas, sed etiam operatur, ut voluntas velit. Tantum quippe Spiritu Sancto accenditur voluntas eorum, ait Augustinus lib. de corrept. & grat. cap. 12: ut idē possint, quia sic volunt: idē sic velint, quia Deus operatur, ut velint*. Ad cujus confirmationem validissima sunt supra posita ejusdem S. Doctoris testimonia; si enim Deus facit, ut faciamus, ut in justificationibus suis ambulemus, præbendo vires efficacissimas voluntati, hæc Divina motio expedit, complet, ac perficit voluntatem, jam integrè, proximè, completè, & adequatè in esse potentiae constitutam, dans illi perfectionem ultimam, cujus est capax, quam expressit S. *Celestinus* in citat. Epist. dicens: *Divino auxilio non aufertur liberum arbitrium, sed liberatur: ut de tenebroso lucidum, de pravo rectum, de languido sit sanum*.

5. Hoc suadet spiritualis illa dulcedo, quæ à devotis mentibus sentitur; quam Divina motio inmittit in animam, vi cujus longè excellentiora, dulciora, ac præstantiora esse noscuntur illa, quæ latebant, & sunt manifesta per gratiam, quæ in cordibus hominum per dilectionem operatur. *Sed namque*, ut inquit *Augustinus* in cap. 5. Epist. ad Galat. *Quod amplius vos delectat, secundum illud operemur necesse est: tanto quippe vehementius volumus, quanto certius, quàm bonum sit*,  
no-



novimus, eoque delectamur ardentius: cum nihil vehementius attrahat animam delectatione, & voluptate, ut dixit D. Thomas 1. 2. quæst. 33. art. 3. *Illud attentius operamur, in quo delectamur. Attentio autem, adjuvat operationem*, quod ibi variis argumentis efficacissime probat; hinc est, quod suaviter, & efficaciter trahentem gratiam sequitur voluntas, quæ talem ingenerat dilectionem, & voluptatem, quæ perfunditur, ac vincitur anima, ut omnem pervincat, & expugnet contumaciam voluntatis. Idem apertissime tradit D. Augustinus explicans illud Apostoli ad Rom. *Condelector legi Dei secundum interiorem hominem*; etenim de nupt. & concup. lib. 1. cap. 30. ait: *Ista condelectatio legi Dei secundum interiorem hominem; de magna nobis venit gratia Dei*. Et lib. 2. de peccator. merit. cap. 19. *Ejus gratia dileximus, dum antea non delectaret*. Et iterum: *Ut enim condelecteris legi Dei secundum interiorem hominem, unde haberes, nisi Spiritus vitæ (id est, donum Spiritus Sancti) liberaret te à lege peccati, & mortis? Cum ista delectatio boni &c. non nisi gratiæ deputanda sit*, Ac demum addit: *Veniet gratia Dei, ut deleat te iustitia: Gustemus saltem*, ait in Psalm. 130., *quàm suavis est Dominus, qui dedit nobis pignus Spiritus, in quo sentiamus ejus dulcedinem*. Et in serm. 6. de verbis Ap. Pauli cap. 9. *Condelector legi Dei, non de me, sed de gratia Dei*. Et contrà Pelagium lib. 2. de peccator. merit. cap. 17. *Ut suave fiat, quod non delectabat, gratia Dei est, quæ hominum adjuvat voluntates*. Et lib. 2. cap. 17. dicit: *Divini muneris esse, quod delectatur homo*. Et contrà Julianum lib. 2. oper. imperfect. agens de gratia, dicit, *quod ipsi donat, ut delectatio peccati iustitiæ delectatione vincatur*. Ex quibus liquet, quod liberè, & invictè trahitur homo; cum tractio hæc non sit violentiæ, nec necessitatis, sed voluntatis, & desiderii; trahitur liberè volens, sed gratiâ Dei efficaciter movente, & adjuvante.

6. Hæc est ergo illa perfectissima operatio gratiæ, cœlestem suavitatem, & delectationem infundens, quæ ad se animam pertrahit, quæ facit, ut liberius agat voluntas. *Præceptum liberè facit, qui liberis facit*, dixit Augustinus. *Ibi sumus veraciter liberi, ubi non delectamur invit*, ait ipse lib. 1. de nupt. *Delectatio est, quæ perficit operationem*, nos docuit D. Thomas 1. 2. quæst. 33. art. 4. Ergo est maximi libertatis perfectio, dum sic delectatione, & suavitate pertrahitur ad consensum. Hoc, ut maximum libertatis beneficium, & privilegium gratiæ commendat Augustinus tract. 26. in Joann., quod dum trahitur voluntas, nulla vis intetur ipsi, sed manet sub ea motione perfectiori modo libera: *Quid hic dicemus fratres, si trahimur ad Christum? Ergo invit credimus? Ergo violentia adhibetur, non voluntas excitatur? Enim, verò, qui trahitur, tanquam invit cogi videtur: igitur quomodo istam solvemus quæstionem? Respondet: Nolite cogitare, invitum trahi: trahitur animus & amore*. Et deinde. *Porrò si Poëta dicere licuit, trahit suamque voluptas non necessitas, sed voluptas, non obligatio, sed delectatio: quanto fortius nos dicere debemus, trahi hominem ad Christum, qui delectatur veritate, delectatur beatitudine*,

H h 2

de-

*delectatur in fœtibus, delectatur sempiterna vita, quod totum Christus est. Au verò habent corporis sensus voluptates suas, & animus deferitur à voluptatibus suis? Et post pauca, cum quædam ex Scriptura Sacra retulisset: Da, inquit, amantem. & sentit, quod dico, da desiderantem, da esurientem, da in ista solitudine peregrinantem, atque sitientem, & fontem æternæ Patriæ inspirantem, da talem, & scit, quid dicam; semper namque à Devotis mentibus illa spiritalis dulcedo concupiscitur, ut inaneat, augeatur, & perficiatur. Quare lib. 2. contr. à litteras Petilianus cap. 84. Si tibi (Petilianum alloquitur) proponam questionem, quomodo Deus Pater attrahit ad Filium homines, quos in libero dimisit arbitrio, fortassis eam difficile soluturus es. Quomodo enim attrahit, si dimittit, ut quis, quod voluerit, eligat? Et tamen utrumque verum est: sed intellectui hoc percipere pauci valent.*

7. Luculentissimè etiam hanc verissimam huius Divinæ efficacis motionis incomprehensibilem efficaciam describit D. Laurentius Justinianus opusc. de contempt. Mundi cap. 9. sequentibus verbis: *Nemo venit ad me, ecce obedientia, nisi Pater, qui misit me, traxerit eum, ecce gratia. Verùm ille per obedientiam venit, quem gratia Dei prævenit, sicut Propheta de se commemorans ait: Misericordia ejus præveniet me. Prævenit utique, & liberum arbitrium ad obtinendum trahit, non invitat, sed spontè, quia liberum est. Quomodo autem trahit Pater, & sponte trahit? Nempè insinuando dilectionem filii, quâ se pro hominibus morti dedit, propalando per fidem Divinitatem illius, in qua æqualis, & coætæneus est sibi, innouendoque sublimitatem præmii, quod id Filius repromisit famulantibus sibi: ista, dum mens percipit, dum spe se obtinere confidit, alacri affectu non solum servare præcepta, verùm etiam, contempto sæculo, consiliorum perfectionem conatur apprehendere: ecce libera voluntas: ecce voluntaria servitas: ecce violentus cursus: ecce gratuita attractio, per quam à Patre ad Filium trahitur anima.*

8. Sic trahitur homo miris modis, ut velit, ab illo, qui novit intus in ipsis hominum cordibus operari; undè isti sic, illi aliter, atque alii aliter diversis, & innumerabilibus modis vocantur, ut reformentur: *Dum, adterente D. Augustino lib. de corrept. & grat. cap. 5. subit commutatione mirabili; quæ clausa eis fuerant, sint aperta, quæ onerosa, sint levia; quæ amara, sint dulcia; quæ obscura, sint lucida.* Hæc autem omnia operatur unus, atque idem Spiritus dividens singulis, prout vult; non solum delectatione victrici, sed & aliis innumerabilibus, & miris modis, dum timore iudicii, horrore peccati &c., aliisque effectibus visitatio Dei animum ducit humanum, ut quæ fugiebat, sequatur: quæ oderat, diligat; quæ fastidiebat, esuriat: dum multis aliis modis eversum vocat, docet credentem, consolatur sperantem, diligentem adhortatur, conantem adjuvat, exaudit deprecantem: uno verbo: omnibus oculos aperit, ut Sapientiæ lumen accipiant. Sed hæc sufficient; ut cognoscatur, quâ arte ineffabilis Dei sapientia operatur in nobis: quàm dulciter, illasâ libertate, allicit: quàm suaviter blanditur: quàm

re-

rectè capit , quàm fortiter tenet : & tandem , quomodò cuncta suo ordinat , & disponit beneplacito , ne plus iusto Divinam velimus scrutari voluntatem . *Aliquando enim* , ut inquit S. *Augustinus* in *Enchir.* cap.95. *in clarissima luce Sapientiæ videbitur , quod nunc piorum fides habet , antequàm manifesta cognitione videatur , quàm certa , & immutabilis , & efficacissima sit voluntas Dei , quàm multa possit , & non velit , si aliqua vellet , quod non possit . . . Quod utique non esset verum , si aliqua voluit , & non fecit ; & quod est indignius , idèd non fecit ; quoniam nè fieret , quòd voluit Omnipotens , hominis voluntas impedivit .* Undè , & cum eodem *Augustino* lib. de don. persever. confiteri tenemur : *Nos ergo volumus , sed Deus in nobis operatur & velle ; nos ergo operamur , sed Deus in nobis operatur & operari pro bona voluntate . Hoc nobis expedit credere , & dicere , hoc est pium , hoc est verum , ut sit humilis , & submissa confessio , & detur totum Deo .* Ex quibus omnibus prònum est intelligere , quantum ex mente *Augustini* consentiat efficacia victricis gratiæ cum libertate nostrà .

## §. II.

*Aliud argumentum & quidem irrefragabile petitur  
ex Sancto Augustino .*

9 **Q**Uamquam hæc quæstio sufficienter ex his , quæ modò diximus pateat ; non abs re tamen erit ostendere id ipsum in particulari , ut qui mentem S. Doctoris in varios , pravosque detorquent sensus , ut negent , libertatem indifferentiæ actûs remanere sub dominio efficacissimæ gratiæ , in ejus lumine veritatis videant lumen . Et primum quidem momentum petitur ex celeberrima inter *Augustinum* , & *Pelagianos* controversia de qua suprà agimus tom.3. disput.8. Dub.1. §.2. , & quam iterum in memoriam revocare opportunum erit . Quæ non fuit *Pelagianorum* maligna obtrectatio , & perversa infectatio ? Quibus non illi confusis , permixtisque verbis , necnon omnibus argumentationis suæ dolis gratiæ Dei efficaciam eludere , & subvertere conati sunt ? Non esse liberum arbitrium , si Dei indigeat auxiliò , quoniam in propria voluntate habet unusquisque aut facere aliquid , aut non tacere , arguebat *Celestius* , teste D. *Augustino* lib. de *gestis Pelagii* cap.18. Idem & allerebant *Pelagiani* dicentes : *Frustra itaque dedit arbitrii potestatem , quam implere non possum , nisi ipse me semper adjuverit . Destruitur enim voluntas , quæ alterius ope indiget . Sed liberum dedit arbitrium Deus , quod aliter liberum non erit , nisi fecero , quod voluero ; ac per hoc , antè utor semel potestate , quæ mihi data est , ut liberum servetur arbitrium , antè si alterius ope indigeo , libertas in me arbitrii destruitur .* Ita refert D. *Hieronymus* in *Epist. ad Ctesiphontem* .

10. Destructorem libertatis habuit *Julianus Augustinum* dicens lib. oper. imperf. cap.94. *In his omnibus verbis tuis , quæ posui , ita*  
vide

video gratia nomen cum liberi arbitrii negatione confertum, ut non tam mala seufus tui appellationum bonis vindicari queant, quàm dignitas nominum dogmatum tuorum adbasione vilefcant. Quod repetit, teste, eodem Augustino locò citatò cap. 109. dicens. Verùm qui non parùm hic immorati sumus, ut ostenderemus, certissimum esse, quod dixeram, quia negarent liberum arbitrium homines, qui vestro fuissent sermone deterriti, & in verum exitium vana formidine truderentur, atque te esse præcipuum arbitrii liberi negatorem. Ex quò antea dixerat locò citatò cap. 27. Manichæus dicit, voluntatem malam ab ea inspirari naturam, quæ bonum velle non potest: voluntatem verò bonam ab ea insundi naturam, quæ malum velle non potest: ita utique naturis singularum rerum imponit necessitatem, ut propriæ voluntates non possint velle contraria. Inter nos, & illud certè grande Chaos est: videamus nunc quantum ab eo tu recesseris. Dicis, esse liberam voluntatem, sed ut malum tantummodò faciat, non autem esse in hoc liberam, ut malum desistat operari, nisi ei fuerit imposita necessitas volendi bonum ab ea natura, quæ, ut tuis utar sermonibus, malum non potest velle. Desuis ergo, genus humanum per liberum arbitrium nihil aliud quàm peccare, nec aliud posse facere. Per quod absolutè pronuncias, humanam naturam unum semper cupere, quod malum est, & velle non posse contrarium. Natura autem Dei malum non potest velle: & ideo nisi necessitatis sua participem fecerit malum hominum naturam, bonum in ea actionis esse non posse. Post hæc itaque utrum non multùm ames Manichæum, in cordis tui secreto Deus viderit: quantum tamen ex dogmatum germanitate monstratur, nihil aliud prorsus egisti, quàm ut ordine commutato, idem quod ille affirmaret, adstrueres. Quæ & fuit Semipelagianorum quærela, quam retet D. Prosper carmine de ingratis cap. 26.

*Hic vanam insano profertis corde querelam;*

*Omne opus arbitrii sublatum vociferantes,*

*Currere currentium si non, & velle volentium est;*

*Nec vitiiis panam deberi, aut præmia laudi,*

*Si vel naturam obstrictam mala velle necesse est,*

*Vel nostro adscribi nequeunt benè gesta labori.*

11. Præterea arguebat ille, quòd peccatoribus laxabantur frænâ, quòd actum esset de religione, cum periret tam virtutis, & boni omnium studium, quàm omnis salutis cura, ut refert S. Augustinus lib. 4. contra Julianum cap. 3. his verbis: Nihil studii expectari ab humana voluntate debere, contra illud Evangelicum, quo ait Dominus, petite, & accipietis, quærite, & invenietis, pulsate, & aperietur vobis: omnis enim qui petit, accipit, & qui quærit, invenit; & pulsanti aperietur. Ad quæ consequenter dixit lib. 1. oper. imperf. cap. 102. Nihil studii expectari, ut possit sanctitatem acquirere, & æternam, & celestem gloriam promereri: sin autem liberum ante ad bonum non fuit, & factum est post Baptisma ita liberum, ut malum facere non possit, numquam quidem ei adfuit arbitrii libertas. Et probatur sine reatu antea peccasse, & postea sine cura sanctitatis gloriam possidere.

12. Rut-

12. Rursus calumniabantur *Augustinum*, quòd si arbitrium nostrum ab efficacia auxilii divini habet, quòd vocationi consentiat, quòd illi cooperetur ad salutem, quòd perseveret in gratia, non est, quòd illi cedat in laudem, & meritum; quin potius perit omnino libertas arbitrii; ita *Cælestius* in laudata Epistola *Santi Hieronymi* ad *Ctesiphontem*: Si nihil ago absque Dei auxilio, & si per singula opera ejus est omne, quod gesserò: ergo non ego, qui laboro, sed Dei in me coronabitur auxilium. Etiam objiciebant illi, quòd frustra essent consilia, exhortationes, & correptiones, cum nemo his bene uti poterit sine auxilio efficaci; quòd & Deus frustra conquereretur de peccatoribus, quòd à peccatis non converterentur ad poenitentiam; cum sic operari nequeant, & converti, utpotè, carentes ad id necessariò prorsus auxilio gratiæ prædicatæ ab *Augustino*; & ita carentes non habeant in sua libertate illam acquirere. Ita *Monachi Adrmetini* lib. de corrept. & grat. cap. 2. num. 4. Ut quid nobis prædicatur, atque præcipitur, ut declinemus à malo, & faciamus bonum, si hoc nos non agimus, sed id velle, & operari Deus operatur in nobis. Et cap. 3. num. 6. Ergo præcipiunt tantummodò nobis, quid facere debeamus, qui nobis præsumunt, & ut faciamus, orent pro nobis: non autem nos corripiant, & arguant, si non fecerimus.

13. Tandem ajebant, quòd sine gratia efficaci nihil boni agere possent; ex quo fit, ut peccando, non peccent; & quòd iniqua & inmerita esset hominum damnatio, necnon Deus crudelis, qui hominem æternis addiceret suppliciis ob ea, quæ non fecerit, nec facere potuisset. Ita *Fulianus* apud *Augustinum* oper. imperf. lib. 1. cap. 114. Verumtamen ad destructionem totam dogmatis tui proficit, ut etiam recordemur definitionum Superiorum. Si peccatum non est, nisi voluntas retinendi, & admittendi, quod justitia vetat, & unde liberum est abstinere, nullum peccatum in rebus penitus invenitur. Et cap. seq. Nam si non imputat justitia, nisi unde liberum est abstinere, & ante baptismam necessitas muli est, quoniam voluntas, sicut dixisti, ad faciendum bonum non est libera, perque hoc aliud agere non potest, nisi malum, ab infamia mali ipsò, quam patitur, necessitate defenditur: quoniam apud eam justitiam gravari operibus suis non potest; quæ non imputat malum, nisi à quo liberum est abstinere. Post Baptisma autem, si necessitas boni est, nullum utique potest esse peccatum. Vide igitur, quam illud, quod esse peccatum ratio demonstrat, inveniri nequeat in feminibus, quando secundum definitiones tuas, jam nec in moribus invenitur.

14. Erat namque omnium mens, *Augustinum* sub prædestinationis nomine fatalem indixisse necessitatem, & solum appellatione gratiæ, quæ in re apud ipsos parum, aut nihil à fatali necessitate distinguebatur. Liberos voluisse facere homines. Sic *Episcopi Pelagiani* in sua Epistola *Innocentio*, ut testatur *S. Augustinus* lib. 2. contra duas Epistolas *Pelagianorum* gratiæ nomine fatum ab ipso alleri calumniatur; sic namque objiciendum putrunt: Sub nomine gratiæ ita fatum afferunt, ut dicant, quia nisi Deus invito, & reluctanti homini inspiraverit boni, & ipsius

*ipsius imperfecti cupiditatem, nec à malo declinare, nec bonum possit arripere.* Videatur ibi S. Doctor ad istam *Pelagianorum* calumniam respondens.

15. Non adeò *Pelagium*, cujus ingenium fortissimum, celerrimum, & acutissimum fuisse dicit S. *Augustinus* lib. de vat. & grat. cap. 6. deliquisse credendum est, quòd *Augustino* objiceret argumenta ista contra gratiam, cujus usus, vel non ulus in voluntatis relinquatur arbitrio; quòd ex necessitate gratiæ indifferentis, versatilis, & à nostra libertate, quoad suam efficaciam dependentis, intulerit libertatis defectum; ex illo nempe auxilio, quod est efficax, si voluerit concurrere, & non erit, si voluntas noluerit concurrere. Quid namque manifestius, quàm adiutorium, quantum ad usum, & non usum plenissimè subjacens voluntatis arbitrio, liberrimam, & integerrimam relinquere arbitrii libertatem? Non ergo gratiæ subditæ nutui voluntatis, quam deserit ipsa, si vult, & cum qua operatur, si velut, prædicatio destructiva potuit esse libertatis.

16. Rursus; inutiliter pro eo, quod est lumine naturali notum, atque perspectum, Sancti *Prosper*, & *Hilarius* rogarent *Augustinum*, ut illud lucidissimis expositionibus aperiret. Sic Epist. inter *Augustinianas* in modò 225. scribit *Prosper Augustino* referens *Massiliensium* querelas, istoque offensos, ex ejus libris non intellectis: *Removeri itaque omnem industriam, tollique virtutes, si Dei constitutio humanas præveniat voluntates: & sub hoc Prædestinationis nomine fatalem quandam induci necessitatem; aut diversarum naturarum dici Dominum conditorem, si nemo aliud possit esse, quàm factus est.* Atque ut brevius, ac plenius, quòd opinantur, exponam, quidquid in libro hoc ex contradicentium sensu Sanctitas tua sibi opposuit, quidquid etiam in libris contra *Julianum* ab ipso sub hac questione objectum potentissimè debellasti, hoc totum ab ipsis Sanctis intentiosissimè conclamatur. Et cum contra eos scripta Beatitudinis tuæ val. dissimis, & innumeris testimoniis Divinarum Scripturarum iust. uciq. proferimus, ac secundum formam disputationum tuarum, aliquid etiam ipsi, quò concludantur, adstruimus; oblationem suam vetustate defendunt; & ea, quæ de Epistola Apost. Pauli Romanis scribentis, ad manifestationem Divinæ gratiæ prævenientis electorum merita proferuntur, à nullo unquam Ecclesiasticorum ita esse intellecta, ut nunc sentiantur, affirmant. S. *Hilarius* de eodem argumento scripsit *Augustino* exponens, quantum turbabantur *Massilienses*, & alii in Galliis de ejus de Prædestinatione sententia; ut constet ex ejus Epist. inter *Augustinianas* 226. ubi num. 8. retet, quò dicebant illi: *Quid opus fuit hujuscemodi disputationis incerto tot minis intelligentium corda turbari? Neque enim minis utiliter sine hac definitione, ajunt, tot annis à tot tractatoribus, tot præcedentibus libris & tuis, & aliorum, cum contra alios, tum maximè contra Pelagianos, & Catholicam Fidem fuisse defensam.* Quid verò ab objecta ista Doctorum sapientissimus, & inestimabiliter mirabilis *Augustinus* responderet? Non falsò sibi crimen objectum propugnatae gratiæ ab intrinse-

co

eo efficacia dicit. Injuste horum Hæreticorum iniquitatis persecutionem fidei animò sustinuit; sciens, quòd hoc est gratiæ Dei proprium, ut tunc vincat, cum lædatur; tunc intelligatur, cum arguitur, quia deficit semper, quod in veritatis destructionem tentat fallitatis assertio. Quare utrumque perbellè tuetur, efficaciam gratiæ, & libertatem.

17. Non in secreto cordis, sed apertissimè clamat de Spirit. & litt. cap. 30. *Liberum arbitrium evacuamus per gratiam? Absit: sed magis liberum arbitrium statuimus.* Quod repetit Epist. 86. dicens: *Voluntas tantò liberior, quantò sanior, & tantò sanior, quantò divinæ gratiæ subiectior.* Et Epist. 89. ad Hilarium: *Neque enim voluntatis arbitrium ideo tollitur, quia juretur; sed ideo juretur, quia non tollitur.* Et ad eundem Epist. 157. *Cur non dixit potius per meum liberum arbitrium, nisi quia libertas sine gratia, non est libertas, sed contumacia; in quibus locis loquitur Augustinus, ostendens, qualiter gratia, efficax nullam vim, necessitatemve libero imponat arbitrio.* Quod differissimè explicat lib. de grat. & liber. arbitr. cap. 5. dicens: *Ut autem de Cælo vocaretur (Paulus) & tam magnâ, & efficacissimâ vocatione converteretur, gratia Dei erat sola.* Et cap. 8. *Quando rogavit ergo, ne fides ejus deficeret, quid aliud rogavit, nisi ut haberet in fide libertariam, fortissimam, invictissimam, perseverantissimam voluntatem? Ecce quemadmodum secundum gratiam Dei libertas defenditur voluntatis. Voluntas quippè humana non libertate consequitur gratiam, sed gratia potius libertatem, & ut perseveret, delectabilem perpetuitatem, & insuperabilem fortitudinem.* En omnipotens, & insuperabilis potestas inclinandum, quò placuerit, humanorum cordium, & cum ista delectabilis perpetuitas: sic ostendens Augustinus, quàm benè sociatur libertatis indifferentia, cum gratiæ motione efficaciter determinante voluntatem in alteram partem. Non unice docet S. Doctor conciliari gratiam cum libertate, sed & modum docet, & explicat talis concordie: *Ecce quemadmodum secundum gratiam Dei libertas defenditur voluntatis.* Quis namque affirmare audeat, quòd plenè satisfaciens Adversariorum objectionibus, ignoraverit modum, quò efficacia gratiæ sociabilis est cum libertate?

18. Audiendus iterum S. Doctor cap. 16. *Certum est, nos servare mandata, si volumus, sed præparatur voluntas à Domino: ab illo petendum est, ut tantum velimus, quantum sufficit, ut volendo faciamus.* Certum est, nos velle, cum volumus, sed ille facit, ut velimus bonum, de quo dictum est Proverb. 8. secundum 70. quod paulò ante posuit: *Præparatur voluntas à Domino, de quo dictum est Psal. 36. ver. 23. A Domino gressus hominis diriguntur, & viam ejus volens: de quo dictum est ad Philipp. 2. ver. 13. Deus est, qui operatur in vobis, & velle.* Certum est, nos facere, cum facimus, sed ille facit, ut faciamus, præbendo vires efficacissimas voluntati, qui dixit Ezech. ver. 27. *faciam, ut in justificationibus meis ambuletis, & judicia mea observetis, & faciatis.* Cum dicit, *faciam, ut faciatis: quid aliud dicit, nisi auferam à vobis*

cor lapideum, unde non faciebatis, & dabo cor obediens, unde faciatis? Ille facit, ut faciamus, cui dicit homo Psal. 140. ver. 3. *Pone Domine custodiam ori meo.* Hoc est enim dicere, fac ut ponam custodiam ori meo: quod beneficium Dei jam fuerat consecutus, qui dixit Psal. 33. ver. 2. *Posui ori meo custodiam.* Sic cap. 8. *Adrumetinis Monachis* instantius objicientibus, gratiam Dei tollere libertatem indifferentiæ actûs, pro qua tanquàm pro aris, & focus decertabant, invictissimam, & blandissimam vim, atque efficaciam gratiæ in liberam voluntatem ostendit; & qualiter illa integra, & illaesa semper remaneat; hic iterum gratiam efficacem prædicat ita suavem, ut non lædat, sed sanet, roboret, & adjuvet liberum arbitrium. Si namque Deus operatur in nobis ipsum, velle, id est, nostram intimam, & liberrimam actionem: qui fieri potest, ut Deo salutarem consensum, qui actio nostra liberrima est, in nobis operante, nos interim, quod ex nostra parte agi debet, non agamus liberè unà cum illo? Si gratia ab intrinseco efficax nos prævenit, & ad Deum convertit, & modus convertendi est per attentum nostrum, liberum; cùm omnium voluntates ad voluntatis suæ arbitrium, sine aliqua coactione, sed liberè inclinet, ubi coactio, ubi invita voluntas? Quod *Juliano S. Doctorem* sic lib. 2. Oper. imperf. cap. 122. arguenti: *Liberum arbitrium non potest aliter constare, nisi ut & iustitiæ ab eo, & peccati necessitas auferatur;* illicò S. Doctor respondet: *Necessitatem, si eam dicis, quâ quisque invitus opprimitur; iustitiæ nulla est; quia nemo est iustus invitus; sed gratia Dei ex nolente volentem facit.*

19. Id ipsum repetit cap. 14. probans, liberum arbitrium manere, illaesa sub dominio gratiæ efficacissimæ, dicens: *Sic enim velle, vel nolle in volentis, aut nolentis est potestate, ut divinam voluntatem non impediatur, nec superet potestatem.* Et iterum ibi: *Numquid ille potest adversari voluntati Dei, & non potius ejus facere voluntatem, qui in eius corde operatus est per spiritum suum, quò indutus est, ut hoc vellet facere, & dicere?* Et rursus ibi modum istum, quò Deus operatur in cordibus nostris magis explicat dicens: *Et quomodo adduxit, ut eum Regem constituerent?* ( loquitur de electione David in Regem ) *Intus egit corda tenuit, corda movit, eosque voluntatibus eorum, quos ipse in illis operatus est, traxit. Si ergo cum voluerit Reges in terra constituere, magis habet in potestate voluntates hominum, quàm ipsi suas, quis alius facit, ut salubris sit correptio; & fiat incorrupti cordis correctio, ut cælesti constituatur in Regno?*

20. Idem pertractat, & asseverantissimè declarat lib. de *gestis Pelagii* cap. 3. probans contra ipsum, à Deo regi hominis liberum arbitrium, his verbis: *Nam procul dubio plus est agi, quàm regi; qui enim regitur, aliquid agit, & à Deo regitur, ut rectè agat. Qui autem agitur, agere aliquid vix ipse intelligitur; & tamen tantum præstat voluntatibus nostris gratia Salvatoris, ut non dubitet Apostolus dicere: Quotquot Spiritu Dei aguntur, hi filii Dei sunt; nec aliquid in nobis libera voluntas melius agere potest, quàm ut illi se agendam commendat, qui malè age-*

TE NON



re non potest. Et hoc cum feceris, ab illo, se, ut faceret, adjutum non dubitet, cui dicitur in Psalmo: *Deus meus misericordia ejus praevenit me*. En qualiter Deus omnipotentissimā facilitate corda obstinatorum, ipsis liberè volentibus, convertit. Non gratia ista est subsequens, vel concomitans liberum consensum voluntatis. Absurdissimè diceretur, consensum voluntatis praecedere, aut concomitare, ut evelleretur cor lapidem: quandoquidem ipsum cor lapideum non significat, nisi durissimam voluntatem, & adversus Deum omnino inflexibilem. Ubi enim praecedit, vel concomitatur voluntas, jam non est utique cor lapideum, vel oblitatio.

21. Hæc sanè est mens *Augustini*, ad cujus confirmationem non inefficax ex magna illa, de qua diximus, S. Doctoris contra *Julianum* contraversa, petitur argumentum. Non negabat *Julianus*, quin potius liberè fatebatur, adellè varia gratiarum genera, quibus juvabatur voluntas ad salutariter operandum. Hæc non rejiciebat ille, dummodo essent cum libertate composita. *Adiunt*, aiebat lib. 3. Oper. impert. cap. 114. *adjutoria gratia, quæ in parte virtutis nunquam desitunt voluntatem*. Tali semper moderamine adhibentur, ut nunquam arbitrium loco pellant. Destructam solùm credidit libertatem charitate illà, quæ determinationem indeclinabilem afferens voluntati liberæ, dat ipsi obedire Dei præceptis, ut probant sequentia *Augustini* verba: *Hanc* (charitatem) *vos inter adjutoria gratiæ nominare non vultis, ne hoc ipsum, quòd obeditis Deo, ejus esse gratiæ concedatis*. Putatis quippe, *istò modo auferri voluntatis arbitrium*. En qualis erat inter S. Doctorem, & *Julianum* de gratia contentio. Ad auxilium invictissimè efficax, quod negabat *Julianus*, semper revocat ipsum *Augustinus* propter ineundam gratiæ, & libertatis concordiam. Constat ex S. Doctoris verbis cap. 122. *Inter Libera gratia species, si poneretis dilectionem, sine qua nemo pie vivit, & cum qua nemo nisi pie vivit, sine qua nullus est bona voluntas, vere liberum defenderetis arbitrium*; ergo vel rectoranda, & corrigenda est hæc *Augustini* doctrina, vel absolutè dicendum, quòd indivulsa fauciata libertatis jura remanent, quo etiam tempore gratiæ victicis imperio subest: ita ut nec humana libertas gratiæ oblitet, nec gratia libertati.

22. Hæc, quæ satis mentem S. Doctoris declarant, sufficerent. At iterum attentio promoveri potest aliis egregiis locupletissimisque S. Doctoris testimoniis, quibus invictè declarat, gratiam infallibiliter efficacem, nihil indifferentiæ nostræ libertatis inminuere. Audiendus S. Doctor serm. 156. de verbis *Apostoli* cap. 11. num. 11. ubi cum sibi sequens objiceret argumentum: *Dicet mihi aliquis, ergo agimur, non agimus. Qualiter ad bonum & agimur, & agimus*, explicat dicens: *Respondeo, immo & agis, & ageris; & tunc bene agis, si à bono agaris: Spiritus enim Dei, qui te agit, agentis adjutor est tibi. Ipsum nomen adjutoris præscribit tibi, quia & in ipse aliquid agis. Agnosce, quid poscat agnosce, quid confitearis, quando dicis, adjutor meus esto, ne derelinquas me, adjutorem utique invocas Deum. Nemo adjungatur, si ab illo nihil*

agatur. Quotquot enim, inquit, spiritu Dei aguntur, hi filii sunt Dei non littera, sed spiritu: non lege præcipiente, minante, promittente, sed spiritu exhortante, illuminante, adjuvante. Scimus, inquit idem Apostolus ad Rom. 8. quia diligentibus Deum omnia cooperantur in bonum. Si non esses Operator, ille non esset cooperator. Et cap. 12. n. 13. Nam nunc cum auditis Joann. 15. Quotquot spiritu Dei aguntur, hi filii sunt Dei; nolite vos dimittere, neque enim templum suum sic de vobis ædificat Deus, quasi de lapidibus, qui non habent motum suum. Levantur, ab Structore ponuntur. Non sic sunt lapides vivi; & vos tanquam lapides vivi coædificamini in templum Dei. Ducimini, sed currite & vos: ducimini, sed sequimini: quia cum secuti fueritis, verum erit illud, quia sine illo nihil facere potestis. Non enim volentis, neque currentis, sed misentis est Dei. En adiutorium, quod agit voluntas, & liberè agit: quod ducitur, sed & liberè currit ipsa; quod ducitur, & liberè sequitur.

23. Ex quibus omnibus concludit S. Doctor in *Enchirid.* cap. 98. num. 25. Quis porro tam impie desipiat, ut dicat, Deum malas hominum voluntates, quas voluerit, quando voluerit, ubi voluerit, in bonum non posse convertere? Quod & expressè docet de Spirit. & litter. cap. 30. Liberum ergo arbitrium evacuamus per gratiam? Absit: sed magis liberum arbitrium statuimus. Sicut enim lex per fidem, sic liberum arbitrium per gratiam non evacuatur, sed statuitur. Neque enim lex impletur, nisi liberò arbitrio: sed per legem cognitio peccati; & per fidem impetratio gratia contra peccatum; per gratiam sanatio animæ à vitio peccati; per animæ sanitatem libertas arbitrii; per liberum arbitrium iustitiæ dilectio; per iustitiæ dilectionem legis operatio. At per hoc sicut lex non evacuatur, sed statuitur per fidem, quia fides impetrat gratiam, quæ lex impletur: ita liberum arbitrium non evacuatur per gratiam, sed statuitur, quia gratia sanat voluntatem, quæ iustitiæ liberè diligitur.

24. Tandem eidem subscribit doctrinæ Epist. 217. ad Vitalem n. 8. Si verè volumus defendere liberum arbitrium, non oppugnemus, unde fit liberum: nam qui oppugnat gratiam, quæ nostrum ad declinandum à malo, & faciendum bonum liberatur arbitrium, ipse arbitrium suum adhuc vult esse captivum. Hæc S. Augustinus, ex quibus sponte fluit validum illud & efficax concordia gratiæ se ipsâ efficacis cum libertate argumentum. Hæc & nos cum illo, qui cum tam proximè ad Paulum, Paulique lumina accesserit; ut gratiæ Doctor meritò diceretur, certè in rebus gratiæ nescit erroris occalum. Quare tam magnificè à D. Prospero extollitur laudibus cap. 3. de ingratia.

An alium in finem posset procedere Sanctum Concilium, cui Dux Aurelius, ingeniumque Augustinus erat? quem Christi gratia cornu uberiore rigans, nostrum lumen dedit avo, Accensum vero de lumine, nam cibus illi, Et vita, & requies Deus est, omnisque voluptas.

Unus

Unus amor Christi est, unus Christi est honor illi ;  
 Et dum nulla sibi tribuit bona , fit Deus illi  
 Omnia , & in sancto regnat sapientia Templo .  
 Istius ergo inter cunctos , qui de grege sancto  
 Insanas pepulere feras industria major ,  
 Majus opus , totum præstantius imbuat orbem .  
 Nam quodcumque gradum convertit callidus hostis ,  
 Quaque per ambages anceps iter egit operas .  
 Hujus ab occursum est præventus mille viarum  
 Insidiis aditum non reperientibus ullum .  
 Quumque foris rabies avidorum excluso Luporum  
 Frenderet , inque omnes mendacia verteret artes :  
 Ne mentes ullarum ovium corrumpere posset ,  
 Ne dubia obliquis turbaret corda querelis ,  
 Istius ore Viri fecit Deus : istius ore  
 Flumina librorum mundum effluxere per omnem .  
 Quæ mites , humilesque bibunt , campisque animorum  
 Certant vitalis doctrina immittere rivos .

## §. III.

*Aliud efficax ex doctrina D. Thomæ depromitur argu-  
 mentum .*

25. **C**um universis creaturis, quæ sunt, esse illis Deus dederit, ut sint, & agentibus liberis concessum etiam simpliciter sit, ut pro suo arbitrio valeant, & possint flectere in quodcumque libertatis extremum ; sitque *operatio voluntatis* teste D. *Thoma* 1. p. q. 106. art. 2. *Inclinatio quædam volentis in volitum, quam solus ille immutare potest, qui virtutem volendi creaturæ contulit ;* in quo sanè explicatur absolutum, & excellentissimum Dei dominium in voluntatem : hinc inconcussum nobis præbet hujus concordie principium ex Dei omnipotentia D. *Thomas*, Angelus ille, quem commendatum à Deo legimus, dum dixit illi *Christus* : *Bene scripsisti de me Thomas : Bene tibi, bene aliis, bene præsentibus, bene posteris .* Quia nempe non solum fiunt ea, quæ Deus fieri vult, sed & fiunt eò modo, quò Deus ea fieri voluit .

26. Hoc constantissimè docet D. *Thomas* 1. p. q. 19. art. 8. *Cum igitur voluntas Divina sit efficacissima, non solum sequitur, quòd fiant ea, quæ Deus vult fieri, sed quòd eo modo fiant, quo Deus ea fieri vult . Vult autem quædam fieri Deus necessariò, quædam contingenter, ut sit ordo in rebus, ad complementum universi . Et idè quibusdam effectibus adaptavit causas necessarias, quæ deficere non possunt, ex quibus effectus de necessitate proveniunt, quibusdam autem aptavit causas contingentes defectibiles, ex quibus effectus contingenter eveniunt .* En ubi D. *Thomas* causam assignat libertatis summam efficaciam Divinæ volun-

ta-

tatis, quæ causat effectum juxta modum ipsius causæ secundæ. Idem repetit q. 22. art. 4. dicens: *Et ideo quibusdam effectibus præparavit causas necessarias, ut necessario evenirent, quibusdam vero causas contingentes, ut evenirent contingenter, secundum conditionem proximarum causarum.* Et ibi ad 3. *Et considerandum est, quod necessarium, & contingens, propriè consequuntur ens, in quantum hujusmodi.* Unde modus contingentia, & necessitatis cadit sub provisione Dei, qui est universalis provisor totius eitis, non autem sub provisione aliquorum particularium provisorum. Et q. 23. art. 6. *Sed non omnia, quæ providentiæ subduntur, necessaria sunt; sed quædam contingenter eveniunt, secundum conditionem causarum proximarum, quas ad tales effectus Divina providentia ordinavit...* Sic igitur, & ordo prædestinationis est certus, & tamen libertas arbitrii non tollitur, ex qua contingenter provenit effectus prædestinationis. Sic etiam expresse docet S. Doctor 1. par. q. 83. art. 1. ubi cum sibi sequens objecisset argumentum: *Liberum arbitrium est, quod sui causa est, ut dicitur in 1. Metaphys. Quod ergo movetur ab alio non est liberum; sed Deus movet voluntatem:* dicitur enim Proverb. 21. *Cor Regis in manu Dei: & quodcumque voluerit, vertet illud.* Et ad Philipp. 2. *Deus est, qui operatur in vobis velle, & perficere:* ergo homo non est liberi arbitrii; sic argumento respondet. *Ad secundum dicendum, quod liberum arbitrium seipsum movet ad agendum. Non tamen hoc est de necessitate libertatis, quod sit prima causa sui, id quod liberum est: sicut nec ad hoc, quod aliquid sit causa alterius, requiritur, quod sit prima causa ejus. Deus igitur est prima causa movens, & naturales causas, & voluntarias. Et sicut naturalibus causis movendo eas non aufert, quin actus earum sint naturales, ita movendo causas voluntarias non aufert, quin actiones earum sint voluntariæ, sed potius hoc in eis facit: operatur enim in unoquoque secundum ejus proprietatem.*

27. Eadem enitescit doctrina in solutione ad tertium: *Deus est prima causa movens, & naturales causas, & voluntarias. Et sicut naturalibus causis movendo eas, non aufert, quin actus earum sint naturales; ita movendo causas voluntarias, non aufert, quin actiones earum sint voluntariæ; sed potius hoc in eis facit: operatur enim in unoquoque secundum ejus proprietatem.* Nemo, qui Thomam noverit, ignorat, voluntarium pro libero frequenter à S. D. usurpari, prout hic, & pluribus aliis in locis. Tantum ergo abest, quod libertatem in eis destruat, quin potius hanc in eis facit, cum velit, voluntatem nedum liberam esse, sed & liberè hic, & nunc operari.

28. Docet id ipsum 1. 2. q. 10. art. 4. dicens: *Dicendum quod sicut Dionysius dicit 4. cap. de divinis nominibus, ad providentiam divinam non pertinet naturas rerum corrumpere, sed servare: unde omnia movet, secundum earum conditionem; ita quod ex causis necessariis per motionem divinam consequuntur effectus ex necessitate: ex causis autem contingentibus sequuntur effectus contingenter. Quia igitur voluntas est actuum principium non determinatum ad unum, sed indifferenter* se

*se habet ad multa; sic Deus ipsam movet, quod non ex necessitate ad unum determinat, sed remanet motus ejus contingens, & non necessarius, nisi in his, ad quæ naturaliter movetur. Non video sane, quid his magis appositè dici possit, ut constet, qualiter citra jacturam liberæ nostræ indifferentiæ Deus moveat efficaciter nostram voluntatem, quia uempè divinum auxilium movet hominem secundum ejus conditionem, & secundum modum suæ naturæ, & ea est hominis conditio, & natura, ut liberè agat. Quod non leviter confirmat Angelicus Præceptor, cum enim ibi hoc primum posuisset argumentum, ut probaret, quod voluntas ex necessitate movetur à Deo: Omne enim agens cui resisti non potest ex necessitate movet; sed Deo, cum sit infinita virtutis, resisti non potest; unde dicitur ad Rom. 9. voluntati ejus quis resistit? Ergo Deus ex necessitate movet voluntatem; en ubi D. Thomas expressè resistibilitatem tangit: respondet; Ad primum ergo dicendum, quod voluntas Divina non solum se extendit, ut aliquid fiat per rem, quam movet, sed ut eodem modo fiat, quod congruit naturæ ipsius. Et ideo magis repugnaret divinæ motioni, si voluntas ex necessitate moveretur, quod suæ naturæ non congruit, quam si moveretur liberè, prout competit suæ naturæ. Ex quibus magnum, & efficax promittitur argumentum; cum D. Thomas non agat de voluntate aeterna, sed de motione temporali; licet, quia hæc est participatio illius, sive consequutio, & exequutio, eodè modo S. Doctor illam cum libertate componat, sicut cum voluntate 1. p. q. 19. art. 8. ubi sequens proponit argumentum: Omnis causa, quæ non potest impediri, ex necessitate suum effectum producit: quia & natura semper aliquid operatur, ut dicitur in 2. Physic. sed voluntas Dei non potest impediri; dicit enim Apostolus ad Rom. 9. voluntati enim ejus quis resistit? Ergo voluntas Dei imponit rebus necessitatem. Cui respondet: Ad secundum dicendum, quod ex hoc ipso, quod nihil voluntati Divinæ resistit, sequitur, quod non solum fiant ea, quæ Deus vult fieri, sed quod fiant contingenter, vel necessariò, quæ sic fieri vult. Quibus exprimitur unde proficiscitur & causatur nostra libertas; & quod eò magis consulitur libertati, quod insuperabilis illa potestas, & efficacia primi moventis, & supremæ causarum omnium causæ, causantis tam substantiam, quam modum actûs liberi, strenuè defenditur.*

29. Præclarè iterum id ipsum tradit in eadem 1. 2. q. 109. art. 1. ad 1. dicens: Homo est Dominus suorum actuum, & volendi, & non volendi propter deliberationem rationis, quæ potest scitè ad unam partem, vel ad aliam: sed quod deliberet, vel non deliberet, etsi hujusmodi etiam sit Dominus, oportet, quod hoc sit per deliberationem præcedentem. Et cum hoc non procedat in infinitum, oportet, quod finaliter deveniatur ad hoc, quod liberum arbitrium hominis moveatur ab aliquo exteriori principio, quod est supra mentem humanam, scilicet Deo; ut etiam Philosophus probat in capitulo de bona fortuna. Unde mens hominis etiam sani non ita habet dominium sui actûs, quin indigeat moveri à Deo, & multò magis liberum arbitrium hominis infirmi post peccatum, per quod impeditur à bono per corruptionem naturæ.

30. Egregiè iterum 3. contra *Gent.* cap. 90. n. 6. ait: *Quod . . . Damascenus cum sequens dicit in secundo libro, quod ea, quæ sunt in nobis Deus præoscit, sed non prædeterminat, exponenda sunt, ut intelligantur ea, quæ sunt in nobis, divinæ determinationi non esse subiecta, quasi ab ea necessitatem accipientia.* Non negat D. Thomas, ea, quæ sunt in nobis, à Deo prædeterminari, sed quòd Deus sic prædeterminet, ut voluntas non remaneat libera, dum hic & nunc operatur. Etiam *Opusc.* 3. cap. 130. Oportet, quòd Deus cuilibet agenti adsit interior, quasi in ipso agenti, dum ipsum ad agendum movet. Et in compend. Theolog. cap. 129. Non est contra arbitrii libertatem, si Deus voluntatem hominis movet, sicuti non est contra naturam, quòd Deus in rebus naturalibus operetur: sed tam inclinatio naturalis, quàm voluntaria à Deo est, verèque procedens secundum conditionem rei, cuius est. Sic enim Deus movet secundum quod competit eorum naturæ. Rursus q. 3. de malo art. 2. Cum aliquid movet se ipsum, non excluditur, quòd ab alio moveatur, à quo habet hoc ipsum, quòd se ipsum moveat, & sic non repugnat libertati, quòd Deus est causa liberi arbitrii. Hæc eadem luculentè ipse S. Doctor respondet q. 13. de verit. art. 5. in corp. ubi doctrinam istam mirè explicat: Et ideo oportet aliam principalem rationem assignare contingentie in rebus, cui causa præassignata subserviat. Oportet enim patientis assimilari agenti, & si agens sit perfectissimum erit similitudo effectus ad causam agentem perfecta. Si autem agens sit debile, erit similitudo imperfecta: Sicut propter fortitudinem virtutis formativæ in semine Filius assimilatur Patri non solum in natura speciei, sed in multis aliis accidentibus. E contrario verò propter debilitatem prædictæ virtutis annihilatur prædicta assimilatio, ut dicitur in lib. de animalib. Voluntas autem Divina est agens fortissimum. Unde oportet, ejus effectum ei omnibus modis assimilari, ut non solum fiat id, quòd Deus vult fieri, quòd est quasi assimilari secundum speciem, sed ut fiat eo modo, quò Deus vult illud fieri, vel necessariò, vel contingenter, vel citò, vel tardè, quòd est quasi quædam assimilatio secundum accidentia. Et q. 22. de verit. art. 8. Sicut omnis actio naturalis est à Deo, ita omnis actio voluntatis in quantum est actio, non solum est à voluntate, ut immediatè agente, sed à Deo, ut primo agente, qui vehementius imprimit. Et in 2. diss. 25. q. 1. art. 2. ad 1. Deus operatur in voluntate nostra, & in libero arbitrio secundum ejus exigentiam. Unde etiamsi voluntatem hominis in aliud mutet, nihilominus tamen hoc suâ omnipotentia facit, ut illud, in quò mutatur voluntas, voluntariè (nempe liberè) velit. Et in 1. ad Anabaldum diss. 47. q. unica art. 4. Voluntate Dei non solum res in esse producantur, sed etiam rebus producendis, modum, quo producantur, præordinavit: unde cum voluntas Dei efficaciter impletur, oportet, quòd res fiant, & eo modo, sicut voluntas divina disposuit.

31. Vides, quàm magnificè ostendit D. Thomas concordiam libertatis, hoc firmissimò utens principio: quòd non solum fiunt ea, quæ Deus fieri voluit, sed & fiunt eò modò, quò Deus fieri voluit. Ex quo arguitur primo. Deus vult, actum hominis, quò convertitur ad ipsum,

elle

esse formaliter liberum; sed dum vult, actum istum esse formaliter liberum, non destruit, sed potius fovet libertatem. Quid namque aliud facit Deus volendo actum esse formaliter liberum, nisi causare determinationem voluntatis liberæ ad unum extremum? Non quòd ipsa voluntas non se determinet; neque quòd se determinare liberum ei non sit; sed quòd à divina voluntate, & motione habeat & se determinare, & liberè se determinare. Undè hæc determinatio voluntati non aufert potestatem eliciendi actum oppositum, in qua propriè consistit libertas: ergo nec Deus operans talem determinationem destruit libertatem.

32. Secundò: Voluntas divina, quicquid statuit, & prout statuit, semper exequitur; non enim frustrari potest, cùm sit efficax, ab eo, quod vult; nec usquam deficit à suo effectu, nec à modo eveniendi, quem prævidit. In hoc quippè est immobilis, & certus divinæ providentiæ ordo, ut ea, quæ ab ipsa providentur, cuncta eveniant, eò modò, quò ab ipsa providentur, sive necessariò, sive liberè; sed ab æterno statuit Deus, hominem nedum liberè operari, sed & liberè per hunc, vel illum actum operari: ergo libertati nihil detrahit immutabilis decreti efficacia.

33. Tertiò: Nihil est sub dominio Creaturæ, quod non sit sub dominio Dei; cùm cor hominis sit in manu Dei, & quòcumque voluerit, vertat illud; sed voluntas ratione domini, quod habet in suos actus, dum agit, non eripit sibi libertatem: ergo nec Deus ratione ejusdem sui supremi domini, dum voluntatem efficaciter determinat, facitque, ut operetur, libertatem eripit. Vel aliter: Ideò volitio libera creata, immediate subicitur voluntati, ut causæ danti substantiam volitionis, & volitionis libertatem, quia, cùm utrumque contineat voluntas, utrumque suo influxu præstat volitioni: ergo si cor hominis est in manu Dei, habetque magis in potestate sua voluntates hominum, quàm ipsi suas, causat substantiam volitionis, & volitionis libertatem. Quomodò namque causa præcontinens tam substantiam actûs, quàm modum libertatis, nisi debilis sit, utrumque non præstabit? An non poterit Deus, quod valet ipsa voluntas? An credibile est, quòd determinatio voluntatis non lædat libertatem, & quòd causa ipsius determinationis, quæ hæc, tam quoad substantiam, quàm quoad modum libertatis, ponit, & causat, tollat illam? Ergo si voluntas ratione domini, quod habet supra suos actus, determinatione suâ non eripit sibi libertatem, nec Deus, qui magis habet in potestate sua voluntates hominum, quàm ipsi suas, hæc destruit. Etenim, ut profunde dixit D. Prosper contra Collat. cap. 26. *Agit hoc occulta, & potens gratia Dei, non ut invitum subigat, sed ut subjectionis cupidum faciat.*

34. Quartò: Libertas convenit voluntati non solum dum est potens ad utrumque libertatis extremum, sed dum actu eligit unum præ alios: cùm in hoc ultimo libertatis exercitio magis resplendeat ipsa libertas: ergo causalitas primi agentis, quæ pertingit usque ad ultimas differentias individuales libertatis, & libertatem causat in actu primo, & exercitium libertatis. Hæc consequentia est evidens; nam quò magis ipsa.

est in actu, ab eodem principio, à quo habet esse, habet quòd sit in actus sed à voluntate Deo subordinata non potest habere, quòd sit independens à Deo in exercitio libertatis: ergo exercitium liberum est subordinatum Deo eà subordinatione, quā subordinatur ipsum principium. Quòd enim actio verè à nobis sit elicitā, nihil refert, quin potius ex hoc ipso ex Deo est, & libera est. Modò sic: Deum esse causam libertatis tam in actu primo, quàm in actu secundo, nihil aliud est, quàm, facere hominem liberè operari: sed hoc facere est velle, quòd ita liberè operetur: cum facere Dei sit ipsum velle: ergo Deus ab aeterno vult, actum liberè esse exercendum. Nullus ergo ita deliriat, ut dicat, quòd liber non erit actus, quia Deus vult efficaciter, illum liberum esse.

35. Quirò: Libertate non eximitur homo à subordinatione Dei in suis exercitiis liberis: est namque libertas solum diversus modus, quòd homo refertur ad Deum: sed si in voluntate Dei comprehenditur tam libertas, quàm ejus exercitium, efficaciam gratiæ non potest destrui libertas: aliàs tam contrarius esset Deus sibi volenti, actum liberum esse, quàm voluntatis libertati: ergo dicendum est, actum, quem Deus vult esse liberum, esse essentialiter liberum libertate secundà Deo subordinatà.

36. Formidandum sanè esset, si Deus non esset ita omnipotens: at cum omnipotens sit, viresque Dei nec finem, nec modum habeant: ita ut magis beate in potestate sua voluntates hominum, quàm ipsi suas, salvā libertatis indifferentiā, operatur in eis quidquid vult, & ita agit illas, ut velint, potentes non velle, dando illis non velle resistere: quod se juentibus verbis expressit D. Thomas in 2. dist. 25. quæst. 1. artic. 2. ad 1. *Huc factū omnipotentis facit, ut illud, in quod mutatur, voluntariè velit.* Si difficilis fortè aliquibus videatur hæc Angelici Magistri doctrina, rogo eos, ut hæc secundum interiorem motum, & libertatem judicent: & ut in hujusmodi rebus, quas non attingit humana sapientia, agnoscant Dei omnipotentiam, quæ plus potest, & facit, quàm nos cogitemus, & intelligamus: ut omnis intellectus in obsequium ejus omnipotentis captivum se reddat, neque plus sapiat, quàm oportet sapere. Non enim rationabile est, ut quis ideò aliquid neget, quia illud intellectu penetrare non potest, nec quia dignè verbis valeat explicari: nam si hoc suæ naturalis altitudinis incomprehensibilitate explicari non paritur, probationibus satis necessariis, nullā repugnante ratione, aliteritur: ex quo nullatenus hujus difficillimi mysterii nuntio sollicitas. Quapropter duo nos fatemur, scilicet rationem S. Doctoris esse veram, & concludentem: & naturam, ac modum divinæ motionis esse nobis incomprehensibilem. Argumenta humanæ rationis, quæ contra positionem S. Doctoris fiunt, hoc secundum pertingunt: ideòque nunquam possunt efficaciam habere: pro solutione enim semper est ipsa inexcogitabilis divinæ virtutis operatio. Quod ut evidentius fiat, existimet unusquisque intra se ipsum, an illa S. Thomæ ratio absolutè, & ex terminis suis vera sit. Quòd si, ut opinor, veram invenerit, inde manife-



nifestissime deprehenderet, quòd dum ad quæstionem istam determinatur, tota difficultas sita est, non in veritate prævii concursus Dei, sed in illius incomprehensibili ratione, id est, in eo quòd non comprehenditur, quòd comprehendi non potest. *Omnia enim, teste D. Epiphanio, ista concordia prætervolat, & excedit, omnem causam syllogisticam relinquit doctrinali illi scientiæ: Nemo novit Filium, nisi Pater, & cui voluerit filius revelare? Revelat autem per Spiritum Sanctum, non iis, qui de ipso per syllogismos ratiocinantur, sed qui in ipsum legitime, & perfectè credunt.*

## §. IV.

*Id ipsum probatur ex modo mirabili, quo Deus voluntatem ad actus liberos movet.*

37. **M**Entem Angelicæ Præceptoris apertissime dedimus Disput. 9. Dub. 3. §. 1. nec non & in §. antecedenti; sed hic iterum, operæ pietum diximus, vocem tanti Magistri agnoscere, ipsum præsentem intueri, & diligentem audire: nam imptela ab *Augustino* vestigia secutus est *D. Thomas*. Et quidem robur, & efficaciam intrinsicam gratiæ, huiusque cum libertate concordiam expressit 1. part. quæst. 19. artic. 8. *Cum voluntas Divina sit efficacissima, n. v. solum sequitur, quòd fiant ea, quæ Deus vult fieri, sed quòd eo modo fiant, quo Deus ea fieri vult. Vult autem Deus quedam fieri necessarium, quedam contingenter, ut sit ordo in rebus ad complementum universi. Et idè quibusdam effectibus aptavit causas necessarias, quæ deficere non possunt, ex quibus effectus de necessitate proveniunt: quibusdam autem aptavit causas contingentes defectibiles, ex quibus effectus contingenter eveniunt: Non igitur propter effectus v. liti à Deo eveniunt contingenter, quia causa proxima sunt contingentes, sed propterea, quia Deus vult eos contingenter evenire, contingentes causas ad eos præparavit.* En ubi S. Doctor contingentiam nostrorum actuum non ad nostræ voluntatis potestatem, sed ad efficaciam Divinæ voluntatis reducit: quod verum non esset, si Deus concurreret ad nostros actus concursu solum indifferenti, non verò efficaci, & prædeterminante.

38. Hanc eandem vim efficacissimam, & invictissimam Divinæ gratiæ moventis repetit 1. part. quæst. 105. art. 5. dicens: *Primum agens movet secundum ad agendum, & secundum hoc omnia agunt in virtute ipsius Dei, & ita est causa omnis actionis agentium.* Et q. 111. art. 2. *Solus Deus efficaciter potest movere voluntatem.* Prodit ipse, suam mentem, hancque intrinsicam gratiæ moventis efficaciam strenuè asserit, 1. 2. quæst. 10. art. 4. Et 2. 2. quæst. 22. art. 4. Et qu. 23. art. 6. Et quæst. 116. art. 1. Et quæst. 115. art. 1. Et lib. 1. Periherm. lect. 14. Et opusc. 2. cap. 140. Hanc iterum firmat quæst. 6. de malo art. unic. ad 3. dicens: *Deum movere immutabiliter voluntatem propter efficaciam*

*voluntatis moventis*. Et quæst. 3. de veritate art. 7. *Nos ponimus Deum immediatam causam uniuscujusque rei, secundum quod in omnibus causis secundis operatur, & omnes effectus ex ejus prædicatione proveniunt*. Hæc admirabilis, & præstans dominatio Divinæ voluntatis in creatas voluntates est insigne illæse liberi arbitrii libertatis, & indifferentiæ documentum. Hanc quippè liberi arbitrii libertatem, & indifferentiā boni, & mali dedit Deus creatis à se naturis intellectualibus: ergo illæsa, & integra manet libertas, dum Deus in cordibus hominum operatur efficaciter; aliis, quod incredibile est, dum propter efficaciam Divinæ voluntatis immutabilem voluntatem movet, conceitum revocaret libertatis privilegium.

39. Ingentis etiam momenti ad rem nostram est, quod scribit Sanctus Doctor in 1. ad *Ambrosium* dist. 47. quæst. unic. art. 4. *Voluntate Dei non solum res in esse producuntur, sed etiam rebus producendis, modum, quo producuntur, prædeterminavit*. Quid clarius, quid expeditius dici potuit, ut suas quoque partes libero arbitrio vindiceret? An prædeterminare modum, quo actus liber producitur, non est prædeterminare libertatem? Ergo si hunc modum prædeterminat, & libertatem efficaciter præmoveret. Et rursum 3. contra Gentes cap. 69. Contrariorum sententiam per hæc impugnat verba: *Quidam verò non intelligentes, qualiter motum voluntatis Deus in nobis causare possit absque præjudicio libertatis, conati sunt &c.* His postea subjungit: *Quibus quidem auctoritatibus Sacra Scriptura resistitur volentes*; dicitur enim *Isaie 26. Omnia opera nostra opera tus es in nobis, Domine*. Et concludit: *Nou solum virtutem volendi habere homines à Deo, sed etiam operationem*. Et in quæst. 3. de potent. art. 7. ait: *Sic ergo Deus est causa actionis cujuslibet, in quantum dat virtutem agendi, & in quantum conservat eam, & in quantum applicat virtutem ad actionem*. Et paulò antea in corpore articuli probans, Deum multipliciter operari in causis secundis operantibus, sic ait: *Primo quidem, quia dedit rebus naturalibus virtutes, per quas agere possunt; secundò, in quantum conservat virtutem naturalem in esse; tertio, in quantum movet eas ad agendum, in quo non intelligitur collatio, aut conservatio virtutis acti-væ, sed applicatio virtutis ad actionem*.

40. Nec minùs perlucide de efficacissima gratia, quâ Deus agit, & circumagat voluntatem, ut liberè allentiat, S. Doctor loquitur quæst. 2. de veritate art. 9. in corp. *Respondendo dicendum, quod voluntas potest intelligi immutari ab aliquo dupliciter: uno modo scilicet ab objecto, sicut voluntas immutatur ab appetibili: alio verò modo potest intelligi voluntas moveri ab aliquo per modum causæ efficientis*. Et postquam docuit, solum Deum posse hoc modo movere voluntatem, primo verò modo posse quemlibet, subjungit rationem sic: *Cujus ratio est, quia cum actus voluntatis sit quasi medium inter potentiam, & objectum; immutatio actus voluntatis potest considerari, vel ex parte ipsius voluntatis, vel ex parte objecti. Ex parte quidem voluntatis mutare actum voluntatis non potest, nisi quod operatur intra voluntatem, & hoc*

*Et hoc est ipsa voluntas, & quod est causa esse voluntatis; quod secundum fidem, solus est Deus. Unde solus Deus potest inclinationem voluntatis, quam ei dedit, transferre de uno in aliud, secundum quod vult. Et in hac eadem quaestione art. 8., urgentius pro nostra sententia prosequitur, dicens: Unde sicuti omnis actio naturalis est à Deo; ita omnis actio voluntatis in quantum est actio, non solum est à voluntate, ut immediate agente, sed à Deo, ut primo agente, qui vehementius imprimit; unde sicut voluntas potest immutare actum suum in alium, ita & multo amplius Deus. Quid clarius? Nihil enim aliud nos contendimus, dum dicimus, Deum physicè movere voluntatem. Hoc unanimiter sentiunt, hoc concorditer affirmant Thomistæ omnes.*

41. Etenim Deum esse causam libertatis nostrorum actuum in quantum voluntatem liberam produxit, solum est esse causam mediam nostrorum actuum, non verò immediatam; sed *D. Thomas* in 3. contra Gentes cap. 89. citato expressè damnat istam sententiam, tanquam evidentè resistentem auctoritatibus Sacrae Scripturae; ergo nè intelligatur *D. Thomas* iuxta reprobum sensum ab ipso damnatum; sic reducitur contingentia, & libertas nostrorum actuum ad efficaciam Divinae voluntatis, quod causas contingentes, & liberas prædeterminet ad suos effectus.

42. Non absimiliter loquitur *D. Thomas* exponens illud *Apostoli* ad *Hebr.* 13. *Deus autem pacis aptet vos in omni bono, ut faciatis ejus voluntatem* &c. his verbis: *Dupliciter autem homo adaptatur ad verè faciendum. Uno modo exterius operando, & sic unus homo aptat alium persuadendo, vel comminando. Alio verò modo aliquid interiùs exhibendo; & sic solus Deus aptat voluntatem, qui solus potest illam immutare.* En quomodo Deum aptare, & præparare causas contingentes, non solum est illas producere, conferendo eis virtutem operandi; sed est illas immutare, aliquid interiùs exhibendo: at per concursum indifferenterem voluntati oblatum, seu attemperatum, ut ajunt, non immutatur interiùs voluntas, cum maneat ita indifferens ac antea; immutatur tamen per concursum prædeterminantem: ergo illo, & non illo aptat Deus voluntatem ad benefaciendum, juxta mentem *D. Thomæ*.

43. Extant & alia apud *D. Thomam* a pertissima testimonia ad hujus rei approbationem, quibus agnoscit voluntatem Dei efficacem infallibiliter conjunctam cum effectu. Sic quaest. 23. de veritate art. 5. de voluntate Dei efficaci scribit, illi resisti non posse. Et quodlib. 12. art. 3. eam non posse deficere. Et quaest. 6. de malo art. unic. ad 3. non posse impediri. Et in 2. dist. 47. quaest. 1. art. 1. cum illa non posse stare negationem effectus, quem vult. Quæ omnia, & alia similia ab ipso passim edocta, salvari non possunt, nisi Deo efficaciter voluntatem prædeterminante.

44. At *Rev. P. Thyrsus* tom. 1. select. disput. 17. sect. 10. his non obstantibus, probare intendit, Deum ex mente *D. Thomæ* solum moraliter trahere ad se voluntatem, & consequenter ait, quod *D. Thomas* tantum agnoscit motionem moralem, quæ voluntas creata trahitur. Ad cujus probationem quædam adducit verba Angelici Doctoris super illud

illud *Joann. 6. Nemo potest venire ad me, nisi Pater, qui misit me, traxerit eum.* Ubi (ipso referente) sic ait Angelicus Doctor: *Hominem multipliciter trahit Deus, revelatione veritatis interna, persuasionem, operatione miraculorum, blanditiis, admirabili delectatione, & amore veritatis*: in quibus verbis assignantur à D. *Thoma* modi omnes trahendi voluntatem creatam; sed omnes isti contenti in prædictis verbis continent motionem moralem; ergo D. *Thomas* tantum agnovit motionem moralem, seu imperium morale.

45. Hæc audiens, & legens Theologus, judicabit sanè, nullum, alium modum trahendi voluntatem creatam docuisse ibi Angelicum Magistrum: sed audiant textum integrè relatum: *Sed quia* (prosequitur immediatè Angelicus Magister) *non solum revelatio exterior, vel objectum virtutem attrahendi habet, sed etiam interior instinctus impellens, & movens ad credendum, ideò trahit multos Pater ad Filium, per instinctum divinæ operationis moventis interius cor hominis ad credendum, ut dicitur ad Philip. 2. Deus est, qui operatur in nobis velle, & perficere. Et Osee 11. In funiculis Adam traham eos in vinculis charitatis. Et Proverb. 11. Cor Regis in manu Domini, quocumque volueris, inclinabit illud.* Hunc etiam modum trahendi habet super illud *Pauli* ad Rom. 8. *Quos prædestinavit, hos & vocavit.* Ubi D. *Thomas* docet, quòd alia est vocatio interior, quæ nihil aliud est, quam, quidam mentis instinctus, quò cor hominis movetur à Deo ad attendendum his, quæ sunt fidei, vel virtutis, juxta illud *Isaia 41. Quis suscitavit ab oriente justum, & vocavit eum, ut sequeretur se?* Et hæc vocatio necessaria est, quia cor nostrum non se converteret ad Deum, nisi ipse Deus nos ad se traheret, juxta illud *Joann. 6. Nemo potest venire ad me, nisi Pater, qui misit me, traxerit eum.* Et *Threnor. 5. Convertite nos Domine ad te, & convertemur*; & etiam hæc vocatio est efficax. Ecce ubi D. *Thomas*, præter omnes modos relatos ab arguente, ulterius addit alium efficaciorum, quem appellat *per instinctum divinæ operationis moventis, & impellentis ad credendum*, moventis, inquam, interius cor hominis, hoc est, inhaerentem intra ipsam voluntatem; qui quidem instinctus est ipsissima physica prædeterminatio, à decreto efficaci prædeterminativo ortum ducens. Immo contra P. *Thyrsum* retorqueo ejus argumentum in hunc modum: Per te D. *Thomas* numeravit in prædicta expositione omnes modos trahendi voluntatem; sed præter modos à te recitados, alium superaddit D. *Thomas*, nimirum, per instinctum divinæ operationis moventis interius cor hominis ad credendum; ergo præter modos trahendi moraliter voluntatem, quos tu fateris, teneris admittere alium, qui non sit modus trahendi moraliter, sed per physicam interiorum motionem, seu præmotionem. Hæc est mirabilis illa doctrina, quæ collaudatur *Christus Rex gloriæ, qui per Thomam lumen Ecclesiæ Mundum replet doctrina gratiæ*; ut Ecclesiæ canit in officio S. Doctoris.

## §. V.

*Idem assertum probatur ex conceptu essentiali libertatis creatæ .*

46. **E**fficacia intrinseca gratiæ, quæ Deus cor adversarium, & rebelle aufert, quæ facit, ut in justificationibus Dei ambulemus, nequaquam liberum lædit arbitrium. Non pugnant ista, gratia ab intrinseco efficax, & libertas. Quantumlibet invictum sit robur gratiæ, nihil tamen infligit necessitatis, sed consentire, vel dissentire semper est liberum. Etenim necessarium est, juxta principia fidei consentanea, & veræ Philosophiæ, quod voluntas creatæ taliter se determinet ad amorem, ut non sit primum determinans, nec prima domina suæ determinationis. Quid enim magis adversum Philosophiæ, & Fidei, quam duo prima principia determinantia? Ergo impossibile non est, sed potius necesse, quod voluntas creatæ taliter exigit se ad amorem determinare, ut etiam exigit determinari à Deo. Hoc enim est formaliter esse, primum determinans, quod se determinet excludendo determinationem ab alio: sicut ratio primi entis sic habet esse à se, quod excludit esse ab alio; & agere à se, excludendo agere ab alio, est formaliter esse, primum agens. Quare D. Thomas quæst. 3. de malo art. 2. ad 4. inquit: *Cum aliquid movet se ipsum, non excluditur, quin ab alio moveatur, à quo habet hoc ipsum, quod se ipsum moveat: & sic non repugnat libertati, quod Deus est causa liberi arbitrii.* Et in 2. dist. 25. quæst. 1. art. 2. ad 1. *Quod Deus operatur in voluntate nostra, & in libero arbitrio, secundum ejus exigentiam. Unde etiam si voluntatem hominis in aliud mutet, nihilominus tamen hoc sua omnipotentia facit, ut illud in quod mutatur voluntas, voluntarie velit.* Et in 1. part. quæst. 83. art. 1. ad 3. dixit: *Quod Deus movendo causas voluntarias, non aufert, quin actiones earum sint voluntariæ, sed potius hoc in eis facit: quare statuit 1. 2. quæst. 10. art. 4. Quod repugnat divinæ motioni movere voluntatem ex necessitate, & non liberè prout convenit suæ naturæ.* Hic radiat primò dependentia essentialis secundi liberi ab alio primo determinante. Radiat secundo, Deum sic movere voluntatem, quod sit causa liberi arbitrii. Radiat tertio, quod utrumque effici existimat D. Thomas, ut invicta Dei gratia moveatur voluntas, & quod liberè consentiat. Radiat quarto, ita nos gratia Dei præveniri, & efficaciter adjuvari illæsa libertate, eique talem libertatis cum gratia conjugationem, quod repugnat divinæ motioni movere voluntatem ex necessitate, & non liberè.

47. Hoc penitus ostendit, quod suprà ex *Augustino* diximus, gratiam Dei nos ducere, & trahere, operando intus in corda hominum, ita ut nullo modo intelligatur nostra voluntas prior: trahit ergo Deus prius operando in voluntate, ut illa velit; prius determinans voluntatem, ut

ex

ex nolente fiat volens. Quod uterque S. Doctor sub nomine *motionis*, & *tractionis* docent, hoc & nos sub nomine determinationis affirmamus. Nunc rogo : habet ne voluntas creata à Deo hoc, quod est actus de determinare? Si negativè respondeas: ergo jam voluntas creata est primum determinans ad amorem; cum non habeat ab alio, ut se determinet, & existentia actionis liberæ, non in concursu Dei, sed in determinatione nostræ voluntatis sistit, & resolvitur ultimò: cum non possit ultrà resolvi in voluntatem divinam. Si affirmativè, ut par est: ergo quòd voluntas creata se determinet ad amorem, non excludit, quòd etiam determinatur à Deo, quin potius id essentialiter imbibit: liquidè à Deo habet hoc ipsum, quòd se ipsam determinet: ergo cum eo, quòd ipsa se liberè exerceat circa existentiam actus liberi, rectè componitur, quòd & Deus sit primum agens liberum respectu ejusdem actus liberi.

48. Dices cum P. *Avendaño* disp. 7. cap. 1. §. 11. n. 5. & §. 14. n. 4. Deum quidè causare determinationem liberam voluntatis creatæ, quamvis non determinet voluntatem, sed sola voluntas creata se determinet ad actum; quia aliud est, inquit, liberè determinare, & aliud causare immediatè liberam determinationem: sicut aliud est causare vitalitatem actus, & aliud est vivere, dum sit actus vitalis: sola enim voluntas vivit per actum vitalem supernaturalem, & non gratia; & tamen non sola voluntas, sed etiam gratia causat vitalitatem actus: ergo ut Deus sit primum determinans nostram voluntatem, & primum Dominus nostræ determinationis liberæ, sufficit, quòd causet determinationem, & non requiritur, quòd determinet.

49. Sed contrà est primò, quia nequit Deus esse causa determinationis nostræ voluntatis ad amorem, & non determinare illam efficienter ad amandum: idem quippè formalissimè est, esse causam efficientem determinationis voluntatis, ac illam efficienter determinare: sicut idem est formalissimè esse causam efficientem albedinis in pariete, ac dealbare efficienter parietem: esse causam efficientem caloris, ac efficienter calefacere: & in sententia contrariorum, efficere in extremis unionem, quâ formaliter uniuntur, & formalissimè illa extrema efficienter unire: & efficere lucem in diaphano, quâ formaliter illuminatur, est illud efficienter illuminare; quia evidens est, eandem denominationem, quam præstat formaliter aliqua forma, præstari efficienter à causa efficiente talem formam: sed juxta solutionem Deus immediatè efficit physicè determinationem voluntatis in voluntate recipiente à Deo ipsam determinationem, ut verificetur illud *Pauli*, *Quid habes, quod non accepisti?* Ergo & Deus debet dici primum determinans efficienter nostram voluntatem, quod, & nihil aliud intendimus. Secundò, quia, ut in solutione conceditur, Deus causat efficienter, & immediatè talem determinationem; sed non causat illam necessariò: ergò liberè causat illam: ergo & talis determinatio existit sub Dei dominio formaliter, & immediatè; nequit enim aliquid immediatè, & formaliter existere sub libertate Dei, quin immediatè, & formaliter existat sub illius  
do-

dominio. Ex quo iterum evidenter infertur, quod, ut talis determinatio ponatur, requiritur ex parte Dei nova, & distincta libertas.

50. Rursus: nam vel Deus est causa determinationis liberæ nostræ voluntatis ad amorem per concursum determinatum, vel per concursum indifferentem ad amorem? Si primum; cum concursus divinus determinatus præveniens voluntatis prædeterminationem tanquam causa illius, sit concursus prædeterminans, supponens efficax decretum Thomistarum, jam aperte conceditur ipsorum prædeterminatio. Si secundum: ergo sicut Deus ratione concursus indifferentis causat determinationem voluntatis ad amorem, ita ratione illius concursus determinabit voluntatem ad amandum, & quâ facilitate, vel difficultate salvatur primum, potest salvari secundum: ergo consequenter etiam in principiis Adversariorum conceditur, Deum causare determinationem nostræ voluntatis, & negatur, Deum determinare nostram voluntatem.

51. Nec exemplum solutionis urget: fatemur enim, non esse idem causare vitalitatem actus, ac vivere per illum: quia esse causam vitalitatis solum nominat principium activum: vivere autem, cum sit se movere, nominat principium activum, & passivum. Unde Deus concurrens cum voluntate ad actum vitalem, & similiter gratia, verè dicuntur causæ vitalitatis actus, quia verè influunt in illum activè: sola tamen, voluntas vivit per actum, quia in illum activè influit, & illum passivè recipit: unde sola voluntas se movet per illum. Hæc eadem ratione fatemur, non esse idem causare determinationem voluntatis, ac se determinare per illam, quia non recipit illam in se, bene verò voluntas, quæ causat, & recipit. Cæterum causare determinationem voluntatis est omnino idem, ac illam determinare: quia determinare nihil passivum nominat, sed purè activum, sicut causare. Quare idem omnino est causare vitalitatem actus, ac vivificare efficienter.

52. Ulterius sic insto: nam juxta solutionem eatenus Deus concurrat elicitive, & non determinativè ad determinationem liberam creaturæ, quatenus Deus determinatus à creatura concurrat efficienter ad ipsam determinationem: ergo prius est, prioritate naturæ, quod creatura determet Deum, sive divinum concursum, quam quod Deus efficienter concurrat ad determinationem creaturæ. Tenet consequentia: nam determinans aliud est saltem naturâ prius illo: ergo si Deus non concurrat efficaciter ad determinationem creaturæ, nisi quatenus determinatus à creatura, prius erit, quod creatura determet Deum, quam quod Deus concurrat efficaciter ad determinationem creaturæ: ergo prior est determinatio creaturæ, quam divinus concursus effectivus in talem determinationem; cum creatura non determet divinum concursum, nisi per suam determinationem: ergo implicatius est iste divinus concursus. Probatur hæc consequentia: nam implicatius est concursus effectivus subsecutus ad suum effectum; cum causa efficiens essentialiter petat præcedere suum effectum; sed iste Dei concursus subsequitur ad suum effectum; ejus enim effectus est determinatio creaturæ,

quæ, ut vidimus, prior est ipso concursu : ergo implicatorius est hujusmodi concursus .

53. Si dicas, in voluntate creata esse duplicem determinationem, aliam, quâ determinat concursum divinum, ut cum illa currat ad amorem, v. g., & hæc præcedit divinum concursum, nec est effectus illius : aliam, quâ se ipsam determinat ad amandum; & hæc subsequitur ad divinum concursum, causaturque efficaciter per illum; undè nulla est implicatio.

54. Contrà est, nec minùs efficaciter; nam vel illa prima determinatio voluntatis, quâ determinat divinum concursum, causatur à Deo, vel non? Si non causatur: ergo jam voluntas creata est prima causa, primum determinans, & prima domina respectu illius determinationis. Si causatur à Deo: ergo vel per illum met concursum, quem ipsa determinat, vel per alium priorem, & distinctum? Si per illum: ergo jam illa prima determinatio est effectus talis concursus, quòd solutio negat. Si per alium priorem, rursus rogo: vel ille prior concursus est determinatus, vel indifferens? Si determinatus, habemus intentum constituendi in Deo concursum determinatum, quò Deus causet primum determinationem liberam nostræ voluntatis. Si est indifferens: ergo etiam iste concursus, juxta principia opposita, determinabitur per nostram voluntatem: ergo dabitur processus in infinitum in concursibus divinis, & in determinationibus voluntatis: liquidem quâcumque assignatâ determinatione voluntatis, debet dari aliquis concursus divinus prior illâ, & causans illam: & quocumque assignatò concursu indifferenti, debet dari aliqua determinatio voluntatis prior illo, & illum determinans.

55. His omnibus addimus, quòd illa prima determinatio, quâ voluntas creata se determinat ad amandum, est immediatè . & formaliter aliquis effectus creatus bonus in rerum natura existens: ergo debet produci de facto ab aliqua causa prima, quæ non potest esse alia præter Deum bonorum omnium largitorem; aliàs daretur duplex primum, principium boni, quod evidentè pejus est, quàm hæresis *Manicheorum*: ergo illa determinatio subsistit sub dominio Dei formaliter: quia dominium Dei ita universale est, sicut causalitas ejus, & ratio primi principii; & Deus per illam causalitatem, quâ producit creaturas, & illas conservat in eis, per eandem dominatur in illis.

56. Id insuper efficacissimè promoveretur. Actus, qui ab agente creato procedunt, liberè ab illo, ut à secundo libero, & primò subordinato, derivantur; aliàs non secundum, sed primò liberum esset: sed actum procedere ab agente libero creato, ut à secundo libero a primo determinato, non potest auferre illius libertatem: ergo stat verà, libertas cum determinatione agentis creati, quæ sit ex determinatione primi agentis. Minor multipliciter probatur, & primò auctoritate Divi *Thomæ*, cujus sexcenta possemus referre testimonia. At quia multa hinc inde multis in locis jam sparsimus, audiendus solum in 2. dist. 25. q. 1. art. 1. ubi inquit: *Utrum in Deo sit liberum arbitrium?* Cum ter-

tio



tiò sibi opponeret, dicens: *Videtur, quòd nec in aliquibus creaturis sit* (scilicet liberum arbitrium) *ad libertatem enim liberi arbitrii pertinet, ut aliquis sit Dominus sui actus.* Cum igitur cujuslibet creatura actus in causam priorem reducat, quæ est ipse Deus, qui omnia opera nostra in nobis operatur, ut *Isaia 26. dicitur, videtur, quòd liberum arbitrium in creatura nulla reperiatur*; sic respondet: *Respondeo, quòd Deus operatur in omnibus, ita tamen, quòd in unoquoque secundum ejus conditionem.* Unde in rebus naturalibus operatur sicut ministrans virtutem agendi, & sicut determinans naturam ad talem actionem. In libero autem arbitrio hoc modò agit, ut virtutem agendi sibi ministrat, & ipso operante, liberum arbitrium agit: sed tamen determinatio actionis, & finis in potestate liberi arbitrii constituitur. Unde remanet sibi dominium sui actus, licet non ita, sicut primo agenti. Et *Opusc. 3. cap. 109. Unde patet, quòd non est contra libertatem arbitrii, si Deus voluntatem hominis movet.* Ergo à libertate voluntatis creatæ nihil excludi potest divina causalitas, divinæque gratiæ efficax motio; quæ quamvis invicta, & infallibiliter efficax sit, indifferentiæ tamen libertatis nostræ nihil decerpit.

57. Secundò, quia libertas creata nequit imitari libertatem divinam in eo, quod est singulare, & privativum excellentiæ libertatis divinæ, prout extollitur supra creatam: sed hujusmodi est se ipsam determinare omnino independentem ab alio prius determinante: hoc est enim, libertatem esse ab omni alio independentem: ergo de ratione formali agentis creati liberi non est ex se ita se determinare, quòd per prius non determinetur à Deo. Ut vis hujus argumenti percipiatur, negligenda non est doctrina Angelici Præceptoris q. 3. de potent. art. 7. ad 12. ubi inquit: *Dicendum, quòd creatura habet aliquam Dei similitudinem, participando bonitatem ipsius, in quantum est, & agit, non tamen ita quòd per similitudinis perfectionem, ad aequalitatem perveniat: & ideo sicut imperfectum indiget perfectio, ita virtus naturæ in agendo indiget operatione divinæ.* Quod argumentum procedebat ex eo, quòd creatura Dei similitudinem habet in quantum actu est, & actu agit, & secundum hoc est divinæ bonitatis particeps; hoc autem non esset, si virtus sua ad agendum non sufficeret. Sufficit ergo creatura ad agendum sine hoc, quòd in ea Deus operetur utique ipsam movendo. En ubi *D. Thomas* negat expressè, posse voluntatem creatam assimilari voluntati divinæ in hoc, quòd est se ipsam determinare, quod intendebat argumentum: & quòd si in hoc assimilaretur voluntati divinæ, ad ejus aequalitatem perveniret, quod est omnino falsum.

58. Tertiò, quia si determinatio Dei non præcederet determinationem creaturæ, prius eligeret creatura, quàm ellet à Deo electa; sed electio nostra nequit esse prævia electioni divinæ: ergo determinationem creaturæ præcedit. Minor probatur testimonio *D. Thomæ* super II, lud *Joannis 15. Non vos me elegistis, sed ego eleghi vos.* Ubi dicit *S. Doctor, Quòd est duplex electio, una æterna, quæ prædestinatur juxta illud ad Ephef. 1. ELEGIT NOS IN IPSEO. Alia temporalis, quæ ab ipso vo-*

camur. Et de hac vocatione prosequitur dicens: *Non ergo dicendum quod aliquod bonum totaliter precedat electionem Dei, ed quod universaliter nihil potest esse causa, & precedere divinam electionem, quia omnia bona sunt nobis à Deo: aliàs electio nostra pravia esset electioni divinae, quod est contra sententiam Domini.* Ex quibus sequens conficitur argumentum: Determinare unum præ alio est illud eligere: sed creatura per prius ad determinationem divinam se determinaret: ergo per prius eligeret, quod, inquit D. Thomas, est contra sententiam Domini.

59. Ab absurdo etiam egregiè probari potest quartò minor illa. Si voluntas creata ex determinatione, & electione Dei eliciens consensum, liberè non eligeret; nec voluntas divina ex privativa determinatione, & electione voluntatis creatæ, ut contrarii affirmant, consensum potius, quàm dissentium producens, liberè influeret in consensum: sed Deum influere, ut agens liberum in actus nostros liberos, est fide certum: ergo & quòd determinatio, & electio arbitrii creati dependeat à Deo, non impedit, quòd liberè non influat in actus liberos. Ulterius: Omnipotentia, ut applicata per decretum solum indifferens, nequit concurrere cum voluntate ad actus ejus liberos, nisi ab ipsa voluntate ad id determinetur: sed non determinatur moraliter; cum nec determinetur per suasionem, consilium, vel præceptum, nec etiam per meritum, vel orationem: ergo determinatur physicè; sed potentiam aliquam executivam physicè determinari, ut operetur, est ipsam physicè prædeterminari: cum talis prædeterminatio debeat necessariò præcedere operationem, ad quam determinat: ergo si cum physica prædeterminatione omnipotentia stat libertas Dei, & cum physica prædeterminatione Dei erit integra, & illa sola libertas voluntatis creatæ. Vel clarius: Nequit esse contra dominium, & potestatem arbitrii creati, quod non est contra perfectionem libertatis, & dominii divini: sed omnipotentiam divinam physicè prædeterminari à voluntate creata non est contra perfectionem dominii divini: ergo nec voluntatem physicè prædeterminari à Deo est contra perfectionem libertatis creatæ.

60. Quid ergo est, quod ita percellit animos? Quid in hujusmodi concordia conturbat? Quid enervat? Quæ verior? Quæ opportunè fidei explicanda: ratio esse potest? Operum nostrorum merita ex gratia Dei, liberoque arbitrio procreari, SS. PP. probat auctoritas; sicut & gratiam liberum arbitrium adjuvando perficere, ut Beatissimo Innocentio Papa scribit Concilium Carthagenense anno 416. dicens: *Id enim agunt isti damnabilibus disputationibus suis, ut, non defendendo, sed potius, in sacrilegam superbiam extollendo liberum arbitrium, nullum relinquunt locum gratia Dei, quæ Christiani sumus, quæ & id ipsum vestrae voluntatis arbitrium verè sit liberum, dum à carnalium concupiscentiarum dominatione liberatur, dicente Domino: si vos Filius liberaveris, tunc verè liberi estis: quod auxilium fides impetrat, quæ est in Christo Jesu Domino nostro.* Quæ ergo magis commendabilis virtus, & amplectenda libertatis potestas, quàm Deum cooperantem in bonis acti-

actibus habere? Hinc bene operandi excellentia, hinc liberi arbitrii dignitas commendatur. Tunc enim liberum arbitrium primam, & perfectissimam imitatur libertatem, cum bene operatur: & tunc bene operatur, cum operatur Deus in eo. *Ipse est*, inquit *Apostolus*, *qui operatur in nobis velle & perficere*: ergo perfecte salvatur libertatis indifferencia, dum voluntas operatur secundum propositum, & efficacem Dei intentionem, licet sit insuperabile robur, & efficacia invictissima gratia, quam liberè, etsi indeclinabiliter, & insuperabiliter, sequitur voluntas. Hæc est Thomistarum doctrina, hæc *Apostoli* sententia, quæ & se solâ sufficit, ut nostra circa concordiam gratiæ ab intrinseco efficacia cum libero arbitrio firmetur sententia.

61. Unum tamen est hic minime prætermittendum, quod, licet insuperabilis sit difficultas, & inter difficilia, quæ humanæ menti noscuntur, quomodo, Deo mirabili, atque ineffabili potestate operante in cordibus nostris, non solum veram excitationem, sed etiam bonas voluntates, & non solum adjuvando, cum agimus, sed adjuvando, ut agamus, salvetur libertas; non per hoc deprimi debet efficacia gratiæ, vel ipsa libertas à Deo essentialiter independens constitui, ut rectè notat M. Basilivar Primarius Salmanticensis, vir ille supra imitationem eximius, & supra omnem invidiam admirandus tract. 5. de provident. Düb. 3. §. 8. num. 96. *Si quis negaret, Deum immediatè efficienter influere in effectum cujuscumque creaturæ, & in actionem ipsam creaturæ, seu in actum vitalem, falsitatis convinceretur ex eo, quod Deus est primum efficiens, atque adeo debet influere in quamcumque entitatem. Nec satisfaceret asserendo, Deum quidem influere in omne ens creatum distinctum ab actione creaturæ, seu actu vitali; non tamen in ipsam actionem, & illius effectum, seu in actum vitalem, id quod, cum creatura illum efficienter causet, & actus vitalis sit ab intrinseco, Deus in illum influere non potest immediatè, sed solum mediatè; si enim Deus illum produceret, creatura nihil ageret, quod est contra fidem: & actus vitalis ab intrinseco non esset, quod est absurdum. Non, inquam, satisfaceret, & rejiciendus esset argumentis factis: tum quia influxus necessarius ad salvandum conceptum primi efficientis non potest efficientiam creaturæ destruire: neque Deum facere actum vitalem, impedit, sed facit, ut ab intrinseco potentia vitalis procedat: tum etiam, quia efficientia creaturæ: utpotè ens limitatum; à primo ente debet efficienter derivari, atque adeo dependentia ab illo, illum non potest destruire: tum denique, quia creatura non dependens efficienter immediatè à Deo implicatoria est: ergo vel creatura non operatur, vel ejus efficientia, & actio à primo efficiente dependet immediatè. His argumentis convinceretur falsitatis, quantumvis conaretur, impossibilitatem utriusque influxus aliunde ostendere; sed eandem efficaciam habent hæc argumenta facta pro supremo dominio Dei: ergo & debent convincere. Quod explicari potest aliis exemplis. Si quis ad componendam libertatem Divinam cum ejus simplicitate, assereret, actum liberum constitui modo superaddito realiter ab actu necessario distincto, omnino esset rejiciendus, quam-*

vis sint argumenta valde difficilia ad probandum non posse aliter intelligi actum liberum Dei. Non, inquam, esses audiendus, sed rejiciendus, eo quod utrumque de Deo componi, & summa similitudo, & Divina libertas: neque iterum audiendus esset, si assereret, compositionem illam, utpote necessariam in Deo ad salvandam perfectionem liberi arbitrii, non esse imperfectionem, sed potius perfectionem. Neque, inquam, esset audiendus, eo quod compositio in quocumque genere dicit imperfectionem: quapropter à Deo etiam in actu liberor, legenda, & consequenter aliter salvanda est libertas. Pariter ergo insufficienter solvitur argumentum nostrum per hoc, quod aliter salvari non potest libertas creata sed fatendum supremam Dei dominium erga omnem creaturam, tam liberam, quam necessariam; quia eadem est in omnibus ratio subjectionis; & potest cum illo componere libertatem. Hæc ille: at quomodo conciliantur ista, ac fieri possit, & quod Deus operatur in nobis velle, & pericere pro bona voluntate sua, & quod nos liberè velimus, & operemur, si quis curiosus scrutator inquirat; nefas est hic aliud, quam incomprehensibilem Dei sapientiam admirari, nec hujus causam aliam assignari sinit *Augustinus*. Ita *Epist.* 105. Cur autem illum potius, quam illum liberet, aut non liberet, scrutetur, qui potest iudiciorum ejus tam magnum profundum; verumtamen caveat præcipitium. Et *Epist.* 120. cap. 26. Illud ex ligno quod fixum occultatur, profunditatem significat gratuita gratia, in quo multorum ingenia conerantur, id vestigare conantia; ut extremum eis dicatur: O homo, quis es, qui respondeas Deo? Hoc frequenter inculcat de verb. *Apostoli* *serm.* 6. Quare ergo illi datum est, & illi non est datum? Non me piget dicere, hoc est profundum Crucis. De profundo nescio quo iudiciorum Dei, qua perscrutari, contemplarique non possumus, procedit omne, quod possumus. De profunditate, inquam, nescio, qua iudiciorum Dei, qua inscrutabilia contemplari non possumus, perscrutari non valeamus, procedit omne, quod possumus. Quod possum video, unde possum non video, nisi quia & hoc hactenus video, quod novi esse à Deo. Quare autem illum, & non illum, multum est ad me, abyssus est, profundum Crucis est. Admiratione exclamare possum, disputatione demonstrare non possum. Quid possum exclamare de ista profunditate? Quam magnificata sunt opera tua Domine? Gentes illuminantur. *Judei* excæcantur, quidam parvuli Sacramento Baptismatis abluuntur, quidam verò parvuli in morte primi hominis relinquuntur. Quam magnificata sunt opera tua Domine, nimis profunda facta sunt cogitationes tuae &c. Multi de ista profundo querentes reddere rationem, in fabulas vanitatis abierant. Et quibusdam interjectis: Ecce primus homo totam massam damnabilem fecit. Veniat secundus homo &c. Mortuos ad vitam transferat &c. Quare illum, & quare illum? Quare non illum, atque illum? Nolo à me quaras: homo sum; profundum Crucis adverto, non penetro; expavescō, non scrutor; inscrutabilia sunt iudicia ejus. Homo sum, homo es, homo erat, qui dicebat: O homo tu quis es, qui respondeas Deo? Hoc Divinae operationis arcanum tam perspicuis verbis descripsit *Augustinus*,  
nni,

nas, ut referri tantum egeant, non elucidari . Unum addo, quod si gratia hæc, quæ Deus operatur in nobis velle, & perficere non esset ineluctabilis, & physicè prædeterminans, sed purè versatilis, nostro subjecta libero arbitrio, expedita esset quæstionis solutio; nec ad inscrutabilem judiciorum caliginem confugiendum esset; cum evanesceret tota illa, admirandi, & exclamandi causa, ut dixit *Augustinus* in *Enchir.* cap. 98. *Qua in re si futura opera, vel bona hujus, vel mala illius, quæ Deus utique præciebat, vellet intelligi &c. nullam, quam solvi opus esset, faceret quæstionem.* Et in opere ultimo contra *Julianum* lib. 1. n. 124. *Nam si inscrutabilis quæstionis hujus illa esset solutio, quam tu sapis, secundum merita voluntatum; manifesta esset, ut nulla ejus difficultate compelleretur Apostolus dicere: O homo tu quis es, qui respondeas Deo? De nondum natis enim agebatur, quorum non ex operibus, sed secundum propositum suum Deus unum dilexit, alterum odio habuit: unde ad hæc verba perventum est, ut de eadem massa, & diversis vasis, & de potestate figuli loqueretur.* Quod centies replicavit *Augustinus*, ut nulli dubium esse possit, apertissimè huic nostræ patrocinarî sententiæ. Hæc modò sufficiant; cum ad ea, quæ objecta sunt, vel in contra possumus obijci, Dubio 4. fusè, ac diligenter, & fortè tempestivius respondimus.

### DUBIUM III.

Utrum Gratia physicæ prædeterminationis sit à nostra voluntate resistibilis: & resistendi pugnet cum libertate?

#### §. I.

*In quo sensu gratia seipsa efficax propugnatur à Theologis irresistibilis.*

**Q**UONIAM latius dicturi eramus de irresistibilitate gratiæ ab intrinseco efficacis, etsi non leviter plura attingimus disp. 2. dub. 4. non ibi Provinciam suscepimus examinandi omnia, quæ ad hanc gravissimam difficultatem pertinent, contenti his, quæ ad intelligentiam Concilii Tridentini stabiendam erant necessaria; sicut & disp. 11. dub. 2. ad probandam repugnantiam creaturæ inconvertibilis. At cum potissimum Dubii præsentis resolutio tractatus hujus doctrinæ summam compræhendat; sitque hujusmodi irresistibilitas primum, & præcipuum fundamentum, quod contra nos urgent Adversarii molestissimis arguendi formis; multosque non sine maxima animi admiratione audiverimus, notâ Theologicâ tam insigniter doctrinam istam per tot sæcula traditam, deturbare audentes, si non subdo-

subdolè, sen malitiôsè, saltèm zelo minùs verò, sapienti, & oculato; hinc amore veritatis, & iustitia accensi, dubium hoc calligatè fati tradere religioni duximus; ne inter fallaces ignorantia tenebras sint nobis cœca, & errabunda vestigia, multitudiniquè detrahentium, ante iudicium Ecclesiæ, credant alii minùs docti.

2. Hoc itaque primum alierimus, hoc certissimâ fide tenemus, tantum expressis Sacra Scripturæ, SS. PP. & Conciliorum testimoniis comprobatum, & toties ab Ecclesia definitum, dari in statu naturæ lapsæ interiorem gratiam à voluntate resistibilem, & quæ non semper suum obtineat effectum, quæ testimonia superius dedimus Disp. 2. Dub. 3. §. 1., & ita vulgatoria sunt in Sacra Pagina, quàm ut sit opus tantâ nos hucusque prolixitate molestos esse. Quod ergo contendimus, & explicare cupimus, est, an detur gratia ab intrinseco efficax, & physicè prædeterminans irresistibilis à voluntate creata?

3. Ut quæstionis hujus obscuritas utcumque illustretur, & ne quid durum, & asperum in termini hujus significatione *irresistibilis* reperiatur, maximè advertendum; primò, quòd *resistere* in præsentî minime sumitur pro pugna, seu conatu in oppositum, qualiter *Jansenistæ* luminunt *resistere*, ut captiosè constitutiones Apostolicas eludant. Est quippè certum, quòd concupiscentia semper oppugnat gratiam, quantumcumque ab intrinseco efficacem, quòd semper resistit ipsi ad consensum salutarem invincibiliter, & indeclinabiliter inclinanti; Quod expressit D. *Augustinus* lib. 2. de nuptiis, & concup. cap. 2. *Habitat enim in nobis* (lex membrorum) *& mentem resistentem, repugnantemque sollicitat, ut ipse confictus etiam si non sit damnabilis, quia non perficit iniquitatem, sit tamen miserabilis, quia non habet pacem.* Unde exclamabat *Apostolus*: *Infelix ego homo? Quis me liberabit à corpore mortis hujus?* Neque hoc sensu negavit unquam *Jansenius*, quòd gratia reluctetur, cùm luctam inter gratiam, & delectationem terrenam expressè doceat lib. 4. de grat. *Christi* cap. 4. his verbis: *Quamdiu in hac vita mortali vivimus, esse in homine luctam quamdam quarum dilectionum noxia, & benefica, terrena, atque cœlestis, quarum utralibet vicerit, animum secum consentientem, ac primum trahit.* Quod & repetit ibi cap. 5.

4. Non accipitur similiter *resistere* in ampla illa significatione, quatenus nempe dicit, & idem est, ac posse liberè aliud velle. Est quippè fide certum, quòd composibilis est cum Dei motione efficaci vera possibilitas proxima, absoluta, completa, & integra ad dissentium, ut egregiè dixit D. *Prosper* lib. de vocat. Gentium cap. 27. & 28. *Quod Deus voluit eos velle, voluerunt, qui ad obediendum sibi ipsum velle, sic donat, ut etiam à perseverantibus, illam mutabilitatem, qua possunt nolle, non auferat.* Cum enim hac potestas sit pertinens ad libertatem arbitrii, non auferitur per Dei voluntatem, vel efficacem motionem, quæ solum efficaciter movens, facit, ut in sensu composito arbitrium non conjugat de facto dissentium cum Deo excitante. Undè nec est in homine potentia ad dissentiendum, vel resistendum Deo efficaciter ali-

quid

quid volenti, & efficaciter ad id moventi; nec in tali potentia, quæ nulla est, hominis consistit, aut consistere potest libertas, ut dicit M. Lemos tract. 4. cap. 21. quem toties, in rebus gratiæ, miraculum, & oraculum diximus. Etenim si vis gratiæ prædeterminantis physicè invicta, & insuperabilis est, & voluntas nostra invictissimè adducitur ad consentiendum; si hoc auxilium infallibile est, quò voluntas nostra versatilis, flexibilisque tam in bonum, quàm in malum, etiam sub gratia sufficiente constituta, constantissimè, & indivulsè bono affigitur, quomodò frustrari poterit, per contumacem libertatis humanæ dissensum? Sumitur ergo in præsentī resistere propriè, ut superius loco citato diximus, secundum quòd dicit componere cum prædeterminatione resistentiam, vel ipsam frustrare; an nempe detur potestas in libero arbitrio, ut existente gratia ab intrinseco efficaci, careat effectu, cum quo essentialiter ipsa est ab intrinseco connexa? Ita in præsentī accipiendum invidiosum illud irresistibilitatis nomen, quod destructæ libertatis idæam generat, ut clarissimè intelligatur, quòd licet detur impossibilitas resistendi gratiæ efficaci, adhuc ramen sub illa remanet voluntas proximè, integrè, & completè expedita, & libera, ut possit, & resistere Deo vocanti, & contrarium actum ponere. Quare irresistibilitatem prædeterminationis appellare irresistibilitatem consensûs, manifesta videtur illusio, ac nominis abusus, ad veritatem occultandam artificiosè compositus; cum nulla sint occultiores insidiæ, quàm quæ latent in simulatione vocis. Sit ergo certum, ut verus, sincerus, & candidus sit sermo noster; sincere enim, atque infucatè scribere animus est, quòd irresistibilis, quæ datur respectu prædeterminationis physicæ, non est irresistibilis respectu actûs. Hoc quippè argumenti genus ex uno ad alterum meritò Dialecticis reprehensibile videri debet; non enim valet, *Gratia ab intrinseco efficax irresistibilis est: ergo actus irresistibilis est*, cum arguatur, ut diximus ex M. Lemos, à composita ad divisa. Quà satis accuratà, ac nitidà, rei quæ præsentī accommodatà intelligentiâ hujus vocis, *irresistibilis*, iterum supposità pro vera Thomistarum intelligentiâ, & nè quis liquidissimam hujus vocis significationem tergiversari contra nos possit, ut certius & ordinatius rem præstemus, resolutionem tribus sequentibus considerationibus aperiam. In prima, probabitur irresistibilitas gratiæ ab intrinseco efficaci, ut nihil sit illà evidentius. In secunda, quantum doctrina ista maximè à Janseniana hareli, ejusque reliquiis abhorreat. Et in tertia, modus, quo irresistibilitas ista concilietur cum libertate nostra; non difficulter diluendo, & cavillationes, & argumenta in oppositum adducta: quorum omnium veritate perspectâ, facilis evadet Dubii resolutio, quantum argumentum patitur, quod sanè arduum, ac difficile est, & quod invitat nos ad adoranda propensius excelsa, & magnifica Sapientiæ, & Potentiæ Dei arcana.

## §. II.

*Gratia ab intrinseco efficax non est resistibilis à voluntate creata.*

**S.** H Ujus quidem mihi prima ratio effulget ex conceptu essentiali, & intrinseco gratiæ physicae prædeterminantis. Hæc enim est ista occulta, & non percepta efficacissima motio; hæc est ignota Divinae voluntatis applicatio, & voluntatis nostræ mirifica inflexio, sub qua voluntas libera libertatem retinens statum infallibilitatis, sive impedibilitatis efficacis Dei voluntatis, ingreditur. Hæc est illa invictissima clavis *David*, quæ aperit, & nemo claudit; claudit, & nemo aperit; cum Spiritus Sanctus charitatis suæ lumen effundendo, vincit tandem, subijcitque voluntatem, quando vult, omnipotenti gratiæ suæ. Hæc est *vivus ille sermo Dei*, ut inquit *Apostolus*, & *efficax*, & *penetrabilior omni gladio ancipiti*, & *pertingens usque ad divisionem animæ & spiritus*, *compagum quoque & medullarum*: quod nempe Deus eodem momento loquitur, & operatur: statimque efficit in anima, quod enuntiat. Et tandem hæc est illud præsentissimum speciale Dei munus, & auxilium, quo invictissime fit, ut voluntas invictissime velit, & perseveret in bono, & vi cuius voluntas cum infallibili, & insuperabili connectione est cum operatione conjuncta, quare arguendo à passiva ad activam, si voluntas sub tali gratia vult, & perseverat in bono; & ipsa gratia efficaciter facit in ipsa velle perseverare in bono. Quomodo ergo intelligi potest gratia ista resistibilis à voluntate, quam non potest homo deserere? Dum ipsamet facit, ut homo nolit ipsam deserere, quatenus facit ipsum velle; & actu, quo formaliter vult objectum, virtualiter, & indirecte vult se velle: cum & auxilium hoc Dei physice moventis sit infallibiliter conjunctum cum actu libero ipsius hominis, ita ut in eodem momento sit actus ille liber, in quo est ipsum auxilium: ergo chimæra est, quod consensu in actuposito, & infallibiliter cum gratia connexo, compossibilis sit huic gratiæ resistentia. Immo: irritoria planè, & fictitia est talis resistibilitas. Non enim gratiæ resistitur, nisi quando privatur suo effectu. Sed chimæra est, quod gratia ab intrinseco efficax suo possit effectu privari; cum ipse consensus sit infallibiliter consequens, & necessariò conjunctus intrinsece, & efficacissimæ gratiæ efficaciæ: ergo & quod resistibilis sit gratia ab intrinseco efficax. Audiendus *S. Augustinus de corrept. & gratia* ad indubium veritatis hujus discursus argumentum: sic ille cap. 12. num. 38. loquens de voluntate primi hominis forti & sana, & de voluntate hominis invalida & imbecilli: *Fortissimo quippe dimisit atque permisit facere quod vellet: infirmis servavit, ut ipso donante invictissime quod bonum est vellent, & hoc deserere invictissime nollent*: quia nempe Deus in eis operatur ut velint; & tantum Spiritu Sancto accenditur voluntas eorum; ut dixerit *S. Do-*



S. Doctor : *Subventum est igitur infirmitati voluntatis humana , ut divinâ gratiâ indeclinabiliter & insuperabiliter ageretur ; quæ indeclinabilis & insuperabilis virtus, irresistibilis est , quam voluntas minime vincere potest .* Audiendus etiam D. *Joannes Cbrysostrmus* homil. 75. *asserens , Imploremus ergo insuperabile spiritûs auxilium : & homil. 45. de invidia & livore : Maximum namque munimen , & inexpugnabilis murus est divinus favor .* Si insuperabilis , si inexpugnabilis est Dei gratia : ergo & irresistibilis .

6. Hanc hujus gratiæ irresistibilitatem docent nos apertissimè Sacræ Scripturæ testimonia . Constat & maxime ex illo Prov. 1. *Sicut divisiones aquarum , ita cor Regis in manu Domini , quocumque voluerit , immutabit illud .* En ubi voluntas humana misericordiæ prævenientis auxilio suffulta , & interiori quodam efficacissimo , & occulto secretioris inspirationis afflatu contacta , minime potens resistere Dei gratiæ efficaci exprimitur . Etenim sicut rivi aquarum cum impetu feruntur , nec facile cursus eorum ab homine reprimi potest ; ita & cor Regis , etsi non facile reprimi possit , ita in manu Dei est , ut quocumque voluerit Dominus ex se , & pro propria potentia , & libertate , non ex Regis voluntate ( sed neque sine Regis voluntate , seu libertate ) vertet illud . Sunt namque homines in manu Dei , *sicut lutum in manu figuli* , ut dicitur *Hierem. 18.* Figulus fingit , formatque ut liber , & ad libitum flectit , ita & Omnipotens Dei gratia mirabili efficaciâ suavit , & fortiter voluntates hominum , in quam Deus voluerit partem , salvâ libertate inclinat . Quare dixit Psalmista : *Qui tangit montes , & fumigant : & iterum : Tange montes , & fumigabunt ;* quos enim Deus suâ gratiâ efficaci tangit , fumigant illicò , non secus ac fulmine irontes ; agit namque ipsâ Deus , quod vult , quod intendit : cùm hac efficacissima gratiæ potestas , & vis prædeterminativa proficiscatur ab insuperabili potestate , primi motoris , & supremæ causarum omnium causæ : quare dixit Deus cap. 55. per *Isaiam : Quomodo descendit imber , & nix de Cælo , & illuc non revertitur ... sic erit verbum meum , quod egreditur de ore meo : non revertetur ad me vacuum :* Ergo dùm gratia efficax à Deo ininititur , quatenus procedit à Deo volente , habet vim efficaciter movendi ad actus supernaturales , nec facere potest voluntas , quod ipsa vacua ad Deum revertatur . Hinc ergo conicies , quanta sit ipsius Dei potestas in voluntates hominum , cùm & illas in manu sua habeat , & effectus earum . Pervadit in nostras voluntates , & in eis immediate operatur quidquid vult ; vim gratiæ suæ , & efficaciam explicans in voluntates hominum quantumvis rebelles . Quare Sacra Scriptura vanam , & futilem declarat resistantiam gratiæ efficaci , quam fluminis impetui comparat , dicens *Eccl. 4. 32. Ne coneris contra istum fluvium .* Et *Psal. 96. 4. Hodie si vocem ejus audieritis nolite obdurare corda vestra .* Et illud *Christi ad Saulum persecutorem , Act. 9. 6. Durum est tibi contra stimulum calcitrare .* Quid est contra stimulum calcitrare , nisi ad aperto , & deliberato voluntatis pravi impetu , ipsum gratiæ frangere impetum .

7. Clarissimam hujus argumenti confirmationem suppeditant alia Sacra Scripturae testimonia, quæ efficaciam Divinæ voluntatis commendant: dicitur enim ad *Rom. 9. Voluntati enim ejus quis resistit?* Ibidem cap. 11. *Potest enim Deus iterum inferre eos.* *Ephes. 3. Ei autem qui potens est, omnia facere superabundanter, quam petimus, aut intelligimus, secundum virtutem, quæ operatur in nobis, ipsi gloria in Ecclesia, & in Christo Jesu.* *Genes. 50. Num Dei p'ssumus resistere voluntati?* 2. Paralipom. 20. *Nec quisquam tibi potest resistere.* *Job 41. Quis enim resistere potuit vultui tuo?* Et *Esther 13. Domine Rex omnipotens in ditione tua cuncta sunt posita, non est, qui resistere possit voluntati tuæ, si decreveris salvare Israel.* *Ezech. 36. Dabo vobis cor novum, & spiritum novum ponam in mediis vestri, auferam cor lapideum de carne vestra, & dabo vobis cor carneum, & faciam, ut in præceptis meis ambuletis, & judicia mea custodiat. Et Job 9. Deus, cujus ira nemo resistere potest.* Et 12. *Si destruxerit, nemo est, qui adificet: si concluserit hominem, nullus est, qui aperiat.* Et 41. *Quis enim resistere potuit vultui tuo?* *Isaia 14. Dominus exercituum decrevit, & quis poterit infirmare? Et manus ejus extenta, & quis avertet illam?* Quid est non posse resistere Dei efficaci voluntati, quàm quòd ejus motioni efficaci non possit resisti? Quia si resisti potest efficaci Dei motioni, cum illa instrumentum sit, & actualis ratio, quæ divina voluntas efficax operatur in nobis, consequens omnino est, quòd voluntati Dei potest resisti. Id enim, quod Deus intendit, operatur gratia, quatenus est instrumentum, quò Deus suam voluntatem exequitur; Dei voluntas, tanquam causa principalis, gratiâ, ut virtute instrumentali, uinitur ad effectum per se intentum: ita ut, sicut motio instrumentalis à principali agente inpressa instrumento, habet in se ipsa, quatenus ab ipso dimanat, virtutem ad producendum effectum in actu exercito; sic motio, quæ Deus nostram vult efficaciter movere voluntatem, quatenus procedit à Deo efficaciter volente, habet vim efficaciter movendi ad actus supernaturales: ergo ut certum haberi debet, quòd hoc resistere Dei efficaci motioni, est resistere efficaci Dei voluntati: & cum auxilium, ex illat ex vi decreti cum actu connexi, cum decretum irresistibile sit, & irresistibile est Dei efficax auxilium. Hoc ut certissimum agnovit eruditus P. Mendoza in expositione text. ex 1. Regum cap. 10. dicens: *Et abiit cum eo pars exercitus, quorum Deus tetigerat corda, ubi ad litteram dicit: Hi pauci, qui cum Saule abierunt, divinitus impelluntur, Deo eorum corda per auxilium gratiæ efficacis tangente: quos enim Deus efficaciter tangit, in quam partem volet, faciliè impellit.* Unde D. Augustinus lib. de corrept. & grat. cap. 14. notat, Deum non traxisse invitos ad sequendum Saul, sed tamen efficaciter promovisse. Hoc, inquit, non fecit, nisi per ipsorum hominum voluntates, habens humanorum cordium, quò placeret, inclinandorum omnipotentissimam potestatem. Et post relatum aliud exemplum de Davide ex D. Augustino: *Non aliter Paulo, & Barnaba ad Gentes evangelizantibus, crediderunt, inquit textus, quotquot erant præordinati ad vitam æternam,*  
Axiom

*Actuum 13. vers. 48. Horum enim corda Deus efficaci auxilio imple-  
rat . Sic & Mulier illa purpuraria , Lydia nomine , audiebat quidem  
Paulum . sed tum demum credidit , cum Dominus aperuit cor ejus in-  
tendere his , quæ dicebantur à Paulo Act. 16. Neque enim sine hoc divi-  
no auxilio potest quis fidem recipere , neque cum illo rejicere . Quæ  
postrema verba sunt attentè consideranda ; ut nullam inde occasionem  
arripere quis possit criticissimis his vocibus abutendi in aliis .*

8. At dices, quòd in gratia efficax duplex considerari debet forma-  
litas , & quæ convenit illi secundum suam entitatem , quâ formaliter est  
motio divina , & formalitas alia ipsi conveniens , secundum quòd est  
instrumentum efficax divinæ voluntatis , quem duplicem conceptum ,  
distinguit D. Thomas quaest. 24. de veritate art. 8. ad 6. *Dicendum, quòd  
ejus , quod recipitur in alio , potest considerari & esse , & ratio . Hoc est  
quodlibet accidens potest considerari , vel secundum suam entitatem ,  
vel ut est agendi vis : ita & gratia , prosequitur S. Doctor , secundum  
esse suum est in libero arbitrio per modum ejus , sicut accidens in subje-  
cto ; sed tamen ad rationem suæ immutabilitatis liberum arbitrium  
pertrahit , ipsum conjungens Deo .* Licet ergo ipsa , secundum quòd est  
instrumentum Dei , non sit resistibilis ; absolute tamen , ex sua entitate ,  
resistibilis est .

9. Sed solutio ista vana , & inutilis est : aliud quippè est , quòd gratia  
ab intrinseco efficax non sit irresistibilis ex formalissimo conceptu mo-  
tionis creatæ in voluntate receptæ ; & aliud , quòd sit motio quoad suam  
entitatem resistibilis . Primum verum est , quia sub conceptu motionis ,  
non explicat irresistibilitatem ; cum gratia sufficiens sit vera motio ,  
& resistibilis sit . At secundum est penitus falsum , cum ipsi absolute  
non possit convenire prædicatum , quod repugnat conceptui differenti-  
ali illius . Sicut falsò quis diceret , irrationalitatem posse conjungi cum  
animale hominis , quia animali non repugnat irrationale . Ita & in præ-  
senti dicimus , quòd cum gratia ab intrinseco efficax sit intrinsecè conne-  
xa cum sua efficacia , ita ut entitas minimè separabilis sit ab efficacia ,  
ipsa absolute irresistibilis est ; cum chinaricum sit , quòd coexistat dif-  
fensus cum motione essentialiter connexa cum consensu ; cum consensus  
sit consequens , & infallibiliter conjunctus intrinsecè , & invictissima  
gratia efficaciæ .

10. Non parùm luminis , ac præsidii ad id illustrandum , ac confir-  
mandum ex auctoritate Sanctorum Patrum acceriri potest . Probat id  
Liturgia Basilii citata à Petro Diacono Epist. ad Episcopos in Sardinia  
exules : *Domine . . . malos quæsumus bonos facito , bonos in bonitate  
conserva : omnia enim potes ; & non est qui contradicas tibi ; cum enim  
volueris , salvas , & nullus resistit voluntati tue .* His egregie suffragan-  
tur præfati Episcopi Africani in Sardinia exules Epist. Synod. cap. 14.  
*Semper voluntas Dei Omnipotentis impletur , quia potestas ejus nulla-  
tenus vincitur . Ipse est enim , qui omnia quæcumque voluit , fecit in  
Cælo , & in terra , in mari , & in omnibus abyssis ; & cuius voluntati  
nemo resistit .* Ad stipulatur D. Gregorius Papa Moral. lib. 16. cap. 37.  
num. 46.

num. 46. dicens: *De cuius mox immutabilitate aptè subjungitur: Et nemo avertere potest cogitationem ejus. Sicut enim immutabilis naturâ est, ita immutabilis voluntate. Cogitationem quippè ejus nullus avertit: quia nemo resistere occultis ejus judiciis prævalet.* Præclarum & illud ejusdem Gregorii est in Evang. lib. 2. Hom. 30. n. 8. *O qualis est artifex iste Spiritus! Nullâ ad dicendum morâ agitur in omne quod voluerit. Mox ut tetigerit mentem, docet: solumque tetigisse docuisse est; nam humanum animus subito ut illustrat, immutat: abnegat hunc repente quod erat, exhibet repente quod non erat. Quid disertius? Quid enucleatius? Concinit Abbas Rupertus tract. de Omnip. Dei cap. 17. dicens: Nulla quippè vis, nullus dolus voluntati ejus (Dei) renitere, & resistendo voluntatem ejus vincere potest, aut potuit, sive poterit &c.*

11. Sed jam sapientiam Divi *Augustini* de his nos erudientem audiamus. Prolixius foret omnia Divi *Augustini* loca, in quibus hanc irresistibilitatem gratiæ ab intrinseco efficacia describit, ad longum recensere: quædam tamen non sunt omittenda, ut aptè irresistibilitas asserta confirmetur, & ne sensus nostri, vel Thomistarum ista putetur doctrina. Præstò est celeberrimus *Augustini* locus de corrept. & grat. cap. 5. *Deus potest, quem velit, etiam nullo homine corripiente, corrigere, & ad dolorem salubrem pœnitentiæ occultissimâ, & potentissimâ medicinâ suâ potestate perducere: habens humanorum cordium, quò placuerit, inclinandorum omnipotentissimam potestatem.* Et cap. 14. *Deo volenti saluum facere nullum hominis resistit arbitrium: Sic enim velle & nolle in volentis, aut nolentis est potestate, ut divinam voluntatem non impediat, nec superet potestatem. De his enim, qui faciunt quæ non vult, facit ipse quod vult. Luculenter rursus ibi: Non est itaque dubitandum, voluntati Dei, qui in Cælo, & in terra omnia quæcumque voluit, fecit, & qui etiam illa, quæ futura sunt, fecit, humanas voluntates non posse resistere, quominus faciat ipse, quod vult: quandoquidem etiam de ipsis hominum voluntatibus, quod vult, cum vult, facit. Nisi forte, ut ex multis aliqua commemorem, quando Deus voluit Sauli Regnum dare, sic erat in potestate Israelitarum subdere se memorato viro, sive non subdere, quod utique in eorum erat positum voluntate, ut etiam Deo valerent resistere; qui tamen hoc non fecit, nisi per ipsorum voluntates, sine dubio habens humanorum cordium, quò placeret, inclinandorum omnipotentissimam potestatem. Et aliud exemplum proferens ex lib. 1. Paralipom. cap. 12. de David ad illa verba: Spiritus Domini induit Amasai, subdit: Numquid ille posset adversari voluntati Dei, & non posuit ejus facere voluntatem, qui in ejus corde operatus est per Spiritum suum, quo indutus est, ut hoc vellet, faceret, diceret? Et mox loquens de illis, qui ipsum statuerunt Regem: Sua utique voluntate ipsi constituerunt David Regem. Quis non videat? Quis hoc neget? Non enim hoc, non ex animo, aut non ex bona voluntate fecerunt, quod fecerunt corde pacifico, & tamen hoc in eis egit, qui in cordibus hominum, quod voluerit operatur . . . . ac per hoc Deus omnipotens,*

teus, qui erat cum illo adduxit istos, ut eum Regem constituerent. Et quomodo adduxit? Numquid corporalibus ullis vinculis alligavit? Intus egit, corda tenuit, corda movit, eosque voluntatibus eorum, quas ipse in illis operatus est, traxit. Sic ergo cum voluerit Deus Reges in terra constituere, magis habet in potestate voluntates hominum, quam ipsi suas. In quibus omnibus explicat vim, quæ in divino residet adiutorio, quæ pertinacem contradictionem, & audacem rebellionem internâ efficacissimâ aspiratione coercet; & citrà jacturam liberæ indifferentiæ ad consentiendum justitiæ voluntatem efficacissimè, & invictissimè perducit. Poterant Israelitæ subdere se, vel non subdere Saul; & hanc libertatem rectè componit *Augustinus* cum illa inciinandorum cordium, omnipotentissima potestate, cui non poterant ipsi resistere. Liberè operatus est *Amasai*, dum simpliciter se impetu quodam, veluti supernaturali percuit sentiens, dixit *David*, *Tui sumus, o David, & tecum fili Isai*: hoc ex animo, & bona voluntate fecerunt & illi; cum tamen hoc Deus, cui resistere non poterant, operatus sit in cordibus eorum. Ergo non libertatem perimit hæc irresistibilis efficacia gratiæ, quâ libertati conciliandæ utitur *Augustinus*.

12. Accedit alter non minus efficax *Augustini* locus ad probandum, quod simpliciter, & quo eandem divinæ gratiæ efficaciam describit. Erenim in *Enchir.* cap. 95. illud *Psal.* 113. expendens: *Omnia quæcumque voluit Dominus, fecit: Quod utique, inquit, non est verum, si aliqua Deus voluit facere, & non fecit. Et (quod est indignissimum) ideo non fecit, quoniam ne fieret, quod volebat omnipotens, voluntas hominis impedivit.* Et cap. seq. *Neque enim ob aliud veraciter Deus vocatur omnipotens, nisi quia quicquid vult, potest, neque voluntatem cuiuspiam creaturæ, voluntatis impeditur omnipotentis effectus.* Et cap. 98. *Quis porro tam impie desipiat, ut dicat, Deum malas hominum voluntates, quas voluerit, quando voluerit, ubi voluerit, in bonum non posse convertere?* En ubi *Augustinus* incomprehensibilem gratiæ efficaciam, luculenter exponit, verè irresistibilem, cum & effectus divinæ voluntatis sit inimpedibilis à voluntate creata.

13. Tertijs occurrit locus, in quo certissimus, & omnino infallibilis, & à voluntate irresistibilis exprimitur gratiæ efficacia effectus, ex lib. de Prædestinatione Sanctorum cap. 8. ad illud *Joann.* 6. *Omnia, qui audit à Patre, & didicit, venit ad me. Quid est, inquit, omnis, qui audit à Patre, & didicit, venit ad me, nisi, nullus est, qui audiat à Patre, & dicat, & non veniat ad me? Si enim omnis, qui audit à Patre, & didicit, venit, profectò omnis, qui non venit, non audit à Patre, nec didicit: nam si audisset, & didicisset, veniret: sed omnis, ut ait veritas, qui audit à Patre, & didicit, venit.* Et ne in dubio relinquatur, *Augustinus* loqui de gratia per se ipsam efficaciam, subjungit: *Valde, inquam, remota est à sensibus carnis hæc Schola, in qua Deus audit, & docet. Multos venire videmus ad Filium, quia multos credere videmus in Christum: sed ubi, & quomodo à Patre audierint hoc, & didicerint, non videmus. Nimirum gratia ista secreta est: gratiam*

tiam verò esse, quis ambigat? Hæc itaque gratia, quæ occultè humanis cordibus divinâ largitate tribuitur, à nullo duro corde respuitur. Ideo quippè tribuitur, ut cordis duritia primitus auferatur. Quando ergo Pater intus auditur, & docet, ut veniatur ad Filium, auferi cor lapideum, & dat cor carneum. Quod unicum Augustini testimonium causæ, quam agimus, conficiendæ fatis est. Quartus depromitur ex lib. de Spiritu, & littera, ubi cap. 33. ita scribit S. Doctor: *Infideles quidem contra Dei voluntatem faciunt, cum ejus Evangelio non credunt, nec idèd tamen eam vincunt... Ità voluntas Dei semper invicta est: vinceretur autem, si non inveniret, quid de contemptoribus faceret, aut ullo modo possent evadere, quod de illis constituit.*

14. Sunt & alia S. Doctoris testimonia, quæ omnipotentissimam divinæ gratiæ potestatem prædicant. Etenim lib. de grat. Christi cap. 14. sic ait: *Legant igitur, & intelligant, intueantur, atque fateantur, non lege, atque doctrinâ fovante forinsecus, sed internâ, atque occultâ, mirabili, atque ineffabili potestate operari Deum in cordibus hominum, non solum veras revelationes, sed etiam bonas voluntates.* Et lib. de grat. & lib. arbitr. cap. 21. *Agit omnipotens Deus in cordibus hominum etiam motum voluntatis eorum, ut per eos agat, quidquid agere ipse voluerit.* Egregius est etiam Augustini locus ex lib. 1. Oper imperf. num. 93. *Absit, ut impediatur ab homine Omnipotentis Dei, cuncta præscientis, intentio. Parùm de re tanta cogitant, vel ei excogitandæ non sufficiunt, qui putant Deum Omnipotentem aliquid velle, & homine infirmo impediende, non posse.* Ad id idem argumentum inquit Sanctus Doctor lib. 2. ad Simplicianum quest. 2. *Nullius Deus frustra miseretur, neque dici potest frustra Deum misereri nisi nos velimus. Si enim Deus miseretur etiam volumus: ad eandem quippè misericordiam pertinet, ut velimus.* Hæc S. Doctor: in quibus clarissimè veritatem assertam statuit: nec satis video, ignorantiam fateor, an qui aliam sectantur viam, invictam Divinorum auxiliorum efficaciam explicandi, possint tot Augustini testimonia pari facilitate, & candore tueri. Quis enim crederet resistibilem à voluntate gratiam illam, quâ Deus supremo, quo pollet imperio, ipsam, quò vult, quando vult, & quomodò vult, inflectit, cum in hoc explicetur illa omnipotentissima potestas, quâ Deus cor hominis, quò vult, inclinât, ac perducit, non vinculis alligans, sed intus agens, corda tenens, corda movens, hominemque voluntate suâ, quam Deus in ipso operatur, invictissimè trahens? Quis irresistibilem non dicat gratiam, quæ occultè humanis cordibus divinâ largitate tribuitur, ut duritia cordis primitus auferatur, & quâ Deus auterit à nobis cor lapideum, undè non faciebamus, dâns nobis cor obediens, undè faciamus? Etenim si Deus dat nobis cor obediens: ergo ex Deo est hujusmodi obedientia; cum nihil aliud sit liberè obedire Deo, quam accipere ex Deo obedientiam. Si Deus auterit à nobis cor lapideum: ergo contradictionem implicat, quòd in sensu composito nos nec velimus, nec faciamus; aliàs hæc duo starent simul: Deus abstulit à nobis cor lapideum, & durum, & adhuc remanet in nobis cor lapideum, & du-

& durum. An resistibilis, vacua, & sine suo effectu potest esse gratia illa, quâ infirmitas voluntatis humanæ indeclinabiliter, insuperabiliter, & invictissimè agitur? Cùm voluntatem indeclinabiliter, & insuperabiliter agi, non dicat præcisè actu non vincere, actu non superare gratiam, sed necessariò importet absolutam ipsi resistendi impossibilitatem. An resistibilis erit gratia illa *Pauli, quam magnam, & efficacissimam vocat Augustinus*; quæ operatur in cordibus hominum, ut idem Sanctus Doctor loquitur, *occultissimâ, & potentissimâ p. testate, ineffabili potestate, efficacissimâ, & omnipotentissimâ facilitate, indeclinabiliter, insuperabiliter, invictissimè, præbens voluntati insuperabilem fortitudinem*? Cùm omnes termini isti sint synonymi dicentes sentum compositum cum divina motione. Quid namque magis dicit auxilium irresistibile, ac auxilium insuperabile, & indeclinabile, quò nempe Deus indeclinabiliter, & insuperabiliter voluntatem applicat ad volendum? Si namque huic auxilio est vis summa, & potestas indeclinabilis, insuperabilis, invictissima, præbens voluntati insuperabilem fortitudinem: ergo est vis irresistibilis à voluntate; cùm resistere dicat sensum compositum. Et tandem superabilis ne, & impedibilis erit à voluntate gratia illa, ex qua fit ex nolente volens? Cùm efficaciter operari, ut fiat ex nolente volens, non sit gratiam determinari à voluntate consentiente, ac volente, sed potius voluntatem determinari, & immutari à gratia, ut fiat volens, quæ prius erat nolens: quia nempe hi, qui vocantur secundum propositum, indeclinabiliter, & insuperabiliter vocationem Dei sequuntur: ergo cùm clariùs, & distinctiùs exprimi non potuerit, nec possit hæc efficax, & irresistibilis gratia, hæc esse de mente D. Augustini incipias ire, nec possumus, nec debemus.

15. Hanc eandem doctrinam firmo, & non dubio animo suscipimus ex D. Thoma 1. p. q. 19. art. 8. Cùm enim sibi primum hoc proposuerit argumentum: *Videtur, quòd voluntas Dei rebus volitis necessitatem imponat. Dicit enim Augustinus in Enchir. Nullus fit saluus, nisi quem Deus voluerit salvare. Et ideo rogandus est, ut velit, quia necesse est fieri, si voluerit*: eleganti, ac sublimi compendio textum Augustini exponit, respondens: *Dicendum, quòd per illud verbum Augustini intelligenda est necessitas in rebus volitis à Deo, non absoluta, sed conditionalis; necesse est enim, hanc conditionalem esse veram. Si Deus hoc vult, necesse est, hoc esse*. In quibus cum voluntate Dei invicta, & efficacissima, quæ semper impletur, libertatem componit. Firmari idem potest ex secundo argumento sibi objecto: *Omnis causa, quæ non potest impediri, ex necessitate suum effectum producit: quia & natura semper idem operatur, nisi aliquid impediat, ut dicitur in 2. Physic. Sed voluntas Dei non potest impediri; dicit enim Apostolus ad Rom. 9. VOLUNTATI ENIM EJUS QUIS RESISTIT? Ergo voluntas Dei imponit rebus volitis necessitatem*. Cui argumento responderet: *Ad secundum dicendum, quòd ex hoc ipso quòd nihil voluntati Divinæ resistit, sequitur, quòd non solum fiant ea, quæ Deus vult fieri, sed quod fiant continenter, vel necessario, quæ sic fieri vult: voluntas enim, illa: à libertate,*

indeclinabiliter agitur insuperabili auxilio Dei, quod tantæ efficacitæ est, ut fiant res quomodo Deus vult, live necessariò, live contingenter.

16. At licet ex his mens S. Doctoris abundè deluceat, audiendus item 1. 2. q. 10. art. 4., ubi hoc primum ponit argumentum, ut probet, quòd voluntas ex necessitate movetur à Deo. *Omne enim agens, cui resisti non potest, ex necessitate movet: sed Deus, cum sit infinita virtutis, resisti non potest; ut dicitur ad Rom. 9. VOLUNTATI EJUS QUIS RESISTIT? Ergo Deus ex necessitate movet voluntatem.* En ubi D. Thomas expressè irrelibilitatem tangit; cui tamen respondet: *Ad primum ergo dicendum, quòd voluntas Divina non solum se extendit, ut aliquid fiat per rem, quam movet; sed ut etiam eo modo fiat, quo congruit naturæ ipsius. Et ideo magis repugnaret Divina motioni, si voluntas ex necessitate moveretur, quòd suæ naturæ non competit, quàm si moveretur liberè, prout competit suæ naturæ.* Quod iterum ibi docet ad 3. *Dicendum, quòd si Deus movet voluntatem, impossibile est, quòd voluntas ad illud non moveatur; non tamen est impossibile simpliciter: undè non sequitur, quòd voluntas à Deo ex necessitate moveatur.* Ex quibus protectò magnum, & efficax promittit argumentum; cum S. Thomas non agat de voluntate aterna, sed de motione temporali: licet, quia hæc est participatio illius, eodem modo S. Doctor illam componat cum libertate, sicut cum voluntate q. cit. 1. p. Quod signanter iterum docet 2. 2. q. 24. art. 11. dicens: *Tripliciter ergo possumus considerare charitatem: uno modo ex parte Spiritus Sancti moventis animam ad diligendum Deum; & ex hac parte charitas impeccabilitatem habet ex virtute Spiritus Sancti, qui infallibiliter operatur quodcumque voluerit: undè impossibile est, hac duo simul esse veras; quòd Spiritus Sanctus velit aliquem movere ad actum charitatis, & quòd ipse charitatem amittat peccando.* In quibus expressè affirmat, quòd impossibile est, (et si non simpliciter, sed ex suppositione motionis) quòd arbitrium à Deo sit motum efficaciter ad aliquid, & ad id non moveatur: ergo impossibile est ex eadem suppositione, quòd liberum arbitrium sit à Deo motum ad consentiendum ipsi Deo vocanti, & quòd dissentiat, & prædeterminationi resistat. Quæ consequentia, teste M. Lemos tract. 4. cap. 14. tenet ab æquivalentibus: *Nam hæc propositio: impossibile est, non simpliciter, sed ex suppositione, liberum arbitrium esse à Deo motum ad assentiendum Deo vocanti, & quòd dissentiat, æquivalet huic: liberum arbitrium à Deo motum ad assentiendum Deo vocanti non potest dissentire in sensu composito.* Cujus rationem designat in secundo tellimonio; quia nempe motio Spiritus Sancti ab intrinseco efficax infallibiliter operatur quodcumque vult, & quia impeccabilitatem habet charitas ex virtute Spiritus Sancti. Quare cum ea, seu in sensu composito illius, voluntas peccare non potest, nec illi resistere: cum illud plenum, absolutum, efficacissimumque auxilium ab aliquo mortalium superari, impediri, aut inverti minime possit, nisi & superetur vis, & efficacia Divinæ voluntatis, & quòd ipsa illi, mutative possit.

17. Id amplius sapientissimè docet *Angelicus Doctor* aliis locis non  
abs



abs re scribendis. Hoc probat apertè in illud Psalmi 35. ubi explicans verba illa, *De torrente voluptatis tuæ potabis eos*, motionem Divinam cum torrentis impetu confert, sequentibus verbis: *Hic est amor Spiritus Sancti, qui facit impetum in anima, sicut torrens. Isaia 59. Quasi fluvius violentus quem Spiritus Sanctus cogit. Et videtur voluptatis, quia voluptatem & dulcedinem in anima facit . . . vel torrente voluptatis tuæ, S. Dei, quæ dicitur torrens. Proverb. 18. Torrens redundans fons Sapientia: quia voluntas ejus sic est efficax, ut ei resisti non possit. sicut nec torrenti. Rom. 9. Voluntati ejus quis resistit? En qualiter motionem Dei efficacem, effectricem & præviam irresistibilem agnoscit. Etiam id ipsum quodlibet 12. art. 3. agens de certitudine prædestinationis docet: *Prædestinatio habet certitudinem ex parte scientiæ Dei, quæ non potest falli, & ex parte voluntatis Divinæ, cui non potest aliquid resistere*: ergo media, quibus Deus prædestinatos promovet in vitam æternam, non solum habent infallibilitatem ex præscientia Dei, sed ex Divina, potentissima, & efficacissima voluntate: atqui media, quibus promovet Deus in vitam æternam, sunt auxilia efficacia; ergo auxilia efficacia sunt talia ex habitu ad voluntatem Dei, & ita efficacia, ut voluntas illis nequeat resistere, sicut nec resistere valet voluntati Divinæ.*

18. Non absimile exprimit S. Doctor argumentum cap. 5. Canticor. ad illa verba: *Dilectus meus misit manum per foramen, & venter meus intremuit ad tactum ejus*, ubi postquam lect. 2. quid nomine foraminis in hac metaphora esset intelligendum dixerat, nempe, *esse intellectum, & voluntatem quadam foramina*, quibus ad nos Christus ingreditur. Unde Ezech. 28. de Lucifero loquente Scriptura: *Et foramina tua in die, quæ conditus es præparata sunt*, sic addit: *Tanta fuit virtus Christi, quod non solum fortiores partes animæ fuerunt paratæ ad obediendum Christo, sed etiam debiliores . . . tanta fuit virtus Christi, quod totam sponsam convertit ad suam voluntatem . . . Ita sponsus attraxit me, undè non volens, vel valens resistere ei, surrexi*. In quomodo sponsa jam copiosiori gratiâ sufficiente præventa, modò validiori hoc efficacissimo adjuta auxilio, convertitur, atque innixa illi speciali Dei auxilio, & efficaciter adjuta surgit, non volens, vel valens resistere ei. Quis hic non videt efficaciam gratiæ? Quis inficiabitur irresistibilitatem in sponsa hujus efficacis auxilii? An potest quisquam potentia consequenti gratiæ non assentiri, si ineluctabilis gratiæ vis inest ad consensum obtinendum? Si vis hæc gratiæ insuperabilis est, & profectò irresistibilis est. At cur in re non dubia utimur argumentis non necessariis, cum vel neganda sit iurifeca efficacia gratiæ, vel irresistibilitas gratiæ efficacis confitenda; cum voluntatis Dei efficaciam infallibiliter cum effectu conjunctam agnoscat D. Thomas, ut toties diximus, quia hoc indeclinabili auxilio ipsam indeclinabiliter applicat ad volendum & agendum. Sic q. 23. de verit. art. 5. de voluntate Dei efficacem scribit: *Illi resisti non posse*. Et quodlib. 12. art. 3. *Eam non posse deficere*. Et q. 6. de malo artic. unic. ad 3. *Non posse impediri*. Et in 2. dist. 47. q. 1. art. 1. *Cum illa non posse stare negationem effectus, quem vult*. Et q. 24. de

verit. art. 8. *Gratia secundum esse suum est in libero arbitrio per modum ejus, sicut accidens in subiecto: sed tamen ad rationem suam immutabilitatis liberum arbitrium pertrahit, ipsum Deo conjungens.* Quæ omnia, & alia similia ab ipso passim edocta salvari non possunt, nisi Deo efficaciter voluntatem prædeterminante; quò nempe pervadat in nostras voluntates, & in eis operetur quidquid vult.

### §. III.

*Id ipsum Theologorum primi nominis auctoritate promovetur.*

19. **S**ed jam depromptis Thomistarum suffragiis hoc comprobandum est. Hanc sententiam tenet *Medina* 1. 2. q. 109. art. 9. *Auxilium efficax est, quo homo convertitur, & salvatur, & hoc universis hominibus, qui pereunt, non confertur; nam certè si conferret Deus auxilium efficax, converterentur. Efficaci enim Dei motioni nemo resistere potest. Quid hoc auxilium universis hominibus non conferat, patet ex illo, v. tibi Corozain, v. tibi Bethsaida, quia si in Tyro, & Sydone facta fuissent virtutes, quæ facta sunt in te, in cilicio, & cinere penitentiam egissent: ecce quomodo hominibus Tyri, & Sydonis datum non fuit auxilium efficax, quo siue Dubio converterentur.* Patrocinator eidem sententiæ Magister *Zumel* tom. 3. *variar. disputat.* ad 1. p. & 1. 2. D. *Thomæ* Disp. 2. Dub. 1. annexo Concluf. 5. pag. 36. edit. Lugdun. explicans, quamnam gratiam homo abjicere possit juxta Concilii *Tridentini* mentem sess. 6. cap. 5. ait: *Unde gratia adjuvans si dicatur quatenus inadæquatè consistit in vocatione, & excitatione, juxta D. Augustinum rejici potest ab homine, immo verò aliquando de facto rejicitur, sicut videmus in plerisque hominibus, qui excitantur, & vocantur, & excitationem, atque vocationem rejiciunt, & contemnant. At verò si gratia adjuvans sumatur quatenus adequatè constat ex gratia cooperante, & vocatione secundum propositum, & completè ex efficaci Dei motione; sic nunquam rejicitur, & infallibiliter complet id, ad quod datur: itaut sit principium conversionis efficiens propriè. Quo in loco patet, pro eodem accipi ab eximio hoc Theologo ly nunquam rejicitur, ac reici non potest, alioquin distinctio, quam inducit, ut explicet illud, abjicere potest, frivola esset, nec verum esset, quod subdit, infallibiliter complet. Unde in notabilium Indice, verbo *Gratia*, hunc signans locum ait: *Gratia adjuvans, quæ est sola vocatio, excitatio &c. respui potest, minimè verò gratia adjuvans, quæ est eadem cum cooperante, efficaci, & adequata.* Legatur insuper tota disp. 4. maxime concluf. 5. & 6. ubi latissimè ac què, ac doctissimè eandem doctrinam, & ejusdem veritatem ostendit. Item tom. 2. *de grat. & liber. arb.* discurs. 5. per fermè totum maximè à sect. 2. M. *Bolivar* Ord. Præd. Primarius Salmanticensis de provident. Dei Dub. 3. §. 4. *Secundò rejicitur solutio: ex illa enim**

se-

sequitur, Deum non esse ita omnipotentem ad hominis conversionem, ut illius potestati metaphysicè resisti non possit: consequens est absurdum, ergo. Sequela constat; nam licet moraliter non possit contingere, quòd homo prævencus auxilio moraliter cum consensu connexo non convertatur; potest tamen metaphysicè; ergo omnipotentia Deitalis adstruitur, ut possit metaphysicè illi resisti; & ab aliquo extra se impediri: etenim ejus vis in auxilio, cui metaphysicè resisti potest, explicatur. Minor etiam est manifesta; nam potentia, quæ ab aliquo extrinseco impediti potest, & resisti, non est summa, sed alteri subiecta, nimirum illi, à quo impediti potest, & consequenter non est omnipotentia. Si ergo omnipotentia Dei impediti potest ab aliquo extra se, omnipotentia non est. Illustrissimus Godoy 1. p. tom. 2. q. 23. tract. 8. disp. 66. toto §. 1.

20. M. Fr. Joannes de Aliaga Ord. Præd. clarissimus Universitatis Salamantinae Primarius Moderator luculenter idem placitum pronit, & tueri tom. 3. tract. de necessit. grat. Dub. 11. §. 4. docens. Gratiam speciale requisitam pro victoria gravis tentationis, & pro delectatione naturali Dei super omnia, coalescere ex judicio specialiter illustrante intellectum, ut practicè judicaret elicentiam talium actuum; & ex gratia intrinsecè efficaci determinante irresistibiliter, & insuperabiliter voluntatem. Quam gratiæ ab Intrinseco efficaci irresistibilitatem lucidissimè explanat, prout accipimus, tom. 5. Illustrif. Palanco, qui ut sapientissimus Theologus palam in Hispania celebratur quæst. 15. de provident. n. 221. expressè docens voluntatem non posse resistere prædeterminationi divinæ activè, quia hoc esset resistere in sensu composito. Subscribunt eidem sententiæ, P. Joannes Claudius Puteobonellus è Clericis Regularibus Barnabitis 1. p. quæst. 6. art. 6. §. 5. Quod autem voluntas creata non possit hanc efficaciam abicere, quinimò indeclinabiliter præstet enim actum, ad quem applicat; hoc non contradicit libertati, prout est in secundo libro &c. Legatur totus §. & insuper §. 6. ubi optinè docet, ex potentia ad actum oppositum prædeterminationi non sequi potentiam frustrandi efficaciam infallibilem prædeterminationis. Collegium Ripense Ordinis B. Mariæ Virginis de Mercede Redemptionis Captivorum lib. 2. de natura, & causis motûs confer. 6. n. 270. prædeterminationem ita esse cum actu connexam, ut illam existere à parte rei, & non existere actum, sit terminorum implicatio. Insuper: non esse in voluntate creata, quantumvis libera potestatem ullam, quæ valeat acquirere, frustrare, aut abicere prædeterminationem. Illustrif. & Reverendis. Dominus Fr. Calixtus Lodigieri ex Sacro Ordine Servorum Episcopus Montis Politiani tom. 2. Disputationum Theologicar. lib. 1. disp. 2. quæst. 1. à cap. 2. Et deinceps idem tenet, quod ibi num. 8. explicat disertis verbis: Irresistibiliter operari in cordibus hominum. Et primò quidem constitutam à S. Augustino in eogratie efficaciam, quòd conjunctum actum habeat, superetque omnem voluntatis resistenciam, apertè convincunt infinita propemodum, quæ ubique passim occurrunt, ex quibus hoc unum ex lib. de corrupt. & grat. cap. 12. retulisse satis sit. Doctissimus Antonius Boncat Ordinis Minorum to. 2. dif-

diliēt. 3. de natura cuiuslibet gratiæ in speciali : *Respondeo secundo distinguendo* : posita prædeterminatione physica voluntas non potest resistere in sensu composito, concedo : in sensu diuiso, nego. Sensus compositus est ille, qui iungit actum potentiam cum effectu, & sic in omni opinione homo nequit resistere gratiæ efficaci in sensu composito. Etenim jam est actus. Sensus diuissus ille censetur, qui dicit potentiam motam à gratia, & ad actum eliciendum paratam, seu accinctam, voluntas autem potest ei tunc resistere.

21. Sapiientissimus Magister Fr. Joannes à Sancto Thoma id ipsum uberius tractat, probans, quod nullæ sint liberi arbitrii vires pares ad resistendum resistantiæ formali, & strictæ gratiæ ab intrinseco efficaci, dicens 1. par. quaest. 19. de volunt. Dei disp. 3. art. 5. num. 25. *Secunda propositio* : propositio decreto efficaci de se solo non possumus non velle, dissentire, aut resistere, apud Thomistas, secundum Catholicam doctrinam hunc habet sensum : non possumus dissentire, aut resistere, potentia antecedenti, est falsum, & hæreticum, potentia consequenti, est verum, & Catholicum. Potentia antecedens est potentia sine actu resistantiæ, sed cum potestate resistendi. Potentia consequens est potestas resistendi cum actu resistente. Posita ergo efficaciam Dei dante actum, & libertatem actus, manet potestas resistendi antecedens : id enim conseruat gratia conservando libertatem, & ratione hujus dicit Concilium Tridentinum sess. 6. cap. 5, quod potest homo dissentire, potest illam gratiam abjicere, si velit, potestate scilicet antecedenti. Sed non manet potestas consequens, id est, cui sit conjunctus actus resistendi, & abjiciendi ipsam efficaciam Dei, quæ hoc operatur, ut homo non abjiciat eam, quia à nullo duro corde respuitur, datur enim, ut cordis duritia primitus auferatur, ut Augustinus dicit de prædest. Sanctior. cap. 8. Et ita nulla est potestas ad conjungendum actum resistantiæ cum actuali efficaciam convertentis Dei. Et in hoc sensu dicitur catholicè Esther. 13. Non est qui tua possit resistere voluntati. Et Rom. 9. Voluntati ejus quis resistit? Et Augustinus de corrept. & grat. cap. 14. Deo volenti saluum facere, nullum humanum resistit arbitrium. Et cap. 12. Subventum est infirmitati humanæ, ut indeclinabiliter, & insuperabiliter ageretur, & ideo quamvis infirma non deficeret. Calvinus autem dixit non posse nos resistere, non posse dissentire, etiam potestate antecedenti, quia per modum naturæ necessitatem posuit nostram voluntatem, & sine libertate.

22. Totus nostrarum est partium cursus Salmanticensium, & cum eo RR. P. Fr. Paulus à Conceptione Generalis Fratrum Discalceatorum Carmelitarum tract. 13. de grat. Dei disp. 3. Dub. 2. negans potestatem resistendi prædeterminationi tam in sensu composito, quam in sensu diuiso, his verbis : Dicimus ergo, quod eadem est potestas ad dissensum compositum cum gratia efficaci, & potestas ad illum frustrandum, & ad illi resistendum : potestas verò ad dissensum diuissum à gratia efficaci non est eadem cum potestate ad illi resistendum, & ad eam frustrandam. Unde fiat optimè, quod nostra voluntas, dum est physice præ-

ter-

terminata habeat potestatem ad ponendum libere consensum, quin habeat potestatem absolutam illum frustrandi, & illi resistendi, quia ly frustrare, & resistere ex propriis terminis importat sensum compositum cum physica prædeterminatione. Quæ solutio potest illustrari hoc exemplo omnibus Theologis communi. Nam potestas ad dissensum fiat cum divina præscientia consensus; et si poneretur dissensus, proculdubio falsificaretur scientia divina. Licebit hinc inferre: ergo potestas ad dissensum est potestas falsificandi scientiam, quia aliter non falsificatur? Nullo modo. Alia ergo est potestas ad dissensum divisum à scientia consensus à potestate falsificandi scientiam: & rectè componitur, quod si voluntas dissentiret, falsificaret scientiam, & quod habet potestatem absolutam dissentendi, quin habeat potestatem falsificandi. Pariformiter ergo in nostro casu. Patrocinantur ulterius doctrinæ hujus tractatus explicantes, quomodo sit potestas dissentendi gratiæ excitanti, non tamen gratiæ efficaci in hæc præclara verba: Nam ad libertatem non requiritur potestas ad abjiciendam omnem gratiam, nec hoc docet Concilium: sed sufficit potestas ad dissensum, & libertas consensus composita cum omni gratia, & simul potestas resistendi gratiæ excitanti. Et quod hoc sufficiat constabit facile callenti intentum Concilii: hoc enim tantum intendebat ingulare errorem Calvini, qui cum gratia efficaci non componebat potestatem absolutam ad dissensum, nec libertatem consensus: ergo dum solvetur, ut omnes Catholici salvant, potestas ad dissensum, dum adest gratia efficax, salvatur intentio Concilii, & paràm interest, quod non detur potestas abjiciendi gratiam efficacem. Quod adversarii tenentur sateri, quia in eorum sententia non est potestas ad dissentendum gratiæ efficaci, ut efficaci, nec prædispositioni, quæ Deus decernit conferre auxilium efficax, quia efficax; sed quia cum hoc componitur potestas ad dissensum, salvatur apud ipsos intentio Concilii. Legant Thomistas reliquos, non eorum pendentes animos, & vacillantes deprehendent: undè rectè dicit noster M. Fr. Vincentius Ferver Doctor, & Professor Valentinus tom. 3. tract. 3. Dub. 5. n. 351. *Gratia efficax (undecumque sit efficax) est irresistibilis, inrevacuabilis, & certissima; est enim cum effectu conjuncta, ut omnes uno ore fateantur.* Sed quid aliis opus est testibus, cum tot præclarissimi sanctitate viri, dignitate, eruditionis formâ, numero, & confessione sua spectatissimi, doctrinæ ubertate, & sapientiâ incomparabiles, hoc constanter doceant, tulileque semper veram Scholæ nostræ mentem? At non solum est Scholæ nostræ mens, sed & illustis Scholæ Societatis opinio. Audiendus pro omnibus P. Suarez de divina gratia part. 2. lib. 3. num. 6. *Secunda differentia est, quia gratia excitanti de se resisti potest, & ideo sæpè tantum est sufficiens, quia ei resistitur; adjuvanti autem nunquam resistitur, sed semper est efficax, id est, habet effectum.* Hanc differentiam notavit idem Vega, & prior ejus pars sumitur ex Concilio Tridentino d. cap. 5. ibi, quippe qui & illam abjicere potest, & Can. 4. ibi, possent dissentire, si vellet: & ex Concilio Senonensi in Decreto 5. Fidei, quæ duo Concilia plane docent, hanc potestatem resistendi huic gratiæ neces-

sa-

*suriam esse, ut non tollat libertatem. Altera verò pars ex supradictis est manifesta, quia gratia adjuvans actualis non datur nisi homini actu operanti, & consentienti; qui autem consentit, non resistit. Tantis & rationum, & suffragiorum prædiis communita est irresistibilitas gratia: ab intrinseco efficacia.*

23. His, & alios addere placet, qui puritate Catholicæ doctrinæ integri, & ab omni errore immunes, idem disertissimè docent. Ambrosius Catharinus cap. 8. Epist. ad Rom. gratiam ab intrinseco efficacem exprimit his vocibus, & vocat, *motionem efficacem*, cui nullus unquam resistit, immo cui resisti non potest. M. Dominicus Soto lib. de nat. & grat. cap. 11. Solutio ergo dubitationis est, quod illò tunc temporis momento, quò Deus mecum concurrat, sum liber, & tunc agere non renuam. Etenim dum liberè moveor, possum in sensu diviso non agere: & tunc cessabit concursus Dei. Tametsi in sensu composito contra se invicem pugnent: Deum agere erga me actione illà, & me non agere, Facultas Theologica Universitatis Coloniensis in Compend. Theolog. tract. 5. disp. 9. pag. 189. edit. Colon. 1678. allerit, *Quòd Deus reat- ligit, & physice ad modum causæ physicae intimò contactu efficaciter præmoveat, ac prædeterminet intellectum, voluntatem, liberum arbitrium nostrum, ac certò, & infallibiliter prævenienti, vocantique. Deo . . . consentiendum, & cooperandum, idque insuper pro infiniti agentis Dei efficacissimà voluntate, ac potentia . . . omnino irresistibi- liter.*

24. Illustrissimus D. ac Mag. meus Fr. Joannes de Montakvan Ord. Præd. virtutis, ac sapientiæ merito Episcopus Accitanus & Vastensis, & Placentinus creatus, qui in Universitate Salmantina dum esset Pro- fessor publicus, æternam sibi famam, & gloriam comparavit. Hic, cu- jus summa est, & propter vitæ sanctitatem, & propter facultatem inge- nii, & propter doctrinæ excellentiam apud omnes auctoritas, in ea- dem est sententia tom. 1. disp. 3. Dub. unico §. 3. n. 51. dicens: *Nota- dum est, quòd aliud est, quòd nos non admittamus potestatem resfra- gandi, aut resistendi gratiæ efficaci; aliud autem, quòd non admittamus etiam in sensu composito gratiæ efficaci potestatem resfragandi, ac resi- stendi gratiæ sufficienti; quamvis actualis resistentia etiam gratiæ suffi- cienti non possit componi cum gratia efficaci. Primum absolute concedi- mus: nam gratiam efficacem talem existimamus cum D. Augustino, quod a nullo corde respuitur, & quòd nullum ei resistit arbitrium. Se- cundum autem absolute negamus; & contra Calvinum constanter de- fendimus, quòd etiam in sensu composito gratiæ efficaci stat in nobis po- testas dissentendi gratiæ sufficienti. & illi resistendi. Cuius autem gra- tiæ sufficiens, & non efficax constituat libertatem in actu primò per hoc contrà Calvinum etiam salvamus, quòd omnia, quæ se tenent ex parte actus primi sunt indifferentia, indifferentiâ potestatis, & cum utroque extremo componibilia. Quæ ex mente Calvinii annotasse sufficiat, ut hinc clara prædictorum locorum intelligentia, & argumenti solutio ha- beatnr. Et n. 52. Unde ad argumentum in forma concess. maj. neganda*

est

est min. ad ejus probationem distinguenda est maj. auxilia, quæ voluntas nequit abicere, aut quibus dissentire non potest, non coherent cum libertate, si constituunt posse, & actum primum, conc. maj. si constitutum supponant, & purè ad operationem applicent, neg. maj. & concess. min. neganda est consequ. Hæc præclarissimus, & toto Orbe celebrissimus iste Magister, mei Conventus S. Stephani Salmanticensis Filius.

25. R. P. M. Fr. Petrus Manfo Ordinis Eremitarum S. P. N. Augustini Doctor Salmantinus, & post alias, Cathedræ Magnorum Moralium Moderator, in suo perillustri opere, de gratia adjuvante ut contradistincta ab excitante typis edito anno 1729. hanc sententiam suò calculo probat, & cujus est probabilius est auctoritas, & fide dignius testimonium, quò si Thomisticam Scholam amat, etiam doctrinæ Societatis amicus est. Sic ergo scribit q. 6. §. 1. *Notandum est in presenti aliud esse impedire prædeterminationem, aliud ipsi resistere: & ideo Ill. Caspell. disp. 2. q. 4. disputat de resistibilitate, & q. 5. de impedibilitate. Communiter in argumentis utrumque confunditur: & sine inconvenienti si resistantia non sumitur strictè, & ut facit sensum compositum prædeterminationis ad actum, & omissionis actus: nam hæc est impossibilis. In hoc sensu dixit S. Augustinus lib. de correptione & gratia cap. 4. Non est dubitandum, voluntati divinæ humanas voluntates non posse resistere. Et ad Rom. 9. Voluntati enim ejus quis resistet? Quia nempe resistere voluntati Dei est facere oppositum ejus, quòd Deus vult efficaciter: cumque sit impossibilis conjunctio voluntatis Dei efficacia cum extremo opposito, eo quòd voluntas Dei efficax est infrustrabilis: ideo est impossibilis resistantia nostra voluntati Dei efficaci. Similiter impossibilis est resistantia nostra gratiæ adjuvanti, & prædeterminanti: nam hæc derivat ab efficacia voluntatis Dei infrustrabilitatem. Hinc fit, quòd dum à Concilio Senonensi dicitur decreto 15. Neque enim tale est Dei trabentis auxilium, cui resisti non possit, vel non est sermo de resistantia propria, ut distincta ab impedibilitate; vel sermo est de sola gratia excitante, & vocante, quæ propriè trahit, & moraliter allicit voluntatem nostram. Hæc gratia est resistibilis propriè, quia cum illa possumus conjungere contrarium ejus, ad quòd excitat, & moraliter allicit. De hac gratia intellige definitionem Innocentii X. contra Jansenium asserentem in 2. prop. damnata, intericri gratiæ in statu naturæ lapsæ nunquam resistitur. Non enim definitur hic, omnem gratiam interiorem esse resistibilem, sed aliquam, nempe excitantem, & vocantem: nam adjuvans, & prædeterminans est irresistibilis, sumendo resistantiam propriè, ut facit sensum compositum. Vide dicta lib. de dist. statuum q. 1. §. 4. Dum autem P. Augusti. dicit: Quæcumque causa est voluntatis, si non potest ei resisti, sine peccato ei ceditur, intelligendum est de resistantia lata, prout est idem, ac impedibilitas: nam pro libertate sufficiente ad peccandum, satis est posse impedire prædeterminationem ad materiale peccati; nec requiritur, posse conjungere carentiam peccati cum prædeterminatione illa. Similiter dum S. Anselmus dixit, voluntatem D. Pauli in sua conversione potuisse resistere gratiæ Dei, si vel-*

Tom. IV. O o let,

let, exponendus de resistentia lata relatè ad gratiam adjuvantem, vel de se stricta respectu gratiæ excitantis. Supposito ergo, gratiam adjuvantem, & prædeterminantem non esse propriè resistibilem, quia ratione suæ efficaciæ intrinsecæ infert infallibiliter actum prædeterminatum: & sic est impossibilis conjunctio carentiæ actûs cum prædeterminatione, in qua consistit propria resistentia &c.

26. At inter omnes audiendus M. Lemos nedum locis tract. nostro de concursu prav. citatis disp. 1. Dub. 3. §. 4. n. 48. & disp. 6. Dub. 3. §. 3. n. 45. verum & tom. 3. lib. 3. par. 1. tract. 4. cap. 18. ubi eandem doctrinam clarissimè ob oculos ponit, dicens: *Sed jam videamus, quàm solaci ratione illud argumentum vitatur, & quom firmâ, atque veraci dissolvatur. Duplicem enim habet apertam, manifestamque solutionem. Prima est concedendo illud antecedens, quod videlicet, necessaria sit illa prædeterminatio voluntati impressa, ex firmo, stabilique divinæ voluntatis decreto proveniens; concedendo etiam prædeterminationem talem, sicut & decretum in potestate nostra non esse, ut habeatur, vel ut nobis donetur; concedendo insuper, quod illâ posita in voluntate nostra, illi voluntas nostra resistere non potest, loquendo de resistentia propria, sicut per illud verbum resistere, significatur. Neque enim fieri potest, ut illa in voluntate ponatur, & homo illi resistat, quod est non posse illi resistere; hoc enim verbum importat sensum compositum; imò si sensum divisum importaret simpliciter, & absolute, non est in hominis voluntate potentia ad resistendum propriè Deo, nisi æqualem potentiam in voluntate humana constitutere velimus, ac in Deo, quàm necesse est habere, qui propriè alteri resistere potest. Nec in hac potentia ad propriè resistendum Deo consistit, aut consistere potest humana libertas. Et mox: Distinctæ ergo propositiones sunt: voluntas efficaciter mota non potest resistere efficaci Dei motioni, & efficaciter mota non potest aliud velle: prima ob duplicem rationem supra assignatam vera est, imò in Sacra Scriptura expressè tradita: secunda autem est absolute, & simpliciter falsa: quia Dei voluntas efficaciter movens vult, quod homo velit id, ad quod à Deo movetur, & quod possit, id est, potentiam liberam habeat ad aliud volendum, quæ est propria ratio libertatis.*

27. Et rursus: Meritò quæret Theologus, in quo sit ista diversitas inter non posse resistere, vel non posse dissentire Dei voluntati efficaci, & non posse aliud facere, vel velle, quàm quod ipsa vult? Supposito, quod illæ duæ primæ propositiones negativæ concedendæ sunt, & aliæ posteriores negandæ: & de affirmativis oppositis è contrariio illæ de resistere, vel dissentire negandæ sunt; illæ autem de posse aliud velle, vel aliud operari sunt concedendæ. Non enim omnibus apparet magnâ ista diversitas, cum plerique, ut dictum est, pro eodem utrasque consundant. Ad hoc dicendum, quod si quis diligenter advertat, magna inter propositiones illas differentia est, quam S. Thomas tum alibi, tum 1. p. q. 19. art. 8. ad 2. satis apertè insinuavit, dum ista verba proponit: *Ad secundum dicendum, quod ex hoc ipso, quod nihil voluntati divinæ resistit, sequitur, quod non solum fiant ea, quæ Deus vult fieri, sed quod fiant*



*fiant contingenter, vel necessariò quæ sic fieri vult. Et alibi non semel docet, quòd non debemus sic dicere, Deus hoc vult: ergo hoc erit: sed quòd sic dicere, & inferre debemus: Deus hoc vult contingenter fieri, ergo contingenter eveniet. Ex quibus sit manifestum, quòd per hoc, quòd homo contingenter, & liberè operetur, cum potentia videlicet ad aliud volendum, & per hoc quòd cum actu operatur id, quòd Deus vult ipsum operari, retinens potentiam ad aliud volendum, non resistit Dei voluntati, imò Dei voluntati consentit, quæ vult, quòd homo operetur, & liberè seò cum potentia ad aliud volendum operetur. Cùm ergo illa, potentia ad aliud volendum confirmetur in homine ex efficaci illa Dei voluntate, & illi sit conformis, necesse est dicere, quòd talis potentia ad aliud volendum non resistat divinæ voluntati, cui potiùs conformatur, nec sit potentia ad resistendum propriæ voluntati Dei, sed potiùs sit potentia ad obediendum divinæ voluntati, & ei consentiendum. Ecce quàm manifestè constat, quòd posse aliud facere, quàm divina voluntas vult, quòd homo faciat, non est posse resistere divinæ voluntati, sed potiùs est, posse ei consentire, & quòd potentia ad aliud volendum, in qua sita est nostra libertas, & quam proinde homo retinet a Dei efficaci voluntate pramotus, non est potentia ad resistendum Dei voluntati, sed est potentia, quâ illi obtemperatur, & consentitur.*

28. Vulgarissima est inter Theologos hæc doctrina, quam etiam noster Antoninus Reginaldus apertissimè tradit locis à me citatis tractatu de Concurſu prævio disp. 1. dub. 4. §. 3. num. 27. Necnon P. Petavius lib. 9. cap. 15. num. 6. *Quòd si nibilominus in electorum potestate situm esse salutis negotium, acerrimè defendunt, quoniam decreti illius divini usus, atque exitus libertati visus, & consensu illigatus est, quam non solum certissimè novit accessuram Deus: sed etiam omnipotentissimâ suâ voluntate, & gratiâ, cui, scit, humanam voluntatem non posse resistere, sese illam non ab invitis, sed volentibus expressurum esse prævidit: cur non eadem & nos, ex Augustini mente, usurpare de electione, ac prædestinatione salutis æternæ jure nostro poterimus? Hanc enim perinde immobili decreto Dei fixam, & consuetam esse volumus, ut illius exitus in prædestinatorum libertate ponatur. En nobis, non jansenitarum, sed tot virorum concentus, qui doctrinâ hinc, hinc religione, & pietate floruerunt: & intaminata doctrinâ SS. Augustini, & Thomæ acerrimi defensores semper fuerunt. Si singularis igitur sanctimoniar, si illorum ingenii super admirationem positi, si eminentissima doctrinâ rationem habeas, non potest sanè non ingens videri veritatis argumentum. Et erit modò, qui dicat consentire cum Hæreticis tot præclarissimos viros, qui gratiæ efficacis irresistibilitatem propugnant? Nullus profectò, nisi impudentissimus, id dicet, cùm tas non sit, ita de tot eximiis sapientiâ, & virtute, viris malè sentire. Precor autem Adversarios nostros, ut attentè considerent, an illum primum salutarem motum in omni bono opere necessarium possint negare, donum Dei esse? Quòd si negare non possunt, immo nobiscum contra Semipelagianos affirmare debent, rogo, per quem actum possit voluntas no-*

let, exponendus de *resistentia lata relatè ad gratiam adjuvantem*, vel de *se stricta respectu gratiæ excitantis*. Supposito ergo, gratiam adjuvantem, & prædeterminantem non esse propriè resistibilem, quia ratione suæ efficacis intrinsecæ inserti infallibiliter actum prædeterminatum: & sic est impossibilis conjunctio carentiæ actûs cum prædeterminatione, in qua consistit propria *resistentia* &c.

26. At inter omnes audiendus M. Lemus nedum locis tract. nostro de concurs. præv. citatis disp. 1. Dub. 3. §. 4. n. 48. & disp. 6. Dub. 3. §. 3. n. 45. verum & tom. 3. lib. 3. par. 1. tract. 4. cap. 18. ubi eandem doctrinam clarissimè ob oculos ponit, dicens: *Sed jam videamus, quàm solaci ratione illud argumentum nitatur, & quàm firmâ, atque veraci dissolvatur. Duplicem enim habet apertam, manifestamque solutionem. Prima est concedendo illud antecedens, quòd videlicet, necessaria sit illa prædeterminatio voluntati impressa, ex firmo, stabilique divina voluntatis decreto proveniens; concedendo etiam prædeterminationem talem, sicut & decretum in potestate nostra non esse, ut habeatur, vel ut nobis donetur; concedendo insuper, quòd illa posita in voluntate nostra, illi voluntas nostra resistere non potest, loquendo de resistantia propria, sicut per illud verbum resistere, significatur. Neque enim fieri potest, ut illa in voluntate ponatur, & homo illi resistat, quòd est non posse illi resistere; hoc enim verbum importat sensum compositum; imò si sensum divisum importaret simpliciter, & absolutè, non est in hominis voluntate potentia ad resistendum propriè Deo, nisi æqualem potentiam in voluntate humana constituturè velimus, ac in Deo, quàm necesse est habere, qui propriè alteri resistere potest. Nec in hac potentia ad propriè resistendum Deo consistit, aut consistere potest humana libertas. Et mox: Distinctæ ergo propositiones sunt: voluntas efficaciter mota non potest resistere efficaci Dei motioni, & efficaciter mota non potest aliud velle: prima ob duplicem rationem supra assignatam vera est, imò in Sacra Scriptura expressè tradita: secunda autem est absolutè, & simpliciter falsa: quia Dei voluntas efficaciter movens vult, quòd homo velit id, ad quòd à Deo movetur, & quòd possit, id est, potentiam liberam habeat ad aliud volendum, quæ est propria ratio libertatis.*

27. Et rursus: Meritò quaeret Theologus, in quo sit ista diversitas inter non posse resistere, vel non posse dissentire Dei voluntati efficaci, & non posse aliud facere, vel velle, quàm quòd ipsa vult? Supposito, quòd illæ duæ primæ propositiones negativæ concedendæ sunt, & aliæ posteriores negandæ; & de affirmativis oppositis è contrario illæ de resistere, vel dissentire negandæ sunt; illæ autem de posse aliud velle, vel aliud operari sunt concedendæ. Non enim omnibus apparet magnam istam diversitatem, cum plerique, ut dictum est, pro eodem utraq; confundant. Ad hoc dicendum, quòd si quis diligenter advertat, magna inter propositiones illas differentia est, quam S. Thomas tum alibi, sum. 1. p. q. 19. art. 8. ad 2. satis apertè insinuat, dum ista verba proponit: *Ad secundum dicendum, quòd ex hoc ipso, quòd nihil voluntati divine resistit, sequitur, quòd non solum fiant ea, quæ Deus vult fieri, sed quòd fiant*

*fiant contingenter, vel necessariò quæ sic fieri vult. Et alibi non semel docet, quòd non debemus sic dicere, Deus hoc vult: ergo hoc erit: sed quòd sic dicere, & inferre debemus: Deus hoc vult contingenter fieri, ergo contingenter eveniet. Ex quibus fit manifestum, quòd per hoc, quòd homo contingenter, & liberè operetur, cum potentia videlicet ad aliud volendum, & per hoc quòd cum actu operatur id, quòd Deus vult ipsum operari, retinens potentiam ad aliud volendum, non resistit Dei voluntati, imò Dei voluntati consentit, quæ vult, quòd homo operetur, & liberè sed cum potentia ad aliud volendum operetur. Cùm ergo illa potentia ad aliud volendum confirmetur in homine ex efficaci illa Dei voluntate, & illi sit conformis, necesse est dicere, quòd talis potentia ad aliud volendum non resistat divinæ voluntati, cui potius conformatur, nec sit potentia ad resistendum propriè voluntati Dei, sed potius sit potentia ad obediendum divinæ voluntati, & ei consentiendum. Ecce quàm manifestè constat, quòd posse aliud facere, quàm divina voluntas vult, quòd homo faciat, non est posse resistere divinæ voluntati, sed potius est, posse ei consentire, & quòd potentia ad aliud volendum, in qua sita est nostra libertas, & quam proinde homo retinet a Dei efficaci voluntate pramotus, non est potentia ad resistendum Dei voluntati, sed est potentia, quâ illi obtemperatur, & consentitur.*

28. Vulgarissima est inter Theologos hæc doctrina, quam etiam noster Antoninus Reginaldus apertissimè tradit locis à me citatis tractatu de Concurſu prævio disp. 1. dub. 4. §. 3. num. 27. Necnon P. Petavius lib. 9. cap. 15. num. 6. *Quòd si nihilominus in electorum potestate situm est salutis negotium, acerrimè defendunt, quoniam decreti illius divini usus, atque exitus libertati v'stræ, & consensu illigatus est, quam non solum certissimè novit accessuram Deus; sed etiam omnipotentissimâ suâ voluntate, & gratiâ, cui, scit, humanam voluntatem non posse resistere, sese illam non ab invitis, sed volentibus expressurum esse prævidit: cur non eadem & nos, ex Augustini mente, usurpare de electione, ac prædestinatione salutis æternæ jure nostro poterimus? Hanc enim perinde immutabili decreto Dei fixam, & constitutam esse volumus, ut illius exitus in prædestinatorum libertate ponatur. En nobis, non Janſenitarum, sed tot virorum concentus, qui doctrinâ hinc, hinc religione, & pietate floruerunt; & intaminata doctrinâ SS. Augustini, & Thomæ acerrimi defensores semper fuerunt. Si singularis igitur sanctimonia, si illorum ingenii super admirationem positi, si eminentissimæ doctrinæ rationem habeas, non potest sanè non ingens videri veritatis argumentum. Et erit modò, qui dicat consentire cum Hæreticis tot præclarissimos viros, qui gratiæ efficacis irresistibilitatem propugnant? Nullus profectò, nili impudentissimus, id dicet, cùm tas non sit, ita de tot eximiis sapientiâ, & virtute, viris malè sentire. Precor autem Adversarios nostros, ut attentè considerent, an illum primum salutarem motum in omni bono opere necessarium possint negare, donum Dei esse? Quòd si negare non possunt, immo nobiscum contra Semipelagianos affirmare debent, rogo, per quem actum possit voluntas no-*

stra gratiæ ita primò moventi resistere? Non per ipsum motum; non per negationem ejus, quæ simul cum motu stare non potest; non per motum oppositum, propter eandem rationem: ergo est motus voluntatis nostræ liber, meritorius, & à Deo donatus per gratiam, cui resisti non potest. Idem intelligant de singulis donis Dei; quippè eadem omnibus est ratio. Quid ergo difficultatis habet irresistibilitas efficaciæ gratiæ?

## §. IV.

*Vindicatur doctrina Thomistarum ab hæresi secundæ Jansenii propositionis: Interiori gratiæ in statu naturæ lapsæ nunquam resistitur.*

29. **N**ulla ferè controversia his nostris temporibus est, quæ vel suscipiatur jucundiùs, vel exagitetur frequentius, quàm de *Janseniano* systemate, quo novi semper excitantur tumultus, ac recrudescit discordia. Cuilibet Sapientum constat satis, quibus malis artibus utantur *Jansenistæ*, ut inter *Thomistas* errorum suorum semina committant. Quæ non ab ipsis excogitata: astutia, fraudes, vitiligationes, fallacia? Quibus non fœdis mendaciorum fucis, tetrivse malitiæ coloribus, pigmentis, sive figmentis hanc obscurare intendunt? At quod magis dolendum, quæ non operosè congerunt alii, (sed moderni duntaxat; antiquiores enim etsi nobis opinione contrarii, nunquam putarunt, injurium aliquid contra nos posse proferri) semper hujus Scholæ doctrinam oppugnantes, ut omnes contra ipsam convertant machinas, *Jansenismi* tumum, vel putidum hoc commentum, quod gratium hisce diebus evadit, dubio rumore jactantes, ut simplicium perstringant oculos? Livorem isti Religione mentientes, exploratissimum supponunt, & imponunt errorem secundæ propositionis, ut efficaciam gratiæ, quam nos irresistibilem diximus, deprimere, ac maligno dente arrodere possint. At nec artificia sua dolo, & malitiâ composita ipsis profutura, nec nostris unquam obfutura confidimus; *Nos enim* (liceat uti verbis Concilii *Constantinopolitani* sub *Menna* Constantinopolitano Patriarcha) *Apostolicam Sedem loquimur, & obedimus, & ipsius communicatores habemus, & commendatos ab ipsa nos condemnamus.*

30. Pro intelligentia ergo hujus controversiæ ab ipso *Jansenii* systemate exordiendum, quod certiori nequit ictu conteri, quàm cum patens & apertum omnium subjicitur oculis. Hoc artis opus ad debellandas hæreses, ut dixit *Tertullianus* contra *Valentinum* cap. 3 *Hunc primum cuneum congressionis armavimus, detectorem & designatorem, conscientia illorum, primamque banc victoriam auspicamur; quia quod tanto impendio absconditur, etiam solummodò demonstrare, destruere est.* Duplicem distinguit ille delectationem, unam coelestem, quæ ad bonum, alteram terrenam, quæ ad malum inclinât. Utraque ab ipso

ipso victrix, & superior dicitur; victrix, quia voluntatis consensum infert; superior, quia majores exprimit vires, comparative ad minorem oppositam delectationem. Hoc est præcipuum, & capitale hujus systematis dogma, cum quo cætera nexu indissolubili connectuntur. Audiat ipse lib. 8. de gratia Christi cap. 2. *Delectatio victrix, quæ Augustino est efficax adiutorium, relativa est; tunc enim victrix quando alteram superat. Quid si contingat, alteram ardentiorē esse, in solis inefficacibus desideriis hærebit animus, nec efficaciter unquam volet, quod volendum est.*

31. Si naturam hujus delectationis inquiras? Nihil aliud est apud *Jansenium*, quàm vitalis animi motus indeliberatus, quo voluntas fertur in aliquod objectum tanquam sibi jucundum, & conveniens. Sic ille lib. 4. de grat. Christi cap. 11. *Quid est delectari hominem iustitiā, vel mendacio, nisi actu aliquo in iustitiā, vel mendacium tanquam sibi convenientia, & jucunda moveri? Motus autem ejusmodi voluntatis, non sit nisi actu quodam vitali. . . . delectatio ista quam ad omnia opera bona S. Augustinus exercenda postulat, non est aliud, quàm actus quidam indeliberatus calitus immixtus in voluntatem, per quem ei bonum propositum suaviter placet. . . . Dicimus igitur, delectationem istam, seu suavitatem in Augustino celebrem, esse partim primum illum, & indeliberatum affectum animæ, qui actualis complacentia est; partim etiam & crebrò secundum quoddam desiderium deliberatum dicitur, quibus anima ita suaviter, ac delectabiliter in bonum appetendum rapitur, ut voluntas ei actu libero consentiat, ac bonum diligit, tantò vehementius, quantò fortius illis actibus rapitur. Nec aliud ab ipso intelligitur concupiscentiæ delectatione, dicente ibi: *Delectationem, quæ consensum in peccata præcedit, & suggestionem sequitur, non aliud esse, nisi desiderium illicitum, indeliberatum, quo animus etiam repugnans in peccatum inhiat, vel certè primum ipsum concupiscentiæ motum, tanquam amorem quemdam indeliberatum, per quem homini etiam invito peccare lubet, quamvis consensio non sequatur.**

32. Ex motibus istis indeliberatis rationis advertentiam, & voluntatis consensum antevertentibus, oriuntur actus deliberati: ita ille dicto cap. 11. *Ut sanè merito S. Augustinus actus illos indeliberatos amoris, ac desiderii, quibus anima suaviter in Deum deliberato actu diligendum suscitatur, invitat, trahitur, rapitur, nomine dulcedinis, suavitatis, ac delectationis designaverit. Necessitatem hujus delectationis cælestis ad bonè operandum agnoscit, & probat dicto lib. 4. cap. 9. cujus hic titulus est: *Necessitas delectationis cælestis ad bonè volendum, & operandum non ex natura voluntatis, sed ex ejus pæna proficiscitur.* Probat hoc, tum ex peccato primi hominis, quod sine delectatione præcedente perpetratum est: tum ex delectatione ejusdem, quæ in virtute & motione ex se victrici non consiltebat. *Non enim, inquit, dominabatur voluntati, sed ei potius dominanti subdicebat, ut cum ipsa voluntas ageret, aut non ageret, prout ipsi videretur.* Et cap. 10. *Deerat dominatus ille delectationis, qua consensum libertatis in alteram partem fle-**

*flecteret. Quare veram, & propriissimam necessitatem hujus delectationis assignans, sic inquit cap. 9. Vera itaque ratio, cur celestis delectatio ad actus bonos necessaria sit, ex natura medicina, seu medicinalis adjutorii petenda est. Voluntas enim per peccatum primi hominis in libidinum imperium præcipitata est, ex quibus fit, ut in omnibus actionibus ante gratiam, delectatione quadam libidinosa præeunte, ac titillante provocetur, cui consentiendo peccat. Etenim hæc se habet, ut pondus, quo voluntas primi Parentis peccato læsa ad agendum necessariis applicatur, cum secundum id necesse sit, ut operemur, quod amplius nos delectat. Si enim vis gratiæ major fuerit, quam concupiscentiæ, necesse erit voluntatem recte operari: è contra malè, si majores sint concupiscentiæ vires. Non enim æqualis delectatio ab alia æquali superari potest. Quare tunc casus in suspensio manebit alternante delectationum fluctu, ut loquitur ille cap. 10. Et expressius cap. 7. dicens: Celestis illa snavitas mollit viam, ut voluntas ex carnalium rerum visco emergere possit, & se ipsam in iustitiam diligendam figere... Ex quo fit, ut, si illa desit, voluntas veluti torpens, a cæcitate nihil omnino boni amplecti possit. Et cap. 9. Quandiu in hac vita post acceptam gratiam militat Deo, alternante creatura, & Creatoris delectatione, nunc rectè, nunc perperam facit, prout Cæli, aut Terræ delectatio consensum ejus abrupit.*

33. Debet ergo, ut certum, & innegabile præsupponi, quod non aliam agnoverit *Jansenius* gratiam, quam delectationem victricem, ut expresse ipse concedit cap. 10. dicens: Cum nulla sit gratia operandi præter ipsam suavitatem Dei, nisi ista tanta fuerit, ut ei delectationes rerum creaturarum cesserint, vel peccabitur, vel alternante delectationum fluctu, in medio remanebitur. Consentiant omnes ejus defensores. *Antonius Arnaldus* dilert. de grat. efficaci p. 4. art. 6. Nihil, inquit, aliud est efficax gratia, quam victrix delectatio, seu amor Dei, quo fit, ut plus delectet quod præcepit Deus, quam delectat quod impedit. *Dionysius Raymundus* 1. p. cap. 3. art. 1. pag. 105. allerit, quamlibet gratiam non sufficere ad omnem effectum producendum, sed ejus vim, & actionem relativam esse ad resistantiam subiecti: ubi effectus nomine non intelligit operationes superioris virtutis in ordine gratiæ absolute, sed resistantiam concupiscentiæ ad vitandum peccatum. Quod, cum sit apud ipsos certum, & constans, nihil est, quod in hoc immoremur.

34. Ita sanè est, quod *Jansenius* agnoscit perfectissimam peccandi potestatem, quæ non solum adest, inesseque voluntati, quando gratiæ delectatione caret, sed etiam quando inimicæ ejus suavitate efficaciter trahitur; & quod sicut ille, qui sub gratia ad opus bonum determinante, operatur, simul etiam peccare potest: ita quoque è contrario, qui istâ gratiâ destituitur, sive fidelis, sive infidelis, & peccandi tentationibus quatitur, potest benè facere. Sic loquitur ille lib. 8. cap. 20. Attamen ille, omneque ejus defensores tantum agnoscunt potestatem absolutam ad bonum inspectâ naturâ talis delectationis, non tamen veram potestatem relativam ad actualem superiorem concupiscentiam, ut eam superare possit: in quo est maximus illorum error, qui, ut suprà vidimus, per-

perfectè consonat pessimis *Calvini* erroribus. Quare meritò damnata fuit prima *Jansenii* propositio: *Aliqua Dei præcepta hominibus justis volentibus, & conantibus secundùm præsentem, quas habent, vires, sunt impossibilia: deest quoque illis gratia, quâ possibilia fiant.* Quæ totidem verbis expressa legitur apud ipsum lib. 3. de gratia *Christi* cap. 13. *Hæc igitur omnia plenissimè, planissimèque demonstrant, nihil esse in S. Augustini doctrina certius, ac fundatius, quàm esse præcepta quadam, quæ hominibus non tantùm infidelibus, excrucatis, obduratis, sed fidelibus quoque, & justis, volentibus, conantibus, secundùm præsentem, quas habent, vires, sunt impossibilia: deesse quoque gratiam, quâ fiant possibilia.* Non enim minor delectatio cælestis est potens in sensu composito majoris terrestris illam superare. Vigente enim delectatione carnali, ait ille lib. 4. cap. 9. impossibile est, ut virtutis, & honestatis consideratio pravealeat. Quare *Hallerius* *Jansenium* exponens in Diario pag. 283. colum. 2. sic habet: *Sensus est, mandata Dei hominibus justis, qui præcepta transgrediuntur esse impossibilia defectu auxilii sufficientis, quo possint ea adimplere, vel necessariam gratiam petere.* Et rursus: *Nota, per has voces, defectu auxilii sufficientis, non intelligi gratiam illam versatilem, quæ modò effectum suum habeat, modò non habeat: sed eam, quæ verè tribuat justis, aut implendi præceptum, aut petendi gratiam necessariam ad illud implendum; ita ut per eam justis inexcausabilis reddatur, quando præceptum transgreditur.*

35. Nullam, præter efficacem, sufficientem agnoscit gratiam. *Est enim*, inquit ille lib. 3. de gratia *Christi*, paradoxum in principiis *Sancti Augustini*, quòd charitas quamvis minima sufficiat ad quamcumque tentationem superandam, vel quacumque præcepta sine transgressione servanda. Et lib. 4. cap. 12. exclusionem gratiæ purè sufficientis sequentibus verbis exprimit. *Sextò hinc etiam claret, cur Augustinus omnino gratiam purè sufficientem, sive ante fidem, sive etiam post fidem auferat.* Hujus positionis fundamentum assignat: *Ratio perspicua est, inquit, quia cum ei (Augustino) nulla sit gratia operandi præter istam suavitatem Dei, nisi ista tanta fuerit, ut ei delectationes rerum creaturarum cessint, vel peccabitur, vel alternante delectationum fluctu, in medio remanebitur, sin autem ista superaverit, jam sine dubio bonè voluntas operabitur: quod enim amplius nos delectat, secundùm id operemur, necesse est: sed utrumlibet fiat, non erit sufficiens gratia, sed vel efficax, vel ita inefficax, ex qua operatio nequidem possit sequi, nisi ejus inefficacia per aliam suppleatur.* Immeritò hic prætermittetur quod scribit *Jansenius* lib. de gratia primi hominis cap. 7. *Ipsium velle bonum, ipsum operari bonum, ipsum perseverare in bono per adjutorium Christi medicinale quo, egrotæ, infirmæque voluntati dari debet, quæ alioquin eam quocumque adjutorio hinc quo non, seu adjutorio sufficiente, aut congruo talem voluntatis vegetam potestatem possidente, (id est, qualis erat in statu innocentie) nunquam in æternum volitura, aut velle potest.* Audiendus iterum ibidem lib. 2. de grat. Salvatoris cap. 25. cujus titulus est: *Divine gratiæ efficacissima natura declaratur ex eo, quòd*

quodd nulla prorsus effectum careat, sed eum in omnibus, quibus datur in fallibiliter operatur. Cui similis est inscriptio cap. 27. Duobus scrupulis occurritur, quomodo nulla gratia effectum careat. Item, cur Augustinus loquatur de sola efficaci gratia, non sufficiente; in quo capite id ipsum aperte confitetur, dicens: Nullam aliam Christi gratiam, nec agnoscere potuit Augustinus, nisi regulas omnes fundamentales, quibus innixus naturam gratia medicinalis tradidit, & explicuit, velit interimere. Præfixus etiam est cap. 1. lib. 3. sequens titulus: Tangitur natura adjutorii sufficientis, & ostenditur, nullum dari post lapsum, quin simul efficax sit. Hoc enim repugnat multis principiis Augustini, & Ecclesiæ: ubi sequentibus verbis in eodem capite mentem suam aperit: Per ipsam duplicis adjutorii distinctionem, quo fit actio, & sine quo non fit, ostendi videtur, gratiam sufficientem, non solum non esse Christi Salvatoris gratiam, sed etiam totum illud adjutorii genus ita radicatus evelli, ut humana voluntas concupiscentiali morbo læsa, & infirmata, nihil omnino boni cum eo velle, vel operari possit. Et cap. sequenti sic ait: Vidit Augustinus, hoc adjutorii genus prorsus esse inutile lapsum reparationi, vel operationibus, etiamsi ad sexcentos sufficientia gradus augeretur; immo verò asseri non posse post lapsum... Quod si lapsus hominibus est inutilis, profectò hoc ipso, & pernicioso est.

36. Quare extra omnem controversiam debet esse, ipsum nullam agnoscere gratiam distinctam à delectatione victrici, quæ actum primum, & secundum constituit. Cujus apertissimum testimonium habetur lib. 2. de grat. Christi cap. 4. dum dixit: Hoc ipso, quod datur (gratia victrix) simul usus ejus, & influxus potestatis datur. Etenim hoc ipsum, quod suapte efficaciam facit influere facultatem... dat etiam simul & posse, & operari. Et cap. 25. Gratia, & opus bonum ita reciprocantur, ut quemadmodum ex gratia data mox effectum operis consecutum inferre solet (Augustinus) ita vice versa ex defectu operis gratiam non esse datum. Et in dicto cap. 4. Alterum adjutorii genus est, quo, simul ac datum fuerit, fit effectus, & si non detur, nunquam fit. Nempe quia tanta necessitatis est, ut sine illo non possit effectus fieri; quia sine illo nunc propter infirmitatem velle non potest. Et ibidem cap. 5. Et proinde ad medicinale adjutorium Christi nullo modo posse pertinere, sed ad adjutorium primi hominis, & sanæ voluntatis esse referendum. Nam, in eo consistit essentialiter differentia utriusque adjutorii, sine quo non fit actio, & quo fit, & consequenter sanæ voluntatis, & infirmæ, Adami, & Christi. En qualiter nullam Jansenius agnoscit actualem Christi gratiam, nisi efficacem; nec sufficientem ad medicinale Christi adjutorium pertinere. Cui consonat, quod scribit lib. 10. cap. 7. In universis operibus ejus (Augustini) non est vestigium, quodd Christi gratia cuiquam sit incongrua, sed omnis congrua est, omnis operatur, ac perficit effectum suum. Omnis delectat voluntatem, & omnis hoc ipso ad operandum effectum illum, ad quem datur, trahit. Quare implicat in terminis in hoc systemate, quodd detur potestas relativa ab actu sejuncta, quia nempe hæc potentia est delectatio superior, juxta quam necessatur



voluntas ad bene operandum, ut fatetur ille lib. 7. cap. 5. dicens: *Cum igitur iustitia, vel peccati delectatio sit illud vinculum, quo liberum arbitrium in iustitia, vel peccato ita firmiter ligatur, & retinetur, ut quandiu isto stabiliter possidetur, & constringitur, actus oppositus sit extra ejus potestatem, ita videlicet, ut arbitrium non liberatum eum velle non possit.*

37. Enclariissime expressum *Jansenii* systema, prout ab ipso, ejusque defensoribus intellectum, descriptumque est. Ex quo interres primo, nullibi expresse admittit gratiam sufficientem, immo positivè fuisse ab ipso rejectam, cum delectationem debiliorem cœlestem non agnoscat realiter, & adquatè distinctam à delectatione victrice, (nec alios motus gratia meminit videtur præter delectationem) cum, non accedente novo Dei auxilio interiori, prior gratia per solam oppositæ concupiscentiæ inminutionem superior, ac victrix fieri possit. Eadem quippè entitas gratiæ victrix, vel non victrix evadit, pro majori, vel minori oppositæ cupiditatis resistentia. Et quavis velint ipsi aliam agnoscere gratiam parvam in sensu composito ardentioris concupiscentiæ, hæc nusquam constituit veram potestatem ad victoriam gravis tentationis, vel quia impar, debilior, & ideò impotens; vel quia apud ipsum hæc potentia relativa nequit ab actu sejungi. Erit ergo illa sufficiens, ut ipse intendit, completissima, expeditissima, proxima ad vincendam pro hoc statu concupiscentiam secundum se spectatam, seu absolutè; at nusquam constituet veram potestatem ad bene agendum in circumstantiis ardentioris concupiscentiæ, vel in sensu composito hujus.

38. Inferes secundò, non agnosci in hoc systemate veram gratiam sufficientem; cum motus illi indeliberati non sint propriè gratia sufficiens, sed potiùs effectus gratiæ sufficientis. Tum, quia in eodem instanti, quo voluntas liberè elicit actum liberum, gratia sufficiens est simul in voluntate efficaciter adjuta, illum producens; sed actus indeliberatus non potest esse in eodem instanti, quo voluntas elicit actum liberum simul in eadem voluntate: repugnat enim, quòd in eodem instanti sit actus indeliberatus, & liber respectu ejusdem objecti; non enim consensus est aliud, quàm ipsamet pia affectio liberè continuata, quæ non liberè, sed indeliberatè capta, seu inspirata fuerat: ergo actus indeliberatus non est gratia sufficiens, sed realiter ab illa distinctus. Tum & maximè, quia gratia sufficiens est verum Dei auxilium, & divinum auxilium à Deo solo est: ergo realiter distinguitur ab actibus indeliberatis, qui à solo Deo non sunt, sed à nobis producuntur, ut actus vitales nostri.

39. Inferes tertio, nullam in illis principiis dari gratiam resistibilem. Duplicem quippè distinguit ille gratiam; victricem unam, & per se, efficacem, quæ tollit omnem voluntatis resistentiam, quæ rapit eam secum, & ex invita volentem, ac se determinantem ineffabili suavitate, ac potestate facit, ut loquitur ille lib. 2. de grat. *Christi* cap. 24. Alteram, quæ etsi non agat efficaciter, & perfectè quod volendum, & agendum est, ipsi tamen minime resistitur, cum nusquam privari effectû possit;

semper enim proximum effectum, quem Deus intendit, boni scilicet inchoati desiderii motum consequitur. Et dum alium ultimum plenum, & perfectum, ad quem gratia ex propria natura tendit, & ordinatur, non attingitur, nec etiam illi resistitur, cum propter ardentioris concupiscentiæ obicem sit ipsi impossibilis. Quod expressè tenet *Samponius* disp. 5. art. 6. *Gratia parva*, inquit, *est efficax ejus effectus, ad quem proximè ordinatur, & quem Deus absolutè suâ voluntate intendit; non est tamen efficax ejus effectus, quem Deus absolutè suâ voluntate non intendit: & ad quem ordinatur quantum est de se ulterius, sed non habitâ ratione subjecti resistentis per majorem concupiscentiam* . . . . . *Hæc parva gratia, quæ parit desideria parva, licet sit efficax ratione hujus effectus, est tamen sufficiens ratione ulterioris effectus: quia quoddam non ponat, non est defectu virtutis, quæ de se habet omnia, quæ requiruntur ad effectum illum ponendum, sed ratione resistentiæ subjecti, quia scilicet gratia, victrix est, non absolutè, sed comparatè dumtaxat ad minorem concupiscentiam. Deus verò non intendit suâ absolutè voluntate ultimum hunc effectum poni in subiecto sic resistente.* Hæc ille: ex quibus, quæ nullâ tergiversatione negari, nullivæ præiugis obscurari possunt, firmum, certumque habetur, quod error damnatus in hac secunda propositione stat in eo, quod nullam agnoverit *Jansenius* in statu naturæ lapsæ gratiam resistibilem; cum omnis relativè ad prælominentem concupiscentiam semper suum habeat effectum, quo frustrari minimè potest.

40. Quæ ergo conventio lucis ad tenebras, *Christi* ad *Belial*, mendacit ad veritatem? Quid ex hoc Apostolico decreto colligi potest, nisi id, quod extra controversiam est, & de fide tenendum? In quo doctrina Thomistarum communionem habet, vel minimam, cum *Jansenii* systemate? Veram agnoscunt Thomistæ gratiam sufficientem realiter distinctam à gratia efficaciter adjuvante resistibilem à voluntate creata. Exploratissimum est apud ipsos, gratiâ sufficiente constitui actum primum proximè, absolutè, & integrè completum, & minimè gratiâ efficaciter adjuvante, quæ solum se tenet ex parte actûs secundi, quamvis primum perficiat modo dicto: quæ gratia efficaciter adjuvans voluntatem minimè est necessitans; cum voluntas auxiliis sufficientibus instructa, in sensu composito prædeterminationis, sit verè, proximè, absolutè, & integrè ratione auxiliorum sufficientium potens ad dissentium, etiam non componendum cum prædeterminatione. Sentiant ulterius unanimiter, gratiam sufficientem, sufficientem esse ad conversionem perfectam, & victoriam gravis tentationis; cum minimâ gratiâ possit resistere voluntas cuilibet concupiscentiæ, & vitare quodlibet peccatum mortale: ipsamque non dari solum ad posse, sed etiam ad agere, tamen actum secundum se solâ non obteineat, sed indigeat auxilio efficaciter determinante. Et est tandem indubitatum apud omnes, quod concupiscentiæ motus, seu interior delectatio terrena, quantumvis magna, non semper obtinet consensum aliquem voluntatis, cujus contradictorium est consequens in *Janseniano* systemate, in quo nulla est assignabilis ratio, cur

concupiscentia possit suo effectu privari, ad quem necessariò movet, si gratia semper suum obtinet effectum. Sicut enim sub motione gratiæ victricis voluntas ad hoc, vel illud bonum in particulari determinatur & delectatio superior gratiæ vincit inferiorem oppositam delectationem concupiscentiæ: ita vicissim cum prævalet delectatio superior concupiscentiæ, voluntas sub motione hujus ad hoc, vel illud malum determinatur; cum delectatio ardentioris concupiscentiæ debiliorem gratiæ delectationem sibi subiciat: ergo concupiscentiæ motus, seu interior delectatio terrena semper obtinebit consensum aliquem voluntatis, si gratia semper suum obtinet effectum. Vel clariùs: si enim gratia est victrix inquantum superat delectationem concupiscentiæ: ergo etiam in hoc casu est delectatio concupiscentiæ, quæ vincitur; sed hæc est effectus concupiscentiæ, & aliàs ex ipso est in voluntate: ergo sequitur, quòd semper concupiscentia obtineat aliquem effectum, scilicet consensum voluntatis; quòd est hæresis execranda *Lutberi*, & *Calvini* damnata à Concilio *Tridentino* sess. 5. docente: *Concupiscentiam minimè, non consentientibus, nocere, & viriliter ipsi per Jesu Christi gratiam repugnantibus*. Mirandum ergo sanè, quòd aliqui, quorum verba asserre, neque temporis hujus est, neque loci, ita acri stylo sedà Jansenisui notà doctrinam istam inurere intendant, oppositionis speciem fingentes, ut sibi in propria sententia liberius blandiantur.

41. Sed ut vel minimus Dialecticus judicet, quàm penitus falsum sit, ex propositione damnata inferri gratiam physicè prædeterminantem non irresistibilem esse, assumat Contradictorium propositionis damnatæ, quòd sanè est hoc: *Interiori gratiæ aliquando resistitur*: sed ex hoc antecedenti minimè inferitur, interiori gratiæ efficaci aliquando resisti: cum res sit notissima, & extra quæstionem in summulis posita, quòd ab amplo ad non amplum sine distributione ampli affirmativè sit mala consequentia: quare non valet, *Interior gratia est in peccatore: ergo interior gratia justificans est in ipso*: Et similiter, *Homini nunc resistitur: ergo homini sapienti, & religioso resistitur*; quia nempe interior gratia in antecedenti non distribuitur, sed accipitur, ut præscindit ab hac, vel illa interiori gratia, & in consequenti solum restrictum sumitur pro efficaci.

42. Secundo, quia cum in materia doctrinali propositio indefinita æquivalet universali, hæc propositio damnata, *Interiori gratiæ in statu naturæ lapsæ nunquam resistitur*, æquivalet huic, *Nulla est gratia, cui voluntas in statu naturæ lapsæ aliquando resistat*: sed ad falsitatem hujus universalis sufficit, quòd detur vera gratia resistibilis à voluntate: ergo falsitas propositionis damnatæ non exigit omnem gratiam interioreni esse resistibilem, sed quòd detur vera gratia resistibilis. Sic communiter dicitur, & evidenter constat, quòd ut salvetur veritas hujus propositionis definitæ à S. Pio V. *Non omnia opera infidelium sunt peccata*, non requiritur, quòd nullum sit opus, quòd peccatum sit, sed sufficit, ut vel unum opus in infideli quovis, peccati experts inveniat.

43. Hoc tertio convincitur, quia hæc propositio: *Gratiæ ab intrinseco efficaci non resistitur*, non repugnat in veritate cum ista, *Gratiæ interiori aliquando resistitur*, cum utraque possit esse vera. Quis enim arguat ex irresistibilitate gratiæ efficacis dantis agere, irresistibilitatem gratiæ sufficientis dantis posse; sicut nullus Theologus verè potest, ex eo, quod detur in Deo aliqua voluntas, cui non resistitur, inferre irresistibilitatem omnis Dei voluntatis; sicut ergo illegitimè aliquis hoc pacto ratiocinaretur: *Voluntati Dei efficaci non resistitur: ergo omni voluntati Dei non resistitur*: ita prorsus inconsequens est hæc argumentatio: *Gratiæ ab intrinseco efficaci non resistitur: ergo interiori gratiæ non resistitur*. Procedit namque summus Pontifex contra illos, quibus nulla gratia possibilitatis, tota actualitatis, quibus posse, & agere idem est; quibus nemo potest proximè, quin velit & agere; qui certe nullam agnoscunt resistibilem gratiam.

44. Quartò hoc clariùs, uberiùsque fulcitur reflectendo supra contradictorium propositionis damnatæ, *Interiori gratiæ aliquando resistitur*. Nam in ista propositione, vel subjectum accipitur pro omni gratiâ tam efficaci, quàm sufficiente; vel solùm pro gratiâ sufficiente? Si hoc secundum, ergo ex resistibilitate gratiæ sufficientis incassum opponitur, & arguitur resistibilitas gratiæ efficacis. Si dicatur primum; ulterius rogo: vel prædicatum *resistere* sumitur ibi pro resistentia strictè tali, & formali, vel non? Si hoc secundum; ergo in prædicta propositione non affirmatur resistentia formalis, & strictè talis respectu gratiæ sufficientis. Si dicatur primum: ergo datur vera, formalis, & stricta resistentia respectu gratiæ ab intrinseco efficacis, quod est chimæra.

45. Et tandem, quia magna, & intollerabilis foret hallucinatio, si ex eo, quod una interior gratia sit resistibilis, ad omnem gratiam consequentia traheretur: cum veritas definita gratiæ interioris aliquando resistibilis sit independens ab irresistibilitate gratiæ ab intrinseco efficacis. Etenim veritas definita salvatur sequenti syllogismo: *Gratiæ interiori aliquando est inefficax: sed gratiæ inefficaci resistitur: ergo gratiæ interiori aliquando resistitur*. In quo cum præmissæ veræ sint, & verum debet esse consequens: sed in præmissis non importatur resistentia gratiæ ab intrinseco efficacis: ergo independentè à resistentia gratiæ ab intrinseco efficacis stat veritas ab Ecclesia definita: nec hucusque Dialecticæ, hanc consequentiam bonam docuit, vel docere potest, *Gratiæ interiori aliquando resistitur, ergo gratiæ ab intrinseco efficaci resistitur*. Quare Doctor Prado Primarius Complutensis de liber. arbitr. disp. q. sect. 6. fatetur, ex secunda *Jansenii* propositione ab *Innocentio X.* damnata, non colligi omnem interiorem gratiam resistibilem, qui cum sit ex Schola Societatis, ad veritatem, & non ad Thomistarum voluntatem, & adulationem locutum fuisse nemo est, qui non credat.

46. Sed dices cum P. Peinado in manuscrip. de auxiliis: *Ecclesia declaravit, voluntatem nostram posse resistere ei interiori gratiæ quam Jansenius irresistibilem sustinebat, alias contra Jansenium non definit; sed gratiam efficacem esse irresistibilem alitruerat Jansenius*: er-

go gratiam efficacem esse resistibilem Pontifices declararunt. Redarguit instantiam evidentissimè Illustrissimus *Castell*. Attùme enim, inquit ille, cum majori Syllogismi positi hanc minorem: sed gratiam efficacem necessitantem liberum arbitrium astruebat *Jansenius*: ergo gratiam efficacem necessitantem esse resistibilem Pontifices declararunt: quod consequens, ex præmissis ab ipsis concessis deductum, est penitus falsum; cum Pontifices non possint declarare rem ex terminis repugnantem, scilicet, fornam necessitantem esse resistibilem. Assùme iterum, inquit ille, cum majori prædicta hanc minorem: sed gratiam efficacem ex se, & ab intrinseco esse irresistibilem astruebat *Jansenius*: ergo Pontifices declararunt, gratiam efficacem ex se, & ab intrinseco irresistibilem, esse resistibilem: quod consequens, si verum est, Ecclesia definivit id, quod esse falsum tot argumentis probant Auctores oppositi, scilicet gratiæ prædeterminanti posse resisti: Quibus nihil confutandæ Adversariorum argutiæ opportunius.

47. Ad argumentum ergo respondetur, *Jansenium* duo propugnasse, & gratiam efficacem esse irresistibilem, & nullam esse gratiam prævenientem præter efficacem: quare nullam agnoscit resistibilem. Pontifex in damnatione declaravit resistibilem gratiam aliquam interiorē, quam negabat ille. Minimè tamen damnavit, gratiam efficacem esse irresistibilem, quamvis hanc propugnaverit *Jansenius*. Undè dicendum ipsis, quod *Cyrillus* *Eulogio*, ut constat ex Actis Concilii Ephesini cap. 37. contra illos, qui *Nestorii* hæresis reum ipsum reprehendebant: *Qui autem Nestorium sectantur, eadem & ipsum sentire contendunt, eaque ratione illos, qui minùs accuratè rem percipiunt in suam sententiam abripiunt. Verùm iis, qui hoc nomine nos accusant, respondendum est, non omnia, quæ hæretici dicunt, statim fugienda, ac repudianda esse. Multa enim continentur ex iis, quæ nos quoque asserimus. Exempli causa, cum Arriani Deum Patrem omnium conditorem, ac Dominum esse dicunt, num idèò consequens est, ut ejusmodi confessiones aversemur? Sic & de Nestorio quoque, licèt duas naturas esse dicat, carnis, & Verbi Dei, differentiam significans (est enim alia Verbi, alia carnis natura) attamen unionem unà nobiscum non confitetur. Ita & nos dicimus, quòd non statim fugienda, ac repudianda est gratia ab intrinseco efficax irresistibilis, quia illam admiserit *Jansenius*, quamvis adhorreant Thomistæ ab illius in hac definitione Ecclesiæ errore damnato, nempe quòd nulla sit gratia interior resistibilis.*

48. Cessent ergo totius interpretationis insidiæ; procul sint hæ tendiculæ quæstionum, dum unusquisque genio, & si non ingenio supra damnationem abutitur, pro suo illam interpretans arbitrio. Non in propositione damnata cum *Jansenio* conveniunt Thomistæ. Hociplinet eruditi Auctores oppositæ sententiæ, non silentio, sed verbis manifestant. Testes luculentissimos habemus Patrem *Descamps* lib. 2. disp. 3. cap. 5. dicentem: *At istud salsitatem omnem superat: & ab iis eum sstomacho videtur, quibus utraque opinio nota est.* Et disp. 6. cap. 9. *Verè tamen mihi videor, esse dicturus, nullos huic doctrinæ insensio-*

tes

res reperiri, quàm qui post uatam *Calvini hæresim*, ex *S. Dominici Ordine*, aliisque ejusdem Sacramenti Theologis majoris eruditionis, & ingenii laude sternerunt. *P. Annatum* in resp. ad 17. Epist. Montaltii. *Quem innocent Janseniani inter Thomistas*, qui concedat, ità necessarium consensum, quem voluntas præbet motioni gratiæ, quandiù illa inhaeret, quomodo necessarius est amor beatificus, quandiù durat visio? Quem inveniunt, qui dixerit, voluntatem Divinam gratia prædeterminatam curere proxima ad dissentiendum potentia? Audiatur *M. Lorca Cisterciensis* disp. 21. de grat. Conclus. 2. *Nimis excedunt, qui insuperabili contentione defendunt, physicam prædeterminationem, quam docent Thomistæ, auferre libertatem, & sententiam, quæ illam asserit, nihil, aut parum à Calvino differre; cum enim evidens sit, esse S. Thomæ doctrinam, & plurium ex antiquis Scholasticis, nulla ratione timendum est aliquid inesse periculi; sed potius credendum est, esse fidei Catholica consonam.* Audiatur & *P. Ripalda contra Bajum* disp. 14. sect. 5. *Appellabis pro Bajanis ad Thomistas assertores physicæ prædeterminationis, quos à doctrina Calviniana longè discedere non est negare.* Illustrissimus *Caramuel* in Theologia fundamentali cap. 1. fundament. 1. ita scribit: *Respondeo assignando disparitatem inter Thomistarum, & Jansenistarum opinionem; illa enim est probabilissima, & ut talis ab Ecclesia sapissime approbata: hæc autem à multis Pontificibus rejecta, & tandem ab Innocentio X. hæreseos condemnata; & hoc sufficit, ut altera defendatur, & altera non defendatur.* Et fundamento 44. num. 1104. *Cum subiret examen coram Alexandro VII. & assereret gratiam ex sua natura efficacem, ipso referente, eruditissimus P. de Cuppis Societatis Jesu, clarus doctrina, & sanguine, ætate venerabilis, in quo pietatem, & suavitatem morum suspiciebamus universi, sic exclamavit: Gratiam ex natura sua efficacem admittis? Ergo in hoc sacratissimo confesso odes tueri doctrinam, quam in Martino Luthero, & Joanne Calvino Tridentinum Concilium, quam in Michaele Bajo Pius V., & Gregorius XIII. quam in Cornelio Jansenio Urbanus VIII. Innocentius X. & (hic autem genuflexit) Sanctissimus Doctor noster Alexander VII. condemnaverunt? Tunc ego contumeliam sentiscens altiore voce intonus: ad quid ista nugæ? Ego, ego in hoc confesso sacratissimo tueor, & tuebor sine erroris formidine, ex natura sua esse efficacem gratiam; huic enim veritati contra Martinum Lutherum, Joannem Calvinum Tridentinum Concilium, contra Michaelem Bajum Pius V. & Gregorius XIII. & contra Cornelium Jansenium Urbanus VIII. Innocentius X. & Sanctissimus D. noster Alexander VII. consenserunt.*

49. Ita sanè: quare huic grassanti pesti, & certissimam perniciem allatura, occurrit Summi Pontificis auctoritas die 10. Martii anni 1673. dum in prima Congregationum, quæ præfente Innocentio X. habitæ sunt, palam declaravit, nolle se ullum omnino præjudicium inferri doctrinæ SS. *Augustini & Thomæ*. Idemque Innocentius X. Cardinali *Pimentel* roganti, ut ad gravitatem rei attenderet, respondit: *Omnia maturè discussa fuisse, ac compertum, quinque propositiones nihil com-*

*mune*

nunc cum doctrina SS. Augustini, & Thoma habere; atque prorsus expedire, ut notaretur doctrina libri Jansenii. Quod constat ex Diario p. 6. cap. 13. & cap. 25. eoque certius, quia nulli exceptioni amplius locum relinquit declaratio Consultorum, ut scribit Auctor Diarii pag. 173. columna 2. dicens: *Omnes penè Consultores doctrinam gratia per se efficacis, quæ maximè nostræ Scholæ propria est, omnibus locis Catholicam, Orthodoxam, veram esse profiteri*: sic ex quodam Thomisticæ Scholæ Theologo. Nec veritas illa nobis tantum nota credenda erit, cum anno 1655. declaraverit *Clerus Gallicanus* post receptum *Innocentii X.* decretum, proscriptam Jansenii doctrinam non esse doctrinam S. Augustini, quam ille perversè, & contra mentem S. Doctoris interpretatus fuerat. Et anno 1648. *Academia Duacena* solemnī instrumento declaravit id ipsum dicens: *E contra enim censuimus communibus suffragiis, humillimè suam Celsitudinem rogandam, ut pergat doctrinam illam Jansenianam serio extirpare, quæ nequaquam docetur sententia D. Augustini.* Quò ergo colore, aut quā iustā ratione in dubium revocari potest, quod tot adeò perspicuis documentis demonstratur, & ulterioribus demonstrari potest? Sed hoc fusiùs prosequi erit in solutione argumentorum operæ pretium. Hoc solum monere velim, aptissimam me judicasse, ad ostendendam damnatam Jansenii hæresim, dialecticam illam disputandi formam, quæ ad omnes errores refellendos clarissimis Theologis probata semper fuit, ut probat SS. Magister Cano, cuius vel ipsum nomen encomium est lib. 8. cap. 2. dicens: *Habes rursus hæc differendi in Schola facultas alium propositum scopum, fidei nostræ adversus Hæreticos defendendæ. Est quippe Doctoris Scholasticæ, ut Magister sententiarum in præmio ex Augustino tradit 13. de Trinit. cap. 1. scire quemadmodum fides Catholica, & piis opituletur, & adversus impios defendatur. Quò si Scholæ Doctor non possit docere fideles doctrinam sanam, & eos, qui sanam non habent, redarguere, apud vulgus Theologus esse aliquando poterit, revera nunquam erit. Atque ob eam causam Scholasticorum disputationibus adeò sunt hæretici insensī, quod intelligunt, Catholicam fidem, quam expugnare moluntur, bonum studio, doctrinaque muniri. Agnoscunt sanè Lupi Canes, & sique odio persequuntur: Scholæ nomen istis invisum est, quæ lupos arceat à gregibus, & eorum insidias porro cavet.* Sed de his satis.

## §. V.

*Prædeterminatio ad consensum non pugnat cum libertate  
liberi arbitrii, ex quo irresistibilis sit.*

50 **L**ongo sermone mentem Jansenii exposuimus, ut ex sola illius lectione, veluti primo oculorum conspectu, concipi illico posset mens, & error ipsius. At modò resurgit aliā viā difficultas, an suppositā irresistibilitate prædeterminationis ad consensum, remaneat in-

volun

voluntate potestas ad omissionem? Pars affirmativa nobis est certissima, eamque omnes nostri Theologi non minus solidè, quàm conspicuè defendunt. Videndus inter alios Magister *Lemos* rem istam profundissimè explicans tom.1. tract.4. cap.21. Invictè, & efficaciter probatur primò, assumendo pro fundamento conceptum formalissimum libertatis. Nam eandem habet voluntas libertatem, supposità prædeterminatione, ad utrumque libertatis extremum, quam habebat pro priori ad existentiam prædeterminationis: cum medià prædeterminatione solum infallibiliter inclinatur voluntas ad unum extremum; sed pro priori ad existentiam prædeterminationis erat cum libero arbitrio libertas, & vera expedita potestas dissentiendi Deo vocanti, & excitanti; licet non repugnandi Deo efficaciter moventi; ergo & eadem remanet potestas supposità prædeterminatione. Vel aliter: Omnis potentia, quam habet arbitrium ante receptionem physicæ prædeterminationis, in ipso remanet post illius receptionem: sed potentia ad resistendum Deo efficaciter moventi nunquam fuit in arbitrio ante efficacem Dei motionem, & sine hac erat vera potestas ad omissionem: ergo post ipsam, sine tali potestate, reperitur potestas ad omissionem. Ex probatione majoris vires resumit urgentiores uterque discursus. Primò: quia ex existentia prædeterminationis liberum arbitrium non habet alia constitutiva libertatis, nec ex ipsa accipit aliquid ad constitutivum libertatis pertinens; cum non constituat actum primum, licet illum perficiat; sed se teneat ex parte actus secundi. Secundò: quia adiutorium efficienter movens, superveniens potentia, non aufert ab ea illam integram, ac liberam facultatem, quam antea habebat; solum enim facit, ut arbitrium non conjungat de facto talem dissentium, seu omissionem cum Deo excitante, atque vocante. Quare dixit *Augustinus* lib.1. contra duas Epist. *Pelagianorum* cap.20. loquens de eo, quod *Assuero* accidit: *Nunquid homines Dei, qui hæc scripserunt, imò ipse Spiritus Dei, quo auctore hæc scripta sunt, oppugnabit liberum arbitrium? Absit. Sed Omnipotentis in omnibus, & judicium justissimum, & auxilium misericordissimum commendemus.* Tertiò: quia indifferencia dominii constitutiva libertatis est prædicatum essentiale, & intrinsecum ipsi; sed superveniente determinatione ipsi consentaneâ, nullum prædicatum intrinsecum perit: ergo manet cum determinatione superveniente indifferencia antecedens. Et tandem; quia judicium indifferens libertatem radicat, ita ut, cum proponitur per ipsum practicè objectum indifferens, nulla possit esse necessitas, ut diximus disp. t., & rem callentibus notum est; sed prædeterminatio, etsi irresistibilis sit, non impedit, quod intellectus voluntati proponat objectum cum indifferencia: ergo eadem remanet libertas post gratiam physicè prædeterminantem, quam habebat arbitrium ante illius receptionem. Hoc enim est excellens, & mirabile hujus invictissimæ gratiæ, quod humanæ voluntatis arbitrium à Deo trahitur, magnâ tamen, & invictâ efficaciâ, cui humana voluntas licet libera, non potest non acquiescere, non quidem, ut coacta, sed ut efficaciter præmota, & tracta, incolumi libertatis suæ indifferentiâ.



51. Secundò eadem veritas monstranda est ; sed ad maiorem ejus evidentiam , non aliundè , quàm ex fundamento priùs posito procedendum est . Cum prædeterminatione consensùs datur vera libertas , quæ sit potestas dissentendi , & non frustrandi prædeterminationem ; eni ipsa ab intrinseco efficax : sed potestas resistendi resistentià formaliter sumptà , est potestas frustrandi prædeterminationem , cum frustretur resistentià formaliter sumptà : ergo & cum prædeterminatione consensùs datur vera potestas dissentendi , quæ non sit potestas resistendi prædeterminationi . Idemque argumentum fit respectu decreti Divini : Cum decreto Divino , ab intrinseco efficaci de existentia consensùs , stat libertas , quæ sit potestas dissentendi , & non resistendi decreto : ergo eadem infallibili consecutione deducitur , quòd cum prædeterminatione , irresistibili consensùs , datur vera potestas dissentendi , quæ non sit potestas resistendi prædeterminationi .

52. Hoc apud omnes ut certissimum æstimari debet . Et quidem , primò innegabile est ab omnibus Thomistis asserentibus , fuisse in *Christo* Domino strictum , & rigorosum præceptum , cum *D. Thoma* 3. p. q. 37. art. 2. quod probat ex illo *Joann.* 10. *Potestatem habeo ponendi animam meam , & potestatem habeo iterum sumendi eam . Hoc mandatum accepi à Patre meo .* En ubi datur in *Christo* rigorosum præceptum præcedens , & infallibiliter interens mortem , nec non impossibile , cum omissione mortis , & irresistibile à voluntate *Christi* Domini ; & tamen liberè adimplevit præceptum , potuitque mori , vel non mori , seu omittere actum , qui erat præceptus , ut testatur *D. Augustinus* lib. 4. de Trinitate cap. 18. de *Christo* loquens : *Qui potuit non mori , si nollet ; proculdubio , quia voluit , mortuus est :* ergo nec opponitur libertati , quòd prædeterminatio præcedat , & infallibiliter inferat consensum , sitque irresistibilis à voluntate creata . Secundò ; quia in Angelis fuit vera libertas , veràque libertate operantur id , quod eis per præceptum præcipitur , sicut dum Archangelus *Gabriel* fuit ad Beatissimam Virginem missus , & *Raphael* ad *Tobiam* ; & tamen fuit ipsis impositum rigorosum præceptum infallibiliter interens actum , irresistibile ab ipsis , & incomponibile cum carentia prædicti actus : ergo quòd prædeterminatio sit hujusmodi non destruit libertatem . Tertiò id videtur est in voluntate Dei efficaci , cum qua componitur libertas ; quin datur potestas resistendi voluntati efficaci Dei . Et tandem in alienis principis , voluntas sub auxilio , sub quo prævisa est consensura , potest dissentire , & omittere consensum , non tamen potest falsificare scientiam consensùs ; quia ad hoc non sufficit polle ad dissentium , sed requiritur conjunctio dissentis cum scientia affirmante consensum : ergo pari jure voluntas prædeterminata ad consensum potest dissentire , & liberè ponere omissionem consensùs , et si sit essentialiter impotens resistere prædeterminationi , vel componere prædeterminationem cum dissentiu . Nisi tortè velint , quòd non pereat libertas in conspectu scientiæ mediæ , immutabilis , irresistibilis , & inimpedibilis , & pereat in conspectu Divini decreti .

Tom. IV.

Q9

53. Ter-

53. Tertium pro hac conclusione argumentum proponitur; sed dictis probatque ulterius insitimus; quia hæc potestas resistendi prædeterminationi, non solum est potestas nulla, sed chimarica, & impossibilis. Est potestas nulla, cum non assignentur vera extrema libertatis: non enim talia sunt actus, & carentia actus, ut conjuncta, vel ut resistens prædeterminationi. Primum, quia libertas contradictionis versatur circa extrema contradictoriè opposita; sed omisso consensus conjuncta cum prædeterminatione, vel ipsi resistens, non est extremum contradictoriè oppositum consensui prædeterminato; etenim lumine naturali notum, & perspetum omnibus est, duo extrema contradictoriè opposita non posse simul deficere, ne falsum reddatur illud principium, *Quodlibet est, vel non est*: sed consensus prædeterminatus, & carentia consensus conjuncta cum prædeterminatione possunt simul deficere: cum, Deo hominem non prædeterminante ad consensum, & deficeret consensus prædeterminatus, & omisso consensus conjuncta cum prædeterminatione: ergo hæc extrema non possunt assignari, ut vera extrema inspecta à libertate contradictionis. Secundò, quia idem debet esse extremum libertatis contradictoriè oppositum consensui, dum existit prædeterminatio, quod erat consensui contradictoriè oppositum pro priori ad prædeterminationem; quia signum prædeterminationis, sicut non variat, ut supra diximus, essentialia prædicata libertatis, ita nec extrema libertatis diversificat, aut diversa facit: sed in signo priori ad prædeterminationem omisso conjuncta cum prædeterminatione non erat extremum libertatis contradictoriè oppositum consensui, cum illud signum non sit signum prædeterminationis: ergo non possunt assignari, ut vera extrema libertatis contradictionis consensus, & omisso consensus, ut est formalis, & positiva resistentia prædeterminationi.

54. Quartò probatur conclusio: Prædeterminationem esse irresistibilem esse inconjungibilem cum dissensu: sed rectè componitur, quòd prædeterminatio sit inconjungibilis cum dissensu, & quòd conjungatur cum libertate, & potestate dissensus; ergo rectè componitur irresistibilitas formalis prædeterminationis cum libertate voluntatis. Minor probatur: Potestas, quæ est realiter separabilis, & distincta à dissensu, dari potest absque eo, quòd existat dissensus; sed potestas dissensus est realiter separabilis, & distincta à dissensu, & ideo consensus repugnans dissensui conjungitur cum potestate dissensus: ergo etsi prædeterminatio sit inconjungibilis cum dissensu, rectè potest cum prædeterminatione, conjungi potestas ad dissensum.

55. Si quis fortè dixerit, potestatem ad dissensum esse conjungibilem cum prædeterminatione, cui etsi actu non resistatur, est tamen, verè resistibilis; hic vim, & efficaciam argumenti facti non effugiet. Primum; quia gratia, quam PP. docent, & est definita contra *Janseniam* esse resistibilem, est illa, cui aliquando resistitur; sed gratia ab intrinseco efficaci juxta solutionem nusquam actu resistitur: ergo non est resistibilis. Secundò; quia si prædeterminato esset resistibilis, & arbitrium à Deo motum, & excitatum posset cum illa motione, eff-

efficaciter movente conjungere resistantiam, aliquando hanc conjungeret; non enim haberet aliquid, à quo impediretur, quin de facto conjungeret. Sic videmus, quòd licet liberum arbitrium verè motum, & excitatum possit dissentire, seu resistere Deo excitanti, atque vocanti, possitque cum eo conjungere dissentium; ab adjuvante tamen gratia efficaciter ipsum movente ad consensum detinetur, ne de facto, licet potest, dissentiendo resistat: hoc enim illa efficax adjuvans gratia efficit, quòd cum arbitrium possit dissentire, possit resistere, & possit cum Deo excitante dissentium conjungere; non tamen dissentiat, non resistat, nec talem dissentium conjungat: sed juxta solutionem gratiæ ab intrinseco efficaci actu nusquam resistitur: ergo potestas resistendi prædeterminationi est omninò impossibilis. Tertiò, quia potentia solum resistit, & potest resistere medio suo actu; sed actus, qui sit resistantia formalis prædeterminationi, est impossibilis: cum hæc duo sint impossibilia, Deus efficaciter movet arbitrium, & arbitrium non movetur, quod significare voluit S. Thomas in testimoniis suprà citatis: ergo prædeterminationi, cui actu resisti non potest, nec possibiliter resistibilis est. Ratio autem omnium gravissima, & quæ omnes suprà dictas comprehendit, est, quia ipsum non resistere Deo vocanti est donum Dei: Deus autem dat non resistere per gratiam efficacem: undè huic non potest resisti; non enim resisti potest ei medio, per quod Deus dat ipsum non resistere. Undè in omnium principiis, & in quocumque consistat efficacia gratiæ juxta diversas Catholicorum opiniones, debet semper esse verum, quòd gratiæ efficaci, quatenus efficax est, resisti non potest. Quod sanè est illud D. Augustini ineluctabile argumentum sequentibus verbis lib. de corrupt. & gratià cap. 14. propositum. *Nunquid ille posset adversari voluntati Dei, & non potius ejus facere voluntatem, qui in corde ejus operatur est per Spiritum S. quo indutus est, ut hoc vellet facere. & dicere?*

56. Hæc est propria, stricta, & formalis gratiæ ab intrinseco efficacis irresistibilitas; quam non ex propria alicujus sententia, sed ex nostris Thomistis edoctus, ut verè possum dicere: Secutus sum loquendi modum, doctrinamque majorum, quibus hæc consequentia necetaria visa est: *Si vis gratia insuperabilis est, ergo irresistibilis est.* Quod elucescet magis revocando in memoriam, quæ suprà diximus disp. 2. Dub. 3. §. 1. Primò; quòd non est idem, hominem adjutum efficaci gratiâ posse dissentire, ac posse resistere efficaci gratiæ: nam posse dissentire significat actualem potentiam ad dissentium divisum à gratia efficaci; posse verò huic resistere, significat actualem potentiam ad resistantiam conjunctam cum efficaci gratiâ. Undè homo gratiâ efficaci adjutus potest quidem dissentire potentiâ conjunctâ cum gratia efficaci; non tamen potest resistere gratiæ efficaci. Secundo, quòd resistantia, non resistencia, consensus, dissensus, non dicuntur respectu adjutorii efficacis ad actum, sed respectu excitationis, & vocationis divinæ. Videatur locis supracitatis Magister Lemos, vir ille, qui tantà abundavit famâ, & supra famam eruditione, & in celeberrima de auxiliis disputatione, magnopere defudavit, ut cardinem ipsum tam difficilis concordie elucidaret.

Hic difficultatem istam exponens quoad dissentire lib. 4. p. 2. tract. 4. c. 25. n. 334. sic rem explicat. *Aliud est enim, quod habens auxilium efficax possit dissentire Deo vocanti, & excitanti, quod verissimum est, & interminis Concilium definit: per quod & Calvino perfectè contradicis, qui contendebat, habentem efficacem motionem, nullò modo posse Deo, & ejus vocationi dissentire, nec ad id libertatem habere; & aliud quod doceat Concilium, habentem efficax auxilium posse eidem auxilio efficaci dissentire, quod Concilium Sacrum non docuit, ut nostro primo libro satis ostendimus, & adhuc infra hoc libro magis apertè monstrabimus: immo docet, quod eidem Deo vocanti, & excitanti, cui motum efficaciter à Deo arbitrium assentitur, eidem inquam vocanti, & excitanti dissentire potest, si velit, id est ita efficaciter movetur à Deo ad assentientiam cum sua plena libertate, quod liberè vult assentire Deo vocanti, & excitanti, & ita liberè, quod si vellet, poterat non assentire, sed dissentire eidem vocanti, & excitanti Deo, in quo ejus plena salvatur libertas, & iste est sensus à Sacro Concilio intentus; in quo etiam sensus præmisit in cap. 5. quod adjutus homo efficere gratià adjuvante ad recipiendam Divinam inspirationem: ita eam liberè recipit, quod si vellet, eam posset non recipere, sed abjicere: qui etiam est sensus traditus, & intentus à Concilio, ut nostro primo libro cap. 134. citato jam antea tradidimus, deinde omittimus, quod etiam ibi tetigimus, etiam verum esse, quod arbitrium recipiens, jam suo consensu inspirationem potest abjicere, & cum illa oppositum conjungere dissensum, non autem consensum, quò illam recipit: cum qua est manifestum non posse conjungere dissensum contrarium. Rem elucidat quoad resistere d. lib. 4. par. 2. tract. 4. cap. 40. n. 704. sequentibus verbis: Consultò diximus, quod nec est in potestate activa hominis, vel se disponere ad illud tale auxilium efficax, quia secundum aliam rationem jam supra hoc libro satis expositam tractatam de auxilio sufficienti cap. 15. aliquò modo dicitur esse in nostra potestate auxilium efficax: in quantum, videlicet, si homo sufficienter adutus non resisteret, nec impedimentum apponeret oblationi auxilii efficaci, Deus, qui illud offert in collatione auxilii sufficientis, sicut incepit, ita & dando illud, quod incepit, perficeret. Quod si de facto homo illud non recepit, ex defectu suo est: quia ei ponit impedimentum, ut ibi explicatum fuit. Secunda autem pars minoris expresse traditur in Scriptura, quæ docet, voluntati Dei, nimirum efficaciter volenti, seà efficaciter operanti, arbitrium hominis non posse resistere; ut est illud ad Rom. 9. Nec est, qui tunc possit resistere voluntati, operanti scilicet efficaciter, & per efficacem motionem suam. Quod si motioni Dei efficaci, sive auxilio habenti efficaciam, ut venit à Deo, posset arbitrium resistere; utique voluntati Dei per illud efficax auxilium operanti, posset resistere, ut est apertissimum: quod tamen Apostolo citatis verbis contradicis. Igitur manifestum est ex divina Scriptura, quod efficaci auxilio divino, ut venit ab efficaci Dei voluntate, non potest liberum arbitrium resistere. Cùm ergo, ut ostensum est, illa tria, quæ in majori, & minori proposi-*

tione

tione habentur, sunt non quomodolibet certa, sed sunt certa in Philosophia naturali, in Theologia, immo ex Scriptura ipsa divina deducantur; quomodo ex tanta, ac tam magna certa veritate inferri potest illud consequens, quod supremam continet falsitatem contra omnem Philosophiam, Theologiam, immo contra ipsam fidem militantem, qualis est, hominem in sua conversione, ac aliis salutaribus operibus non habere libertatem? Non enim fieri potest, ut ex majori, & minori vera, & de fide certa, inferatur conclusio falsa, & contra fidem: quis hoc dicat? Et tamen proculdubio hoc re ipsa illò suo argumento isti Patres prætendunt. Igitur nullum est illud argumentum. Non imparia docuerunt ante, & post ipsum, & alii nobiles Scholæ nostræ optimates, à quibus referendis brevitatis causâ superfedeo. Videndi Illustrissimus *Custell.* de libero arbitrio disp. 2. qui fusissimè scripsit omnino ad nostrum, ac totius hujus quaestionis doctrinæ sensum q. 4. Doctor *Ensebius de los Rios* Primarius Complutensis lib. 2. de libertate ad meritum disp. 2. par. 2. Dub. unic. §. 3. nec non communiter omnes Scholæ nostræ Doctores, tam Salmanticenses, quàm Complutenses eliquatissimam gratia: ab intrinseco efficacis doctrinam tradentes, quibus libenter subscribo. Si qui autem adhuc contra nos steterint, quibus hæc sententia displiceat, ipsos oro, ut non statim velint nostræ placita damnare, sed efficaciam aliquâ argumentatione refellere. Ego enim (ut aliquando scripsit *M. Cano* lib. 8. cap. 5.) etsi non is sum, qui nihil unquam falsi approbem, sed ea, quæ dissero tamen, non arroganter præjudico: nec revoco ad arbitrium meum, sed vel Sanctorum testimoniis, vel ratione probabili, consentaneâque confirmo. Sic jure, ac meritò possum à viris doctis postulare, ut de me nonnisi causâ cognitâ judicent. Quod si rationibus, quibus ego ducor, falsam me habere sententiam doceant, gratissimè accepturus sum. Ut verò sine argumentis quisquam solâ me asseratione vincat, fieri certè vix potest. His namque apertè dicam, quòd Hieronymus Epist. ad Ctesiphontem dixit Pelagio: Frustra blasphemias nos liberum arbitrium condemnare, damnetur ille, qui damnat. Et lib. 3. contra Pelagianos: Ergone, inquit, liberum tollo arbitrium, quia in tota disputatione mea, nihil aliud egi, nisi ut omnipotentiam Dei cum libero arbitrio conservarem?

## §. VI.

## Solvuntur Argumenta.

57. **E**T primò objicies Concilium *Senonense* in Urbe Parisiensi contra insurgentes Lutheranos sub Enn. Antonio à Prato Archiepiscopo Senonensi, tempore Clementis VIII. anno Christi 1528. decreto 15. definiens: Neque tamen tanta gratia necessitas libero præjudicat arbitrio, cum illa semper sit in promptu, nec momentum quidem prætereat, in quo Deus non flet ad osium, & pulset, cui si quis ape-

*aperuerit januam, intrabit ad illum, & canabit cum illo. Nec denique tale sit hujusmodi Dei trahentis auxilium, cui resisti non possit. Ex quibus verbis sequens conficitur argumentum: Concilium definit, auxilium Dei trahentis posse voluntatem resistere; sed auxilium, de quo loquitur, est auxilium gratiæ ab intrinseco efficacia, aliàs Lutheri doctrinam minimè damnaret: est namque mala consequentia; Auxilio sufficienti potest resisti: ergo auxilium efficax libertatem non destruit: ergo auxilium efficax est resistibile. Secundò; quia auxilium, quod docet resistibile, est auxilium Dei trahentis: sed hoc auxilium est juxta Divum Augustinum auxilium efficax; cum lib. 1. contra 2. Epist. Pelagii cap. 19. de eo intelligat illud Joann. Nemo potest venire ad me, nisi Pater meus traxerit eum: ergo auxilium efficax juxta Concilium est resistibile.*

58. Quidquid alii de auctoritate hujus Concilii Provincialis sentiant, decretum non averfamur, sed libentissimè illud amplectimur, & recipimus. Etenim si non certum ex ipso, probabilissimum tamen pro gratiæ ab intrinseco efficacia, & liberi arbitrii concordia, argumentum promitur. Pro cujus intelligentia observandum primò, Concilium damnare errorem Lutheri, & aliorum, concordiam liberi arbitrii cum gratiæ ita atrociter oppugnantium, ut non insidiosè, & occultè, sed apertè doceret, cuncta, quæ ab homine fiunt, necessariò fieri: nec in hominis esse potestate, vias suas bonas facere. Constat ex his, quæ habet eadem Synodus in Præfatione: *Erravit Pelagius, dum ad vitam beatam comparandam, minimè necessariam putat Divinam gratiam. Sed ad id sufficere censet liberum arbitrium, si modò ad suæ Divinæ legis cognitio....* Et infra: *Quapropter qui hominem operari benè, & salutem consequi arbitratur absque gratiâ, aut primatum boni operis libero arbitrio adscribit, non gratiâ, Pelagianus censendus est &c. At Lutherus metuens liberum arbitrium cum Pelagio nimis esse ferre, omne bonum opus quod est in homine, Deo tribuit, & divinæ gratiæ, nihil proprius libero arbitrio; sicque tollens omnino liberum arbitrium, factus est Manicheus dum refugit esse Pelagianus. Quare nè vanæ cujusdam libertatis prætextu latius cancer hic serperet, & nè tam dirum, ac pestilens venenum à fidelibus hauriretur, illud decretum promulgavit. Hoc ostenditur ex primis ejus verbis. Et si nulla penè sit tam aperta Catholica veritas, nullus tam manifestus Sacræ Scripturæ locus, quem non Hæretici suis cavillis, & tergiversationibus eludant; nulla tamen in re, tam impudenter, tantaque rei Crisliana jactura debaccebantur, quàm in exterminando, profigandoque libero arbitrio. Hinc colligitur, locutum fuissè de gratiâ ab intrinseco efficacia: nec enim Lutherus adeò infans mentis fuit, ut gratiam moraliter prævenientem dixerit unquam tollere libertatem; cum moralis excitatio, solum in agentibus liberis possit inveniri. Hoc suadent sequentia verba: *Neque enim liberum arbitrium afferentes, divinam excludimus propterea gratiam, quod illi salis toties imponere non verentur, atque hoc sumo credulorum mentes perfringere. Qui idem sensus manifestus habetur in posterioribus decre-**

creti verbis. *Trahit quidem Deus, sed in ejus odorem currimus, non ei, non unco raptamur. Prædestinat, eligit, vocat... Et licet attingar à fine ulque ad finem fortiter, disponit tamen omnia suaviter: quibus verbis Prædestinaudi, eligendi, vocandi, invictissima gratia insinuaturs; & sequentibus ejusdem gratiæ suavitas.*

59. At licet Concilium hæresim *Lutheri* arbitrii libertatem prorsus auferentem damnet, gratiamque efficacem cum libertate compositam propugnet; non hanc resistibilem dicit, sed gratiam sufficientem. Quod sanè explicant verba immediate sequentia. *Quoties enim Dominus voluit congregare Filios Jerusalem, sicut Gallinæ congregat pullos suos sub alas, & noluerunt? Matthæi 13. Frustra certè Stephanus Act. 7. Judæos dura cervicis, & incircumcisi cordis argueret, qui semper Spiritui Sancto resisterent: frustra Paulus 1. ad Thessalonicenses admoneret, Spiritum ne extinguerent, si divinis inspirationibus homines inevitabiliter raperentur: utramque enim gratiam, & intrinsecè efficacem, & sufficientem, inspirantem, excitantem, & illuminantem dari affirmat, ut libertatem cum gratia efficaci compositam, per potestatem resistendi auxilio sufficienti declararet, ac si ita argueret: Datur gratia inspirans, illuminans, excitans, & sufficiens resistibilis à voluntate: ergo datur vera libertas cum gratia ab intrinseco efficaci: frustra enim excitaretur morali suasionem, quæ tantum operaretur simplici instabilitate: ergo solum resistibilitatem statuit Concilium respectu gratiæ sufficientis. Quod & ipsi Adversarii tateri tenentur; nam Concilium loquitur de gratia illa fulgente, & contingente voluntatem, quæ volumus in Deum converti potest, Deo appropinquare, & se præparat ad gratiam, & cui resistere potest voluntas: sed hæc est gratia purè sufficiens, cum non possit esse gratia ab intrinseco efficax; nam huic gratiæ, etsi ab extrinseco efficaci, voluntas, in sensu composito illius, resistere non potest; etenim eo ipso, quod ei resisteret, efficax non esset, cum sit efficax per ipsum consensum, & non aliter: ergo Concilium gratiam resistibilem agnoscit gratiam sufficientem, non tamen adjutorium efficacem, quod intendit componere cum libertate, & eo *Lutherus* objurgatur, quod præter gratiam efficacem, non aliam actualem dari confiteretur, quæ ad illam nos præpararet; ideòque omnem gratiam excitantem, quæ præpararetur homo, detestaretur. Quare questio non ibi erat de gratia efficaci Thomistica, sed de efficaci in sensu *Lutheri* jam prius damnata: gratiam enim efficacem Thomisticam admittit, constat ex eo, quod Concilium dicit in Præfatione, in bonis operibus liberum arbitrium operatur & gratia; primo tamen & principalis gratia. Quapropter qui... primatum boni operis libero arbitrio adscribit, non gratiæ Pelagianus censendus est. Tum quia in citato decreto 15. dicit, quod voluntas interiori quodam & occulto secretioris inspirationis afflatu contacta, se se convertat in Deum: qui interior occultus secretæ inspirationis contactus, efficax est & præveniens voluntatis consensum, nè, ut loquitur S. *Augustinus* de Præd. SS. cap. 2., quasi componat homo cum Deo, ut partem Fidei sibi vindicet, atque illi partem relinquat: & quod*

quod est elatius, primam tollat ipse, sequentem det illi: Ex quibus facile explicatur mens Concilii; contra cuius manifestam vocem clamant, & nobis obijciunt Adversarii; quod in dicto Concilio legitur constitutum.

60. Eadem responsione dissolvitur argumentum secundo loco factum num. 56., cui pariter respondetur, quod & auxilium sufficiens trahens dicitur, dum moraliter excitat: sicut & Joann. 12. dicitur: *Ego, si exaltatus fuero à terra, omnia traham ad me*, quæ tractio intelligitur mediâ gratiâ sufficienti, quâ Deus omnem hominem venientem in hunc Mundum illuminat. Cujus ratio est, quia Concilium intert, resistentiam dari huic auxilio trahenti, quia potest voluntas resistere voluntati Dei: ergo solum loquitur de effectu voluntatis resistibilis Dei: sed auxilium, quod est effectus voluntatis resistibilis solum est auxilium sufficiens: ergo Concilium loquitur de auxilio moraliter trahente, seu sufficiente. Vide *Augustinum* tract. 20. in *Joannem* rem hanc egregiè, & luculenter explicantem.

61. Si autem resistentia in prædicti Concilii decreto referatur ad auxilium efficax, nihil cunctamur dicere, & respondere ad utramque objectionem cum *M. Lemos* tom. 1. tract. 4. cap. 13. quò loquitur de potentia ad resistendum non propria, sed ampla, quæ eadem est, ac potentia ad aliud volendum, quàm id, ad quod moveat efficax motio Dei; hæc enim potentia ad aliud volendum manet cum tali motione efficaci, licet aliud actu velle cum illa non compatiatur, ut *S. Thomas* docet q. 23. de verit. art. 5. in quo sensu explicat sapientissimus ille *M. D. Thomam* quodlib. 1. art. 7. ad 2. dicentem; quòd *Deus movet omnia secundum modum eorum, & ideo divina motio à quibusdam parti: ipatur cum necessitate, à natura autem rationali cum libertate; propter hoc quòd virtus rationalis se habet ad opposita. Et ideo sic Deus movet mentem humanam ad bonum, quòd tamen potest huic motioni resistere*, sequentibus verbis: *Respondetur, nec Concilium, nec S. Thomam asserere, quòd auxilio efficaci possit resistere homo, undè possunt de excitante, & inefficaci motione intelligi, vel de efficaci in sui principio quando incipit inspiratio excitans, antequam mens fortiori auxilio moveatur; talis enim potest resistere homo: vel loquuntur de potentia ad resistendum non propria, sed ampla, quæ eadem est, ac potentia ad aliud volendum quàm moveat efficax Dei motio; hæc enim potentia ad aliud volendum manet cum tali motione efficaci, licet aliud velle cum illa non compatiatur, ut S. Thomas docet q. 23. de verit. art. 5.* Hæc ille: ubi nihil immorandum nobis esse video.

62. Secundò obijcies *D. Augustinum* lib. 3. de liber. arbitr. cap. 18. dicentem: *Quæcumque causa est voluntatis, si ei resisti non potest, sine peccato ei ceditur*: ergo cum eadem ratio sit de peccato, ac de merito, si gratia prædeterminans est irresistibilis, dum movet ad bonum, sine merito ei ceditur. Secundò *D. Anselmum* ad illa verba *Matthæi* 6. *Fiat voluntas tua*, qui loquens de gratia efficacissima, quâ *Paulus* conversus est, dicit. *Licet percussus fuerit Paulus, tamen voluntas ejus libera-*  
erat,



erat, ut resisteret, si vellet: ergo juxta S. Doctorem, ut voluntas Pauli libera esset, gratia illa efficacissima resistibilis erat. Tertiò argumentum sumere iterum videtur robur validissimum ex auctoritate D. *Thomæ* dicentis 1. p. q. 62. art. 3. ad 2. *Dicendum, quòd omnis forma inclinat suum subiectum secundum modum naturæ ejus. Modus autem naturalis intellectualis naturæ est, ut liberè feratur in ea, quæ vult: & ideo inclinatio gratiæ non imponit necessitatem, sed habens gratiam, potest ea non uti, & peccare: en ubi D. Thomas gratiam non inducere necessitatem agnoscit, quia eâ potest homo non uti: sed gratia irresistibilis est gratia, quâ homo non potest non uti: ergo hæc libertatem destruit. Vel aliter: Inclinationem gratiæ non inducere necessitatem probat D. *Thomas*, quia omnis forma inclinat suum subiectum secundum modum naturæ ejus: sed inclinatio gratiæ efficax est inclinatio liberi arbitrii: ergo si non est talis, ut eâ arbitrium possit non uti, sed irresistibilis, destruit libertatem.*

63. Id etiam, inquit, efficacissimè probatur ex D. *Thoma* 1. p. q. 82. art. 2. ad 2. *Dicendum, quòd movens tunc ex necessitate causat motum in mobili, quando potestas moventis excedit mobile, ita quòd tota ejus possibilitas moventi subdatur: sed si gratia ab intrinseco efficax est irresistibilis, tota possibilitas liberi arbitrii est Deo subiecta: ergo ex necessitate causat motum liberi arbitrii. Ulterius: Divus Thomas 1. par. q. 111, art. 2. docet, quòd Angeli non movent voluntatem, quia voluntas semper remanet libera ad consentiendum, vel resistendum passivè: sed si gratia efficax est irresistibilis, non remanet voluntas libera ad consentiendum, vel resistendum ipsi: ergo illa ex necessitate movetur per dictam gratiam. Et tandem D. *Thomas* q. 6. de verit. art. 3. agens de certitudine prædestinationis ex mediis, quæ prædestinato conferuntur, sic habet: *Liberum enim arbitrium deficere potest à salute; tamen in eo, quem Deus prædestinat tot alia adminicula præparat, quòd vel non cadat, vel si cadat, quòd resurgat: sicut exhortationes, & suffragia orationum, donum gratiæ, & alia hujusmodi, quibus Deus adminiculatur homini ad salutem: ergo media, & adminicula omnia, etiam includendo gratiam, talia sunt, quibus conjungi potest casus, & non casus: sed gratia ab intrinseco efficax est unum ex mediis, quibus homo vel non cadit, vel si cadat, resurgit: ergo non est irresistibilis, sed indifferens.**

64. Sed incassum totum hoc contra nos opponitur; eoque certius, quòd ambigi minimè posse videtur, in primo adducto testimonio Divum *Augustinum* allerere solum, causam inducentem ad peccandum esse resistibilem cum adjutorio Dei. Ita se ipsum exponit, cùm hoc testimonium, sibi à *Pelagio* objectum, refert per hæc verba: *Agnosco, verba mea sunt, sed etiam ipse dignetur agnoscere superius cuncta, quæ dicta sunt. De gratia quippè Dei agitur, quæ nobis per mediatorem medicinam opitulatur, non de impossibilitate justitiæ. Potest ergo ei causæ, quacumque illa sit, resisti, potest planè. Nam in hoc adjutorium postulamus, dicentes, ne nos inferas in tentationem: quòd adjutorium non posceremus, si resisti nullo modo posse crederemus. Potest peccatum caveri, sed opitulante illo, qui non potest falli.... Caveamus, dicen-*

do, dimitte nobis debita nostra; sive ergo immineat, sive insit, caveri igitur potest. Ergo D. *Augustinus* non loquitur de adjutorio, quo citò sanatur, & quo cavetur peccatum, opitulante illo, qui non potest falli, sed de causa inducente ad peccatum, quam resistentem dicit, & fatemur.

65. Nec magis efficaciter premit textus D. *Anselmi*: cum ibi distinguat, duas voluntates Dei, unam misericordie resistentem, quæ vult omnes homines salvos fieri; alteram justitiæ, quæ omnia quæcumque voluit, fecit; & cui voluntati non est qui resistat. Licet ergo doceat, *Paulum* potuisse resistere primæ voluntati; non tamen secundæ. Et sanè miror, quòd D. *Anselmum* pro se afferant Adversarii, fidelissimum illum D. *Augustini* Discipulum, qui non aliud de gratia, totaque ejus æconomia docuit: maxime cum hujus gratiæ irresistibilitatem fateatur lib. 2. cur Deus homo cap. 2. loquens de voluntate Divina, & ipsius efficaciacia, sic dicens: *Quoniam quod Deus vult, non potest non esse, cum vult hominis voluntatem nulla cogi, vel probiberi necessitate ad volendum, tunc necesse est, esse liberum, & esse quod vult*: quia nempe, quidquid Deus efficaciter vult, nullo resistente fit.

66. Ad testimonia, quæ in medium proferuntur ex Divo *Thoma*, dicimus, quantum ad primum, quo textu conatur P. *Ripalda* lib. 5. de ente supernaturali di sp. 110. sect. 10. num. 70. esse de mente D. *Thomæ*, quòd efficacia gratiæ subdatur nostro arbitrio quantum ad usum, loqui de gratia habituali, in qua Angeli creati fuerunt, quod erat intentum, articuli, nempe, *Utrum Angeli sint creati in gratia*? Partem affirmativam probabilius tenendam, utpotè magis dictis SS. consonam resolvit; quæ tamen Angelis nullam necessitatem imposuit; quod verbis in argumento relatis probat, dicendo: *Quod omnis forma inclinat suum subiectum secundum modum naturæ ejus. Modus autem naturalis intellectualis naturæ est, ut liberè feratur in ea, quæ vult: & idè inclinatio gratiæ non imponit necessitatem*, ut exindè inefficaciam argumenti probet, quòd Angeli, etsi habuerint gratiam, & fuerint in ea creati, potuerunt eam non uti, & peccare. At ex hoc minime argui potest resistibilitas gratiæ ab intrinseco efficacis; quia licet hæc inclinet liberum arbitrium secundum modum naturæ ejus, & modus naturalis intellectualis naturæ sit, ut liberè feratur in ea, quæ vult, hoc solum probat, gratiam non imponere necessitatem, & sub illa voluntatem posse dissentire; at minime, quòd talis sit, ut ei possit à voluntate resisti. Enimverò ex eo, quòd ipsa non sit talis, ut eam arbitrium possit non uti, & peccare, ineffaciter ab Adversariis arguitur imponere necessitatem; est namque reprehensibilis consequentia ista: *Omnis ea gratia, quæ arbitrium potest non uti, & peccare, non imponit necessitatem: ergo gratia efficax, quæ non est talis, ut ea arbitrium possit non uti, & peccare, imponit necessitatem*; cum arguatur à contradictorio antecedentis ad contradictorium consequentis consequentiæ Divi *Thomæ*, qui modus arguendi, ut vitiosus, à Dialecticis rejicitur. Adest secundum, & aliud maximum discrimen, quòd gratia habitualis permanenter inclinat subiectum; undè ad liber-

tatem exigitur, quòd liberum arbitrium possit eà non uti componendo eum ipsa non agere. At gratia efficaciter movens est inclinatio per modum motionis transeuntis, seu applicationis ad agendum; cum sit, teste D. *Thoma* quaest. 3. de potentia art. 1. ad 7. distincta à forma, quæ inest, & habet esse ratum, & firmum in natura, cum sit motio, quæ à Deo fit in re naturali, ut agat: ac per consequens non exigit indifferentiam in libero arbitrio, ut eà possit uti, vel non uti, seu ipsi resistere.

67. Ad secundum respondetur, D. *Thomam* loqui de motione, objectiva, ut constat ex verbis immediate sequentibus: *Cum autem impossibilitas voluntatis sit respectu boni universalis, & perfecti, non subijcitur ejus possibilitas tota alicui particulari bono.* At ex motione objectiva argui nequit ad motionem effectivam: vel quia movens objectivè indifferentiam judicii aufert, dum voluntatem subijcit, secus movens effectivè: vel quia movens objectivè naturaliter movet, non tamen liberè: quare dum Deus effectivè voluntatem gratiæ irresistibili movet, & subijcit, talem voluntas solùm necessitatem habet, quam Deus vult eam habere, ut diximus ex D. *Thoma* 1. part. quaest. 19. artic. 8. ad 3. Quare cum hac irresistibili motione componitur potestas ad oppositum illius, ad quod movet.

68. Ad tertium dicimus, maximum esse discrimen inter motionem Dei, & Angeli. Est namque, ut inquit S. Doctor in corp. art. *Solus Dei immutare voluntatem, qui dat naturæ intellectualem virtutem talis inclinationis: sicut enim inclinatio naturalis non est, nisi à Deo, qui dat naturam; ita inclinatio voluntaria non est, nisi à Deo, qui causat voluntatem.* Alio modo movetur voluntas ab exteriori, & hoc in Angelo est quidem uno modo tantum, scilicet à bono apprehenso per intellectum. Unde secundum quòd aliquis est causa, quòd aliquid apprehendatur, ut bonum, ad appetendum: secundum hoc movet voluntatem: & sic solus Deus efficaciter potest movere voluntatem: Angelus autem, & homo per modum suadentis, ut supra dictum est. Sed præter hunc modum etiam movetur in hominibus voluntas ab exteriori, scilicet ex passione existente circa appetitum sensitivum: sicut ex concupiscentia, vel ira inclinatur voluntas ad aliquid volendum: & sic etiam Angeli in quantum possunt concitare hujusmodi passiones, possunt voluntatem movere, non tamen ex necessitate: quia voluntas semper remanet libera ad consentiendum, vel resistendum passioni. Hac D. *Thomas*: quibus explicat, qualiter inclinatio libera sit à Deo, qui causat voluntatem, quæ ab Angelo solùm potest tanquam ab exteriori moveri: scilicet ex passione existente circa appetitum sensitivum: sicut ex concupiscentia, vel ira inclinatur voluntas ad aliquid volendum: & quòd Angeli, in quantum possunt concitare hujusmodi passiones, movere possunt voluntatem: at Deus efficaciter movet voluntatem, ut expressè docet: ergo ex quo motio Angeli resistibilis sit, non inferitur, quòd & resistibilis debeat esse Dei efficacis motio.

69. Nihilò probabilius nobis objicitur testimonium D. *Thoma* ex quaest. 6. de veritate, quòd profundè explicant Illustrissimus Godoy de

scientia Dei disp. 36. sect. 10. num. 237. & Mag. Ferre tract. 6. de scientiâ media quas. 4. §. 8. Etenim allumptum D. Thomæ est, *Utrum prædestinatio habeat certitudinem?* Et in corpore articuli probat, quod non potest dici, quod prædestinatio suprà certitudinem providentiæ nihil aliud addat, nisi certitudinem præscientiæ, ut si dicatur, quod Deus ordinat prædestinatum ad salutem: sicut & quemlibet alium: sed cum hoc de prædestinato scit, quod non deficiet à salute: sic enim dicendo non diceretur prædestinatus differre à non prædestinato ex parte ordinis; sed tantum ex parte præscientiæ eventus, & sic præscientia esset causa prædestinationis: nec prædestinatio esset per electionem prædestinantis, quod est contra auctoritatem Scripturæ, & dicta Sanctorum. Unde præter certitudinem præscientiæ ipse ordo prædestinationis habet infallibilem certitudinem, nec tamen causa proxima salutis ordinatur ad eam necessario, sed contingenter, scilicet liberum arbitrium. Quibus immediate subjungit argumenti verba, in quibus non intendit D. Thomæ, quod non includatur gratia, quæ sit infallibiliter connexa cum suo effectu, & irresistibilis à voluntate: nihil enim magis falsum, & absonum à mente D. Thomæ: sed asserit, quod hæc gratia efficax est medium defectibile ad conjungendum prædestinatum cum gloria; in hoc nempe sensu, quod qui hodie per gratiam determinatur ad conversionem, cras per peccatum gratiam amittit; unde est necessaria gratia determinans, ut resurgat, & ut iterum resurgat, si iterum cadat, & tandem alia, ut finaliter perseveret. Non ergo hoc est asserere, quod gratia efficax sit resistibilis, sed solum, quod licet irresistibilis sit, est gratia à salute defectibilis, nisi Deus illam donet, ut mortem cum perseverantia in gratia conjungat.

70. Objicies tertio D. Thomam quodlib. 1. art. 7. ad 2. ubi expressè dicit: *Sic movet Deus mentem humanam ad bonum, quod potest huic motioni resistere*: ergo gratia illa, quæ Deus efficaciter movet, resistibilis est. Hic videre est, qualiter arguens quarit præconceptas suas opiniones è S. Thoma stabilire, non veram Angelici Doctoris mentem, inquirere. Hoc enim ultimum si sincerè quereretur, statim occurreret ei, D. Thomam post S. Augustinum duplex admisisse gratiæ genus & efficacem, cui nunquam resistitur; & sufficientem, cui sæpè resistitur: ex quibus gratiis, omnibus in unum collectis, confurgit systema Augustino-Thomisticum, velut medium inter systema Molinisticum, quod gratias ex se, & ab intrinseco efficientes, ac physicè moventes respuit; & Luthero-Calvino-Jansenianum, quod nonnisi gratias efficaces necessitatem inducentes admittit. Unde sicut pessimè arguunt illi, qui inventò uno loco, sive in S. Augustino, sive in D. Thoma, quod dicatur gratia efficax infallibiliter inferens effectum, indeclinabiliter, insuperabiliter movens &c. inde inferunt, omnem gratiam talem esse: ita nihilò melius argumentantur illi, qui è contrariò offendentem locum, ubi gratia dicitur carere, aut privari suo effectu, & gratiæ resisti &c. inde inferunt, omnem gratiam frustrari posse, resistibilem formaliter esse; ac effectu privari. De horum postremorum numero arguens esse deprehenditur: unde

undè inveniens, loco citato motionem, cui homo possit resistere, infert omnem Dei motionem talem esse, cui, formaliter loquendo, resisti possit. Sed hallucinatur plurimum; ecce enim ei loca duo clarissima, ex quibus errorem suum corrigere poterit. Primus desumptus est ex 1. 2. quæst. 10. art. 4. & ult. ad 3. ubi ait S. Doctor: *Quod si Deus movet voluntatem ad aliquid, impossibile est huic positioni, quod voluntas ad illud non moveatur.* Et nè dicat, agi ibidem de impossibilitate ex suppositione, non verò de impossibilitate orta ex ipsa gratia efficacia; en alterum locum, qui manifestè hanc responsionem excludat, ex quæst. 6. de malo art. unic. ad 3. *Deus immobiliter voluntatem movet propter efficaciam virtutis moventis, quæ deficere non potest: ubi immobilitas motionis, ejusque efficacia, non ex aliqua suppositione, non ex consensu voluntatis, per scientiam aliquam inmedium prævisio, sed ex efficacia virtutis moventis desumitur.* Ad textum ergo D. *Thomas* dicimus cum communi Thomistarum ibi agere de gratia sufficiente. Sic respondent PP. Salmanticenses: *Angelicum Doctorem non docere in illo quodlibeto, voluntatem posse resistere motioni Dei efficaci, sed sufficienti, excitanti, & suadenti moraliter, & ex parte objecti: ut colligitur ex verbis, quæ postea addit: Et sic quod gratia careat, non habet causam à Deo, sed ab homine: ex quibus constat se loqui de gratia, cui de facto resistitur: gratia autem, cui de facto resistitur, in omnium sententia, non est efficax, ut efficax, sed sufficiens, ut sufficiens. Hoc ipsum potest colligi ex aliis ejus verbis, quæ ibi habentur, ut constabit totam solutionem legenti.* Quod certè verissimum est; probat enim, hominem indigere auxilio Dei, ut se ad gratiam præparer per bonam voluntatem, ex eo, quod voluntas non semper moveatur; undè necesse est, ut ab aliquo exteriori agente, quod sit melius voluntate, à Deo scilicet, constitutur in actu, ut sic progredi possit ad consiliandum, & eligendum media opportuna. Certum est autem, quod homo procedat ad consilium, & electionem ex intentione efficaci finis. Undè motus, quem ibi S. *Thomas* asserit imprimi à Deo voluntati, efficit in ea volitionem beatitudinis, vel alicujus particularis finis boni: idque infallibiliter; aliàs homo non procederet ad consiliandum, aut eligendum. Porro intentio illa finis constituit hominem potentem aliquo modo, & sufficientem, ut eligat bona media ad finem illum consequendum. Sed cum non semper sequatur bona electio mediorum, licet finis intentus bonus sit; hinc rectè dicit S. *Thomas*, sic moveri hominem à Deo ad consiliandum, & eligendum, ut tamen possit huic motioni resistere: imò sæpè resistit; quia non semper eligit bona media, quæ Deus veller ipsum eligere, dum ei inspirat amorem boni finis. Patet ergo, quod S. Doctor ibi loquatur de gratia sufficiente, non de efficaci; quæ non est efficax, quia voluntas ei consentit; sed è contrario, quia ex se est efficax, voluntas ei consentit.

71. Quartò objicies fundamentum, quò velut Achille passim utuntur Auctores oppositi, & quò persuadent sibi, quod si prædeterminatio est irresistibilis, Deus necessitatem intet libero arbitrio. Primò: Auxilium, quod voluntas nequit abjicere, & cui dissentire non potest, de-

destruit libertatem; sed gratiam, quæ esset irresistibilis, nequit voluntas abicere, nec ei dissentire potest: ergo si est irresistibilis, libertatem destruit. Secundò: Nequit enim salvari libertas, cum hoc, quòd unum extremum sit antecedenter necessarium: sed si prædeterminatio ad consensum est irresistibilis, est antecedenter necessarium voluntati consentire: ergo prædeterminatio irresistibilis destruit libertatem. Min. probatur: Si prædeterminatio est irresistibilis, est voluntati antecedenter necessarium *non resistere* prædeterminationi; sed si est antecedenter necessarium *non resistere* prædeterminationi, est antecedenter necessarium *consentire*: nam *consentire* posità prædeterminatione est *non resistere* prædeterminationi; consentiendo enim ei non resistitur: ergo si antecedenter est necessarium non resistere, erit & antecedenter necessarium consentire.

72. Alià vià insurgit, & efficaciter roboratur eadem difficultas. Impossibilitas resistendi in voluntate prædeterminata ad consensum, est impossibilitas dissentendi: sed si prædeterminata est voluntas prædeterminatione irresistibili, datur impossibilitas resistendi: ergo & debet dari impossibilitas dissentendi; sed cum impossibilitate dissentendi nequit esse libertas: ergo prædeterminatio irresistibilis destruit libertatem. Ulterius: Posità prædeterminatione, *actu dissentire*, est *actu resistere*, & *actu frustrare*: ergo posse actu *dissentire*, erit posse *resistere*, & *frustrare*. Probatur consequentia: Potentia terminata ad id, quod est actu resistere, & frustrare est potentia resistendi, & frustrandi, sicut potentia terminata ad id, quod est actu exercitium talis potentia, v. g. potentia ad hoc, quòd est actu currere, actu disputare, est potentia currendi, & potentia disputandi: sed potentia dissentendi actu est potentia terminata ad id, quod est resistere: cum actu dissentire sit actu resistere: ergo est potentia resistendi. Ita Pater *Borull* de scient. media disp. 10. sect. 1. in fin.

73. Hoc argumentum, quod difficillimum videtur, externâ specie lucet, sed explicatione frangitur, & veritate dissolvitur. Instatur primò in prædefinitione efficaci Dei, quæ in omnium sententia est irresistibilis, & tamen cum ipsa datur vera potestas ad actum oppositum. Instatur secundo in præcepto mortis *Christo* Domino impolito, cujus resistentia est antecedenter impossibilis; & tamen ipsum uiori non fuit necessarium. Instatur tertio in scientia Dei: etenim supposità scientiâ consensûs, consentire est non falsificare scientiam: & tamen ex necessitate non falsificandi scientiam Dei, non inferitur necessitas antecedens consensûs: ergo licet consentire sit non resistere, ex necessitate antecedenti non resistendi non inferitur necessitas antecedens consentiendi. Quare in forma respondetur dist. maj. si constituat posse & actum primum, conc. maj. si constitutum supponat, & purè ad operationem applicet, neg. maj., & sub eadem minoris distinctione, neg. conseq. Etsi enim non detur vera potestas resistendi gratiæ se ipsâ efficaci datur tamen in sensu composito prædeterminationis vera potestas resistendi gratiæ sufficienti: licet resistentia gratiæ sufficienti, non possit componi cum

cum gratia se ipsa efficaci. Cum autem gratia sufficiens constituat libertatem in actu primo, omnia, quæ se tenent ex parte actûs primi, sunt indifferencia, indifferencia potestatis, & cum utroque extremo componibilia; ac per consequens gratia efficax irresistibilis non destruit, sed libertatem constitutam supponit. Ad secundum probat. respondetur distinguendo secundam minorem, consentire prædeterminationi est *non resistere positivè*, conc. min.; est *non resistere negativè*, neg. min. & disting. consequ. ergo si est necessarium non resistere, est necessarium consentire, si est necessarium *non resistere positivè*, conc. consequentiam: *positivè*, vel *negativè*, nego consequentiam. Etenim *non resistere* dupliciter potest accipi, vel positivè, vel purè negativè. Datur *non resistere positivè*, dum consensus componitur cum prædeterminatione. At *non resistere purè negativè* stat per hoc, quòd deficient prædeterminationio, & consensus. Cujus ratio est evidens, quia resistere prædeterminationi consistit in defectu hujus complexi; sed hoc complexum potest dupliciter deficere, vel quia existunt simul prædeterminatio, & consensus, in quo casu per existentiam positivam consensûs deficit *non resistere positivè*. Vel potest illud complexum deficere, quia simul dehiunt prædeterminatio, & consensus; & cum complexum non sit ex illa parte, quâ affirmat existentiam prædeterminationis, datur *non resistere negativè*, quia datur *non resistere* per negationem prædeterminationis. Quòd suppositò facilis est doctrinæ explicatio, dicendo, quòd eò modò, quò voluntas est necessitata ad *non resistere positivè*, est necessitata ad consensum: At cum, supposità prædeterminatione, *non resistere positivè* prædeterminationi sit consequenter necessarium, & ipse consensus erit consequenter necessarius, quamvis sit antecederet necessarium *non resistere* prædeterminationi: cum non resistere prædeterminationi latius pateat, ac consentire. Etenim non omne *non resistere* prædeterminationi est consentire; cum *non resistere* prædeterminationi, consistat in hoc, quòd non conjungitur carentia actûs prædeterminati cum prædeterminatione; sed carentia actûs prædeterminati non conjungitur cum prædeterminatione, vel quando ponitur consensus, vel quando existit carentia actûs prædeterminati non existente prædeterminatione: ergo non omne *non resistere* prædeterminationi est *consentire*. Ex quo certissimè constat, quòd *non resistere prædeterminationi* datur, vel per consensum, vel per omissionem purè negativam consensûs; utrumque enim ex his duobus est non resistentia prædeterminationi; primum per *consentire*, secundum per non positionem purè negativam actûs prædeterminati, quæ omisio purè negativa non est resistentia prædeterminationi; ergo ex necessitate antecedenti non resistendi prædeterminationi non arguitur necessitas antecedens consentiendi. Quòd si quis terminis istis uti nolit ob confusionis alicujus speciem, eandem facillè sub aliis terminis doctrinam habebit, animadvertendo, quod non semel à nobis dictum est, scilicet necessitatem aliam esse consequentiæ, aliam consequentis: ac insuper necessitatem consequentis opponi libertati; secus verò necessitatem consequentiæ, quæ solum importat infallibilitatem

illa.

illationis, quam non opponi libertati actûs nemo, nisi omnino inscius, inficiabitur. Hinc ad primam argumenti formulam fatemur, quòd si prædeterminatio est irresistibilis, est necessarium necessitate consequentia; voluntatem consentire, ex suppositione prædeterminationis; falsum tamen, esse necessarium necessitate consequentis; quæ est necessitas antecedens, & propriè talis; id est, necessitas rei, & non solum logica veritatis, cujus antecedentia libertati non officit. Ideoque de hac secunda necessitate verum est, quòd est antecederet necessarium voluntati, positâ prædeterminatione, consentire, consensu tamen liberò. Quod est dicere: Verum est, quòd, si existat prædeterminatio, existet actus liber, & hæc veritas est necessaria: sicut enim verè dicitur: verum est, quòd si existat scientia Dei de actu libero futuro, actus ille existet: & hoc est necessarium.

74. Sed contra insurges primò: Voluntas non est libera ad *non resistere* prædeterminationi: ergo est ipsi antecederet necessarium *non resistere*: sed non est necessitata antecederet ad *non resistere negativè*: ergo est antecederet necessitata ad *non resistere positivè*: sed non resistere positivè est consentire: ergo est antecederet necessitata ad consensum. Secundò: Tam *non resistere positivè* prædeterminationis; quàm *non resistere positivè negativè*, non est voluntati necessarium: sed nullum datur *non resistere*, nisi *positivè*, aut *negativè*: ergo nullum *non resistere* est voluntati necessarium: sed si nullum *non resistere* prædeterminationi est voluntati necessarium, *omne non resistere* est contingens, aut liberum: ergo voluntas liberè, & contingenter non resistit prædeterminationi; sed si liberè, & contingenter non resistit prædeterminationi, poterit resistere: ergo prædeterminatio resistibilis est à voluntate. Ex his, quæ dicta modò sunt à nobis, patet utriusque instantiæ solutio: non enim oppositum evincit prima: etenim concessâ primâ consequentiâ, negatur secunda, quæ minimè infertur ex præmissis. Nec enim ex eo, quòd voluntas non sit antecederet necessitata ad non resistere negativè, infertur, quòd sit antecederet necessitata ad non resistere positivè. Rectè enim componitur, voluntatem non esse antecederet necessitam ad *non resistere negativè* prædeterminationi; & quòd sit indifferens ad positionem consensûs, eò quòd voluntati nullum *non resistere* est necessarium determinatè; sed solum datur necessitas vaga, ut sit ali-quod *non resistere*. Sic non est necessarium, Petrum currere, nec est necessarium, Petrum non currere; sed est necessarium, quòd currat, aut non currat: & ideo defectus utriusque contradictorii est antecederet impossibilis: sicut ergo non valet: *Petrus non est antecederet necessitatus ad non currere*: ergo est antecederet necessitatus ad currere; quia nempe nullum ex his extremis necessariò simpliciter existit, etiam ex suppositione defectûs alterius; cum quodlibet extremum contingenter existat: ita & dicimus, quòd licet non sit necessarium voluntati *non resistere negativè*, non ex hoc infertur, esse necessarium *non resistere positivè*, sed solum est necessarium vagè, & indeterminatè disjunctum, nempe quòd detur contingenter, & liberè, vel *non resistere positivè*, vel



vel non resistere negativè, undè resistentia, quæ includit defectum utriusque non resistentiæ, est antecederet impossibilis. Ex quibus constat ad secundum solutio.

75. Ad secundam objectionem num. 71. positam respondetur distinguendo majorem: Impossibilitas resistendi, est impossibilitas dissentendi dissensu composito cum prædeterminatione, conc. maj. dissensu à prædeterminatione diviso, neg. inaj. & sub eadem distinctione minoris negatur consequentia. Non enim quilibet dissensus est resistentia prædeterminationi, sed dissensus cum prædeterminatione conjunctus; cum resistere in sua ratione formali importet compositionem cum eo, cui resistitur, quod toties indubitanter diximus, clariùsque, & uberius fulcitur auctoritate D. Thome asserentis, quosdam esse voces, quæ ex propria ratione compositionem cum altera involvunt. Audiarur q. 6. de verit. art. 4. ad 8. *Et ideo dicitur communiter, quòd hæc, Deus potest non prædestinare prædestinare, vel prædestinatum non prædestinare, in sensu composito est falsa, in diviso vera. Et ideo omnes locutiones, quæ sensum compositum implicant, sunt falsæ simpliciter: unde non est concedendum, quòd numero prædestinatorum possit fieri additio, vel subtractio, quia additio præsupponit illud, cui fit additio, & subtractio illud, à quo subtrahitur. Et eadem ratione non potest concedi, quòd Deus possit plures prædestinare, quàm prædestinet, vel pauciores.* Et 2. contra Gent. cap. 25. idem observat, dicens: *Et ideo omnes istæ locutiones, Deus non potest facere contraria his, quæ disposuit facere, & quæcumque similiter dicuntur, intelliguntur compositæ.* Quibus docet, propositiones aliquas ex vi, & forma verborum sensum implicare compositum, nec esse distinguendas, ut divisas, & compositas, sed simpliciter, & absolute esse dicendas compositas; & ut tales judicandas quoad veritatem, vel falsitatem. Quare hanc tradit regulam: quando terminus in propositione ex vi sua alium præsupponit, tunc non illo componitur; & propositio, in qua talis terminus ponitur, est composita, ut patet in nonnibus *additio, & subtractio*. Hac eadem ratione *resistere*, compositionem importat, cum essentialiter præsupponat illud, cui resistitur. Sicut enim *peccare* contra legem, legem supponit; & *inobedire*, præcipientem, cui inobeditur; ita & *resistere* essentialiter præsupponit illud, cui fit resistentia. Ut ergo dissensus sit resistentia prædeterminationi, debet esse dissensus compositus cum prædeterminatione.

76. Ad secundam concessio antecedenti, negatur consequentia. Verum quippe est, quòd si voluntas prædeterminata ad consensum actu dissentiret, resisteret; at posse dissentire, non est posse resistere. Hoc videri potest in prædestinatione. Si aliquis prædestinatorum periret, falleretur Deus: ergo prædestinatum posse perire, est posse Deum falli. Et iterum: si vocatus secundum propositum periret, actu vinceretur Deus: ergo si vocatus potest perire, Deus potest vinci: cujus consequentiæ fallaciam observavit August. de corrept. & grat. cap. 7. dicens: *Horum si quisquam perit, fallitur Deus; sed nemo eorum perit, quia non fallitur Deus. Horum si quisquam perit, vitio humano vincitur.*

*itur Deus ; sed nemo eorum perit , quia nulla re vincitur Deus .* Non ergo ex quo dissensus coniunctus cum prædeterminatione sit resistentia , potentia ad dissensum est potentia resistendi prædeterminationi : quia potentia , quæ componitur cum prædeterminatione , non respicit dissensum cum prædeterminatione compositum , sed pro termino respicit dissensum solum absolute & secundum se , quomodo dissensus non est resistentia prædeterminationi . Si hæc , quæ ad huius veritatis perscrutationem scriptissimum , difficillima videntur ; hæc est materiæ , quam versamus sublimitas , & præstantia . Si gratia efficax resistibilis eilet , non tanta eilet difficultas in concordia libertatis arbitrii cum ejus efficacia , ut oporteret ad recondita sapientiæ Dei ascendere . Causa hujus necessitatis manifestè patet ; videlicet infallibilitas , & irresistibilitas gratiæ , quâ Deus inclinabiliter , & insuperabiliter efficaciter movet liberum arbitrium ad velle , & operari . Sanctius , proprius , & honorificentius est innarrabilem hanc gratiæ efficaciam nobis reconditam venerari , quam in divini sapientiæ arcana audacius irrumpere : unde sapientissimè D. Gregorius Nazianzenus eos , qui aliter sapiunt , monet orat. 29. his verbis : *An quisquam est mortalium , qui ad eam sublimitatem efferri possit , ut ad Pauli mensuram perveniat ? At ille se tamen videre per speculum , & anigma dicit , tempusque affure , quo facie ad faciem visurus sit . Sis tu licet aliis in disputando sublimior , at Deo baud dubiè inferior es , quantò essentia Dei essentiam tuam antecellit . Pollicitationem habemus sure , ut aliquando tantum cognoscamus , quantum visurus sis . Si in hac vita fieri non potest , ut perfectam rerum cognitionem assequamur , . . . perfectissima rerum omnium est Dei cognitio . Verùm eam partem teneamus , partim quandiù in terra versamur , percipere studeamus , partim in futurum reservemus .*

77. Nec audiendus Caducifer pag. 301. num. 90. , qui volens infirmare distinctionem Illustrissimi Domini Castell , docentis , aliud elle , quòd cum omni gratia possit voluntas resistere , aliud quòd omni gratiæ possit resistere , dicit : ex hoc sequi , quòd pro priori ad operationem habebit voluntas aliquid irresistibile ad sic operandum , & libera non remanebit : hoc enim procedit ex sinistra auxilii efficacis intelligentiæ : supponit enim post Doctorem subtilem , quòd sit aliqua duratio naturæ , in cuius primò instanti sit gratia efficax , in secundò operatio voluntatis : quem intellectum Cajetanus t. 2. q. 19. dixit puerilem , & Conradus , adductus à Caducifero pag. 198. , falsum . Est ergo inter illa prioritas dependentiæ , causalitatis , ordinis , non durationis , ut imaginatur Caducifer : quam prioritatem egregiè , & profundè explicat Mag. Aliaga tom. 4. tract. de grat. adjuv. dub. 6. §. 4. Respondeo : *influxum gratiæ prædeterminantis transire ad signum , in quo ipsa voluntas elicitivè producit consensum salutarem , non quidem , ut constituat eam in esse influentis , sed ut illam modifiet , & constituat influentem cum subordinatione ad Deum .* Quapropter signum completum , & æquatum voluntatis in esse elicientis proprium actum involvit essentialiter & ipsam voluntatem , & ipsam prædeterminationem ; cum voluntas essentialiter subor-

subordinetur Deo in omni sua operatione. Ratio hujus est: quia Dei motio suum influxum exercet non solum in mobile, sed etiam in motum à mobili procedente: quā ratione percussio baculi etiam procedit à motione, quā manus movet baculum ad percutiendum. Ita Mag. Lemos, ubi supra. Nec inconvenit prædeterminationem præcedere in uno signo ad influxum voluntatis in suos actus, & quod simul cum voluntate in alio signo influat in eos; hoc enim rectè componitur, si in ipsa prædeterminatione divise rationes considerentur. Nam quatenus complet voluntatem auferendo ab illa potentialitatem, præcedit prioritate à quo influxum illius, determinando ipsam ad operandum; at verò quatenus est motio participans efficaciam à Divina omnipotentia, quæ se extendit ad omne id, quod sortitur rationem entis, ejus influxum transit, & consummatur in existentia operationis. Hinc inferitur cum prædicto Mag. eundem concursum realiter esse prævium, & simultaneum: prævium quidem, quatenus movet quoad exercitium voluntatem illam efficaciter determinando; simultaneum verò, quatenus cum voluntate sic determinata, & mota influat immediatè in ipsam operationem. Oppositum enim deprimit efficaciam, & activitatem divini concursus, si ita limitetur ejus activitas, ut solum habeat determinare, & non influere immediatè cum voluntate in ejus operationem. Sic Lemos tom. 4. part. 2. trac. 1. c. 4. à n. 59. Cabreza tom. in 3. p. q. 18. fol. 338. & 361.

78. Pro hac prioritate, & simultate in eodem concursu Dei realiter adunata, & explicata adest exemplum in materia prima, & firma substantiali. Licet enim materia prima sit prior respectu formæ substantialis, quatenus illam sustentat recipiendo; materia tamen, & forma in ordine ad constitutionem compositi simul, & in eodem signo concurrunt. Idem dicendum de forma substantiali per ordinem ad materiam, quam informat, & per ordinem ad compositum, quod simul cum materia constituit: ergo similiter asserendum de gratia prædeterminante; nimirum posse præviè ad voluntatem influere in existentiam consentis, & simul cum voluntate influere in eundem consensum; præviè quidem, quatenus movet voluntatem efficaciter, reducendo illam de potentia ad actum; simultaneè verò, quatenus voluntas sic completa, & reducta prorumpit in ejus elicentiam. Per hanc doctrinam rectè percipitur Deum per gratiam suam non solum facere nos facere; verum etiam immediatè operari ipsum velle, & facere nostrum; ut sic totum attribuat gratia Dei, scilicet velle, sive operari, & quod voluntas activè producat suum velle, & suum operari. Si verò concursus simultaneus sit actio voluntatis, ut à Deo immediatè procedens; cum hæc non sit propriè loquendo gratia auxilians; verificabitur tunc, Deum per gratiam efficacem facere, ut voluntas eliciat consensum, non tamen facere per ipsam immediatè ipsum consensum. Dices: Deus in signo, pro quo voluntas elicit actum, non determinat, nam hoc spectat ad signum prius; sed in tali signo exercet munus primæ causæ: ergo prima causa, ut talis, non determinat. Respond. in signo, pro quo voluntas elicit, prædeterminationem determinare actum, & etiam in signo priori determinare

*potentiam. Nam si voluntas determinat, cur non gratia Dei? Quæ adeo diferta sunt, & lbculenta, ut, pro dissolvendis nonnullis contortis ratiunculis adversus prioritatem prædeterminationis, sufficiant.*

79. Tandem objicies: quia cum Hæreticis nedum rebus, sed nec verbis communicandum est; sed gratiæ irresistibilitatem propugnant isti: ergo à Catholicis releganda est gratia irresistibilis. Secundo: Vox, quæ rejicitur ab Ecclesia non potest statui, veluti Sacræ Scripturæ, Concilii, ac Sanctis Patribus conformis ad explicandam gratiæ efficaciam; sed Ecclesia rejicit in *Jansenio* irresistibilitatem gratiæ, ut constat ex secunda propositione damnata: *Interiori gratiæ in statu naturæ lapsæ nusquam resistitur*: ergo. Tertio: Vox ambigua, quæ scandalum parit, vitiosèque potest intelligi, etsi verum possit habere sensum, procul amovenda est; quare tempore *Concilii Antiocheni* proscripta fuit vox ista *homousion*, quia vitiosè intelligi poterat: sed gratiæ irresistibilis vitiosè potest intelligi, quodd nempè sit destructiva libertatis: ergo. Et tandem, quia vox ista *gratia irresistibilis* quid durum sonat, asperum, atque humanæ libertati invisum: ergo improptiissimè intelligi potest, quodd salvetur, & illibata remaneat indifferentia activa liberi arbitrii, seu potestas agendi, vel non agendi, sub illa.

80. Hoc argumentum apparentiæ quamplurimum, difficultatis & substantiæ parvum continet, ex quo facillimè diluitur. Concedimus quippè majorem, cui nos libenter subscripsimus: & mirari satis non possumus, quàm falsò, quàm temerè Thomistis turpem illam notam affricent ita arguentes; cum doctrinam hanc fateantur, ac doceant, quotquot *Augustini*, & *Thomæ* Doctoribus, atque Magistris gloriantur, si ly *resistere* propriè sumatur: cum & sententia sit plurium Theologorum, non eorum modò, qui nuper scripserunt, sed eorum etiam, qui vetustate ipsa habentur nobilissimi. Si namque Deus operatur in nobis velle liberum, ubi dissensus prædeterminationi resistens? Vel quomodò intelligi potest dissensus prædeterminationi conjunctus, ubi consensus est infallibiliter connexus cum gratia efficaci, quæ tacit voluntatem de nolente volentem, ut dixit D. *Augustinus* Epit. 217. n. 24. his verbis: *Eosque ad se ipsum omnipotentissimâ facilitate convertit, ac volentes ex nolentibus facit?* Neganda est ergo minor, necnon & major sequentis argumenti. Nunquid eniim gratiam ex se ipsa efficacem libertatem conservantem irresistibilem dicere non licet, quia omnem Dei gratiam Hæretici irresistibilem dicunt? Audiant S. *Leonem* Papam serm. 4. in solemnitate Nativitatis Domini: *Arrius Dei filium minorem Patre, & Creaturam esse definiens, & ab eodem inter omnia creatum putans Spiritum Sanctum, magnâ impietate se perdidit. Sed sempiternam, atque incommutabilem Deitatem, quam in Trinitatis unitate non vidit, in Patris essentia non negavit. Macedonius à lumine veritatis alienus Divinitatem Sancti Spiritus non recipit; sed in Patre, & Filio unam potentiam, & eandem confessus est naturam. Sabellius inexplanabili errore confusus unitatem substantiæ in Patre, & Filio, & Spiritu Sancto inseparabilem sentiens, quod aequalitati tribuere debuit,*

buit, singularitati dedit. Et cum veram Trinitatem intelligere non vales, unam, eandemque credidit sub triplici appellatione personarum. Photinus mentis cæcitate deceptus, in Christi verum, & substantiæ nostræ confessor est hominem. Sed eundem Deum de Deo ante omniæ sæcula genitum esse non credidit. Apollinaris fidei soliditate privatus, Filium Dei ita veram humanæ carnis credidit suscepisse naturam, ut in illa carne diceret, animam non fuisse, quia vicem ejus expleverit ipsa Divinitas. Hôc modô, si omnes, quos Catholica Fides damnat, retractentur errores, in aliis, atque aliis quiddam invenitur, quod à damnabilibus possit abjungi. En qualiter, licet omnes Hæreses in sua perversitate meritò damnandæ sint, habent tamen in aliqua sua parte aliquid, quod verum est.

81. Argumentum etiam per lucidè rejicit D. Augustinus oper. imperf. contra Julianum lib. 5. cap. 30. docens, Catholicos quædam vera dicere simul cum Hæreticis, longè tamen abhorrere ab eorum erroribus, his præclarissimis verbis: Numquid propterea dicere non debemus, quòd bonus Deus fecerit mandum, quia hoc etiam dicit Manichæus? Sed cum queritur, undè fecerit, ibi discernimur. Nos enim dicimus, ex his, quæ non erant; quoniam ipse dixit, & facta sunt: ille autem, ex duabus naturis, boni scilicet, & mali, quæ non solum jam erant, sed semper erant. Hæc ergo, quæ non simul dicimus, non sinant esse nos socios eorum ex illo, quod simul dicimus. Item si interrogemur, utrùm sit Deus, & nos, & Manichæi respondemus, est Deus: & in hoc utrique separamur ab illo stulto, qui dixit in corde suo non est Deus: sed cum queritur, qualis sit Deus, à Manichæorum nefaria fabula magna discretione, distinguimur. Nos enim dicimus incorruptibilem, atque defendimus; illi verò fabulantur corruptibilem Deum. De ipsa quoque Trinitate interrogati, utrique dicimus, Patrem, & Filium, & Spiritum Sanctum unius, ejusdemque esse naturæ: nec idèd tamen vel nos sumus Manichæi, vel ipsi Catholici, dicunt enim alia de Patre, & Filio, & Spiritu Sancto, in quibus ab eis diversissimi, eisque adversissimi sumus. Undè ista, quæ simul dicimus, adversus aliorum errores, qui ea negant, fidenter asserimus: nectimemus, ne Manichæos nos appellent, & se iude præferant nobis, quia cum Manichæis dicimus, quod ipsi, quoniam nolunt dicere, propterea redarguuntur a nobis. Ita & nos in præsentī dicimus, quòd Hæretici gratiam irresistibilem agnoscunt, at longè diversà ratione; cum & plura allerant, in quibus ab eis diversissimi, eisque adversissimi sumus. Gratiam sufficientem constitutam libertatis in lineâ expedita: potentie dicere nolunt; libertas apud *Jansenium* constituitur delectatione victrici; minima efficax gratia, seu delectatio victrix, non sufficit ad victoriam tentationis. Propter hæc & alia, quæ in auctoribus videri possunt, meritò redarguuntur a nobis. Sunt ergo in aliquo cum nobis loquentes; sed nihil illis prodest, quia in aliis etiam viciis adversissimi sunt: ut eleganter observavit S. Augustinus super illud *Psal.* 54. vers. 19. in multis erant mecum, his verbis: In paucis non mecum, sed in his paucis, in quibus non mecum, non eis prosunt multa, in quibus mecum.

82. Se-

82. Secunda argumenti probatio non est nunc oratione longâ inferenda, concessâ maj. neganda est absolute, min. Nec enim à complexu isto *gratia efficax irresistibilis* petenda est certa, & constans regula fidei contra *Jansenium*; cum; non quo Ecclesiæ judicio percussus est *Jansenii* liber, eo sternatur, & involvatur irresistibilitas gratiæ efficacis; damnata quippè solum fuit in *Jansenio* omnis interioris gratiæ irresistibilitas, quam propugnabat ipse; ut constat ex cap. 25. de grat. *Christi*, cujus sunt sequentia verba: *His igitur, & hujusmodi crebris locutionibus affirmativis, sicut significat Augustinus, hoc ipso, quod data est homini gratia, mox effectum sequi, sic è contrariò negativè subinde ratiocinando, hoc ipso, quod effectum homo destituitur, nullam ei gratiam collatam esse, sed solo Pelagianæ gratiæ adiutorio, hoc est, lege, doctrinâque ad operationis præceptæ justitiam niti.* Et cap. 27. *Respondebit fortassis aliquis, magis in Scholasticorum scriptis, quàm Augustino revolvendis exercitatus, hæc omnia, quæ produximus, eum tantum de gratia efficaci tradidisse, nihil verò impedire, quin alia nonnulla gratiæ per hominis voluntatem effectum careant.* Respondeo, nihil verius dici posse, quàm quod omnia, quæ hactenus protulimus, de gratia efficaci dixerit, atque intellexerit, cujus rei causa est, quod nullam agnoverit aliam actualem Christi gratiam, nec agnoscere potuerit. En qualiter omnem gratiam irresistibilem dicit; ex quo meritò, ut hæretica damnata fuit talis assertio. Perlegantur, quæ hoc præsentī Dubio diximus supra §. 4. quæ solâ lectione indigent, ut luce clariùs appareat, irresistibilitatem omnis gratiæ fuisse in *Jansenio* damnatam.

83. Ad tertiam dicimus, minimè rejiciendam esse vocem istam *gratia irresistibilis*, nec quia vitiosè potest intelligi, nec quia potest, ut supponit argumentum, esse occasio erroris. Non quia vitiosè ab aliquibus intelligi possit, ut probat D. Hilarius lib. de Synodis num. 85. sic respondens: *Hoc si timemus, deleamus in Apostolo, quod dictum est: Mediator Dei, & hominum homo Christus Jesus; quia ad auctoritatem hæresis suæ Plotinus hoc utitur. Pereat quoque ad Philippenſes scripta. Epistola aut igne, aut spongiâ; nè in ea Marcion relegat: Et habitu inventus, ut homo, phantasiâ corporis confitens esse, non corpus. Non extet Evangelium Joannis, nè Sabellius dicat: Ego & Pater unum sumus; neque isti nunc creaturæ Prædicatores scriptum habeant: Pater major me est. Neque illi, qui dissimilem Patri, filium affirmare volunt, legant: De die autem, & hora nemo scit, neque Angeli in cælis, neque Filius, nisi Pater solus &c.* Et intrâ: *Non ergo gloriemur cruce Christi, quia scandalum mundo est: neque in vivente Deo mortem prædicemus, nè ab impiis mortuus Deus arguatur. Malè intelligitur homousion: quid ad me bene intelligentem? Malè homousion Samosatensis confessus est: sed numquid melius Ariani negaverunt? Octoginta Episcopi olim respuerunt: sed trecenti & decem octo nuper receperunt.* Ita & nos dicimus. Si ab aliquibus malè intelligitur irresistibilitas gratiæ, quid ad nos benè intelligentes? Si aliqui Theologi illam respuunt, sunt & alii non inferioris nominis, qui illam recipiunt majorum suorum vestigiis insistentes.

84. Non

84. Non ulterius rejicienda venit, ex quo, prout falsò supponit argumentum, occasio potest esse erroris : cum non sit occasio *per se* data, & ex propria significatione orta, quæ adeo aperta, & obvia est, ut nulla sit in ea obscuritas, vi cuius in varios, diversosque sensus accipi possit; sed purè erit occasio erroris *per accidens* accepta, ex mala ejus intelligentia. Audiant sic arguentes D. *Cbrysostomum* tom. 1. *Homil.* 6. pag. 879. loquentem de Sacris Scripturis : *Scripturas ad alterantes, alia quidem pratervolant: quærunt autem, numcubi sumptionem aliquam offendant, quæ ipsorum morbo suffragari, ac favere videatur. Neque mihi tu dixeris in causa esse Scripturam: non Scriptura, sed ipsorum improbitas est in causa, quandoquidem mel quoque dulce est; at qui ager est, acerbum illud arbitratur: verum non mellis culpa, sed infirmitatis est crimen. Ita qui furiosi sunt, quæ videntur, non cernunt: at eorum, quæ videntur, culpa non est, sed mentis vitiatæ furiosi: Cælum Deus creavit, ut opus contemplerur, & Opificem adoremus: at Gentiles opus Deum fecerunt: verum non opus, sed illorum improbitas est in causa. Et quemadmodum improbus à nemine juvatur, ita probus à se ipso juvatur. Quid conserendum cum Christo? At ab eo non adjutus est Judas. Quid Diabolo nequius? At Job coronâ redimitus est: & neque Judam Christus adjuvit, propterea quòd erat improbus: neque Job Diabolus nocuit, quòd probus erat. Hæc ego dico, ut nemo scripturas accuset, sed eorum improbitatem, qui ea, quæ rectè dicta sunt, malè interpretantur. Nam & Diabolus ex Scripturis cum Christo disputabat: at qui non est in causa Scriptura, sed ea mens, quæ rectè dicta malè interpretatur. Idem & nos dicimus: accusent illi suam malam intelligentiam, non tamen vocem, quæ sanctè, & verissimè usurpatur à Thomistis cum Scriptura, & Patribus, cujus significatio communi omnium Theologorum placitò, & veluti instituto, determinata est, ut significet repugnantem unius cum alio extremo compositionem.*

85. Insultaturque retorquendo in Adversarios eàdem efficacità rationis argumentum in exemplo eodem, in voce nempe illà *homousion*, quam legitimum *Antiochenum* Concilium rejecit; & tamen Patres Concilii *Nicæni* illam, ut propriissimam agnoverunt. Sicut ergo Concilium *Antiochenum* vocem illam rejecit in sensu accepto à *Paulo Samosateno*, qui ex consubstantialitate personarum conclusit, aut unicam esse in Deo personam, aut si plures, jam ipsas esse in natura distinctas, ad modum rerum corporalium; non tamen in sensu Catholico: uti simili objectioni respondet D. *Athanasius* lib. de *Synodis Arimini*, & *Seleucia* num. 45. dicens: *Cum Paulus argumentari vellet, ac dicere, si Christus non ex homine Deus factus est; ergo consubstantialis est Patri, atque hinc necesse est, tres esse substantias, unam priorem, duas verò ex illa procedentes, ideoque illud Pauli Sophisma jure caventes dixere, Christum non esse consubstantialem, neque enim Christus ita se habet respectu Patris, qualiter ipse cogitabat. Et conclusit: Utraque Synodus ex legitima causa, hoc modo alia, aliò alia loquuta est. Quod & dixit S. Hilarius lib. de Synodis circa finem huic eidem objectioni respondens:*

*Damne-*

*Damnemus in commune vitiosam intelligentiam: non auferamus fidei securitatem. Synodo Samosatena subscribendum putas, ne secundum Samosateni intelligentiam quisquis sibi usurpet homousion: subscribamus & Nicenæ Synodo, ne homousion improbetur Arriani. Damnetur ergo irresistibilitas, prout ab Hæreticis propugnatur; non tamen in sensu Catholico; cum in tali sensu nulla sit ambiguitas in hoc nomine, nec equivoctatio suboriri possit: quod non novus est, nec tempore Jansenii inventus hic modus loquendi.*

86. Ad ultimam probationem, quæ intendit, nomen hoc *irresistibilis* quid durum sonare, asperum, atque humanæ libertati inuisum, rogo sic arguentes, an ipsis arrideat magis, vel magis amica sit libertati vox illa *gratia ab intrinseco efficax*? An plenum libertatis dominium dilucidius adstruat? An facilius per eam ad doctrinam Thomisticæ Scholæ via, aditusque sternatur? Si ita est, non sit quasi de nomine, nec ex efficacia intrinseca gratiæ arguant irresistibilitatem nocere libertati. Rursus, dicant, amabō, an non limiles in Sacris Paginis leguntur voces, quæ sanè molliores non sunt, & quibus omnipotentissima divinæ gratiæ exprimitur motio? Gratiā Dei voluntatem, mentemque suam alligatam exclamat *Paulus Actuum* 20. v. 22. *Et nunc ecce alligatus ego spiritu vado in Jerusalem.* Quod in commendationem Divinæ sapientiæ legitur *Eccles.* cap. 51. *Et erunt tibi compedes ejus in protectionem fortitudinis; decor enim vitæ est in illa.* Hoc esse Divinæ consummatæ gratiæ munus, dixit *D. Thomas* q. 24. de veritate art. 8. his verbis, *Voluntatem totaliter ligat cum Deo.* Etiam in eodem sensu *Isaia* 56. dicitur: *Cum venerit, quasi fluvius violentus, quem spiritus Dei cogit;* cui textum accommodat *D. Thomas* alium, quō Filii Dei esse dicuntur, *qui spiritu Dei aguntur.* An non etiam audiuntur in publicis Ecclesiæ precibus voces istæ, *cogere, compellere*, quibus gratiæ exprimitur efficacia? Non est ergo, quod ita invidiosum garriant illi nomen hoc *gratia irresistibilis*; de qua dicere possumus, quod de vinculis charitatis dixit *Sanctus Augustinus Epist.* 39. *Non sunt dura, quia dulcissima, nec mollia, quia firmissima.*

87. An non etiam *S. Augustinus* utitur expressionibus istis, *Deus movet, & inflectit liberum arbitrium immobiliter, insuperabiliter, indeclinabiliter*, faciens, quod arbitrium *invictissimè*, quod bonum est, velit? Etiam lib. de *correp. & grat.* cap. 8. declarat, qualiter hæc irresistibilis gratiæ fortitudo, delectationem, spiritualemque voluptatem ingeneret; sic num. 17. *Quando rogavit ergo, ne fides ejus deficeret, quid aliud rogavit, nisi ut haberet in fide liberrimam, fortissimam, invictissimam, perseverantissimam voluntatem?* Ecce quemadmodum secundam gratiam Dei, non contra eam, libertas defenditur voluntatis. *Voluntas quippè humana, non libertate consequitur gratiam, sed gratiā potius libertatem, & ut perseveret, delectabilem perpetuatatem, & insuperabilem fortitudinem.* En insuperabilis fortitudo gratiæ, dulcis tamen, suavis, & delectabilis fortitudo. Hoc dilucidius constat, & probat *Augustinus tract.* 26. in *Joannem*, explicans verba illa, *Nemo potest*



test venire ad me, nisi Pater meus traxerit eum : supra quem textum jam Joann.6. dixerat, *Magna gratia commendatio, nemo venit, nisi trahatur*. At observans, quod sub tractione difficillimè intelligi poteit illa libertas, exclamat : *Quid hic dicemus, fratres, si trahimur ad Christum ; ergo inviti credimus ; ergo violentia adhibetur, non voluntas excitatur*. Enim verò, *Qui trahitur, tamquam invitatus cogi videtur*. Igitur quomoddò istam solvemus questionem ? Respondet S. Doctor : *Nolite cogitare invitum trahi : trahitur animus & amore : & deinde ; Porro si Poëta dicere licuit, trahit sua quemque voluptas ; non necessitas, sed voluptas : non obligatio, sed delectatio : quanto fortius nos dicere debemus, trahi hominem ad Christum, qui delectatur veritate, delectatur beatitudine, delectatur iustitiâ, delectatur sempiternâ vitâ quod totum Christum est. An verò habent corporis sensus voluptates suas, & animus deseritur à voluptatibus suis ? Et paulò post : *Deamantem, & sentit, quod dico, da desiderantem, da esurgentem, da in ista solitudine peregrinantem, atque sitientem, & fontem æternæ Patriæ suspirantem, da talem, & scit, quid dicam*. Sic gratia innumisâ suavitatè, ac delectatione animum pertrahit, & potentissimâ, ac efficacissimâ suavitatè voluntatem sibi subijcit, ut eleganter dixit D. Bernardus serm.61. in Cantica : *Stat Martyr tripudians, & triumphans totò licet lacerò corpore, & rimante latera ferro, non modò fortiter, sed & alacriter sacrum è carne sua circumspicit ebullire cruorem*. Scilicet, *Non facit hoc stupor, sed amor : submittitur enim sensus, non amittitur*. Sic voluntas eò sanior, quò divinæ gratiæ subiectior.*

88. Tandem ut omnis omninò asperitas vocis excidat ab Adversariorum animis, dignentur illi, ut par est, considerare duò : primum, quod dicit S. Augustinus lib.1. contra duas Epist. Pelag. cap.19. num.37. loquens de tractione, quâ Deus voluntatem trahit, quod nonien sacrum est, etsi libertati videatur invidiosum : cùm enim dixisset S. Doctor : *Quàm multi inimici Christi quotidie subito Dei occultâ gratiâ trahuntur ad Christum* : statim subiungit : *Quod verbum si non ex Evangelio posuisssem, quanta de me propter hoc iste dixisset ; cum etiam nunc ubi dicitur non mihi, sed illi, qui clamat : Nemo poteit venire ad me, nisi Pater, qui misit me, traxerit eum. Non enim ait, duxerit, ut illic aliquo modo intelligamus precedere voluntatem. Quis trahitur, si jam volebat ? Et tamen nemo venit, nisi velit. Trahitur ergo miris modis, ut velit, ab illo, qui novit intus in ipsis hominum cordibus operari, non ut homines, quod fieri non poteit, volentes credant, sed ut volentes ex nolentibus fiant*. Tam sacrum est nomen illud, quod in Sacris Scripturis legitur, earumque auctoritate comprobatur. Velint etiam secundò Adversarii audire Theologos disputantes, non tamquam Grammatici, sed tanquam Theologi ; neque enim nos cum Grammaticis de nominum potestate disputamus ; sed cum Theologis de rerum divinarum veritate. Quod longè ante exortum Jansenii errorem sapienter monuerat Magister Zumel tom.2. variar. disput. ad 1. part. & 1. 2. disp.4. sect.2. conclus.1. dicens, *Perpendendum esse, nos loqui Theologicè, sicut Scho-*

*laestici loqui solent: & idcirco non solum oportet attendere ad grammaticalem vocabuli significationem; sed præcipue ad Theologorum, & Catholicorum usum. Quod annotare libuit, ut animadvertant, eandem semper Thomistis esse voces, eisdemque perpetuos, sanos, & incommutabiles sensus vocum, & veritatum.*

## DUBIUM IV.

An argumenta contra physicam prædeterminationem sint lumine naturali solubilia?

1. **N**ON esset vera nostra sententia, si sufficienter non posset argumenta à ratione humana in oppositum solvere. Est patens signum veritatis, sicut & maxima Theologi Sapientis perfectio, dubitatorum solutio. Unde etsi tanti nominis gloriam nobis arrogare nec debeamus, nec possimus, quæ tamen Theologi sunt amulari consentaneum est. Neque propterea in veritatis ostensionem tendimus; nam quæ supra omnem humanam cogitationem sunt, quis hominum ostendit? Aliud est manifestare humanarum rationum imbecillitatem; aliud arcana divini consilii (inter quæ concordiam creatæ libertatis cum efficaci Dei gratia computat fides nostra) pandere. Nec parum, immò magnum videri debet, si aliunde exurgentes humani difficultates, nihil concludere, humanâ etiam ratione, licet divinæ fidei lumine adjutâ; detegantur; cum & sapientiæ Dei dignum fuerit elogium: *Scit versutias sermonum, & dissolutiones argumentorum* Sap. 8. Igitur hoc maximè Theologum commendat, ut probat Divus *Thomas* 1. p. q. 1. art. 8. cujus est ex supernaturalibus principiis procedere. Absit autem ab eo, ut Syllogismi contortis de rebus divinis disputet, aut frivolis argumentis, vel potiùs vanis, invalidisque ratiunculis Theologicas quæstiones absolvat; sed est ipsi perutile hæc ipsa non ignorare; cum non parum ad perfectam Scripturarum, PP. & Conciliorum intelligentiam conferat, ne amphibologiis eludantur termini, & sic ratio erret, labatur, cœcutiat, hallucinetur: & quod magis est, ut præcipuorum nostræ fidei dogmatum non repugnantiam, majori, quàm fas est, claritate defendat. At si Theologia in omni sui inspectione artis ratiocinandi adjumenta desiderat, maximè dum in hæc obscura, & difficillima de concordia libertatis cum gratia quæstione versatur. Quod enim investigatio pro modulo nostro concordia: liberi arbitrii cum gratia sublimitate objecti præstantissima est, obscuritate nobis reconditâ, intelligentiâ difficilis, ac effatu prorsus inexplicabilis; eo magis sententiam nostram arduis Adversarii invadunt, humanis tamen, argumentis. Quot enim novos Cavillationum gyros, & Sophysmatum desflexus aliqui, etsi minùs docti, nobis non objiciunt? Qui potiùs luci tenebras, quàm veritatis lumen afferunt. Unde meritò cum *Tertulliano* lib. de anim. cap. 18. hujusmodi argumenta vocari deberent tormenta crucian-

dæ simplicitatis, & suspendendæ veritatis; cùm solùm propter affectatam vocum, terminorum, & propositionum obscuritatem difficillima, sint. Alii, & sapientiores, ad difficultatem quaestionis sine dubio maximam, ut nos fatemur, accedentes, destructionem libertatis ex nostra sententia arguunt, & efficacissimis, ut credunt, argumentis probare intendunt: & hoc tot modis conspicuis, tot exquilitis phrasibus, & figuris, pro maxima ingenii dexteritate inculcant, ut etiam à doctis, & exercitatis diversa esse argumenta videantur, cùm re vera unum sint, & uni, eidenque medio probativo nitantur, in quo anima, & efficacia argumenti adæquatè consistit.

2. Hinc non ex disputandi libidine, sed quia Tyronibus maximè utile, & fortè necessarium, dubium hoc excitandum credimus, ut ne, quid, quod sciamus, pro intelligentia tractatùs inquirendum restet: neque sciant plenè, quid fenserint, dicantque Adversarii; & ne in re, tam salebrosa, sophismata ignorantes, mens ipsorum variis arguendi formis offuscata in circulos agitetur. Quare maximè observandum pro præsentis Dubii intelligentia, tripliciter, ut communiter docent nostri Thomistæ, argumenta posse solvi. Primò *probabiliter*, atque aded *incertè*, & *inevidenter*. Secundò *certò*, sed non *evidenter*. Tertiò *evidenter*, quod potest stare dupliciter: primò ex evidentia fundamenti, quò probatur veritas, cui opponitur: secundò ex evidentia fallaciæ, & argumenti defectùs: quorum primò evidentia: genus erit positivum; secundum verò negativum. Hòc positò, supponimus, quòd ex evidentia fundamenti nequit intelligentia humana argumenta solvere; cùm impossibile sit, ut toties diximus, hujus concordia: lumine naturali consequi Sacramentum, vel certò evidentè scire secretum. At cùm verum nequeat repugnare vero, nec possit esse sibi contrarium, argumenta evidentè solvere potest, tam ex evidentia fallaciæ, quàm ex falsitate probationis, quæ nusquam convincere poterit, ut non habeatur, quid probabiliter responderi possit. Etenim licèt non sit via ad probandum evidentè possibilitatem, & existentiam hujus mysterii, datur tamen, via ad argumentis respondendum. Non enim responsio requirit tantam evidentiam, ac probatio. Sufficit ipsi, quòd vitium ostendat, vel quòd medium ab arguente assumptum minimè cogat intellectum ad ejus assensum, dum scit, ab ipso efficaci medio minimè probari posse, vel ut loquitur D. Thomas locò citatò, *dum manifestum est ipsi, probationes, quæ inducuntur, non esse demonstrationes, sed argumenta solubilia*. Ad investigandum ergo argumentorum defectus, & ut ea omnibus unico veluti obtutu contraria veritati manifestentur, sicque magis ad mysterium hoc capiendum apti efficiamur, hoc sequenti utilissimo Dubio viam sternimus, quod, quominus comprehendere valemus, magis, ac magis Deum Optimum Maximum admiremur, incomprehensibilem ejus Majestatem, & nostræ mentis imbecillitatem confitentes.

## §. I.

*Utrum à voluntate prædeterminata ad actum excludatur contrariis argumentis potestas ad omissionem?*

3. **A**rguunt primò Adversarii, quòd voluntas prædeterminata ad actum non potest non agere; nam voluntas prædeterminata, à l'actum est impedita inevitabiliter ad non agendum: sed potentia inevitabiliter impedita ad non agendum non potest non negare: ergo voluntas prædeterminata ad actum non potest non agere. Consequenter est legitima; major certa; cum prædeterminatio sit inevitabilis, quod Thomistæ minime negant. Quòd autem prædeterminatio sit impedimentum, patet: nam illud dicimus alicujus exercitii impedimentum esse, cum quo tale exercitium nequit componi; nec enim aliò modo consensus excludit dissensum, & lux tenebras, quæ tamen vocantur oppositorum impedimenta: sed prædeterminatio actûs cum actu connexa est impossibilis cum carentia actûs: ergo prædeterminatio impedit inevitabiliter voluntatem ad omissionem actûs. Minor probatur: Non potest ad actum impeditum potentia, quæ non potest non esse impedita impedimento inevitabili, ac sibi omnino necessario: sed hoc modò impedita est ad non agere voluntas prædeterminata ad actum, eò quòd impedimentum prædeterminationis est illi omnino necessarium, ac prorsus inevitabile, cum à se prædeterminationem excutere nequaquam valeat: ergo voluntas prædeterminata non potest non agere, & simpliciter caret potestate ad non agendum. Cætera constant, & majorem si ostendere putant, primò ab exemplo hominis ligati catenis, aut vinculis, quæ non potest rumpere, nec aliò quòvis modò se ab illis absolvere: de quo talibus restricto vinculis nullus dicet, habere potentiam ad libere deambulandum: ergo nec in voluntate prædeterminata ulla manet potestas ad omittendum. Secundò: Ideò amor potestatem, ad odium non tollit, quia licet amor impediat odium, est tamen impedimentum à voluntate pro suo placito amovibile: ergo voluntas impedita per prædeterminationem, quam non potest pro suo dominio abjicere, omni caret ad omissionem potestate. Tertiò: Per aliquod impedimentum tolli potest libertas: sed non per aliud, quàm per illud, quod est inevitabile: ergo.

4. Tripliciter confirmatur propositum argumentum. Primò: Ut voluntas impedita ad non agendum possit non agere, necessarium est, quòd possit tollere impedimentum, vel cum illo conjungere carentiam actûs: sed voluntas prædeterminata neque potest auferre prædeterminationem, quæ est impedimentum omissionis, neque cum illa conjungere carentiam actûs: ergo voluntas prædeterminata non potest non agere. Probatur major; quia stante odio voluntas potens est proximè amare, potens est tollere odium: ergo. Secundò: Si amor esset inevitabilis, tolleretur potentiam ad odium, & carentia odii esset necessaria,

ut

ut constat in Beatis Deum necessariò amantibus: ergo prædeterminatio necessaria tollit potestatem non agendi; cum non sit ipsa minùs incompònibilis cum omiſſione actûs, quàm amor cum odio. Antecedens probatur: quia tota libertas excludendi odium, cum amamus, consistit in elicientia amoris, nec alia est libertas in omiſſione odii: ergo si in amore non eſſet libertas, sed amor eſſet neceſſarius, tolleretur inevitabiliter libertatem. Tertiò: Voluntas prædeterminata ad actum non potest conjungere omiſſionem cum prædeterminatione; hoc enim ex terminis contradictionem implicat; nec illam à prædeterminatione dividere: nam qui non potest tollere, vel impedire prædeterminationem, non potest omiſſionem à prædeterminatione dividere: sed voluntas nec tollere, nec impedire valet prædeterminationem: ergo ab illa omiſſionem nequit dividere: ergo nulla est potestas ad omiſſionem. Hæc confeſſionem constat, quia omiſſio actûs nequit eſſe, niſi vel conjuncta cum prædeterminatione, vel à prædeterminatione ſeparata: ergo si nec habet potestatem, ut illam conjungat cum prædeterminatione, nec ut omiſſionem à prædeterminatione dividat, nullam habet potestatem ad omiſſionem.

5. Hoc argumentum, quod dicunt invictum, nescio quid novi alterat. Est enim illud, ut video, quod ſemper contra veritatem, myſterii opponit humana ratio; est dicere: hæc est ratio, propterquam hæc quæſtio difficillima omnibus est: ſicut est illud de identitate inter ſe extremorum, ſi ſemel idem ſunt tertio, quod opponit ſemper ratio naturalis ineffabili Trinitati: & ſicut est illud de mutabilitate Dei, quod opponit concordia: utriuſque perfectionis, immutabilitatis, & libertatis. His, & hujusmodi ſi humana mens ſuccumbit, errat. Et quidem erravit *Pelagius*, qui inde convictus fuit, ut negaret gratiam eſſe: acriter adjuvantem voluntatem ad actionem. Conſtat hoc ex pluribus ejuſdem locis, quæ ſibi obſiciens, tangit *S. Auguſtinus*: & ex geſſis contra eundem *Pelagium* in Concilio *Dioſpolitano*, ubi inter ab eodem aſſerta, octavo loco legitur: *Quòd gratia Dei non ad ſingulos actus detur, ſed in libero arbitrio ſit, & in lege, atque doctrina. Et non quòd Dei gratia ſecundum merita noſtra detur, & propterea ipſa gratia in hominis ſit poſtâ voluntate, ſive dignus fiat, ſive indignus.* Et 12. *Quòd non ſit liberum arbitrium, ſi indigeat auxilio Dei, quoniam propriam voluntatem habeat unusquiſque, aut facere aliquid, aut non facere.* Et 13. *Quòd victoria noſtra ex Dei non ſit adjutorio; ſed ex libero arbitrio;* quæ omnia, in hac *Pelagio* verè miſerabili Synodo (quam ita, quia dolum non vidit, vocavit *S. Hieronymus* *Epist.* 79.) anathematizare, condemnare coactus fuit. Conſtatque ex libello confeſſionis fidei, quem *Zosimo* porrexit, ubi conſtitetur, quid expreſſe cenſeat: *Liberum ſic eſſe conſitemur arbitrium, ut dicamus nos ſemper Dei indigere auxilio.* Ex hac enim indigentia alterius auxilii efficaciſt diſtincti ab eo, quo ſufficenter proximè adjuvatur poſſibilitas, interebat deſtructionem arbitrii; quod fanè nihil aliud eſſe videtur, quàm conceſſa neceſſitate auxilii ſufficientis, negare indigentiam alterius auxilii efficaciſt ſtentiſt

stentis in nostra potestate. Ita argumentum nobis oppositum ex indigentia alterius auxilii distincti à sufficiente, & actum infallibiliter interrentis, quod est auxilium naturæ suæ efficax, & supponens sufficientiam proximè, & adæquatè constitutam, eandem liberi arbitrii destructionem, conabitur demonstrare, si illi succumbamus. Quod dictum à me esto; non quod Catholicos nobis contrarios cum à fide errantibus confundam; absit hoc: sed ut meminerint, quàm facile humana ratio, dum de supernaturalibus naturaliter distillerit, deficiat. Cujus rei ergò, quæ sequuntur, etiam offeram, & sine ullius injuria accipi volo; at si non allequar, ut non dictum haberi volo; modò allequar finem; id est, humanæ mentis ablegare cavillos in veritatis obsequium: quod nullatenus adversatur modestiæ, & charitati.

6. Præterea, negatò ut non necessario ad existentiam actûs liberi hoc auxilio efficacis supponente potestatem, & voluntatem applicantem ad exercitium, sequitur inevitabiliter, quod semel collatà à Deo potestate, voluntati nostræ cuncta derelicta sunt: & hoc est, quod unice ad suum dogma exigebat *Pelagius*, teste *D. Hieronymo*, undè & dicebat Deo: *Dedisti mihi potestatem arbitrii, quid te iterum ingeris de meo actu?* Et rursus: *Destruitur voluntas, quæ alterius ope indiget, ac per hoc, vel ator potestate mihi traditâ, aut si alterius ope indigeo, libertas in me destruitur*: ergo argumentum hoc non est aptum ad tuendam undique fidem. Etenim si quid præter, & ultra auxilium conferens potestatem, requiritur ad existentiam actûs, est sanè concursus simultaneous: at negantes concursum auxilii prædeterminantis, hunc consequenter asserunt nostræ voluntati esse derelictum, quia exiit ex nostra determinatione, & dominio: ergo tueri, & asserere debent nostræ voluntati cuncta esse derelicta, semel collatà boni operis potestate.

7. Tertiò sequitur, omnia, quibus Deus nos adjuvat ad benè operandum, ita esse indifferentia, ut nos illa possimusvertere in malum, ex quo intulit *Pelagius*, in *hunc opere soli homini deberi laudem*; quam consequentiam non negavit esse legitimam *Augustinus*, immò aliteruit lib. de gratia *Christi* cap. 17. illis verbis: *Cum enim vellet ostendere, quare nostrum sit, quia hæc, inquit, omnia vertere in malum possumus.* Quomodo ergo doctrinâ argumenti admittâ, impugnari poterit ipse *Pelagius*, sive ex hac parte veritas tueri?

8. Quartò sequitur, ubi primum fuerit homo constitutus in sua libertate per auxilium sufficiens, jam gratiâ Dei non indigere ad salutariter operandum; nec enim alio eget, quàm concursu simultaneo. Hic non est nova gratiâ præcedente distincta, quia gratiam suam potest Deus negare, quando non est cum alia priori per se connexa: sicut non est per se connexus concursus simultaneus cum auxilio sufficienti, & concursum simultaneum Deus negare non potest. Quod totum est magnum inconveniens, quod reprobati videtur à Concilio *Tridentino* sess. 6. de justificatione cap. 5. illis verbis: *Neque tamen sine gratia Dei movere se ad justitiam coram illo liberâ suâ voluntate possunt.* Ubi post collatam libertatem requirit aliam gratiam, ut possit consequenter se

mo-

movere ; nempe quia ultra auxilium dans potestatem , & libertatem ad se movendum coram Deo ad justitiam , aliud requiritur auxilium dans potestatem consequentem , & conjungens voluntatem cum actu salutari , cum suppositâ libertate hæc sola potestas desideretur ad actum . Non enim solum execrabile fuit dogma *Pelagii* , quod in primo suæ hæresis statu non confluerit adjutorium possibilitatis in subministracione virtutis Spiritûs Sancti , allerens , naturam humanam tantum valere , ut suis viribus , semel in origine suæ creationis acceptis , posset per liberum arbitrium ( nihilo ulterius adjuvante Creatoris gratia ) domare , & extinguere omnes cupiditates ; sed etiam erravit in eo , quod actionem , & voluntatem divino auxilio ad singulos actus non adjuvari credidit ; utrumque errorem ex diversis inferens principii . Intulit primum quasi ita arguens : *Liberum arbitrium non fuit originali vulnere læsum* : quod antecedens ipsi verissimum erat : ( docuit enim ille , quod peccatum *Adami* , ipsum solum læserit , & non genus humanum , quod fuit ipsi secundum objectum in Concilio *Diospolitano* : ) Ergo cum sorte , & firmum sit , sufficit , quod per gratiam Dei sciamus , quid facere debeamus , & diligere , ut faciamus . Secundum intulit ex libertate arbitrii , nempe non esse liberum arbitrium , si Dei indigeat auxilio , ac si argueret : *In propria voluntate habet unusquisque facere aliquid , vel non facere : ergo victoria nostra non est ex Dei adjutorio , sed ex libero arbitrio* . Ergo quod pro tunc negaverit verum auxilium possibilitatis , quod esset per subministracionem virtutis Spiritûs Sancti , non fuit quia hoc auxilium , crederet , debere esse nostræ voluntatis arbitrio subiectum : nec enim ipsum latuit , posse non esse nobis liberum , nec in nostra potestate : sed quia credidit , tantas ( id est magnas ) esse naturæ vires , quas extollendo præcipitabat , ut dixit *Augustinus* de gratia Christi cap. 27. Quare solum negavit verum adjutorium voluntatis , & actionis ex libertatis conceptu , ex eo quod non esset liberum arbitrium , si Dei indigeret auxilio : ergo dum argumentum intendit excludere Dei auxilium non existens in nostra potestate , eandem liberi arbitrii destructionem ex eodem principio incaute conatur demonstrare .

9. Ad solutionem argumenti descendendo , ipsius inefficaciam ostendunt primò exempla sæpius allata . Nam de arbore prædeterminata ad emittendos flores , dicimus posse impediri à causa naturali non valente prædeterminationem tollere , & de causa naturali prædeterminata ad non impediendum , quin arbor floreat , verissimè dicitur , quod valet impedire floritionem . Cujus ratio non est alia , nisi quia prædeterminatio , licet potentiam determinet , non tamen virtutem causæ removel ; quia agens subiectum juxta suum modum determinat , nec potentiam destruit , quam præsupponit , sed perficit reducendo de potentia ad actum . Quæ ratio eâdem efficaciâ procedit de concursu , quo Deus hominis adjuvat voluntatem , in uno & urgentiori de causa ; nam libertas cum sit perfectio simpliciter simplex , in Deo continetur formaliter , secus tamen contingentia . Si ergo Deus propterea quod actionem naturalem continet contingentem , illam per suum concursum non destruit , sed cau-

causat in actione agentis naturalis; nulla potest esse ratio, quare per efficaciam sui concursus libertatem auferat ab actione voluntatis.

10. Efficacius secundò instatur argumentum in actu prædefinito, scito à Deo, in peccato pernicioso, in actu libero voluntatis, & in præcepto mortis *Christi* Domini, ad quos omnes datur in libero arbitrio vera potestas, quin impedibilis sit à voluntate Dei prædefinitio, scientia, permissio, libertas, sicut à voluntate *Christi* Domini præceptum. Poterit ergo & consensus esse liber, licet liberum non sit voluntati prædeterminari, vel non prædeterminari, impedire, vel non impedire, adjutorium efficax Dei, Etenim si potestas impediendi consensum non est potestas impediendi prædefinitionem, seu decretum efficax Dei de ejus existentia: cur potestas impediendi consensum erit potestas impediendi prædeterminationem consensu? Assignent nobis rationem, quæ probans primum, non aequè suadeat secundum; non enim minus consensus est terminus essentialiter connexus cum decreto: ergo si potestas impediendi prædeterminationem non est potestas impediendi decretum, cur, auiabò, potestas impediendi consensum erit potestas impediendi prædeterminationem? Utrobique enim essentialis illa connexio est cum consensu libero: ideòque argumentari nequit ex connexionione hujus negatio libertatis, quia terminus est connexionis.

11. Sed omnia objectionis capita expendamus. Pro cujus intelligentia accuratè notandum, impedimenta omissionis, vel actus alia esse intrinseca, alia extrinseca; alia destruentia potestatem ad utrumlibet; alia verò præcisè remouentia, vel actum, vel omissionem. Intrinsicca dicuntur illa, quæ ab aliquo principio intrinseco promanant, ut iudicium convenientiam objecti sine indifferentia proponens, & debilitas membrorum ad motum ex ægitudine proveniens. Extrinsicca impedimenta illa sunt, quæ à principiis extrinsecis ortum habent, ut cum impeditur quis deambulare per plateam, quia detinetur in carcere, aut vinculis insolubilibus ligatur. Impedimenta, quæ potestatem ad utrumlibet auferunt, illa dicuntur, quæ vel ab intrinseco, vel ab extrinseco ita potestatem ligant, ut nullum exercitium relinquunt in arbitrio, sed potestatem ita antecedenter determinant, ut per modum naturæ agat, vel per modum naturæ cesset ab opere, ut accidit voluntati iudicio determinato præventæ, & homini compedibus detento, aut funibus ligato, quos nec rumpere valet, nec solvere: & hæc dicuntur impedimenta actus primi, seu potestatis ad actum, & omissionem: ac dum his afficitur potentia, nullum in ipsa est exercitium liberum. Impedimenta denique actus, vel omissionis illa sunt, quæ supponunt plenam ad utrumlibet potestatem, & illam juxta suum modum ad aliquod libertatis extremum determinant, v. g. ad actum, seu exercitium positivum. Verùm hæc potiori ratione expedita dici deberent potestatis, quia illam à potentialitatis vinculo expediunt, & ad liberum exercitium reducunt, tamen in quantum voluntatem determinant ad actum, ratione ejusdem actus reddant omissionem consequenter impossibilem.

12. Quò positò ad argumentum respondetur negando antecedens; ad



ad probationem, vel negetur, prædeterminationem esse impedimentum verè, & propriè omissionis, etsi cum illa sit incompossibilis, cum potius sit potentia expedimentum, potentialitatis vincula solvens, & tollens suspensionem: neque consensus propriè dicitur impedimentum dissensus, etsi cum illo sit impossibilis; ut rectè observat M. Bolivar de provident. Dei, §.3. num. 31. dicens: *An autem imprædeterminatus debeat dici impeditus ad actum, necne? Potest esse questio forte de nomine; mihi videtur dicendum, non esse impeditum: quia carentia prædeterminationis non excludit potentiam ad actum, nec ratione sui excludit actum, cui immediatè non opponitur; & licet inferat exclusionem, & carentiam actus, insert illam à creatura libere, & imputabiliter ponendam: impedire autem aliquem actum est excludere potentiam ad actum, vel inferre exclusionem, & carentiam ab altero libere non ponendam.* Vel, ne contentio sit de voce, distinguatur major: est impedimentum, quia reducens ad exercitium, & extremum alterum libertatis, conc. maj. est alterius generis impedimentum, neg. maj. Vel aliter: est impedimentum præcisè omissionis, conc. maj. est impedimentum potestatis ad omissionem, neg. maj. Physica enim prædeterminatione, cum superveniat potestati adequatè constituta, subordinat quidem potentiam Deo in ipso libertatis exercitio; ceterum non magis obstat libertati, quam ipse actus liber, quia provenit à potestate Dei, in qua magis, quam in nobis libertas nostra continetur; unde operatur in nobis juxta libertatem nostram. Nec officit, quòd ipsa sit infallibilis, & inimpedibilis, ex hoc enim solum sequitur, quòd actus infallibiliter erit. Estne contraria infallibilitas libertati? Non credo, quemquam dicturum. Immo inde illi consentanea evidenti ratione probatur, quòd infallibilis veritas liberi actus sine libertate esse non potest. Consequenter ad hæc distinguo minorem: Potentia infallibiliter impedita ad non agendum, non potest non agere, si sit impedita impedimento verè, & propriè tali, vel impedimento actus primi, & potestatis, conc. min. Si impedimentum non sit verè, & propriè tale, sed solum se tenens ex parte actus secundi, supponens proinde totam libertatis constitutionem, neg. min. & consequ. Hic maxime animadvertite, lectores, ne non-admittere vocem illam *inevitabiliter* in argumento expressam, quam fateor apud aliquos minus exactè in hac parte loquentes aliquando inveniri. Impropriissima est, & ejus rigor à nostra, communique nostro sententia omnino alienus; ut optimè notavit sapientissimus ille M. Fr. Hieronymus Perez, quem Eminentiſſ. Card. Cienfuegos summis laudibus prosequitur in Vita S. Francisci à Borgia lib.5. cap.6. §.1. Egregius ergo iste ex Redemptorum Ordine B. Virginis de Mercede, S. Thoma discipulus, à quo primum Magistro sapientiam ebibile Societatem Jesu, laudatus Eminentiſſ. ibi aperto ore prædicat; quod etiam in laudem, & gloriam FF. Prædicatorum, & æternum decus scribit Sacchini lib.7. num. 92. PP. Societatis Vallisoleti (& alibi) usque ad annum 1563. sub Patribus S. Dominici Theologiæ operam dabant: hic in Commentariis ad 1. p. q.22. art.4. §. Tertium dubium, verissimè æquè,

ac brevissimè remotam monet à sententiis nostris vocem illam *inevitabilis eventus*, seu *inevitabiliter evenire*. Et quidem causa est manifestà; quia *inevitabile* fatalem significat necessitatem præoccupantem, exercitum libertatis. Unde eventus, qui præter libertatem nostram accidat, quemque coarctantem libertatem nostram patiamur; hæc ratione erit inevitabilis, inducetque necessitatem antecedentem. Non sic se habet physica prædeterminatio; nam ipsa præter libertatem nostram non est; cùm ideo sit, ut per liberum exercitum perficiatur libertas. Undè & actus ejusdem præmotionis sine libertate nostra nec est, nec potest esse. Ideoque tota necessitas est consequens; consilium enim in ipsa actione libera, quæ infallibili quidem veritate sequitur Dei motionem; nulla tamen causæ, aut voluntatis necessitate. Et ideo S. Thomas 1. 2. q. 112. art. 3. in corp. utitur voce *infallibiliter*, de hac ipsa re agens; *habet necessitatem ad id ad quod ordinatur à Deo, non quidem coactionis, sed infallibilitatis, quia intentio Dei deficere non potest*: numquam verò dixit *inevitabiliter*. Itaque termini *infallibile*, & *infallibiliter* in his materiis propriissimi sunt; *inevitabile* verò, & *inevitabiliter* impropriissimi. Quod notandum credidi, ut omnis amoveatur perniciofa hallucinatio, & animadvertatur, doctrinam istam non novam, sed veterem, & concertationibus istis antiquiorem in Schola nostra esse, anima ipsam ab Auctore illo ipsis PP. Societatis probatissimo.

13. Ad primam probationem illius majoris nulla est paritas: nam, vincula, à quibus se homo nequit expedire, impediendum afferunt non qualecumque, sed potestatis, & actus primi: unde non dant aliquod libertatis exercitum; immò quies hominis ligati non solum non est libera, sed plerumque violenta: nam contra voluntatem hominis à suo dominio subtrahunt vincula potentiam loco motivam; potestas autem libera ad ambulandum requirit pro constitutivo, quod potentia loco motiva, & membra, quibus exerceri debet motus, subjecta sint dominio voluntatis, quod dominium vincula impediunt. Quare impediunt per se, primò, & directè potestatem, mediàtè verò, & indirectè exercitum libertatis. At verò physica prædeterminatio nullum principium constitutivum libertatis extrahit à debito usu liberi arbitrii, sed omnia illa, præsupponit, scilicet auxilium sufficiens, & judicium indifferens, quibus suppositis, ipsa superveniens fortiter Deo subijcit arbitrium, & suaviter voluntatem juxta suum modum in actum determinat. Et sanè, quod nulla sit paritas, perspicuum erit observanti, prædeterminationem non immediatè opponi omissioni, sed mediante actu elicitò à voluntate prædeterminata: ex quo fit, quod prædeterminatio non tollit à voluntate rationem voluntarii liberi in omissione, cùm sequatur ista ex actu voluntario, ac voluntariè, liberè elicitò. Sic D. Paulus Auctor. 20. *Alligatus spiritu ibat in Jerusalem*: quia nempe gratia efficax voluntatem determinando, agebat ipsum, ut prædicatione Evangelii imple-ret ministerium suum. Sic & Deus Israelitarum corda adduxit, ut Davidem Regem constituerent: Numquid, dicit Augustinus de correp. & grat. cap. 14. *corporalibus illis vinculis alligavit? Intus egit, corda tenuit*,

nuit, corda movit, eosque voluntatibus eorum, quas ipse in illis operatus est, traxit. Et rationem assignat, quia Deus magis habet in potestate sua voluntates hominum, quam ipsi suas. Hæc ergo gratia vincula non libertatem destruunt, sed perficiunt. Sunt efficacia; sed ut inquit *Augustinus* Epist. 39. *Non sunt dura, quia dulcissima; nec mollia, quia firmissima*. E contra verò corporalia vincula non solum, auferunt rationem liberi ab omissione deambulationis, sed etiam rationem voluntarii, cum plerumque concatenatio violenta sit, & à principio extrinseco, passio positivè resistente: & cum voluntarium vel sit genus, vel fundamentum libertatis, illò sublatò, non potest manere libertas. Quid ergo mirum, si vincula ista libertatem auferant? Quid rursum mirum, si ab impedimento vinculorum ad expedimentum prædeterminationis nulla à Thomistis agnoscatur paritas? Maximè cum ligamen, non solum extrahat membra à dominio voluntatis, verum & auferat iudicium, quò motus possit proponi, ut conveniens, ut hic, & nunc practice possibilis.

14. Secunda probatio non majori dissolutione eget. Ratio illa est sufficiens, non tamen adequata. Stat enim libertas amoris, non solum, quia vitari potest, sed quia cum prædeterminatione nobis non libera, & ipsum infallibiliter inferente; ac subindè in existendo, & ut quod necessitas, remanet expedita potestas ad omissionem amoris. Stat enim, quòd sit in potestate voluntatis omisio amoris, quin possit ad non esse prædeterminationis, quæ solum existit pro nutu Dei. Et ex hoc ipso ad tertium dicimus: si id, quod est non liberum voluntati, & illi necessarium in existendo, quia illius dominio non subditur quoad existentiam, liberum sit ut quo, quia est activa reductio, & subordinatio potentia: liberæ, illam juxta suum modum determinans ad proprium exercitium libertatis, qualem Thomistæ prædeterminationem autumant, id, inquam, libertatem minimè destruit, sed fovet potius, & perficit. Quid autem queritur quò aptius mediò possit tolli libertas, quàm physica prædeterminatione?

15. Pro tuenda salute multorum, & quorundam etiam perversis sensibus corrigendis, respondeo, quòd jam aliàs morui, maximum fuisse inter *Pelagium*, & *Calvinum* discrimen, etli fortissimè attenserint huic propositioni: *Gratia per se efficax tollit libertatem*. Etenim *Pelagius* in ultimo suæ hæreseos statu, admisso auxilio sufficiente, quò Deus adjuvat possibilitatem boni operis, & auxiliis gratia: moraliter attrahentis per cogitationes representantes convenientiam præmiorum, quæ Deus benè agentibus pollicetur, & incommoda poenarum, quas comminatur; his, inquam, admissis, quibus arbitrium credidit constitui proximè potens ad actum, & omissionem, auxilium illis superadditum, & inconjunctibile cum malo opere negavit, quia, per illud putavit destrui libertatem. In quo turpiter erravit ipse, ut adversus illum nefariam hæresim superiùs annotavimus. *Calvinus* verò, quem malitia illius consequentiæ videtur non latuisse, ut gratia efficaci liberatam destrui defenderet, duos alios præsupposuit errores, ex quibus pri-

num posset suadere apparenter. Primus talis erat: *Auxilium praeveniens gratiae, quo Deus facit, nos facere, est ita movens efficaciter voluntatem, ut nullum sit aliud excitans moraliter, seu moraliter etiam attrahens*. Ita ille lib. 2. Instit. cap. 3. §. 10. lib. de grat. & liber. arbitrii. cap. 11. Secundus: *Omne auxilium, prout venit à Deo, efficax est, & nullum tantum sufficiens*: qui errores damnati sunt à Concilio Tridentino sess. 6. de iustificat. cap. 5. Ex quibus liberi arbitrii destructionem arguebat, conclusionem interens haeticam ex praemissis ab Ecclesia Catholica reprobatis. Hoc totum semper Schola Thomistica detestata est: hoc semper exhorruit, & in suis scriptis positivè condemnat. Ut Thomistae *Pelagium* debellent, negant, instantibus auxilio dante potestatem, & iudicio indifferente, posse auferri libertatem per auxilium infallibiliter connexum: unde consequenter negant consequentiam *Pelagii*, quam pessimam, & damnabilem continentur. Negant similiter praemissas, seu positiones relatas, vel caduca *Calvini* consequentiae fundamenta, unde ejusdem consequentia ruit; atque allerunt, quòd posito auxilio dante potestatem, quod debet esse, indifferens, & stante iudicio indifferente, voluntas non potest necessitari antecederent, quae sola necessitas destruit liberum arbitrium. Hoc sat nobis est, & hoc sat etiam semper erit ad utriusque errorem falsitatis arguendum, sicut & manifestae falsitatis, & pessimae calumniae omnes, qui hanc Thomisticam praedeterminationem cum praedeterminatione *Calvini* toties ab Ecclesia, ut destructiva libertatis anathematizata, confundere velint; & contra *Jansenistas* omnes, qui hanc *Calvini* haesim clanculo velamento occultatam disseminare pergunt.

16. Ad primam confirmationem dicimus, requisisse *Pelagium* ad salvandam libertatem liberi arbitrii, talia esse constitutiva potestatis liberae, quae nos possumus vertere in malum. Ex quo intulit, nostrum esse, quòd benè agimus, non Dei, nisi quatenus contulit benè agendi potestatem, quae datà, omnia esse nostrae voluntati derelicta; quod non arbitror, nec usquam credam, dici ab Auctoribus nobis in hac parte contrariis. Verum id probare videtur, si quid probat haec confirmatio, quae contenditur, requiri ad salvandam potestatem liberam talem potentiam, quae positis omnibus quomodolibet requisitis ad agendum valeat cum illis omissionem conjungere, quod est posse nos omnia vertere in malum. Quare nego suppositum majoris: non enim mortio Dei est impedimentum, sed expeditum, ut dictum est. Nec necessarium est ad libertatem Deo subjectam, quòd cum ejusdem motione possit voluntas conjungere carentiam actus, sed quod possit carentiam actus ponere; nam non habet libertatem supra actus Dei, sed supra suos. Sicut autem quòd stante odio, non possit amare, non importat impotentiam antecedentem, sed consequentem; ita quòd stante praeconione ad actum non possit cum illa componere negationem actus, non probat impotentiam antecedentem, sed consequentem, consistentem formaliter in ipso actu, licet illam infallibiliter ex motione Dei. Ceterum jam diximus libertatem

ratem non tolli per antecedentem infallibilitatem, sed per antecedentem necessitatem.

17. Ab secundam confirmationem fatemur, quòd si amor esset necessarius, potentia illius elicitiva non esset libera; nec enim à potentia libera, ut libera, egredi valet actus necessarius; quod non minus repugnat, quàm quòd sit ab intellectu volitio, vel à voluntate intellectio. Ut autem potentia de se libera libertatem amittat, necessarium est, ut deficiat aliquod principium constitutivum potestatis liberæ. Sic Beati propterea Deum necessariò amant, quia illum sibi proponunt amandum, non quidem per iudicium indifferenter repræsentans convenientiam objecti, quo iudicio constituitur potestas libera, sed per iudicium omninò determinatum de convenientia objecti rapientis propterea in sui amorem voluntatem, quo excluditur iudicium indifferens libertatis constitutivum, & impossibile redditur. Sic & unio hypostatica est incomponibilis in *Christo* Domino cum libertate peccandi; quia repugnat cum potestate ad peccandum; cum suppositum Divinum constituit posse ut quod ad omnes actiones humanitatis unitæ, reddatque humanitatem infinitè sanctam. At physica prædeterminatio non se tenet ex parte actus primi, sed supervenit potestati liberæ simpliciter, & adæquatè constitutæ; non destruit, sed complet auxilium sufficiens, & componitur cum iudicio indifferenti: unde licet tollat indifferenciam suspensionis, rumpatque vincula potentialitatis, indifferenciam tamen potestatis, & domini creati minimè aufert.

18. Ad tertiam, quam subijciunt confirmationem, responderetur; quòd sicut actus liber voluntatis creatæ pender à Deo, & à voluntate, ita destructio illius, sive omisio ab iisdem causis dependet; sed à Deo ut à causa prima in efficiendo; à voluntate autem humana, ut à causa in hoc genere secunda. Itaque sive agat, sive omittat voluntas nostra, semper est sub dominio Dei, ac liberè actum ponit, & liberè omittit. Neque ad hoc requiritur, quòd possit conjungere omissionem actus cum prædeterminatione ad actum; aut actum cum negatione prædeterminationis. Hoc enim non esset solum agere, aut omittere; sed etiam id primà, & independenti libertate facere. Cujus ratio est; quia prædeterminatio ad actum non est formalis exclusio omissionis, sed est principium infallibilis illationis actus excludentis formaliter omissionem. Cum autem antecedens infallibilitas non sit antecedens necessitas, sequitur, quòd tota necessitatis ratio sit consequens. Similiter in omissionibus, licet subtractio præmotionis inferat omissionem infallibiliter; ratio tamen formalis, quare hic & nunc repugnat actus, non est quia deficit motio; sed quia adest omisio; & inde similiter impotentia actus est consequens. Uno verbo: ad libertatem nostram non pertinet dividere, aut non dividere actum à prædeterminatione, sive à negatione ejus, aut componere, sive non componere omissionem cum eadem, aut eum negatione ejusdem; sed tantum est libertatis nostræ posse ponere actum, aut illum omittere, quem si ponat, erit in re cum præmotione compositus; si omittat, erit omisio à præmotione divisa, divisione facien-

cienda à Deo. Sicut ad libertatem obediendi *Christi* circa mortem, non pertinet componere, aut dividere mortem à præcepto, aut ejus negatione, sed admittere, aut non admittere mortem; quam si admittat, erit in re conjuncta cum præcepto; si verò omittat, erit in re ab illo divisa mortis negatio, divilione quidem facienda, non à voluntate humana *Christi*, sed à voluntate Dei: hoc enim est proprium secundæ libertatis impeccabilis; sicut illud est proprium absolute secundæ libertatis, etiam peccabilis.

19. Quia verò diximus, voluntatem nostram, etiam omittendo esse dependentem à Deo, & sub ejus dominio, operæ pretium erit id paulò amplius explicare, ne quisquam putet, æquè esse causam omissionum nostrarum negationem prævii concursus, ac est causa actuum ejusdem concursus præventio. Quare maxime observandum, quòd semper est falsa in sensu rigoroso, & formali hæc propositio: *Ideo non existit actus liber, quia Deus non concurrit præviè*; quamquam bona illatio sit; *Deus non concurrit præviè: ergo non existit actus liber*. Est autem vera in prædicto formali sensu: *Ideo non existit actus liber, quia liberum arbitrium defectuosum est, & deficit à perfectione operandi*; nam quòd accidit creaturæ secundum defectum, nullo modo reducitur in Deum, sed omnino in non esse creaturæ, tanquam in primam radicem, & principium. Quare licet creatura omittens subdita sit Deo, non tamen subjicitur Deo formaliter per ipsam omissionem; non enim habet ex Deo, quòd omittat, sed ex se. Quòd evidenter deducitur ex doctrina Divi *Thomæ* superius tradita Disput. 3. Dub. 1. §. 1. num. 1. juxta quam subjectio physica creaturæ consistit in participatione Divinæ bonitatis; per negationem autem nihil est nobis participationis hujusmodi; quin immò est negatio actionis Dei, per quam ipsam participamus. Manet tamen creatura omittens subjecta Deo triplici subjectione, quam ibidem explicuimus; scilicet secundum legem, aut morale dominium, sub quo semper est constituta, licet à lege deficiat; secundum providentiam; quia etiam omissiones à Divina Providentia ordinantur in finem; secundum actionem; quia potest Deus pro suo dominio liberum arbitrium movere, aut non movere: nimirum quòd Deus nolit voluntate consequenti, hic & nunc creaturam sibi per actionem subjicere, aut subordinare, est etiam exercitium domini physici Dei. Quòd verò non subjiciatur Deo per actionem, non est ex Deo, sed ex ipsa creatura; nam ideo non subjicitur, quia ex se habet non subjici: & ideo Deus illam sibi non subordinat, quia non vult tollere à creatura, quòd illa habet ex se. Et dominium physicum circa creaturam, in quantum operativam, consistit in eo, quòd Deus pro arbitrio suo potest illud tollere, aut non tollere, quòd ex se habet creatura; nempe, illud deficere: seu, ut proprius loquamur, potest ponere, aut non ponere in creatura participationem sui, quam ex se creatura non habet, dando, aut negando indebitum concursus; id est, non conferendo, quòd ex sua bonitate confert, quia vult, & Dominus est: & in hoc dominium physicum ejus supra actiones creaturarum consistit.

20. Consonat hæc doctrina apprimè Theologicis veritatibus, secundum quas Deus neminem deserit, nisi prius deferatur. Dum enim quis omittit facere, quod tenetur, ut resistere temptationibus, deficit; at defectus incipit ex ipso, nullo modo ex Deo. Poterat quidem Deus etiam deferentem non deferere, & efficaci gratiâ juvare; propter quod diximus suprâ num. 16. divisionem gratiæ efficacis semper esse faciendam à Deo; & hæc est ratio dominii ejus; nam pro absoluta arbitrii sui ratione juvat, aut non juvat deferentem. Si tamen non juvat, omisso deferentis nullâ causalitatis ratione reducitur in subtractionem adjutorii, sed omnino in liberum arbitrium deficiens, ut eleganter dixit *Augustinus* Enarrat in *Psal.* 145. *Appropinqua, incipe desiderare, incipe querere, & agnoscere enim, à quo factus es. Non enim deseret opus suum, si ab opere suo non deferatur.* Et in *Psal.* 26. Enarr. 2. *Tu adjuvas quem condidisti, tu non deseris qui creasti.* Undè egregiè *S. Thomas* 1.2.q.112. art.3. ad 2. *Dicendum, ait, quod defectus gratiæ prima causa est ex nobis; sed collationis gratiæ prima causa est à Deo, secundum illud Osee 13. Perditio tua ex te Israel, tantummodò in me auxilium tuum.* Et Auctor lib. de vocatione Gentium lib.2. cap.26. *De sua habens mutabilitate si deficit; de gratiæ opitulatione si proficit.* His inmorari opportunum duxi; est enim doctrina hæc ad rectam intelligentiam tractationum de gratia, & libero arbitrio admodum necessaria, & ad solvendum plurima argumenta satis difficilia.

## §. II.

*An prædeterminatio excludenda sit ex eo, quòd potestas ad omissionem non sit potestas ad non esse prædeterminationis?*

21. **A**dhuc insurgunt Adversarii, ut probent, quòd si non est in libero arbitrio potestas ad non esse prædeterminationis, nec est potestas ad omissionem. Primò sic: qui non potest facere, quòd hic, & nunc non sit impossibilis ommissio, non habet potestatem ad ponendam omissionem: sed qui facere non potest, ne sit prædeterminatio actûs, non potest facere, ut hic, & nunc non sit impossibilis ommissio, quam prædeterminatio impossibilem reddit: ergo qui non potest facere, ut non sit prædeterminatio, non est potens ad omissionem. Secundò: non est potens ad omissionem actûs, qui non est potens facere, ne actus fuerit, aut sit infallibiliter futurus: sed qui non est potens facere, ne exillat prædefinitio, non potest facere, ne actus fuerit, aut sit infallibiliter futurus, quia infallibilis futuritio actûs in prædefinitione consistit: ergo idem quod prius. Tertiò: qui potest tollere actum, cum quo prædeterminatio, seu prædefinitio connectitur, potest etiam prædeterminationem, seu prædefinitioem vel impedire, vel destruere: sicut qui posset tollere possibilitatem creaturarum, posset quoque destruere omnipo-

ten-

rentiam: & si posset aliquis destruere filiationem, posset etiam paternitatem destruere; evidens namque est hoc principium, quod libertas impediendi terminum alicujus connexionis, est libertas impediendi ejusdem connexionis fundamentum: sed qui potens est ad omissionem, seu non esse actus, potens est tollere actum, cum quo prædeterminatio, aut prædeterminatio connectitur: ergo & poterit tollere prædeterminationem.

22. Si dicatur, potentiam ad omissionem, sive ad non esse actus prædeterminati, qui est terminus illius necessariæ connexionis, esse, potentiam secundam, non primam, de qua solum vera est major assumptio, non tamen de potentia agentis Deo subordinati in omnibus suis exercitiis; contra instant exempla posita: etenim qui potest destruere filiationem per potentiam agentis creati, potest destruere paternitatem, ad cujus destructionem nihil obstat, quod potentia destruens filiationem sit ordinis creati. Similiter qui posset destruere possibilitatem creaturæ, per illammet potentiam, quæ id posset, omnipotentiam quoque destruere posset: ergo per illam ipsissimam potentiam, quæ aliquis constituitur potens destruere terminum essentialis connexionis, potest etiam essentialis connexionem, & illius extremum impedire, vel destruere: ergo, ut consequenter procedamus, eandem potentiam debemus admittere in libero arbitrio ad non esse prædeterminationis, quam ponimus ad omissionem, seu non esse actus.

23. Hæc nova est argumenti formula: non verò novum argumentum; nimirum ipsa hæc est difficultas, quæ premit humanam rationem, sive cui si succumbat humana ratio, nescio quid mysterii in toto prædestinationis, & gratiæ ordine manere possit. Igitur concedamus integrum argumentum, & manifestâ consequentia habebitur, omnem divinam intentionem, electionem, media à nostro dependere arbitrio, nosque gloriæ, & gratiæ habere potestatem, ne detur aliquid antecedens determinationes nostras connexum infallibiliter cum ipsis. Igitur dummodò non probent, ut certè non probabunt, antecedentem infallibilitatem esse antecedentem necessitatem, argumentum illud robore carebit; quia, ut sæpè diximus, motio Dei efficax infert infallibiliter actum voluntatis liberum, nullamque imponit necessitatem. Ideò ad argumentum, servatâ formâ Syllogisticâ, omisâ majori, quæ explicari debet de potestate secunda, & dependenti, neganda est minor: nam omisio non redditur impossibilis ratione motionis, sed ratione actus, licet infallibiliter illati ex motione Dei. Possibilitas autem omissionis non excluditur per antecedentem infallibilitatem actus, sed excluderetur per antecedentem necessitatem. Nunc autem in sensu composito actus excluditur per ipsum actum liberum voluntatis: & quod componi non possit cum prædeterminatione ad actum, non provenit formaliter à prædeterminatione, sed ab actu ipso libero, cujus libertas non tollitur per infallibilem illationem ejus à prædeterminatione, ut dictum est: ideòque hæc propositio: *Prædeterminatio ad actum reddit impossibilem omissionem*, à nostris exponitur de impossibilitate consequenti;



quenti ; quia antecedenter nulla invenitur ratio impossibilitatis , sed tantum infallibilitatis : nempe posita motione Dei , est infallibiliter verum , quod non dabitur omillio ; sed tamen nulla est necessitas , ut non detur ; quia similiter verum est , quod actus illam excludens erit liber .

24. Ad secundam neganda est major , quæ cum tota Theologorum antiquitate pugnat . Nemo enim , quem sciverim , ex antiquis Theologis putavit , infallibilem actus futuritionem pugnare cum ejusdem libertate : immo illis , qui aut providentiam , aut libertatem errantes negarunt , constanter opposuerunt semper , aliud esse eventum infallibilem , aliud necessarium ; quoniam etiam de futuris liberis infallibilitas præcessit . Unde infallibile fuit ex intentione efficaci Dei , quod *Christus* perhibiturus erat testimonium veritati , cum ipse Dominus dixerit : *Ego in hoc natus sum , & ad hoc veni in Mundum* , *Joann.* 18. 37. & tamen liberè illud perhibuit testimonium . Quis ergo dicit : non liberè fecit , quia infallibiliter erat futurum id , in quod natus fuit , & facere non poterat , ut non esset futurum ? Apage Sophistarum nugas à rebus gravissimis , & quarum veritas non humanæ mentis chimæris , sed divinis innititur testimoniis .

25. Similiter ad tertiam dicimus , eodem claudicare pede . Quaram ab Adversariis , an gratuita Dei electio ad gloriam connectatur cum perseverantia finali ? Et ubi asserant ; utantur contra se hoc eodem argumento , quod probabunt , posse homines destruere summum illud divinæ libertatis exercitium donandi quibus voluit , & quia voluit gloriam suam , quia perseverare finaliter liberum est . Scio eorum recursus ad scientiam medium . Duo tamen irrefragabilia dico . Aliud quod non ita recurrent , ut excludant liberam donationem Dei , in qua est nostri argumenti vis ; aliud quod cum hæc veritas fidei sit , debilis nimium est scientiæ illius cogitatio , ut illam ei credamus . Nos autem hoc solum dicimus , quod necessariò dicendum credimus ; scilicet infallibilem antecedentem futuritionis veritatem non inducere necessitatem futuri ; immo infallibiliter erit liberum , quia infallibilis veritas antecedens est de futuro libero .

26. Hinc ad argumentum neganda est major , vel ita explicanda , ut de connexionione necessitatis antecedentis concedatur , de connexionione verò antecedentis infallibilitatis negetur . Unde exempla extranea sunt quia possibilitas creaturarum supponit necessitatem antecedentem omnipotentia : unde & necessariò possibiles sunt ; cum nihil sint , nisi *omnipotentiam posse* , & necessarium sit *posse omnipotentiam* . Hoc autem non est infallibilis tantum , sed & necessaria ex omnipotentia possibilitas . E contra verò ex prædefinitione , & efficaci gratia infallibilis est , sed non necessaria , futuri actus existentia . Idem dic ad exemplum de filiatione , quæ non tantum infallibilitate , sed naturali necessitate paternitatem consequitur .

27. Replicatio argumenti , supposita distinctione inter libertatem primam , & secundam , quam & nos supra innuimus , non majorem vim habet : aggrediamur ergo illam responsionis inspectionem , quæ quan-

tum ad doctrinæ substantiam minimè ab expositis differt. Nam tota ratio, ob quam determinatio Dei reddit quidem infallibilem actum voluntatis nostræ, non tamen reddit illum necessarium, non alia est, nisi quòd primi liberi est determinare necessaria, & libera; liberi verò secundi est liberè facere, quod primum liberum infallibiliter faciendum determinavit. Ideò ad exempla dico, dupliciter deficere. Primò; quia, ut dictum est, Paternitas respectu filiationis, & omnipotentia respectu possibilitatis important antecedentem naturalem necessitatem, & non tantum antecedentem infallibilitatem. Actus verò nostri respectu prædeterminationis, & motionis Dei è contra; cum præmotione Deus ita liberos actus nostros inferat, ut necessitatem non imponat. Cui veritati solum exitium refragari possè, qui comprehendens Dei virtutem, aliter sentiat; aut qui exiitimet, infinitam illam virtutem suis rationibus concludi; ut nihil ampliùs Deus possit, præter id, quod humana ratio suadet. Deficiunt insuper exempla secundo; quia in comparatione potentia ad destructionem omnipotentia, aut paternitatis, nulla supponitur superior libertas, cui, in ejusmodi per hypotheseum excogitatis destructionibus, potentia illa subordinaretur. A libertate autem independenti, & non subordinata ad subordinatum, & dependentem, ut talem, nulla fieri potest legitima argumentatio.

### §. III.

*An removenda sit Præmotio physica, ex eo, quòd voluntas libera non possit impedire complexum ex prædeterminatione, & actu?*

28. **E**N molestum argumentum, quod novis semper formulis, semper item, sub hac præcipuum computatur, intendendo, quòd ex impotentia impediendi complexum ex prædeterminatione, & actu, non scitur in voluntate potestas, ut non existat actus. Quod ita argumentum in judicio demonstratur. Petrus est necessitatus ad illud complexum: ergo est impotens ad non esse illius, seu ad faciendum, quòd non existat: sed si non potest facere, quòd non existat complexum constans ex prædeterminatione, & actu, non potest facere, quòd non existat actus: ergo actum non ponit liberè. Major probatur: Petrus est necessitatus ad unum ex his complexis vagè; vel ad complexum ex decreto, seu physica prædeterminatione, & actu constans, vel ad complexum constans ex carentia physica prædeterminationis, & carentia actus: nam implicat ex terminis carere utroque complexo, & quòd Petrus sit sub aliquo illorum; alioquin posset utrumque contradictorium à rerum natura deficere: sed Petrus in casu posito necessariò caret complexo constante ex carentia prædeterminationis, cum non habeat in sua potestate ponere complexum, quo caret: ergo est necessitatus ad alterum complexum constans ex prædeterminatione, & actu. Hæc consequentia est  
evi-

evidens : nam qui est necessitatus ad unum ex duobus extremis vagè , & necessariò caret altero , necessariò habet alterum . Sicut necessitatus ad amorem , vel odium vagè , si necessariò caret amore , necessariò elicit odium . Minor probatur : Ut quis sit potens ponere complexum , quò caret , debet esse potens ponere utramque partem ; sed Petrus non est potens ponere utramque partem complexi illius , quò caret , cum non possit ponere carentiam prædeterminationis : ergo non est potens ponere complexum illud .

29. Secundò : Petrus impotens ad non esse complexi constantis ex physica prædeterminatione , & actu , est necessitatus ad illud ; cum sub illo existens , sit impotens ad non esse illius ; sed necessitatus ad illud est necessitatus ad actum ; cum necessitas complexi sit necessitas utriusque partis : sicut Petrus non potest esse necessitatus ad ponendum hominem , si in sua potestate non habet aliquam hominis partem , v. g. animam , eò quòd , ut sit homo , utraque pars essentialiter requiritur : ergo Petrus impotens ad non esse complexi constantis ex prædeterminatione physica , & actu , est necessitatus ad actum .

30. Tertiò : Impotens ad non esse complexi constantis ex prædeterminatione , & actu , est necessitatus ad non habendum complexum constans ex carentia prædeterminationis , & carentia actus : sed necessitatus ad non habendum complexum hoc , est necessitatus ad non habendam carentiam illius : tum , quia necessitatus ad non habendum complexum illud , est necessitatus ad non habendam utramque partem illius : tum , quia necessitatus ad habendum complexum , est necessitatus ad utramque partem : ergo necessitatus ad non habendum complexum , est necessitatus ad carentiam utriusque partis : sed altera pars est carentia illius : ergo est necessitatus ad carentiam carentia actus , & consequenter ad actum .

31. Quartò : Petrus est necessariò sub aliquo ex his complexis : vel enim est prædeterminatus , & consentit : vel non est prædeterminatus , & non consentit , quod est omninò necessarium : sed in casu posito Petrus necessariò caret complexo constante ex carentia prædeterminationis , & carentia actus , quia est impotens ad habendum prædictum complexum : ergo necessariò habet alterum : sed necessitatus ad complexum est necessitatus ad utramque partem : ergo est necessitatus ad actum , qui est altera pars .

32. Quintò : Petrus non liberè conjungit actum cum prædeterminatione actus : ergo est antecedenter necessitatus ad actum . Probat antecedens : Petrus est necessitatus antecedenter ad hoc complexum , *existit prædeterminatio cum actus* cum existens sub prædeterminatione sit antecedenter necessitatus ad istud , *existit prædeterminatio actus* , & non existit sine actu ; non enim unum quoad significatum distinguitur ab alio : sed ad hoc secundum est antecedenter necessitatus ; nec enim in ipso est potestas evitandi , vel primam partem complexi , scilicet , *existit prædeterminatio* , vel secundam , & non existit sine actu , cum prædeterminatio sit essentialiter connexa cum actu : ergo Petrus præ-

determinatus ad actum est antecedenter necessitatus ad hoc complexum, & consequenter non liberè conjungit.

33. Sextò: Petrus prædeterminatus est simpliciter necessitatus ad hoc, ut vel ei deficiat prædeterminatio actûs, vel existat complexum ex prædeterminatione actûs, & actûs; cum metaphysicè repugnet, quòd existat sine actû; sed simul est simpliciter necessitatus ad hoc, ut ei non deficiat prædeterminatio; cum sit antecedenter impotens ponere carentiam prædeterminationis: ergo est simpliciter necessitatus ad complexum ex prædeterminatione actûs, & actû. Consequentia constat; etenim necessitatus simpliciter ad hoc, ut detur unum e duobus; si non est necessitatus simpliciter, ut detur determinatè unum ex illis, simpliciter necessitatus manet ad alterum.

34. Septimò: Hæc disjunctiva in Petro prædeterminatio fuit necessariò vera: *vel deficit mihi prædeterminatio, vel pono actum*; sed supposità prædeterminatione est falsa prima pars, videlicet quòd *deficiat prædeterminatio*: ergo supposità prædeterminatione actûs, est necessariò vera secunda pars talis disjunctivæ, *pono actum*: cum veritas necessaria propositionis disjunctivæ consistat in veritate necessaria alicujus ex partibus ipsius disjunctivæ: ergo non fuit liber in positione actûs.

35. Doctrinam argumenti falsissimam judicant omnes Thomistæ; cum ex illa plura intolerabilia sequantur incommoda veritati. Nam si aliquid ex iis, quæ ex parte Dei necessariò prærequiruntur ad actum liberum voluntatis creatæ (ut liberalis ejus voluntas, quæ dona sua facit merita nostra, aut inensa accensio cordium, & dona charitatis ad vehementiorem dilectionem) non est subjectum nostræ voluntatis dominio, de illo idem fit argumentum. Et claritatis gratia ponamus, quòd illud ex parte Dei necessariò ad actum requisitum, & nobis non subjectum, sit, aut vocetur A: tunc sic argumentor: Petrus non potest facere, quòd non existat complexum consistans ex A, & actû: ergo non potest facere, quòd non existat actus: ergo actum non ponit liberè. Planè hujus argumenti antecedens, & consequentiæ eisdem rationibus suaderi possunt, & debent, quò antecedens, & consequentiæ argumenti nobis objecti dicuntur à contrariis demonstrari. Cum ergo hoc nostrum argumentum sit fallax, & purum Sophisma, si reverà aliquid requiritur ad actum dominio voluntatis non subjectum, ut contrarium argumentum apparentiam habeat; necessariò præsupponit, nihil esse ad actum, etiam ex parte Dei, necessariò requisitum, quod non sit subjectum determinationi, & dominio voluntatis creatæ. Sed quid, si vertamus ad antiquas PP. concertationes? Non enim aliud contra nos urgetur argumentum ab eo, quod *Cælestius*, & *Pelagius* objiciebant SS. Doctoribus *Hieronymo*, & *Augustino*: quòd si ipsos minime convicit; nec nos usquam illo convincemur. Deindè, doctrina, cui nititur argumentum, supponit omnipotentia subjectionem ad nos in concurrendo, & consequenter assimari debet purum Sophisma, quod omnes solvere tenentur. Tertiò sequitur, quòd postquam Deus nobis contulit potestatem per auxilium sufficiens, cuncta nostræ voluntati derelicta sunt. Ex quo  
sur-

rursus sequitur, fore Deum nostræ determinationis inspectorem, aut speculatorem, minime verò provisorum, seu dispositorem, & elargitorem bonorum nostrorum. Quartò, quòd præter auxilium gratiæ adjuvantis possibilitatem voluntatis, & actionis, hoc est, præter auxilium sufficiens, quod in nobis exiit, etiam si nec bene velimus, nec bene agamus, admittendum minime sit aliud gratiæ adiutorium, quod Sanctus *Augustinus* vocat adiutorium voluntatis, & actionis, quod non exiit in nobis, nisi cum bene volumus, & bene agimus, ut contra *Pelagium* docet de grat. *Christi* cap. 47. undè nec orare deberemus. Quæ omnia sunt inconvenientia penitus intolerabilia.

36. Constat præterea argumenti fallacia, & nullitas ex manifestis instantiis. Et quidè primò loquendo de causis naturalibus, contingenter operantibus, itant illarum actiones possunt ab aliis agentibus naturalibus impediri, formatur instantia manifestè, quæ ad hunc Syllogismum potest reduci: Causa non valens impedire complexum constans ex decreto, seu physica prædeterminatione, & arboris floritione, non potest arboris floritionem impedire: sed frigus v.g. quantumvis intensum non valet impedire complexum constans ex decreto, seu prædeterminatione, & floritione: ergo frigus quantumvis intensum non valet impedire floritionem arboris. Vel aliter: Causa valens impedire floritionem arboris debet esse potens impedire omnia requisita cum floritione connexa: sed frigus quantumvis intensum non valet impedire omnia cum floritione connexa, quæ sunt ad floritionem requisita; quia nec decretum, nec prædeterminationem valet impedire: ergo frigus quantumvis intensum non valet arboris impedire floritionem. Certè quidquid ad hoc dixerint objicientes, argumenti sui videbitur esse solutio. Nam profectò requiri decretum connexum, & concursum prædeterminantem, seu determinatum à Deo, negare, ni fallor, non possunt; nec iterum negare possunt, requiri ad carentiam floritionis carentiam decreti, & concursus: & tamen frigus nullò modò ponere, aut removere & decretum, & concursum valens, potest absolutè arboris impedire floritionem: ergo falsa est major, & illius contradictoria vera.

37. Etiam instatur in causis liberis sub eadem forma, nempe in *Christo* Domino: cum eodem argumento probari possit, quòd fuerit antecedenter necessitatus ad complexum mortis cum præcepto illius, & consequenter ad mortem: etenim *Christus* erat antecedenter impotens ad carentiam complexi constantis ex præcepto mortis, & ex morte; cum fuerit ipsi antecedenter necessarium non esse complexi ex præcepto mortis, & ex morte: ergo in *Christo* non fuit liberum complexum ex præcepto mortis, & ex morte. Consequentia patet ratione ipsa arguenti: quia nequit esse unum contradictorium liberum illi, cui alterum contradictorium est necessarium antecedenter. Vel aliter, & clarius: Voluntas non valens impedire complexum constans ex præcepto mortis, & ex morte, non est libera in positione mortis: sed *Christus* erat antecedenter impotens ad carentiam complexi constantis ex præcepto

cepto mortis, & ex morte, cum fuerit antecederet impotens ad carentiam præcepti mortis, cuius carentia erat essentialiter carentia, complexi ex præcepto mortis, & ex morte: ergo liberè non conjunxit mortem cum præcepto mortis.

38. Hæc sanè sufficere possunt, ut videatur, quàm debile, & inermis sit argumentum hoc. Tamen, ut objectionibus politicis facillior sit solutio, ponendum primò, quòd complexa, quantum ad præsens attinet, sunt in triplici differentia. Alia constanter ex rebus, quæ nec in suis constitutivis, nec in suis existentis ullam ad invicem habent dependentiam, ut complexum his vocibus significatum *Petrus, & Paulus*. Alia constituuntur ex rebus mutuam ad invicem dependentiam habentibus, neutra tamen est causa prima alterius, ut compositum substantiale constans ex materia, & forma mutuò inter se dependentibus. Alia denique sunt complexa, quorum altera pars ab altera essentialiter dependet, non tamen est mutua dependentia; verùm pars, seu extremum dependens à parte, seu extremo independente accipit substantiam, & modum, necessitatem scilicet, contingentiam, aut libertatem, quæ sunt modi extremi, seu partis dependentis; modus enim, ut in Dialectica dicitur, est *adjacens rei determinatio*. Undè horum complexorum duplex est genus; nam aut pars posterior sequitur ex priori infallibilitate consequentiæ tantum, aut etiam necessitate, quæ dicitur antecedentis, sive consequentis. Porro inter hæc complexa, quantum ad summi non esse, est differentia valdè notanda, quòd primi generis complexa destrui possunt, & destruantur dupliciter: primò per destructionem cujuslibet ex suis partibus, id est illorum non esse ponitur per destructionem unius partis, etiam alià remanente, sive enim solus *Petrus* destruat, sive destruat solus *Paulus*, non remanet hoc complexum *Petrus, & Paulus*. Secundò destrui possunt per simultariam utriusque partis destructionem. Secundi generis complexa totidem modis destruantur, hoc dumtaxat excepto; quòd quia inter se mutuò pendunt partes; alterà adequatè destructà, alteram destrui necesse est, nisi forte altera locò prioris subrogetur; nam si à materia compositi substantialis omnis removeatur forma, necesse est perire materiam, quod ad præsens nihil interest. Quando verò altera pars complexi pendet essentialiter ab altera tanquam à causa prima, & efficacissima, atque metaphysicè cum parte dependente connexa, ut accidit in complexis tertii generis; tunc destructio partis dependentis, & non esse illius præsupponit essentialiter destructionem, non esse, seu carentiam alterius partis, quæ se habet velut extremum activum hujus dependentiæ. Sicut enim positio, atque existentia partis dependentis præsupponit essentialiter positionem, atque existentiam partis, vel extremi, quod vocamus activum, à quo illa essentialiter dependet; ita non esse, vel destructio partis dependentis præsupponit essentialiter non esse, seu carentiam alterius partis. Hæc tamen intervenit differentia in hoc genere, quòd quando pars antecedens infert alteram partem necessitate consequentiæ, & consequentis, inducit absolutam antecedentem necessitatem; quando verò illam

illam infert necessitate consequentiæ, & non consequentis, sive necessitate tantum infallibilitatis, nullam antecedentem necessitatem importat: & ideo non tollitur indifferentia libertatis erga posteriorem partem complexi, licet prior libera non sit voluntati. Exemplo doctrina fiat manifestata, & ponamus complexum constans ex decreto efficaci Dei, & ortu Solis. In illo partes, seu extrema ista comparantur, ut ortus Solis sit pars dependens essentialiter à decreto; decretum verò est pars metaphysicè connexa cum ortu Solis, à quo decreto permanente ortum Solis implicat separari. Destructio ipsius complexi non potest incipere ab ortu Solis, sed à destructione, seu carentia, & non esse decreti; sicut positio talis complexi necessariò inchoatur à positione decreti; quia verò decretum divinum importat necessitatem consequentis, & consequentiæ respectu ortus Solis, nulla est creata libertas, cui subiaceat ortus Solis, & ideo in hoc complexo importatur antecedens necessitas. E contrario verò in hoc complexo: *Prædestinatus perseverabit*; quia, prædestinatio ordinat perseverantiam, mediâ libertate, tota ratio necessitatis antecedentis est consequentiæ, aut infallibilitatis, non consequentis. Unde homo, qui non est liber ad totum complexum, est liber ad posteriorem partem complexi, cum tamen prior pars illius, neque possit esse sine secunda, neque subiciatur humana libertati. Hoc ipsum dicitur in præfenti: complexum enim ex prædeterminatione physica, & actu libero importat prædeterminationem, ut partem, seu ut extremum metaphysicè connexum cum actu connexione infallibilitatis; actum verò essentialiter ab ipsa dependentem quoad substantiam, & modum libertatis.

39. Secundò notandum aliud maximum discrimen inter positionem, & destructionem complexi. Ut ponatur complexum, sufficit, quòd ponatur secunda pars complexi, supposito, quòd prima pars illius sit posita ab alia potestate, eò quòd verè dicitur fieri, quòd unum coexistat cum alio, dum illud ponitur, postquam hoc sit ab alia potestate; non enim aliud dicit complexum, quàm coexistentiam unius cum alia parte. Ad auferendum verò complexum non sufficit auferre unam ex suis partibus, si, quando illa auferretur, supponitur altera pars ablata per aliam potestatem. Non enim intelligibilis est potestas ad tollendam coexistentiam duorum, si tantum detur potestas ad unum auferendum, postquam aliud per aliam potestatem supponitur ablatum.

40. His ita necessariis fundamentis subjectis, ad primam respondetur, distinguendo majorem: Qui potest facere, quòd aliqua pars alicujus complexi non sit, potest facere, quòd non sit totum complexum ex illa constans; si complexum sit ex illis, quorum destructio potest indifferententer incipere à qualibet parte, conc. maj. si illius destructio debeat inchoari à parte sibi aliam partem subordinante, neg. maj. & ad probationem distinguatur major sub eisdem terminis: Qui potest facere, ne sit prædicatum constitutivum alicujus rei, potest etiam facere ne sit illa res, si res illa non constet ex partibus, vel constitutivis, quorum alterum non subordinet sibi potentiam in positione alterius, transeat maj.:

maior: si altera pars complexi sit ipsa activa potentia subordinatio, neg. maior. & concessa minor. nego consequens. vel distinguatur consequens sub eisdem terminis. Etenim sicut potentia creata subordinatur Deo in ponendo actum, qui actus est altera pars complexi constantis ex ipso, & prædeterminatione physica; & positio complexi inchoari debet ab ipsa: quia positio complexi constantis ex causa, & effectu, à causa debet incipere; ita cum in ponenda negatione actus subordinetur Deo, non per negationem actus, sed per carentiam decreti juxta dicta num. 20. etiam pro priori ad carentiam actus debet existere carentia decreti, & prædeterminationis; cum pro priori ad carentiam effectus necessariò connexi cum sua causa debeat supponi carentia causæ.

41. Ad secundam respondetur, distinguendo majorem: Est necessitatus ad illud per impotentiam auferendi partem subordinantem, conc. maior. per impotentiam auferendi partem subordinatam, sive actum, subdistinguo: per impotentiam consequentem, & in sensu composito, conc. maior. per impotentiam antecedentem, & in sensu diviso, neg. maior. & sub eadem distinctione minoris, neg. consequens. Petrus itaque est necessitatus ad esse complexi, quia impotens est ad non esse illius: sed cum prior pars complexi sit antecedentis infallibilitatis, & non antecedentis necessitatis respectu posterioris, nullà necessitate ligatur voluntas ejus ad posteriorem partem complexi. Et ideo hac impotentia, & necessitas non est eadem, nec equalis respectu utriusque partis. Impotentia quippè, quam Petrus habet ad non esse prædeterminationis, est antecedens, & absoluta, aliàs non Petrus Deo, sed Deus Petro subordinaretur in concurrendo; nec Petrus operaretur ex Dominio Dei, sed Deus ex dominio Petri, quod est Deum subicere creaturæ. Necessitas verò, & impotentia ad non esse actus est consequens, quia consistens in ipso actu Petri, prædeterminatione supponente in Petro potestatem ad actum, & illius carentiam, Petrumque determinante juxta, & secundum modum agentis liberi, id est, infallibiliter inferendo, non necessitando. Vel aliis terminis potest distingui major: Petrus impotens ad non esse complexi est necessitatus ad illud adequatè sumptum, neg. maior. ad illud inadæquatè acceptum, conc. maior. & distincta eodem modo minori, nego consequentiam.

42. Ad tertiam (supponendo quoties hic dicitur necessarium idem duntaxat valere, ac non liberum; non verò idem, ac non defectibile, nec idem, ac inevitabile, quale esset quòd præoccupans liberum exercitium, illud non conferret, sed impediret juxta superius dicta num. 10.) constat solutio ex dictis distinguendo majorem: Impotens ad non esse complexi est necessitatus ad non habendum complexum constantem ex carentia prædeterminationis, & carentia actus, pari impotentia, & equali necessitate erga utramque partem, neg. maior. impotentia, & necessitate antecedenti erga carentiam prædeterminationis, & necessitate consequenti, seu consequentia erga carentiam actus, conc. maior. Necessitas, id est, non libertas, ad non habendum complexum, non aliam potest adferre necessitatem voluntati ad carentiam actus, nisi secundum illationem



nem à carentia præmotionis ad carentiam actûs. Illatio autem ista infallibilis est, & necessaria logicè, non physicè; nam ut suprà dictum est, negatio prævii concursûs nullo modo est causa negationis actûs voluntatis; sed causa est ipsa voluntas deficiens. Undè ipsa liberè ponit quod suum est, id est negationem. Convincit ergo argumentum, quòd sub negatione prævii concursûs ponit voluntas omissionem sui actûs, non ex negatione concursûs, sed ex defectibili natura. Undè licet ex negatione concursûs inferatur infallibilis negatio actûs, non tamen negatio necessaria, sed libera; quia libertati, ut diximus, non opponitur infallibilitas, sed necessitas. Itaque complexum illud habere mihi liberum non est; sed quia ex negatione prioris extremi sequitur negatio posterius, non necessitate causæ (quippe illa negatio non est causa istius) sed necessitate solùm illationis; ideo posterior negatio non necessaria, sed libera est.

43. Ad quartam distinguo maiorem: Petrus necessariò existit sub aliquo ex his complexis inadæquatè sumptis, & prout in illis importatur prædeterminationis, & carentia prædeterminationis, conc. maj. complexis adæquatè sumptis, secundum quòd includunt actum, & carentiam actûs, subdividinguo, pari, sive æquali necessitate ad omnia utriusque complexi extrema, neg. maj. inæquali necessitate respectu ad illa, conc. maj. & distinctà eodem modo minori, negatur consequentia ratione dicta. Nam carentiâ prædeterminationis caret Petrus necessitate, absolutâ, etenim prædeterminationem habet non liberè; carentiâ verò actûs caret Petrus necessariò, at non necessitate antecedenti, & absolutâ, sed necessitate consequenti, & secundum quid tali, quæ non opponitur libertati creatæ: ad omittendum liberè requisitæ; ac subindè liberè caret carentiâ actûs, aut omissione; quia volens ponit actum cum illa inconiungibilem.

44. Ad quintam nego antecedens, & probationem ejus. Nam ad veritatem illius complexi nulla est necessitas, nisi enuntietur conditionaliter sic: *Si existit prædeterminatio, existit actus*: qui idem sensus debet esse subinductæ ibi enuntiationis; nempe, *existit prædeterminatio; & non sine actu*. Denique autem in re purificationem conditionis ex libera Dei voluntate, ut absolutè enuntietur: *Existit prædeterminatio cum actu, aut non sine actu*, sed adde *libero*, & videbis argumentationis fallaciam. Quia duplex confunditur ibi necessitas, alia *veritatis propositionis*, quæ est *infallibilitas*, & hæc non est libera Petro; alia *existentiæ actûs*, quæ esset naturalis necessitas. Illa quidem datur, hæc non datur, quia actus est Petro liber. Antecedens enim necessitas veritatis propositionis, non est idem, ac antecedens necessitas actûs enuntiatæ in propositione. Omnia in hac propositione simul enunciantur: *Necessarium est* (id est, infallibile; hoc enim est necessitas veritatis enuntiatæ) *ut cum existit prædeterminatio, existat actus liber prædeterminatus*. Ecce simul necessitatem, quam probat argumentum, cum libertate, quam defendimus, nullâ terminorum contradictione. Sed & ecce puerile Sophisma potius, quàm argumentum. Si velis uti formali ter-

minorum solutione, dic: Est antecedenter necessitatus, quantum ad veritatem enuntiationis, concedo: quantum ad existentiam actûs, nego. Et retorque sub hac forma: *Prædestinatio existit, & non sine perseverantia finali*, est complexum, cuius veritas non est libera Petro; quippe enuntiatum connexio æternæ veritatis: ergo Petro non est liberum perseverare: ergo potest alicui antecedens esse non liberum, quin sit ipsi necessarium consequens illius antecedentis. Hoc in suis principiis etiam fateri tenetur Adversarii, cum apud ipsos rectè componatur libertas supra existentiam conditionis, quæ nec sit libertas supra existentiam conditionalis, nec supra existentiam conditionati. Non enim libera est Deo hæc conditionalis, si non existit auxilium A. existit peccatum Joannis, cum sit objectum scientiæ: mediæ Deo non liberæ; nec est Deo liberum hoc conditionatum, existit peccatum, cum peccatum non sit Deo liberum; & tamen datur libertas supra conditionem, nempe, non existit auxilium A: cur ergo non poterit etiam esse libertas supra existentiam conditionati, quæ nec sit libertas conditionalis, nec libertas conditionis? Cum in conditionali vera, sicut ex positione conditionis inferatur positio conditionati, ita ex defectu conditionati inferatur defectus conditionis.

45. Ad sextam responderetur distinguendo maj. Vel existat complexum ex prædeterminatione actûs, & actu libero, conc.; ex prædeterminatione, & actu non libero, neg. maj. Constat solutio ex numero antecedenti, ubi ostendimus, quod necessitas complexi, cui subest Petrus, est consequentiæ, illationis, & veritatis propositionis, per quam non excluditur libertas actûs prædeterminati.

46. Ad septimum conc. maj. & min. & consequentiam. Totum enim est verum; sed arguens minus rectè confundit necessitatem veritatis cum necessitate actionis, seu necessitatem consequentiæ cum necessitate consequentis; seu tandem infallibilitatem cum antecedenti necessitate. Igitur necessariò verum est, quod, si est prædeterminatio, ponat actum, sed unde probat, aut unquam probabit arguens, actum, quem pono, esse necessarium, aut non esse liberum?

#### §. IV.

*Utrum excludatur libertas, aut præmotio ex eo quod voluntas non possit tollere sensum compositum prædeterminationis, & actûs:*

47. **A**rgumentum, aliud in apparentia, re tamen verà idem cum præcedente, diversis vocibus obijciunt. Qui non potest tollere sensum compositum prædeterminationis, & actûs, seu compositionem ex prædeterminatione, & actu, non potest impedire actum: sed Petrus non potest tollere sensum compositum prædeterminationis & actûs, seu compositionem ex prædeterminatione, & actu: ergo non potest impedire

dire actum, & liberè operari . Quid enim certius , quàm quòd non possit tollere prædeterminationem , quæ necessitate metaphysicâ connectitur cum actu? Quod non est aliud, quàm ita necessariò esse compositam cum actu , ut non sit possibile ab actu separari .

48. Secundò , exercitium impediendi actum , quod est ipsum omittere , supponit non esse sensus compositi : ergo cum homo emittit , non aufert sensum compositum , sed ablatum supponit : sed chimæra est potestas ad auferendum , quod jam supponitur ablatum : ergo non datur in voluntate potestas auferendi sensum compositum prædeterminationis, & actûs, & consequenter, ut diximus, potestas liberè operandi .

49. Tertiò , qui non potest dividere actum à prædeterminatione , non potest tollere sensum compositum prædeterminationis , & actûs : sed voluntas actum à prædeterminatione dividere non potest : ergo nec potest tollere sensum compositum prædeterminationis , & actûs . Major constat , nam compositio duorum , quæ est illorum simul positio , solum per divisionem , ac separationem tollitur . Minor verò probatur : quia implicat , prædeterminationem esse divisam ab actu , vel in re existere sine actu . Quæ ergo repugnantia datur , ut extrema metaphysicè connexa ab invicem separari non possint, hæc eadem repugnantia est , ut voluntas possit prædeterminationem ab actu dividere : atqui actus non potest tolli , nisi divisus : ergo cui non est possibile dividere illum à prædeterminatione , non potest illum tollere .

50. Argumentum hoc , ut dixi , variat terminos præcedentis , sed minimè auget difficultatem . Contendit similiter , libertati creatæ subijcere concursum Dei : cum ex eo, vel nullo deducente, subjectio Dei, divinæque omnipotentiae ad nos quàm facillimè interatur . Easdem patitur superius adductas instantias ; constatque ex ibidem dictis falsitas doctrinæ , cui fidit , nec non ex responsione præcedentis argumenti , ubi pro solutione satis , quantum ego existimo , diximus . Sufficiat modò in memoriam revocare , quæ de sensu composito prædeterminationis , & actûs alibi tradidimus : includit enim , ut diximus , partem subordinantem , & partem essentialiter subordinatam , scilicet prædeterminationem , & actum . Ex quo fit , quòd impossibilitas destruendi compositionem , non oritur ex impossibilitate auferendi actum , sed quia ipsa actualis omisio , vel destructio actûs , debet esse Deo subordinata per carentiam prædeterminationis , ac proinde ipsum omittendi , seu non agendi exercitium præsupponit non esse sensus compositi prædeterminationis , & actûs , quia talis sensus compositus non subsistit sine prædeterminatione , quæ in instanti omisionis præsupponitur ablata , & illius carentia existens , non enim destructum iterum potest destrui . At hoc consideratè animadvertendum est ex superius etiam dictis , esse valde diversum dicere , dissensum esse à prædeterminatione divisum , à dissensu à prædeterminatione diviso . Non est in potestate voluntatis , quòd dissensus sit à prædeterminatione divisus , cum solum sit sub dominio Dei : at dissensus à prædeterminatione divisus est sub dominio voluntatis , cum sit penes ipsam potestas ad dissensum positivè divisum . Cujus

ratio est: quia hoc concretum *diffensum esse divisum* supponit pro forma divisionis, & denominatione extrinseca dissensu: à divisione desumpta, quæ sicut libera est Deo, ita & liberum ipsi, dissensum esse divisum: At hoc concretum *diffensus divisus* non supponit pro forma divisionis, sed pro substracto, nempe dissensu, qui, licet per voluntatem divisus non sit à prædeterminatione, est tamen ipsi liber, quia ita est, ut possit non esse: id, quod crebro explicat, atque agnoscunt Theologi tum in consensu prædefinito, tum in permissione peccati, in quibus licet non sit in voluntate potestas ad dividendam carentiam actus à præscientia, prædefinitione, & permissione, est tamen vera potestas ad carentiam actus positivè divisam ab illis: & maximè verificatur hoc in *Christo Domino*, in quo fuit vera potestas ad carentiam mortis composita cum præcepto mortis, quæ nec fuit potestas impediendi tale præceptum, nec potestas conjungendi carentiam mortis cum prædicto præcepto, sed solum potestas ad carentiam mortis, positivè divisam à præcepto mortis, divisione faciendâ à superiori præcipiente, pro casu, quo poneretur talis carentia.

51. Ex his omnibus, quæ jam pridem à nobis constituta sunt, ad argumentum respondetur distinguendo majorem: Si impossibilitas tollendi sensum compositum prædeterminationis, & actus nascatur ex impotentia impediendi actum, conc. maj. præcisè ex impotentia abijciendi prædeterminationem, neg. maj. & distinctâ eodem modo minori, negatur consequentia. Non enim potestas nostra est summa, qualem Deo convenire allerimus; nec sic contra gratiæ efficaciam constituenda, & intelligenda, quod gratiæ injuriam irrogemus; sed est potestas liberè operandi ex dono Dei, & sub dominio eius virtutis, aut potestas deficienti ab operatione ex nihilo nostro. Quare licet in ipsa non sit potestas ad divisionem faciendam, est tamen vera potestas ad actum divisum. Et carentia potestatis ad subordinandum sibi concursum Dei, & Deum ipsum, cum sit carentia potestatis chimericæ, vergere non potest in diminutionem potestatis creatæ, Deo immediatè in omni suo exercitio subordinatæ.

52. Hinc secunda addita minoris probatio facilè solvitur. Est enim questio de nomine, an videlicet, dici debeat, voluntatem tollere sensum compositum, ex eo quod pro priori supponat carentiam prædeterminationis necessariam ad existentiam omissionis? Cum hæc carentia non supponatur necessariò pro priori, *in quo*, seu durationis, sed pro priori *à quo*, ubi nullum est durationis intervallum, & ex alia parte voluntas ponit omissionem, quæ est non esse actus; Deus verò tollit prædeterminationem: quare benè dicitur, quod voluntas potest tollere sensum compositum, non utcumque, sed potestate secundâ, & dependenti, quia reverâ tollit alteram partem illius compositionis, nempe actum, sine quo sensus compositus minimè existit.

53. Ad tertiam jam suprà diximus Dub. 1. §. 3. num. 48. quod potestas voluntatis prædeterminatæ ad dissensum est potestas ad dissensum ut positivè divisum à prædeterminatione; tum quia dissensus positivè, &

essentialiter est divisus à prædeterminatione consensûs ; cum sit positivè, ac essentialiter divisus à quavis re, seu prædicato sibi essentialiter repugnante, ut verè ipsi repugnat prædeterminatio consensûs. Tum, quia dissensus positivè, & essentialiter est divisus à consensu, cum omis-  
 sio consensûs opponatur contradictoriè consensui : ergo divisa est talis omis-  
 sio positivè à prædeterminatione, quæ est inseparabiliter connexa cum consensu. Et tandem, quia sicut Petrum nullo modo valet genera-  
 re, qui non potest ponere, aut generare Petrum, ut positivè divisum à Paulo, quia Petrus positivè est à Paulo distinctus, & divisus, ita cum non minus, immo multò magis divisa sit omisio à prædeterminatione, potestas, quæ est ad omissionem, est potestas ad omissionem, ut positivè à prædeterminatione divisam. In quo minimè rejicimus modum lo-  
 quendi aliorum Thomistarum asserentium, dari in voluntate prædetermi-  
 nata ad consensum potestatem ad carentiam consensûs, ut divisam præcisivè. Non enim distinctio ista, divisioque præcisiva à suis Auctori-  
 bus eo in sensu, quo intelligitur ab Adversariis, accipitur. Etenim ly præcisivè non cadit supra potestatem ; cum potestas sit composita cum prædeterminatione ; sed supra terminum potestatis. Non cadit supra potestatem ; quia hæc supponitur constituta per principia constitutiva libertatis in actu primo, quibus accidit determinatio ad hoc potius, quàm ad oppositum, proveniens à concursu divino, & sine quo consi-  
 derata tota potestas voluntatis subsistit. Cadit supra terminum ; quia præscindit ab eo, quòd voluntas per ipsum se dividat, aut non se divi-  
 dat à prædeterminatione. Quòd si cui animus est, rem hanc planissimè expostam intueri, consulat Illustrissimum *Castell* in aureo illo libro de concordia liberi arbitrii Disp. 3. q. 6. sect. 3. rem hanc ita explicantem : quòd divisio præcisiva dissensûs terminantis potestatem prædetermina-  
 tionis ad consensum, non est præcisio dissensûs à compositione prædeterminationis, & à divisione prædeterminationis consensûs ; quia dissensui essentialiter repugnat componi cum prædeterminatione consensûs, & essentialiter convenit dividi ab illa : sed solum dissensum præscindere à remotione, & exclusione prædeterminationis consensûs, & à non divi-  
 sione ab illa ; quia accidit dissensui auferri prædeterminationem consensûs, ex suppositione accidentali, quòd talis existat prædeterminatio. Sit exemplum : Peccatum lethale, & gratia justificans mutuò essentialiter pugnant in communi Theologorum sententia, & tamen utrique acci-  
 dit alterum excludere, quia accidit utrique, dum adest, alterum sup-  
 ponere : nec enim peccatum semper excludit gratiam ; ut patet in peccato originali, & in peccato peccatoris : nec semper gratia excludit peccatum, ut patet in gratia Sacratissima *Virginis Mariæ*, Angelorum in primo instanti, & primorum Parentum. Stat ergo unum cum alio essentialiter pugnare, & non posse componi cum illo, & quòd ei accadat id ipsum excludere ; ita debet dici de dissensu, ut termino potestatis cum prædeterminatione, quòd ei est essentialiter non posse componi cum prædeterminatione consensûs, sed præscindere ab eo, quòd dividat volun-  
 tatem à prædeterminatione : dividere enim solum habet ex accidenti, quòd

quòd in voluntate prædeterminationem supponat. Sed quidquid sit de mente utentium distinctione, & solutione illâ, nos clariùs respondeamus ex doctrina tradita, distinguendo maiorem; Qui nec potestate secundâ, & dependenti potest dividere actum à prædeterminatione, non potest tollere sensum compositum prædeterminationis, & actûs, conc. maj. si potestate secundâ & dependenti neg. maj. vel subdividing. non potest potestatem Deum sibi subordinante, conc. absolutè, vel cum subordinacione, neg. maj. & distinctâ minori eodem modo, nego consequentiam. Non enim volumus, extrema hujus compositionis ita dividi, aut separari, ut permanente altero in rerum natura, alterum deficiat; id namque contradictionem involvit, sed quòd sit in voluntate potestas ad divisionem per hoc, quòd auferente Deo prædeterminationem, voluntas liberè, sed immediatè subjecta Deo, auferat actum omitendo. Sicut in contraria sententia, ut voluntas possit dividere actum à complexo constante ex scientia media, decreto per illam regulato, & auxilio efficaci, non requiritur, quòd possit voluntas, permanente complexo illo, actum destruere, ita ut actûs omisso cum toto illo complexo componatur, sed sufficit ad divisionem faciendam, quòd non existente complexo, actus non existat; & omnes intendimus per illam divisionem negationem conjunctionis: licet in principio, & modo illam faciendi omnino discordemus. Quare id simpliciter, & absolutè affirmamus, dari in voluntate prædeterminata potestatem ad dissensum divisum, non tamen ad divisionem dissensûs: cum solum sit potens ad id, quod in recto dicit *dissensus divisus*, non tamen ad id, quod in recto, & in obliquo dicit hoc complexum, *dissensum esse divisum à prædeterminatione*.

54. Sed contra solutionem argues primò: quia si non datur in voluntate potestas ad conjunctionem prædeterminationis cum actû, nec abijciendi prædeterminationem, non datur potestas ad dissensum composita cum prædeterminatione: etenim *Angelicus Magister* solum agnoscit potentiam ad terminum inconjunctibilem cum forma, dum subjectum potest à se abjicere formam. Hoc clarissimè probatur ex q. 6. de verit. art. 3. ubi cum sibi 8. proposuisset argumentum sub hac forma: *In formis illis, quæ non possunt removeri à subjecto, non differt utrum aliquid attribuitur subjecto sub forma considerato, vel sine forma; utroque enim modo hæc est falsa: Corvus niger potest esse albus. Sed prædestinatio est talis forma, quæ non potest à subjecto, vel prædestinato removeri: ergo prædicta distinctio in proposito locum non habet;* respondet: *Ad 8. dicendum: quòd nigredo, & albedo sunt quædam formæ existentes in subjecto, quòd dicitur album, & nigrum: & ideo non potest aliquid attribui subjecto, nec secundum potentiam, nec secundum actum, quòd repugnat formæ prædictæ, quandiu in subjecto manet. Sed prædestinatio non est forma existens in prædestinato, sed in prædestinate, sicut & scitum denominatur à scientia, quæ est in sciente. Et ideo quantumque immobiliter sit sub ordine scientiæ, tamen potest aliquid attribui ei, considerando suam naturam, etiamsi repugnet ordini prædestinationis; hoc enim modo prædestinatio est aliquid præter ipsum hominem,*

nem, qui dicitur prædestinatus; sicut nigredo est aliquid præter essentiam Corvi, quamvis non sit aliquid extra Corvum. Considerando autem tantummodo essentiam Corvi, potest ei aliquid attribui, quod repugnet nigredini ejus, secundum quem modum dicit Propylrius, quod potest intelligi Corvus albus; & ita etiam in proposito potest ipsi homini prædestinato attribui aliquid secundum se considerato, quod non attribuitur ei, secundum quod intelligitur stare sub prædestinatione. Ex quibus sic argumentor: quia prædestinatio inimpedibilis à voluntate non est forma existens in prædestinato, sed in prædestinante, potest attribui aliquid prædestinato secundum se considerato, quod non attribuitur ei secundum quod intelligitur stare sub prædestinatione, nempe posse mori in peccato; sed prædeterminatio est forma existens in prædeterminato: ergo non potest nec sensu composito, nec in sensu diviso aliquid ei attribui impossibile cum prædeterminatione.

55. Secundò: Si voluntas prædeterminata liberè ponit omissionem actus prædeterminati, quia in sensu composito prædeterminationis est potestas ad dissentium, ut fiat, divisione prædeterminationis per prius à Deo faciendæ: ergo solum habet potentiam ad positionem dissentis, dum non est sub prædeterminatione existens, vel si mavis, si desit prædeterminatio: quid enim aliud est sensus ille divisus à Deo faciendus, nisi quod erit potestas, si à Deo auferatur prædeterminatio? Sed hæc potestas est hæretica, quam non negavit Lutherus, nec Calvinus: ergo ad veram potestatem constitutivam liberi arbitrii, non sufficit potestas illa ad dissentium in sensu diviso prædeterminationis, se à requiritur, quod voluntas possit prædeterminationem dividere ab actu.

56. Sed doctrinæ positæ non adversantur objectiones istæ. Non, primò officere valent supra notata verba D. Thomæ loquentis de dispositione, & forma inherente subjecto ex natura ipsius, cum ipso permanentes, & necessariò conjuncta, quæ cum minimè ab ipso separari possit, consequenter in ipso non remanet potestas ad formæ oppositum, adhuc in sensu diviso; quod satis declarat exemplum, quo utitur Divus Thomas, nigredinis Corvi, qui licet sit aliquid præter ejus essentiam, cum tamen non sit aliquid extra ipsum, immò cum sit forma inseparabilis ab ipso, non potest aliquid attribui subjecto, nec secundum potentiam, nec secundum actum, quod formæ prædictæ repugnat. At cum prædeterminatio sit forma, & dispositio transiens, non orta ex intrinsecis liberi arbitrii, sitque forma nullum habens esse ratum, & firmum in libero arbitrio, sed sit motio connaturalis libertati, inferens quidem actum infallibiliter, nullà tamen naturali necessitate; ideò permanet in voluntate potestas ad dissentium in sensu diviso, licet dissentius non possit coexistere prædeterminationi.

57. Minus id ipsum erri valet ex secunda replica. Etenim conc. antecedenti, dissing. consequens: ly si desit dicente conditionem exactam, ut sit potestas, neg. consequ. ut sit terminus hujus potestatis, conc. consequ. Hic consideratè animadvertendum, quod ly si desit bitariam cogitari potest, vel ita, ut dicat conditionem exactam, ut in libero arbitrio sit

sit potestas; vel ut existat terminus hujus potestatis. Primum Catholicè affirmari nequit, cum talis constitutio liberi arbitrii hæreseos manifestè redarguenda sit; undè hanc potestatem constitutivam liberi arbitrii in *Calvino*, & *Luthero* sanctissimè, & iustissimè Ecclesia anathematis ferit censurà. Si tamen intelligatur, ut conditio exacta ad existentiam dissensus, hoc verissimum dicimus: hæc est Thomistarum mens, & doctrina, quòd cum prædeterminatione consensus datur potestas ad dissensum; licet in re non existat dissensus cum prædeterminatione consensus. Si aliter Thomistas aliqui intelligant, ipsis aliam esse illorum mentem probare incumbit; nisi velint ipsi de calumnia judicari. At neminem me legisse memini, qui, quantum judicio allequi possum, negare hoc cogitaverit, nec sum usquam suspicatus, Thomistam contrarium habuisse judicium, aut quòd habere unquam potuerit.

## §. V.

*An ad libertatem requiratur, quòd voluntas tollere possit dependentiam actûs à prædeterminatione?*

58. **Q**uintum argumentum Auctoribus oppositis familiarissimum desumitur ex eo, quòd Petrus prædeterminatus ad consensum salutarem, v. g. ad actum fidei, non potest facere, quòd liberè existat. Quod probant, quia nempe non est in ejus potestate, quòd actus fidei à prædeterminatione non dependeat: ergo nec potest facere, quòd actus fidei non existat. Consequentia est manifesta; quia existentia, vel esse actûs est dependens à prædeterminatione. Ant. probatur. Etenim actum non dependere à prædeterminatione solum potest fieri, vel per hoc, quòd physica prædeterminatio non sit, vel per hoc, quòd illà possit, & existente, ab illa non dependeat actus fidei: sed Petrus facere non potest, quòd non existat physica prædeterminatio; nec ulterius, quòd illà existente, actus fidei ab illa non dependeat, ut est constans, firmum, & certissimum Thomistarum principium: ergo nequit facere, quòd actus fidei à prædeterminatione non dependeat, & consequenter, quòd liberè existat.

59. Hic novum attingimus controversiæ punctum, undè & mens Adversariorum prodatur, & doctrina præcedentis argumenti magis elucidetur. At nunquam ad hoc inducar, ut credam, argumentum hoc à contrariis induci, ut convincens, tametsi ut ingeniosè excogitatum possit à quovis urgeri contra nostram doctrinam. Si enim, ut jacet, argumentum verum concludere putetur, actum erit de fidei principiis, quibus profitemur, nos non posse actu fidem habere, nisi Deus donet: dona insuper Dei in ejus esse arbitrio, non in nostro; ideo enim sunt dona: ac tandem donante Deo, nos liberè id ipsum facere, quod donum ejus est. Ulterius: Si ut homo liberè operetur, necessariū est, quòd dependentia actûs à concursu Dei sit nostræ voluntati subjecta, & depen-



dependentia quoque actûs à Deo eâdem ratione nostræ debet esse voluntati subjecta, & pro nostro exillere dominio; quia actus à Deo non aliter immediatè pendet, quàm per ejus concursum; sed suppositi liberi arbitrii potestate, nihil aliud requiritur, quàm determinatio concursûs Divini, & quòd voluntas, omni divinâ exclusâ determinatione, se ipsam determinet, & exclusio alterius efficacis auxilii, quo penitus destrueretur libertas: ergo cum constitui in actu proximo, & expedito libertate, hac omnia nostræ relicta sint libertati; & aliàs præsupponatur exclusio auxilii efficacis, cujus exclusio ab ipsis statuitur inter constitutiva libertatis; evidenter sequitur, quòd, ut simus liberi, cuncta debent esse nostræ relicta voluntati; & quòd destrueretur potestas, quæ alterius ope indiget; quod nescio, an ab arguentibus possit concedi. Rem magis explico: Si dependentia actûs à concursu divino, & à Deo, semel collatâ à Deo potestate, unicè pendet à nollro dominio, necessarium est, ut omnia nobis à Deo concessa talia sint, quæ nos possimus vertere in malum; nempe quæ possimus nos conjungere cum actu pravo: nam sicut concursum Dei, ac Deum ipsum pro nostro arbitrio possemus determinare, ut concurrat in actu bonum; ita & Dei concursum, ac Deum ipsum determinare possemus pro nostro placito, ut influat in actum malum: hoc autem nescio, an aliquis audeat dicere; quippè, ni vehementer fallor, juxta S. *Augustinum*, ejusmodi fundamento innixus militabat error *Pelagii*, cujus vel umbram scio viros Catholicos horrere, qui nobis aliàs adversantur.

60. Novum ulterius sequitur inconveniens, libertatem nostram constitui per subjectionem Dei ad nos: non enim potest dependentia actûs à Deo esse subjecta nostro dominio per hoc, quòd possimus nos pro nostro placito ponere influxum Dei activum in actum nostrum liberum, nisi determinatio Dei influentis, & consequenter Deus ipse, ut potens influere, sit dominio nostro subjectus; quod tot efficacissimis argumentis impugnatum manet: sed argumentum contendit, dependentiam actûs liberi à Deo, per hoc esse nobis subjectam, quòd possimus pro nostro placito, ac dominio ponere influxum Dei activum in actum liberum: ergo ut dependentia actûs liberi à Deo hoc modo sit nobis subjecta, concursus Dei, Deusque ipse, ut potens influere, debet dominio nostro esse subjectus: quod absurdissimum existimari debet.

61. Sed dimissis his inconvenientibus, ad argumentum omninò idem, ac præcedens, eâdem respondetur solutione, distinguendo ant. non est in ejus potestate, quòd actus non dependeat à prædeterminatione, potestate sibi Deum subiciente, conc. maj. potestate Deo immediatè subjectâ in ipso exercitio faciendi, neg. ant. & consequentiam. Pro cujus intelligentia opportuni planè laboris officium est præmittere, dependentiam actûs posse dupliciter sumi, activè scilicet, & passivè; activè sumpta, importat prædeterminationem, & ipsius influxum activum in actum, ratione cujus actum à se dependentem facit: passivè sumptâ dependentiâ dicit actum à prædeterminatione causatum. Si activè sumatur dependentia, hanc voluntas tollere non potest, quia

prædeterminationem existentem voluntas impedire non potest, ut actum non causet: hoc enim esset influxum activum Dei subijcere voluntati, & consequenter ipsum Deum: immò cum Deus per ipsam prædeterminationem det velle; ipsum velle est formalis ratio in voluntate non impediendi; non enim potest velle actum simul, & nolle motionem. Dependenciam passivè sumptam potest destruere voluntas; quia potest nolle id ipsum, quod movente Deo vult; & tunc negationem huius boni, quod est Deo per actum subijci, habebit ex esse sui, seu ex defectibili esse. Quare sicut dependentiam ponit subordinata Deo per concursum; ita passivam actus dependentiam auferit, Deo subordinata, per ejusdem concursus carentiam.

62. Si inferas: Ergo licet voluntas possit auferre dependentiam, & actum prædeterminatum; actum tamen ut dependentem, & ut prædeterminatum impedire non potest: sed hoc requiritur ad salvandam libertatem: ergo ex doctrina solutionis non salvatur libertas. Prima consequentia ex responsione planè videtur deduci: quia non valet destruere actum, ut dependentem, atque ut prædeterminatum, qui activam dependentiam, & prædeterminationem impedire non valet. Minor etiam constat: cum ad salvandam libertatem necessarium sit, quod voluntas in sensu composito prædeterminationis seipsam liberè determinet: alioquin voluntas ageret purè acta, & purè mota à Deo; non se ageret, nec se ipsam moveret. Consequentia similiter constat, cum, ut voluntas seipsam liberè determinet, sit necesse, quod ita actum eliciat, ut cum omnibus, cum quibus potestas se determinandi componitur, omissionem actus possit conjungere: ergo & quod possit tollere dependentiam activam, & actum, ut prædeterminatum.

63. Secundo & urgentius: Ut voluntas possit determinare seipsam, requiritur, quod non supponatur pro priori determinata. Hoc ex terminis videtur notum: quia determinatio existens pro posteriori indifferenciam, ac determinationem supponit pro priori existentem. Deinde, si in voluntate pro priori determinata esset locus, aut capacitas, ut seipsam determinaret, determinationem ipsam, quæ supponitur determinata, determinaret, quod vel est subijcere concursum divinum voluntati creatæ, vel contradictoria simul componere: ergo & requiritur, quod dependentiam activam sui actus ab alia quavis causa voluntas possit vel abijcere, vel impedire.

64. Pro solutione primum omnium firmum, solemneque sit, quod est à Tridentino sancitum sess. 6. de justificat. Can. 4. *Si quis dixerit, liberam hominis arbitrium à Deo motam, & excitatam, nihil cooperari dissentiendo Deo excitanti, atque vocanti, quò ad obtinendam justificationis gratiam se disponat, ac præparet, neque posse dissentire, si velit; sed velut inanime quoddam nihil omnino agere, merèque passivè se habere, anathema sit.* Hac est definitio fidei, & hoc ipsum cum D. Thoma docuerunt omnes illius Discipuli, qui voluntatem ita agi à Deo, ut ipsa etiam aliquid agat, ita moveri, ut se ipsa moveat, & ad hoc prædeterminari à Deo, ut se ipsa determinet, & moveat, constanter tenent.

65. Hæc

65. Hæc Catholica veritate constanter præfixa, ut patentius solutionem exponam, distinguo consequens : *Voluntas non potest impedire actum, ut dependentem, nec actum, ut prædeterminatum*, impotentia ortâ ex necessitate actûs, nego : ex inclusione infallibilis connexionis, sub reduplicatione, *ut*, concedo. At hæc infallibilis necessitas, cum sit merè illationis & consequentiæ, non destruit libertatem actûs ; ut toties diximus ; & ut videre est in *Christo* Domino, in quo fuit libertas ad actum præceptum, quin fuerit in ipso potestas ad actum reduplicativè ut præceptum, seu ad præceptum actûs ; idemque in præsentî dicimus de actu prædeterminato. Undè juxta Concilium Deus movet, & liberè voluntas se movet ; quia cum motio Dei effectum inferat infallibiliter, & non necessariò ; quantum deficit de necessitate motioni, adeff de libertate actioni.

66. Ad secundum etiam disting. antecedens. Necessarium est, quòd voluntas non supponatur pro priori determinata, formaliter, & à se, conc. antecedens, effectivè, & à Deo, subdisting. ; ut se determinet cum subordinatione, & ut causa secunda propriæ determinationis, neg. antecedens, ut se determinet subjiciendo sibi Deum, & ut causa prima propriæ determinationis, conc. antecedens. Et ad hujus probationem dicimus, quòd determinatio existens pro posteriori non requirit indeterminationem, & indifferentiam superioris, ut constat in Deo, cujus decreta libera nulla præcessit suspensio ; & in *Christo* Domino, atque in Angelis, qui in primo instanti sui esse per actus liberos suas exercuere voluntates. Requiritur ergo indifferentia potestatis, & dominii, & quòd potentia non sit ex natura sua determinata ad unum. At quòd non præcedat supremi agentis suppositio effectivè determinans, hoc non ad dominium secundi agentis, supremo Domino subiecti spectat, sed unice privativum est primi agentis potestatis, & infiniti dominii. Non enim voluntas creata exigit, quòd ipsi deficiat, aut non præcedat Dei electiva prædeterminatio, per quam efficit Deus, ut per illam voluntas se ipsam liberè determinet : solum enim ut voluntas seipsam sub prædeterminatione existentem determinet, requiritur, quòd nulla determinationem ejus formalem præcedat naturalis, id est ad unum, determinatio ; quòd enim præcedat determinatio infallibilis, libertati non officit, ut sæpè dictum est ; immo libertatem firmat, quia infallibiliter infert actum liberum. Quod pro solutione sufficiat, ne pergamus prolixitate graviore esse.

## §. V I.

*Utrum libertas creata requirat potestatem verificandi, & falsificandi præmissas, ex quibus infertur necessarium ablut, vel omissionis existentia?*

67. **E**N aliud argumentum, quod, licet vulgatissimum, validissimum tamen credunt Adversarii ad repugnantiam prædeterminationis probandam, quod sub sequenti forma conficiunt. Qui non potest falsificare aliquam ex præmissis, non potest falsificare conclusionem ex præmissis legitimè deductam: sed homo, qui non potest ad non esse prædeterminationis, non potest falsificare aliquam ex his præmissis: *Omnis homo prædeterminatus ad operandum, operatur: sed Petrus est prædeterminatus ad operandum*: prius namque est veritas necessaria, nec à Deo talia reddi valens: minor verò falsificari non potest, nisi per non esse prædeterminationis, quod Petrus in sua potestate non habet: ergo Petrus non potest falsificare propositionem, & conclusionem istam: *ergo Petrus operatur*, ex præmissis legitimè deductam: at illam falsificare est omittere operationem: ergo non potest omittere, & consequenter operatur necessarium, non liberè. Major probatur primò: quia non stat falsitas conclusionis legitimè illata: sine falsitate alterius præmissæ: ergo non stat potestas falsificandi conclusionem sine potestate ad falsificandam alteram ex præmissis. Secundò: Conclusio legitimè illata identificatur realiter cum præmissis, ac per consequens quidquid realiter opponitur conclusioni, realiter opponitur præmissis: ergo non est habilis potestas ad ponendum aliquid realiter conclusioni oppositum, & illius realiter destructivum, quin sit potestas ad destruendam aliquam ex præmissis. Tertiò: Si præmissæ essent absolute, & ex terminis necessariae, non posset non esse absolute, & ex terminis necessaria conclusio: ergo si præmissæ Petro sunt necessariae, Petro etiam erit necessaria conclusio: ergo ut Petro necessaria non sit, necessariam erit, quòd præmissarum altera Petro non sit necessaria. Quartò: Si prædeterminatio esset simpliciter necessaria Deo, & Petro, ipsis quoque operatio esset simpliciter necessaria: ergo si Petro est simpliciter necessaria prædeterminatio, Petro erit simpliciter necessaria operatio; & consequenter, vel in Petro non est potestas ad non esse operationis, vel est in ipso potestas ad non esse prædeterminationis. Quintò: Quia præmissæ istae, *Omnis homo est albus: quod movetur est homo*, sunt absolute contingentes, & non Petro conclusio, videlicet, *quod movetur est albus*, quæ rectè ex illis deducitur, est absolute contingens, & non Petro: ergo ut Petro sit contingens conclusio, debet Petro esse contingens, & libera aliqua ex præmissis.

68. At minoris quoque momenti aestimari debet hoc argumentum, quod contra se primò habet instantias suprà positas. Et quidem instatur in

in libertate *Christi* Domini, supposito præcepto mortis, sub sequenti forma. Impotens est ad falsificandam conclusionem legitimè illatam ex præmissis, qui non est potens falsificare unam ex talibus præmissis: sed *Christus* erat impotens falsificare aliquam ex his præmissis: *Omnis homo impeccabilis, si subdatur præcepto actu obliganti, ponit rem præceptam per tale præceptum: sed Christus est impeccabilis, & subditus præcepto mortis actu obliganti: & conclusio legitimè illata ex his præmissis est ista: Ergo ponit mortem præceptam: ergo Christus erat impotens ad falsificandam hanc conclusionem, cum ellet antecederet necessitatus ad præmissas; sed cui deficit potestas ad falsificandam conclusionem, est impotens ad omissionem mortis, cum per omissionem mortis talis conclusio falsificatur: ergo Christus fuit impotens ad omissionem mortis: ergo erat necessitatus ad mortem, & consequenter non est oblatu, quia ipse voluit.*

69. Ulterius: Falsitas doctrinæ, cui nitor argumentum, suadetur. Ex illa enim sequitur, Deum non solum esse subjectum homini in concurrento, sed etiam in prædefiniendo dono perseverantiæ. Quod ita convincitur retorquendo iterum argumentum: *Omnis homo potens verificare aliquam conclusionem legitimè deductam ex præmissis, alteram saltem ex illis verificare potest: sed hanc conclusionem: Petrus perseverat: quæ legitimè inferitur ex his præmissis: Omnis homo, cui à Deo prædefinita est perseverantia, perseverat: sed Petro à Deo prædefinita est perseverantia, Petrus verificare potest: ergo & aliquam ex præmissis potest verificare; sed non potest verificare majorem, cujus veritas, cum sit necessaria, & æterna, pendere non potest à verificativo contingente, & temporali: ergo potest verificare minorem, quæ sola est contingens. Major constat probationibus argumenti; minor continet prædefinitionem perseverantiæ: ergo si minoris veritas pendet ab arbitrio Petri quoad esse, poterit subinde Petrus necessitare Deum, ut prædefiniat suam perseverantiam: & consequenter non solum in concurrento, verum & in prædefiniendo hominibus perseverantiam erit homini subjectus: quod longè plurimum absurditatis accumulat superiori.*

70. Urgentiùs conficitur instantia in hoc Syllogismo: *Ut aliquis perseveret, debet à Deo accipere donum perseverantiæ: sed Petrus non accipit à Deo donum perseverantiæ: ergo Petrus non perseverat.* In hoc, inquam, Syllogismo conclusio legitimè deducitur ex præmissis, ac proinde falsa esse non potest, nisi vel utraque, vel altera saltem sit falsa. Major est definita à Sacro Concilio *Tridentino* sess. 6. de justificat. c. 13. & Can. 22. *Si quis dixerit, justificatum, vel sine speciali auxilio Dei in accepta justitia perseverare posse, vel cum eo non posse, anathema sit:* ergo sola minor est falsificabilis. Modò argumentum contra Adversarios sit ita redarguendo: Per vos, qui non potest falsificare aliquam ex præmissis, impotens est ad falsificandam conclusionem, quæ ex præmissis legitimè deducitur: sed hæc conclusio, *Petrus perseverat*, legitimè deducitur ex illis præmissis: ergo, ut Petrus valeat hanc falsificare

con-

conclusionem, debet esse potens falsificare alteram ex illis: sed major est iustificabilis ex relato Canone Concilii *Tridentini*: ergo debet esse potens falsificare minorem verificando minoris contradictoriam: sed contradictoria minoris est ista: *Petrus accipit à Deo donum perseverantiæ*: ergo habet in sua potestate, quod Deus illi conferat donum perseverantiæ: ergo & Deum necessitare potest, ut illud conferat. Quod nescio, an velint Adversarii: hoc enim apertissimè est Deum subijcere voluntati creatæ, & Deum ab illa necessitari, ut bona, ac dona sua tribuat contra *Apostolum* dicentem: *Miserebor cui miserebor, & misericordiam præstabo, cui misertus fuero: & alibi, Quod dividit singulis, prout vult*; quibus apertissimè commendat libertatem Dei in largiendo bona sua.

71. Urgetur magis, & confirmatur ratio facta. Hanc propositionem, *Petrus est prædeterminatus ad operandum*, quæ est minor in argumento contrario, per hoc præcisè potest falsificare Petrus, quod potest verificare illius contradictoriam, nimirum, *Petrus est prædeterminatus ad operandum*: ergo hanc propositionem, *Petrus non habet à Deo donum perseverantiæ*, per hoc præcisè potest falsificare Petrus, quod potest verificare illius contradictoriam, scilicet, *Petrus habet à Deo donum perseverantiæ*: sed ideò primam propositionem valet falsificare reddendo veram illius contradictoriam, quia potest, mediâ suâ determinatione, impedire potestatem, quam Deus habet, ut prædeterminet Petrum ad operandum; vel potius, quia Petro nolente, Deus non habet potestatem expeditam, ut prædefiniat Petrum ad operandum; quippè hæc potestas completur per scientiam determinationis Petri: ergo minorem nostri argumenti ideò falsificare potest, & suam contradictoriam veram facere, qui potest impedire potestatem, quam Deus habet, ut neget donum perseverantiæ, vel potius, quia Petro volente perseverare, Deus non habet potestatem expeditam, ut neget donum perseverantiæ. Patet consequentia; quia stante liberâ potestate in Deo, & facultate expeditâ ad conferendum donum perseverantiæ, nonnisi pro dominio, & placito Dei impediri potest, vel haberi prædictum donum; sicut stante in homine potestate ad operandum, & non operandum liberè, nec omissio, nec operatio impediri possunt, vel in re, poni, nisi pro dominio creaturæ, ut contendunt Adversarii; ex eo videlicet, quod libertatis jura petunt, nè ab aliquo extra se ad agendum, vel omittendum valeat potentia libera determinari. Ac subindè per hoc præcisè potest impediri existentia perseverantiæ, quia potest impediri potestas Divina illius collativa, & per hoc præcisè potest illius existentia esse in hominis potestate, ut contradictoria minoris nostræ exposcit ad sui veritatem, quia homo falsificans pro sua libertate minorem, potest impedire potestatem Divinam negandi donum perseverantiæ. Certè si argumentum Contrariorum probat contra Thomistas, & efficaciter nostrum demonstrat intentum: sed absit, ut in animum Christianus aliquis inducat, ita de Deo sentire.

72. At respondet Doctor Primarius Complutensis Pater *Ramirez* de

de Prædestin. disput. 5. cap. 2. num. 80. Petrum posse impedire veritatem illius minoris ex suppositione collationis gratiæ determinando , & acquirendo perseverantiæ donum , sequentibus verbis : *Si enim ex suppositione collationis gratiæ, & auxiliorum in manu hominis est fieri prædeterminatum ; eodem jure erit reddere efficax ultimum auxilium, quod in prædestinatione includitur: quod si, quamvis efficacia sit speciale donum Dei, hoc non tollit esse in nostra manu, reddere auxilium efficax nec perseverantiam esse speciale donum impediet, posse eam acquirere ex suppositione auxilii, reddendo illud efficax ; modo quo apud Adversarios verificatur, consensum salutarem esse speciale donum Dei ; & posse hominem dissentientem eum sub auxilio sufficienti determinare, & acquirere ; quare præmissa illa : Joannes non habet speciale donum perseverantiæ est impedibilis per libertatem ejus .*

73. Sed citra injuriam hujus eruditissimi Viri consonantior est doctrina SS. Augustini, & Thoma ; etenim Augustinus lib. de dono perseverantiæ cap. 8. ita ait : *Ex duobus autem piis, cur hinc donetur perseverantia usque in finem, illi autem non donetur, inscrutabiliora sunt iudicia Dei, illud tamen fidelibus debes esse certissimum, hanc esse ex prædestinatis . Nam si fuissent ex nobis, ait unus prædestinatorum, qui de pectore Domini biberat hoc secretum, mansissent utique nobiscum (1. Joann. 2.) Quid est quæso, non erant ex nobis ? Nonne utrique à Deo creati, utrique ex Adam nati, utrique de terra facti erant ; & ab eo, qui dixit : omnem statum ego feci (Isaia 57.) unius, ejusdemque naturæ animas acceperant ? Nonne postremo utrique vocati fuerant, & vocantem secuti, utrique ex impiis justificati, & per lavacrum regenerationis utrique renovati ? Sed si hoc audiret ille, qui sciebat procul dubio, quid dicebat, respondere posset, & dicere : vera sunt hæc, secundum hæc omnia ex nobis erant ; verumtamen secundum aliam discretionem, non erant ex nobis, nam si fuissent ex nobis, mansissent utique nobiscum. Quenam est tandem ista discretio ? Patent libri Dei, non avertamus aspectum : clamat Scriptura Divina, adhibeamus auditum . Non erant ex eis, quia non erant secundum propositum vocati : non erant in Christo electi ante constitutionem Mundi : non erant in eo sortem consecuti, non erant prædestinati secundum propositum ejus, qui universa operatur : nam si hoc essent, ex illis essent, & cum illis sine dubitatione mansissent. Et cap. 13. Et invocandi, & usque in finem perseverandi gratiam Dei non secundum merita nostra dari, sed donari secundum ipsius secretissimam, eandemque justissimam, beneficentissimam, sapientissimam voluntatem. Quibus expressè docet, non posse hominem nec acquirere, nec determinare existentiam specialissimi doni perseverantiæ finalis .*

74. Sed age nova hujus Sancti Doctoris testimonia perpendamus, ut inde fulciri magis possit veritas nostra. Sic loquitur lib. de corrept. & gratia cap. 8. *Si à me quærat, cur eis Deus perseverantiam non dederit, qui eam, quæ christianè viverent, dilectionem dedit ; me ignovare respondeo, non enim arrogans, sed agnoscens modulum meum audio dicentem Apostolum, O homo, tu quis es, qui respondeas Deo. Et innox :*

Si

*Si confiteris donum Dei esse perseverare in bono usque in finem; cur hoc donum ille accipiat, ille non accipiat, puto, quod mecum pariter nescis, & ambo hic inscrutabilia judicia Dei penetrare non possumus. Et iterum de his, qui ex bono in malum, deficiente voluntate, moriuntur: Respondeant, ait, si possunt: cur eos Deus, cum fideliter, & pie viverent, non tunc de vitæ hujus periculis rapuit, ne malitia mutaret intellectum eorum, & ne fictio deciperet animas eorum: utrum hoc in potestate non habuit, an eorum mala futura nescivit? Nempe nihil eorum nisi perverissimè, atque insanissimè dicitur. Cur ergo non fecit; respondeant, qui nos irrident, quoniam in rebus talibus exclamamus, quàm inscrutabilia sunt judicia ejus, & investigabiles viæ ejus &c. Sicut coguntur fateri, donum Dei esse, ut finiat homo vitam istam antequam ex bono mutetur in malum, cur autem aliis donetur, aliis non donetur ignorant: ita donum Dei esse in bono perseverantiam secundum Scripturas, de quibus testimonia multa jam posui, fateantur nobiscum: & cur aliis detur, aliis non detur, sine murmure adversus Deum, dignentur ignorare nobiscum. Id ipsum constantissimè docet Epist. 105. Cur ille credat, ille non credat (credit verò qui Deum sequitur vocantem; non credit qui non sequitur) cum ambo idem audiunt; etsi miraculum in eorum conspectu fiat, ambo idem vident; altitudo est divitiarum sapientiæ, & scientiæ Dei, cujus inscrutabilia sunt judicia. Et postea cum dixisset, Quod neminem Deus liberat (liberat verò eum, qui ipsum vocantem sequitur) nisi gratuita misericordia; & neminem damnat nisi æquissima veritate; addit: Cur autem illum potius, quàm illum liberet, aut non liberet; scrutetur qui potest judiciorum ejus tam magnum profundum: verumtamen caveat precipitium. Rursus lib. 2. de peccat. meritis. cap. 5. Cur illum adjuvat, illum non adjuvat: illum tantum, illam autem non tantum: istum illo, illum isto modo; penes ipsum est, & æquitatis tam secreta ratio, & excellentia potestatis. Et cap. 18. Quare illos velit convertere, illos pro averfione punire, quamquam in beneficio tribuendo nemo justè reprehendat misericordem, & in vindicta exercenda nemo justè reprehendat veracem &c. Consilium tamen occultioris justitiæ penes ipsum est: quibus magnus Parens apertissimè docet, quòd hujus tanti, & maximi doni, quantum est perseverare usque ad mortem, causa altior quærenda est, quàm sit propria hominum voluntas. Ad inscrutabilia Dei judicia refert mirabilem, & invictam ejus efficaciam, quæ minimè pendeat ex cooperatione liberi arbitrii, nec ex prævisione effectus securi in tempore: cum hujus infallibilis muneris causa solum sit ineffabilis Dei Bonitas, æterna Benignitas, & liberalis Omnipotentia.*

75. Idem agnovit Divus Thomas 1. 2. quæst. 114. artic. 9. dicens: *Quòd cum homo naturaliter habeat liberum arbitrium flexibile ad bonum, & ad malum, dupliciter potest aliquis perseverantiam in bono obtinere à Deo. Uno quidem modo per hoc, quòd liberum arbitrium determinatur ad bonum per gratiam consummatam, quod erit in gloria. Alio modo ex parte motionis Divinæ, quæ hominem inclinat ad bonum usque*



usque ad finem . Sicut autem ex dictis patet , illud cadit sub humano merito , quod comparatur ad motum liberi arbitrii directi à Deo n.oven-  
te , sicut terminus ; non autem id , quod comparatur ad prædictum mo-  
tum , sicut principium . Unde patet , quod perseverantia gloriæ , quæ est  
terminus prædicti motus , cadit sub merito : perseverantia autem viæ  
non cadit sub merito , quia dependet solum ex motione Divina , quæ est  
principium omnis meriti , sed Deus gratis perseverantiam boni largitur ,  
cuicumque largitur . Quod repetit 2. 2. quæst. 137. art. 4. Dicendum ,  
quod perseverantia dupliciter dicitur . Uno modo pro ipso habitu perse-  
verantia , secundum quod est virtus : & hoc modo indiget dono habitua-  
lis gratiæ , sicut & cetera virtutes infuse . Alio modo potest accipi pro  
actui perseverantia , durante usque ad mortem : & secundum hoc non  
indiget solum gratiâ habituali , sed etiam gratuito Dei auxilio conser-  
vantis h. minem in bono usque ad finem vitæ . Quia cum liberum arbi-  
trium de se sit vertibile , & hoc ei non tollatur per habituales gratias  
præsentis vitæ , non subest potestati liberi arbitrii etiam per gratiam  
reparati , ut se immobiliter in bono statuat , licet sit in potestate ejus ,  
quod hoc eligat . Plerumque enim cadit in nostra potestate electio , sed  
non executio . Hæc D. Thomas ; quibus ita clarè mentem suam aperit ,  
ut ex ipsismet verbis , jam satis , in qua sit sententia , intelligatur : quod  
nempe à potestate liberi arbitrii excludit perseverantiæ donum ; non  
præcisè quia pendet ex motione Divina effectivè , sed quia unicè pendet  
ab ipsa , quæ est principium gratiæ . Quare optimè contradistinguit , esse  
terminum , & esse principium actionis gratiæ : licet enim terminus præ-  
dicti motus , nempe perseverantia gloriæ cadat sub merito , & potestate  
liberi arbitrii , non tamen perseverantia viæ , quæ non est terminus alte-  
rius gratiæ datæ , sed consistit in sola gratiæ conservatione , quæ conser-  
vatio gratiæ nihil aliud est , quàm ejus continuata productio , seu non  
interrupta , nullum habens terminum novum , qui sit terminus gratiæ  
præexistentis . Unde concludit : *Deus gratis perseverantiæ donum lar-  
gitur , cuicumque largitur .*

76. Neque verò opus est tot utriusque Sancti Doctoris testimoniis  
uti , ubi Concilium tantâ evidentia loquitur , cujus auctoritas , postrema  
sit omnium confirmatio . Etenim sess. 6. cap. 13. sic Sacrosancta Synodus  
Tridentina definit : *Similiter de perseverantia munere , de quo scriptum  
est : Qui perseveraverit usque usque in finem , hic salvus erit , Matth. 10.  
quod quidem aliud haberi non potest , nisi ab eo , qui potens est , eum ,  
qui stat , statuere , ut perseveranter stet , & eum , qui cadit , restituere :  
nemo sibi certi aliquid absolutâ certitudine polliceatur ; tamen in Dei  
auxilio firmissimam spem collocare , & reponere omnes debent . Deus  
enim , nisi ipsi illius gratiæ defuerint , sicut cepit opus bonum , ita persi-  
ciet , operans velle , & perficere . Et Can. 16. Si quis magnum illud  
usque in finem perseverantiæ donum se certè habiturum absolutâ ,  
& insallibili certitudine dixerit , nisi hoc ex speciali revelatione didice-  
rit , anathema sit . Et Can. 22. Si quis dixerit , justificatum vel sine  
speciali auxilio Dei in accepta justitia perseverare posse , vel cum eo non*

Tom. IV.

A 22

posse ,

posse, anathema sit. Ubi Sancta Synodus utitur verbis ex *Augustino* desumptis de corrept. & gratia cap. 12. num. 36. & ejusdem *Apostoli* ad *Rom.* 11. ab *Augustino* usurpatis: *Potent est Deus ipsum statueret; ex quo intulit Augustinus de dono perseverantiae cap. 6 Non ergo ipse se ipsam, sed Deus; & Concilium, perseverantiam esse electorum proprium Dei donum; ergo quoad hoc manifestè pugnat doctrina solutionis cum Concilio, cujus definitio intelligi debet de illo dono, quo perseverantia donatur, quo fit, ut electi non nisi perseverantes sint, non autem de illo, quo perseverare tantum possint, vel quod juxta ipsos flexibile sit ex nutu, & arbitrio voluntatis.*

77. Enimverò cuinam persuasibile fiet, quòd hoc magnum perseverantiae donum, speciale auxilium, & Dei munus non sit efficax, prout descendit à Deo ante omnem prævium usum liberi arbitrii? Quis credet hujus efficaciam auxilii non Deo Omnipotenti, sed dispositioni, & inclinationi voluntatis esse attribuendam? Audiant *D. Thomam* 3. contra Gentes cap. 155. *Inveniuntur in Sacra Scriptura multa orationes, quibus à Deo petitur perseverantia, ut Psal. 16. Perfice gressus meos in semitis tuis, ut non moveantur vestigia mea. 1. Paralip. 29. Domine Deus custodi in aeternum hanc voluntatem cordis eorum, & semper in venerationem tui mens ista permaneat. Matth. 26. Orate, ut non intretis in tentationem, id est, ne tentationi succumbatis. Joan. 17. Pater Sancte, serva eos in nomine tuo, quos dedisti mihi. Et postea: Non rogo ut tollas eos de Mundo, sed ut serves eos à malo. 2. Thessal. 2. Dominus noster &c. Exhortetur cor da vestra, & confirmet in omni opere, & sermone bono. Ex quibus intet *D. Thomas*, derisorium esse aliquid à Deo petere, cujus ipse dator non ellet, & consequenter perseverantiae donum esse, non hominis, sed Dei. Quod antea dixerat *Augustinus* lib. de dono perseverantiae cap. 2. *Cur perseverantia ista poscitur à Deo, si non datur à Deo? An & ista irrisoria petitio est, cum id ab eo petitur, quod scitur ipsam non dare, sed ipso non donante esse in hominis potestate? Sicuti irrisoria est etiam illa actio gratiarum, si ob hoc gratia agitur Deo, quod non donavit ipse, nec fecit: sed quod ibi dixi, hoc & hic dico: Nolite errare, inquit Apostolus, Deus non irridetur. Et paucis interpositis: an ab illo perseverantia nostra forte non poscitur? Jam hoc qui dicit, non meis disputationibus refellendus, sed Sanctorum orationibus revocandus est.**

78. Nec nobis reponant, esse in potestate liberi arbitrii abstinere à peccato: nam licet hoc negativum sit in ejus potestate, non tamen hoc affirmativum, perseverare in finem sine peccato, ut eruditissimè probat Sapientissimus noster Mag. *Bolivar* de gratia Dei dub. 14. §. 6. ex *D. Thoma* dicente q. 24. de verit. quæ est de libero arbitrio, art. 13. in corp. *Respondeo dicendum, quòd aliud est dicere, posse abstinere à peccato, & posse perseverare usque ad finem vitæ in abstinendo à peccato: cum enim dicitur aliquis posse abstinere à peccato, potentia fertur super aliquid negativum, ut scilicet aliquis possit non peccare. Et paulò interiorius: Sed cum dicitur, iste potest perseverare usque in finem vitæ*

in

in abſtinentia peccati, potentia fertur ad aliquid affirmativum, ut ſcilicet aliquis ponat ſe in tali ſtatu, quod peccatum in eo eſſe non poſſit. Ubi D. Thomas aperte diſtinguit illa duo, nempe poſſe non ponere obicem gratiæ, ſeu poſſe non peccare, & poſſe ſe conſtituere in ſtatu, in quo non poſſit peccare, quod fit per conjunctionem gratiæ cum morte. Ad primum aſſerit, quod homo exiſtens in gratia eſt potens, illis verbis: *Et hoc poteſt quilibet in gratia exiſtens*, loquendo de peccato mortali: ad ſecundum autem docet, non poſſe, & reddit rationem his verbis: *Aliiter homo per actum liberi arbitrii non poſſet ſe facere perfeverare, niſi ſe impeccabilem faceret, quod eſt impoſſibile*. In quibus aperte docet D. Thomas, poſſe hominem exiſtente in gratia non peccare, non tamen perfeverare; quia hoc eſt conſtituere ſe in ſtatu tali, quod in eo non poſſit eſſe peccatum; quod homo per actum liberi arbitrii facere non poteſt, niſi poſſet ſe impeccabilem conſtituere, aut in ſtatu, in quo non poſſit in eo eſſe peccatum, qui eſt gratiæ conjunctione cum morte. Quæ modò ſufficiant, ut ad ſolutionem argumenti revertamur,

79. Secundò nova ſumitur inſtantia ex natura prædeſtinationis Divinæ ſubſequenti forma: *Omnis, qui ſalvabitur, eſt ab æterno prædeſtinatus; ſed Petrus non eſt ab æterno prædeſtinatus: ergo Petrus non ſalvabitur*. Quæ conſequentia eſt legitimè ex præmiſſis deducta, & eſt libera Petro, cum ſit ei liberum ſalvari; cum tamen ſit antècedenter neceſſitatus ad præmiſſas non falſificandas; cum nec poſſit impedire veritatem majoris, nec in ſui poteſtate ſit, eſſe ab æterno prædeſtinatum,

80. Hic novo, vel potiùs eodem ſe perſugio munit Pater Ramirez, ubi ſe hujus inſtantiæ efficacià obrutum ſentit. Sic enim diſput. 5. cap. 2. num. 79. loquitur: *Ad primum dicimus, quod quidquid ſit de illa majori præmiſſa: omnis, qui ſalvabitur, eſt ab æterno prædeſtinatus, an poſſit impediri, vel non? Tamen illa minor: Petrus non eſt prædeſtinatus, poteſt impediri; non quatenùs abſolutè poſſit proferri, ut notarunt loquendo, Faſolus, & alii, in manu hominis eſt prædeſtinari, aut reprobari, ne ſonet cum Semipelagianis, hominem poſſe ſolis ſuis viribus prædeſtinationem acquirere, aut excludere: ſed in quantum homo ex ſuppoſitione gratiæ Dei, quæ ſine meritis inſtruitur, & intentionis Dei volentis, quemvis ſalvari, niſi per ipſum fuerit, poteſt facere talia opera, quæ ſi dentur, erunt inſeparabilia à prædeſtinatione, & auxilium erit collatum cum præparatione certa, & inſalubili affectionis ſalutis: quo ſenſu dixit D. Petrus Epiſt. 2. cap. 1. Fratres ſatagite, ut per bona opera certam veſtram vocationem, & electionem faciatis. Et D. Proſper (apud Leſſum) ad objectiones Vincentianas reſponſ. 12. Quia præſciti ſunt caſuri, non ſunt prædeſtinati; eſſent autem prædeſtinati, ſi eſſent reverſuri, & in ſanctitate manſuri. Et ad Capitula Gall. reſponſ. 7. Quia illos vituros propriâ ipſorum voluntate præſcivit, ob hoc à filiis perditionis nullâ eos prædeſtinatione diſcrevit. Clarius adhuc reſponſ. 3. ad cap. 7. Non ex eo neceſſitatem perennandi habuerunt,*

quia prædestinati non sunt, sed idèd prædestinati non sunt, quia tales futuri ex voluntaria prævaricatione præciti sunt. Accedit commune illud essatum, seu Theologorum axioma, quamvis falsè tributum Divo Augustino, ut notavit P. Suarez t. part. tract. 2. lib. 5. cap. 8. num. 5. Si non es prædestinatus, fac, ut prædestineris: est igitur impedibilis illa præmissa.

81. Vide, quàm palliū fateatur, quòd prædestinatio non est unicè ex electione Dei prædestinantis, sed ex determinatione prædestinati. Quid ergo respondeamus? Verè falsissimum esse, quod allèrit, dicente Divo Thoma quaest. 6. de veritate art. 3. *Prædestinationem non esse per electionem prædestinantis, est contra auctoritatem Scripturæ, & dicta Sanctorum*. Quæ D. Thoma sententia èd usque vera est, ut nemo unquam ex antiquis Scholasticis non judicaverit, hanc esse vocem Scripturæ, Patrum, Summorum Pontificum, & Conciliorum, ut affirmat tota Societas Jesu in Libello de ratione studiorum regul. 6. pag. 14. & 37. ubi inter sententias, quæ ab omnibus sequendæ præscribuntur, duodecima ponitur: *Ex parte nostra nulla fuit ratio, vel conditio prædestinationis*. Et infra: *Definitum est, prædestinationis, nec rationem, nec conditionem esse ex parte nostra. Id ad pietatem parùm pertinere dicet aliquis. At hanc Augustini doctrinam non modò communior Theologorum Schola jam recepit, sed & Ecclesiæ Patres per 1200. circiter annos, qui id contendunt probare ex Scripturis, & responsis Pontificum Romanorum, nempe Zosimi, Sixti, Cælestini, Leonis, Gelasii, apud quos Massilienses, Cassianus, Faustus, aliique hujus Prædestinationis oppugnatores malè semper audierunt*. En ubi fatentur Patres Societatis, sententiam illam de prædestinatione absque ulla ratione, vel conditione ex parte nostra, esse sententiam D. Augustini, & Patrum Ecclesiæ per 1200. annos. Quare P. Henricus Henriquez doctrinà celeberrimam lib. ult. de fin. homin. cap. 11. ait: *Vera, & communis Theologorum sententia nullam supponit causam motivam, aut conditionem prævisam ex parte hominis, qui salvatur, ut immutabili Dei voluntate dirigatur, & prædestinetur ad vitam æternam, & ad media omnia efficaciter: sed quicumque hominum cum effectu salvabuntur, in quadam excellenti, certa, & antecedenti providentia Dei Supernaturali sunt gratis selecti de massa corruptionis, & prædestinati ob Christi meritum, ante prævisum illorum vitæ decursum, & rationis usum; atque adeò ante prædictum illorum decessum in gratia perseverantem, aut nullum istius hominis opus liberum præmio, & dilectione dignum*. Quod èd usque verum credimus, ut nemo penè ex antiquis Scholasticis hanc non judicaverit esse veram SS. PP. intelligentiam.

82. At manifestum sumitur adversùs solutionem argumentum ex Concilio Tridentino, prædestinationem arcanum mysterium dicentis, sess. 6. cap. 12. Quid ergo est mysterium, quid arcani in toto Divinæ prædestinationis negotio, si ex parte hominum, qui prædestinantur, datur causa efficacis suæ prædestinationis? Quid mirabile, si actus divinæ voluntatis simul gloriam, & merita volentis, sive illud primum decretum

tum efficax , & absolutum , quo nempe decreta sunt gratia , & merita , quibus ad gloriam pervenient , sic in potestate liberi arbitrii est , quòd potens sit falsificare propositionem istam , *Petrus est prædestinatus* ? Ad quid exclamat *Paulus ad Rom. 11. O altitudo divitiarum sapientiæ , & scientiæ Dei , quàm incomprehensibilia sunt judicia ejus , & investigabiles viæ ejus* ? Nisi quia referens mysterium divinæ prædellinationis , priùs dixerat *ad Rom. 8. Cùm nondum nati essent , aut aliquid boni egissent , vel mali , ut secundùm electionem propositum Dei maneret , non ex operibus , sed ex vocante dictum est eis quia major serviet minori , sicut scriptum est : Jacob dilexi , Esau autem odio habui .* An quia ex suppositione gratiæ Dei , quâ sine meritis instruitur , & intentionis Dei volentis , quemvis salvari , nisi per ipsum fuerit , potest talia opera facere , quæ si dentur , erunt inleparabilia à prædellinatione ? Audiant *Augustinum Epist. 105. Quis , inquit , istum acutissimum sensum fuisse Apostolo non miretur ? Hoc quippè ille non vidit , quando sibi velut adversantis objectâ quæstione non id potiùs tam breve , tam apertum , tam , sicut isti putant , verum , absolutumque respondit : cùm enim rem suspendam proposuisset , quomodò de nondum natis , nec aliquid agentibus boni , aut mali rectè dici potuerit , quòd unum Deus dilexerit , aliud odio habuerit , ipsâ sibi objectâ quæstione motum exprimeus auditoris : quid ergo dicemus , inquit ? Numquid iniquitas apud Deum ? Absit . Hic ergo erat locus , ut diceret , quod isti sentiunt : futura enim Deus opera prævidebat , quando minori majorem servitutum esse dicebat . Non autem hoc Apostolus dixit , sed potiùs ne quisquam audeat de futurorum operum meritis gloriari , ad Dei gratiam , & gloriam commendandam voluit valere , quod dixit . Ubi Magnus Parens ostendit , vocationem , quâ nos vocavit Deus in suum Regnum , & gloriam , non pro meritis nostris , sed pro misericordia sua dari ; cùm non sit de his , quæ dantur pro hominum merito , sed de his , quæ tantùm pendent ex beneplacito Dei , valis misericordiæ sine ullis meritis solo gratiæ dono præparantis gloriam .*

83. Hæc eadem in hoc remotissimo ab humana cogitatione divinæ prædellinationis secreto est mens *Angelici Præceptoris* 1. part. qu. 23. art. 5. ad 3. *Quare vos elegit ad gloriam , & illos reprobavit , non habes rationem nisi divinam voluntatem .* Et quæst. 6. de veritate art. 2. *Quòd Deus velit dare gratiam , & gloriam , hoc ex mera liberalitate procedit . In his , quæ liberalitate procedunt , tantùm causa volendi est superabundans affectio volentis ad finem , in quo attenditur perfectio bonitatis ipsius : undè causa prædellinationis nihil est aliud , quàm bonitas ipsius Dei .* Quod repetit ad 9. & quæst. 7. art. 6. ad 3. dicens : *Vitam gloria Deus non providet nisi ex beneplacito suæ voluntatis* : ergo prædellinatio non est hominum se ipsos , quamvis cum gratia , prædellinantium , sed solum Dei , gratis omninò ad vitam æternam eligentis , & media ordinantis ad ejus consecutionem .

84. At non est hic locus hæc diffusius tractandi . Quare solum ad fundamenta *P. Ramirez* dicimus , nihil eorum , quæ ab ipso dicuntur , in-

infallibilitati prædestinationis officere. Etenim cum prædestinatio non sit aliquid in prædestinato, ut supra diximus, & docet D. Thomas 1. part. quæst. 23. art. 2. non ponit aliquid destruens libertatem, sed prædestinati remanent liberi ad bonè, vel malè agendum, & moriendum, sicut si nulla esset prædestinatio, vel reprobatio. At quia hanc Deus implere statuit per liberum hominis arbitrium; rectè sollicitudinis, vigilantia, & timoris admonemur, ut omnes, teste D. Augustino de correptione, & gratia cap. 13. *Etiā qui bonè currunt, timeant, dum occultum est, quò perveniant.* Sic D. Petrus dixit: *Satagite, ut per bona opera certam vestram vocationem faciatis;* non certam Deo, sed certam nobis certitudine quādam morali, cum per bona opera prædestinationis effectus certitudinaliter impleatur, ut docet D. Thomas 1. part. quæst. 23. art. 3. *Unde prædestinatis conandum est ad bonè agendum, & orandum, quia per huiusmodi prædestinationis effectus certitudinaliter impletur.* Propter quod dicitur 2. Petri: *Satagite, ut per bona opera certam vestram vocationem, & electionem faciatis.* Quæ tamen certitudo est conjecturalis, ut probat D. Thomas 1. 2. quæst. 112. art. 5. *Tertio modo aliquid cognoscitur conjecturaliter per aliqua signa. Et hoc modo aliquis cognoscere potest, se habere gratiam, in quantum scilicet percipit, se delectari in Deo, & contempere res mundanas, & in quantum homo non est conscius sibi alicujus peccati mortalis.* Nihil in contrarium probant testimonia allata D. Prosperi, cum his, & similibus sententis nihil aliud intelligat, nisi quòd Deus præsciens, & permittere volens eorum peccatum, noluit eos eripere: essent autem prædestinati, si essent reversuri, id est, si Deus gratiam reversionis, & per mansionis in illa ipsis præparasset. *Quòd autem illos non eo tempore, quò in fide recti, & bonis operibus erant, ab hac vita Deus abstulit: ad occulta ejus judicia, quæ tamen nunquam sunt injusta, referendum est,* inquit ipse Responsione 3. ad Capit. Gallorum. Eodemque modo intelligendus est D. Augustinus, dum asserit: *Si non es prædestinatus, ora ut prædestineris:* id est, si nondum in te percipis effectus, & signa prædestinationis, ora, ut ea assequaris. Quæ sententia, ut rectè advertit responsio, non est Augustini, nec apud eum invenitur; sed tract. 26. in Joann. ita habet: *Nondum traheris, ora ut traharis.*

85. Non ergo impedibilis est illa minor, ut expressè asseritur à D. Thomas 1. p. q. 23. art. 8. ad 3. *Dicendum, quòd secunda cause non possunt egredi ordinem cause primæ universalis (ut supra dictum est) sed ipsum exequentur.* Et ideo prædestinatio per creaturas potest adjuvari, sed non impediri. Quare ex opposito non est impedibilis veritas minoris, *Petrus non est prædestinatus.* Sed non solum Petro, sed etiam ipsimet Deo est inimpedibilis veritas minoris; cum nec Deus possit tacere, quòd non prædestinatus, hæc facta suppositione, sit prædestinatus, ut rectè explicat D. Thomas q. 6. de verit. art. 3. ad 10. *Absolutè loquendo, inquit, Deus potest unumquemque prædestinare, vel non prædestinare, aut prædestinasse, vel non prædestinasse; quia actus prædestinationis, cum mensuretur æternitate, nunquam cadit in præteritum, sicut*

sicut nunquam est futurum ; unde semper consideratur , ut egrediens à voluntate per modum libertatis . Tamen ex suppositione , hoc efficitur impossibile : non enim potest non prædestinare , supposito quòd prædestinaverit ; vel è converso . Et art. 4. ad 8. Quamvis de quolibet absolute concedi possit , quòd Deus potest eum prædestinare , vel non prædestinare ; tamen supposito , quòd prædestinaverit , non potest non prædestinare , vel è converso ; quia non potest esse mutabilis . Et ideo dicitur communiter , quòd hæc : Deus potest non prædestinatum prædestinare , vel prædestinatum non prædestinare , in sensu composito est falsa , in diviso vera .

86. Secundò ad instantiam respondet Doctor Dominicus Prado Primarius Complutensis Societatis Discipulus disp. 11. sect. 6. num. 114. sequens solutionem P. Herrera de prædest. q. 15. sect. 11. prædestinationem bitariam accipi posse , vel inproprie pro decreto executivo salutis , vel proprie pro præparatione mediorum ex fine præintente salutis : & cum instantia procedat de prædestinatione proprie sumpta , tenet , posse Petrum non prædestinatum impedire veritatem majoris illius : *Omnis , qui salvabitur , est ab æterno prædestinatus* ; cum prædestinatio proprie sumpta non sit necessaria , ut quis salvetur ; unde propositio illa non est necessaria , sed contingens , licet vera in præsentì providentia , juxta . Quare cum Petrus non prædestinatus possit perseverare finaliter , & salvari , potest impedire , providentiam præsentem , seu veritatem majoris , & inferre aliam distinctam providentiam : unde ait , falsum esse dicere , quòd ea propositio major solum affirmet , quòd Deus , quos prædestinavit , glorificet ; nam affirmat insuper , quòd neminem glorificet , nili quem prædestinaverit , quod est verum , sed impeditibile à Petro non prædestinato . Quibus consentit P. Ramirez disp. 11. cap. 4. num. 101. ubi asserit , *Non esse necessarium* , ut voluntas dissentientis possit impedire complexum , quòd possit impedire omnem partem illius ; sed unam , nempe præsentem providentiam .

87. Solutio hac apertissime prima sui prolatione communi Theologorum sensui repugnat , quàm ut aliò opus habeat impugnatione . Non est enim intelligibile , quòd hæc propositio , *Omnis , qui salvabitur , est ab æterno prædestinatus* , non sit necessàriò vera in omni providentia , cum detur necessaria , æterna , & infallibilis connexio salvationis cum prædestinatione , ut constat ex D. Augustino de prædest. Sanctor. cap. 17. *Quos prædestinavit , ipsos & vocavit , vocatione illa secundum propositum . Non ergo alios , sed quos prædestinavit , ipsos & vocavit : nec alios , sed quos ita vocavit , ipsos & justificavit : nec alios , sed quos prædestinavit , vocavit , justificavit , ipsos & glorificavit* . Enim verò cum impossibile sit futurum , cujus Deus præsciens non sit , nequit in hac providentia glorificatio dari , quæ à Deo ab æterno prædestinata non sit , cum Prædestinatio juxta D. August. lib. de dono persever. cap. 14. *nihil aliud sit , quàm præscientia , & præparatio beneficiorum , quibus certissime liberantur , quicunque liberantur* . Quòd beneficium est vita æter-

æterna, quâ homo liberatur à morte æterna, & à cæteris quibuscumque malis. Immo gloriam illam, quam posset Petrus habere, Deus ipsi daturus est: ergo eam prædestinatione præcivit; cùm, dicente *Augustino* cap. 10. de prædest. Sanctior. *Prædestinatio sine præscientia non potest esse: potest autem esse sine prædestinatione præscientia*. *Prædestinatione quippè Deus ea præcivit, quæ fuerat ipse facturus*. Non absumit Sanctus *Prosper* in resp. ad object. 15. *Gallor. Deum & præcivisse simul, & prædestinasse, quæ ipso erant Auctore facienda*. Ubi ratio utriusque S. Doctoris diligentissimè annoranda, & ponderanda est; quòd prædestinatione ea præcivit, quæ Deus ipse facturus erat: ergo vel Deo Auctore non esset facienda talis salvatio possibilis, vel ipsa ab æterno prædestinata est; cùm Deus nihil novi deliberet in tempore, sed omne ejus decretum sit æternum, & ab æterno. Sic semper resolvit, & explicat *Augustinus*, ut constat de dono persever. cap. 7. *Deus ergo donat perseverantiam utique in finem*. *Hac Deus facturum se esse præcivit*. *Ipsa est prædestinatio Sanctorum*. Et cap. 14. num. 35. *An quisquam dicere audebit, Deum non præcivisse, quibus esset daturus, ut crederent; aut quos daturus esset filio suo, ut ex eis non perderet quemquam?* *Quæ utique si præcivit, profectò beneficia sua, quibus nos dignatur liberare, præcivit*. Et eodem cap. num. 36. *Et ipsa igitur Dei donum est, quod se daturum Deus vocatis suis illa vocatione, de qua dictum est ad Rom. 11. sine penitentia sunt dona & vocatio Dei, omni Christiano consistente, præcivit*. *Hac est igitur prædestinatio, quam fideliter, atque humiliter prædicamus*. Et infra cap. 17. num. 41. *In sua, quæ falli, mutarique non potest præscientia, opera sua futura dispoñere, id omnino, nec aliud quidquam est prædestinare...* *An fortè nec ipsa dicunt prædestinata* (scilicet bona opera)? Ergo aut non dantur à Deo, aut ea se daturum esse nescivit. Quod si & dantur à Deo, & ea se daturum esse præcivit, protectò prædestinavit.

88. Clarissimum hujus rei præbet argumentum communis PP. Ecclesiæ modus loquendi, qui hæc tria, eile prædestinatum, electum, salvandum indiscriminatum usurpant, tanquam ea, quæ inter se convertuntur. Hoc manifestum sit variis Scripturæ locis, ut *Rom. 8. & 9. Ephe. 1. Matth. 25. Joann. 10. 1. Petr. 1. Apocalypf. 17.* in quibus omnibus per electos, prædestinatos, & oves Christi intelliguntur omnes salvandi. Hinc PP. Concilii Tridentini sess. 6. cap. 12. prædestinatos, & electos non alios, quàm salvandos intelligunt. Hinc & illa est *Fulgentii* sententia lib. de fide ad *Petrum* cap. 36. quâ negat, quemquam eorum, quos Deus non prædestinavit ad vitam, ullâ posse ratione salvari: *Firmissimè tene, & nullatenus dubites, neque perire posse aliquem eorum, quos Deus prædestinavit ad Regnum Cælorum, neque quemquam eorum, quos non prædestinavit ad vitam, ullâ posse ratione salvari*: ergo sicut impossibilis est providentia, in qua prædestinatus possit perire in sensu composito, ita & impossibilis est providentia, in qua non prædestinatus in sensu composito possit salvari. Sed quid in his immoramur? Usus totius Ecclesiæ id satis evidenter ostendit. In Canone Missæ legi-

tur;



tur; ab aeterna damnatione nos eripi, & in Electorum tuorum jubeas grege numerari. Et pro Delunctis in quadam oratione: *ut in Resurrectionis gloria inter Sanctos, & Electos tuos resuscitatus respiciat*. Et in alia: *Deus, cui soli cognitus est numerus Electorum in superna felicitate locandus*. Et rursum: *& nomina omnium fidelium beate praedestinationis liber adscripta retineat*. Ergo nec datur salvandus, qui non sit praeordinatus, nec praeordinatus, qui non sit salvandus. Ex his utique, talibusque textibus, & fundamentis, solutionis conficitur repugnantia.

89. Sed alteram accipe ejusdem responsionis repugnantiam, quae iterum revincitur solutio data. Etenim admisso, & nunquam concesso, quod praeordinatio non sit simpliciter necessaria ad salutem, negari tamen minime potest, nullum salvari, qui non sit praeordinatus, & quod non sit in potestate creaturae hanc praesentem impedire providentiam. Enimvero numquid praclarissimus ille divinae providentiae constitutus ordo, qui certissime, & infallibiliter consequitur effectum, teste D. Thomas 1. p. q. 22. art. 4. ad 2. & efficacissima ejus virtus, quae illum ordinem servat, regitque causas omnes, nec extra constitutum sibi ordinem egredi patitur, voluntati, & arbitrio humano erit subiecta? An causa secunda in suo gradu posita, constitutum sibi à divina voluntate ordinem transilire potest, & in alio se collocare? An & erit in ejus potestate, quod praeordinatio, quae est causa gratiae, & gloriae, cum ad gratiam importet respectum causae ad effectum, ut dicit D. Thomas 1. p. q. 23. art. 2. ad 3. ita fallibilis sit, ut in praesenti providentia fieri possit, quod salvetur quis in sensu composito detectus in ipso illius ordinis in salutem aeternam in mente divina existentis? Hoc aperte adversatur Isaia 46. dicenti: *Annuntians ab exordio novissimum, & ab initio, quae necdum facta sunt, dicens: Consilium meum stabit, & omnis voluntas mea fiet: vocans ab oriente avem, & de terra longinqua virum voluntatis meae, & loquutus sum, & adducam illum: ubi D. Thomas adnotat super ly stabit. quod ponit etiam praenuntiationis firmitatem, dicens: Stabit, implebitur voluntas hujus placiti: Ecclesiast. 25. Consilium ejus sicut fons vitae. Et Psal. 132. Omnia quaecumque voluit, fecit Dominus*. Ita D. Thomas: quibus qualiter cohaereat, quod homo possit impedire praesentem divinam providentiam, agere percipitur; sicut & quomodo creatura possit impedire Deum, ne ab aeterno habeat providentiam, quam de facto habet, de creaturis intellectualibus, & earum actibus liberis. Hoc iterum dico, penitus incredibile est: non enim creatura providentiam potest habere contrariam legi universali praesentis divinae providentiae; nec dari valet in ipsa potestas transmutandi fixum, & universalem praeordinationis ordinem. Quis enim hoc intelligere poterit absque eo, quod destruat libertas Dei? Cum praesens providentia impediri non possit, quin impediatur libertas, quae formaliter ordo iste est constitutus. Audiendus D. Thomas profundissime rem explicans, & quomodo causae creatae non constituunt legem necessitatis vel contingentiae, se à constituta à superiori causa utuntur, nec possunt con-

Tom. IV.

Bbb

stitu-

stitutum sibi à divina voluntate ordinem transilire . Sic enim scribit 6. Metaphys. lect. 3. *Sciendum est, quòd ex eadem causa dependet effectus, & omnia quæ sunt per se accidentia illius effectus . Sicut enim homo est à natura, ita & omnia ejus per se accidentia, ut visibile, & mentis disciplina susceptibile . Si autem aliqua alia causa non faciat hominem simpliciter, sed hominem talem; ejus non erit constituere ea, quæ sunt per se accidentia hominis, sed solum uti eis . Politicus enim facit hominem civilem; non autem facit eum mentis disciplina susceptibilem; sed hæc ejus proprietate utitur ad hoc, quòd homo fiat civilis . Sicut autem dictum est, ens in quantum ens est, habet causam ipsum Deum . Unde sicut divina Providentiæ subditur ipsum ens, ita etiam omnia accidentia entis, in quantum est ens, inter quæ sunt necessarium, & contingens . Ad divinam igitur providentiam pertinet non solum, quòd faciat hoc ens, sed quòd det ei contingentiam, vel necessitatem; secundum enim quòd unicuique dare voluit contingentiam, vel necessitatem, præparavit ei causas medias, ex quibus de necessitate sequatur, vel contingenter . Invenitur igitur uniuscujusque effectus, secundum quod est sub ordine divinæ providentiæ, necessitatem habere . Ex quo contingit, quòd hæc conditionalis est vera, si aliquid est à Deo provisum, hoc erit . Secundum autem quòd effectus aliquis consideratur sub ordine causæ proximæ, sic non omnis effectus est necessarius, sed quidam necessarius, & quidam contingent secundum analogiam suæ causæ . Effectus enim in suis naturis simulantur causis proximis, non autem remotis, ad quarum conditionem pertinere non possunt . Sic ergo patet, quòd cum de divina providentiâ loquimur, non est dicendum solum, hoc est provisum à Deo, ut sit; sed, hoc est provisum à Deo, ut contingenter sit, vel ut necessarium sit . Unde non sequitur secundum rationem Aristotelis hic inductam, quòd ex quo divina providentiâ est posita, quòd omnes effectus sint necessarii; sed necessarium est, effectus esse contingenter, vel de necessitate . Quod quidem est singulare in hac causa, scilicet in divina providentiâ . Reliquæ enim causæ non constituunt legem necessitatis, vel contingentis, sed constituta à superiori causâ, utuntur . Unde causalitas cujuslibet alterius causæ subditur solum, quòd ejus effectus sit . Quòd autem sit necessarium, vel contingenter, dependet ex causâ altiori, quæ est causâ entis, in quantum est ens, à qua ordo necessitatis, & contingentis interius provenit . Hæc D. Thomas: quibus commendat infallibilem illum divinæ providentiæ ordinem, cujus certitudini, & infallibilitati minime libertas opponitur creaturæ, cum in productione actûs liberi, tam intima sit dependentia à Deo, quam est intima inclusio rationis exis in ipsa ratione differentiali actûs liberi, seu modo libertatis .*

90. Secundò falsitatis evidentissimè convincitur hæc solutio . Etenim si Petrus non prædestinatus liber est, ut Deus habeat circa ipsam providentiam contrariam Divinæ prædestinationis legi: ergo & in omnibus aliis non prædestinatis hæc eadem agnofci debet potestas, & libertas, cum par in omnibus sit ratio . Hæc sanè est illamnet consequentia, quòd D. Augustin. probat, Christum Dominum mereri non potuisse gratiam unio-

unionis ex meritis liberi arbitrii, quia nempe non esset unus Filius Dei, sed plures. Sic enim discurret lib. 2. de peccat. merit. & remiss. cap. 17. *Unum quippe illum esse oportebat. Essent autem & duo, & tres, & plures, si hoc fieri posset, non per Dei proprium donum, sed per hominis liberum arbitrium*: ergo pariter essent duo, & tres, & plures impediētes præsentem prædestinationis providentiam, semel quod dependeat à potestate liberi arbitrii; quod satis, superque eadem ratio persuadet: vel assignent discrimen, cur hæc *Augustini* consequentia recta sit, & non sit recta illatio facta? Ex quo & novum sequitur inconveniens, quod omnes isti gloriari poterunt, quod ipsi ex se ipsis facti sunt Beati, absque eo, quod in misericordiam Dei prædestinantis ipsorum gloria referri debeat; gloriari poterunt, quod Deus mirabilis in aliis Sanctis suis, non gloriosus sit in ipsis, cum non misericorditer, sed ex libero arbitrio auxiliis sufficientibus constituto, ad tantum gloriæ culmen evecti sint; quod & adversus jam dicta ex Sacra Scriptura, & SS. PP. pugnare est manifestum, & falsum omnino (ni me opinio fallit) reddit illud *Augustini* effatum Pelagianos redarguentis, qui Sanctos impensissimè laudabant, ut Deum minimè sanctitatis auctorem agnoscerent, sed ipsos non in Domino, sed in seipsis gloriari debere. Sic enim habet lib. 3. ad Bonif. cap. 8. *Saueli omnes sive ab antiquo Abel usque ad Iuannem Baptistam, sive ab ipsis Apostolis usque ad hoc tempus, & deinceps usque ad terminum sæculi, in Domino laudandi sunt, non in seipsis; quia & illorum anteriorum vox est: In Domino laudabitur anima mea; & illorum posteriorum vox est: Gratia Dei sum id, quod sum, & ad omnes pertinet: Ut qui gloriatur, in Domino gloriatur*. Sed nè hæc repetantur, lectorem ad supradicta remittimus. At prætermittere non debemus Sacra Scriptura sententias, quibus non volentis, neque currentis, sed miserentis Dei esse, homines beatificare credimus. Ecce excluditur à prædestinationis ratione humanum arbitrium, & sola exaltatur prædestinationis misericordia. Deinde Deum Dominum esse gloriæ, omnium propriissimā dominii ratione, atque licere Christo Regi quod vult facere, ut in parabola Operariorum dignatus tuit exponere, quis inficiabitur? At ubinam hæc, si hominis est actiones impedire dominii Dei, & aliter facere, quam Dominus fieri constituit de bonis suis?

91. Tertiā præterea instantiam adversus argumenti doctrinam duplici Scripturæ testimonio intendimus, nempe ex dicto *Christi* Domini S. Petro: *Ter me negabis: Rogavi pro te, ne deficiat fides tua, ex quibus duplex sequens conficitur discursus. Et quidem ex primo: quidquid summa, & intallibilis veritas dicit fore, erit; sed Christus Dominus dixit Petro, Ter me negabis: ergo negaturus erat Christum: sed consequens fuit liberum D. Petro, quin fuerit in ipso libertas impediendi præmissas; cum nec fuerit potestas, vel ut summa Veritas posset subire falsum, vel ut à Christo Domino hoc non fuerit ipsi dictum: ergo malè arguitur ex dicta necessitate præmissarum ad necessitatem absolutam consequentis. Similiter ex secundo Christi Domini dicto idem sumitur*

B b b 2

argu-

argumentum. *Christus* Dominus rogavit pro *Petro*, ne deficeret fides ejus; sed hæc oratio *Christi* Domini inanis esse non potuit: ergo fuit in *Petro* perseverantia fidei: sed hæc fidei perseverantia fuit liberrima in *Petro*, absque eo quod fuerit in ipso potestas impediendi veritatem præmilliarum: quidquid in oppositum sentiant *P. Ramirez* disp. 5. cap. 2. num. 83. & *Doctor Prado* disp. 11. sect. 6. num. 118. cum non fuerit ab ipso impediibilis nec existentia orationis, nec dicti *Christi* Domini, non impedita prius ejus libertate; nec efficacia orationis, & infallibilis locutionis Dei; ergo nulla censenda est consequentia, quæ ex inimpediibilitate præmilliarum docet absolutam consequentis necessitatem, quæ nos ipsi vehementius impugnant. Sed & observandum, indefectibilem à Cathedra *Petri* fidem nos omnes, ei testimonio firmiter innixos, tenere, & credere. Numquid taliter constituta est Petra hæc, ut eam possint homines amovere? Firmitasne ejus humano arbitrio relicta est? Immo divino; & inde nobis est securitatis solatium; quod ille promissit qui facere suâ solâ virtute potest; & quod in perseverantia fidei sit hominibus libertas, & meritum; & quod ipsorum non sit, aut esse possit frustrare infallibilis promissionis beneficium.

92. At quamvis, his arguendi formis de gradu dejectis, abundè argumenti comprobetur inefficacia, placet ad objecta respondere, vel absolute negando maj. vel ipsam clâritatis gratiâ distinguendo: Qui non potest falsificare aliquam ex præmissis, non potest falsificare conclusionem, potentiâ primâ & independenti, conc. maj. Potentiâ secundâ, & dependenti, neg. maj. & sub eadem distinctione min. neg. consequ. Distinctio constat ex eo, quod minor syllogismi contrarii continet Divinum concursum, per cujus existentiam Deus in agendo voluntatem subjicit sibi. Potestas ergo verificandi, & falsificandi minorem illa sola est, cui potentia Dei fuerit subiecta: quare si hæc fuerit in voluntate, creata, voluntas creata Dei potentiam habebit sibi subiectam. Ex quibus facilis est similiter ad primam majoris probationem responsio: nam concessio antecedenti, distinguo consequens: Non potest falsificare conclusionem potestate primâ, & independenti, conc. consequentiam: potestate secundâ, & dependenti in exercitio falsificandi conclusionem, neg. consequentiam.

93. Ad secundam majoris probationem, ut respondeamus, etiam illud est animadvertendum, conclusionem formaliter, & in se ipsa sumptam distingui formaliter à præmissis, immo & realiter, quando medium est vera, & formalis causa conclusionis, ut in præsentī syllogismo accidit. Nam etsi tota veritas conclusionis virtualiter in præmissis contineatur, veritas tamen conclusionis est formaliter à præmissis distincta. Quod sit manifestum, tum ex definitione syllogismi, in qua dicitur, quibusdam positis, & concessis, necesse est aliud accidere præter ea, que posita sunt, & concessa; quia scilicet aliud est conclusio à præmissis: tum quia si conclusio à præmissis non distinguitur, dum probatur conclusio per præmissas, idem probaretur per idem: tum denique in syllogismo objecto, *Omnis homo prædefinitus ad operandum operatur; Petrus*

*trus*

*trus est prædefinitus ad operandum: ergo Petrus operatur*, maior est independens à veritate minoris, & conclusionis; conclusio verò importat operationis existentiam, quæ licet virtualiter contineatur in minori, at non formaliter, cum sit illius verus, & realis effectus.

94. Rursus observandum, quod sicut veritas conclusionis essentialiter dependet a veritate minoris, & illam supponit, sicut effectus causam; ita falsitas conclusionis præsupponit essentialiter minoris falsitatem. Ex quibus duo sequuntur: primum, quod quicquid opponitur veritati conclusionis, opponitur etiam veritati præmissarum; at non formaliter, sed illative, & arguitivè, id est, falsitas conclusionis legitimè deductæ ex præmissis, arguit alteram saltem præmissarum esse falsam. Et cum maior istius syllogismi sit propositio essentialiter vera, ac subinde omnino infalsificabilis, falsitas suæ conclusionis infert necessariò falsitatem minoris, id est, Deum non prædefinivisse Petrum ad operandum, cujus contrariam asserit minor. Sequitur secundò, potestatem Petri ad operandum, & ad falsificandam conclusionem, quæ enuntiat operationis existentiam, esse subordinatam, & quæ nunquam falsificabit conclusionem minoris falsitate non præsuppositâ. Quare ad probationem dico, quod conclusio legitimè illata identificatur cum præmissis virtualiter, non formaliter; & ideò non est necessariò realiter opponi præmissis quicquid realiter, & formaliter opponitur conclusioni: sufficit enim, quod illis opponatur illative, sicut non esse effectus opponitur esse suæ causæ: & distingo consequens: Non stat potentia ad ponendum aliquid realiter oppositum conclusioni, quia si potentia ad destruendum aliquam ex præmissis, si potentia illa sit agentis primi omnia sibi subicientis, conc. consequentiam: si potentia sit causæ subordinatæ, neg. consequentiam; quod esse verissimum ex dictis facile intelligitur.

95. Nec habet similiter locum tertia probatio, nam concess. antecedenti, negatur consequentia. Quia si præmissæ essent ex terminis necessariæ, conclusio etiam esset ex terminis necessaria, & actus non evaderet liber, sed omnino necessarius. Ex eo verò, quod præmissæ sint Petro necessariæ, si tamen illarum altera sit absolute contingens, conclusio evadit absolute contingens, quia conclusio sequitur debiliorem partem. Quod si præmissa contingentem existens contineat illam Dei efficientiam, quæ, suppositâ in voluntate potestate proximâ, & expeditâ ad utrumlibet, voluntatem Deo in exercitio libertatis subjicit, quantumvis sit operari necessaria, id est non libera ut *quod*, libertatem actus non destruit. Hæc enim est illa gratia, quâ, docente Concilio *Tridentino* sess. 6. cap. 5. eget homo, ut coram Deo ad suam justificationem possit movere se sua libera voluntate; ubi post libertatem habitam, & ultra illam, aliam requirit gratiam, quæ det potestatem consequentem, non antecedentem, quæ supponitur data cum libertate. Quibus ad alias majores probationes, quæ contra nos stare videntur, etiam respondendum.

96. At cum difficultatem hujus argumenti nobis iterum sub terminis aliis objiciant, iterum ad examen vocari debet; nam inquirunt, hæc  
est

est optima argumentatio: *Omnis homo prædeterminatus consentit, & hoc est illi inevitabile: Petrus est prædeterminatus, & hoc est illi inevitabile: ergo Petrus consentit, & hoc est illi inevitabile:* sed præmillæ veræ sunt, prædeterminatione in Petro existente: ergo etiam conclusio: & consequenter posita in Petro prædeterminatione, inevitabilis est consensus. Major probatur primò, quia iste est bonus syllogismus: *Omnis prædeterminatus consentit: Petrus est prædeterminatus: ergo consentit:* ergo cum sint similis formæ, eadem rectitudine gaudet primus syllogismus positus. Secundò, quia negari minimè potest bonitas hujus syllogismi: *Omnis homo est animal: Petrus est homo: ergo Petrus est animal;* sicut & rectitudo hujus: *Omnis homo est animal, & hoc est illi inevitabile: Petrus est homo, & hoc est illi inevitabile: ergo Petrus est animal, & hoc est illi inevitabile.* Sic P. Antonius Perez de Scient. Disp. 3. cap. 4.

97. Patitur argumentum instantiam manifestam, si ly *inevitabile* mutetur in ly *involuntarium*, hac forma: *Omnis homo prædeterminatus ad consensum consentit, & hoc est illi involuntarium: sed Petrus est prædeterminatus ad consensum, & hoc est involuntarium Petro: ergo Petrus consentit, & hoc est involuntarium Petro;* in quo præmillæ sunt apud omnes veræ, & consequens apud omnes falsum: quia licet Deus prædeterminaret consensum, hic non esset involuntarius, sed apud omnes à coactione liber. De voce *inevitabile* jam supra monuimus non alio sensu in his materiis usurpari, quam si dicatur *infallibile*; animadvertentes, apud Grammaticos, & Ethnicos *inevitabile* dici, quod præter libertatis exercitium eveniens, illam impedit, coarctat, ei opponitur, naturalis operationis necessitatem inducit, & inimicum libertati est: sic Ovidius ad Liviam v. 443. *Sed rigidum jus est, & inevitabile mortis.* Curr. lib. 4. cap. 6. *inevitabile fatum.* Dum autem ea vox ad præsentis disputationis argumenta transfertur, ita alienatur, ut cum non aliud quam *infallibile* significet, non destruat, inmodò perficiat significatum ejus exercitium libertatis: quo fit, ut per infallibile significetur non solum, quòd actus eveniet, sed & quòd liberè evenit. Hoc posito, fallaciam argumenti detexit sapientissimus M. Bolivar de provid. §. ultimo, animadvertens, quòd ly *& hoc est illi inevitabile* potest cadere supra *consensum*, & potest ferri supra *totam propositionem*: si primo construat modo, ut feratur supra *consensum*, talem reddit sensum propositionis: *Omnis homo prædeterminatus consentit consensu inevitabili;* quæ propositio est omnino falsa, cum consensus prædeterminatus evitabilis sit. Si autem additum illud, *& hoc est illi inevitabile* supra sensum totius cadat propositionis, major est vera: nam hæc propositio: *Omnis homo prædeterminatus consentit*, est necessariò vera, nec potest reddi falsa, nisi per hoc, quòd carentia consensus cum prædeterminatione componatur, quod est implicatorium. In hoc sensu fit fallacia manifesta, & omnibus constat, quantum à veritate aberrat modus ille arguendi; nam si ly *inevitabile* cadit supra *consensum*, syllogismus est bonus, sed major est omnino falsa: nam etsi inevitabiliter verum sit, quòd omnis homo præde-

determinatus consentit, est etiam verum inevitabiliter, quod consentit consensu libero: unde conclusio prædicti syllogismi est falsa, quia ex majori inferitur in sensu illo accepta, in quo est falsa: si verò additum illud, & hoc est illi inevitabile, secundo modo accipitur, syllogismus est reprehensibilis: quia ex infalsificabilitate præmissarum infer necesse sit absolutam conclusionem, seu consequentem, cum tamen conclusio tantum sit necessaria necessitate consequentiæ, ut multis diebus dictum est. Non enim libertas creata requirit potestatem ad falsificandam minorem, in qua concursus Dei importatur: nam hæc potestas chimerica est, utpotè quæ necessàriò Deum supponit voluntati, ac dominio creato subjectum: cum è contrà potestas voluntatis libera Deo constitui debeat subjecta, & in exercitio consentiendi per ipsum concursum Deo subordinata. Consistit ergo syllogismi defectus in eo, quod inevitabilitas adjecta majori appellat non supra *consensum*, sed supra veritatem majoris: unde major est vera: in conclusione verò appellat supra *consensum*; nam etiam appellat supra veritatem propositionis; quia tamen illa est vera à consensu exercito, dñm appellat supra illam, supra consensum appellat. Hoc autem locum non habet in majori, quæ æternæ veritatis cum sit, non importat consensum exercitum, sed signatum.

98. Possit & alius defectus, qui frequenter in re ista committitur in prædicto syllogismo designari. Arguitur quippe in illo, à *negatione potentia consequentis ad negationem potentia antecedentis*, live à *negatione potestatis in sensu composito ad negationem potestatis in sensu diviso*. Quod ut pateat, propositiones expendamus: illa quippe, *Omnis homo prædeterminatus consentit, & hoc est illi inevitabile*, facit planè sensum istum: *Omnis homo prædeterminatus consentit, & cum prædeterminatione non potest carentiam consensus conjungere*: vel clariùs, facit istum: *Omnem hominem prædeterminatum consentire est inevitabile*. Quæ propositiones sunt compositæ, & in illis negatur homini prædeterminato potestas consequens, live potestas conjungendi cum prædeterminatione carentiam consensûs. At in conclusione per illud additum negatur homini oninis potestas ponendi carentiam consensûs, ac subindè negatur illi potestas antecedens, & in sensu diviso ad carentiam consensûs, & arguitur à *sensu composito ad divisum negativè*; quod est arguere à *non amplo ad amplum negativè*, vel à *parte disjunctiva ad negationem totius*: qui arguendi modus fallax, & vitiosus est; non enim valet: *Petrus non est albus: ergo non est albus, vel niger*. Hactenus de hoc argumento.

## §. VII.

### *Reliqua solvuntur argumenta.*

99. **O** Ricius primò argumentum, quod hac nota commendat Reverendiss. P. Thyrsus: *Demonstratio contra prædeterminationem*. Sic tom. 1. disp. 11. sect. 2. à num. 8. & in Indice qq. Philos. citans

tans sectionem relata, inquit: *Demonstratur perspicue pars negativa, nempe quod Deus non concurrat concursu prævio prædeterminante ad nostros actus liberos*. Placet argumentum sub eisdem terminis proponere. *Nulla voluntas prædeterminata ad actionem amandi, habet potestatem antecedentem ad faciendum, ne actio amandi ponatur à parte rei; ergo nulla voluntas prædeterminata ad actionem amandi manet libera ad non amandum. Probatur antec. prædeterminationem actui influere in actionem amandi est actionem amandi poni à parte rei, & è converso: sed nulla voluntas prædeterminata ad actionem amandi habet potestatem antecedentem ad faciendum, ne prædeterminatio actui influat in actionem amandi: ergo nulla voluntas determinata ad actionem amandi habet potestatem antecedentem ad faciendum, ne actio amandi ponatur à parte rei.*

100. *Concessis præmissis (inquit ipse) nequit negari consequentia, quia syllogismus est in forma, nempe in secundo modo secundæ figuræ: unde si quis negaret consequentiam, posset statim per reductionem cogi ad concedendas duas contradictorias, arguendo ab opposito consequentis ad oppositum antecedentis in hunc modum: ergo voluntas aliqua prædeterminata ad actionem amandi, habet potestatem ad faciendum, ne prædeterminatio actui influat in actionem amandi, quæ conclusio opponitur contradictoriè cum minori concessa in priori syllogismo. Et quidem hic secundus syllogismus, mutata majori in minorem, est in Darii, ut discurrerenti constabit.*

101. *Restat, prosequitur Auctor iste, seorsim probare præmissas illius syllogismi, & imprimis maior videtur manifesta: nam actualis influxus prædeterminationis in actionem amandi, non distinguitur ab actuali influxu voluntatis: siquidem prædeterminationem actui influere, idem est, ac voluntatem, ut prædeterminatam actui influere: voluntatem ut prædeterminatam actui influere in actionem amandi identificatur cum actione amandi: siquidem non influit in illam per aliam actionem: ergo idem est realiter, actionem amandi existere à parte rei, ac prædeterminationem physicam actui influere in actionem amandi, & è converso. Min. verò sic probatur: physicam prædeterminationem non influere actui in actionem amandi, ex terminis est, vel physicam prædeterminationem non existere, vel ad illam jam existentem non sequi actionem amandi: sed nulla voluntas prædeterminata ad actionem amandi, habet potestatem ad faciendum, ne existat physica prædeterminatio, vel ne ad illam jam existentem sequatur actio amandi: ergo nulla voluntas prædeterminata ad actionem amandi habet potestatem antecedentem ad faciendum, ne physica prædeterminatio actui influat in actionem amandi.*

102. *Quod sub aliis terminis forsitan urgentius sic proponitur, subdit ille: Voluntas prædeterminata ad actionem amandi nullam habet potestatem ad impediendum influxum passivum prædeterminationis in actionem amandi: sed hic influxus est ipsa actio amandi: ergo voluntas prædeterminata ad actionem amandi nullam habet potestatem ad impediendum actionem amandi. Minor est conspicua, quia ille influxus passivus*  
ni-



nihil aliud est, quàm dependentia actionis amandi à prædeterminatione: hac autem dependentia est ipsamet actio, quæ sicut per se ipsam est dependenter à voluntate, ita juxta Adversarios, est dependentia à prædeterminatione. Major suadetur. Impedire influxum passivum prædeterminationis est, vel facere, ne existat prædeterminatio, vel ne ad ipsam existentem sequatur actio; nam ex terminis non est alius modus impediendi influxum causæ; sed voluntas prædeterminata ad actionem amandi nullam habet potestatem ad faciendum, ne existat prædeterminatio, nec ad faciendum, ne ad ipsam existentem sequatur actio: ergo voluntas prædeterminata ad actionem amandi nullam habet potestatem ad impediendum influxum passivum prædeterminationis in actionem amandi. Sic prælaudatus Auctor acutissimè, & formalissimè pro suo more, ut nihil solidius, aut efficacius videatur posse opponi contra nostram phylicam prædeterminationem.

103. Secundò replicat R.R. Tyrſus ibidem num. 11. *Ponamus voluntatem prædeterminari ad nolitionem amoris, & probo, eam tunc non liberè, sed necessariò omittere amorem. Voluntas prædeterminata ad nolitionem amandi nullam habet potestatem ad faciendum, ut existat actio amandi: ergo non liberè, sed necessariò omittit amorem. Probatur antecedens: voluntas prædeterminata ad actionem amoris nequit facere, ut actio amandi conjungatur cum prædeterminatione amoris; sed actionem amandi existere est actionem amandi conjungi cum prædeterminatione amoris: ergo voluntas prædeterminata ad nolitionem amoris nequit facere, ut actio amandi existat. Minor videtur clara, siquidem existere actionem amandi est conjungi cum voluntate, ut prædeterminata ad amandum; & hoc est conjungi cum prædeterminatione. Rursus, quia actio amandi est conjunctio sui cum suis causis, & cum omnibus essentialiter prærequisitis ad ipsam, in quibus per se numeratur prædeterminatio amoris.*

104. Major autem probatur: voluntas prædeterminata ad nolitionem amoris non potest facere, ut prædeterminatio amoris conjungatur cum actione amandi: ergo non potest facere, ut actio amandi conjungatur cum prædeterminatione amoris. Patet consequentia, quia illa duo solum differunt penes nomen activum, vel passivum. Probatur verò antecedens: voluntas prædeterminata ad nolitionem amoris necessariò, & absque libertate caret prædeterminatione amoris, nec illam potest pro libito suo acquirere; sed nulla potentia habet facultatem ad faciendum, ut forma, quæ necessariò, & absque libertate caret, & quam pro libito suo nequit acquirere, conjungatur cum aliquo alio, ut videtur manifestum: ergo voluntas prædeterminata ad nolitionem amoris, nequit facere, ut prædeterminatio amoris conjungatur cum actione amandi. Sic ille; validissimè sanè.

105. Sed hæc clarissima demonstratio, ubi principiorum nostrorum ratio habeatur, in fumum evanescit. Et ut meliùs argumenti æquocationis origo, fonsque detegatur funditus, respondetur negando antecedens primi Enthymematis, & ad prob. negando majorem primi

sylogismi. Etenim quamvis vera sit in sensu illativo, quatenus ex eo, quod physica prædeterminatio actû influat in actionem amandi, bene inferitur, actionem amandi existere, sive poni à parte rei; in sensu tamen formali, & in proprietate Scholastica est falsa: sicut generaliter falsum est, quod causam actû influere in effectum sit effectum existeri, sive poni à parte rei: cujus ratio ea est, quia ly *influere*, quod ponitur ex parte subjecti, importat de materiali causam, & de formali influxum activum cause: hoc autem concretum *poni à parte rei*, sive hoc (quod idem est etiam apud argumentum) *existere*, importat de materiali effectum, & de formali excellentiam effectûs. Extra omnem quæstionem est, quod causa efficiens realiter distinguitur ab effectû; & similiter influxus activus causæ ab existentia effectûs: falsa ergo est absolutè, & ex terminis illa propositio: *Physicam prædeterminationem actû influere in actionem amandi, est actionem amandi poni à parte rei*; & etiam, è contra: nam, juxta regulas Dialecticorum, ut propositio categorica affirmativa sit vera, requiritur, quod subjectum, & prædicatum supponant pro eodem. Implicat autem supponere pro eodem, si tam pro formali, quam pro materiali realiter distinguuntur, ut per se patet. Hinc jam evanescit, ut dixi, demonstratio: nam demonstratio, juxta omnes Logicos, debet constare ex veris, certis &c. Neque obstat, quod illa major sit vera in sensu illativo, ut diximus; quia quamvis propositiones hypotheticæ, conditionalis, rationalis, & causalis denotent illationem ratione particularum *si, ergo, quia*, quæ à Dialecticis appellantur notæ illationis; quapropter illæ tres propositiones debent concedi: *Si physica prædeterminatio actû influit in actionem amandi, actio amandi existit*. Et ista rationalis: *Physica prædeterminatio actû influit in actionem amandi: ergo actio amandi existit*. Et ista causalis: *Quia physica prædeterminatio actû influit in actionem amandi, actio amandi existit*: propositio tamen categorica nullatenus denotat illationem prædicatû ex subjecto, sed dumtaxat convenientiam prædicatû ad subiectum, quâ deficiente, etiam illante illatione, propositio est falsa, ut patet in ista: *Hominem esse rationalem est esse risibilem*. Unde cum major primi syllogismi sit propositio categorica, cujus prædicatum tam pro materiali, quam pro formali distinguitur realiter à subjecto; fit, quod talis propositio sit falsa, & absolutè neganda, quamvis prædicatum inferatur ex subjecto, quâ ratione diximus, esse veram in sensu illativo.

106. Ad probationem majoris respondetur negando antecedens, nempe: *Actualis influxus prædeterminationis in actionem amandi non distinguitur ab actuali influxu voluntatis*, quod planè est falsum; nam actualis influxus prædeterminationis non distinguitur ab ipsa prædeterminatione, quæ sicut se ipsa est motio actualis Dei virtuosa ad amandum, ita se ipsa est terminus actionis æternæ Dei, & actualis influxus Dei in actionem amandi: Influxus verò actualis voluntatis est ipsa actio amandi, quæ cum sit actio acta, simul est effectus, & influxus; non enim voluntas influit in actionem amandi per aliam actionem ab ipsa actione

actione amandi distinctam. Unde cum physica prædeterminatio realiter distinguatur ab actione amandi, etiam actualis influxus prædeterminationis in actionem amandi realiter distinguitur ab actuali influxu voluntatis. Ad hujus antecedentis probationem, nego, ideam esse, prædeterminationem actu influere, ac voluntatem prædeterminatam actu influere; quin potius hæc duo sunt valde diversa: nam cum dico, prædeterminatio influit, solum significo influxum prædeterminationis, non verò influxum voluntatis. Cum autem dico: voluntas ut prædeterminata influit, utriusque causæ influxum significo, scilicet Dei, & voluntatis: unde non sunt idem, sed diversa: sicuti eadem ratione valde diversum est dicere; Sol generat hominem, ac dicere; Sol, & homo generant hominem. En qualiter solius Dialecticæ rudimentis (ad quam pertinet sophismatum fallacias detegere) argumentum, quod viro verè sapienti visum est demonstrativum, majoris, & probationis ipsius fallitate languescit. At si tale est, quod tanquam demonstratio contra physicam prædeterminationem obijcitur; qualia censebimus reliqua, quæ suis auctoribus demonstrativa non videntur?

107. Sed omittis his nunquam contemnendis Dialecticorum præceptis, distinguo majorem primi syllogismi: Physicam prædeterminationem actu influere in actionem amandi, est actionem amandi poni à parte rei, *formaliter*, nego majorem: sic enim solum ponitur à parte rei per existentiam, quæ est unica forma ponens formaliter rem extra causas: est actionem amandi poni à parte rei, *efficienter*, subdit. est poni efficienter, prout actio amandi est à Deo, concedo maj. prout à voluntate, neg. maj. Et concessâ minori, distinguo consequens: Ergo nulla voluntas prædeterminata ad actionem amandi habet potestatem antecedentem ad faciendum, ne actio amandi ponatur à parte rei, quatenus actio amandi est à Deo, conc. consequentiam, quatenus est ab ipsa voluntate, nego consequentiam. Itaque ad nostrum liberum amorem duæ causæ concurrunt, Deus ut causa prima prædeterminando voluntatem ad amorem; voluntas ut causa secunda prædeterminata à Deo, prædeterminatione se habente per modum applicationis ad actum, & ut concursus ipsius Dei, non verò ut concursus ipsius voluntatis. Unde prædeterminationem influere in amorem: est efficere amorem, quatenus amor est à Deo, tanquam à causa prima; non tamen est efficere amorem, quatenus amor est à voluntate, ut à causa secunda. Et licet voluntas prædeterminata ad amorem nullâ potentiâ impedire possit, nè exilitat amor prout est à Deo; habet tamen potentiam antecedentem ad faciendum, nè sit amor, prout est ab ipsa voluntate: quia quavis per prædeterminationem applicetur ad amorem, & tollatur ejus indifferentia suspensionis: cum tamen ei nulla virtus adiungetur, non tollitur indifferentia potestatis, quam habebat ad amorem & odium. Unde sicut voluntas prædeterminata ad amorem habet potestatem ad ponendum odium; ita habet potestatem antecedentem ad faciendum, ne exilitat amor, prout est ab ipsa voluntate. Ut autem salvetur plena amoris nostri libertas, sufficit, quòd voluntas prædeterminata ad amo-

C c c 2

rem

rem possit impedire ejus existentiam, prout est a voluntate, & non requiritur, quòd possit eam impedire, prout est a Deo, quòd necesse est tateri, sive voluntas prædeterminetur à Deo, sive non; ut enim docet D. Thomas 1. par. quæst. 19. art. 8. cum voluntas Dei sit efficacissima, à nulla causa secunda impediri potest, quòd suum effectum non producat, tam quoad substantiam, quàm quoad modum. Et insuper, quia si voluntas posset impedire amorem, prout est à Deo, haberet dominium supra amorem, prout est à Deo; ac proinde supra ipsum Deum, ut causam amoris, quod planè est dominium creatum supra Divinum extollere, & primatum Divinæ causalitatis deprimere. Hæc sunt prima prædeterminantium rudimenta. Unde argumentum factum ad linem prædeterminationis hæret.

108. Ex his ad probationem consequentiæ respondetur distinguendo consequens: ergo voluntas aliqua prædeterminata ad actionem amandi habet potestatem ad faciendum, nè actio amandi ponatur à parte rei, prout actio amandi est à voluntate, conc. consequentiam, prout est à Deo, neg. consequentiam. Et explicatà minori subsumptà, prout supra, neg. consequentiam. Ad confirmationem urgentius propositam (quæ quidem est eadem cum præcedenti, non urgentius, sed sub obscurioribus verbis, & confusius obvoluta) respondetur, conc. maj. Sicuti enim voluntas nullam habet potestatem ad impediendum influxum activum prædeterminationis, ita nec ad impediendum ejus influxum passivum. Et disting. min. Sed hic influxus est ipsa actio amandi, prout à Deo, concedo min. prout à voluntate, neg. min.; quia, prout à voluntate est influxus activus ipsius voluntatis. Et dist. consequens distinctione datà.

109. Ad id, quod secundò locò dicitur num. 103. respondetur primò, prætermisà majori, negando minorem, quæ falsa est, terminis cum proprietate acceptis. Aliud namque est, quòd ex eo, quòd actio amandi existat, inferatur, ipsam conjungi cum prædeterminatione, amoris, & cum voluntate, ut prædeterminata ad amorem; & aliud, quòd existere actionem amandi consistat formaliter, vel sit conjuncta cum prædeterminatione amoris, vel cum voluntate prædeterminata ad amandum, quæ sunt causæ ipsius. Per quod patet ad primam minoris probationem, & ad secundam respondetur negando antecedens. Actio enim amandi est actualis tendentia voluntatis in objectum per modum prosecutionis; quod ei convenit, etiamsi non existat, nec cum suis causis jungatur. Fateor autem, quòd sicut hæc propositio est vera, vel accidentaliter, vel contingens: *Actio amandi existit*; ita hæc est vera, licet contingens: *Actio amandi conjungitur, seu est conjuncta cum suis causis*, nec inferitur ex prima, ut patet in simili; hæc enim est vera, licet contingens: *Materia prima unitur, sive est unita formæ*; & tamen hæc: *Materia est*

*unio cum forma*, est falsa, etiam in sententia negante modum unionis realiter distinctum ab extremis. Et ratio utrobique est eadem: nam eodem modo comparatur unio ad extrema unita, & è contra, sicuti conjunctio ad extrema conjuncta, & è contra. Debent ergo in amore considerari prædicata ipsius quidditativa, & intrinseca, quæ omnia sunt in potestate voluntatis prædeterminatæ ad nolitionem amoris: impossibilitas ergo illa amoris orta ex decreto prædeterminante ad nolitionem, amoris, extrinseca est a priori, nec ad illum pertinet in recto, & constitutivè, sed in obliquo, & de connotato, non quidem essentiali, sed accidentali, & quæ salvâ amoris essentiâ potuit deficere. Unde sicut non requiritur potestas acquisitiva prædeterminationis ad nolitionem amoris, quæ necessariò præsupponeret Deum sibi subjectum, ut voluntas sit subordinatè potens ad nolitionem amoris, licet ad hanc nolitionem sit prædeterminatio essentialiter prærequisita: ita quoque, ut sit potens subordinatè ad amorem, non requiritur potestas ad destruendam prædeterminationem ad nolitionem amoris, sive potestas acquirendi prædeterminationem amoris, cum hæc potestas constitui debeat per subordinationem ad Deum. Quare non requiritur in causa inferiori, ut sui effectus causa dicatur, potestas ad ponendum influxum causæ superioris, à quo causa inferior in agendo necessariò dependet: sicut homo robustè dicitur absolutè potens generare, etsi influxum Solis, à quo in generando pendet, non valeat ponere: & equus fortis, & sanus absolutè dicitur potens currere, etsi concursum primæ causæ per se acquirere non valeat. Quarum omnium eadem est ratio, quia videlicet salvatur ratio causæ inferioris per hoc, quòd omnia sui actus, aut effectus prædicata intrinseca contineat, nec requiritur, quòd omnia alia requisita, & adjuvantia possit ponere, aut impedimenta removere. Sic in præsentì dicimus, voluntatì prædeterminatæ ad nolitionem amoris esse absolutè possibilem amorem, quia potens est ad omnia prædicata intrinseca amoris, licet alia extrinsecè concurrentia ex parte causæ primæ nec valeat acquirere, nec repellere.

110. Vel melius, nisi mea me fallit opinio, respondetur negando majorem; instaturque ejus probatio in auxilio indifferenti, sub quo Deus per scientiam mediam prævidit voluntatem amaturam; cum eodem medio probetur, voluntatem non posse facere, quòd dictum auxilium conjungatur cum actione amandi; & sit similis argumentatio: *Voluntas necessariò, & absque libertate caret auxilio indifferenti A, nec illud potest pro libito suo acquirere: sed nulla potentia habet facultatem ad faciendum, ut forma, quæ necessariò, & absque libertate caret, & quam pro libito suo nequit acquirere, conjungatur cum aliquo alio, ut videtur manifestum: ergo voluntas nequit facere, ut auxilium A indifferens conjungatur cum actione amandi: ac proinde non potest facere, ut actio amandi conjungatur cum auxilio A indifferenti, sub quo prævidetur amatura per scientiam mediam. Sanè ille syllogismus est omninò similis formæ cum illo, qui nobis obijcitur, solùmque ex parte materiæ nomen prædeterminatio mutatur in auxilium A indifferens.*

*rens.* Ex quo infertur evidenter, quòd si, ut nostra actio amandi sit libera, non requiritur, quòd voluntas possit facere, ut auxilium A indifferens, sub quo prævideretur amatura, jungatur cum actione amandi; similiter, ut actio amandi sit libera, non requiritur, quòd voluntas possit facere, ut prædeterminatio amoris jungatur cum actione amandi: sicut enim in principiis Thomistarum ad actionem amandi cum effectu in re ponendam, requiritur prædeterminatio amoris; sic in principiis Societatis requiritur auxilium A indifferens, sub quo Deus prævidet voluntatem amaturam. Quamvis ergo concederemus consequentiam primi syllogismi, nihil inde depromerent Adversarii, si ipsi concedant consequentiam secundi. Si autem concessis præmissis, negent consequentiam; cum hic secundus syllogismus sit similis formæ cum primo, pariter in primo erit neganda consequentia, propter defectum mihi ignotum in utroque.

111. Neganda est ergo absolute minor. Certè in eorum principiis voluntas habet facultatem ad jungendum cum amore auxilium A indifferens, sub quo prævideretur amatura, & nihilominus necessariò, & absque libertate caret illo, nec pro suo libito potest illud acquirere. Jam ergo datur potentia ad faciendum, ut forma, quæ necessariò caret, & quam pro libito suo nequit acquirere, jungatur cum aliquo alio. Similiter generaliter loquendo, in eodem sensu, quo quilibet causa secunda potest producere suum effectum, potest conjungere cum illo concursum causæ primæ, qualiscunque sit iste concursus: liquidem non stat cujuscumque effectus positio absque conjunctione concursus divini cum illo: & tamen omnis causa secunda necessariò, & non liberè caret divino concursu, quem pro suo libito nequit acquirere, cum in solius Dei sit potestate. Hoc ex dictis sit evidens.

112. Ex quibus ad probationem majoris distinguitur major: Non est potens ponere amorem potestate primâ, & independenti, conc. maj. potestate secundâ, & dependenti, neg. maj. & distinctâ eodem modo minori, neg. consequentiam. Vel claritatis gratiâ aliter distinguitur major: Voluntas prædeterminata ad nollitionem amoris non potest facere, ut prædeterminatio amoris jungatur cum actione amandi, potestate primâ, & independenti, conc. maj. potestate secundâ, & dependenti, neg. maj. & dist. min. Qui caret prædeterminatione, nec illam potest pro suo libito acquirere, non potest ponere amorem potestate primâ, & independenti, conc. min., potentiâ secundâ, & dependenti in positione amoris, neg. min. & consequent. Etenim conjunctio prædeterminationis cum amore duo importat, & prædeterminationem, & amorem: licet ergo voluntas non habeat sufficientem virtutem, ut existat prædeterminatio, & consequenter, ut sit coexistentiâ prædeterminationis cum amore, est tamen verè potens ad consensum, & amorem: Quid enim diversissimum est habere potestatem ad consensum conjunctum cum prædeterminatione, ac habere potestatem ad existentiam prædeterminationis, & coexistentiæ hujus cum consensu, & amore: sicut quid diversissimum est, posse voluntatem ponere peccatum per-

permissum à Deo, ac posse ponere existentiam permissionis divinae, & coexistentiam hujus cum peccato. Sicut ergo voluntas potest ponere peccatum, quod est cum permissione conjunctum, quamvis non possit ponere permissionem, nec coexistentiam hujus cum peccato; ita & voluntas est potens ponere consensum, qui conjungitur cum prædeterminatione, quamvis non possit ponere conjunctionem prædeterminationis cum amore. Etenim hæc potestas agentis secundi liberi in positione amoris est dependens, & Deo subordinata. Unde sufficit, quod conjunctio inadæquatè, eà parte nempe, quâ nominat consensum, sit in ejus potestate; non tamen requirit, quod conjunctio adæquatè sumpta secundum quod in recto dicit prædeterminationem, & consensum, sit in ejus potestate. Hoc potius esset contra rationem libertatis creatæ, & participatæ, ut suprà ostendimus: si namque medium, quo determinatur ad operandum, esset in ejus potestate, non esset liberum secundum, sed primum, & independens; cum independenter ab influxu superioris causæ subordinantis ipsum, haberet in sua potestate omnia ea, sine quibus non potest existere actus.

113. Ex his interes, quàm incertis mediis, & argumentis nitatur sententiæ contrariæ contra prædeterminationem physicam demonstratio: quàm infirma sit, ut Thomistarum doctrina tot egregiis notivis commendabilis eliminari possit. Sed argumentum potius suadet, parvipendendam apparentem illam impossibilitatem concordie liberi arbitrii cum gratia ab intrinseco efficaci: quod totum Lector, vel me non docente, intelleturus est. Quare nihil est, quod hic amplius addere debeamus. Constituimus autem longâ oratione disputationem illam: quomodo enim rem tantam verbis paucioribus explicaremus? O utinam adeo conspicuè, ut tenebræ, quas veritati sententiæ nostræ offundunt argumentationes, jam superioris disputationis luce fugatæ ellipseantur!

## 6. ULTIMUS.

### *Appendix ad Questionem præcedentem observatione digna.*

1. **N**ullus tam circumspectè scripsit, ut ubique placeret omnibus; nihil enim frequentius, quàm ut quod scriptum est, aut non intelligatur, aut secus interpretetur aliquis, quàm senserit is, qui scripsit. Amant homines veritatem lucentem, oderunt redarguentem: *Non ubi aliud, inquit Augustinus lib. 10. Confess. cap. 34. nisi quia sic amatur veritas, ut quicumque aliud amant, hoc, quod amant, velint esse veritatem: Et quia falsi nolunt, nolunt convinci, quod falsi sint.* Hinc plures frivolis argumentis, vane, invalidisque concertationibus, & rixis veritatem disputando involvere conantur, in usum suum convertere non dubitantes, quod D. Gregorius Nyssenus Homil. 5. in Eccles. de veris.

versatili Jurisperitorum ingenio observavit, his verbis : *Quid enim isti, cum opportunis causæ, quam defendunt, argumentis diffidunt? Quærent in plano salebras, in scirpo nodum, in luce tenebras, quinque pedes in arcte : & ubi planus, & obvius sensus est, vocum equivocationes causantur, & novas adjiungunt, ut offusâ judicibus caligine, vel litem producant, vel remoram injiciant litis controversæ definitioni.* Vereor, nè hoc mihi cum *Ortizio* accidat. Enimverò cum tot calumniæ adversus efficaciam intrinsecam gratiæ à nonnullis proditiæ vagarentur, ac spargerentur licentius; jamque per multorum animos, quasi contagione quadam serperent; nè distulerent, ac manarent latius, præcidendas ipsas, atque amputandas putavi, ob oculos ponens, quid in Sacris Litteris legitur; quid senserint Concilia, Summi Pontifices, & Sancti Patres; quid scripserint *Augustinus*, & *Thomas*, quid tandem per sermonein lapientiorum Theologorum, eorumque graviorem auctoritatem, doctioremque prudentiam habeatur de re ista. Quare dubium proposui, an concordia liberi arbitrii cum gratia ab intrinseco efficaci ellet evidenter credibilis credibilitate fundamentali? Ut subdole Scholæ Thomistica crinundandi rationes accuratè retellerentur, & nè amplius turbulentum homines suadere nitantur, fidem de gratia mediatoris in periculum venire, si semel gratiam elle per se efficacem admitteretur.

2. Habes ergo, studiose Lector, in hac causa expolitas cogitationes meas, & vota pectoris mei: & quò magis liqueat non alio consilio tantum laboris, & vigiliarum à me sibi susceptum, perlege quæ in præfatione Tomi 2. num. 6. dixi: quam & ad scribendum Mag. *Gravefolinius* in præfatione sui operis assignat causam: *Significaverat mihi per litteras anno proxime elapso nobilis quidam adolescens, bonarum litterarum cultor, spargi in Galliis, & in Belgio satyricos libellos, & inefficivus procudi censuras, in quibus doctrinæ Thomistica oscoret privata sua sensa, velut Fidei dogmata, arroganti supercilio obtrudebant, & ut Thomistis veris SS. Augustini, & Thomæ Discipulis odium, & invidiam auriti populi conflarent, sententiam Scholæ Thomistica de gratia per se, & ab intrinseco efficaci calumniis præscindebant, eamque promiscuè cum Janseniana hæresi, sæpius, ac jure optimo Vaticanis prætrita fulminibus, confundeabant.* Indolui, fateor, & acerbo dolore perculit me, ac tantum non exanimavit insansus ille nunciis. Et certè, qui fieri poterat, ut non gravissimè dolerem, dum audiui Scholam Thomisticam, quæ, inflar optimæ Matris, me à tenebris annis suo in suum blandissimè fovit, lætæque aluit, patere tot calumniis hostium, qui in ejus perniciem certatim concurrunt, classicum ubique canunt, & famosis libellis, à capite usque ad calcem luculentissimis mendaciis scatentibus: ipsius doctrinam infamare præsumunt. Hæc eadem causa me impulit ad scribendum contra eos, qui aurito populo sive clam, sive palam, omni possibili modo, nec neglectis fraudibus, dolo, imposturis, mendaciis, persuadere conantur, SS. *Augustini*, & *Thomæ*, id est, Thomisticam vulgò dictam doctrinam, vel solâ canitiæ venerabilem, Sedis Apostolicæ fulminibus esse perstrictam. Hanc officii mei rationem omnibus, quam



quam notissimam esse cupio; ne quis cuiquam pateat ad calumniam locus.

3. Nunc inspiciamus, quæ in contra objicit *Caducifer*, depravans quod scripsi, quod non solum reprobat, sed reprehendit; si enim homines labi possunt scribendo, & possunt alii labi reprehendendo. Et primo quidem indignatur mihi pag. 2. punct. 11. num. 269. dicens: *Igitur ad rem accedendo, video eam tradi densis tenebris obvolutam, & veluti artificiosè viam sternit, ut à communi vulgo litteratorum (quippe in ipsis & vulgus est) credatur, & firmiter teneatur unum è duobus, scilicet, vel quòd gratia ab intrinseco efficax propter argumenta credibilitatis in eodem statu versetur, ac mysteria nostra Fidei, quæ sola obtinuerunt in Scholis dici evidentè credibilia; proindeque posse, (quemadmodum circa ipsa) imperari assensum Fidei circa prædeterminationem Thomisticam: vel saltem argumenta eam persuadentia ita viribus invaluisse, de contrariisque jam ita triumphasse, ut ea esset jam proximè definitibilis, si in citatis Bullis penitus definita non crederetur. Quorum utrumque vides quàm propulsandum: quippè hoc secundum, quòd videbitur temperatius, fert secum talem articulum habere certitudinem moralem, vi cuius quicumque ei contradiceret, iusta temeritatis nota inuri deberet: undè Scholæ reliquæ præter Thomisticam indè essent ad improbabilitatis insulas relegandæ: quod quidem intentum (quod patefactum non est minùs arduum, quam indecorum) tamen doctrina varia, seu variante, contentum, nec desinit sese insinuare, nec desinit sese subducere, cum oportet.*

4. Hic, quæso, Lector, paulisper attendas hujus Caduceatoris æquitatem. Quando quæstionem inscribo, ut est, An concordiani liberi arbitrii cum gratia sit evidentè credibilis fundamentaliter? Nonnè vel ipse titulus me satis ab ejus prima criminatione vindicaret? Quid enim aliud est dogma Theologicum Augustino-Thomisticum liberum arbitrium sub gratia ab intrinseco efficaci esse evidentè credibile credibilitatè fundamentaliter, quàm dicere esse credibile credibilitatè ortà ex motivis concurrentibus, & ostendentibus, esse idoneum & dignum, ut spectare possit ad Fidem Divinam? Vel clariùs: An motiva, quæ inducunt ad illius assensum, etsi non sint necessariò connexa cum ejus veritate, connectantur saltem cum verisimilitudine sufficiente, ut reddatur credibile credibilitatè formali, medià Ecclesiæ definitione? Absit à me talis insania, ut existimem eodem omninò modo esse discurrendum de hoc Augustino-Thomistico dogmate, ac de mysteriis Fidei. Quis enim nescit, quòd mysteria Fidei sunt tam fundamentaliter, quàm formaliter credibilia; & quòd in mysteriis Fidei iudicium credibilitatis, ut volunt plurimi, est à Fide, & quatenùs non sit, ut reverà non est, à Fide, credendorum tamen à non credendis discretio in actu secundo exercitè est à Fide; eò quòd ipso Fidei actu discernuntur credibilia à non credibilibus; quatenùs Fides non inclinat in assensum eorum, quibus deficit talis credibilitas: ut profundè docet D. Thomas 2. 2. quæst. 1. art. 4. ad 3. dicens: *Lumen Fidei facit videre ea, quæ credun-*

*Tom. IV.*

*Ddd*

*trr:*

tur: sicut enim per alios habitus virtutum homo videt illud, quod est sibi conveniens secundum habitum illum; ita per habitum Fidei mens hominis inclinatur ad assentiendum his, quæ conveniunt rectæ Fidei, & non aliis: quibus satis apertè docet Divus Thomas, quòd habitu Fidei discernuntur credenda à non credendis, quatenus illò inclinatur intellectus ad credendum ea, quæ debent credi, ut distincta ab eis, quæ vel debent respui, ut contraria, vel saltem non merentur assensum, ut credantur à Deo revelata. Sillit ergo comparatio solùm in eo, quòd sicut pro priori ad habitum Fidei supponitur iudicium credibilitatis discernens credenda à non credendis, ortum ex evidentia argumentorum; ita in presenti pro priori ad omnem Fidei definitionem detur sufficiens evidentia credibilitatis, seu certitudo; pro eodem enim accipitur in presenti ly *evidenter*, ac *certò*, vi cuius objectum hoc dignum reddatur, ut, accedente formali Ecclesiæ definitione, credatur credibilitate formali.

5. At cùm tragicis vocibus exclamet *Caducifer*, sub obscura variorum propositionum æquivocarum nubibus doctrinam hanc esse propositam, variisque esse interpretationibus obnoxiam, ut meliori in lumine collocetur, ponendum est primò, quòd sicut in rebus Fidei ex mero iudicio credibilitatis solùm apparet idoneitas in credendo, non tamen obligatio; obligatio enim credendi Fide supernaturali, & honestas reverà supernaturalis talis actus, non constat ex vi iudicii credibilitatis, quod præcisè formatur ex argumentis credibilitatis: quare iudicium illud credibilitatis speculativum non est imperans assensum Fidei; cùm iudicium hoc regulariter sit actus naturalis; & in actu merè naturali nequit esse vis imperativa assensus supernaturalis, & positivè conducentis ad salutem, ut est actus Fidei Theologicæ: sic in presenti ex asserto iudicio credibilitatis existentiae gratia se ipsà efficacis nulli imponitur obligatio credendi hanc verè esse talem; sed solùm excitat ad credendum medio assensu prudenti, & securo, præcisivè, & independenter à supernaturalitate. Quare solùm per inquisitionem, & discursum quærimus veritatem istam, ad quod maximè conducunt argumenta credibilitatis existentiae gratia se ipsà efficacis, quam nulli ut rem Fidei proponimus credendam. In quo certè non præsumimus Eruditorum iudicio, non alterius Scholæ auctoritati præiudicamus. Maneat incolume suum cuique iudicium. Iudicium nostrum scribimus; non definitiones Ecclesiæ. Hoc expendendum proponimus; non protinus habendum, pro comperto. Rem secum expendant Sapientes, quibus nec præclusa est via meliora quærendi: quod totum satis exprimunt verba illa mea: *Quid ceteris? Nolumus eorum aut prævenire, aut præcavere iudicium. Nostra enim interest, quid nos sentiamus, exponere.*

6. Ponendum est secundò, quòd credibilitas nihil aliud est, quàm idoneitas ut credatur, quam probant, & demonstrant argumenta credibilitatis: quæ etsi directè tendant ad suadendam sive existentiam, sive veritatem rei; ex pondere tamen, quo directè suadent rem, resultat exercitè, & quasi indirectè denominatio credibilis: sicut videre est in opi-

opinionibus. Datur enim evidētia speculativa alicujus opinio-  
nis, innixa fundamentis, quibus graviter probatur objectum opinio-  
nis probabilis in esse; quia nempe intellectus, postea reflectens supra pondus  
talium rationum, cognoscit signatē evidētiā probabilitatis talis opi-  
nionis. Ad hunc modum constat evidētia credibilitatis, per hoc quod  
intellectus, reflectendo supra motiva credibilitatis, cognoscit eviden-  
ter rem esse credibilem; & juxta modum, quod constat evidenter de  
argumentis credibilitatis, datur evidētia. Erit evidētia physica, aut  
metaphysica, dum est evidens physicē, aut metaphysicē talia motiva  
existere: erit evidētia moralis, dum datur moralis certitudo, quod  
concurrunt gravia motiva pro suadenda aliqua re; ita ut in conspectu  
illorum prudens sit assensus, & imprudens dissensus ab eadem. De hac  
moralis certitudine, quæ desumitur ab extrinsecis motivis credibilitatis  
verisimilitudinem evidenter convincentibus procedit quæstio: sufficit  
namque hæc moralis certitudo, & condignitas, ut verē sit & dicatur  
res evidenter credibilis; cum, ut res prudentissimē credantur, nullam  
aliā evidētiā desiderent, nisi certitudinem moralem motivorum, &  
primariō fundantium signatē evidētiā objecti directē asserti, & se-  
cundariō exercitē ipsam evidētiā moralem: quidquid sit, an talia  
motiva absolutē dentur, dum certō moraliter appareat ea intervenire  
pro suadendo objecto, cujus veritatem intendunt: undē eorum, de  
quibus sumus omnino certi moraliter, dicimus communiter nos habere  
evidētiā.

7. Ponendum est teritiō, quod ly *credibile* est aliquomodo termi-  
nus respectivus; potest enim aliquid positivē absolutē esse credibile; &  
non esse tale respectu hujus, vel illius intellectus in particulari, cui  
motiva proposita non sunt talia, ut ab eorum pondere objectum ipsi vi-  
deatur esse positivē credibile; licet omnia eadem motiva, debito pon-  
dere ab alio considerata, evidenter suadeant condignitatem moralem,  
ut res credatur, seu possit definiri. Dixi motiva omnia, si debito pon-  
dere considerentur; cum non ex hoc, vel illo motivo, sigillatim, aut  
transeunter inspecto, sed ex omnibus simul sumptis desumenda sit vis  
inducens ad assensum. Quibus tamen accuratē perpensis, si nonnullis  
veritas fixa, stabilis, & indeclinabilis non apparet; aliis tamen certō,  
seu evidenter credibilis videri potest. Dictum hoc, quod restringimus  
evidētiā credibilitatis ad Discipulos S. Thomæ, perperam sugillat  
*Caducifer* pag. 561. dicens: *Observandum secundō, quod tale credibi-*  
*litas fundamentum solum ponitur ab eo respectivum Discipulorum in*  
*Magistrum suum, in sensu videlicet Philosophico, in quo dixerat Ari-*  
*stoteles, ADDISCENTEM OPORTET CREDERE: quæ fides est cæca per Di-*  
*scipulos adbibenda Magistris &c.* Sanē fides Thomistarum hic non est  
Philosophica, sed maximē Theologica, & Christiana; dum Thomistæ  
se submittunt, & conformant Decretis Pontificum, nullamque aliā  
docent doctrinam, quā hauriunt à purissimis SS. PP. & Augustini,  
& Thomæ fontibus. Quod si velit hanc eorum fidem *Caducifer* trāduce-  
re ut cæcam, respondebunt gaudentes, quod si ipsi cæci dicantur, cæ-

cus tamen non sit dux, quem sequuntur; *Thomas per Successores Petri splendidissimus salutatus*: undè se extra periculum fore, quòd in foveam deciderat, in quam frequentissimè cadunt ii, qui sibi videntur sapientes; *Quædam enim acutissima ingenia*, inquit *Augustinus* Epist. 155. *tantò in majores errores ierunt, quantò præfidentiùs tamquam suis viribus cucurrerunt.*

8. Quartò observandum, quòd credibile est denominatio ipsius objecti, connotantis fidem, quà cognoscitur: undè sicut probabile est, quòd objectivè nititur talibus fundamentis, ut sit dignum assensu probabili: ita credibile est ipsum objectum, prout talibus fundamentis nititur, ut sit dignum assensu Fidei Divinæ, quæ talis sit objectivè, non subjectivè, id est, non Fide, quæ sit supernaturalis participatio luminis Divini; sed solum fide, quæ talis sit objectivè, nempe fide, quà prudenter creditur ex vi talium credibilitatis argumentorum idoneitas, ut credatur tanquam dicta à Deo: quod non est facere evidentiam de eo, quòd reverà sit dicta à Deo, à quo physicè, & metaphysicè præscindunt argumenta credibilitatis, quæ solum connectuntur cum idoneitate, ut possint haberi, ut à Deo dicta: licque objectum ex vi credibilitatis argumentorum præscindit ab eo quòd sit dictum à Deo, & à fidei supernaturalitate; ut videre est in assensu infidelis circa ea, quæ invincibiliter judicat esse dicta à Deo. Tum in puero, vel rustico fideli, cui à suo Parocho proponitur quidam error, ut dictus à Deo, qui non terminat assensum fidei supernaturalis, & insusæ formaliter existentem in ipso, sed assensum fidei præscindentem à fide supernaturali.

9. Quintò observandum, quòd dubium non procedebat de argumentis credibilitatis, penetratis lumine superiori, sive evidenti, sive obscuro, quæ certò, & infallibiliter connectantur cum ipso credere supernaturali; aut de judicio credibilitatis procedente à lumine supernaturali, quod sit regulativum fidei, ac per consequens supernaturale, & æqualis infallibilitatis cum regulato per ipsum; sed de cognitione speculativa credibilitatis, quæ haberi potest naturali discursu; intellectus enim suà vi nativà potest cognoscere motiva, quæ evidenter, seu certò credibilitatem suadeant: nempe solidissimam, sacratissimam, & per omnes Ecclesiæ ætates fuisse receptissimam doctrinam aliquam; illam, esse hauttam ex Sacris Litteris, & SS. PP., nec non plurium doctissimorum Virorum calculo firmatam: quæ ita sunt apta ad convincendum intellectum, ut imprudens eidem appareat dissensus. Hoc judicium speculativum, quod præambulum est ad fidem, omninoque insufficiens ad eam, cum ab eo non incipiat potestas credendi fide supernaturali, nec ex illo sit conducentia positiva ad credendum, solum se habet, ut removens prohibens, quod obstare posset assensui de credibilitate talis objecti: quare conducit solum ad assensum securum, & prudentem, ita ut prudenter inclinari nequeat intellectus in credibilitatis dissensum. Quæ omnia cum non distinxerit *Caducifer*, quid aliud, quam gladium in tenebris ventilat?

10. Ex his suprà statutis inutilis, & vana redditur basis suæ ipse argumentum.

gumentationis, quâ opus erat ad structuram ædificii, quod paraverat. Arguit enim primo par. 2. punct. 11. num. 276. quod hoc assertum est dissentaneum rectæ Theologiæ: quod probat primo, Quia licet Theologi in pluribus questionibus passim disputent, non solum, an aliqua conclusio sit vera, sed etiam, an sit de fide; sed nullus Theologorum uspiam sciscitatur, an aliquid, quod non sit verè articulus fidei, sit evidenter credibile? Et è contra, si quid dicunt esse evidenter credibile per fidem; statim dicunt illud esse revelatum, & contrarium ipsius sustineri non posse. Quod secundò explicat, Quia Theologi eorum temporum (quidquid sit de aliquibus antiquioribus) jam convenerunt in obsequium fidei Ecclesiæ, & Summi Pontificis in eo, ut asserant esse immediatè de fide Clementem XII. .... Qui articulus, ut de fide sic retineatur, jam Theologi pleno ore pronuntiare non dubitant, ut servant talem certitudinem moralem, sententiam contrariam antiquorum factam esse improbabilem. Sed hoc futile nimis: reddat ille verba mea, & funditus evanescit argumentatio. Non loquor de credibilitate formali, sed de credibilitate fundamentali; & licet ad invicem hæc duo convertantur, esse de fide, ac esse evidenter credibile credibilitate formali; non tamen fundamentum credibilitatis convertitur cum assensu fidei; datur quippe pro priori ad assensum fidei iudicium credibilitatis, ut suprâ diximus. Quid ergo mirum, quod de eo, quod non est articulus fidei, negetur credibilitas formalis; & quod nihil sit credibile credibilitate formali per fidem, quod non sit, & dicatur esse revelatum, & contrarium ipsius sustineri non posse? At loquens solum de credibilitate fundamentali, ex illa ad assensum fidei non valet illatio. Quot enim veritates dicuntur à Theologis esse idoneæ, ut credantur Fide Divinâ, quæ tamen non sunt articuli fidei? Exemplo sit sententia plurimum gravissimorum Theologorum piè asserentium præservationem Beatissimæ Virginis esse proximè definibilem, & in statu, ut Summus Pontifex possit accingi ad eam definiendam, ut habeatur de fide; & tamen nullus dicit etiam articulum fidei: ergo non est idem aliquid esse proximè definibile, ac esse articulum fidei, ac per consequens, quod minus est, esse evidenter fundamentaliter credibile. Exemplum, quod Scriptor iste utitur, me ad aliud vocat argumentum. Dubium illud, quod communiter Theologi de Romano Pontifice instituunt, movet P. Marin tract. 14. de Fide Divina disp. 8. sect. 6. num. 72. de Archiepiscopo Toletano, an sit de fide Archiepiscopum Toletanum pro tempore sedentem esse verum. Episcopum? Partem affirmativam tenet; & tamen objectum hoc nec cit evidenter credibile, nec ita moraliter certum, quod oppositum sustineri non possit: quis enim allerat promissum Christi Domini, Tu es Petrus, & super hanc petram ædificabo Ecclesiam meam, non majorem alterre certitudinem pro Summis Pontificibus, quàm pro Episcopis? Ergo si potest proponi aliquid credibile credibilitate formali, cujus oppositum sustineri potest, à fortiori fundamentum credibilitatis non arguit sententiam oppositam esse improbabilem. Eadem ergo argumenta, quæ in me torquet Caducifer, jacent in Authorem istum: judex enim

enim æquus in causa simili eandem debet pronunciare sententiam.

11. Taxat secundò meum argumentandi genus, quia *PP. Dominicanis minus decorum esse dicit*, eo nempe, inquit ille, *quia licet in probatione ibi exhibita, & suprà à me recensita pagina textibus targeant, oracula resonent, & perstrepat apparatus: non est decorum Scholæ doctissimæ pro plantando assumpto speciosissimo. & singulari, genus probationis ad pompam tam enerve, & elumbe*. Singularem dicit allertionem istam. An credit ille imperitos hæc esse lecturos, qui nesciant, quàm multi ante me sententiam istam, etsi sub aliis terminis, exposuerunt? Audiendus Mag. *Contenson* lib. 7. dissert. 1. cap. 1. dicens: *Generalem quidem prædeterminationem admittunt dumtaxat Thomistæ ut probabilem secundùm rationem naturalem, & non ut necessario cum Fide Catholica connexam. Gratiam verò per se efficacem tenent ut conclusiorem Theologicam ab Augustino, & Aquinate clarissimè traditam, & post articulos Fidei omni exceptione majorem in proxima, & veluti nltima dispositione definibilem*. Concinit Mag. *Antonius Gondin* tom. 1. tract. de grat. Dei §. 3. dicens: *Hanc sententiam non modò veriozem esse, imò genuinam esse Ecclesiæ doctrinam à PP. Conciliis, Pontificibus contra Pelagianos, & eorum reliquias defensam, innumera snadent momenta, è quibus quatuor solùm hic breviter expendemus*. Sunt & alii Thomistæ, qui aliis verbis, licet non obscuriùs, id ipsum pronuntiarunt. Si ergo hæc allertio aliorum est, quomodo ego caput sum hujus sententiæ, nisi quia ille caput est hujus, quam mihi ingerit, novitatis?

12. At nè existimet privatum hoc esse Thomistarum judicium iterum ab oculis subijcio, quod protulit Eminentiss. *Card. Bellarminus* lib. 2. de grat. & lib. arb. cap. 9. dicens: *Ut jam hæc sententia non quorumvis Doctòrum opinio, sed Fides Ecclesiæ Catholicæ dici debeat: id, quod in sequenti capite adhuc apertiùs, Deo juvante, monstrabitur*. Quod in hoc secundo capite probat, ut credit, & loquitur ille, *rationibus non ex sola speculatione nostra, sed ex ipsis Sacrarum Litterarum, & traditionis Ecclesiasticæ fontibus acceptis*. Prima ratio, inquit ille, *Sine fide nemo salvari potest: QUI ENIM NON CREDIDERIT CONDEMNABITUR*. Marc. ult. *Fides autem donum Dei est, quod non omnibus datur, sed iis tantùm, quibus eam Deus donare voluerit*. VOBIS ENIM, inquit *Apostolus ad Philipp. 1. DONATUM EST PRO CHRISTO NON SOLUM, UT IN ILLUM CREDATIS, SED ETIAM UT PRO ILLO PATIAMINI: igitur solùm illi salvantur, quos Deus gratis salvari decreverit. Præcivnt verò Deus ante mundi constitutionem, quibus salutem gratis daturus esset: & hoc ipsum ab ipsa æternitate decrevit, & præordinavit: cùm Dei scientia, & propositum æterna, & immutabilia sint*. Igitur vera est sententia *S. Augustini de gratuita præscientia, & prædestinatione*. Ad hanc rationem duobus modis responderi solet, sic tamen, ut modus uterque & SCRIPTURIS REPUGNET, ET A PELAGIANA HÆRESI NON RECEDAT. Primum igitur aliqui respondent, *Fidem esse donum Dei, sed hoc donum iis omnibus dari, quos Deus prævidit per bo-*

bonum usum liberi arbitrii dispositos fore ad illud donum recipiendum, hoc est, qui fecerint ante, quod in se est ex viribus natura. Hac responsio manifestè incidit in illam damnatam sententiam Pelagianorum, gratiam secundum merita nostra dari, ut copiosè tractavimus in 6. lib. cap. 4. 5. & 6. Duo hic observanda, quæ pari ratione ad doctrinæ veritatem retert amplissimus iste, ac clarissimus Scriptor: primum scilicet, positionem suam de gratia, & prædestinatione; imò nostram: secundum verò, solutionis sat notæ rejectionem. Hoc secundum ad nostrum propositum non facit; nec enim errorem illum Catholicis viris, qui nobis adversantur, imputamus. Attamen in illo primo, quod de re nostra est, invictè, magnæque gloriæ insistimus. Rejicit autem ille Adversariorum nostrorum sensum, nostrum magis confirmans; sic enim profertur Eminentiissimus idem: *Dicunt ergo alii, Fidem esse donum Dei, sed non omnibus dari, quia non omnes eam volunt accipere (Deum enim vocare omnes, & auxilium sufficiens omnibus præbere, quo possint credere, si velint) proinde prædestinationem pendere ex prævisione boni usûs gratiæ sufficientis: illos enim esse prædestinatos, quos Deus prævidet cooperaturos gratiæ sufficienti, & inde credituros. At hac solutio repugnat apertè Sacris Litteris. Nam tametsi piè credamus omnibus dari pro loco, & tempore auxilium sufficiens, quò possint credere, tamen Scriptura ducet, re ipsâ non credere, nisi illos, qui habent auxilium efficax, quò fit, ut homo non solum possit credere, sed etiam credat, & hoc auxilium non omnibus dari. En qualiter profundissimo isto discursu, qui è Scripturis, & traditionis Ecclesiæ fontibus defumitur, de sententia allèrente, prædestinationem pendere ex prævisione boni usûs gratiæ sufficientis, sequens profertur judicium, quod REPUGNAT APERTÈ SACRIS LITTERIS. Etiam ultra gratiam sufficientem, quam Deus dat omnibus suo loco, & tempore, requirit aliud auxilium efficax dand. ipsum agere, quod non omnibus datur, & juxta sententiam oppositam nulla agnoscitur gratia, nisi quæ sit libertatis constitutiva, & quæ omnibus datur, & quam voluntas suo consensu efficacem reddit. Hisce monentis sententiam oppositam rejicit Eminentiissimus iste, iisdemque argumentis & nos utimur in veritatis sententiæ nostræ confirmationem; cum non aliud argumentum melius ad causam evincendam detur, quàm ejus vetustas, perpetuitas, & constantia; nec enim doctrina ista est à nobis recenter adinventâ, sed in Ecclesiâ, ut Scripturis, & SS. PP. conformis, longâ sæculorum serie edocta: quæ, si falsa quædam majorum nostrorum opinio fuisset, tandiù propagari, ac sese tueri non potuisset, sed aliquando convicta conticuisset. Sed quid in his immoror, ubi *Clementis XII.* felic. regnans in Brevi, cujus initium, *Verbo Dei scripto, & tradito*, doctrinam Thomisticam conformem illis Fidei nostræ regulis allèrit; & in altero, *Apostolicæ providentiæ*, doctrinam de gratiæ efficacia, prout Thomistica Schola eam defendit, SS. *Augustini, & Thomæ* esse definit? His enim paucis verbis doctrinam SS. *Augustini, & Thomæ* de Divina gratiæ efficacia, imò potiùs oraculo, Orthodoxiam sententiarum istarum à primis Ecclesiæ sæculis derivatam, atque ad*

hac

hæc nostra tempora perennantem, numquamque defecturam, æternitati consecravimus. Facilius ergo agit ille, qui systema hoc minus decorum Dominicanis attulerit. Hoc potius nobis stimulus esse debet, ut tanto generosius doctrinam hanc tueamur, pro qua tam aperte se Apostolica Sedes declarare dignata est. Cur namque non erit Thomistis certò credibilis tot sæculorum spatio comprobata doctrina, quæ tot præcipuis, expressis, ac receptis Scripturarum, traditionisque documentis, atque principiis firmatur; & ad apertam Scripturarum mentem, atque traditionis antiquitatem, cum eodem *Augustino* propugnatur?

13. Fingit tertio *Caducifer* magno verborum, & subtilitatum apparatu, me dicere, quod non dico, concedere, quod non concedo, concludere, sicut non concludo, & concludit ipse quod renuo, assertionem hanc *esse reliquis Scholis ingratam, & offensivam*; si namque esse evidens, seu certum dari sufficiens fundamentum ad credibilitatem concordie liberi arbitrii cum gratia per se, & ab intrinseco efficaci, sequitur, quod systema Jesuiticum Thomistice prædeterminationi contrarium suâ probabilitate jam ceciderit, & solâ temeritate defendi valeat? En invictum ejus argumentum. At non hic protectò consentiunt mens *Caduceatoris*, & mea, Nonnè clarissimè protestatus sum oppositum, tum verbis suprâ adductis, tum in Præfatione ad Lectorem, dicens: *Abstine ergo omnis imprudens A.A. Catholicos oppositos calumniandi libido, quod verius pronuntiamus de Auctoribus illustribus, & eruditæ Scholæ Soc. Jesu . . . . Scholæ huic suam esse probabilitatem non diffiteor . . . . Diversa ergo poteris esse utriusque Scholæ intentio; at utriusque purissima undique, & sana fides est . . . . Quare nihil damnatum volumus, nisi quod expressè ab Ecclesiâ damnatum est; nihil dictum, quod ab illa aequitate, modestia, & charitate defecit.* An non Disp. 4. Dub. 4. num. 10., relatâ quâdam propositione *Jansenii*, in qua cum assertionem Scientiæ mediæ convenit, dixi: *Licet non probemus, tamen in hac parte non reprehendimus? Felix ille nimirum, si probabiles sensus Scholæ Societatis pro virili amplexus fuisset, & pro illa stetit.* Unde igitur locus istis turbulentis *Caducæi* clamoribus? Cur tam tragicè stomachatur? Ad aptissimum est ad hujus explicationem exemplum suprâ adductum. Decretis Apostolicis prohibita est publica, aut privata assertio de Conceptione B. Virginis in peccato originali, ut tamen pie assertentibus præservatam fuisse, sit injunctum sub pœnis latis à *Sixto IV.* nè audeant assertere opinionem contrariam esse impiam, aut quod illam tenere sit peccatum mortale. Rogo modò: Peccantne in hæc Decreta, penasque latas à *Sixto IV.* incurrunt tot doctissimi, ac piissimi DD., qui propugnant sententiam piam de præfervatione Beatæ Virginis esse proximè definibilem? Et tamen qui sic asserunt, plus asserunt, & si argumentis *Caduciferi* licet uti, qui corde teneret B. Virginem non fuisse præservatam, non posset à gravissimo peccato mortali excusari. Quid enim certius, quàm quod nec Summus Pontifex, nec Concilium Generale procedent ad definiendam de Fide aliquam sententiam, donec in Ecclesiâ præviè eliquata sit veritas, & planè constet de



de revelatione Divina? Qui ergo asserunt, illam causam esse in statu proxima definibilitatis, si argumentis *Caducei* liceat uti, simul asserunt, tum quod revelatio Divina de preservatione B. Virginis est omnino certa in Ecclesia; tum, consequenter ad principia *Caducei*, quod nemo possit, nisi temeritate gravissimè peccaminosa contra Fidem, utpotè refragando revelationi certæ in Ecclesia, tenere adhuc corde, quod non sit preservata: quia dissentire revelationi certæ in Ecclesia, quando sit à sciente, & prudente, vix ab infidelitate poterit excusari. Sicut ergo hoc argumentum sophisticum est, nec tangit illos gravissimos DD., qui ita de definibilitate scribunt; idipsum à fortiori in presenti dicendum.

14. Verùm non hic opus est testibus aliis, qui sine ullo partium studio de hac causa sententiam ferant: *Caduceo* potius utar iudice. An non ille pag. 287. num. 71. deridet argumentum *Mag. Graveysonii* tom. 1. Epist. 8. pag. 243. ubi ex constitutione libertatis per æquilibrium educit tamquam absurdum, ut hæreticam esse proscribendam sententiam de gratia per se efficaci? Verba sunt: *Et primò quidem, si essentia libertatis creatæ sifteret in hoc Molinistarum æquilibrio; sequeretur, doctrinam de Gratia per se efficaci esse tamquam hæreticam proscribendam, quia destrueret illud æquilibrium, in quo sita supponitur essentia libertatis creatæ.* An non etiam mihi, rejicienti sententiam, quod sit de Fide, infidelibus negativis dari gratiam quoad substantiam supernaturalem sive proximè, sive remotè sufficientem, quam AA. aliqui non nisi adorandam, & obsequio fidei tenendam propugnabant, reponit *Caducifer* pag. 554. n. 139. *Quocirca in hoc tertio dubio, nisi ego fallor, poterat R. Benitez omnino sibi temperare à querelis; dum, dicere circa articulum sufficientiæ universalis proxima, vel remota, sententiam assertivam esse de Fide, probabilitatem, quâ polleat negativa sententia, minimè labe fucat.* Illud enim verò non capio, quod is, qui suam sententiam aliter esse de Fide, censeatur relinquere sententiæ contrariæ suam probabilitatem: is verò, qui propugnat suam ut evidenter fundamentaliter solum credibilem dicatur improbabilitatis notam alteri oppositiæ sententiæ inurere: ac si plus esset dicere, propositionem quam iam esse fundamentaliter evidenter credibilem, ac lit dicere, eandem jam esse de Fide definitam. Hic oblitus est *Caducifer* doctrinæ *P. Molinae* docentis, quod ille, qui sibi persuadet suam opinionem esse de Fide, implicitè sibi persuadeat contrarium esse vel hæreticum, vel erroneum, aut ad minus temerarium: prout indicant verba ejus ex t. p. q. 61. art. 3. ubi versans quæstionem illam, *Utrum Angeli sint creati ante mundum corporeum?* dicit: *Esto quis sibi persuadeat id (negativam) esse definitionem; & idcirco contrarium esse hodie errorem in Fide, condemnandus is non est vel hæresis, vel erronea sententia, qui affirmaverit Angelos ante mundum corporeum fuisse creatos, sed solum temeritatis.* Discere ex his poterat *Caducifer* tacitè dici sententiam aliquam esse vel hæreticam, vel erroneam, vel saltem temerariam, hoc ipso quod opposita dicitur de Fide esse. Is verò, qui defendit suam

Tom. IV.

E e e

len-

sententiam solum fundamentaliter evidenter credibilem, solum præ-  
tendit dari sufficiens fundamentum, ut possit definiri. Imò etsi negaret  
omninò alterius probabilitatem, non erat, quòd sic clamose quereretur  
*Caducifer*; cùm juxta *P. Viva* Soc. J. Theol. Trutin. par. 1. ad Lect.  
pag. 3. edit. Patav. 1715., cui facillè fidem adhibebit *Caducifer*, post  
*Hurtadum*, & *Lugo* disp. 20. de Fide num. 104. „ Alique passim ad-  
„ vertant improbabilitatis, aut falsitatis notam sub Theologicarum  
„ censurarum nomine non comprehendi, nec ullum cum illis habere  
„ contubernium. Hinc etsi vetitum sit Theologis, nè mutuas censurà  
„ afficiant sententias, nullus tamen sibi putet prohibitum sententias  
„ suas, quò melius poterit, probare, ac ostendere; siquidem id possi-  
„ bile sit; suam esse probabilissimam, aut etiam moraliter certam:  
quod tamen fieri nequit, quin alterius oppositæ sententiæ probabilitas  
aut minuatur, aut negetur. Nullus tamen adversæ sententiæ Patronus  
sibi per hoc injuriam fieri interpretatur: quam tamen omnes sentiunt,  
ubi Adversarius suam de Fide sententiam esse prætendit. Undè *Cadu-  
cifer* hic omninò inverso modo argumentatus est. Cedat ergo per os  
suum, aliorumque ejusdem Societatis DD. veritati loquenti, & se  
ipsam suis responsionibus vincat.

15. En quo robore, quâ firmitate, quâ argumentorum copiâ, quan-  
to orationis impetu frangere, ac dissipare intendit *Caducifer* assertio-  
nem meam; quibus tamen breviter satisfacere non supervacaneum, sed  
maximè necessarium duxi: non quia æmulâ contentione, superboque  
sensu velim in hac sententiâ præcellere, aliisque sapientioribus antepo-  
ni; jam quippe sincerâ intentione dixi, quòd hoc ut verissimum  
proposui, ut & suum cuique, & mihi meum, si quid postea probabilius  
occurrerit, judicium liberum, ac solum relinquam; sed nè ex his tro-  
phæum sibi erectum, aut coronam sibi partam credat *Caducifer*, ma-  
gnificum sibi pollicens triumphum. Quod si plus justo progressus fuis-  
sem, aliquidvè asseruissim aut inverisimile, aut alteri Scholæ, qualif-  
cumque illa sit, injuriosum, absque ulla difficultate ingenuâ illud revo-  
catione delerem: ego enim cum *Augustino* ex numero eorum esse,  
conor, qui opto potius à quolibet reprehendi, si aliquid vel incautus,  
vel indoctus est positum, quàm sive ab errante, sive ab adulate lau-  
dari. *Ab hac excellentia tam longè absum, ut si nullum verbum, quòd  
revocare vellem, protulero, fatuo sim, quàm sapienti similior*, ut dixit  
ille S. Doctor Epist. 143. ad *Marcellinum*. At cùm nullus reprehensor  
formidandus sit amatori veritatis, ut dicit *Augustinus* lib. 2. de Trinit.  
in præmio, deceatque instanter prædicare veritatem, etiam non  
alienis, seu dilensuris: veritate impellente, quantæ sit auctoritatis  
in Ecclesiâ doctrina de gratia ex se ipsa, & ab intrinseco efficaci, Tomo  
sequenti eisdem omninò argumentis dicemus, volentibus opportunè,  
renitentibus importunè, amatâ semper veritate, charitate intactâ. Et  
hæc satis, superque si nt de præsentī Disputatione.



*Finis Tomi Quarti.*

IN.

# I N D E X

## RERUM NOTABILIVM.

Quæ in hoc quarto Volumine continentur .

### A

**A**ctiones prohibita, quia mala hoc habent, quod etsi sint male independenter à lege actuali, tamen non sunt mala formaliter, sed fundamentaliter. Pag. 193.

Ad data erat gratia sufficiens perseverandi. 11.

Adrumetini Monachi non negabant, quod iustè corripentur, si suo vitio non acciperent gratiam ad operandum requisitam. 43.

M. Albelda Ord. Præd. ait: Deum concurrere ad actum peccati in quantum est Ens, & non solum concursu simultaneo, verum etiam concursu prævio recepto in voluntate. 108.

S. Albertus Magnus Ord. Præd. ait: quod Deus est directè causa actus mali, quoad entitatem. 154.

M. Aliaga Ord. Præd. in quo constituit malitiam privativam odii. 109.

Tuetur sententiam de irresistibilitate gratiæ ab intrinseco efficacis. 285.

Angeli suâ naturâ sunt inflexibiles ab objecto, quod semel elegerunt. 89.

Angelus malus injustè usus fuit potestate à Deo sibi data. 145.

Angelus potest movere voluntatem humanam, sed valde diversè ab ipso Deo. 315.

P. Annatus Soc. Jesu declarat veram Thomistarum intelligentiam sensus compositi, & divisi. 217.

Anomæi contendebant Deum non curare quid aliquis agat; dummodo fidem custodiat. 100.

D. Anselmus docet peccatum quantum ad entitatem esse à Deo, non verò quantum ad malitiam. 113. Docet etiam, quod Deus facit bona opera, & mala, sed non equaliter. 134.

Fidelissimus D. Augustini Discipulus duas voluntates Dei distinguit, unam misericordiam, alteram iustitiam. 314.

Apostolus quomodo totam prædestinationis seriem ordinet. 58.

Argumenta alicui veritati in contrarium opposita tripliciter solvi possunt. 331.

Arnaldi (Antonii) assertio, quod Petrus defectu gratiæ efficacis non potuit Christum confiteri, fuit damnata. 40.

P. Avendaño Soc. Jesu ait: Concursus Dei indifferens tendit non solum in entitatem actus pravi, sed etiam in ipsam malitiam. 104.

D. Augustinus ex Psalm. 70. clarissime ostendit, quod ultra gratiam constitutivam libertatis, ut voluntas salutariter operetur, necessaria est ulterior gratia efficax. 1.

Gratiæ efficaciam, & per consequens ejus congruitatem ex sola

Ecc 2 vi,

vi, & efficacia Omnipotentiae, Dei esse repetendam docet. 8. & seq.

Deum gratia sua beneficio humanae naturae vitatae, & infirmam reparatorem, & medicum ostendit. 11.

Divina gratia adscribit aptitudinem eorum, qui efficaciter vocati sunt. 22.

Quam praescientiam in Deo admittat, & quam explodat. 25.

Præter gratiam efficacem effectricem bonae voluntatis admittit gratias sufficientes tam intrinsecas, quam extrinsecas. 28.

Discretionem malorum Angelorum à bonis propriae voluntati, bonorum tamen à malis gratiae asseveranter attribuit. 30.

Gratuitam gratiae concessionem, quæ Deus misericordiam suam ostendit in eos, quibus eam largitur, & iustitiam in eos, quibus eam denegat, semper inculcat, & semper repetit illud Apostoli: O Altitudo divitiarum &c. 35.

Quomodo exponat illud Sapientiae: Raptus est, ne malitia mutaret intellectum ejus. 48.

Agnovit semper esse inconveniens, quod dubilis sit casus, in quo Deus hominem liberum non possit convertere. 63.

Docet Deum suo concursu esse causam entitatis peccati. 154.

Explicat verba Apostoli: Tradidit illos Deus in desideria cordis eorum &c. 171.

Questionem de concordia libertatis, & gratia ab intrinseco efficaci diffiilem, & insuperabilem pronunciat. 201.

Liberum arbitrium potius stabiliri, quam destrui per gratiam ab intrinseco efficacem semper docuit. 240. 242. 249.

Gratiam ab intrinseco efficacem non esse resistibilem à voluntate creata, tenet. 278.

Apertissime docet, quod maximi doni perseverantiae altior causa querenda est, quam sit hominum voluntas. 368.

Avicenna ait, quod Aequitas tantum est Aequitas. 122.

Axioma illud: Quæ sunt eadem uni tertio, sunt eadem inter se, quomodo intelligatur. 138.

## B

**Ven. B. Eda**, quomodo intelligat sensum compositum, & sensum divisum. 214.

**Emin. Bellarminus** affirmat, & ostendit, sententiam asserentem prædestinationem pendere ex prævisione boni usque gratia sufficientis repugnare aperte Sacris Litteris. 399.

**Bernique (J.annes)** egregie ostendit neminem Scotistarum scientiam mediam admisisse. 47.

**M. B. livar Ord. Præd.** sapientissimus asserit repugnare, quod deatur Creatura à Deo inconvertibilis. 62.

Docet efficaciam intrinsecam gratia, huiusque cum libertate concordiam. 269.

Tenet sententiam de irresistibilitate gratia, ab intrinseco efficaci. 284.

**Bonitas per D. Thomam** duplex naturæ scilicet, & moris. 166.

**Boncat (Antonius)** docet irresistibilitatem gratia, ab intrinseco efficaci. 286.

## C

*Emin.* **C** Ajetanus Ord. Præd. ostendit immunem esse concursum Dei ab attingentia malitiæ: causare autem entitatem actus, quæ est materiale ejusdem 107.

Calvinus ait peccata esse in Deum referenda. 94.

Maximum discrimen inter ipsum, & Pelagium in hac propositione: Gratia per se efficax tollit libertatem. 339.

Illius Cutbarinus (Ambrosius) Or. Præd. vocat motionem efficacem, cui nullus unquam resistit, immo cui resisti non potest. 288.

Catholici quædam vera dicunt cum Hæreticis, longè tamen abhorrent ab eorum erroribus. 325.

Causæ defectionum, cum efficientes non sint, sed deficientes non possunt inveniri. 127.

Christi humanitati Deus non potest permittere peccatum ex suppositione hypostatica unionis. 91.

D. Chrysostomus, cui sententia de gratia favere videatur. 30.

Gratiam ab intrinseco efficacem, insuperabilem, & inexpugnabilem vocat. 275.

Ait quod Hæretici adulterant Scripturam ad suos errores. Scriptura tamen non est in causa, sed eorum improbitas. 327.

*Emin.* Cienfuegos summis laudibus prosequitur M. F. Hieronymum Perez ex ordine B. Virginis de Mercede. 337.

Circumstantiarum dispositio secundum se nihil influit in opus supernaturale. 11.

Circumstantiæ bonæ sub Dei Providentia cadant. Ibidem.

Clement XII. sæcl. regnans Doctri-

nam Thomisticam conformem Fidei nostræ regulis asserit, & Doctrinam de gratiæ efficacia, prout Thomistica eam defendunt, esse Sanctorum Augustini, & Thomæ definit. 399.

S. Cælestinus ait, quoddam Divinò auxilio non aufertur liberum arbitrium, sed liberatur. 242.

Collegium Ripense Ordinis B. Mariæ Virginis de Mercede docet irresistibilitatem gratiæ ab intrinseco efficacis. 285.

Collegium Salmanticense Fratrum Discalceatorum Carmelitarum, negat potestatem resistendi prædeterminationi tam in sensu composito, quàm in sensu diviso. 286.

Colonienfis Theologica Facultas docet Deum gratiâ ab intrinseco efficaci movere voluntatem omnino irresistibiliter. 288.

Complexa sunt in triplici differentia. 350.

Concilium Arauscanum damnat errorem eorum, qui Deum peccati credunt Auctorem. 95.

Damnat etiam eos, qui agebant, Deum ab æterno aliquos ad malum prædestinasse. 109.

Concilium Cartaginense scribit Innocentio PP. gratiam liberum arbitrium adjuvando perficere. 268.

Concilium Senonense celebratum anno 1528. quid definiiverit, & quid damnaverit decreto quinto-decimo. 310.

Concilium Tridentinum damnat errorem eorum, qui Deum peccati credunt auctorem. 95.

Docet quoddam Deus utrumque opus, bonum scilicet, & malum causat, sed non æqualiter. 133.

Ostendit necessitatem distinctionis sensus compositi, & divisi. 206.

Docet gratiam efficacem bene co-

- habere cum libertate . 235.  
 Sancivit Deum movere voluntatem, & voluntatem se liberè movere . 362.  
 Perseverantiam Electorum esse proprium Dei donum definiunt . 369.  
 Concupiscentia affectus non est dampnabilis, sed solum deordinatio . 180.  
 Concupiscentia semper gratiam oppugnat . 272.  
 Concurfus simultaneus est quid extrinsecum respectu agentis, & se tenet ex parte effectus . 14.  
 Concurfus causa libera superioris cum causa libera inferiori duplex est, alius permissivus, alius positivus, qui etiam est duplex generalis unus, alter specialis . 127.  
 Concurfus Divinus prior est, quam effectus per eum productus, cum sit ejus causa . 15.  
 Concurfus Divinus præcise respicit entitatem materiale peccati, & a malitia præscindit omnino . 162.  
 Congruitas vocationis est efficacia gratia, quæ verè agitur, & peragitur, ut homo credat in Christum . 8.  
 Consensus voluntatis, cum sit effectus gratia, gratia non potest dici efficax à tali consensu . 11.  
 M. Contenson Ord. Præd. quomodo probet Deum concurrere ad causandam entitatem peccati . 170.  
 Conversiones miraculose, & extraordinaria gratiam intrinsecè efficacem prædicant . 12.  
 Cor hominis est in manu Dei quasi possessum, & subditum, & non purè præscitum . 15.  
 Creatura in Deo est ipsa creatrix essentia . 123.  
 Creatura omittens manet tamen

subiecta Deo triplici subjectione . 342.

- Credibilitas nihil aliud est, quam idoneitas ut credatur . 394.  
 Credibile est aliquomodo terminus respectivus . 395.

## D

- P. Daniel Societatis Jesu proponit quoddam systema, quo intendit revocare ad concordiam Thomistarum, & Jesuitarum de Gratia, et Prædestinatione sententiam, quod tamen futilitas, & falsitatis plenissimum est . 56.  
 Defectus actionis est merum nihil, & privatio rectitudinis, ad quam non requiritur concursus Dei . 160.  
 Deus quomodo nos doceat per Christum . 8.  
 Per gratiam suam causat in nobis idoneitatem ad opera sua . 21.  
 Ejus Judicia ita sunt hominibus ignota, & inscrutabilia, ut iniqua esse non possint . 40.  
 Cur aliis det beneficium Perseverantia, & aliis non? Inscrutabilia sunt Judicia ejus . 51.  
 Omnem omnino perfectionem includit, & implicite importat . 55.  
 Ejus attributa differunt secundum rationem: non tamen, quæ sit solum in ratiocinante, sed quæ salvetur in ipsa re, secundum veritatem, & proprietatem rei. ibid.  
 Habet omnium rerum scientiam . Ibidem.  
 Magis habet in sua potestate voluntates hominum, quam ipsi suas . 75.  
 Quomodo dicatur adjuvari per alium. ibid.  
 Non potest esse auctor peccati . 96.

*Quomodo concurrat permiffivè ad opera mala . 102.*

*Longè aliter fe habet in fuo concurfu ad malitiam , ac ex illo fe habet ad illius entitatem . 112.*

*Nullò modò concurrit ad formale peccati . ibid.*

*Eff infinitus , virtualiter in fe omnia præhabens . ibid.*

*Ab ipfo poteft aliquid effe caufatum in genere phyfico , quin fit caufatum ab eo in genere moris . 136.*

*Stat , ex duobus identificatis , Deum velle unum , modò , quò non vult alterum . 148.*

*Sic caufa: entitatem peccati , quod prædeterminet voluntatem ad illam : ita ex S. Auguftino , & ex D. Thoma . 170.*

*Dialecticorum regula eff , in propofitione cathgorica affirmativa requiritur , quod fubjectum , & prædicatum fupponant pro eodem . 386.*

*Difficultas fuperandì tentationem oritur ex corruptione inferioris appetitus . 92.*

*Discrimen maximum datur inter applicationem phyficam , & moralem . 41.*

*Diffinitionis fensus compofiti , & divifive neceffitas probat , ex Scriptura , Conciliis &c . 205.*

*Dominiũ Dei fuper res à fe productas perfectum eff , quia ad earum productionem non indiget exterioris agentis adminiculo . 75.*

## E

**E**cclēſia ſæpiſſimè expoſcit nobis dari gratiam ex ſe , & non ex conſenſu creaturæ efficacem . 17.  
Eccleſiæ modas loquendi indifcrimiatim uſurpat hæc tria : effe præ-

deſtinatum , electum , ſalvandum . 376.

Electio per D. Auguſtinum eſt duplex , una executiva per modum coronæ alia intentiva , & pure gratuita . 25.

Exempla plura , in quibus cauſalitas divina terminatur ad unum cum præciſione ab alio , quod identificatur cum illo . 140.

## F

**F** Mag. Errer (Vincentius) Ord. Præd. ait , quod Gratia effcax eſt irrefiſtibilis , inevacuabilis , & certiffima . 287.

Fidei lumen facit videre ea , quæ creduntur . 393.

Forma quando exiſtunt in ſubjecto , tunc non poteſt aliquid attribui ſubjecto , quod repugnet formæ prædictæ . 358.

D. Fulgentius amentiam appellat afferere , Deum egere ad immutandum hominem ſcientia , qua in homine velle , quo eſt mutandus , reperiat . 66.

## G

**G** Ratia effcax , ut voluntas ſalutariter operetur , neceſſaria eſt , ultra gratiam conſtitutivam libertatis . 1.

Gratia ex ſe , & non ex circumſtantiiis , vel à conſenſu præviſo eſt effcax . 10. 15.

Gratia ab intrinſeco effcax eſt maxima liberi arbitrii perfectio . 239.

Gratia ab intrinſeco effcax non eſt reſiſtibilis à voluntate creata . 274.

Gratia irrefiſtibilis , licet vitioſè ab aliquibus poſſit intelligi , tamen non eſt reſicienda neque quo uà vocem . 326.

Gra-

*Gratia ab intrinseco efficax insuperabilis, est, sed tamen dulcis, & delectabilis.* 328.

## H

**H**æreses in sua perversitate, meritis damnanda sunt, habere tamen in aliqua parte aliquod possunt, quod verum est. 325.

*P. Herrera S. J. ait, quod Deus determinatus à creatura concurrat physice ad malitiam, & non solum ad entitatem peccati.* 104.

*Heterodoxi, qui Deum esse peccati autorem blasphemabant.* 98.

*Repugnantia loquuntur ut aliquem injuriis suis doctrinis colorem inducere possint.* 101.

*D. Hilarius probat, quod voces aliquæ licet ab Hæreticis vitiose possint intelligi, minime tamen sunt rejicienda à Catholicis.* 326.

*Homo per gratiam scit, quid agendum didicit.* 8.

*Homo ad Deum in ordine ad potestatem prædestinandi, & reprobandi, se habet sicut figmentum se habet ad signum.* 75.

*Homo dupliciter aptatur ad bene faciendum.* 261.

*Hugo à S. Victore quomodo intelligat sensum compositum, & sensum divisum.* 214.

## I

**I**ansenius duplicem delectationem distinguit unam Cælestem, quæ ad bonum, alteram terrenam, quæ ad malum inclinat. 292.

*Quanam sit per ipsam naturam hujus delectationis.* 293.

*Non aliam gratiam agnovit, quam delectationem victtricem.* 294.

*Nullam præter efficacem, sufficientem gratiam agnovit.* 295.

*Idea entitatis peccati datur in Deo.* 120.

*Idololatria doctor est, qui blasphemat Deum esse peccati autorem.* 95.

*Impedimenta actus, alia sunt intrinseca, alia extrinseca.* 336.

*Infidelibus sufficit gratia possibilitatis, ut eis possibilis sit conversio ad Fidem.* 39.

*Infinitum in actu dari non potest.* 78.

*Joannes à S. Thoma Ord. Præd. docet quod nulla sunt liberi arbitrii vires pares ad resistendum resistentiæ formali gratiæ ab intrinseco efficaci.* 286.

*D. Iræneus scribit Hæreticos de iisdem non semper easdem sententias habere.* 101.

*Judicia Dei inscrutabilia, & invehigabiles viæ ejus.* 51.

*Justificati habent omnia ex parte actus primi requisita ad perseverandum.* 237.

## L

**L**atro tunc credidit in Christum, cum eum non præstantiorem videret in operibus, sed consortio Crucis æqualem. 20.

*D. Laurentius Justinianus quomodo expendat illud Joannis: Sine me nihil potestis facere.* 96.

*Describit divinæ efficacis motus incomprehensibilem efficaciam.* 244.

*Mag. Lemos Ord. Præd. tractat perlucidè distinctionem sensus compositi, & divisi.* 205.

*S. Leo asserit, quod etiam in erroribus Hæreticorum quiddam invenitur, quod à damnabilibus possit abjungi.* 324.

Li.



- Libertas Dei destruitur, si opus habeat libertate humana, ut exequatur fines providentia sua.* .90.
- Libertas voluntatis creata non destruitur per hoc, quod egeat praedeterminatione.* .90.
- Liberum arbitrium à gratia ab intrinseco efficaci non destruitur, sed magis stabilitur, & perficitur.* .239. 267.
- Illinus Lodigieri Ord. Serv. B. M. gratiam efficacem irresistibiliter operari in cordibus hominum docet.* .285.
- Lutherus quid dixerit de Gratia, & libero arbitrio.* .98.
- In hanc execrandam blasphemiam prorupit, ut Deum faceret auctorem peccati.* .98.
- Lydia purpuraria Dominus aperuit cor, intendere bis, quæ à Paulo dicebantur.* .22.

M

- M. Alitia moralis est quæ formaliter prohibetur.* .192.
- Malum abstractivè sumptum essentiam non habet in genere moris.* .126.
- Manichæorum perversum, & ridiculum dogma.* .158.
- P. Manzo August. docet irresistibilitatem Gratia ab intrinseco efficacis.* .284.
- S. Maria Magdalena ex gratia abundantia primo suæ conversionis instanti ad summum provecita fuit perfectionis apicem.* .13.
- Beatis. Maria Virgo fuit in bono confirmata.* .50.
- P. Marcus del Pozo Ord. Præd. probat eximiiis testimoniis, quod licet Thomista in exponenda præmone per diversos videantur progredi calles, tamen ad veritatis*  
Tom. IV.

- centrum omnes perveniunt.* .47.
- P. Marin S. J. asserit esse sententiam omnium serè Auctorum Societatis Deum concurrere ad exitum, & malitiam peccati.* .104.
- Sustinet formale peccati virtualiter præcontineri in Dei summa, & perfectissima actualitate.* .124.
- Martyres tripudiabant alacriter in suis tormentis.* .329.
- S. Matthæi conversionem ex divina gratia insuperabiliter operante D. Joannes Chrysostomus cognoscit.* .31.
- M. Medina Ord. Præd. tenet sententiam de irresistibilitate Gratia ab intrinseco efficacis.* .284.
- Melancthon (Philippus) in hoc nefandum incidit crimen, ut assereret peccatum non arbitrio humano, sed Deo esse attribuendum.* .98.
- P. Mendoza Gratiam ab intrinseco efficacem non esse resistibilem à voluntate creata agnovit.* .276.
- P. Meyer S. J. qua intolerabili licentia scripserit contra Gratiam physicè efficacem.* .216.
- Illinus Montalvan Ord. Præd. dat germanam Thomistarum sensus compositi, & divisi intelligentiam.* .223.
- Docet irresistibilitatem Gratia ab intrinseco efficacis.* .288.
- Mors etiam immatura magnum Dei beneficium est, quoniam peccandi periculis hominem subtrahit, & in non peccandi securitatem constituit.* .48.

N

- N Athanael ad unam sententiam, quam à Jesu Christo audivit, in ipsum credidit.* .19.
- Nazarinus Ord. Præd. continuo docet*  
Fif ces

*cet Deum concurrere ad entitatem actus peccati, non vero ad malitiam.* 108.

*Nyssenius quid dicat de versatili jurisperitorum ingenio.* 392.

## O

**O** *Dii specifica differentia admittit duplicem considerationem.* 199.

*Omnipotentia divina quomodo sit virtus productiva cuiuscunque possibilis.* 67.

*Ordo prioris, & posterioris rerum volitarum in ratione terminandi divinam voluntatem in scriptura fundatur.* 56.

*Oratio est clarissima Gratiae testificatio.* 16.

*P. Ortiz (Martini) quomodo describat Gratiam congruam.* 16.

*Fallitur dum ait collectionem illam Operum D. Augustini de Gratia mancari esse, & defectuosam.* 29.

*Intendit ad concordiam revocare Thomistarum, & Jesuitarum de Gratia sententiam.* 52.

*Principiorum ejus Schola, quam tueri profitetur, non satis se esse peritum, ostendit.* 82.

*Falsum est, quod ipse dicit, quod creatura, quae praevideretur dispensata omnibus auxiliis libera non esset.* 86.

*In suo Systemate funditus destruitur libertatis exercitium.* 227.

*Negat posse dici à gratia efficaci dari potentiam consequentem.* 231.

## P

**P** *Alanco expresse docet voluntatem non posse resistere praedeterminationi divinae activae.* 285.

*S.S. Patres omnem concursus Dei positivum ad malitiam peccati excludunt.* 132.

*Quomodo exponant illud Isaia: Servire me fecisti in peccatis tuis.* 144.

*Afferunt Deum suo concursu esse causam entitatis peccati.* 153.

*Ostendunt necessitatem distinctionis sensus compositi, & divisi.* 206.

*Gratiam ab intrinseco efficacem non esse resistibilem à voluntate creata docent.* 277.

*D. Pauli conversio Gratiam ab intrinseco efficacem maxime praedicat.* 12.

*Pax Dei quantum bonorum sit causa.* 59.

*Peccatoris conversio summi generis miraculum est.* 69.

*Peccatum quid sit.* 95.

*Idea entitatis peccati datur in Deo.* 120.

*Formale peccati nequit oriri, & praecineri in Omnipotentia Dei.* 123.

*Entitas, & malitia peccati in re physice, & subjective unum sunt terminative autem, & comparative ad causalitatem divinam duo sunt.* 139.

*Peccatum letale & Gratia justificans mutuo essentialiter pugnant, & tamen utrique accidit alterum excludere.* 357.

*Pelagius quid dixerit de gratia, & libero arbitrio.* 98.

*Negavit liberum arbitrium indigere auxilio divino.* 235.

*Quos errores coactus sit in Synodo Diospolitana condemnare.* 333.

*Maximum discrimen inter ipsum & Calvinum in hac propositione: Gratia per se efficax tollit libertatem.* 339.

Pe-

- Pelagiani dicebant quod si pueri peccato originali infecti nascerentur, Deus esset Auctor peccati.* 167.
- Gratiam Dei efficacem eludere, & subvertere conati sunt.* 245.
- Permissio peccati, & peccatum permissum quomodo differant.* 129.
- Perseverantia in sanctitate non est effectus gratiae sufficientis in his, vel illis circumstantiis collatae, sed altioris Dei gratiae quae stabilis voluntatem in homo.* 50.
- Perseverantia donum est proprium donum Dei non dependens ab humana voluntate.* 387.
- Petavius S. J. clarissime contradistinguit entitatem, quae est in peccato à formali malitia, Deumque auctorem entitatis statuit, non tamen concurrere ad formale peccati.* 127.
- Ducet Gratiam ab intrinseco efficacem non esse resistibilem à voluntate creata.* 291.
- D. Petrus aspectu Christi, quem negaverat, repente compunctus est.* 13.
- Fuit ei possibilis victoria tentationis, quam in domo Caiphae ad Christum negandam patiebatur.* 40.
- Philosophus quomodo intelligat sensum compositum, & sensum divinum.* 213.
- S. Pius V. Ord. Praed. d. finivit non omnia opera Infidelium esse peccata.* 299.
- Potestas antecedens, & potestas consequens liberi arbitrii quid sint, & quomodo differant.* 229.
- Prædo Doctor fatetur ex secunda Jansenii propositione ab Innocentio X. damnata non colligi omnem interiorum gratiam resistibilem.* 300.
- Præcepti obligatio, & materia reprehensionis fundatur, non supra inæquales determinationes, sed supra æqualem potestatem.* 41.
- Præceptum est prima regula moralitatis, ejusque finis intrinsecus.* 186.
- Præcepta particularia negativa, prohibentia actum differunt à præceptis universalibus negativis prohibentibus peccatum.* 194.
- Prædestinationis series per Apostolum qualis sit.* 58.
- Prædeterminationis effectus est omne beneficium, quod Deus homini confert ad salutem.* 59.
- Prædeterminatione negata nullum est auxilium, cui voluntas non possit resistere resistentia propria, & formaliter tali.* 78.
- Prædeterminationem asserere, non esse per electionem prædestinantis est contra auctoritatem Scripturæ & dicta Sanctorum Patrum.* 372.
- Præscientia quam admittat in Deo, quam explodatur à S. Augustino, & à D. Thoma.* 25.
- Propheta Regis divinae Gratiae efficaciam maxime prædicat in Psalmo septuagesimo.* 1.
- Propositio modalis quam sit.* 210.
- S. Prosper asserit, quod in die iudicii Reprobis increpabuntur in comparatione Prædeterminatorum.* 41.
- Quomodo respondet Semipelagianis dicentibus sequi ex prædeterminatione ad materiale peccati, quod adulteria, fornicationes &c. ideo contingunt, quia Deus ita prædestinavit.* 168.
- Scribit Augustino referens Massiliensium querelas, istosque offensos ex ejus libris non intellectis.* 248.
- D. Augustinum magnificis laudibus extollit.* 252.

*Providentia divina est, ita causas omnes ordinare, & disponere, ut ad id conferant, quod aeterno suo decreto sibi Deus ipse proposuit.* 28.

*Provisuris Generalis, & Particularis differentia.* 187.

*Putebonellus (Joannes) Barnabita subscribit sententia de irresistibilitate Gratiae ab intrinseco efficacis.* 285.

## Q

*Q*uestio de concordia libertatis cum Gratia ab intrinseco efficaci valde ardua est, & difficilis, ut ait D. Augustinus. 201.

*P. Quiros S. J. asserit, quod Deus ex demeritis conditionate praevisis moveatur, ne creaturam sic male operantem praevisam creet.* 61.

## R

*P. R*amirez S. J. potius ponit Cbimaram quam penetret naturam libertatis. 74.

*Palam futetur quod praedestinatio non est unice ex electione Dei praedestinantis, sed ex determinatione praedestinati.* 371.

*Reprobi in die iudicii increpabuntur in comparatione praedestinatorum.* 41.

*Resistere quomodo intelligatur loquendo de voluntate resistente ad Gratiam.* 272.

*P. Ribadevieira, & P. Marin S. J. qua cuspidate Thomisticam doctrinam transfigere conentur.* 97. 103.

*Rios (Eusebius) explicat qualiter potestas libera salvetur per potestatem ad omissionem praecisive divinsam à praedeterminatione secun-*

*dum aliquos, verumque sensum exponit.* 222.

## S

*S*apientia divina est iustitia, misericordia, potentia, voluntas, intellectus &c. 122.

*Scientia media merè speculativa est, & non est in potestate Dei, ut docent etiam ejus Patroni.* 14. *Inutilis in Deo prorsus est.* 55.

*Minus conformis est auctoritati Apostoli ad Ephes. 1. Deus omnia operatur secundum consilium voluntatis suae.* 56.

*Scientia, quae Deus cognoscit peccata, non est practica ex parte rei operabilis, sed tantum secundum quid, in quantum illa permittit, vel impedit.* 118.

*Scripturae testimonia ostendunt Deum suo concursu esse causam entitatis peccati.* 153.

*Ostendunt necessitatem distinctionis sensus compositi, & divisi.* 205.

*Ostendunt Gratiam ab intrinseco efficacem non esse resistibilem à voluntate creata.* 275.

*Scriptura utitur Harectici ad suos errores, Scriptura tamen, non est in causa, ut ait D. Joannes Chrysostomus.* 237.

*Semei peccatum maledicenda David.* 153.

*Sensus compositi, & divisi distinctionis necessitas.* 205.

*Eiusdem vera intelligentia.* 210.

*Simoen in Dominum Jesum Christum adduc infantem credidit spiritu ei revehante cognoscens.* 19.

*Simon Magnus Deum esse causam, & autorem peccati primus omnium dogmatizavit.* 94.

Mag.

*Mag. Soto Ord. Præd. sentit Deum causare entitatem peccati concursu physice prædeterminante, absque eo quod dicatur causa peccati. 108.*

*Spes gratiæ Dei reddit Regium Prophetam invictum, immotumque adversus hostium conatus. 1.*

*Spes Theologica innititur Omnipotentia Dei auxilianti. 72.*

*P. Suarez Soc. Jesu quomodo explicet gratiæ efficaciam. 5.*

*Discrimen, quod ponit inter gratiam efficacem, & congruam. 7.*

*Veram Thomistarum intelligentiam sensus compositi, & divisi demonstrat. 217.*

*Docet gratiam ab intrinseco efficacem non esse resistibilem à voluntate creata. 286.*

## T

**T**ertullianus quid intelligat, quando dicit: quod à Deo permitti dicitur, quasi de invita venit voluntate. 145.

*Theologis non licet sine gravi causa nova placita cedere. 155.*

*Nemo ex antiquis putavit infallibilem actus futuritionem pugnare cum ejusdem libertate. 345.*

*Theologi Societatis ex determinatione liberi arbitrii esse sumendam gratiæ efficaciam constanter progunt. 5.*

*Eorum varietatis de inconvertibilitate Creaturæ à Deo. 60.*

*Difficillime ab eis explicatur permissio passiva peccati, quæ ex voluntate Dei fit. 129.*

*Recipiunt distinctionem sensus compositi, & divisi, sed non om-*

*nibus communis est intelligentia. 207.*

*D. Thomas gratiæ efficaciam, & per consequens ejus congruitatem ex sola vi, & efficacia Omnipotentia Dei esse repetendam docet. 9.*

*Quam Præscientiam admittat, & quam explodat. 26.*

*Quomodo explicet illud Matthæi: Potens est Deus de lapidibus istis suscitare &c. 62.*

*Perfectissimam notionem Divinæ Omnipotentia proponit. 67.*

*Quomodo exponat illud Ecclesiast. Deus ab initio constituit hominem, & reliquit illum in manu consilii sui. 76.*

*Quid intelligat nomine permissio- nis peccati tam activè, tam passivè sumptæ. 133.*

*Docet Deum immediate concurrere ad entitatem peccati. 150.*

*Docet insuper sic Deum concurrere ad entitatem peccati, quod prædeterminet voluntatem ad illam. 175.*

*Ostendit necessitatem distinctionis sensus compositi, & divisi, & explicat quomodo fallacia compositionis, & divisionis cavenda sunt. 206.*

*Quomodo intelligat sensum compositum, & divinum. 214.*

*Evidenter ostendit eandem esse subjectionem voluntatis ad Deum in ordine ad actus interiores, ac in voluntate subiecta eodem modo servari dominium subiectum scilicet, & subordinatum. 234.*

*Causam assignat libertatis summam efficaciam Divinæ voluntatis, quæ causat effectum juxta modum ipsius causæ secundæ. 253.*

Do-

*Docet quod Deus magis habet in sua potestate voluntates hominum, quam ipsi suas, & salvalibertatis indifferentia operatur in eis, quidquid vult. 258.*

*Robur, & efficaciam intrinsecam gratiæ, huiusque cum libertate concordiam exprimit, & repetit pluribus in locis. 259., & seqq.*

*Gratiam ab intrinseco efficacem non esse à voluntate creatura resistibilem docet. 281.*

*Duplicem admittit gratiam, efficacem scilicet, cui numquam resistitur, & insufficientem, cui sæpe resistitur. 316.*

*A potestate liberi arbitrii excludit perseverantiæ donum. 369.*

*Commendat infallibilem illum Divinæ Providentiæ ordinem, cuius certitudini, & infallibilitati libertas Creaturæ, minimè opponitur. 378.*

*Thomistæ congruitatem gratiæ ex ipsa gratiæ efficacia sumendam docent. 7.*

*Licet de præmotione diversimodè se exprimant, idem tamen uno ore dicunt, quantum ad doctrinæ substantiam. 47.*

*Inflexibilitas Angeli non deducitur à Thomistis ex impotentia Dei, sed ex Angeli natura. 89.*

*Quid intelligant nomine permissionis peccati passivè sumptæ. 128.*

*Non conveniunt cum Jansenio in secunda ejus propositione damnata ab Innocentio X. 301.*

*Docent, quod supposita etiam irresistibilitate prædeterminationis ad consensum remanet in voluntate potestas ad omissionem. 304.*

*R.P. Thyrsus Soc. Jesu probare intendit Deum ex mente D. Thomæ solum moraliter trahere ad se voluntatem. 261.*

*Emin. Toletus asserit nec dari illam gratiam congruam, ut a suis Patronis exponitur, nec scientiam, favorabilem circumstantiarum exploratricem. 32.*

## V

*V Eritas amatur. 391.*

*Vocationis exempla varia. 19.*

*Vocatio à motione distinguitur. 20.*

*Vocatio; quæ nos vocavit Deus in suum Regnum, & gloriam, non pro meritis nostris, sed pro misericordia sua datur. 373.*

*Voces quædam licet ab Hereticis vitiosè possint intelligi, minimè tamen rejiciendæ sunt à Catholicis. 326.*

*Voluntas humana non libertate, consequitur gratiam, sed gratiæ libertatem. 10.*

*Voluntas bona vocationem non præcedit, sed potius vocatio bona voluntatem. 19.*

*Voluntas mala à Deo non est. 181.*

*Voluntas in operando dupliciter potest deficere. 184.*

*Voluntas antecedens, & consequens quid sint, quomodo differant inter se. 228.*

*Voluntas creata taliter exigit se ad amorem determinare, ut etiam exigit determinari à Deo. 263.*

*Voluntas supposita etiam irresistibilitate prædeterminationis ad consensum adhuc habet potestatem ad omissionem. 304.*

## Z

Mag. **Z**amel Ord. Beata Ma-  
ria Virginis de Merce-  
de laudatur à Clemente VIII. in  
Brevi Apostolico. 108.

Quid sentiat de Dei concursu ad  
entitatem peccati. 109.

Patrocinatur sententia de irresi-  
stibilitate gratia ab intrinseco ef-  
ficacis. 284.

FINIS.











